

**OCTAVIJ FERRARIJ
PROLUSIONES
VIGINTISEX.
EPISTOLAE. ET
FORMULAE AD...**

Ottavio 1602-1682 Ferrari



8

37



Ex Bibliotheca
majori Coll. Rom.
Societ. Jesu

~~6-1-13-4-4~~


~~8-13-4-4~~

8, 8, a 53

~~74. 226
74
F
33
F
44~~

$$H \frac{2}{5}$$

**OCTAVII
FERRARI
OPERA VARIA.**



86 1/2

OCTAVII FERRARII

Prolusiones Vigintifex.

EPISTOLÆ.

ET

FORMVLÆ AD CAPIENDA DOCTORIS
Insignia.


ITEM VARIÆ INSCRIPTIONES.

Editio altera auctior & emendatior.



PATAVII, MDCLXVIII.

Typis Heredum Pauli Frambotti, Bibliop.
Superiorum Permissu.



ILLVSTRISS. ET GENEROSISS. D.

D. IOANNI LANDO
PATRICIO VENETO

Petrus Maria Frambottus Felicitatem.



Vnquam ego Nominis tui
fulgorem, blandam Sena-
tus spem, magnum Vene-
tæ rei incrementum, typis
meis præscribere ausus fuisset, nisi
scriptoris haud obscuri, cuius mo-
numenta recudo, fama, spem fecis-
set, qualecunq; munus fore tibi non
ingratum. Cum tu, & iudicio, quo
polles acerrimo, atque interioris li-
teraturæ studio minime vulgari, rem
suis momentis æstimare, & huma-
nitate, qua præstas, muneri pre-
tium, ac dignationem addere pos-
sis. Ego vero vna, eademq; operate

† 3 ipsam

ipsum , & auctorem demereri cupiam, qui nulli magis, quam tibi, labores suos nuncupari optat, seque olim in familiæ tuæ censum adscriptum gloriatur: fideque ac pietate in eandem, nemini mortalium concedit: maximis aui tui Hieronymi beneficijs cumulatus, ac pene obrutus. Quem virum, virtutis ac fortunæ dotibus spectatissimum, perque omnes honorum gradus, constanti sapientiæ, atq; integritatis fama euectum, legationibus, ac præfecturis semper sibi similem, Patauini Gymnasij Moderatorem beneficentissimum, immature ereptum, publica res luget, posteritas omnis loquetur. Grande quidem solatium, constansque votî fiducia, tanti aui merita, excessurum te: sicut eundem, rosea

oris dignitate, animi vigore, perpetuo de cunctis benemerendi studio, munificentia, comitate, & flagrantissima apud omnes gratia regeneras. Vtique atauorum gloriae non decessurus. Petri Principis, pietate, ac iustitia cum paucis comparandi. Francisci, Romanae bapha radiantis. Hieronymi, qui Patriarchali trabee decus addidisse visus est. Trium Archiepiscoporum, Petri, Ioannis, & Andreæ, lituo, & apice, sed magis sanctitate præfulgentium. Demum, ne omnes gentis fastos euoluam, Antonij D. Marci Procuratoris, & Venetarum copiarum cum summo Imperio tertium legati. Quorum imaginibus licet ita premaris, vt nihil eorum titulis accedere posse videatur, aliquid tamen maius & excelsius

cellius à te patria expectat . Patere
igitur Oratoris non indiferti, quique
facundiam magnis Regibus, ac Ve-
neto Senatui , qui confessus est Re-
gum, approbavit, meditamenta li-
teraria tibi inscribi, quæ eloquentiam
tuam, non tam instruant, quam ob-
lectent, eruditi otij diuerticula, cu-
rarum lenimenta. Dumq; auctor, vt
non vnum nomen dispungat, aliquid
te dignum molitur, paratis in ante-
cessum fruire. Nam ille, si tibi pla-
cuerit, omne punctum tulisse sibi
videbitur: ego non ignobili propa-
gandæ hominum memoriæ artificio,
quam cæteris polliceor nominis pe-
rennitate, tibi vni acceptam re-
feram. Vale.

Pat. ex Typogr. nostro VI. Cal. Iunias MDCLXVIII.

INDEX PROLVSIONVM.

D <i>E Veneta, ac Patavina Urbis laudibus. Prol. I.</i>	Pag. 1
<i>Apollo tuam fidem. Prol. II.</i>	10
<i>Inventus otium negotiosum. Prol. III.</i>	22
<i>Artium, ac disciplinarum auctio. Prol. IV.</i>	29
<i>Bos Patavina Academia titulus. Prol. V.</i>	41
<i>De Nuptijs Philologia. Prol. VI.</i>	49
<i>Suppetia Criticus lata. Prol. VII.</i>	59
<i>De Causis pereuntium literarum. Prol. VIII.</i>	67
<i>Literatorum infelicitas. Prol. IX.</i>	81
<i>De Studiorum necessitate. Prol. X.</i>	91
<i>Periculosa valetudinis, atque ancipitis curationis narratio. Prol. XI.</i>	102
<i>Quo pretio viri Principes literas, ac literatos habuerint. Prol. XII.</i>	104
<i>Praefatio ad Virgilij Aeneida.</i>	114
<i>Literatorum funus. Prol. XIII.</i>	116
<i>Inuicta Venetorum virtus. Prol. XIV.</i>	130
<i>De laudibus Francisci Putei apud Venetos Causarum Patroni. Prol. XV.</i>	145
<i>Athenae Italica. Prol. XVI.</i>	164
<i>Pro Cornelio Tacito Apologetica. Prol. XVII.</i>	181
<i>De Germania laudibus, Prol. XVIII.</i>	196
<i>Christina Abdicans. Prol. XIX.</i>	208
<i>Alexander Maximus. Prol. XX.</i>	221
<i>Valerij Libertatis Praestites. Prol. XXI.</i>	234
<i>Apotheosis Lazari Mocenici Veneta Classis Imperatori. Prol. XXII.</i>	248
<i>Ianus Clausus. Prol. XXIII.</i>	263
	Mu-

INDEX PROLVSIONVM.

<i>Musarum Secretum . Prol. XXIV.</i>	287
<i>Veneta Munificentia . Prol. XXV.</i>	296
<i>Peplus Venetus . Prol. XXVI.</i>	311
<i>Panegyricus Paulo Caesortæ dictus .</i>	338
<i>Alicer Ioanni Pisano dictus .</i>	342
<i>Pallas Suecica, Christina Gothorum, Vandalorum, ac Suecorum Regina Imperium auspicianti dictus .</i>	345
<i>Gymnasii Patavini Vota Suscepta , Pro Serenissimis ac Potentissimis Principibus Ferdinando Maria , Et Adelaide à Sabaudia Vtriusque Bauaria Ducibus , &c.</i>	367

SYLLABVS EPISTOLARVM.

A <i>Loysius Quirinius .</i>	396. 397. 404. 420
<i>Aloysius Valaressius .</i>	402
<i>Angelus Contarenus .</i>	387. 409. 410
<i>Antonius Besquius .</i>	438
<i>Antonius Blanchius .</i>	442
<i>Baptista Nanus .</i>	387
<i>Bartholomæus Bellonus .</i>	392
<i>Benedictus Syluaticus .</i>	449
<i>Carolus Bossius .</i>	384
<i>Carolus Litta .</i>	423
<i>Cassianus Puteus .</i>	393. 417
<i>Carolus Pona .</i>	430
<i>Cæsar Cardinalis Montius .</i>	405
<i>Cæsar Feramusca .</i>	420
<i>Christophorus S.R.E. Cardinalis .</i>	ibidem .
<i>Christophorus Vaghensilius .</i>	425
<i>Christophorus Pallanicinus .</i>	381
	Do-

INDEX EPISTOLARVM.

<i>Dominicus Molinus.</i>	373. 374. 375. 386
<i>Daniel Iustinianus.</i>	431
<i>Franciscus Sparacrius.</i>	427. 428. 429
<i>Fortunatus Scacchus.</i>	395. 403. 406
<i>Franciscus Bollandus.</i>	408. 411
<i>Franciscus & Daniel Iustiniani.</i>	391
<i>Franciscus Card. Barberinus.</i>	415
<i>Franciscus Claudinus.</i>	414
<i>Franciscus Lauredanus.</i>	390
<i>Franciscus Maurocenus.</i>	388
<i>Franciscus Vitellius.</i>	390. 412
<i>Gaspar Leonicus.</i>	392
<i>Gaudentius Paganinus.</i>	410
<i>Georgius Episcopus Cornetius.</i>	463
<i>Henricus Ernstius.</i>	404
<i>Hieronymus Trevisanus.</i>	388
<i>Jacobus Cruceolannus.</i>	399
<i>Jacobus Fannianus.</i>	379
<i>Jacobus Lindenouius.</i>	454
<i>Jacobus Marcellus.</i>	389
<i>Ianus Rosencranzius.</i>	424
<i>Ioannes Basadonna.</i>	386
<i>Io. Baptista Becius.</i>	433
<i>Io. Bapt. Colbertius.</i>	435. 436. 440. 441.
<i>Io. Baptista Donius.</i>	422
<i>Io. Baptista Soncinus.</i>	421
<i>Ioannes Borromaeus.</i>	375
<i>Ioannes Dominicus Sala.</i>	450
<i>Ioannes Nanius.</i>	378. 389. 407
<i>Ioannes Hussaus.</i>	407
<i>Ioannes Veslingius.</i>	453
<i>Ioannes Capellanus.</i>	437. 444. 445. 446. 447
<i>Iulius Cardinalis Roma.</i>	417
	Leo-

INDEX EPISTOLARVM.

<i>Leopoldus Princeps Medicus.</i>	412
<i>Leo Allatius.</i>	393
<i>Martinus, & Lodonius Fratres Vidmanni.</i>	467
<i>Martinus Foghelius.</i>	434
<i>Milanus Bentius.</i>	384. 413
<i>Moderatores Patavini Gymnasii.</i>	394. 419
<i>Nicolaus Crassus.</i>	391. 398
<i>Nicolaus de Ponte.</i>	401
<i>Paganinus Gaudentius.</i>	418. 421
<i>Paulus Caortorta.</i>	377. 380
<i>Petrus Basadonna.</i>	430
<i>Prorector, & Consiliarij Patavinae Universitatis.</i>	464
<i>Robertus Papafava.</i>	462
<i>Sereniss. Ferdinandus, & Sigismundus.</i>	4
<i>Valerius Chimentellus.</i>	43
<i>Vercellinus Maria Vicecomes.</i>	376. 38
<i>Vrbanus VIII.</i>	44
<i>Vrbis Veronensis Duum Viri.</i>	456

OCTA-

OCTAVII FERRARI

DE VENETÆ AC PATAVINÆ

Urbis Laudibus.

PROLVSIO I.



Vobis votis omnibus ab immortali Deo precatus fueram N. N. ut officium, operamque meam aliquando illi Reip. deferrem, cui Italia pars magna libertatem, scientiæ, ac disciplinæ lucem spiritumque, Vniuersus Orbis vnicum debet libertatis exemplum: id hodierna die supra spem quoque euenit cum in hoc scientiæ, ac literarum Prytanæum vocatus sum, ut magna Senatorum, magna Principum incrementa mitioribus studijs ad humanitatem, maiorisque fortunæ cultum informarem. Nam quid aut ego maius dextro pede concipere potuissem, quàm in eum splendorem adscisci, ut in celeberrimo totius Europæ Gymnasio immortalitati operarer? Aut præstabilius Augustissimæ Reip. extenuitate mea commodare, quàm numerosam eius spem, subolemque regnaturam ijs præceptis imbuerem, quibus nominis æternitatem sibi compararet, sicut æternam libertatem maiorum beneficio, consilio, ac viribus ab superis impetrasset?

Sed per hanc felicitatis imaginem velut quadrigis vehementem transuersa in me fata irruerunt, grauique, ac diutino morbo in mortem fractum, penè ab tanta spe deieccere, ut Apollinis sacra aditurus non tam studijs, quàm ægris corporibus propitium eius Numen experirer. Ita tardè, imò pe-

A ne

nè iam sero ad has Musarum , humanitatisque vestræ Aras
votorum compos ingentis lætitiæ causas expediam, quod in
hanc Urbem , in hanc Academiam ab sapientissimis , ac feli-
cissimis mortalium vocatus sum: beneficiumque recensendo
ita ex soluam, vt magis quid ego debeam, quam qui solu-
endo sum intelligatis.

Non sine causa mihi gratulor A. continuò enim gestienti
animo magna huiusce Urbis decora obuersantur. Proxima
celestibus origo, & ex Troiæ Halosæ affines Romanæ rei con-
ditores: Reip. post homines natos florentissimæ decus , ex
qua literæ, ac disciplinæ non per Italiam modo, sed per vni-
uersum Orbem sunt propagatæ . Nam ne princeps quidem
terrarum Orbis populus illaque Imperij sedes, ac domiciliū
Roma augustiora primordia aut optauit, aut habuit, quàm
quæ ex Pergami excidio, Asiæque pollentis ruente Imperio,
pandentibus viam fatis per decantata vatibus maria, vastos-
que terrarum tractus sunt constituta . Cum clarissimi Duces
Regio sanguine, alter pietate, alter hospitij fide inclitus ead-
em in terrâ Ilij ruinas repararent , atque eodem præfagio
vterque summum Imperium genti suæ auguraretur. Sed di-
uerso prorsus exitu, postquam Orbis domitrix Vrbs, primo
libertatem, post barbarorum præda, ac ludibrium cum li-
bertate Imperium amisit . Hæc ciuitas modestis initijs, nec
porrecta ad vtrumque solem regnandi libidine, licet non vt
illa gentes omnes more fulminis corripuit , ac debellauit,
totius tamen Orbis in tantum decus insurgentis viribus par,
& mox superior Venetæ Reip. auspicijs, ac viribus, eiusdem
mitissimo Imperio, ac maximis libertatis bonis est recreata .
Imò antiquiora vobis Romana gentis primordia fuisse, nemo
potest ignorare , qui obnoxium licet Romuli nepotibus va-
tem audiet non dissimulantem

Antenor potuit medijs clapsus Achuis

Illyricos penetrare sinus, atque intima tutus

Regna Liburnorum, & fontem superare Timaui

Hic

*Hic tamen ille Urbem Pataui , sedesque locauit
Tencrorum & genti nomen dedit , armaque fixit
Troia , nunc placida compositus pace quiescit .*

Hic igitur primo Danaum reliquæ longi erroris finem posuere , quo tempore cæteri cum fati simul , atque vndis luctarentur : & antequam in Orbis Imperium , septemque colles Lauinium , atque Alba excresceret , huius Urbis fundamēta augusto augurio sunt posita: vt voluentibus annis Vrbs altera in maris non Coloniam , sed Imperium deduceretur , quæ vt olim Troia Deorum manu mœnita fixum vestigium in instabili elemento firmaret , solaque non Italiæ modo sed Europæ Urbium , concusso perpetuis bellis Orbe , alta pace frueretur , atque intactam ab origine per omne æuum libertatem , in seruientis Italiæ vel pudorem , vel solatium incredibili laude conseruaret . Quid enim diuinius Veneta Republica , aut superi terris commodare , aut homines optare potuerunt ? Ad quam condendam non pastorius grex , non flagitijs onerata colluies , non facinorum omnium Asylum , sed vetustissimæ nobilitatis (quod olim de se Athenienses iactarunt) eodem solo editæ cætus confluit : in qua exornanda contendisse virtus , ac fortuna videntur . Et vt cæteris penè partibus cum Romana maiestate contendat , ita libertate , qua nihil maius in terris esse constat , multo antecellit . Illa veterum liberarum Urbium vicisse gloriam ferebatur , quæ fato , vel virijs tandem fatiscentes ita interiøre , vt tenuis tantum earum memoria ad nos peruenerit . Quò veteres Athenæ ? quo fortis Lacedæmon ? quo æmula Carthago celsistis ?

*O faciles dare summa Deos , eademque tueri
Difficiles !*

Donec ipsa quoque Romana Resp. magnitudine laborans sua , senescente cum viribus maiestate incubuit sibi , ac pudendo obsequio vnus familiæ mancipium facta , prolapsa paulisper , attritaque & veluti repetente partes suas Orbe ,

A 2 ac

ac reddente clades misere hinc inde lacerata, sola iam Numi-
 nis sacrorumque maiestate tuetur vetustæ dignitatis fugiti-
 uam memoriam. Veneta Respublica victis intestinis discor-
 dijs, quæ pulcherrima Imperia labefecerunt, externis bellis
 roties appetita non ab barbarorum modo vi, atque impetû,
 sed penè dixerim oculis intactam pudicitiam suam conser-
 uauit, dilapsaque Cœlo non Ancyliæ, sed æternæ libertatis
 secreta pignora tam sedulo custodiuit, vt libertas eadem
 omnibus expulsa terris olimque fugata, hic stabile solium,
 sedemque perpetuo constituerit. Vetus parens Troia arma-
 tam Græciam decennio sustinuit, vt maiore casu fracta col-
 laboretur: Hæc exteris gentibus in eius perniciem conspirā-
 tibus non suis modo sedibus excitam Germaniam, (quis
 credat?) Sed Gallos, sed Hispanos, pudet dicere Italiam
 quoque suam liuoris stimulis agitatam eodem tempore hac
 in Vrbe excepit, & repulit, seque solam inaudita fortitudine
 libertate dignam Dijs ostendit, quæ in turpe seruitium deie-
 ctum Orbem, tracturum se in eandem aleam libertatis admo-
 nuit, atque a male sana cupiditate prodigiosa vi absterruit.
 Iactet vsque ad fastidium Græcia mendax Thermopylarum
 angustias contra immensos exercitus a paucis seruatas, Ro-
 manæ rei laudatores adstrepant, exigua manu fusas ingentes
 hostium copias, reperient nusquam vnâ urbem irruentis
 Orbis furore non victam, non territam, amisso continentis
 Imperio vt maiori laude illud reciperet augustiorem ex cla-
 dibus emeruisse. Cætera huius Reip. decora atque inaudita
 facinora recensere non huius loci est, non huius ingenij, con-
 sumpta iam, atque exhausta Oratorum facundia, ipsisque ho-
 stibus in laudem, atque admirationem pulcherrimi Imperij
 conuersis. Illud vnum addam, rem Venetam hoc etiam Ro-
 mana præstitisse, quod licet vtræque acerrimos libertatis cu-
 stodes tulerit, Veneta tanquam solum nullius malæ arboris
 patiens illas libertatis pestes, illa Reip. venena respuens
 nullos Cæsares tulit, aluitque, qui pessimo exemplo publicam
 vim

vim sibi, ac postremo barbaris manciparunt. Factiosorum ciuium immodica potentia, quorum alter parem, alter superiorem ferre non poterat, atque hinc supergressa ciuilem modum Magni auctoritas, illinc Gallico robore, sexagintaque triumphis inflata ducis eius virtus, qui regnandi causa violari posse Ius credidit, faces fuere quibus correpta Romana Resp. miserabili incendio conflagrauit. Imbuti cædè Philippi: cognatæ acies: bellum sine hoste: & nobiliores Cannis Pharsalici campi cum Repub. libertatem pessum dedere. Et depulsum foret pulcherrimo facinore crudum adhuc seruitium, quum, qui armatos exercitus solo aspectu exterruerat togatorum victima libertati cecidit: nisi labentis Reip. fato Augustus non armis, ac viribus, sed annonæ, sed largitione morientis libertatis extremas reliquias expugnasset. Quæ ideo ex diuerticulo retuli vt comparatione dissimili Reip. Venetæ virtus, ac fortuna enitesceret, quæ viribus suis non succumbens, longa licet felicitate, & indulgentia fortunæ affluente voluptatum copia, luxu tamen, ac vitij expulsi, quibus maxima Imperia corruerunt, iras ciuiles in hostes vertit, ciues autem eos tulit, quibus semper libertatis amore vilior vita fuit, ac domi forisque illæsa, plusquam ciuilia agitantibus vel non habuit, vel e medio opportune sustulit. Illa enim propria huius Reip. nec cum alijs communia habita sunt, prudentiæ, ac consiliorum præstantia, quibus magis quam viribus æternitas libertati conciliata est. Non Areopagus, non Ephori, non Curia Quirinalis quidquam sibi huius laudis possunt vindicare.

Hæc a me leniter perstricta ac delibata minima pars laudum est Venetæ Reip. decoris ingenij nunquam satis memoratæ, licet æquis semper præconijs ab maioribus, vel quæ recens ætas cumulatiora inuenit, fuerit exornata. Eò enim Oratio nostra spectat, tenditque, quod instituti nostri, huiusque loci proprium magis videtur, quamobrem mihi letandum sit, quod in hoc Gymnasium ab musarum Triumuiris,

ſtudiorumque Moderatoribus Ampliſſimis ſim cooptatus. Reliqua enim huius, ac Venetæ Urbis decora adexteris quoslibet viſuros magna naturæ, artiſque miracula pertinere poſſunt, hoc eorum beneficium peculiare eſt, quicumque in hac Academia animorum cultum accipiunt feruntque. Hic igitur Reſp. non Imperio modo Veneto, ſed Europæ, atque Orbi vniuerſo ludum aperuit, propeque inter mortuas literas ab barbarorum ſepulchris excitauit. Hic inquam conſtituit diſciplinarum omnium officinam, in qua præclara ingenia ad æternam famam excuduntur. Inſtruſſimum armamentarium, ex quo omne telorum genus debellandis ignorantia monſtris, ac producendo bonarum artium pomærio depromitur. Religioſiſſimum Delubrum, ad quod Aeternitatis monumenta Doctores appendunt. Scientiarum emporium celeberrimum, in quo vltro, citroque commeantes ciues, & aduenæ ſtudijs ac laboribus immortalitatem negotiantur. Nobilem palæſtram ex cuius Vmbratili exercitatione in Cælum ac Solem quotidie clariffima ingenia producuntur. Aerarium muſarum diſtiſſimum, vnde immenſas ingenij opes, qui illud intrarunt ſolent reportare. Fatalem equum fortibus viris ſemper foetum, non excidio Troiæ, ſed mortalium ſaluti diuina Palladis arte ædificatum. Famæ Theatrum pulcherrimum, in quo ſpectator Orbis vniuerſus vario dramate omnium ſcientiarum Actoribus multiplici ſcena applaudit. Sapientia Muſcum inclitum, quo bonæ literæ conuolarunt. Apollinis oraculum certiſſimum vnde reſponſa, ac ſortes Senatus populuſque literatorum petit. Poſtremo Mineræ ſacrarium ſanctiſſimum in quo literarij Regni fatale Palladium auita Religione conſeruatur. Nam cum artes omnes, ac diſciplinæ Italia terra pulſæ vel oberrarent, vel barbarorum irruptionibus eſſent exitio proximæ, tutiſſimum in hac Vrbe Aſylum inuenerunt, vbi ſe dum fœdâ tempeſtas deſœuiret furori ſubducerent, mox recreatæ reliquis Vrbiſus hoc præſidio, atque ornameto deſtitutis diſtribuerentur.

zur. O te beatam Urbem nullique seculo silendam, quæ nisi profugas literas hospitio excepisses, totque ærumnis propè expirantes vitæ, ac luci reddisses, extrema barbaries cuncta miserè defœdasset. Deductæ hinc in alias partes scientiæ: euocati amplissimis præmijs maximi viri: inuitatæ exteri gētes benignitate hospitij: comitate, atque originis gloria terrarum Orbis allectus. Sed propè miraculo est, sapientissimorum hominum in hac Academia felicissimus omni ætate proventus, ut facilius, sit doctum virum quàm hominem inuenire. Hi Musarum mystæ arcana sapientiæ euulgant, Orbemque scientiarum dum singuli symbolas conferunt, perfectè absoluunt. Cum tamen plerique profiteri scientias omnes possint, munusque singulorum adimplere. Quandonam communicatæ facilius per interpretes doctissimos mortalibus res diuinæ? An vnquam religiosius Astræa fuit exculta? Vbi nam Hygia salusque benignius mortales respexerunt? Nunquam maiori certè apparatu producta e latebris suis sapientia. Vbi vero lætius flexanima dicendi vis se circumspexit? At quam belle circumducta detergo squalore vetustas! Quam facilè reconditæ artes, linguarumque cognitio multiplex euulgata! Et veteres quidem Academiæ pari cum rebus publicis fortuna inuolutæ solum nomen ac memoriam sui conseruât: hæc vetusta origine perennat, stabitque donec literæ, donec homines erunt. Idem enim siue fatum siue bellorum rabies quæ florentissima Imperia, quæ Resp. & Vrbes maximas strauit Gymnasijs etiam exitio fuit, quæ magnis ruinis sunt contumulata. Alias Vrbes potentior hostis conuellit: hæc intestinis discordijs consumpta est: illam æmulatio mutuis cladi- bus attriuit, luxus pessundedit, otium tabefecit, squalor ac barbaries miserè deformauit. Quid Patauinæ Academiæ timendum est, quæ æternæ libertatis fundamentis est imposita? Florentes quondam, ipsiusque sapientiæ vestigijs sacratæ Athenæ Atticæ in loco ubi fuere quæruntur, Romanum nomen cum studijs literarum intercidit. Hic mutuo ad im-

mortalitatem Reip., sacra literarum peraguntur, & literarum perpetuitati libertatis mysteria operantur. Valeant igitur antiqua Gymnasia, atque hoc decus erudiendi humani generis Patauio concedant. Huc subolem gentesque Regesque & Latium mittat, vt ex hoc veluti Oceano vberes lymphæ dimanent, quæis irrigatus Orbis literarum, fœcunditati excolatur. Huc ferox Germania armorum gloria Orbis Imperio Romanisque Aquilis digna. Huc victrix semper, ac triumphatrix Gallia, huc rigidi Septentrionis tractus iuuentam Martio spiritu plenam mittat, vt initiati bellis animi felicissimo Italiæ genio, literisque mansuescant, referantque postmodum ad suos amorem erga hanc Urbem studiorum suorum astrictem, ac maximæ Reip. coniunctam admirationi memoriam, quæ nullis sumptibus, nullis laboribus parcat, vt hæc iure constitutum literis Regnum, conseruatæ scientiæ disseminatæ artes, ac disciplinæ dicantur.

Me verò quanto cfferi gaudio par est, qui in huius gloriæ laudem, ac partem sim allectus? Nonne si quid ingenij in me est, aut exercitationis, id omne obsequijs vestris addicere æquum fuit? Nonne vires, ac spiritum beneficentissimæ Vrbi, & nunquam interituræ gloriæ huius Gymnasij Moderatoribus consecrare, non labores omnes, ac postremo vitam ipsam impendere? Cum præterea ad huius diei hilaritatem augendam velut de industria lætitiæ causas cumulante fortuna illud quoque accedat, quòd duo Clarissima Veneti Senatus lumina Zacharias Sagredus, & Io. Barbadicus Gymnasium hoc maiestate sua impleuerint. Qui autem viri Deus immortalis! Magnæ fortunæ præsidij omnibus, atque ornamentis instructissimi, omni regnantium arte exculsi, digni prorsus tanto Imperio, & quorum vultu Venetæ Reip. maiestas emineat, vt purpuratorum patrum dignitatem, ac grauitatem comitatis plenissimam in eorumdem ore liceat intueri. Sed parcam extrema Oratione magnas laudes exordiri, nam quidquid dixerò minus erit. Cum præterea omnis Reip. laus

amc

ame leniter designata in vos redundet vniuersa, qui illius pars magna estis quotidieque egregiis factis eiusdem, ac seculi gloriam exornatis. Sospitet vos præpotens Deus, Rei bonoque publico incolumes, atque non degeneraturos à tanta gloria liberos fortunet. Tam proluxa enim humanitate effecistis, vt quantum vobis debeam animo complectar persequi Oratione non possim. Dixi.

VINCENTIO CAPELLO.

IOANNI NANNIO.

ANGELO EQVITI CONTARENO

Patauini Gymnasij Moderatoribus.

OCTAVIVS FERRARIVS FEL.

H Anc Venetæ, ac Patauinæ Vrbis laudationem Nomi-
ni Vestro Amplissimo consecrare ausus sum, quod ea
qualiscunque demum esset vobis, debebatur. Vestris auspi-
cijs concepta, vestrum primo Cælum hauserat, vestra de-
mum humanitate educta, atque ornata superbæ auris fasti-
dium lucemque pati posse videbatur. Præterea cum Augu-
stissimæ Reip. verissimas laudes strictim exequitur, vestrum
decus dissimulare non potest, qui vt omnia vno verbo com-
plectar in eum Senatum allecti estis, quem iure Regum con-
fessum appellaret ille, vbi nullum tamen est Regnum: vbi
mortales Magistratus sunt, Libertas æterna, qua Vos Italiæ
vltimus verusque sanguis mortalium felicissimi viuitis, imò
propter quam. Patauini verò Gymnasij decora non ad vos
redeunt vniuersa? Qui constituendæ Reip. Literariæ Trium-
viri creati hanc Vestram Academiã, non accito modo, quod
vsquam egregium, ac laudabile est, collustratis: sed im-
mortalibus vestris in patriam, atque in rem literariam meri-
tis, ac propè diuina humanitate admirabilem Orbi redditis.

Ita

Ita cum vestro consilio ac virtute domi, forisque Resp. vteretur eloquentiam quoq; adprobauit cum voce vestra apud Maximos Reges loqueretur. Amant ergo vos Musæ, quod eas in intima Ciuilis prudentiæ admittitis, nostraq; demum studia sibi placent, quum ad excolendas regnantium artes adsciscuntur. Neque ego vereor, ne hæc assentandi libidine a me dici videatur: nam & vos omni laude maiores estis: & nos iis locis esse gloriamur vbi rara felicitate sentire quæ velis, & quæ sentias dicere licet.

Valete Patauii Non. Feb. M. DC. XXXV.

APOLLO TVAM FIDEM

Prolusio I I.

D. M. S.

Et

Aeternæ Memoræ

Dominici Molini Senatoris Veneti.

Hoc vnum Apollinis infelicitati deerrat, vt tu Heros magne desertis rebus humanis adsuperos recederes, & si non tecum natus, at tecum interituras in Italia literas exitio tuo traheres. Tu mora factorum: te stante stetit musarum Regnum: ad te Apollo Magnus quondam & arcitenens post Cælo terrisque iactatus confugerat, & strenuè fatali inertiae oblectabatur. Quo nunc se vertat infelix quique in exitu tuo omnia mala coniunxit? Exilio assuetus deseret aurum solum sedemque barbara in terra quæret? Hos funebres fortunæ ludos memoriæ tuæ sacrare placuit, simulque seculi liuorem, ac maciem viuentes inferias,

Et dignas funere Magni

dare, quodque in terris moranti destinaram præstare extincto. Quid enim attinuit Regibus, Regumque filiis Musarum præ

præsidem sistere? Ab Regibus ille seruiliter semper exceptus est, nosq; nolumus sub Apollinis schema pudorem mendicantem protrudere, ac per eius infortunia ignauia assentari. Seruire nunquam didicimus, utique postquam in hæc libertatis regna tuis auspicijs inducti sumus. Sis bonus ò felixq; tuis. Tua Cœlo recepta mens miserrimo faueat, consiliorumque, & operum memoria regat, qui solus effecisti ne hic ut olim Romæ Apollinem vel Tortorem vel tortum haberemus, non ubique infelicem. Fremat liuor non semper post fata quiescens, plus ne tibi publica res an literaria debeat incertum est, vtraque plurimum debet. Salue, æternumque Vale.

P R O L U S I O .

Fortunæ ludus impotens, ac peruicax ut cetera rerum humanarum pro libidine temperat, ita literas, ac disciplinas perpetuo exercet, & vexat, doctosq; homines adeo infectatur & premit, ut laborum, ac vigiliarum id vnum pretium ferant, quod inter acerbissimas contumelias extrema rerum egestate sæpè spiritum effundant, omnibus certè risum debeant, ac ludibrium. Quid seculo inuidiam facere præstat & veteris recentisque ætatis memoriam onerando doctorem calamitatem citare in luctum? Communis omnium conditio est quicumque amant bonam mentem, ut eos diuitiæ, & opes oderint. Hi sordido ministerio ægre famem propulsarunt: hos squalore oblitos sordes exederunt: illi nocturnam puteis operam locarunt, quam interdiu nobilioribus sapientiæ lymphis præstarent. Quid in pistrinum redactos loquar molamque versantes, & quasi cum factorum malignitate diuiderent, diem fortunæ, noctem Musis partiariorum impendentes? Quid qui in ergastulo seruile opus fecerunt? Quot sine lare, & tecto sub dio abnoctantes & regis vicem Cœlo opertos inopia extinxit? Quot humani generis

neris conspiratione oppressi sunt, nec saltem miti obitu calamitatibus exempti? Hi gladios iugulis infecerunt: illi ingentibus animis exitum interclusere: hi non sufficere lacerantibus: isti ne fame perirent damnatum spiritum inedia eliserunt: hos dira potio abstulit: illi libertatem ab iaculis venis impetrarunt: quosdam fluctus hausere: ceteri lucem perosi infelices animas ab tristissimo domicilio igne, ferro, & cruciatibus expulerunt.

Fatum, fatum literatorum est, quod literarum parens, ac Deus Apollo & expressit, & tristi exemplo transmisit ad posteros, Deus licet, neque ex minutis, ac capite censis, ingenio egregie ad miseriam natus, ad extremam egestatem redactus, & in omni suscepto negotio infelicissimus. Ferunt enim eius alumni ac clientes poetæ, postquam Aesculapius opaca barba parente suo venerabilior, quod refractis mortis repagulis infernæ dominationis arcana, ac parcarum decreta resolvere ausus esset, fulmine vita deiectus est, orbitatis dolore amentem Apollinem, & parenti Ioui nequicquam obiratum, ultionis solatium in Cyclopa, qui tonanti fulmen parauerant vertisse, ipsque necatis Vulcani fabricam fecisse vacuam.

Ex canduit enimvero Iupiter, & diu multumque dubitavit, an in Tartara siderum moderatorem abstruderet. Sed Deorum precibus placatus, satis habuit imposita capitis diminutione in exilium pellere, ut non tam solum verteret, quam Cœlum, & deposita diuinitate inter homines doctæ posteritatis infelicitatem auspicaretur. Ita in terras deportatus est adhuc filium lugens Apollo, imbellis, profugus humanæ ac diuinæ opis egentissimus. Quid ageret malis omnibus addictus quæcumque mortalium sortem consequuntur? quo se verteret homo novus, & qui licet vno obtutu totum Orbem lustraret, nil nisi calamitates suas, & exilii miseras contueretur? Nullam artem nouerat, & licet Aesculapius id excogitasset, quo quis facile animarum negotia-

gotiatione vna cum Libitina dicesceret, omen tamen, & malorum originem exhorrescebat, iamque vna litera plusquam medicus erat. Nondum Themidis templum intrauerat in quo responsa redderet, quæ nec ipse intelligeret, nondumq; positis Romæ ædibus inter forensia pecora cultus fuerat. Ex literis solam poesim didicerat, idest paupertatis & esuritionum magistræ. Quid expectamus? Regii pecoris magistro mercede operam addixit, & pecudum custos, ac caprimulgus factus est.

Dic mihi Damata cuium pecus, an Melibai?

Non, verum Aegonis, nuper mihi tradidit Aegon.

Infelix o semper ouis pecus!

Sic ille armenta paut, cuius vi genitali per decidua rerum semina natura parens alitur, & vegetatur. Sic gregibus septus incescit, qui innumerabilibus comitatus sideribus mortalibus, & immortalibus lucem tulerat. Sic pauperis tugurii culmine maiestatem arctauit, cuius potestas, atque amplitudo vniuersi domicilium implebat. Sic agresti carmine siluas permulsi, qui celestium orbium diuinum melos solis Pythagoreis auditum temperauerat. Vos meliorem sortem Phœbæi mystæ expectabitis, cum Rex vester vobis præiuerit quam de rebus communibus spem conciperetis. Pastor Apollo fuit, bubulcus, bubse qua, & a Pythiis ad Nemea se contulit. Neque tamen illud crediderim tunc ob inopiâ honores lauri vendere coactum, spectatosque non semel ex tempestate arietes laureatos, & laureatos boues: nam Asinorum priuilegium ad hanc diem durare creditur. Nec tam illi hoc graue fuit, quam quod cæstro percitum gregem, & plusquam ciuilia cornigeri populi bella spectare cogeretur. Cum ibi tauros ad pugnam amore incensos videret: hic grandes hircos, & annosos sapienti barba cum ipso Platone certaturos, non pro vxoribus, sed de lana propria, qua parte plurimum possunt, & sunt misere contententes. Augur enim præfagiebat quam fæda certamina alumnos suos

ma.

manerent, qui pacatum musarum regnum hostili rabie sum;
prisque de triuio ac lupanari maledictis essent inquietaturi.
Illud etiam iniquo animo ferens, quod quoniam scripturiē-
di morbo plerique tangerentur Apollo Medicus, ac Pæan,
idemque Alexicacus, & Apellens malam hanc sanare por-
riginem non posset.

Illud certe molestissimum accidit, quod cum luporum
ac prædonum vim a grege arcuisset ab domesticis cauere in-
sidiis non potuit, Mercurii dolo mulctatus bobus, & arcu,
quem vnum ex tot opibus secum tulerat.

Titire coge pecus, tu post carecta latebas.

Et iam tum fore diuinabat, vt hæc Spartana furtorum licen-
tia liberime exerceretur ab suis, ac Mercurii clientibus,
tam callide tamen, vt ipse Deus Index eludi posset. Id vnum
solatio fuisse credi par est, quod magnum illud arcanum vel
oculis vsurparet, vel animo

Ipse sed in pratis aries iam suauē rubenti

Murise iam croceo mutabit vellera luto

Sponte sua sandix pascentes vestiet agnos.

Et quasi nil aliud promittere posset Apollo hic Nomius, id
Laomedonti fuit, quod Admeto præstiterat. Nam cum ip-
se, ac Neptunus patruus diurnis quæstibus paupertatem
expellerent Phrygiæ Rex annua mercede sibi addixit terræ
quassatorem, & regnatorem siderum. Et Neptunus quidē
Trojæ urbem diuina manu mœniuit.

*Phœbe tu autem erranti gressu gradientes & lunatis cornibus
bones pascebas*

Idē in iugis.

Sed eiusdem erat, & seruire superbo Regi, & mercede frau-
dari. Vbi enim (ait magnus ille senex fatorum inuidia cum
suo Apolline certaturus)

Mercedis diem gratissima hora

Attulerunt, tunc nos fraudauit mercede tota

Laomedon terribilis minatusque dimisit.

Qui

Qui vilissima hæc & nequam mancipia tantum non in ergastulum coniecit. Quid autem minatus est?

Tibi ille minatus est pedes & manus desuper

Et venditarum insulis in extremis

Affirmabat autem idem virique se abscissurum aures ferro,

Nos autem retrogradi abibamus.

Ex hoc casu discere omnes licet. Quippe ab ipso ortu tot infortuniis vexatus est, quæ non alius quam literarum parens perferre potuisset. Obiectus calamitatibus, antequam calamitatum capax esset, interdicta luce in ipso lucis ortu, & reclusus in parentis alvum, quum Iunonis furiis agitata Latona, iratam Lucinam ferret, nec edere in lucem posset ipsius auctorem lucis. Quid cunabula loquar nusquam certa, & per instabile elementum, fluitantia? Quasi nulla tellus fixum ac stabile solum illi præbere vellet, cuius posteritas incerto lare ac sedibus esset vagatura. Quid obiectam Pythoni infantiam loquar, & pœnè serpentis ingluvie absumptum cuius affeclas malus liuor, & cum pædore tabes esset consumptura?

Saltem felices Hymenæos sensisset Deorum formosissimus.

Primus amor Phæbi Daphne.

Reliqua nouistis. Et licet verbosus amator fortunam suam, ac pastoriæ vitam dissimulans caneret.

Non ego sum pastor, non hic armenta gregesque

Horridus obferuo.

Fugacissimam puellam nactus non ceruam pro Virgine, sed laurum succidaneam inuenit. Plane ne ullus postilla amans ætatu læ magis, formæque, & ingenio, quam auro, & parti illi inqua miranda potentia fari, in promerendis puellarum animis confideret. Ne alterum hic Apollinis amorè loquar.

Flectit ab inniso morientia lumina disco

Ocubalius Phæbi culpa, dolorque puer.

Ob quod facinus etiam nunc poetarum natio non bene audire

dire creditur. Et ideo existimo Aegyptios Oro, qui & Sol creditus est Scarabæum sacrasse.

Fœdior eius calamitas in Coronide Nympha fuit, quam vt mitiorem Daphne sensit, sic odium Daphnis præoptasset. Nam noua nupta non contenta cœlitum pulcherrimo, ipsi de more nouo incremento tempora adauxit, vt inter flauam cæsariem & micantes radios aliquid promineret: credo ne Baccho, aut pastorum Deo inuideret. Non mediocri eorum leuamento, quos studiis intentos, ne a rerum contemplatione intempestiuè matres familias auertant, illis liberos aduersus libros ex conuentitiis patribus regerunt.

Credo equidem, nec vana fides, genus esse Deorum.

Magis mirum est leuem hunc & vltatum lapsum iniquo animo Phœbum tulisse, nam ex Capricorno ad Sagittarium reuolutus probrum telis vltus est, ne posteriori æuo aut exemplum deesset, aut conuicium.

Nam quòd ad liberos attinet non satiata Aesculapii casu fortuna nouo funere serenos parentis vultus inuoluit, cuius ipse instrumentum esse coactus est. Nam cum Phaëron & auriga, & incendiarius, quod

Sapè etiam steriles incendere profuit agros.

supremam Orbis Halosin acceleraret vita, & curru tonantis dextra deiectus est, quasi fatale esset Apollinis liberis siedere adflatis deflagrare. Redintegrato luctu statuit orbus & cœlebs nihil liberorum tollere, & Iuliis rogationibus obnunciare. Inde mulierum osor factus est, ne rursus aliquid in pœnam progigneret.

Sed tristem hanc calamitatum scenam discutere videtur quòd minorum luminum regnator est, Menotyrrannus, Inuictus, fons lucis, vitæ parens, & tempestatum moderator, & cetera, quæ vates excogitarunt, vt misere cadens carnè suffulcirent. Atqui hoc ipso intelicissimus est, vagus, & inquietus, & incostans, se quoque fugit, & insequitur, ac veluti mole in pistrino adstitutus, propellitur ad incurua spatia flexuosius natis,

malis, ut in orbe termini circumfluentis reciproco gressu sua recalcans vestigia vagetur errore cerso. Cuius exemplo Phœbei parasiti multiuiro circuitu intorquent molas ambage varia, nec die tantum, verum perpeti etiam nocte prorsus instabili machinarum vertigine lucubrant peruigilem farinam: plures circa præsепium capitea demersi contruncant moles palearum. Sic ille & perdius, & per nox agitator vtraque Orbis metas inuisit, nec momento quidem temporis interiungere potest, & quod est iniquissimum bonis, ac malis, imò etiam literarum hostibus lucret. Quod si tradita alteri lampade tantisper ab aurigando cessat, non cum ceteris Dijs accumbens delectatur conuiuio æquali: sed dum alii se necare inuitant, cithara crinitus loapas inter Musas carmina diuidit, nec aliud quam suos lumnæque labores in solatium canit.

Et tempus illi vacare creditis, quo consulentibus responsa det & per tot locis dispersa Oracula Ius humano generi ut fieri solet non tam dicat, quam inuoluat, & implicet? Præsertim cum poeticè sæpius, quam humanè respondere cogatur: idque ex tempore ut suas quoque leges, ac metra transcendat. Et quod tristissimum est tripodes, & cortinas incolit, ac furentium foeminarum anghela pectora non per os implere adigitur sed quò res occultior sit, vtero recusso infernos locos alternis ire, ac redire, miserasque antistitas secum luctantes inequitare, ac premere, totoque antro bacchantes agere, & alieno pectore insanire. At hercules illa quam sunt indigna, quod inter feras ac monstra in Cœlum relata perpetuum iter habet, & quocumque oculos vertit non tam familiares sibi quondam Arietes, & Tauros contuetur, quam Leonibus, & Vrlis, Nepis, & Cancris, Dragonibus & Sagittariis velut in arena obiectum se videt, ut iam vel armenta loquatur, dum per metum, & pestes Orbem remittitur. Et indignabuntur post hac eius clientes sibi belluarum contubernium obuénisse, ut hinc feros rictus, & palantes genas, hinc cornua, & acutas aures aspiciant, si lite-

B rarum

Apul.
lib. 2.

Ilind. 2
Aeni. 1

Io. Chr
ysof. ho
mil. 29
in ep. 1.
ad Cor.

rarum pârens humi inter pecudes, inter monstra, & feras vi-
tam in Cœlo degit?

Illud haud minimum malorum existimandum est, quod
omnia videre, & audire in pœnam compellitur. Sic profu-
gas toto orbe literas, aulisque & tribunalibus pulsas, musas
quæstum corpore tolerantes, miserosque poetas Arcadicis
heris liram personantes siccis oculis contuetur. Claudere
saltem lumina, atque aures posset, nec porrecto iugulo ama-
ras historias audire cogeretur. Semel aut iterum olim ad
Thebanas epulas retro egit currum, inuoluitque tenebris
diem: obduxit nunc stomacho callum, cepitque hoc illi fa-
miliare spectaculum esse, pro quo perpetuis olim tenebris
Orbem damnasset. Etiam olentia ineptorum poetarum car-
mina legere, & audire cogitur, semperque auditor, & ve-
xatus toties, poeta licet reponere non potest: videtque ge-
nus hoc hominum, quoties a se exire cœpit araneantibus
faucibus sexcentos versus singultire, nec vllis calamitati-
bus compelli posse ad bonam mentem, clamatq; identidem

Disce puer virtutem ex me verosque labores

Fortunam ex alijs.

Et Delium in sublimi Orbis specula constitutum vates ac-
cusabunt vltcrius, quod nimis curiosis luminibus cuncta
perlustret, & arcana domorum, amorisque furta improbe
rimetur? Sic Martem alieni thori subsefforem tardipedi
Deo indicasse fertur, eiusque beneficio iucundum specacu-
lum immortalibus esse obiectum. Neque tamen id Pappiæ
legis amore, a qua se nunquam infibulari vates passi sunt.
Nam postquam duo illa sidera coniuncta sunt in amicitia &
lecto, magnisque sub diuo testibus res comprobata est, in-
genue Marti Apollo inuidet, nec satis hanc contumeliam
concoquere potest, quod in Veneris matrimonio intonsus
ipse, & Acerse comes distorto, & claudio posthabitus esset
æterna caminorum fuligine obfuso, cum sibi insuper carmi-
na essent, quibus tantopere puellarum animi capiuntur, ni-
si ali-

Si aliquæ nummos præferunt, quibus carmina, & ipsos poetæ emercentur.

Hæc illi merito contigisse existimant, quod literas vel didicerit, vel inuenerit, ut eius exemplo adolescentes non tam literarum, quam infelicitatis rudimenta ponerent. Sæuos superos, infestos æquè mortales Apollo expertus est. Audet eum Marfyas in cantus certamen prouocare. Auritus iudex constituitur, qui ne expectato quidem ut deliberasse videretur Marfya litem adiudicat.

Auriculas Asini quis non habet?

Ex eo tempore Midæ de viris doctis iudicium ferunt, & pro sua, hoc est pro maiori parte pronunciant, nec a fortunæ iudicio desiscunt, quæ fatali præiudicio non elephantri, sed tardissimæ pecudis corium laturis sententiam circumposuit atque egregios viros inter fontes numerat, imò inter damnatos.

Nec alio furiarum genere inquietantur, qui ignauiam, & perfidiam huic Deo obiectant, hancque parenti suo gratiæ vates ingratißimi referunt. Quasi non satis ærumnarum esset, nisi ab alumnis, ac posteris impiè laceraretur. Sic Iliacis temporibus cum imbelles Diui, Deæque tenerrimæ, prælio miscerentur, & manus contra consererent, solum Apollinè fermè pugna abstuisse commenti sunt, & quories certamine opus esset, aut Aegida concutere, aut auersos homines inhonesto vulnere configere, aut certè eminus iaculis rem gerere, & mollis adulteri tela in Acacidæ corpus dirigere. Sed quid attinet hisce diutius immorari? Quam tenues illi semper res fuerint, quamque fractæ, ac concisæ satis declarant, quæ heredibus suis mandauit, sacraque habere, & colere iussit. Augustam illam Musarum sedem, ac bicipitem collem petite, illico infelicitatis vestræ tristia monumenta in oculos incurrent. Quid enim aliud quam antra, & rupes inuenietis, cautesque ac dumeta, & arescentes morientium herbarum fibras? Quis inde alimenta expedit, & gratuita

ventri supplementa dabit? Arbores sacre, & coronaturæ
quàm doctōrum, tam ebriosorum tempora lauri, & edere
quales eruditorum spes, infrugifere sunt, & virides semper-
que parturientes nihil pariunt. Mordete laurum vaticina-
turi, baccas pascite, nisi satis vobis fauces inamarefcent,
ego capillum promittam, & sine lauro hariolus, vobis fame
pereundum esse coniicio

Frangite miser calamos, vigilataque prælia dele

Qui facis in parua sublimia carmina cella.

Tristes semper lymphæ, quæ lymphatos agunt poetas, ipse
Deus chorusque Musarum sterilis est, ne liberos in calamita-
te procreent, & ne docti lactare spes suas possint quoties
Dearum infecunditatem meminerint. Quamquam haud in-
scius sum quasdam clanculum aliquid genuisse & sine matri-
monio puerperas factas, Orpheumque more mortalium pa-
tris incertum, solam matrem indicare potuisse. De qua ta-
men ipsi veteres nimis anxie controuersiam mouere. Cum
alii Calliopen, alii Polihymniam, alii Menippem aut Tha-
miadem dixerint: siue quod nulla harum tam infelicem filiū
nosse vellet, siue ut intelligeremus omnes Musas eodem
modo Virgines esse. Prorsus ille malo astro natus est, & ab
sola infelicitate Apollinis filius creditus. Quem Threicia
fretum cithara receptum ab se Orcus amisit quod non mi-
nora Inferis supplicia essent, quibus eruditi conflictarentur;
Ut postremo inter insanientium manus laceratus posteros
moneret, ne sexus sequioris iniuriam nobiliore rependeret.

Iam citharæ & plectra, lyreque & barbiti, cantusque ar-
dissimi, vox sunt, prætereaque nihil. Ergo quoties famelica
hominum natio Parnasum cogitaueritis, famem illic habitare
credite, & quoties infecundas rupes, steriles Camænas,
tristes aquas, inanes tibias reputaueritis, toties eandem vo-
bis ac parasitis obuénisse sortem existimate. Nam aut vobis
aureum pecus laudandum esse, aut tristissimo domicénio la-
borandum, semperque esuriendum. Hoc vobis supremis ta-
bulis

bulis Apollo pater legauit.

Præter aquas Helicon, & ferta lyraſque Dearum

Nil habet & magnum, ſed per inane ſophos.

Quid ergo omnia fato imputanda ſunt? Certa rerum diſpenſatione credere fas eſt, bonę mentis comitem eſſe inopiam, vt aliquid ſingulis datum ſit, & alios quidem fortuna diuitiis, alios præſtantiori munere, & excelſo animo cumulauerit. Nec aliud literatorum fatum eſt, quàm mortalium liuor, & inſcitia, ac deformis ignauia. Nam poſtquam prona animantia ſegni otio, vel turpi negotio meliores dies continuerunt, ac diſtenti crapula ætatem luſtris labefecerunt, quod reliquum eſt literarum accuſatores doctis inuident, qui nullam voluptatis poteſtatem corpori ſuo fecerunt, quoſque iuuit non vino & ſcortis, ſed libris impalleſcere. Vident ſibi in hominum conuentu a doctis ſilentium imponi, quod ſi pati nequeant, riſum debere omnibus, nec totis diuitiis inſcitie infamiam redimere poſſe. Eniti ad altiora non poſſe ſciunt quibus explicandę virtutis inſtrumenta deſunt. Magnum ſpiritum fortunę anguſtiis premi, atque elidi, nullos ſine opibus in ſummo ſteriffe, ac magna illa literarum miracula Auguſti, atque Etruſci equitis liberalitati deberi. Ita aut erumnis omnibus deformant, aut miſiſſimi malunt Coprię quam erudito aliquid largiri, canesque & ſcurras alere, quam doctos. Tanto expedit aliquid aliud potius quam ingenia fricare.

Hęc videt, qui cuncta videt, nec indignatur ob ſacerdotes ſuos, non ab Rege, ſed à Therſite, & viliffimis mancipijs ludibrio habitos: non arcum expedit, non ſagittis Canes, Muloſque, & Aſinos tollit, ſiue ne Orbem exhauriat, ſiue quod non iniquum exiſtimat, alumnos ſuos tolerare, quę ipſe Inuictus pertulerit, omni infortunio vexatus, & ſemper Apollo infelix.

IUVVENTVTIS OTIVM NEGOTIOSVM.

Proluſio III.

A Pud Atlantæos nulla vnquam ſomnia euenire rerum naturæ ſcriptores prodiderunt. Genium veſtrum iratum habeam niſi in ea regione vitam colere velim, adeo vel ſcæua ſomnia per quietem obuerſantur, vel etiam ſi falſa fruge expientur improſpere cadunt. Ante paucos dies cum feſſus rerum grabbatum preſſiſſem.

Ecce Deus ramum Lethæo rore madentem

Vique ſoporatum ſtygia ſuper vtraque quaſſat

Tempora, cunctantique natantia lumina ſoluit.

Ibi ego mira vidi, inſcita, turbulenta, & qualia mentes eorum ſollicitant, qui ſe in cœna pluſculum inuitarunt.

Videbar mihi ab Deorum Talthibio iniecta molliter manu eſtratis rapi, nec multo poſt Templi foribus adſtitui, cujus veſtibulo magna pars mortalium incubabat, votiuaque paſſim tabellæ extimum parietem veſtierant. In ipſo Fani meditullio Ara prominebat, cui argenteus ſerpens ſuper incumbens, leni flexu medico baculo innixus, atque in orbes ſinuatus benefico lumine, nec tumentæ ceruice ſupplicū vota excipiebat. Ventum erat ad limen, & toto templo fragor editur. Tum mirabile viſu humanam faciem ſerpens ille induit, corpus ſpiris implexum explicatur in artus, ad imos pedes pallium deſluit, veruſque inceſſu patet Aeuſculapius. Sed mite os & florenti ſenectæ placidum commotior animus aſperauerat, oculiſque vagis, & incertis toto fano quærere videbatur in quem conceptum furorem effunderet. Ille vero ipſe eram. Nam ubi me ſtriſto ſupercilio conſpexit. Viuis etiam inquit, viuis Pharmace, & hæc delubra ſubire non dubitas, qui ſacrilega detrahendi libidine inexprabile facinus commiſeris, contra eos inuectus, quos

quos æquata Principibus vitæ necisque potestas reliquis mortalibus superuexit? Nam ut Astrææ ipsiusque sapientiæ sacerdotes transeam, quos in conspectu frequentiæ traduxisti, Medicos etiam sacrum genus hominum, quos nemo unquam impune laceffuit, habere ioco, ac ludibrio somniâs ausus es. Pro quibus meritis non te ego vitali aura deiiciâ, nec lumina adimam, sed eo morbi genere plectam, quo excruciatu viuas & mortem optes, funerique tuo interis, Medicosque implores, & probes.

Dixit & irato ferijt mea lumina sistro

Ego licet frigido sudore madens vocem amiseram, ne tamē in re tanta mihi deessem, audacter tam iniquam declamationem resolui. Et o inquam, superum potens, atque inferum, qui sacrata manium iura resoluis, Orcinoque thesauro addictos necquicquam inuitis fati reuocas: siue te Epidaurus coluit, siue Quirites hospitium præbent, quo nomine legus quidue dolens supplicio destinans infontem, & in caput innoxium implacabiliter furis? Novum facinus & inauditū! Medicos aliquot ad tribunal Musarum stiti, nec inscitæ aut falsæ artis insimulaui, sed non semper rectè Latine locutos dixi. Sed paucos admodum, & quos in obscuro latentes satis premit eorum fulgor, quorum nomina in honorem disputationis aduocaui. Medicus Prisciano caput fregit, cum pugnis concidit Philosophus, lacerauit Causidicus. Quid tum? Num idcirco potionem atram miscuit Medicus? num sapientiæ cultor delirauit? num præuaricatus est prudentiæ consultus? Non ego ex omni ordine summos ac sine controuersia præcipuos selegi, qui facinorum gloria nomen ab obliuione suum vindicarunt? Num more præficarum omnes omnino laudarem, etiam aliquos, à quibus nollem ipse laudari?

Sed fuerint illa conuicia, cum potius ingenui, ac liberales ioci haberi debuerint. Num quid ego culpandus sum, qui Nicodemi Frisclini cuius nomen quamquam religionis

causa silentio obruendum, clara tamen, & aperta voce professus sum, vt maledicentiæ suspicione exsoluerer, & plagij crimen amolirer. Quid inquam merui si huius libertatem modice castigatam in lusum huc attuli? Vapulet ille cum Prisciano suo, qui gentem tam delicatam & potentem offendit, me interpretis securitate frui æquum est.

Hæc & alia quæ libertas, & iustus dolor subijciebant proferens lurdas aures verberabam. Nam vbi ille frendens auertit. Illico mihi. *Soluantur frigore membra*, secutaque est febris exfano suo, & noua malorum cohors incubuit, visusque sum mihi ob iocosam fabulam, quantum menssem cum morbo luctari: & fortasse illa somnia non erant. Itaque sic mecum reputabam non dispar infortunium Hebræi illius adolescentis fuisse, qui quod somnium suum narrasset male à Fratribus acceptus est. Iamque spe vitæ deiectus agere cæpi poenitentiam sermonis mei, & vt Simonides olim quod Helenam versibus lacerasset, Fratrum geminorum ira luminibus orbatus, post recantans opprobria placatis Castoribus luci redditus est, sic ego cum bonis Dijs perfricata diutius fronte Palinodiam auspicatus sum, & ad mortales eos, quos barbaros appellaueram, quisque ob violatum Priscianum dicam grandem dixeram, præcipuè sanctiores Philosophos omnibus reuerendos conuersus, Parcite, inquam sacra capita, parcite iuuenili audaciæ, & resipiscentem licentiam pacati excipite. Vos mortalium summi, vos vitæ, mortisque arbitri, vestra iura humanum genus reformidat, cuius bona omnia in manu vestra sita sunt, anima, corpus, opes: non modo latine scribitis & loquimini, sed etiam facitis, & quæ vestra potentia est, Scytharum voces, ac Garamantum iure Quiritum donare potestis. Vobis ancillantur Tribunalia, patent arcana domorum, templa, theatri vicem præstant, vos ipsius diuinitatis potentes, Cælum & alstra in partes vocatis. Vos pallidus cliens adorat, ab ore vestro moriturus æger spirat: matronæ, puerique & innuptæ puel-

tae morigeræ vobis sunt: vestro supercilio Orbis regitur, vestro nutu humanæ res administrantur. Nos numerus sumus, nos viles curæque animæ, nos inops infletaque turba.

Vix hæc fatus eram, cum paulatim visæ sunt redire corpusculo vires, omnisque ægritudo abstergi. Et commodum intrabat senex templum, quem ab miti, ac sereno ore, sed magis ab ingenio Carolum Sigonium, esse cognoui. Ille ad latus meum adstitit & ego te inquit saluti redditum gratulor: ceterum præferuidum hunc impetum, atque immodicam libertate exsultantem compescam paulatim, ac moderabor. Quid iuvat querelis indulgere, & pulsas literas, cultumque bonarum artium indignari? An hospes adeo es, ut hæc ignores, aut tam validus ut malis obuiam ire possis? Actum est de his studiis. Latine loqui res puerilis habetur: scire literas interiores, putida & inepta; Cuncta cum supercilio traduntur. Deinde si quis hæc studia saniori iudicio æstimet, quotus quisque paucas horas illis impendere dignatur? Eo iam seculi languor processit, ut non nisi fabulæ, & Italicæ næniæ terantur manibus, atque ille laboriosus existimetur qui semel in die ad libros respexerit, imprudens, & vitæ suæ hostis qui paucis horis adhibuerit in consilium Musas. Iuventus nostra in literarum negotio quam desidet otiosa, aut in turpi otio negotiosa? Pueritia ludo teritur, aut si tradita literis, est docentium sæuitia odisse literas incipit, quæ poenis & metu constant. Sic futuræ licentiæ irritantur ingenia, & in Academiam odium literarum ferunt, veluti pædore carceris efferati. Præterea quia politiorum literarum initia pueri susceperunt velut pueriles curas erubescunt, atque aspernantur. Ita fugatis Musis duo damnosissima Numina in vacui possessionem veniunt Mars, Venusque & quibus largas opes fatalis hora nascentibus indulgit, literas ignobile ministerium existimant, & umbraticam vitam. Ideo non magistri sed lanistæ dictata accepturi verum ludum petunt, in quo ubi artem necandi homines nec sine cura didicerunt

cerunt rixis, ac contentione inclarescere cupiunt. Maluntque ferro mortalibus vitam adimere, quam literis a morte vindicare. Et tu illi vacare tempus existimas, ut inertes liberos respiciat, atque ignauas disputationes, ubi muliercularum more penes eum victoria censetur, qui clamore plus potest?

At ille alter Dij Deæque, cuius malè sanum pectus Cupido inuasit Deus ille potens, ac famigerabilis. Furit æstuat, distrahitur miser in amoris rota. Prima formæ cura animum abducit, ut mulierculæ placeat, quæ aut errore, aut merito nimis ipsi placuit. Itaque capillum pectere curiosius, de facie in consilium ire, plusque corpori, quam animo excolendo insudare. Tota mente ibi hæret, ubi Cupidinis clauo fixus est, diesque totos, aut amicam sectatur, aut in templo improba vota tacitus nuncupat: noctu aut vagatur armatus ædesque inuisit, & foribus figit oscula, limenque lachrimis imbuat, aut domi ubi se in lectulum abiecit in dextrum modo latus incumbens, modo in sinistrum nunc supinus, aut pronus ut Pelides Patroclum lugens, inter lachrimas & suspiria longas tenebras execratur, adhucque crepera luce rapit de strato corpus, forasque proficiscitur

Quo Venus Cupidoque imperat suadetque Amor;

Si media nox est, siue est prima Vespera

Si statim conditus cum hoste intercedit dies

Tamen est eundem quo imperant ingratis.

Tu illum nocturnis chartis impalluisse existimas? Amat. Solym & ab turba segregem, fugitantem homines conspicias; Tu literarum commentatione, magnisque cogitationibus, in naturæ recessus abditum, sensibusque alienatum credis? In amoris schola delirat. Flentem sæpe videas non secus ac Homericum Heroem, atque interruptis suspirijs tacitè expostulantem: tu ingenio suo obiratum putas, quod recondita rerum non ita facile assequi, atque indagare possit. Ab amore

amore vapulat.

Et tamen haud scio an minus excusabiles sint, qui solam aleam depereunt, quibusque tesserae, pictaeque chartulae formosiores videntur, quam facies eximia, & omni simulachro emendatior. Itaque in hunc ludum etiam inuocati assidue ruunt, has fortunae paginas, diuina, ac nocturna manu versant, & forum aleatorium calefaciunt. Hæ sortes ipsis, hæ oracula: versant, miscent, secant, & magno nec longo labore ad hos scopulos eluunt. Tunc non modo libris vacare possunt, sed quandoque ipsos libros, sacramque Musarum suppellectilem distrahunt, totamque cum voluminibus sapientiam mendicare apud eos cogunt, quorum cophinus, fœnumque suppellex.

Ex iuventute igitur alios Mars abducit, alios infatuat Venus, plures dementat alea. Quid si esset aliquis vir strenuus qui omnibus hisce Dijs damnosissimis sacramentum dixisset? Tu literas intercidere conquereris, tu seculum rude & inficetum appellas? Causam quæris præsentis calamitatis, & scholarum solitudinem deploras? Lanistam, & aulæ dum nobilissimis adolescentibus stipatum, Gymnasia tanquam in pestilentia vasta indignaris? Et cum æs campanum truci sonore ad fastidium perstrepat, aut non ex audi reuocatos, aut anguium more cum ex cantantur, ægre moliri gressum, & nauseabundos exedras subire, ex quibus quandoque magistros veluti ostracismo depellunt.

Sed ludum ætati isti aliquem dandum aiunt. Futurum te deferuescat ætus ille imperusque, atque immodicæ libertatis amor. Subituram cum ætate prudentiam, & melioribus annis in pretio fore literas, quas stultæ adolescentia contempserit, reddituros cum libris in gratiam, laboreque & cura præteritum otium discussuros. Nugæ. Quota pars vitæ viuitur, hoc est literis impenditur? Vetus querela est, homines longo ævo minimum viuere: & magnam partem vitæ elabi male agentibus, maximam nihil agentibus, totam aliud agen;

agentibus. Dimidium eius, atque eo amplius dormitur, tertiam saltem partem ludus & compositio, curaque corporis vendicat, reliquum negotia aut propria, aut aliena subripiunt. Quam particulam studijs dabimus? Nec studijs omnibus, omnibusque disciplinis (hoc ne sperare quidem sanus audeat,) sed vni modo arti, quæ sæpe longa est ipsaque vita est brevis. Vita brevis est, nimis inuidis, & angustis terminis circumscribitur, eam nos breuiorem otio somnoque ac desidiosa facimus.

Monstri loco est, esse fortasse aliquos qui de breuitate vitæ queruntur, & longi temporis fastidia iactant, sicque omne studium illò conferunt, vt tempus ipsum fallant. Siccine tempus fallendum est, quod mortales omnes nimis scite fallit? Etiam cum bruma dies arctauit, æstiuæ soles pigris videntur, sæpeque nesciunt quid agant, qui digni sunt vt nihil vnquam agant. Placet audire quomodo tempus eludatur. Eos semper excipimus, qui vel Reip. intenti, vel literis perpetui labore fugacis horæ iniurias vlciscuntur. Destertunt ad meridiem lucifugæ, & toto pectore somnum perflant. Tum longa corpusculi cura vagisque ambulationibus moram prandij fallunt. Vbi dies ad vmbilicum dimidiatus est mortuus. Confedere duces. Ibi de rebus diuinis, atque humanis cernitur. Sed aliquid temporis restat ad noctem & qualem noctem! Non ea longior fuit, qua est Hercules profeminatus. Restat modicum lucis. Egrediundum est, visundi amici, vario sermone graues horæ eludendæ. Ibi incuruo, ac librato corpore. O salue. insperate, quid agitur, & quorâ hora est? Quale frigus pertentat artus? Quid noui affert Germania? Hinc in Pharmacopæum & tabernas librarías. Ibi senatus habetur, & quidem legitimus. Quid toto Orbe fiat primum e schedula recitatur (quis non videt fore vt Pharmacopolæ decoquant, si pax sit?) omnes rumores bellici colliguntur, prodigiosæ narrationes dissipantur. Quid Suecus paret, in consultationem venit. Quid tandiu Breda

Victoriae Batauos moretur. An Celtæ sint Insu-
briam vno spiritu diffaturi. Quid trepidet aut minetur Iberus, anxia dis-
ceptatione disquiritur. Acies, prælia, duces, Urbium ob-
sidia, arcium expugnationes, principum supremæ necessita-
tes, non simpliciter sed per sectas, & factiones, quibus huma-
no generi velut in arena digladianti aut fauor commodatur,
aut odium, & insectatio, & quidem ab ignavis ac bellorum
expertibus, solaque lingua ferocibus. Ita & plerique in re
capitali nugantur. Sic altercatione & raucis sponsonibus
abit dies. Venit optata nox, quam compositio & somnus
diuidunt. Lux altera oritur, & denascitur, sic fugiunt mē-
ses, nouæque pergunt interire Lunæ, sic annus in se conuol-
uitur, & replicatur. Parcite metu boni viri nimis cito obre-
pet senectus non intellecta, ac tempus hoc quod vobis se-
culum videbatur breue momentum absument. Non est quod
quis iniectus reclinatæ ad parietem sellæ semisupinus, æsti-
uis caloribus flabello ventulum faciens, oscitabundus, &
pandiculans & aliquid obiter canens longissimarum hora-
rum tedium excretur, quæ nunc vobis vita senio grauis est
olim cum fletu deferetur, vitæque & mors silentio iuxta æs-
timabitur.

Neque me ista declamatorio more in maius augere vti-
nam res ipsa non comprobaret. Plura optimus senex di-
cturus videbatur, & forsan acriora prioribus, nisi Mercurius
me templo abduxisset. Tunc me somnus reliquit, iterum-
que natum me apud Atlantæos optavi ubi nulla somnia
mortalibus visuntur.

ARTIVM AC DISCIPLINARVM AVCTIO.

Prolusio IV.

Quid in Helicone proximis literarum nudinis actum sit
volo memoriæ prodere. Frustra me respiciunt qui-
cumq;

cumque libertatis beneficium assentatione corrupèrunt . Scio nullum liberæ voci periculum esse, ex quo Decembris totum annum occupavit . Certe ab inuitis confessionem exprimam, nihil à me fictum esse, nihil offensæ aut gratiæ datum . Hæc si quis quæsierit vnde sciam, cum tanto terrarum interuallo à nobis Thracia distet, vbi caballi vngulâ pro vini torrentibus vatam mentem impleturis, tristes Lymphæ profiluiere, Lucianum interroget, qui se hæc omnia vidisse fatebitur, illuc à Menippo vectum, vbi Phæbus nouemque sorores pomerium literarum geminis collibus extendunt . Ab hoc ego quæcumque audiui certè clara afferro, ita vos saluos, & felices habeam .

Anni ac studiorum initio, apud Heliconæ disciplinarum artiumque & literarum nundinæ peraguntur, vbi celeberrimo emporio totius literarij Orbis conuentu, scientiæ literæque interiores sub hasta veneunt, præcone Mercurio . Quæ quidem re nihil illustrius, nihil celebrius accidit, cum literæ omnes, ac disciplinæ per Orbem distrahuntur, ac disseminantur: exigua pars eminentium arbitrio, reliqua naturæ genio, fatalique dispositione, & incertis causis . Nam cum omnes ijs artibus dare nomen possent, vnde maius emolumentum decusque & ornamenta sperare liceret, quæque vt plurimum minus laboris, ingenij minus requirunt, non pauci tamen vltro ijs adhærent, quæ paupertatis sorores, laborum, ac vigiliarum diuites alumni suis curtas spes, ac delusa vota, nec aliud quàm bonæ mentis solatium largiuntur .

Conuenerat huc frequens studiosorum populus, viri, senes, adolescentes, pueri etiam immaturi ab parentibus intruli, sed præcipuè præclara iuventus scholarum ergastulis, ac magistrorum supercilio liberata exultim tanquam in orbem novum, & veræ libertatis sedem conuolauerat . Aspectu decora, & licet in immaturas minas assurgens modestiæ propior, indolem, magnasque spes parentibus & literatorum

rum senatui ingerebat . In medio foro stabat sublime tribunal, in quo Musæ atque earum Antistes , Patresq; literarum conscripti confederant, in quorum aspectu scientiæ ac disciplinæ à Mercurio producebantur, non priuatis emptoribus, sed magnæ multitudini distrahendæ . Exurgit præco facitq; populo audientiam . Et primo quidem rerum diuinarum scientia producta est, matrona aspectu venerabili, & quamquam ætate grandis, ore tamē adhuc vegeto, ac puellæ propiori . Luminum vigor, grauis incessus, cærulea palla aureis sideribus interstincta, tunica purissimo candore, cultusque ipso neglectu ornatus maiestatem augebant . Et licet à primis cunabulis ad hanc vsque diem impiorum hominum , ac prauè sentientium nefarijs dogmatis vexata esset, & quoti die laceraretur, & à cultoribus quoque dissentientibus inquietaretur, eadem in ore serenitas inerat, ipsaque intra altitudinem diuinarum contemplationum abdita, de fixis Cœlo luminibus desertores, & transfugas iniecto pede proculcabat . Hæc igitur omni cultu subiecta voci præconis nihil magis metuere videbatur, quam ne pretiosissima rerum à cuiusque oculis vsurparentur, quæ intra sinum abdita premebat, magnaue mysteria frustra captantibus prophanis seruabat implicita, & inuoluta . Sequebatur eam arctus ac modestus comitatus, nisi si quando disputationis æstus intumescebat: tunc rigere colla colubris videres, & abiecto miti schemate in absurdos clamores de bacchari, non semper veritatis amore, sed factione, & studio sectæ, tracto etiā in partes Cœlo, anxijq; & ambiguus de salute mortalium sententijs . Cætera viri sacrorum professione, ipsaque ætate venerabiles, paupere pallio gloriæ contemptum testati, Regibus metuendi, superiorum internuncij, salutis sequestris, ac boni quidam genij .

Conuerterat omnium in se ora diuina Virago, apparebatque non leuem emptorum numerum futurum, & Præco proclamabat, si quis Theologiam cuperet, liceretur; Sed minor

nor expectatione ementium numerus fuit. Pauci enim admodum & omnes fere ad exemplum eorum, qui sapientiam sectabantur sacrarum familiarum pars, squalido amictu, non pauci sine pera & loculis mendicitatem professi, matronam rogabant, vt ad se precario diuerteret, diuites prouentus, atque opulenta sacerdotia quibus vellet largiretur. Vñum omnibus nefas res sacras venundari, Coelique patrimonium pretio foedari, ita gratis Theologia proposita est. Sed hoc ipsum adstantes alienauit, quod facile pararetur, quod lucrispes non affulgeret, nec liceret post vendere quod emptum non esset. Ita præter paucos admodum viros bonos ac simplices qui susceptam matronam in tuguria & cellulas induxere, reliqui aut impiè contemnebant, aut miseræ spes maximis laboribus mercari stultum esse dicebant.

Interim magno agmine, ac nobili pompa, longaque impedimentorum ostentatione Regina Iurisprudentia deducta est, etiam in speciem terribilis. Nam præter lictores turbam submouentes, virgæ, ac secures, laqueique & vinci feræ imperio plusquam Dictatorio præferebantur. Ipsa aspectu mirabili purpurea chlamyde, quæ tragico symmate humum verrebat nudum gladium intentans secum res humanastrahere videbatur. Sola tunica Reginam dedecebat: instar enim vilissimi centonis nobilibus veterum Iurisconsultorum purpuræ fragmentis, sequioris seculi doctorum laceri, atque infimæ notæ versi colores panni inæqualiter affusi, milleque maculis variegati turpissimè squaliebant. Plebisque etiam vana mirantibus cur Astræa Virgo, quæ ab ipso Orbis nascentis initio desertis rebus humanis ad superos recesserat redire nunc postliminio ad homines non meliores vellet, à quâ toties violata, toties pulsata esset. Sed non multum ista spectatores emptoresque mouebant, illa magis quod ingentes opes, supremas dignitates, tribuna-
lia ipsumque rerum humanarum fastigium cum omni maioris fortunæ cultu strepituque pollicebatur. Quis crederet
tan-

tantum Numen venale fuisse? At pretio addicebatur. Itaque licet magnis talentis indicaretur penè inter ementium manus discerpta est, omnes adeo hanc Penelopen procabantur. Sed fato quodam licet omnis ætatis, omnis ordinis mortales ad se trahere vel reluctantem contenderent, pauci admodum fuere qui eius potirentur, atque ad intima sacri huius adita inducerentur. Reliqui ab eius interpretibus non multa edocti propere, nec magno delectu ceruicibus hominum imponebantur, breui ostensuri, quanto sibi Astræa steteret.

Post hanc inducta est Medicina minori quidem apparatu, sed non minori frequentia. Et quamquam nullas imagines præferret, immo & originem suam gipsatis adhuc pedibus occultaret, proxima tamen Dijs potestate ultra manes, Oræque Imperium porrecta venerabilis, quodque maius est congestis altissimè opibus avaras mortalium mentes conuerterat, omnemque cunctationem, ac delictorum fastidium discusserat. Os illi licet ætate iam sessi floridum, ac vegetum sobrietate, ac medicamentorum vi, ab senectutis iniurijs tutum. Palla ex omni herbarum florumque genere mirabiliter contexta natiuos colores nullo tuc violatos miscuerat. Prostabant à tergo vascula, & pixides parum decora suppellex, & reliqua artis supplementa, quæ abstergere emptores poterant, nisi auro inducta fulgore oculos perstrinxissent. Cingebant latera senes, virique aspectu prorsus venerando, promissa in pectus canitie, totiusque corporis cultu ad gravitatem composito, quales nobis Deorum medicos ipsumque Epidaurium senem vetustas expressit. Neque tum satis concoquere potuisse Aesculapium referebat Menippus, quod Medicorum filij succisa pilorum fruticantium propagine à prisca oris maiestate degenerarent, magisque Apollinem, quam se artis auctorem in barbæ ratione imitarentur. Taciti illi quidem, & procul ab ostentatione benefacere malebant quam loqui: non tamen
C deerat

deerat, qui artis suæ decora suasque palmas percereret. Non quod ille, alligasse fractum crus Aesculapio, aut brachium Ioui, sed e manibus suis mortalium fata pendere. Se quidem numquam arte ad salutem inuenta abusum esse, tantumque facinus Dij auerterent, ceterum si quis ea potestate uti velir, & occultè Libitinæ ararium augere, non hercule Achilli gloriam inuisurum, qui quod multas præclaras animas ad orcum præmisit tantopere laudatur. Conticuerant attoniti spectatores, & ægri quidem supinas manus tendebant, sani sibi in posterum metuentes ipsum Numen, eiusque Antistites propitiare muneribus non desinebant. Magna autem frequentia quantovis pretio de arte licitabatur. Vix ergo in conspectum venerat, cum aureæ, atque argenteæ stipes iaci ceperunt, ut ars illa salutaris prætendendo sinum parum capacem recipiendis nummis defatigaretur. Pluris ergo quam Iurisprudencia addicta est, nec innumeri emptores defuere, pars ministerio fatorum destinati, quidam securi virtute & perpetuis vigilijs, nonnulli alieno periculo salutis negotium tractaturi.

Et hæcenus scientiæ facultatesque principes, atque opulentæ distractæ magnam mortalium partem secum auexerant, cum tamen multo plures aliæ restarent. Itaque cunctantibus ceteris, & quid futurum esset expectantibus, Philosophia festum latus trahens, singulansque in omnium oculis sistitur. Triste spectaculum verisque lachrimis dignum. Nam Regina artium, virtutumque magistra meliori facie quam vestimentis erat, pluresque sectatores numerabat quam nummos. Sed facile ex famulatio heram æstimares. Nam quales Dij Deæque in eius familia visebantur! Putares confusis in vnum sectis, omnes Diogeni nomen dedisse, talem cultus, victusque neglectum præferrebant. Pauci seneciones horrentibus barbis, & inronso crine, duplici panno velati, nudipedes, monogrammi inurdiæ seculo faciebant. Neque tamen in tam molesto silebant officio. Alius enim

enim de virtute, ac vitio obiter disputabat: alius ad vetera somnia relapsus, idem nefas esse aiebat violare morsu fabas, atque animantia, fractoque silentio vagantium animarum, & subinde hospitia mutantium peregrinationem prædica-
bat: nec deerat qui canina impudentia obuios maledictis laceraret, & sublato altius pallio nil musarum pudorem reueritus se virum esse omnibus ostenderet. Immo ex ijs qui sanctiores habebantur illud maxime mortales monebant, ut vxores communes habere vellent, totque malorum causas, & dira æmulationis exempla de medio tollere. Omnes altissimè altercabantur, & tanta vociferatione disputabāt, ut exaudiri Mercurius non posset præconium canens. Ita emptorum alij miserabantur, pars magna ridebant, non posse eos homines tanta calamitate ad bonam mentem reduci, omnesque mirabantur, quomodo illis summa rerum angustia vacare posset nugas blaterare.

Sed Philosophia magno primum pretio addicta est, omnibusque illud aspernantibus, & paucis pallidulis ac cogitabundis exiguis nummos expedientibus malebat Apollo donare quam vendere, cum præter expectationem Theologiæ, ac Medicinæ liberalitate fides male ambulans sustentata est, magna enim mercede vtriusque nomine est emptæ, ut vtrique partiariam operam impertiret, nullusque mortali-
um deinceps ad eas dominas legitime, nisi per Philosophiam induceretur.

Bene actum cum hac matrona videbatur, quæ liberali ministerio ab inopia, & solitudine vindicata erat. Cum nobilissimæ scientiæ Mathematicæ productæ sunt olim reginæ ac principes, ex quæis tamen sola Astrologia, nam ceteræ velut mala merx cum fastidio reiectæ, sola inquam Astrologia, dum cœlestia sectatur pene à mortalibus deserta, siderum aspectu alijs felicitatem sibi miseras vaticinata, in aliorum fati prænoscentis oculata, in suis cœca, partim pro-
verum liberalitate, partim mortalium inani, ac toties delu-

fa futurorum cura sustentabatur, sed pauida semper ac circumspectans, postquam Chaldaeorum mendacia fidem ipsi detraxerant, totamque gentem inuidia onerauerant, nec raro ipsius alumni vel carcere fracti, vel saxo deturbati, vel Urbibus puls, vel demum infelicibus flammis lustrati, male rutam artem reddiderant. Non multi ergo in eius comitatu erant velut attoniti, & à sensibus alienati, quibus se clanculum immiscuerant agyrtæ, æruscatores, ac somniorum interpretes artis propudia, ac de honestamenta. Quia tamen consuetudo fortunæ ludibrio, & cultiores ceteris, & nummatiores habebantur, licet clandestino, & in tenebris operarentur, miseram hominum credulitatem ad opes, ac luxum vertentes. Propositæ sunt venales Mathematicæ, nemo erat qui licitaretur: Chaldaeorum vitrea fracta magno pretio distracta sunt, ac per Orbem sparsa, sed præcipue in eam Urbem comportata, in qua vetantur semper & retinentur. Restabant Rhetorica, & Poësis, magna quidem expectatione publicatæ, omniumque oculis illuc conuersis. Dicendi ars ex quo Regno suo euoluta, antiqua fortuna exciderat, qua in liberis ciuitatibus semper dominata est, & in Vrbe rerum domina populi terrarum principis Regina, ex ima plebe Quiritium alumnos suos ad Orbis Imperium vocauit, potens furentes populos coercere, Reip. consilia agitare, bellum decernere, mandare honores, atque adimere, leges figere, & refigere, & immensam multitudinem quacunque vellet velut habenis impellere, ac circumflectere. Ex quo inquam fractæ res, ipsaque cum libertate simul expulsa, inops, & egena, foedissima barbarie cuncta occupante penè oppressa, ac conscripta, & veluti desperatione religionem vouisset in templis relegata, squalore, ac sordibus confecta, in sacris modo concionibus plebeia, ac degeneri lingua vix, ac ne vix quidem nomen ruebatur, & pro immensa veterum Oratorum mercede, pretijsque causarum inuidiæ capacibus, tantum inde emolumentum trahebat, quantum bonorum mortalium,

talium, ac muliercularum liberalitas minutas stipes congerendo suppeditaret: aut postremo in scholas, tanquam in pistrinum detrusa, ab otiosis, ac malè feriatis adolescentibus, ieiunis, & ineptissimis declamationibus detrita omnem succum, & sanguinem amiserat. En rerum quondam domina. Urbibus extorris, pulsa tribunalibus, Curijs eiecta, Lyceis profuga, publicis Comitijs exterminata miserationem in omnibus commouerat, in aliquibus tamen risum, quod ut pluris veniret mangonum fraude tanquam ad lenocinium exulta, fuco interpolata, & pigmentorum iniurijs deterior facta, mille illecebris in omnem mollietiem fracta, eneruis, ac delumbata nihil antiquæ eloquentiæ præter nomen, temporisque, ac barbarorum iniurias retinebat.

Hærebat lateri Virgo eximia specie, sed quæ constricta fronte, incertumque vagantibus, aut defixis longo obtutu oculis vultus hilaritatem confuderat. Modo tardus, modo citus incessus, risus & repentina seueritas, ipsa nescio quid tacitè obmurmurans, digitisque computans, & quod elegerat mox quassanti capite damnans & reliqua attonitæ, aut cogitabundæ mentis vitia. Postquam ante ora omnium stetit, lauro redimita, & chelim gectans non aliud quàm carmina insignita modulatione fundebat: omnes tanquam ad fidicinam confluxerant arreæque Pegaseium melos auribus bibebant, tacitis votis egregiam puellam omnique simulachro emendatiorem destinantes. Non secus ac olim Rhodopeium vatem genus omne animantium auritusque populus circumsteterat. Nec vnus, aut alter, sed quotquot aderant pueri, senes, fortior ætas Poësim scitulam, ac decoram procabantur, & sine Hippocrene, sine Heliconidos somnijs se poetas repente euasisse credebant. Videres

Ingentes trepidare Titos cum carmina lumbum

Inirarent.

Quidamque moræ impatientes in coram omnibus a finali verrecundia in amplexus ruebant, nisi cum Menippo Mercu-

C 3 rius,

rius, atque ipsæ Musæ furcis scandentes deturbassent reiecto etiam, & protrito pedibus auro quod Trossuli in pretiū detulerant, cum increpatione, abirent fatui, & sola insania poetæ nomen meriti, qui putarent ut ceteras artes, & disciplinas sic poesim nummis parari posse. Rarum nomen illud, & vix semel, atque iterum seculis cognitum, sacrum, ac venerabile, nec villo pretio violari. Non defuisse, nec defuturos vnquam qui carmina factitarent thuris, atq; odoramentorum integumenta, poetæ bonis viris rariores esse, & diuino furore afflatos non multum humani habere. Facesserent igitur seculi incommoda, & secum ineptias asportarent. Sic castigata procorum petulantia lucrum omne, ac sordidas curas abominata poesis in paucissimorum manum legitimis tabellis conuenit hac lege dotari, ut nisi opes aliunde suppetere perpetuo esurirent, aut alienarum mensarum arrosores, arrosoresque discinctis Remi nepotibus supparasitarentur. Eloquentia à paucis empta est in pompam magis, & ostentationem, quam ut inde aliquod emolumentum animo conciperent, nisi qui eam prostituunt ut vendant, verbaque & iras locando inter titulos, & sub turpissimo elogio traducunt.

Postrema omnium inducta est mulier, nam nihil virile eadem die in auctionem venit, quam alij eruditionem, alij criticem superbo vocabulo appellabant. Matrona exercitati vultus, & nescio quid magnum promittens, quippe quæ ut Mercurius prædicabat incredibili labore omnem scientiarum Orbem complexa erat. Nam & Iurisprudentes excusserat, & Medicos non ignorabat, & ad Philosophorum castra transfugerat, & in siderum quoque ratione versata, pervagataque libros omnes perpetuam in literas ac disciplinas Censuram exercebat. Plurimi affectu viscebantur, omnes de literis optimè meriti, qui sola laudis, ac gloriæ spe proposita incredibili contentione improbisque laboribus omnia veterum ingenia ad obrussam exegerant, nulla monumenta, nullam

Iam schedam reliquerant intactam, vnde rem literariam promouere possent; quorum beneficio literæ ab interitu vindictæ sartæque ac testæ propagatæ erant.

Illud tamen in inuidiam trahebatur, quod ieiuno ac pusillo animo non pauci circa res minutissimas ætatem exigeret, ac post annorum labores se ad Heliconem venisse crederet, si vocolam claudicantem scriptori restituisent, aut rancidas exoleti Græci Interpretis nœnias aduocassent, ritusque, inter mortuos ab vltima memoria retrouocassent. Ita morosam nimis, ac putidam curam fucum fecisse grauissimæ arti. Sed Criticen multi quidem admiratione timidissima circumsteterant, quod instar sophistarum se de qualibet re disputaturam pollicebatur. Quidam tristiores stoico supercilio propius intuentes, & cuncta morosè examinantes detorta, ac vituperatè nare discedebant, nihil aliud esse quam Grammaticorum ineptias, studiumque ignobile ac plebeium dicantantes scientiarum maiestate procul habendum. Itaque nullum emptorem inueniebat, ac nisi transalpini aliquot accessissent nullo non pretio præstinaturi, Mercurius ramices clamando rupturus erat, summo Italiæ dedecore, in qua hæc olim non regnauerat modo, sed & trans iuga montium in coloniam deducta fuerat, quodque rei indignitatem augebat, Criticæ emptores ab otiosis ac nebulonibus Grammatici, ac Ludimagistri vocabantur. Finis Nundinarum erat, iamque literatorum populus dilabebatur, cum iterum iubetur ab Apolline Mercurius præconium facere, & si quis rursus eloquentiam male distractam emere vellet clara liberaque voce pronunciare. Sed alij denuo aspernabantur, alij superbo oculo despiciebant, cuncti ferè inutile mercimonium prædicabant. Cum ex Vrbe maris domina ad fucere non pauci, qui cunctis admiratione defixis eloquentiam inæstimabili pretio, & quanto nulla alia ars, ac disciplina steterat, coemerunt. Ita quod nullus fieri posse credebat non Iurisprudentia non Medicina eloquentiæ sumptum

æquare potuerunt. Et quamuis detracta natiui sermonis purpura, vulgari, communique cultu statim ab emptoribus producta esset, quia nihilominus ad tribunalia pulsis rabulis reuocata erat, in Curiam inducta, grauissimis Reip. consilijs adhibita, pallentibus reis aduocata, sibi reuixisse visa est, & ne ab antiquo illo veterum Oratorum splendore degeneraret, alumnos suos summo fauore summisque opibus ad insignis fortunæ cultum euexit, quorum principes clarissima Veneti fori lumina, quæ de proximo venerari licet, eximia apud omnes ordines gratia, nec coloniarum modo, ac municipiorum, sed principum quoq; clientelis florentes, numeros modio metiuntur.

At turbæ populares diuersis animorum motibus agitantur, saniores tantam felicitatem gratulari, alij emptoribus inuidere, ac fortunam ignauo questu onerare. At discipularum professores exhaustos tot annis labores damnare, parati calamos frangere, & meditata carmina in spongiam induere, nec satis concoquere poterant, plus vna die patrum causarum acquirere quam ipsi totius anni sudoribus adipiscerentur; omnes Apollinem accusare quod tam iniqua lege laborum præmia dispertiret.

Nec tulit tantam contumaciam Musarum præses, sed grauiter increpita hominum ignauia, qui postquam meliores dies inertia continuassent, non aliud quam alienæ felicitati obrectare scirent; quædam etiam fato imputauit: postremo Mercurio negotium dæd, vt deliteratorum querelis cognosceret, & si non alio saltem famelica spe ingenia pasceret. Postquam ille hiantes coruos diu delusisset, & alij sine ære funerabantur, pars magna heredes non inueniebat, paulatim artes intæcundæ deseri sunt cæptæ, poetis que ac Criticis à necessitate veluti manus iniecta est, qui relictis nugis, & somniorum interpretamentis, aliud artificium promittere, sicque magnus metus incessit ne literæ interiores, quæ tunc paruo venierant sequentibus nundinis vix obolum inueni-

venirent . Conventus ab Apolline , Lucianus à Menippo dimittitur .

BOS PATAVINÆ ACADEMIÆ TITVLVS .

Prolusio . V .

Vetus Persarum religio cum reliquę gentes per insanos ritus pro Dijs portenta colerent , obscenasque animantium formas templis , arisque sacrarent , ex cunctis naturę partibus Solem delegit , cui diuinos honores deferret , quod publicę lucis fontem , mundique totius animum mentemque , rectorem siderum , tempestatum moderatorem , cuncta audientem , cuncta videntem non nisi Numen credi par esse existimaret . Sed eius effigiem sacrorum arcanis miranda prorsus specie iidem expresserunt . Simulachrum enim humana forma adytis locarunt , cui leonis caput erat torua fronte minax , thiaa contectum , quod vtraque manu relucantis Tauri cornua comprimebat .

Hęc apud Persas Solis imago fuit , quem illi Mithram , & Frugiferum dixerunt

seu Persai sub rupibus antri

Indignata sequi torquentem cornua Mithram .

Cuius mysterij rationem haud inscius sum hanc à scriptoribus afferri . Leonis facie Solem effingi , quod vi maxima polleat cum signum illud attigerit : bouem cuius cornua comprehendat Lunam esse , quod ea sub Solis potestate sit , ac crebro defectu priuata lumine languescat , ac veluti Solis vestigia persequi cogatur . His sibi commentis humanum blanditur ingenium , quoties arcana sapientię minus assequitur . Cur ergo nobis quoque hodie non liceat tentare hanc aleā , & si non veriores , at saniores huiusce rei interpretationem in medium afferre ?

Nam quantum coniectura assequi possum præclaro hoc com-

commento Venetam Remp. atque Academiam Patavinam tot seculorum anticipatione designatam video. Sol enim amplissima magnitudine, ac potestate Leonis effigie quid aliud quam eam Remp. denotat, quæ eadem cum Sole ex affinibus vndis emergente cunabula habet, vim autem, ac nominis gloriam ultra Solis ipsius metas extendit? Et Sol vnus vnam post homines natos Remp. publicam, tot Urbibus, atque Imperijs fato domitis æternæ libertatis decus seruātem videt Oriens, videt & Occidens. Et quamuis Sol idem principale naturæ regimen, vt eum veteres dixerunt, Regnum, vniūque potestatem designare videatur: luce tamen reliquis sideribus per dierum, ac noctium vicissitudinem æqualiter dispensata, quasi alterna parendi, & imperandi lege libertati patrocinator, cuius sacrarium Venetæ rei Dij immortales dedere.

In eius sacrarij veluti in Persici antri aditu mithram excubito rem Leonis animantium fortissimi ac maxime vigilis capite statuerunt, & quidem thiara contexti cuius apicis fastigium in Principe Veneto super omnes titulos ac suggestus eminet. Quod si bouem cuius cornua constringit ex veterum placito Lunam esse dixerimus, nemo Thraciam Lunam esse dubitabit maculosam, ac senescentem, quæ sæpe ab Veneto Sole compressa crebro defectu expalluit, nec semel cruore suffusa lumē omne foedauit; Vel quod idem est Orthomannicum Taurum Veneti Mithræ manibus subsisti furentē, ne reliquum Europæ incurrat, templaque, & altaria Deum conculcet, ac proterat.

Hæc vt vera sunt ita ingenio nostro, ac viribus augustiora maiore veluti sono dicenda essent, Nobis satis sit ad loci huius temporisque vsum indicare, bouis simulachrum, quod à mithra non tam comprimitur quam sub eius tutela in antro Musarum placide conquiescit, per ambages Academiā nostram quæ à boue indigetatur designare, quamque ne à veteribus longe abeamus Lunam iure possumus appellare,
quæ

quæ Veneti Solis, & quidem frugiferi mutuato splendore altissima inscitæ nocte, innumerabilibus ingentium animarum comitata fideribus, non huius modo Cœli tristitiam discutit, sed cœcarum mentiū nubila serenans depulsa ignorantæ caligine, totum terrarum Orbem clarissima luce perfundit .

Et Hercules sæpenumero mecum ipse reputavi fortè ne principi Academiae Bouis titulus adhæsisset, an esset additus consulto . Neque tamen id turpe aut indecorum vnquā putavi, quippe qui non ignorarem veterum Gymnasia à canibus, & Lupis esse denominata: memineram præterea Italiam terram omnium terrarum alumnam eandem, ac parentem, Numine Deū Imperij sedem electam, à bubus nuncupatam esse, quod veteri lingua boues Italos vocarent, vnde & vitulis nomen remansit . Quod omnes tunc potentiores bouum copia censerentur, ipsique aut bubulci essent, aut pastores, vt Hercules, quem ab vltima Hesperia egisse armenta fama est: nec alius Euander Rex, cuius hospitio cum Trojanus Heros succederet, passim armenta videbat . Neque illud mente exciderat, quanto olim in honore, curaque animal hoc fuerit, vt & necari vetitum sit, hincque optimæ vitæ, & Deorum lautissima placatio desumpta .

Placuit tamen prudentiores consulere, & vndenam bouis nomen celeberrimo Gymnasio inditum esset diligentissima sciscitatione perquirere . Urbani homines ideo factum referebant, quod non rarò eueniret, descendere huc vitulos, mox virium auctu boues domum reuerti, adeo prægrâdes, vt Lucæ merito dici queant . Ita cum quidam tenera ætate fato raptus esset, vulgare illud vsurpatum.

Iupiter omni potens Vituli miserere Ioannis

Quem mors immitis non finit esse bonem .

Alij serio ita dicant, cum bouum nomine pecunia apud veteres, ac diuitiæ iam inde ab Homero vate intelligerentur, & Thesauri instituto bouis nota nummi procuderentur:

Gy-

Gymnaſium hoc bonis titulo inſignitum, quod in eo via pāderetur ad opes honeſtiſſimas, cum virtutis merito mortales diſceant & poſtquam ex hoc Boue Troiano proceſſerunt, ſiue morbi pellantur magnam mercedem eſſe, ſiue iurgia, litesque placeant, magno pretio fieri, ſilentium etiam quandoque redimi ſolere, & bouem in lingua habere non tantum vetus negotium eſſe: poſtremo ſi Iouem in Capitolio exorent, Deos quoque in partem prædæ vocari, cum hic etiam ramus ille frondeſcat, quo ipſi Inferi recluduntur. Quocumque demum te vertas pecuniam quæ à pecude dicta eſt mille modis parari. Solis elegantiorum literarum cultoribus neſcio quo fato parum cum bubus conuenire, & ideo omnis prædæ, ac diuitiarum expertes haberi.

Parum ciuile facinus eorum eſt, qui impudenter nimis ne dicam ſtultè commenti ſunt, hîc quoque vt olim in Aegypto Apim adorari, & quidem viuentem, ac veſcentem aura cœleſti, aliquando etiam ex auro, ac gemmis coagmentatum, vt quondam Iudaicæ impietatis probum fuit, quòdque alias pro portento habitum ſit, animal hoc locutum eſſe, non ita hodie infrequens eſſe, aut mirandum, vt propterea ſub diuo ſenatum habere neceſſe ſit. Hæc ſunt mihi credite otioſorum hominum deliramenta. Illud certum eſt, quia Bos Apollini, ſiue Mithræ frugifero ſacratum animal ſit, Studioſorum, ſed præcipuè laboris eſſe ſimulachrum, & ideo ab illo hoc ſcientiarum omnium emporium eſſe nuncupatum. Et bubus quidem impenſè Apollinem deleſtat eſſe, illud argumentò eſt, quod non ſemel armenta paut, nihilque illi furax Mercurij ingenium præter boues abigere potuit. Itaque cum Cœlo exulare hicauſſus eſſet, hic alienus Laomedontis armenta egit, mox & Admeto Regij pecoris magiſter factus eſt, & cum Deos homineſque fugeret, gratiſſimum bouum contubernium inuenit. Errabat Dulichius Hæros poſtquam Troiæ ſacrum oppidum euerterat, terris & alto iactatus, ſociosque ſuos reliquias Hæctoris, ac Teucrorū

cir-

circum maria omnia veſtabat, vt fugientis patriæ litoribus redderet. Sed Apollinis inclementia reditus diem abſtulit, nulluſque omnino fociorum patriam, ac dulces natos reuiſere potuit.

Muſa mihi cauſas memora quo numine laſo

Quid ve dolens

Rex hominum, ac Patareus Apollo euertit rates, pontoque corpora diſiecit. Num quia Pergama Phæbæa manu mœnita euerterant, & cum ipſo Phæbo pro Teucris pugnante manus contra conſeruerant? Nequaquam. Dic ergo tu nobis ſaltem Muſarum interpres maxime.

Stulti qui boves Solis comederunt.

Hinc cauſæ irarum. Nec aliud cœleſtis ille paſtor oſtendere voluit, quam ſuo, ac Pieridum contubernio neminem dignum eſſe, qui hoc animal proxime non referret, eiſque labores, ac tolerantiam non imitaretur, vt propterea nullus olim Mithriacis ſacris initiaretur, qui in eiſ antro virtutis, ac patientiæ ſpecimen prius non exhibuiſſet.

Quare quicumque huic Academiæ Muſis operaturus nomen detulit illi ſumma ope ad laborandum eſt vt bōs fiat, vel boui quam ſimillimus euadat: qui ſecus faxit, eum dignum putatote, qui monumentis commune fiat bubulis, quemque viuentem mortui incurſent boves. Id enim animal ſocium laboris, atque agriculturæ, & comes vtriuſque fortunæ à natura homini conceſſum vbi primum adoleſcit petulans, & indomitum exultim vagatur metuitque tangi,

Et tentat ſeſe, atque irarſci in cornua diſcit

Arboris obnixus tranco ventosque laceſcis

lētibus, & ſparſa ad pugnam proludit arenā.

Iam procatur, iam furit amore, iam prælia meditatur.

Carpit enim vires paulatim vritque videndo

Fœmina, nec nemorum patitur meminiffe nec herba

Dulcibus illa quidem illecebris, & ſape ſuperbos

Cornibus inter ſe cogit decernere amantes.

Paſci-

*Pascitur in magna silua formosa iuuenca .
 Illi alternantes multa vi praelia miscent
 Vulneribus crebris, laevis ater corpora sanguis
 Versaque in obnixos urgentur cornua vasto*

Cum gemitu, reboant silvaeque & magnus olimpos.

Itaque pro domestico, & adiutore hostis, & incommodum patrifamilias obuenit. Domanda ferocia est, frænandus impetus, procax ingenium mitigandum. Quod facili negotio perficitur. Adhibitis ferramentis tot malorum originem exsecat, ac publicum maritum extrema parte funeratum intestabilem reddit, ita ut nomen quoque ipsum veluti mulcatum debilitetur, & pro Tauro silvarum montiumque terrore vetulus, procumbit humi bos. O fatum infelix! O miseram conditionem! O quantum mutatus ab illo! Decora toruitas, quæ frontem armauerat, senilibus rugis soluitur: aspectus generositatem, luminumque minas iners stupor adurget: ardua ceruix ignauo pondere defluit: flaccescunt setosæ aures: strigosa cute palearia exarescunt: thori exarmanitur: decrescunt latera, & costarum seriem arida pellis per quinapium denudat: temporis momento effrenis impetus, ac ferocia veluti transpirat, & iam pugnam recusanti, quæ olim, vires Tauri, in procinctu dimicationem poscebant, sola cornua crescunt.

Eheu quam pingui macer est mihi Taurus in eruo.

Et tamen amor penitus animo excidit, qui olim exitium pecori, pecorisque magistro fuerat: non respicit iuuenas: non lasciuit, ac tripudiat, sed festinata senectute incessu tardus, ac grauis, cadentes oculos vix attollens, veluti meditabundus incedit, & quem a stylo stimulaturn, furentemque impetu, ac satis, hominibusque late stragem ferentem, vix septa, vix mille manus coercuerant, nunc exigua parte minorem inermis pueri manus ducit, frænât, circumagit, eadem potens totis armentis moderari.

Et ne Dij quidem sinant ut cum adolescentibus nostris

fe-

ferocientibus, & lasciuientibus eodem pacto agi velimus, vt instar Gallorum salua vasa referre domum non possint. Dij prohibete nefas, totamque hanc carnificinam auertere. Non ita humano generi intelli sumus, vt Persarum ritu fractis ferro visceribus surripiamus viros, & velut iniecta naturæ manu primigenios seminis fontes, viasque propagandæ posteritatis intercludamus. Liceat nostris integris perire. Sed mens ipsa quodammodo exsecanda est: excidendæ voluptates: amputanda lasciuia: mutilanda cupiditas. Atqui iuuentus nostra placere in primis cupit, formamque magis quam ingenium laudari, & adhuc immatura virilitatem exercere.

In furias ignesque ruunt, amor omnibus idem.

Quis imperum furentium in pugnam, seraque sub nocte certantium compescat? Timidæ virgines Camænæ, imbellis vatum chorus omnem tumultum, ac lasciuiam submouent, totoque Apollinis luco abfistere iubent.

Postquam ergo Taurus hominis colonus, ac contubernalis non amare coactus est, bonæ frugis bos factus oblitus nugarum continuo laboris, ac tolerantia exemplum fit. Et superbam olim ceruicem cum compare submittens iugo, dubia adhuc luce aratri pondus trahens, telluris dorsum proscindit, & per longos anfractus sulcos ducens, sterile etiam solum saxisque asperum committigat, futuræque fecunditatis minister, postquam semina tellus excepit inuertit glebas, fruges triturat, plaustra trahit, ingrata Vrbi annonam importat, idem stimulorum leges plagis obtunditor, non calce non cornu petit, tam vasto corpore scena, atque arentes stipulas rodit, ac labore suo ignauis mortalibus vium subministrat.

Iure ergo hoc tolerantia argumentum veteres statuerunt, hocque insigne Academia fecerunt quicumque intellexere, nihil in literis præclarum sine improbo labore posse præstari. At iuuenum plerique nihil magis metuere videntur, quam ne hoc titulo decorentur. Enimvero homines se esse

esse ferunt non caballos, aut boues clitellarios, seque in Academiam non in pistrinum deductos: nihil perpetuo studiorum labore ætati magis noxium. Quid enim iuvat, aiunt, se afflicta mentem vigilijs, ac lucubrationibus mortem persequi? Quid prodest pubertatis florem immatura tristitie corrumpere, seque vivum sepelire?

Id cinerem aut manes credis curare sepultos?

Frustra sibi parentes, ac patruos studiorum laborem commendare, qui ubi adolescentiam suam procul à studijs basilicè oblectarint, liberorum labore inertiam suam rependere conantur. Satis sub magistris ignavia peccatum esse: posse veluti veteranos verberum notas, & quarum pudeat, averso corpore exceptas, posse sæuitiam Orbiliorum ostendere, posse Herculis exemplum respicere. Multos præterea demonstrare posse, qui postquam in Academia omnia potius quam studia curauerint, nihilominus velati insignibus laborum præmia reportarint.

Eugepæ salua res est; Philosophatur adolescens noster non mentitur modo. Nec dictis facta saniora adiicit. Nam postquam in Academiam venit, argumentum virilitatis auspicaturus, non vno telo accingitur, nomen Marti non profiteri religio est, quamvis adhuc dubia pubertas, & inuestes generæ rudimentum onerosæ militiæ excusent. Battuere, ventitare, decurrere, equum insilire, ac resalire ephebi studium est, nec ignobile, sed dum præ hoc literæ negliguntur periculum est ne comptus eques ex Gymnasio Patauino nihil præter eius titulum referat & ab equis ad illud quod sequitur transeat. Quid iuvat recensere in quibus alij exercentur, & desudant? Oiuvenes laboriosos: puto ego eos in literis nunquam incipere, & postridie finire, plerosque id animal fieri, quod nolunt imitari.

DE NVPTIIS PHILOLOGIAE.

Prolusio VI.

*Miris modis Dî ludos faciunt hominibus
 Mirisque exemplis somnia in somnis danunt
 Ne dormientes quidem sinant quiescere,
 Vt ego hac nocte qua praecepsit proxima
 Mirum atque inscitum somniaui somnium.*

Nam cum nescio quid nugarum meditans ad altam noctem vigilassem, vix lumina sopore succubuerant, cum visæ sunt cubiculi fores modice impelli, mox spontè apertæ admisere intrantem senem venerabili aspectu barba opacè, ac pœnè Tragicè proluxa, sed pallor ac macies ora confecerat, frons senilibus rugis constricta, reliqua exercitati vultus. Is visus est consistere ad grabbatum meque manu molliter impulsum excitare. Timui ego ne inferna imago esset, itaque frigidò sudore perfusus vix hiscere audebam. At senex ratus id quod erat, me intempestiuo timore torpere, diducto leniter rictu nec toto ore in risum soluto. Frustra inquit lemures metuis, ego si nescis Lazarus Bonamicus sum, qui ante annos non paucos bonas literas eo in loco professus sum quem tu hodie tueris, nunc etiâ fortasse posteris non ignotus, licet pauca admodum ingenij monumenta vulgauerim, nec de seculi tui more nouis subinde abortiuis fœcundum ingenium soluens, præla fatigauerim Tibi certe studiorum similitudine conciliatus, nec leuiter obstrictus, quod me identidem laudibus feras, atque latini sermonis elegantiam cum paucis comparandum prædices. Vt ergo vicissim aliquid rependam ad sum, atque aduenio ex Helicone, ac literatorum Elysijs, vbi Philologiae nuptiæ indictæ celebri doctorum conuentu, magno procorum ambitu agitantur. Itaque expedite, & me vadentem prosequere non sine volup-

D cate

tate Musarum arcana, aulæque Apollinaris ingenium inspe-
cturus.

Ego stupore defixus vocem amiseram, mox collecto spiri-
tu, Tu inquam Italarum cultissime eras? Hæc elegantis sene-
ctæ viuida, & eximia species, seriæ grauitatis lineamenta id
quod eras fatebantur, qui primus hac in Vrbe politiores li-
teras excitasti, & à pædagogicis ineptijs ad eruditæ anti-
quitatis decus Latinæque puritatis candorem, ac maiesta-
tem traduxisti, famæ contemptu, famam apud posteros me-
ritus. Quocumque perges comes adero, & si in crutem iue-
ris sequar: & cum dicto composito tumultuarie cultu vestigia
præcedentis lego. At ille ad fenestram contendit, vbi mira-
bile visu, præsto erat equus alatus instar Pegasi, nec mora in-
filit Bonamicus meque vt in equi clunibus resideam monet.
Cohorui ego initio, & quia nox erat pertimui, ne ad saga-
rum conuentus nullo vngvine delibutus perduceret, nisi
quod pro hirco, alipes apparebat. Incendi tamen, brachijf-
que Belerophontem meum implicui, genibus equum com-
pressi, tanta enim velocitate per inane ferebatur, vt nihil ma-
gis metuerim quam ne claudus aut fracta ceruice ad Elico-
nem venirem.

Vbi vero animum recepi itineris causam percunctari cæpi,
& quæ commodum nuptiæ celebrarentur, nam ingens arca-
num videri, quod Dea spretis cælestibus procis mortales am-
plexus appeteret. Magna inquit Bonamicus res est nec pau-
cis expediri potest. Omnium artium ac disciplinarum parens
Italia, sed præcipue politiorum literarum cultrix, ac propa-
gatrix, torpet nunc nescio quo fato squaleret, vt pœnè pul-
sis ac fugientibus Musis Apollinis animum ea cura aduerte-
rit, sollicitumque diu habuerit. Porro hæc pestis ac calamita-
tas ex earumdem literarum neglectu processit. Nam præter
artes ac disciplinas, vnde lucri spes affulget, quis mansue-
tiores literas vel de limine salutat? quis Græcarum fontem
primoribus labris delibat? Quis carmen sani coloris conde-

Ecce, quis epistolam argutijs animare in pretio ponit? Nullius pudorem onerabo, sed barbari sumus ex quo Latine scribere aut loqui, omnisque antiquæ memoriæ cognitio puerilis provincia existimatur.

Honore artes ali vulgatum est, cessare pulcherrima studia si eorum pretia tollantur. Itaque iacenthæ literæ ingloriæ atque in honoræ, quod parentes ad lucrum properantes ab Grammatistarum rudimentis ad disciplinarum apices liberos protrudunt adhuc impuberes, & vix dū literatori maturos. Nolo de iuventute conqueri, nā periculosum est ex quo Hercules præceptori caput tabula comminuit, & tu olim bone vir (me autem reflexa ceruice contuebatur) cum de barbarie conquereris, poenè lapides inuenisti, quod prout aliquis Prisciano caput perfregerat, se designatum credebat. Quotidiana tamen res est ac familiaris adolescentes, qui vix duo verba Latina conantur, Themidis templa subire, nec verendi illius Tribunalis maiestate moueri, crepare iura, legesque. Sed cum diu multumque in comitatu Iustiniani fuerint, gnauos excipio & industrios, id illis Imperator est, si Græcè, ac si Latine loquatur. Eodem paratu Epidauri cultum Deum accedunt, eodem in sacraria admittuntur.

Ergo malorum omnium caput, atque origo hinc parens illinc doctor nutantem adolescentem præcipitant. Doctor ne minori frequentia stipatus incedat, aut comitator collegæ in publicum processus sit, satis temporis nugis datum esse contendit, exuendam pueritiam, & reliâs magistrorum vitreis fractis ad sapientiæ maiestatem laureæque præcocis spem assurgendum. Sed parens, etiam si ventosa cucurbita inanior tamen metuit ne natus crudus adhuc sit, & nondum studijs grauioribus par, sed nescio quo fato ipse literas parum nouit, ne scilicet à seculi more atque a maioribus degeneret, ad aliquem homuncionem umbraticolam puerum deducit, vt aliena fide experimentum capiat, num tuto tradi Academiæ possit. Ille aurito de grege postquam assedit

& supercilium sustulit pallentem ephēbum excutere incipit, pauca verba Latino sermone vertenda dīctat, hāsitan-
tem oculis, ac nutu confirmat, & ad parentem conuersus
frontem contrahit, & Papē quā tibi similis est & te dignus !
Mox iubet breue quoddam ex libro prælegere, & licet Ar-
cadico iuveni in leuā parte nihil saliat, tamen nutat capite,
complodit manus, gratulatur patri, & veluti concionabun-
dus rogitat, cur tantam indolem scholarum ergastulis pre-
mat, spemque herbescentem præfocet ? Deūm fidem ! De-
lirus senex gaudio insanit, moxq; ad Academiam tenerum
adhuc, & inuestem destinat. At si, quod raro euenit, paren-
tic cordatior ephēbus modeste reluctetur, atque in huma-
noribus pedem figere postulet, moramque excolendis se-
rio Musis precetur, ex candescit enim vero parens, & quid,
inepte, ait, tibi vis cum istis tuis literulis, in queis si conse-
nueris, ne quadrante, quidem penates augebis ? Versato
poetas, sophistasque & Oratores: doctorum cartas perdius
& pernox voluta, esto eruditulus, vel vt isti loquuntur Cri-
ticus: nosce historias omnes, actabulas velut digitos vn-
guesque tuos: quid fiet, aut quam demum rem aggredieris?
Scilicet post quam ad aliquem gradum opinionemque eru-
ditionis perueneris, inquietaberis herclē quotidie, & hic
poscet epigramma, hic elegos, hic prolusionem, multi ore
tuo publice loquentur, hic te dīctante cum amica iocos, ac
iurgia miscebit, aut etiam innocenter lenocinante amores
suos placabit: hic epitaphium petet, ille epithalamium, vt
pro designatore aut auspice operam locare possis. Pro his
non sine cura, ac labore paratis pudet mercedem accipere,
& quæstu Musas prostituere, quod si perfricata fronte pre-
tium quo omnia constant, non respuas, nemo daturus est,
sed officioso verborum ambitu aulæque assentantis menda-
cijs gratias gratesque rependit, eas tu in sumptum adhibe,
inde cultum, victumque expedi. Itaque obliuiscere nugarū,
& literas e suritionum magistras securus contemne. Illa tuo
sen-

Sententia semper in ore,

Perfetur Dÿs atque ipso Ioue digna poeta.

Vnde habeas quaris nemo sed oportet habere.

Sic teneris mentibus musarum odium lucrique amor instillatur, sic blandiēte inertia optimæ literæ proculcantur, sic barbari triumphant, & ni Deus succurrat breui futurum est, vt in Latio Latinam linguam frustra quæramus.

Prouida ergo Apollinis cura optimo consilio huic malo occurrere statuit, & Philologiā olim Mercurij nuptijs à Marciano decantatis nobilem, exorato Mercurio dare nuptum mortali constituit, vt felici mox prole ad eius venerationem cultumque humanum genus si fieri potest conuertat. Vtque totius apparatus pompa celebrior sit, Saturnalium dies indixit.

Adhuc loquebatur Bonamicus cum gemina Parnasi iuga die maturius illustrata se nobis aperiunt, quibus cum Sole adoratis, Musarum Regiam subimus. Cuncta hymenæo perstrepebant, poetis fescenninos ad demulcendum sponsæ pudorem concinentibus. Ipse Deus literarum parens sedebat aureo solio relucētibz gemmis, sed detraxerat capiti radios, atque erumpens iubar cohibuerat, vt se oculis impune fruendum daret. Literarij Orbis procures hinc inde condescenderant, & quicunque artibus, ac disciplinis vitam excoluerant: turba minor vastissima aulæ spatia compleuerat. Postquā affedit Bonamicus, & ipse Principibus per mixtus Achivis, ego post eum reclinis deflexa ceruice gratissimum spectaculum vsurpabam.

Cum ipsâ pronubâ Mineruâ, prælucentibus patrimis, ac matrimis producta est puella elegantissima & Cælo digna. Nulla vox est quæ ipsius formam exprimere possit. Capillos matronali decore nigrantes, vndanti sinu retroflexerat, auris spirantibus ludum: modicæ frontis honorem nigerrima supercilia distinguebant, quibus inclusi oculi arcano vigore micantes, magnique & quales habere Iunonem Homerus cre-

D 3 didit:

didit: natiuâ purpurâ imbutæ genæ: naris paulo inflexa: osculum modice hiulcum, labiorum muricem, dentium ebur infecerat: iam lactea ceruix, iam vlnæ Tonantis sorore dignæ: iam pectus, iam pedum candor, qualem Theridi Græcus vates adscripsit, iam cetera, quæ fusâ humi pallâ velabantur quod laterent meliora putabantur. Quæ omnia totam literatorum gentem habetes etiam, & naturali languore torpentes excitarunt, vt senû etiam desueta amore corda intepescerent, iuuenum manus, ac venæ micarent, & alius quidem cultum disponderet attentius, alius barbam concinnaret, omnes suspirio saucium pectus ostenderent.

Sed quisnam diuinæ puellæ sponsus destinaretur incertum erat, studiisque & ambitu, & credentium voto agitabatur. Ingens doctorum numerus ex omni disciplinarum orbe Phœbeum limen obsederat, vt olim inter procantes Regulos de Ithaci vxore disceptatum est: nisi quod hinc petulantia aberat, & lasciuia. Neque principes modo, aut dinastæ procabantur, sed & de plebe viri, solo literarum censu vulgo exempti. Vbi vero euulgatum est, eam Apollinis mentem esse neminem vnum designare, sed puellæ ipsi sponsi arbitrium permittere, quem non tam oculis metiretur quâ auribus, nec tam ex habitu, cultuque, quam ex animo æstimaret, mirum quantum literatorum studia accensa sint. Sedebat illa aureo in throno conspicua, atque ita oculos nutusque inter amantes dispensabat, vt nullus de causa sua desperaret. In eo grege soli parum læti conspiciebantur Deorum interpretes, harioli, ac mystæ, quisque sacra fibulam imposuerant, & ad omnem nuptiarum mentionem exhorrescebant. Ex quorum vultu mœstitia & indignatio, quamquam premeretur erumpebat: simul questus audiebantur se tanquam ex sectos & intestabiles tam pulchro matrimonio deijci, perpetuaque sterilitate damnatos, visos veluti indignos ex quæis sobolem posteritas haberet. Hæc & alia mussabât, propexamque in pectora barbam mulcentes obiter limis puellam

Iam contuebantur & cum cano capite, atq; anima foetida frigutiebant.

Reliquorum spes acrius accendebantur ex quorum numero Philologia tædas, atque hymenæum peteret. Sed initiatione audiri quidem Grammatici pannosi, ac laceri, centonibusque poetarum amicti, qui maris ac foeminæ copulationem suam esse artem dictabant, eorumque dissidentium concordiam, quam ipsi domi non inuenirent: res agentes, ac patientes, & quandoque neutras, quodque in vxoribus periculosum est, aliquando communes, suum inuētum esse prædicabant. Primum quod pueros doceant, esse Amare, hoc omnes discere ante Alpha, & Beta, idque per tempora ac modos; coniunctiones item, figuras, & deriuationes, & reliqua artis mysteria. Suo supercilio lasciuientem pubem compesci, sua sceptrâ Regum filios reuereri, in suis manibus Remp. adolescere. Se solos vnde Nuptiæ dictæ sint posse dicere, à quibus non semel Iurisperiti verborum notationem & quidem infelicitè peterent: vnde Vxoris ac mariti vox: quæ cantio fescennina: vtrum faces pineæ essent; an spineæ; vnde Thalassio atque Hymen: cur supra fascinum nupta collocaretur, quid thalamus genialis, atque nucum sparsio: nullos peritius zonam soluturos: quodque omnes tanquam parum tempestiuum riserunt, quis primus alienum matrimonium subsederit, vnde primum inuēta in Vrbes lupanaria, lenonesq; iuuentutis illecebræ, vnde scorta dicta sint, ipsorum quin etiam Deorum furtiuos amores & fucum mulierculis factum se solos scire, & reliqua ineptiora prioribus. Quare erubescens puellâ iussis facessere nugatoribus, & has nēnias inter capillatorum gregem modestius narrare, haud dubie in oratores, causarumq; patronos propendere videbatur.

Nam præterquam quod nitidi erant, & compti, multisque mundicijs ad fori genium exculti, blandis verbis flexanimæ, que orationis illecebris puellæ animum sibi deuinxerant.

Quin verborum volubilitate, & vibrantibus sententiis non tantum causam suam approbabant, sed facile apparebat eos quamlibet aliam deteriore, optimam esse dicendo facturos. Quos enim rogabant ex toto disciplinarum Orbe sibi ipsis sponsam cōparaturā? Qui eloquentiæ vi in iis Vrbi- bus regnum obtinerent, vbi nemo seruiret, populi motus, iudicum religionem senatus grauitatem sola Oratione conuerterent? Addebāt postremo preces, questus ac lachrimas miscebant, affectusque omnes versabant. Quem non fleuisset blanda & suo pondere instar hybernarum niuium ruens, acglomeratione oratio? Certe Philologia non nisi Oratorem maritum velle dixerat. Iamque ceteri demissis capitibus domuitionem parabant, pauci ad senatum literatorum prouocarunt, cuius sententiæ puellæ standum erat. Cumque de hoc Consules retulissent pronunciatum est nuptias illicitas ob affinitatem videri, nam licet tales inter Deos vsurparentur, has mortalium ritu peragi oportere, quam proxima autem cognatione Oratores Philologia contingeret neminem ignorare. Sic Oratores de tanta spe veluti de Coelo detracti, fulmineque afflati obticuere, quodque difficulter faciunt fluentem Orationem comprellerunt.

At puella repullæ indignatione accensa nequaquam miti aspectu Philosophos dignabatur, neque tamen ipsi causæ suæ diffidebant, sed Oratione rudi, atque impolita, vt se Oratorum pompam maiori saltu fastidire ostenderent, se solos dicebant in toto terrarum Orbe, quorum bonitati, ac fidei etiam vota sua mortales commendarent, se præceptis salubribus genus humanum instituere, sibi primigenia naturæ arcana, rerumque principia credita, causasque & modos posteritatis propagandæ. Sed puella facie sub tristi mundi- ciji & elegantiae assueta, auersabatur homines graues, & incomptos ipso cultu simplici magis, quam rudi, & obsoleto. Nihil sponsa adhuc subirata loquebatur; Sed pronubæ, atque auspices ita dicebant, morosos homines, & austeros es-

se

se philosophos, iurgijs, atque altercationibus innutritos, cō-
 tentiones e schola domum transferre, & vbi nihil foris ha-
 berent de quo disputarent, domi cum vxore delitigare, cla-
 moreque & minis penates inquietare; Non paucos furiosa
 æmulatione transuersos rapi, matremque familias non secus
 ac Danaem sub claue ac ferra habere, ipsamq; inuidere So-
 lis lucem. Nec filebant vetera Philosophorum facinora, com-
 municatas vxores, promiscuoque concubitu rerum publica-
 rum fundamenta posita. Ad postremum Philosophos ma-
 gnam partem mulierum osiores esse. Hæc pronuntiatione
 fulminati illi conticuerant, paulatimque proci dilabebantur,
 solique Astrologi, Medici, ac Iurisconsulti audacius vota
 concipiebant. Et Astrologos quidem Philologia auersaba-
 tur, nam licet sibi hominum sortem creditam iactarent, se
 Cœli interpretes, rerumque naturæ capaces, fata mortalibus
 dispensare; Contra differebatur genus hominum esse poten-
 tibus suspectum, regnantibus intutum, Urbibus non semel
 eiectum, fallacique siderum interpretatione humanam vitā
 inquietans. Præterea totos contemplationi deditos, Cœlo-
 que affixos, abacoque inhærentes, dum siderum motus scru-
 tantur vxores pati frigido in lecto iacere viduas, plerumque
 alienarum calamitatū prælagos, domus suæ infortunia igno-
 rare.

Post hæc medici pauca, & modesta de se loquuntur, de
 arte sua magnifice, nec se tanto matrimonio indignos ferūt.
 Nam licet tristi ministerio occupentur, se tamen beneficio
 seruandorum hominum cum Dijs ipsis certare, nec semel
 mortuos sepulchris inuidere. Quod si tanquam bonarum li-
 terarum rudes spernerentur, non defuisse vnquam è corpore
 suo qui politioribus literis omnique eruditione artem medi-
 cam excoluerint, vnumque instar omnium parentem Gale-
 num, quem vasta ingenij capacitate omnium artium, ac disci-
 plinarum Orbem amplexum, nullius rei ignarum fuisse satis
 constaret, vt interim Fuchsi, Mercuriales, Cagnati, Guil-
 lan.

landini, Ophtmanni silerentur. Quod si Philologia vt puellæ mortales auro caperetur, nullam artem largiore prouentu auara quoque vota explere.

Omniſus ferè cauſam ſuam Medici approbauerant, ſoli puellæ non placebant, quæ ſiue ad Iuriſconſultos decoros cultuque florentes oculos adiecerat, ſiue alias ob cauſas libere pronunciauit, non diſplicere ſibi quidem Medicorum conditionem, malle tamen thori ſocium Iuriſconſultum, immo fatiſ, & tacita Deorum deſtinatione ſibi deberi. Cuius rei auctores daturam ſe Budæum, Briſſonium, Cuiacium, Tiſſaquellum, Paræum, Ræuardum, Fabrum, vtrumque Gentilem, & omnium principem Alciatum, qui Iuriſprudentiam barbarorum iniuria, noſtrorumque hominum ignauia, ab eloquentia literarumque ſtudio abſciſſam, ſitu ſqualentem, gloſſiſ ſœdam, ineptiſ deformatam ad priſtinum cultum, ac maietatem reuocaſſent. Hiſ auditis ieiuni quidam ac puſilli leguleiſ in angulo muſſabant, qui Philologiæ ornatum ægriſ oculiſ inſpicientes, nimbatam dicebant, & nugas meras. Nam cui bono tot illecebras, pigmentaque & calamiſtrum? Ab Iuriſ ſanctitate ab eſſe ſucum oportere, nimiaſque munditiſ. Sed impoſitum rabuliſ ſilentium eſt, poſtquæ Vlpianuſ, & Pauluſ, & reliqui non minus Iuriſ ſcientia, quæ ſacundia claritudine poſteris noti, e Rep. literaria id matrimonium eſſe pronuntiarunt: quin ingenue ſaſſi ſunt tantuſ Iuriſprudentiaſ tenebraſ inuectuſ eſſe, vt ſi reſ ipſi mortaleſ reuiſerent futurum vt vix reſpoſa ſua intelligerent. Igitur vniuerſiſ plaudentibuſ, ac poſtulantibuſ nuptiaſ factæ ſunt, & Philologia in Iuriſconſulti manuſ per conſarreationem conuenit: ſignataſ tabulaſ, dictum Felicituſ

iacuit gremio noua nupta mariti.

Tum ipſe Apollo vaticiniuſ dixit ex pulcherrimo matrimonio diuinam infantem orituram, copioſe loquentem prudentiam, tum barbariem e ſcholiſ expulſum iri, mihi præ lætitia ſomnuſ ſolutuſ eſt.

S F P.

SVPPETIA CRITICIS LATÆ.

Prolusio VII.

VT olim Africa, sic hodie Helicon semper aliquid affert noui. Nimirum pascenda est rumorum auida plebecula, & nihil ignorans cunctaque transmittens vbique Roma est. Nihil tamen hinc de feræ militiæ muneribus, neque ea nuntiantur, quæ arrectis auribus, & hianti ore excipiat, moxque in maius aucta inter oscitantes rumoribus differat, nec otium ferens, nec laborem. Direptiones Urbium, mali fati exempla, cæsos exercitus, totis viribus concussi Orbis certatum, captam, & non captam Perpennianum, & quidquid credentium otio fingitur, & vulgatur: vnde studia, nec simplices factiones, & tanquam in arena in Gallum, aut Hispanum semper trepidus, atque anxius fauor, contentio, furor, & poenæ ipsis prælijs par rabies. Sed umbratiles doctorum pugnas, & incruentas contentiones audituri estis, studiaq; & partes nihil præter verba ausuras, sed mite ingeniorum certamen, irasque ex quibus nihil superest, concordem discordiam, & pacato musarum regno ex amico dissidio duraturum seculis literatorum fœdus.

Si vnde hæc acceperim quæsieritis, si libuerit non dicam: scio me ibi viuere vbi non verba modo sed & sensus liberi sunt, sublato vbique loquendi scribendiq; commercio, quod de temporibus Tyrannide infestis scriptores conquesti sunt. Ne tamen inurbanè vobiscum agam Homerum allegabo qui somniorum portas reuocabit. Quæ ego ex cornea volitantes imagines manifesto visu exceperim cum fide referam.

Κύτε φίλοι θεῖός μοι ἐνύπνιον ἤλθεν ὄνειρος.

Immo non somnium sed credite me vobis folium recitare Sibyllæ. Ad Heliconem proximis diebus literatorum lustrum actum est Pico Mirandulano, & Hermolao Barbaro Cen.

Censoribus. Censi sunt non pauci ex toto terrarum Orbe, quos solo disciplinarum, bonarumque literarum censu æstimatos, Delphica ciuitate cum iure suffragij Musarum parens donauerat. Postera die Senatus lectus est. Vbi Picus in legendo omnes præterijt, qui politiorum literarum nomine, studioque Antiquitatis in amplissimum ordinem fuerant cooptati. Cumque non obscurus in senatu fremitus, & indignatio orta esset, grauib. factis atrociora dicta adiecit. Et quousque tandem P. C. inquit hoc genus hominum vt mitissime dicam ineptum ac putidum in senatu fereamus, ordinisque grauissimi maiestatem solis nugis, vietisque, ac rancidis obseruationibus euilescere patiemur? Quousque ventosa natio regnabit, difficileque semper habebit nugas, & tristi ineptiarum labore defungetur? Quid autem isti literarum carnifices, librorum pestis, ac perniciēs disciplinis, vitæque communi boni afferunt? Quis ab eorum contubernio melior euasit, aut doctior? Quid tanto hiatu polliciti præstant? Opera prætium est audire, quæ isti somnia inuexerint. Quam grauib. & ad communem salutem pertinentibus quæstionibus se exerceant. Nihil præter antiquas illas nænias vtrum maior ætate fuerit Homerus an Hesiodus, quasi magis ad rem pertineat scire, Telemachus an Vlyssis canis antiquior fuerit. Quotque hic socios habuerit, & quo nomine vocarentur: quæ mater Hecubæ, quid Sirenes cantare sint solitæ? Quinam per Deum fidem morbus hic est, quodque inane studium ridicula & superuacua discendi? Hæc me non modo non pudet ignorare, vt si ea scirem cum Themistocle artem obliuiscendi optarem.

En omnis sapientiæ parens Homerus, ex quo tanquam ex Oceano omnes disciplinarum fontes, ac riui dimanarunt. Quod autem ex eo isti afferant pudet referre. Discumbebat Telemachus in conuiuio Menelai; erat illi proximus Pisistratus, hunc interrogaturus Telemachus pede molliter tangit. Quærunt eruditi cur potius pede, quam manu, aut cubito tangerit.

tigerit. Eundem Telemachum Euriclea domi ne fugeret conclusit. At serræ clauēsque nondum in vsu erant. laborant igitur vt inueniant, quodnam id vinculi, aut claustrigenus fuerit. Achillis Clypeus quinque operimentis munitus fuerat, quorum vnum ex auro reliqua ex corio confecta; quodnam aureum fuerit, summum ne, medium an imum. Magna profectò res, & in cuius ignoratione totius Græciæ salus, immo humani generis nitatur. Quemadmodum & illa, quæ quoties repetorisum tenere non possum. Quærunť magni isti literarum proceres num aliquis vsus fuerit carnis elixæ Heroicis temporibus, negatque ex tripode magna horum pars. Nam licet apud vatē legatur *litore abena locant alij*, athenis veteres vsos non ad elixandas carnes, sed ad lauandum contendunt. Alij contra nituntur. Nam cum Vlysses sub mendici habitu domi suæ ignotus versaretur contumeliæ causa in eum procorum vnus bouis pedem iaculatus est. At culinæ magistri pes bouis, aiunt affari quomodo poterat. Itaque assis, & elixis carnibus etiam veteres vefcebantur. Herculem vna nocte quinquaginta filias Theſpij depudicaſſe quidam credi volunt, cum ipſe vix tribus noctibus ab Ioue abſolutus ſit. Contra alij quinquaginta noctibus hunc demum laborem ab Hercule perfectum nobis perſuadent. Digna quæſtio in qua iſti acumen ſuum exerceant. Quemadmodum & illa. Cum parturientes res obuias manu prehendere ſoleant, vt aliqua ratione dolorem imminuant, Latonam in Apollinis ac Dianæ partu, palmam tetigiffe quidam memorant, alij contra oliuam manu tenuiſſe, alij laurum. Quos in tanta re tutò ſequemur? Diomedes manum Veneris vulnerauit. Dextra ne fuerit an ſiniſtra Grammatici certant, nec dubitant illud in diſceptionem vocare, quo primum pede tellurem è naui deſiliens Aeneas tetigerit, dextro, an ſiniſtro, & poſt longa certamina eo inclinant vt credant iuncto vtroque pede proſiliuiſſe.

Quid his faciemus P. C. ? Non Anticyram continuo amā dabi-

dabimus, ne toto quidem hellebori iungere sanandos? Sed antiquos ritus referunt, & retroacta secula sub oculos mittunt. Quid agerent Quirites, qui vestirent, quoties indie comederent. Expecto ergo ut aliquis etiam quærat num iidem dormirent, & quidem in vtrumque oculum, num post cibum illuc secederent, quo saturi solent. Num oculos & nasum ipsi quoque haberent: Num apud illos plueret, ventique spirarent. Quomodo denique moterentur, & qua parte corporis animam emitterent. O miseros qui hæc narrant, miseresiores qui audiunt.

Et istos vsui aliquando Reip. futuros creditis, hos moribus hos vitæ communi? Nam si aliunde hostilis metus increpet, si Vrbs obsidione cingatur, si aræ, si foci, si delubra Deorum in discrimine versentur, trepidi ciues conuenient, ut de salute in medium consulant. Ad sit vero & vnus ex eruditulis istis. Quid per fidem allaturum putatis, aut excogitaturum, ut pereunti patriæ opituletur? Nisi me animus fallit, vbi omnium ora atque oculos in se conuersos videbit, grande aliquid minatus vocem in hæc aut similia soluet. O ciues, ciues perijmus. Hostis habet muros. Veteribus non hostes, sed perduelles dicebantur, ipsumque bellum duellum. Porro, & mœros mœnia dixere à muniendo, & pomærium, quod post siue pone mœros esset, quod omni cultu vacuum purumque fuit. Quid autem vobis in re tam crepera agendum sit quæritis? Si bellum inferretis, ipse censerem prius Fæciales de more cum patre patrato mittendos, ut res repeterent, hastamque iacerent, sed quia illatum propulsatis, cum auctor vobis sum ut caducæatorem cum infulis mittatis, hunc autem à caducæo dictum scitis, quæ virga Mercurij Deorum internuncij fuit. Sin in pertinacia nihil profutura persistitis, peribitis cuncti. Hostes enim vel Urbem corona cingent, vel pluteos ac vineas admoueunt, catapultis, ballistis, ac scorpionibus res agetur, Vrbs diripietur, & ea sequentur quæ mens referre horrescit, eorum imaginem apud Virgilium, Liuiumque &

cete-

ceteros videre erit, in quæis ego ætatem contriui. Hæc ille cum supercilio. Auditorum autem saniores quid aliud quam intempestivas nugas exploderent, & de media vena eruditio pertundenda cogitarent? At quibus mens feruidior his maxime vocibus consultorem exciperent. At ò Deorum quantum est Grammaticis infestum te cum hostibus ipsis ac per duellibus, cumque patribus patratis, ac patrantibus perdit. Quid malum, iuvat in re capitali nugari, & in confinio mortis percuntipatriæ illudere? Qui nisi ad te redieris non in Liuius, sed in robusto carcere ætatem conteres, vel te sacrum ac succidaneum, & si maius intestabilem pro larvato Cæteri sacrabimus. Si hæc illum merito auditurum putatis vos ab vno omnes discite, & de toto genere idem pronunciate. Quare ita ego è Rep. esse iudico, atque huius confessus maiestate, vt Critici omnes, literati, ac literatores è Senatorum albo expungantur tanquam nugatores, & humanæ vitæ inutiles, atque incommodi. Postquam Picus assedit incredibile dictu est quantum admirationis sed & quantum fremitus eius Oratio excitauerit. Plurimi, ijque dignitate præstantes notabantur: clarissimorum virorum decus pro concione proscribebatur, pauci admodum erant ad quos tã iniquæ declamationis inuidia non pertineret. Cum Beroaldus Cos. designatus sedato vultu, ita apud infensos cœpit. P. C. Grauitè, & iniquo animo has partes implere me fateor, vt Pici criminationibus aliquid reponam. Nam & si me in eorum numero esse profitear, quos iste iocum ludumque fecit, & propterea me quoque non perfunctoriè sugillatum, quia tamen sic à natura vsuque institutus sum, vt malim recte agere, recte quæ scribere, quam hanc calumniandi serrâ reciprocare, supersedissem profecto lubens ingrato munere nisi me locus ac dignitas reluctantem ad hoc impelleret. Quid primum loquar Patres, aut quid non loquar? Novum crimen & inauditum. Nos Grammaticos appellat, idque omnium maledictorum complementum esse vult credi. Vide

Pice

Pice quam ſim initio liberalis, non modo in hoc contumeliã agnoſcimus, neque audito nomine erubeſcimus, ſed ultro etiam in laudem iactamus. Quis enim adeo in literis hoſpes eſt quales tu nos paulo antè concinnabas, qui ignoret primo hoc nomine eos cenſeri qui literarum rudimenta pueris tradunt, quos alphabetarios, & literatores & de triuio magiſtros me non repugnante apelles licet. Quorum nullum non in ſenatum modo recipi, ſed Helicone omnes auerti ſciamus. Alterum genus Grammaticorum, qui in duplici munere verſantur, altero vt de ſcriptoribus iudicent, quos verè criticos dixere, altero, vt eoſdem interpretentur, hoſque eruditos, philologos, & ſi vis Grammaticos, & nos fatemur, & ultro ſi tales dicamur beneficium imputamus. Sed illud ſerio adijciam ipſa fremente inuidia, hoſ homines non modo ſenatu mouendos, ſed contra ijs maxime honoribus augendos ſine quibus omnino ſtare Reſp. literaria non poteſt. Veri enim ac perpetui literarum cenſores non in vna tantum arte ac diſciplina conſeſcunt, ſed mira ingenij capacitate, Herculeo labore ſcientias omnes peruagati, Orbem illum perficiunt, quem veterum multi nouere, pauci admodum confeſcerunt.

Hi ſunt quos tradit ſummus vir Quintilianus, tam ſeuero iudicio uſos, vt non verſus modo cenſoria quadam virgula notare, & libros qui falſo viderentur inſcripti, tanquam ſubdititios ſubmouere familia permiferint ſibi, ſed & auctores alios in ordinem redegerint, alios omnino exemerint numero. Hi librariorum fucum & fraudes pluſquam mangonias, magniſque ſcriptoribus toties ſuppoſitos ſpurios foetus deprehenderunt. Iidem corrupta & vitioſa auctorum loca emendant ambiguas lectiones recenſent, nec verba modo ſed & ſententias notant. In quo genere exercitationis ipſum Piſiſtratum, diuinam Ariſtorelis mentem & felicem Galeni curam verſatam fuiſſe video. Quemadmodum in ipſis diuinarum literarum oraculis Lucianus, Hieronymus, alij

alij sacram Criticem instituere.

At scriptorum, præcipuè poetarum enarratio quantum habet dignitatis ! & si vt idem Quintilianus tradit res ista plus habet in recessu quam in fronte promittat. Nec poetas inquit iste legisse satis est, excutiendum omne scriptorum genus, non propter historias modo sed verba, quæ frequenter ius ab authoribus sumunt. Non citra Musicem Grammaticæ potest esse perfecta, cum ei de metris & rhythmis dicendum sit. An si rationem siderum ignoret poetas intelligere poterit, qui vt alia mittam toties ortus occasuque signorum in declarandis temporibus vtuntur ? Non ignara Philosophiæ cum propter plurimos in omnibus fere carminibus ex intima quæstionum naturalium subtilitate repetitos locos, tum vel propter Empedoclem in Græcis, Varronem, ac Lucretiũ in Latinis qui præcepta sapientiæ versibus tradiderunt. Eloquentia quoque non mediocri opus esse apparet, vt de vnaquaque re dicat proprie, & copiosè. Quam vero medicæ arti salutaris sit Critice, ipsamque veluti medicinam curet non alius quam Galenus docuerit non minor fortasse Criticus, quam Medicus. Docebunt recens in Senatum allesti cū principibus adnumerandi Mercurialis, Cagnatus, Fuchsius, Guilandinus, quique exacta ætate plures palmas quam dies numerat Hophtmannus. Nam de Iurisprudencia quid attinet dicere coram Alciato, Fabris, Brissonio, Cuiacio, Duarenò, Donello, Cunæo, totque aliis qui tam feliciter diuinum, atque humanum ius oblidentem barbariem eruditionis ope profligarunt.

Sed Criticos nostros siue Grammaticos duplici crimine arcessis, altero quod ineptias sectantur acerrimè, altero quod non contenti finibus suis, audent etiam vestros limites reuelleret, in scientiarum campum audacter transcendere. Prima quidem noxa, nec ipse omnes nostros absoluo, quorum non pauci hac scabie laborant, vt in leuissimis occupentur, rei que friuolas & inutiles in medium afferant, &

E

quan-

quandoque sana scriptorum loca peruertant . Num propterea totam artem damnabimus ? An quia in Dialecticis plerique nugantur & inanibus captatiunculis se mutuo illigant , & sibi cornua affingunt ideo nobilissima facultas proferenda ? An sub eodem iudicio cadet medicina , quod non pauci inutilia sectantur , & Empiricorum ludibria tanto periculo exercent , vt ille apud Athenęum diceret exceptis medicis nihil esse Grammaticis ineptius . Si sacros Iuris codes intactos ineptijs creditis longe vos ratio fugit . Vel vnum Accursium interrogate , qui earum plaustra & harum maxas effundet , nec propterea medium vnguem Iurisprudentię ostenditis . Demus hominem qui alterum tantum in sacris literis audeat , qui quęrat dirę humani generis elutione , in naui illa mortalium reparatrice , vbi tot hominum pecudumque confecti cibi reliquię conditę sint , cur non reuersus sit corvus , & vbi tunc omnia aquis occupantibus pedes fixerit : an canis Tobię caudę motitatione domino suo blanditus sit , & quomodo ille vocaretur : quo lapidis genere David gigantem prostrauerit : quomodo tot Philistęorum præputia afferre Samson potuerit : quibus vnguētis se Iudith Olopherni placitura perunxerit , & ex qua materia confecta essent ipsius sandalia : an Asina Balaam intelligeret quę loqueretur , & quomodo Angelum cognosceret , vt de ceteris sileam . An propter paucos inutiliter , & ridicule curiosos tantum opus , sacra Oracula interpretandi sacrilege damnabimus ?

Sed Grammatici Ardeliones sunt , aliena inuadunt , & in omnes disciplinas audaciam suam extendunt . Vnusquisque enim scientiam quam colit Penelopem esse dicit , bonas literas esse ancillas ac famulas , eas Grammaticorum vxores esse , vel contubernales . O miseram Grammaticorum conditionem , quos isti ancillariolos faciunt , & sephio , ac penso addictos , tantum non in culinam detrudunt . Nec licere volunt ijs saltem limis heram Penelopem contueri . O legem ini-

iniquam ! Quis autem vnus vobis Penelopē addixit , & veluti confarreatione in manum conuenire voluit ? Philologos autem qui & ipsi homines sunt , & ingenui , tanquam sacros & inestabiles hoc matrimonio arcuit ? Virtutem communem esse credebam , omnibusque patere aditum ad illam ; neminemque excludi . Sed valeat lex ista duraque cōditio . Dicam clara voce vt me exaudiant . Cur proci nobilissimi contenti Penelope non estis , cur ancillas quoque sectamini & sordibus caletis ? Bonæ literæ vestræ Penelopēs pedissequæ sunt , nostræ vxorculæ , liceat nobis sine æmulo frui , quid eas sollicitatis , & aliena matrimonia subsidetis ? Apollo Rex omnibus idem .

Sileant ergo quicumque artem nostram vt tenuem , ac ieiunam cauillantur , quæ nisi disciplinis omnibus fundamenta iecerit , quicquid superstruxeris ruiturum est ; Quæque scientias omnes beato quodam vinculo complectitur , & vt ille vere pronunciauit , necessaria iuuentæ , iucunda senibus , dulcis secretorum comes , & quæ vel sola omni studiorum genere plus habet operis quam ostentationis . Sint cum laude Critici antiquarij : sint Grammatici , dummodo qui omne aliud profitentur , nec nisi grandia minantur , ne Grammatici quidem sint . Hæc Beroaldus . Plura adijcere in Græcarum literarum laudem parabat Hermolaus , cum intercessit Apollo sicque ille conuentus dimissus est .

DE CAUSIS PEREVTIVM LITERARVM .

Prolusio VIII.

Postquam discordia tetra

Ferratos belli postes , portasque refregit .

Postquam beatus hic terrarum angulus toto Orbe bellorum rabie convulso ac lacerato , tanquam Olympi vertex diu ventorum , ac tempestatum experts fatorum inuidia eodem tur-

bine correptus est. Postquam furiarum maxima classicum incinuit, rupta populis quies, iunxitque desueta corda, ac desides animos ad martium decus accendere: non vanus metus incessebat, ne literæ quoque ac disciplinæ eadem peste correptæ fatiscerent, & excussa pace, pacis quoque studia tollerentur. Neque enim conuenire posse, aut in certum fœdus coalescere credi parerat, cum literarum professoribus belli fœciales: tubarum sonitum cum miti doctorum voce: tympanorum pulsus cum æris crepitu: calamos cum gladijs: cū clypeis codices: castra cum Gymnasijs: exedras cum tentorijs: cum cathedra prætorium: tormentorum vim cum disputantium voce: præteruolitantes ferreos globos cum ignauis dictis: densatas phalanges cum grege imbelli: acrem militis vultum cum placido epheborum lumine: rabiem cruore irritatam cum studijs humanitatis: Urbicapum hominum occisorem Martem cum pudibundis Virginibus ad solum mucronis fulgorem misere trepidantibus.

Et licet ingeniorum lusus ista inter se comparauerit, ut literarum studium militiam, bellum diceret disciplinam, quod vtrinque labor ac contentio, vtrinque sacramentum, & auctoratio, exercitatio, ac tyrocinium: hinc Centurionū, illinc magistrorum sæuitia: hinc fracta vitis in militis tergo, illinc flagellorum sonitus: hinc inde gradus & classes, vigiliæ, atque excubiæ, corpus laboribus fractum, duræ hiemes: exercitiæ æstates: vtriusque stipendium ac laurea, vtriusque gloriæ, atque immortalitatis cupido. Sed mirum quantum ista discrepent, quamque toto cœlo distet militis ac studiosi ratio. Hic animos erudit, ille corpora contrucidat: hic bene loquitur, ille male agit: hic calamum acuit, ille gladium: hic atramentum, ille sanguinem fundit: hic cartis victuræ monumenta committit: ille ferreo mucrone in ex angui corpore mortis dictata perscribit: hic memoriam in ævum extendit, ille accelerat lethum: hic argumentis expugnat animos, ille machinis Vrbes diruit: hic fontibus patrocinator, ille etiam

in-

Infontes necat: hic leges perſcribit, ille tollit: hic rerum cauſas naturæque arcana ſcrutatur, ille violat: hic ſacra; ſacrorumque ritus diſponit, ille faces delubris admouet, arasque ferro populatur: hic pudorem ac pudicitiam tuetur, ille raptas e gremio matrum puellas media luce imminuit: hic ad ſalutem humani generis exſudat, ille ad perniciem: hic orco ſatiſque luſtantibus mortales eripit, ille donat: hic ex con-
tubernio mortuorum, quid deceat diſcit, ac docet, ille inglorius eſt niſi magnam viuentium partem in Acheruntis cœſum tranſcripſerit: poſtremo hic naturæ interpres ac cuſtos eſt, ille carnifex. Vna eademque opera Iani templum panditur, & clauditur muſarum delubrum, Deæque imbelles cum clauſum increpuit demiſſo vultu velut vallis in altera viſum parte lupum ſublimes anhelitu fugiunt, aliasque ſedes circumſpiciunt.

Nihilominus tanta eſt Imperij Veneti maietas, ac magnitudo, vt armis circumquaque ſtrepentibus, atque ipſo Ioue bruto fulmine gentes perterrente, ſua literis ac diſciplinis quies conſtet, ac veluti Homerici Heroes caua nube Deorum ope circumſepti in ipſo prælij ardore inter volitantia tela impune verfabantur: ſic Gymnaſium hoc diuino Venetæ virtutis amiſtu circumdatum Martis rabie cuncta corripien-
te, non modo extra teli iactum conſiſtit, ſed armorum ſtrepitum quo cuncta Italia concutitur non exaudit. Itaque alto hoc orio, quod in proximo ſævum Martis negotium gratius reddit, mollique ſeceſſu non Muſas modo colere & libris indulgere vacat ſed longos quoque ſomnos carpere, mirari magis quam metuere, vt nullus niſi hoſtis bellum ſentiat, pacis bonum bella horrida commendent. Quare dum cæteri arrectis auribus & hianti ore in conſtrinis ac Pharmacopolijs rumores Martis captant, ſæpeque caſtra, ac prælia mero delineantur, & ſuper menſa debellatur hoſtis, nos iſtud agamus & quid hoc anno ex Parnafſo atque Apollinis aula noui Menippus afferat audiamus, rumoresque ſenum moroſiorum

omnes vnus æstimemus assis.

Ex vltimis Helicone datis narrabat Menippus proxima vindemia, quâ licentia Autumnalis sacrificat Vacunæ, Bacchusque Apollinis frater ac Parnasi incola refectas nequæ doctorum mentes generoso afflatu nouisque gloriæ seminibus fœcundat, literatorum lustrum æquum esse Iosepho Scalligero atque Adriano Turnebo Censoribus. Præter summos Iurisprudentiæ Antistites magna seculi decora, ingens leguleiorum turba in tabulas relata, nec minor medicorum suboles, vt plures iam medicos Menippus fuisse diceret quâ morbos. Horum maximus census & opulentissimus. Item Philosophi non pauci sed quibus minor res erat: pauciores Astrologi, ijque trepidi, & respectantes, postquam Principes prædictionibus inquietati, & tantum non singulis annis perire iussi, fatis manum iniecerant, eorumque præconibus indixerant silentium, magno in alienos annos inquirentibus. Eruditorum paucissimis, tot quot

Thebarum porta aut diuitis ostia Nili.

Præcipue ex Italia, quæ harum literarum mater, ac propagatrix eas vltra Oceanum glaciale porrexerat, vix vnum aut alterum repertum Menippus aiebat, qui hoc censu censetur. Id Apollinis animum altius commouit, cumque postera die Patres vocasset in Curiam, retulit, quod in extremis rebus fieri consueuerat, viderent Coss. ne quid detrimenti Resp. literaria caperet, placuitque præsentis desidiæ causas excutere, cur pulcherrimæ artes periissent, cur bonæ literæ filerent, earumque cultores turpem quæstum, atque illiberalem capterent, magna pars in pannis & inopia non sine sua ac totius senatus infamia ægrè famem pellerent.

Primus rogatur sententiam Iouianus Pontanus Cos. designatus austeri iudicij mordacisque acrimoniæ, qui, diuitiarum, inquit cupiditas hæc tropica instituit. Nunc enim Regibus Regumque filijs formosior massa auri videtur, quàm quidquid Plato & Aristoteles, Demosthenes, & Tullius Græci

ci Latinique delirantes finxerunt. Olim summum certamen inter Principes erat, ut & ipsi literis impensius imbuerentur, vel saltem eruditos domi alerent, unde sibi nomen ac gloriā compararent. Hinc lepide Lucianus prodidit, Dionisium Siciliae tyrannum ob morum diritatem apud inferos Chimeræ alligatum, eo supplicio solutum esse, quod doctos viros sepe eius liberalitate sublenatos constaret. Summum inquam certamen ubique sed præcipuè Romæ iam inde ab Augusti ac Mæcenatis ævo in viris doctis, & præcipuè poetis dandis, ac promouendis. Vix aliquis hac nota insignis septem colles, ac Mœnia Martis attigerat, licet in curta pœnula vilique centunculo, quæ literatorum suppellex, cum ab eruditis heris conquisitores destinati ad diuersoria, ad portas, in ipso itinere trahere molliter ad se, xenia, & hospitium offerre, tantum non pœnulam lacerare, gaudioque perfusos ad Dominorum liberalitatem, ad mensarum sacra, atque hospitales Deos, vel reluctantis cogere. Quem non ea munificentia, largusque optimatum fauor accenderet, ut totus musis incumberet, totoque Decembri vinum nesciret, non tam ut dignus hederis esset, quam ut contubernio Principum frueretur, adhiberetur procerum epulis, tolleretur eodem vehiculo, prætereuntium digito monstraretur, nouo cultu resplenderet, nec de lodice paranda sollicitus esset, sed vitæ commodis vberioribus magnæ mentis opera securus exple-
ret.

Hanc laudem senescentem Leo ille X. renouauit, cuius ævo non ineptè poeta dixit, etiam doctorum mulas lautè opipareque exceptas effuso pretiosis tapetibus hordeo. Scilicet mortalium ille summus meminerat ab Cosmo & Laurentio maioribus suis Mulas in splendorem assertas, tum Prytanæum alendis eruditis Florentiæ excitatum: nullam tunc bonis literis artem quæstuosiorem, aut honoratiorem: ab sordidis natalibus & obscuro loco viros doctos in Principum dignationem facile adscitos. Per eadem tempora Ara-

gonij Rēges, cum Mediceis, Eſtenſes, cum Sabaudijs, Vicēcomites, cum Carrarienſibus, Veneti cum omnibus certabant penes quos maior literatorum numerus conſpiceretur, & quæ Aula plura doctōrum capita in pompam oſtendat. Cū invidioſis ſtipendijs ab extrema Orbis parte euocarentur, & illi ampliffimis Regionum procorum præmijs ſollicitati, inſtar Homericæ Penelopes omnium conditiones reſpuerent, tenuiſque fortunæ cultum Aulæ ſplendori magna pars ante haberent. Præcipue ſecutis temporibus cum Regum ille ultimus Franciſcus I, ditandis eruditis ærarium exhauriret, ſcientiaſque ac diſciplinās ex Italia in Galliam tanquam in Coloniam tranſcriberet.

Post ea tempora quæ rerum conuerſio facta ſit quid attinet dicere, & nihil profuturo quæſtu aures onerare? Quis nunc procerum, atque Antiſtitum doctum virum curto aſſe licitatur? Quis in Vrbe ſolo literarum nomine aut dignitatem aut opes inuenit? Quis in tota Italia, ſi Venetam Rempub. excipias, apud quam non magna modo, ſed inuidiæ capacia ſtipendia ultro doctis offeruntur, ijque ab ultimis terrarum oris accerſuntur, florent, vigentque, in pretio in ore omnium verſantur, nec cauſam habent cur aut Auguſti, aut Leonis æuo inuideant. Quis inquam bonas literas aut reſpicit iam, aut non deſpicit? Sed magna pars procerum mavult paraſitos, aut peregrinas belluas aueſque exoticas, & monſtroſos ferarum partus paſcere quàm eruditos; Qui domini voluptates inſtruat, qui cenſum ſcitiffime mergat, ingenti auri pondere redimitur, pſaltriæ, mimi, balatrones, conciliatores, Copræ, ſervum pecus herum obſident, his ille diu, noctuque patet, ſi doctus vir occurat, tanquam creditorem exhorret, fugit, ſupercilium contrahit, ſtomachatur, & mollibus verbis ad extremum malorum famem compellit. Quod olim Ammianus memorat, cum ob ingruentē annonæ caritatem & ſterilem annum Philoſophi pellerentur, tria millia ſaltatricum retenta fuiſſe. Si qui autem ex opti-

optimatibus eruditi nomen affeātant, ij veteres nummos emunt, in statua hærent, de tabula picta aliquid blesā nare loquuntur, quidam etiam Bibliothecas magno sumptu instruunt, ne tincæ ac sorices extinguantur, libris auratos forulos, librorum auctoribus carcerem, ac compedes destināt.

Falsos igitur omnino fuisse oportet qui ita dictitarunt, petentibus aulam doctis non esse opus commendaticijs epistolis, cum pulcherrimæ literæ fauori conciliando satis essent, quas animis gestarent. Nam hodie contra est. Apud literarum otores maxime literis opus est, non quas rancidi codices & antiquæ membranæ præferunt, sed quæ circa Regum Cæsarumque capita signato metallo fulgent, quique

scripto radiat Germanicus auro.

His literis abunde instructus princeps literatorum audiet & prophanus licet ipsa Eleusinia inuisset, nec vnquam sine aureo ramo Elysios adire poterit. Itaque nunc expedit aliquid aliud quam ingenium exercere. Quid ita per Deū fidem? Nimirum à teneris credere assuescunt, eruditionem rem vilem, plebeiam, & principali fastigio minorem, literasque ignorare magnam nobilitatem esse. Quasi vero Cæsar, Augustus, Claudius, Adrianus, M. Aurelius, Iulianus & alij plures non tam Imperij, quam ingenij fascibus mortales submouerint, literarumque cultu dominationis maiestatem augustiorem non reddiderint. Nec mirum esse debet si bona quæ ignorant suis momentis æstimare non possunt.

Sed huius inscitæ aliquando pœnas, aut certe ludibrium optimates debent. Nam quotiescunque illis latine loquendum est, cum scilicet exteri Italicæ linguæ ignari ad illos honoris causa inuifunt. Tunc videas ingentes trepidare Titos, & vel sero rubore perfunduntur, vel obmutescunt, vel quod turpius est interpretis ore in latio latine loquuntur. Fabulæ loco videri potuit fuisse olim agrestem parochum, nunc etiā vafrediæis, aut factis famosum, quem cum vir Germanus de itinere Latine consuleret, & quidem coram paganis, nihil per-

perturbatus ille ex Psalmo retulit *Dixit Dominus Domino meo
ſede a dextris meis*. Cumq; peregrinus iterum de itinere per-
cunctaretur obiurgatorio vocis ſono ſubiecit quæ ſequun-
tur *Donec ponam inimicos meos*, plaudentibus agreſtibus & ex-
peditam rationem latine loquendi in ſacrificulo admiran-
tibus. Sit iſta utcumque fabella dummodo illud certo con-
ſtet, hac ætate in Aula Latine loquentes aut in conſpectum
non admitti ſi ſint viliores, vel ſi eos admitti dignitas poſtu-
let, præclaros ludos omnibus exhiberi. Narrabat mihi ma-
gnus Antiſtes idemque nobilitate & literis ſummus, cum in
quadam Vrbe de rebus grauiſſimis Regis mandato eximia
dignitatis virum allocuturus eſſet, antequam admitteretur
à cubiculi Præfecto interrogatum eſſe, an haberet linguam
in Italia, renidens ille modeſte, & ab ſeruorum doctrina he-
rum æſtimans, habere ſe dixit linguam in ore & quidem den-
tium ſeptis cuſtoditam. Ceterum præter patrium non alium
ſibi quam Græcum ac Latinum ſermonem eſſe. Hæc ubi he-
ro nunciata ſunt, qui nihil aliud Latine didicerat, quam illud
Litera occidit, ſemperque, ut ait ille, impenſe caueraſ ne vn-
quam à literis occideretur, anxius & trepidus tamen quia
aliud fieri non poterat hoſpitem excipit, ruit in amplexum
miſcet dexteram, totamque aulicæ adorationis ſcenam ta-
citus implet. Legatus ſermonem in pauca confert. Regis
ſui mandata exponit, tum negotii cauſas & momenta ſacun-
de exequitur. Vbi finem dicendi fecit, contracto ſupercilio
noſter. Quid petis inquit? Subiecit ille ſe hoc & illud petiſſe,
toramq; denuo orationem à capite redorditur, nec aliud
ab ſtatua illa reſponſum retulit quam, *Vade in pace*.

Sed ſatius fuerat nihil reſpondere quam intra Leonis pel-
lem Arcadice loqui. Prudentius alter non minoris fortunæ
ad quem cum nobilis Belga officiij cauſa inuiſſet Latine cō-
pellans, Pythagoræus ille nunquam induci potuit ut ſilentiū
ſolueret, donec hoſpes conſuſus, & indignabundus tanto
ludibrio habitus diſcederet. Diſplicuit ea res familiæ, nec

de-

defuit ex illo grege, qui molliter herum tangeret, quod eo contemptu dignum hospitem credidisset. Refert herus se ideo non respondisse, quia linguam Germanicam non intelligeret. Sed ille, inquit familiaris, latine non Germanicè loquutus est. Tum procerum literatissimus subiratus, Cur mihi ante hoc non dixisti, nam illi latine respondissem? Quis talia fando temperet à risu? Hæc pestis bonas literas profligauit, hæc postremo funus indicet nœniamque canet. Quis enim nunc nisi ad affines atque agnatos allegandus eas literas discat, quæ contemptum & inopiam afferant? Quare ad saniora conuertuntur, & vel foro operas locant, vel ægrotos curant, vel Deorum metu mortales obstupesciunt, & cum magnos in barbarie progressus fecerunt illa decantant, quæ non sine veniæ præfatione coram elegantibus viris proferri possunt. *Dat Galenus opes dat Sanctio Iustiniana Ex alijs paleas ex istis collige grana.* Quod si quis scriptorem eruditum memoraret, præclarum dictum, insignemque sententiam proferat, aliud illi elegantius proferunt. *Non est de pane lucrando.* Et tu pater Musarum sanctissime miraris literas quotidie perire, vnum aut alterum vacui cerebri venire in censum literatorum? Ego ita statuo eruditorum oïes post mortem ex Pythagoræ decreto per animarum peregrinationem in boues ac iumenta transmittendos, ut aliquando viri docti illis inequitent calcibus, ac fuste dolent, & veterum delictorum poenam ad satietatem expetant.

Postquam Pontanus assedit rogatur sententiam Carolus Sigonius tunc Senatus princeps. Hic P. C. sapienter & grauius inquit Pontanus disseruit, temporumque sordes acriter perstringens non immerito diuites obiurgauit, quod neglectu ac contumelijs bonas literas ad incitas redegerint. Sed non videntur hi mihi totius accusationis inuidia onerandi. Nam parentes ipsi suam partem peccant, qui nolant liberos seuera lege proficere. Nam cum ad vota properant, commodaque & fructus scientiarum præcipiti spe vorant cruda

vt ait ille adhuc studia in forum propellunt, & non eloquentiam quod tolerabile esset, sed Philosophiam, sed Iurisprudentiam, sed rerum diuinarum scientiam pueris induunt adhuc nascentibus. Non diutius ergo sub pædago & primo literarum formatore esse patiuntur, quam dum Latina verba conentur, vnamque aut alteram Tullij vel Maronis pagellâ conterant. Tum asperis dictis magistrum increpitat parens. Euge homo nihili, quid tamdiu natum spem meam Grammaticæ compedibus detines, neque è carceribus emittis vt ad scientiarum metas percurrat? Eia age rumpe moras. Vides indolem & præcocis ingenij felicitatem, vimque ad magna quæque anhelantem. Quid cum tuis hisce nugis tibi vis? nemo vnquam eruditus diues factus est. Da mihi vt tria verba latina dicat, neque ita latina, & breui faxo vt Constitutus in præsentia vestra, scis reliqua, mox te cum tuis rancidulis literis iure despiciat. At Prisciano identidem caput franget. Quid tum? Frangat, dummodo crumena nummis quoque frangatur. Non alij iam viri hoc quotidie faciunt & quidem spissa barba & densis supercilijs? Noster non ita nridus in elocutione, sæpe cespitans, ac stribiligine verba alternans lauream adeptus, vel ex curatione male valentium valebit ipse, vel ex prudentum consultis rei domesticæ consulat, vel etiam ex Cœli ærario ditescet, nummosque modio corruet. At vos cum vestris Græculæ eruditionis obseruationibus nemo obseruabit: magna Latini seramonis puritate puri, nudique incedetis, eadem opera barbarismis carebitis, & nummis.

Talibus instantem monitis quemcumque parentem

Si possem affari; Dic ò vanissime quis te

Festinare iubet?

Hinc adolescens, immo puer ad Academiam perducitur, & post quinquennij vel etiam septenij labores parenti suo simillimus euadit. Saltem patres moræ impatientes breui illo spatio vellent liberos esse sub docti viris, egregijsque iuuen-

ræ moderatoribus . At Dij Deæque quales nunc ætatulæ filiorum præficiuntur ! Non alia ex Vrbe seuerus vir accersitur, cuius supercilium ipse quoque parens expauescat : non largo honorario inuitatur, non prius quis sit, aut quid sciat excutitur ; Sed dummodo in longa, atraque tunica sit, sacrisque vel destinatus, vel initiatus, nil ultra quæritur, satis doctus est . Licet & ipse adolescens atque imberbis sit, & quicum discipulus lustrare possit, licet vix literis tyrocinium posuerit adsciscitur illico, vt scientiarum fundamenta in puerili animo iaciat . Licet ipse quoque canones Grammaticos totamque illam puerorum crucem non ita cognitam habeat, patris suffragio, & fortasse etiam matris magister est, & quidem venerabilis . Vt facile crediderim quæ in Italiæ vrbe euenisse à viris grauib. accepi . Nam cum paterfamilias diues vellet domi filium Iuris prudentiæ operam dare, vt ab Academiæ vitijs procul haberet, magno stipendio sacerdotem acciuit, qui Iuris, legumque ænigmata interpretaretur . Cumque ille Philosophus modo esset, Iustinianum ne de limine quidē salutasset, excusabat dictitans, se leges ignorare . Quid tum inquit prudens pater familias, siue legere, siue scribere, nonne Doctores ? Saltem nostri quod iste fecit in conducendo præceptore pecuniæ non parcerent . Quibus satis est si præceptoris vmbra, vel vt si dicam epitomen, & vestigium habeant . Quid ita ? Quia minimo constat . Sola enim mensa dapæque gratuita qui herilem erudiat redimitur . De mercede nullus sermo . Et cum ancilla quæ latrinam lauat, cum mulio qui equos destringit, cum servulus qui dominam gradientē suspendit ære mereant, solus magister gratis seruit, & miramini pro vno duos seruos existere, adeo nihil ingenui, ac liberalis ab istis trahere gnatus potest .

Audio parentes aliquid pro se reponere . Sæua tempora sunt, longa bella, caritates, terrarum sterilitas, sacra, lites, fiscus quotam reddituum partem lancinant ? Plures liberi : coercendi sumptus, nec in erudiendis filijs decoquendum .

O ho-

O homines ad rem suam attentos, & patrimonij seueros custodes! Sed vxor bina auribus patrimoniam gestat: sed nebula serica pellucet, ventumque textilem induitur: sed picturatis vestibus aurum purpura decertat: nullum membrum præ auro leue est: sed plus domi quam ruri curruum & plaustrorum: sed vxoris gratia sæpe vir conturbat, Calendarium teritur, versura fit, cœca die emitur, quod clara vendatur. Sæpe auctio fit vt Iuno tua reliquas matronas anteeat. Quod si nummus instituendis liberis erogandus, Cœlum terræ miscetur, si pensionem prædagogus petat, tunc se miserum parens clamat, seq; eradicarier. Quid? ad voluptates instruendas quam largus est? Alea, commestationes, Venatio, satellitum, ac sicariorum grex quantum merent? Filij nulla mentio. Quin canes, equi, leones infano sumptu aluntur, quod in filio excolendo expenditur, perijsse illico dicitur.

Res nulla minoris

Constabit patri quam filius.

Hanc siue parentum incuriam, siue insaniam ipsi præceptores alunt, qui parentes vt plurimum seculi vitio literarum rudēs lactant, decipiunt, mirosque ludos faciunt. Nam siue liuore in viros doctos, siue ambitione, quo sese magnis nominibus inserant, vix vno, aut altero anno ephebum contriuerunt, cum elato supercilio, & falsum gaudium vix premētes ad parentem properant, maxime si diues est, & Virgiliano hemistichio Salue Sancte parens, mox & Deū certissima proles, nam si frontis honos, orisque lineamenta, & reliqua non congruerent, Caius tuus solo ingenio ex te natum se esse fateretur. Tanta indoles, mensque igne quodam volucris. Nil reliquum est, quod à me expectet, tu illum ab inuito abducto, Lyceum videat, Academiæ se ostendet, quin eum statim Themidi commendas, in penates purpuram & fasces illaturum? Nullum dulcius carmen hominibus accidit, quam quo se, suæque prædicari intelligunt. Audit lippus parens, & capitur. Affines atque amicos conuenit, in obuios gaudium

spar-

spargit, tribunalia ac cathedras filio destinat, & si Deo placeret, cum vxorcula diu noctuque gaudium diuidit. Et ne scena desit his ludis, paratur orchestra, Latina verba Psittacus conatur, vocem frangit ac gestum, cantat, & subfilit, laudatur, plauditur. Papæ sic itur ad astra; Pupus ac delictum Musarum. Magnum Iouis incrementum.

Quid inde consequatur pudet pigetque referre. Primum omnium ubi Academiam ingreditur putat se in alium terrarum Orbem delatum. Professores audit, nec intelligit, mox culpam in ipsos regerit, ait obscuros esse, ac salebrosos. Nimirum ut vetula illa apud Senecam, cum per ætatem duriori aure facta esset, querebatur malum morē incessisse, quod homines submissius loquerentur, ita hi mentis vitio cœcutientes obscuritatem professorum arguunt. Hinc desperatio oritur, ut quod non intelligunt contemnant. At parens putat natum altera die cum ipso doctore venire in certamen posse, tandemque annos ire cōqueritur, veteres incusat, quod tantum spatium laureæ perscripserint; Sed adest tandem optata dies, Candidatus in Comitium descendit, & quidem magna comitante caterua: choragium conducitur. Tribus in suffragiū, ambitus, prensatio, comites, laudatores. Surgis tu pallidus Ajax, trepidus, anhelus, cor facit artem ludicram, animus, ac vires labant, repulsam fers. Amici consternantur, altum silentium, nec aliud quam se taciti respiciunt, tubicines, ac tympanistæ demissis capitibus domuitionem parant, parens animo linquitur. Quid deinde? Lucem reformidat, & conspectum æqualium, per diuerticula, & infrequentes semitas domum repetit, desperatio, ira, & in irritum caluræ querelæ. Vidi ego hisce met oculis iuuenem, non obscuro loco natum ad hoc nuntium diriguisse, mox capto impetu semel, atque iterum caput parieti allisisse, tanta vi, ut si tertio arietaisset, non ultra opus ipsi consolatione futurum fuisset, & fecisset, nisi amici artinuissimus, atque obuoluto capite frendentem adduxissemus domum. Hos festinatio reddit honores. Sed
duos

duos ex nobilissima Vrbe contumeliæ impatientes breui mæ-
rore contabuisse nemo ignorat. Adeo generosum pectus re-
pulsæ insolens est, & sera pœnitentia vitam pro laude paci-
scitur. Mitius mea quidem sententia alter, qui cum se suffra-
gijs cecidisse intellexisset, vertit iram in doctoris insignia, &
pileum quidem rotundum illum & rugarum plicis striatum
per totam aulam rotauit, togam autem humeris detractam
humique abiectam fullonis in morem pedibus obtriuuit, non
sine eius damno à quo vestimenta conduxerat.

Sed esto omnia ad nutum cedant: vota superi secudent,
ambitus inertix ancilletur, fortuna pro virtute sit, plena vr-
na lauream decernat, & lauri baccas, quanta hinc labes,
quanta calamitas humano generi obuenit? Nam cum duo
præcipuè sint in quibus vita mortalium versatur Medicina,
ac Iuris prudentia, si quis lauream habeat, nec mereatur, illud
sequitur, vt cuicumque Medicum aut Iurisconsultum pro-
fesso statim credatur, statim mortalium fata commendentur.
Nec vllus quærit quid sciat, sed doctor est, illico vitæ nostræ,
illico facultatum fit dominus, & quidem sine prouocatione.
Atque vtinam intra facultates res staret, liteque modo se-
rèrentur, & causarum inexplicabilis series neceretur. Sed
ex hoc corpore rerum capitalium quæsitores capiuntur, ad-
sistunt tribunali, de homine qui pars mundi est, & animan-
tium numerum complet sententiam ferunt. Hæc non à me
Oratorum licentia exaggerari illi sciunt, qui hæc vident, &
alieno exemplo sibi meruunt. Vnde mali exempla fati, vnde
calamitatum Ilias? ex incitia, atque inertia, quod sine li-
terarum fundamento scientijs propere ad moti sunt. Sed
quid iuuat indulgere dolori, nec profuturis quæstibus diem
ducere?

Quare ira ego sentio negotium Aeaco ac Rhadamanto
Plutonicæ aule arbitris dandum, vt quid quid filij delique-
rint, post vitam à parentibus experatur, malique doctores,
fautores inertix apud Inferos ab iisdem discipulis vapulent,
quos

quos nihil sapere magna mercede docuerunt. In Sigonij sententiam ab omnibus itum est.

LITERATORVM INFELICITAS.

Prolusio IX.

DEcimus annus est & quod excurrit ex quo me Veneta maiestas in suo Athenæo Snadæ sacris præfectum iussit Musis ac posteritati vacare. Per id tempus nunquam ego destiti, & priuatis colloquijs & publicis adlocutionibus florētissimam iuventutem ad elegantiorum literarum cultum Græcæque ac Latine facundiae studium adhortari. Sed quot annis præcipuè studiorum instauratione, cum futuris laboribus præludimus, & aliquid tanta frequentia, ac clarissimorum virorum concursu dignum meditamus, cur eloquentia bonæque literæ desertæ passim iacerent ad disquisitionem vocavi. Parentes accusavi præcipiti festinatione liberorum progressum corrumpentes. Præceptoribus veluti diem dixi, quod parentum ambitioni, ac propriæ inscitiae velificentur, postremo in ipsos adolescentes Orationis acumen non semel distrinxi, quod in Academia ferias agant & dum parentes ad tolerandos sumptus rem deteriore faciant, illi quasi nummi paterna in arca rediuiui pullulent, noctem tumultu diem rixis, ac ludis ducant.

Ita nullus hoc anno declamationi locus relictus, tota accusatio exhausta est. An ergo veterem cantilenam repetam semperque eadem chorda oberrabo? Audite quid mihi in mentem venerit. Fert animus palinodiam canere, dicta retractare, nec vos de more ad politiorum literarum amorem accendere, sed quantum in me erit dehortari potius, & ab earum studio cultuque absterre. Quoties enim mecum ipse repero, quam infrugiferæ sint, sterilesque hæc literæ, quot incommoda ac ludibria sectatoribus suis afferant, quanto in

F

con.

contemptu apud proceres versentur, si qua fides, dictorum & consiliorum omnium sera animum poenitentia subit, pigetq; ac piget toties vobis earum literarum studium inculcasse, in quarum consecutione maximi labores exhauriendi, Bibliothecarum sepulchro insenescendum, legitimæ voluptates abdicandæ, abruptenda vitæ blandimenta, vt demû vna paupertas, vna miserix, vna contemptus confluant, earumque discipulos, ac doctores circumstant.

Ex horrescat profecto necesse est, quicunque literatorum infelicitatem varios casus, supremasque necessitates reuoluer. Nec lingua modo, sed mens ipsa refugit, hæc Græcis cothurnis aptiora repetere. Non enim vnus aut alter sorte quadam & fati malignitate, sed gregatim occurrût, qui post consumptam literarum laboribus vitam, earundem fructu ægrè ipsam vitam tolerarunt, & aut alienas fores obsidere, aut diuitibus adulari coacti sunt aut turpi ministerio alimenta expedire, aut omnium egeni in publica domo inter mendicabula indignantem animam proicere; Et cum rabula, ac sillabarum auceps iurgiis, ac clamore dicescat: cum medicamentarius, cum artium ludicarum doctores superbi perambulent: cum sellularius aliquid quotidie lucello apponat, soli eruditi, nisi quos aut auita res, aut aliud artificium subleuat vna cum literis, & paupertate educantur, soli laudantur & frigent: tolluntur ad sidera, iacentque: comitati in publicum prodeunt, & ne servulum quidem domi, neque arcam, nec camicem habent: pleno gymnasio excipiuntur, vacuas ædis incolunt: omnia cum ab illis petantur, nihil datur: libri eorum manibus omnium teruntur, suppellex digitum fustulit: meliorem existimationem habent, quam vestem: plures laudatores numerant, quam nummos: salutationibus pleni, inanes oculos referunt: verba dant, & accipiunt: digito monstrantur, nescio ob ingenium, an ob corporis illuviem: & cum bene laudati domum venerunt, sæpe incœnati cubitum petunt, credo vt summo mane facilius ad Musas salutandas expergiscantur.

Sed

Sed hæ maxime nugæ sunt, prout quo pacto fortunæ liquor, Regumque inclementia atrocia in eruditos exempla semper edidit. Ab Homero principium Musæ. Is omnis sapientiæ, atque eruditionis parens, ingeniorum princeps, naturæ indulgentis miraculum, nescio maiori fatorum infamia, an vestro Pierides rubore, sine re, sine lare, ac tecto, omnis diuinæ, atque humanæ opis egentissimus & ad augendam superum inuidiam oculis captus, manum porrexit ad stipem, ac diuini poematis partes decantans ad ostia, ægre famem depulit: vt etiam in ipsa morte fortunæ ludos instrueret, nã quod iocosum piscatorum ænigma soluere nesciuiisset, mœrore extinctum haud obscuri scriptores prodiderunt. Forte illi in littore cum mare turbatum ferias daret, aprico Sole, alij capturæ intenti, fœda indagine demersa capillis, ac fordentium tunicarum rugis animalcula quærentes, quæ reperire nollent, viso Homero per ludibrium vatum maximi tamquam de tripode sententiam explorant. Nodus Homero vindice dignus hic erat. Quos cœpimus non habemus, quos non cœpimus habemus. Sed mendico nostro facilius fuit mori, quam nexum expedire. Idque vnum ludibrio deerat, vt qui pediculorum agmina verminantium toto corpore pauperat translata veluti in animum Phiriasi ab iisdem conficeretur. Quid iam cetera persequar? Pindarum Lyricorum Deum in ephebi gremio expirasse: Euripidem vt ferunt à canibus laceratum: Pythagoram vna cum sectatoribus infelicibus flammis vstulatum: Platona inter epulas diuinum illum spiritum exhalasse: Aristotelem, quod Euripi naturam non caperet, se in eundem coniecisse: Demosthenem, veneno captiuitatem effugisse: Plautum in pistrino non hominis operas locasse, sed caballi: Lucretium amoris poculo in furorem actum: Tullium inimico ceruicem prebuisse: Ouidium tota barbarie obrutum: Senecam & eius agnatum Lucanum purpuream animam toto corpore euomuisse: Plinij naturæ capax ingenium cineribus obrutum, & ne hæc omnes Libitinæ fastos ex cutiam, dicere

distinctè prætermitam, alios dira lue absumptos : quosdã
 veneno sublatos : hos aquis interceptos : illos penatum suo-
 rum ruina consепultos: istos ferrũ iugulo infecisse: illos igne
 funeratos : plerosque aut pædore carceris exanimatos, aut
 carnificis manu confectos: nonnullos seruili dextra, aut vxor-
 um insidijs occubuisse: alios denique vt egestatem, vel con-
 tumelias exirent in se vertisse rabiem, & vel iacto in præcep-
 corpore, vel transosso pectore, aut aperto iugulo fatis sa-
 tisfecisse. Sed ne antiqua nimis repetantur, quis nescit Ni-
 colaum Francum elisis laqueo faucibus pependisse? Aonium
 Palearium, Iacobum Bonfadium, Hieronymum Sauonarolam
 publicè crematos? Vt ingentem eorum numerum transeam
 qui capta ab Hispanis duce Gallo Vrbe Roma, mille mortis
 generibus per teterrimos cruciatus expirarunt. Cum inge-
 niosa barbaries inaudita tormentorum genera excogitaret,
 vt immania tributa exigeret, ac defossi auri confessionem
 exprimeret. Cum procures ipsi a sellis conuersa facie im-
 positi, sacrorum veste excultis militibus, ceno obliti sub furcas
 agerentur; At eruditorum seruientium turba validos torto-
 res delassaret: & hi quidem admoto igne torrerentur: illi
 de putei troclea quassati, moxque iisdem aquis demersi: ma-
 gna pars adactis sub ungues festucis excarnificati: minutis
 vulneribus confecti: candenti ferro vellicati: feruenti adipe
 plumboque adusti: & quod ne veteres quidem Tyranni ex-
 cogitarunt per testes, ac generationis membra suspensi, tã-
 demque vigilijs, algu, inedia exanimati. Vere barbari, vere
 stipites, qui ab eruditis aurum poscerent, quorum soror, ac
 comes paupertas semper fuit, magnaq; suppellex librorum
 cistula, putris grabbatus, & luctantes cum tineis chartæ, ve-
 stesque infelicitatis instrumenta. Quorum tam sæde morien-
 tium triste solatium fuisse existimo, quod viderent, ipsos
 Troiugenas, heros suos vel potius carnifices, erumnarum sorte
 sibi æquatos, avaritiæ ac crudelitatis poenas, plusquam ipsi
 vellent, persolvere. Nolo in vniuersum conqueri non enim
 præ-

præficæ operam locavi, quæ literatorum funere lessum faciat. Ingratam auribus vestris hanc nœniam non dubito. Sed torquet me atque excruciat, vt nihil de his temporibus loquar, recens eorum memoria qui nondum expletum fatorū furorem testati sunt. Nam Ludouicus Ariostus, Etruscus Homerus, quantum ab heris suis adeptus est, quibus ille æternam nominis gloriam comparauerat? Malo ipsum interrogetis satyrasque vetustati pares perlegatis, quibus fortunæ suæ angustias, ac patrimonij tenuitatem non sine Dominorum inuidia facunde, ac false miseratur. At Torquatus Tassus, Italus Virgilius, ab iisdem tam illiberaliter exceptus est, vt propter hoc credatur vergente ætate mente euersus, qui sapientiæ morbus cum paulatim remitteret, vt præparcū Principum ingenium vlcisceretur, diuinum opus, nescio an melius immutatum Aldobrandinis inscripsit, à quibus destinatos summo vati summos honores mors antecuerit. Porro Io: Baptista Marinus quantum poesi lucratus est? longo carcere fractus, tam propè à ferali pegmate, quam à veterum poetarum laude fuit. Nisi quod extremis annis propitium Gallicum Cœlum habuisse visus est; sed vnde vnctius caput non retulerit, vt demum in patria maiori laude, quam censu extingueretur.

Quis vetat in maxime libera terrarum parte libere loqui? Si rectè calculum ponamus procerum illiberalitas hæc tropica instituit. Fuit quidem tempus, cum nihil honestius nihil fructuosius fuit, quam vacare literis, ingenijque beneficio magnis capitibus innotescere. Cum orbis domini terrarumque rectores, vtrumque solem victorijs emens, viros doctos expeditionum comites haberent, regijsque muneribus cultos propè principalis fortunæ fastigium adstituerent. Alexander enim hoc vno magni cœgnomē promeritus, inter spolia Darij Regis vnguentorum scrinio capto pretiosissimo, librorum Homeri custodiæ destinauit. Idem Thebarum direptione, Pindari domum intactam seruari mandauit; Ari-

stotelis præceptoris patriam condidit, tantæque rerum inquit Plinius claritati tam benignum testimonium miscuit. Quod sum additurus vix apud vos fidem inueniet. Apud Athenæum Laurentius vir Romanus de Tetrace aue loquens, ego autem inquit, existimans virum doctissimum Aristotelem dignam hanc auem putasse de qua mentionem faceret, cum tractatum illum tot talentis æstimatum adiisssem. Nam Stagiritem ipsum octingenta talenta ab Alexandro accepisse fama est, ob historiam animalium. Ergo Alexander vnum tractatum præceptoris sui, quadringentis, & octoginta milibus florenorum æstimauit.

Verè in Alexandri Magni comparatione nostri Principes Reguli sunt, & vt ait ille hominum mendicabula. Quis tamen nunc homini docto quadringentas libras donaret, quis centussem? Sola Veneta Respubl. vt conseruatæ perpetuo libertatis vnicum post homines natos exemplum est, splendoreque ac magnificencia maximos Reges superauit, ita liberalitate, ac largitione in literarum cultores Principes omnes, ac publicas potestates longo interuallo post se reliquit. Testis vnus Sanazarius cuius tetrastichon quadringentis aureis pensauit. Ne hic inuidenda præmia ponam, quibus semper summos in omni scientiarum genere viros ex toto Orbe in hoc suum Athenæum euocauit. Ad veteres redeamus ignota seculo nostro, vel potius irrita exempla. Plinius auctor est duos medicos Theombrotum, & Erasistratum alterum Ptolomæo, alterum Rege Attalo sanato, vtrumque centum talentis donatum, id est sexagenis millibus florenorum. Transeo Augustum & seculum illud literatis aureum, nam auro monumenta vatum pendebantur, cum non herbarum sterilescentium ferta, coronasque laureas, & oleaginas, sed auro gemmisque graues cordatissimus principum largiretur. Ad quam munificentiam tali casu fortasse magis accensus est. Ipsi à palatio descendentis epigramma porrigere Græculus solebat, idque cum sæpe faceret Augustus aliud epigram-

gramma obtulit; & carmen carmine vltus est. At vates lege-
re, mirari, vultu ac voce comprobare, tum demissa in paupe-
rem fundum manu pauculos nummos principi donauit, ad-
jecto, per tuam fortunam Auguste, si plus haberem plus da-
rem. Delectatus ille vrbinitate non stulta, centum HS. nu-
merari iussit idest bis mille quingentos florenos.

At nunc si quis exteris principibus non epigramma, sed
magnum poema, sed vastæ molis librum inscribat, & porri-
gat, aliqui ne aspiciunt quidem, & vel in bibliothecam alen-
dis blattis ablegant, vel ad sellas Patroclianas deportari iu-
bent, bonum factum quod ipsos auctores in pistrinum, aut
latomias non conijciunt. Quidam humaniores expansa hila-
riter fronte, atque ore renidenti laudant, sed laudant tan-
tum. Vt ille qui Vrbis magistratum adeptus cum tubicines &
æneatores, ad palatij fores diù lætitiæ causa cecinissent, &
dispensator moneret, ipsis aliquid de more donandum, sordi-
dus senex demisso per fenestram capite, cepit rumentibus
buccis quasi tuba caneret perflare, seque par pari reddere
adiecit, hoc est spiritum, pro spiritu, siue vt ipse loquebatur,
flatum pro flatu. Sic & auari procures pro libris in quibus
tantum verba sunt, verba dant, laudes pro laudibus, flatum
infernæ gutturis pro flatu. Nec mirum magna pars quid sibi
detur ignorant. Quare

Frangere miser calamos, meditataque carmina dele

Qui facis in parua sublimia carmina cella.

Atqui Vespasianus auaritia infamis, reliqua Princeps opti-
mus, primus e fisco Latinis, Græcisque Rhetoribus annua
centena constituit, idest bis mille & quingentos florenos.
Idem senex parcissimus, & ab lotio vestigal exigens, Saleio
Basso poetæ D. HS. donauit idest duodecim millia, & quin-
gentos florenos, quanti nunc literati omnes cum ipsa Aca-
demia redimantur.

Hanc veterum liberalitatem aliquot secuti Principes æmu-
lati sunt, sed numero tot quot

Thebarum porta, aut diuitis ostia Nili.

Laurentius, Cosmusque Medicei, Leo X. Matthias Cor-
 uinus, Franciscus I. Gallorum Rex & ante omnes Venera
 Respublica. Sed eorum qui eruditos mille modis vexarunt,
 & ad egestatem ac famem compulerunt iniri numerus non
 potest. Verum ne in immensum Oratio excurrat insigni ex-
 plo contentus ero. Vos crimine ab vno discite omnes. Maio-
 rum nostrorum memoria sacrorum Rex fuit, reliqua fortasse
 ter sanctus piusque, verum literarum, ac literatorum osor ne
 dicam pestis, ac perniciēs. Et quo magis subagreste liuidum-
 que hominis ingenium innotesceret flos eruditorum ea tem-
 pestate fuit. Inter quos Platina, Pomponius Lætus, Calli-
 machus, Pontanus, Sabellicus, Sannazarius eminebant. Hi
 ad propagandas bonas literas sodalitium Romæ institue-
 rant, & quicumque in eum cætum adscribebatur veterum
 ingeniorum illustria nomina ad æmulandum decus assume-
 bat. Ita Bartholomæus Saccus, siue ab hoc instituto, siue aliū-
 de Platina est dictus, Iulius Sansonerinus Pomponij Læti co-
 gnomen assumpsit, Filippus Geminianus Callimachi, Iaco-
 bus Pontanus Iouiani titulo gaudebat, M. Antonius Coc-
 cius Sabellici, Iacobus Sanazarius, Actij Sinceri cognomen-
 to nobilis fuit. Ea nominum nouitate populorum pastor of-
 fensus, quasi occultæ conspirationis tessera esset, Platinam,
 & Callimachum tam quam impies, ac maleficos tormentis
 excruciauit, Pomponium Lætum Venetijs ad dicendam cau-
 sam in Urbem pertractum, nunquam tamen adigere potuit,
 vt falsa aut se indigna fateretur: sed in nullum atrocius quā
 in Platinam sæuijt. Nam cum initio regni Abbreviatorum
 ordinem sustulisset, inter quos & Platina qui indè ad pauperē
 ratem redactus, cum sæpe questus, semperque inauditus, ac
 reiectus dolore amens, cum nescio quam Concilij mentionē
 iniecisset, crassis compedibus vinctus in turrim vêtis ac tem-
 pestatibus peruiam hiberno tempore coniectus, quatuor mē-
 sium spatio eam calamitatem tulit, quod plusquam herus sa-
 peret,

peret, donec Cardinalis Gonzaghæ accuratissimis precibus regeretur. Sed non ita multo post ob inanem suspicionem iterum tormentis ad mortem fere laceratus est. Nam cum falso rumore delatus fuisset Callimachus umbraticus vir, inermis, & abdomine tardus aduersus sacrorum Regem conspirasse, iamque multos affectas habere, & ad Urbem perdendam resque immutandas festinare: iterum Platina in vincula coniectus est, tamquam conspirationis socius, & mandata quæstione Vicecancellario cuidam, in Adriani mole, primum homo sacris initiatus, & si quis alius umquam optime de sacrorum regimine meritis, omni veste nudatus raptusque in sublime demisso fune diu multumque quassatur. Quo tamquam ludicro spectaculo quæstor torquem aureum Præfectorum lictorum atrectans rogitat vnde illum habeat & an amicæ munusculum sit, multumque de amoribus suis confabulatus conuertitur ad pendentem Platinam, iubetque populares coniurationis edere, & quia forte Pomponius Venetijs ad Platinam scribens, sanctum Patrem appellauerat subiicit ipsum sacrorum dominum destinatum. Quibus ille constanter refutatis semiuivus in lectum fertur, ubi fractis ossibus, totoque pectore convulso cum manum ori admouere non posset fame periisset, nisi qui eodem carcere attinebantur alimenta porrexissent. Iam summus sacerdotum omnia vana ac falsa compererat, totque viros insones iniquè excruciatos intelligebat, sed ne leuitatis aut sæuitiæ incusaretur, in eodem consilio perseverauit: huncque & Pomponium ob nominis mutationem, quodque Platonem diuinum appellasset tamquam impios & nefarii dogmatis conuictos longo, ac diro carcere maceravit.

Quid nunc in Vrbe aut alibi fiat haud scio, nec si sciam dicere ausim ita res lubrica est. Putatis vos inter has principum sordes, ac sæuitiam vigere bonas literas, aut gradum aliquem obtinere posse? Sed priuati homines quoque optimatum ingenium æmulantur, remque esse regiam existimant.

litteras elegantiores contemnere. Ita somnia nunc iure videntur, & anicularum deliramenta, quæ summi scriptores prodiderunt. Viginti talentis vnam orationem ab Isocrate venditam ut auctor est Plinius, idest florenorum duodecim millibus. Idem tradit Gorgiam Leontinum hominum primam auream statuam solidam Delphis in templo posuisse. Isocrates orationem vnam in Vrbe eruditorum plena tanti vendere potuit? Di me perdant si quis nunc bene magnam orationem duodecim libris æstimarit, & fortasse non iniuria quia nunc duodecim quidam assibus fortasse digna. Ita nulla vilior nunc quam literarum annona. Cuius rei argumentum domi capere possumus ne foris coniecturam quæramus. Nam cuiusque has literulas professo quotidie aliquid negotij etiam ab ignotis obijcitur. Hic prætationem postulat, ille epistolam nuncupatoriam: ille pro Doctoris insignibus gratiarum actionem, hic funebrem laudationem: elogia quotidie etiam conuicio extunduntur, nemo iam moritur ut non parata crux sit ad mortis carmen pangendum, est qui epistolæ amatoris argumentum petere audeat, & alieno ingenio insanire. Instant typographi, bibliopolæ, pictores. Nemo caminum, aut culinam pingit, qui non emblemata, ac breue dictum postulet. Dij bene qui nos teneræ frontis fecerunt. Nulli negare scimus, aut possumus. Orant, morantur, flagitant & tantum non pro imperio agunt, vnum diem alterumve, quidam & horas præscribunt, quasi tam facile sit aliquid duraturum cudere quam pyrum volpes comest. Nec desunt qui censuram adhibeant, & quædam sibi plattere, quædam tollenda indicent, alij de longitudine alij de breuitate queruntur. O miseros quibus hæc quotidie deuoranda sunt.

Hæc tamen cædia, has indignitates largientium liberalitas rependit. O serii studiorum! Aegyptij iudicem sine manibus formarunt ne quid posset accipere. Eruditus si centimanus esset nihil tangeret, ac ne videret quidem si oculus totus. Omnes gratias agunt, & reducto bis terque pede
cor;

corpus inclinantes postquam adorationem peregerunt Domine aiunt. Tu quoque nobis impera. At Doctor, quid aliud ego imperem nisi ut habeatis bonam mentem? Non vnum tacite exprobrantem audio. Siccine musarum sacra prostituis, literasque auctionaris? Non te pudet sordium? Atqui non pudet Iuris oracula pro responsis pretio decidere, & laurum auro pendere: non pudet Aesculapijs filios pro salute pacisci: non pudet Astronomos mortalium fata licitari, & res quoque olim futuras ad mercatum vocare: pudebit oratorem quasi lex Cincia reducta sit ob orandum premium capere? Ipsi sacricolae ne gratis quidem mortuis parentant, ac funebre carmen modulantur, qui breui elogio mortui memoriam extendit in ævum is premio carebit? O seclum sordidum, o iniqua ingenia, o literas steriles & infrugiferas.

Sed quorsum tendit tam invidiosa Declamatio? Damnabimus ob hoc bonas literas? Næ illæ nimis proscriptæ, ac proturbatæ sunt, nedum nostro præiudicio opprimantur. Quid autem nos postea? ludum intercludemus, aliamque artem profitebimur? Ne Dii hoc sirint nobilissimi iuvenes. Quid ergo? Ita has literas complectamur, ut cum Iuris prudentia cum medicina coniungamus. Hoc modo artibus, ac disciplinis vnicum hoc decus addemus: nostræ literæ scientias, atque artes a barbarie, atque irrisu, illæ amæniora studia ab inopia defendent.

DE STUDIORVM NECESSITATE.

Prolusio X.

GRæcis ad Troiam pugnantibus, Teucrisq; manum contra conferentibus, cum nova subinde prælia miscerentur, atq; hinc Achiui fugerent, premeret Troiana iuventus, inde Phryges instante Achille vix se intra Pergama tu-

tos crederent, omnia denique saevo Marte streperent: populi Troiani seniores ob ætatem belli expertes in portis Scæis steterisse poetarum maximus tradit, a prælio quidem cessantes, verum concionatores bonos cicadis similes, quæ arbusculis insidentes dulce carmen modulantur. Id prope: modum hodie mihi atque vniuerso professorum ordini amplissimo euenire video. Nam Veneta Rep. teterrimo ac fustissimo bello implicita, & Ottomanici Imperij extremo conatu per summum scelus ac perfidiam repentino incursum conflictata: cum hinc freti dominatrix Creta centum olim Urbibus clara, solaque Tonantis natalium conscia, mori Orientis viribus appetita, totaque barbarie superfusa Thracij Tyranni manus, atque impetum eludat, Vrbsque Cydonia LXX. mortalium millibus obsessa exigua manu diram oppugnationem diu sustinuerit: hinc classes non sine maris gemitu, ac ventorum labore concurrant, atque inter tormentorum fulgetra, ac Cælo volitantia collisarum nauium fragmenta, quassas continua verberatione rates, furentem in undis Vulcanum, & dehiscente pelago absorpta nauigia conftrato cadaueribus mari de color cædibus Oceanus currat. Cumque maiora superbus Asiæ regnator vtrumque solem imperio emensus minitetur, cuncta belli apparatu perstreant, noui delectus quotidie habeantur, omne nemo in classem cadat, Martisque sidus infausto lumine intestinis cladi-bus attritam Europam perterrefaciat: nos interim hic veluti Troiani populi seniores belli totius expertes, Oratores fortasse non boni, cicadis similes, si non *λεπροίαν*, at stridulam vocem fundimus, ac veluti alta pace pacis studia meditamur. Non truci classico excitamur in pugnam, non altos somnos buccina frangit, non tubæ ac tympana Oratorum vocibus obstrepunt, non ferrei præteruolitantes globi erumpentium flammarum immani fragore circum tonant, non cuniculi muros subruunt, non dira fames lenta tæbe conficit, non vigilæ lassata membra exhaustiunt, non mortis imago

Vndique obuersatur, nullum belli incommodum sentimus præter bellimetum.

Deus O. M. & secundum Deum Respubl. maxima omnium, atque optima, nobis hæc otia facit. Cuius beneficii magnitudo tanta est, ut humanum captum supergrediatur, nec verbis facile exprimi possit. Eadem enim Resp. quæ scientias olim, ac disciplinas tot barbarorum incursionibus oppressas, ac consепultas excitauit, atque instituto in hac Vrbe literarum emporio, per totum terrarum Orbem felicissime disseminauit, eadem nunc inter fortunæ sæuientis minas destituta, de salute, de imperij dignitate, de libertate dimicās, inter prima curarum ponit, ut literæ non sarta modo conseruentur, sed ne quid bellici furoris, qui more incendij cuncta corripuit, earum quietem, ac solitudinem inter turbet. Quis alius vnquam principatus, aut publica res, sæuiente Marte literas respexit, aut de earundem incolumitate cogitauit quidem? Roma in ipsa pace philosophos, ac Rhetores eiecit: Lacedæmon disciplinas ne admisit quidem, sed tamquam prophanas, ac noxias abstinere iussit: Athenæ ipsos oratores, rerumque scriptores armarunt, classibusque præfecerunt: nostra denique, atque auiorum memoria in tota Europa ad primum tympani pulsum docentium voces concutere, & aperto Iani templo, clausa sunt Musarum sacraria, indictum literis iustitium: Gymnasia veluti in pestilentia deserta, & serpente gramine, ac findente marmora caprifisco squalentia, vel militari licentiâ occupata, prophanata stabulis, ac præsepibus, sarcinis iumentisque constipata, alto sordentia sterquilinio: Clarissimi professores intra domos abditi, magna pars ære minuti, quod in militis sacculum rueretur. At hic inaudito exemplo, non modo doctoribus stipendia procedunt, sed magnis rei pecuniariæ angustijs, noui professores amplissimis honorarijs, veteres inuidiæ capacibus incrementis locupletantur: quodque alibi mortales ingruente bello vxores ac liberos & pretiosissima rerum, vel

mu-

munitissimis arcibus vel montium fastigijs, ac recessibus seponunt in tutum, Veneti Patres literarum depositum secundum libertatem pretiosissimum, hic veluti extra teli iactum collocarunt, ut his servatis pignoribus æquiore animo qualemcumque fortunam perferrent.

O incredibilem Reip. mansuetudinem, sapientiam singularem, rem non sine nostro rubore percensendam. Ex regnatrice nobilitate nemo vnus est, qui hoc tempore quiescat. Amplissimi Patres semper Italiæ principes, omnibus domi, forisque honoribus, functi, senectæ excusante laborum immunes, ingentibus curis ægri, continuis contentionibus corpus, animumque frangunt: nos insinuatibus peccatinam manibus desidemus. Illi in specula libertatis terris omnibus eiectione excubantes perpetes noctes, in Curia consultationibus de summa rerum exigunt: nos in lucem quiescimus, atque in studiorum umbra pallemus. At fortior ætas, futurus senatus, libertatis spes altera, florentissima iuventus extra patrios lares apud horridas gentes parendo, atque imperando fidei, ac fortitudinis omnibus exemplum præit: pars intra obsessas barbaris Vrbes quotidie caput discrimini obijcit, vigilijs, fame, siti, algu conficitur, & quæcumque obsessis infanda obueniunt tolerat: pars nauigijs imposita, perfidiæ maris, ac ventorum impotentiae obiecta, Veneto sanguine Oceanum imbuunt. Nos mero diem frangimus, ac luculento igne hiemem fouemus. Omnes summi, infimi pecunias in rem bellicam conferunt, nos omnium immunes eximia Principis liberalitate prouocamur, & ut Homérico verbo omnia complectar cicadis similes sola voce iuvare rem possumus.

Nec dubito ex professorum cœtu fore quemquam, qui non toto pectore adlaboret, ut quem sibi Resp. locum dedit cum dignitate tueatur, & quam semel suscepit Spartham exornare pergat. Ita de nobis Resp. merita est, id virtus & antea cti labores de singulis pollicentur. Sed etiam, atque etiam

etiam vereor ne iuventus nostra quemadmodum consuevit male bellantes æmulari, quam pacis studijs modeste informari. Nobilissima iuventus ex toto Orbe collecta, magnarum domorum incrementum, breui Gymnasia, Curias, Tribunalia repletura, in hoc otio literario nimis negotiosa, erumpentem spirituum generositatem ægre cohibet, atque ætatis feruore ferociens velut in procinctu gaudet tractare ferrum, & facili negotio, Paniculæque terroribus ad arma consternatur.

Quis furor ò ciues qua tanta licentia ferri?

Iurgia, tumultus, prouocationes, obsepta itinera, glandium procella verberatæ domus, tormentorum tonitru terrefacta Vrbs, oppugnationes, insidiæ, omnia in belli faciem composita. Nocturnæ excubiæ, militaris tessera, nisi quod in castris vigiliæ summo cum silentio peraguntur, nostri non vigilant modo, sed horrendo tumultu alios ingratis vigilare compellunt, & fortasse verentur, ne professores altius stertant, minusque mature expergiscantur, vt prælectiones suas antelucano meditentur. Quæ so nunquam ne Patavij dormire licebit? nam vt æquo animo hanc adolescentiæ exultantis libertatem feramus, etiam postquam ætius feræ Gymnasia clauserunt, & iuventus studiosa ad patrios lares digressa est, siue nocturni prædones, & perfossores parietum, siue procax & lasciuia erronum manus, dormientes inquietat, cogitque viros modestos, & pacis amantes, tamquam in obsidione insomnes noctes traducere, & absurdo more ferro, atque igne nocturnos insultus arcere.

Sed vt ad nos redeamus, Iuuenes optimi, non est hæc Veneri Senatus mens, qui nullis sumptibus parcit, vt eximios in omni facultatum genere viros vobis erudiendis præficiat, & quod vsquam egregium est ex toto Orbe arcessit, vt vos in dies doctiores, & Reip. aptiores videat. Vicena & amplius aureorum millia, quibus legiones alere potest ingeniorum vestrorum culturæ impendit, tot præterea immunitates, ac decora indulget, vt vos emolliat, & mitiores ad vitæ civilis man-

mansuetudinem reddat. Non hoc est parentum vestrorum consilium, ac votum, quorum non pauci malunt a studijs natos abducere, quam vbi ad Academiam miserunt in perpetuo metu, ac sollicitudine eorum causa versari. Præterea non omnes diuites esse possumus, & humanæ opes iniqua factorum lege dispensantur. Ita fit vt plerique parentes ad tolerandos in Academia filiorum sumptus omnia domi perpetuantur, & siue sterile scat annus, fundisque decoquat fides, siue laxent horrea prouentus, ex æquo premuntur. Quid hoc anno vilius vindemia fuit? Messis pretium vbique iacet, & postquam Cœli, solique indulgentia annui redditus minuuntur, præposteris votis annonæ caritas optatur. At belli necessitas noua vectigalia importat: noua portoria, scripturæque, ac capitationes à fidissimis socijs, promptis in mitissimū dominatum studijs, certatim expediuntur, quora pars restat ad alendam familiam, ad sustentandos liberos? Immune facinus sit nobilium domorum vulnera detegere: nolo credere quemquam esse, qui sibi lautiora alimenta inuideant, & iniqua mensura ventres suos castigent, vt nati opipare epulentur foris. Sed quam illi mox parentibus gratiam rependunt? Miseri parentes, nimisque creduli, putatis liberos in Academia literis vacare, militiæ sacramentum dixerunt, & quidem sine stipendio, ex qua si incolumes domum reuerterentur, egregios domi bellatores habebitis. Nemo peritius torquere hastam, nemo promptius sclopum displodere, animosius hostem inuadere, cautius in insidijs subidere, generosius prouocare, fortius hostem repellere. Itaque quasi capite parens pro doctore militem agnoscit, & fortasse gloriosum. Et siue legum ænigmata soluenda sint, Macedonis more gladio secat, ius omne in armis, siue sanandis ægris admoueat, metuo ne Achillem superet, qui multas præclaras animas Orco donauit.

Sed hoc malorum minimum est, quodque magno parentes emptum velint, vt saltem securi de liberorum incolumi-

tate

tate uiuant. Verum fatorum acerbitate, sibi quot annis nobilem victimam deposcentium, & inconsulto adolescentum impetu nō raro euenit, ut aliquis infelici astro natus tamquā in acie cadat, ac veluti flos prætereūte infortunij aratro succisus languescat. At parens domi calamitatis ignarus spes suas fouet, & in longum quoque vota iacit, in vno capite sitas familiæ fortunas superis commendat: magnos in literis progressus sibi figurat, menses, mox & dies ad lauream anxie computat, nūrum cum grandi dote destinat, & futuris quoque nepotibus sibi blanditur, hoc vno penates firmari posse sibi persuadet, plures minores liberi, tres, quatuor filia nobiles, illocabiles, sed breui laurea penates renidebunt, sospesque natus ad antiquum splendorem familiam reuocabit. Dij Deæque quam longè à destinatione sua errant.

Sed quis tam firmo animo qui hæc infelicissimo parenti perscribere ausit? Rumor ipse auribus allabitur, natum nocturna discursatione ferrea glande traictum, mane repertū humi iacentem, misere ac crudeliter ora manusque lacerum, ceno ac cruore respersum, nil iam superis debentem. O dira facies, miseranda horrida! Qui tunc sensus, quæ mens miserimi senis, καὶ αὖ τοῦ τιμορμένου? Implet questibus Cœlū, viuacis senectæ spatia inculsat, seque tandiu superstitem lamentatur. Et ò fili inquit, fili sic domum redis, sic ad parentem reuerteris? Hoc erat quod te domo, ac patria impubere ablegarem, quod æqualibus seiungerem, quod mihi aspectrum tuum interdicerem, ut numquam postea ad parentis visus redires? Ego te pacis studijs addixeram, tu crudelius, quam in bello occumbis. At saltem in prælio pro patria pro Rep. cecidisses, saltem non procul à parente, licuisset mihi supremos affatus captare, natantes oculos premere, fugientem animam excipere, funus prosequi, patriam glebam iniicere, & tristitia extremi doloris solatia usurpare. Iaces nunc aliena in terra, ne quid misero parenti de filio supersit. Nec

tu modo iaces, sed collapsam tecum domum eadem ruina inuoluis, spes omnes tumulo inferis, deplorata familiæ vora intercipis, mihi que mortem votum facis. Hæc ille superstes inuitus, & breui filium secuturus.

Reliqui parentes trepidant, & diri exempli imaginæ confternantur. Et miramur quotannis Auditorum numerum decrefcere, ac propemodum ad folitudinem vergere? Parentum nullus adeo vilem liberorum vitam habet, vt velit eâ gladiatorio ludo authorare, proinde vel alias Academiâs cogitant, vel fi alio amandare vetantur, malunt domi rudes, atque hebetes habere, quam paucarum literarum pretio de vita natorum pacifci. Et tamen fi fuit vnquam tempus, quo mittere liberos in Academiam parentes deberent, ipfi que adolcfcentes omni virium contentione in literis verfari, hoc illud effe profecto euincerem, nifi res ipfa etiam ab inuitis confessionem exprimeret. Nulla orbis pars, nullus terrarum angulus bello vacat: Europa tot iam annos ferro, atq; igne mifcetur: pulcherrima terrarum Italia, inuidia Deûm, nouis cladibus lacerata, pars inter barbaras gentes raptatur, pars nondum expiatis vnctâ cruoribus incumbentem ab Oriente tempeftatem per horrefcit: vâftatæ Vrbes, atque direptæ: veteres, ac dites familiæ ad egeftatem redactæ, commodata ftipi manus, aut feruili minifterio addicta, & ad euitandû paupertatis opprobrium, opprobria claris domibus addita: recipiendis honeftis ciuibus laffatæ hospitales domus, aut fubmittendis alimentis exhaustæ, & dubitamus adhuc an literis ferio vacandum fit? Non de luxu, aut maioris fortunæ cultu agendum eft, de alimentis difputandum, multumque, ac diu fudandum, vt malorum extremam famem penatibus excludamus. Neceffitas iniectâ manu cogit habere bonam mentem, eaque literarum præfidio nobis bona comparare, quæ fola è naufragio enatare, fola afportari, & à patriæ ardentis rogo efferri poffint. Procul adhuc Thracius turbo intonat, & hæcenus hoftiles furores Refp. Vene-

ta procul habuit, utque terribilissimam hanc pestem non ipsi modo, sed toti christiano Orbi labem, atque exitium minitantē arcere possit Deum veneror. Sed si fata volunt, & fati potentius Numinis culpis nostri obirati decretum, ut Ottomanicos furores ne mare quidem diuidat, quæ ultro spes miseris, aut quæ ratio producendi spiritus, nisi literarum beneficio, quarum viatico instructi per diuersa terrarum vitam, & quæcumque fors incurrit toleremus. Dij quidem omen prohibeant, sed si res improspere cadant quid agent diuites indocti obuiio fortunæ errore bonorum præmijs ditati, quibus si exuantur, ne frugi quidem mancipijs adnumerandi? Quid fiet? Non fastus & maiorum tituli intercedent, quo minus agrum fodiant, aut humerorum operam locent, nisi delitijs fracti luxuque marcelli alienam opem quam petere, tam misere expectare cogantur.

Sæua ergo, & inuitabilis necessitas, atque impendentium malorum series inexplicabilis ad literarum perfugium ac solatium compellere nos debet. Quamquam præclaræ iuventuti iniuriam facere videar, quæ etiam si nihil cogeret, naturæ sponte, & insitis laudis igniculis ad decus extimularetur. Ut interim commoda, atque emolumenta prætereamus, quæ pauci vituperant, nullus contemnit. In Academia enim rerum maximarum rudimenta ponuntur, & ab obscuris quandoque natalibus, atque initijs ingenia ad summa quæque emergunt. Siue enim sacra placent & sacrorum procuratio facilis hinc ad honorum fastigia transitus, purpuraque, & rerum humanarum supremum his primordijs inualuere. Quot hisce studijs fecere sibi nobilitatem, familiæque ac nomini obsolescenti venerationem pepererunt? Hinc Regibus ac Principibus tamquam Ioui Consentes adsciscuntur, de quorum consilio, atque arbitratu manubiæ ac fulmina in mortales expédiantur, quorum velut ex adyto, responsis humanum genus regatur. An non gloriæ stimuli penitus insigantur cogitanti post paucos annos Urbium Rectores comes, ac so-

cuis adstituar, vt pari suffragio de ciuium capitē ac fortunā deliberem, vt liceat dissentire non semel, & in alia omnia ire. Quid si consultantibus de bello, ac pace Principibus sententiam roger, & veluti in senatu relationem ingredi iubear? Ille ego qui quondam priuatus & inglorius, nec magno censu, non multum de plebe caput exerebam, literarum beneficio in tribunal transilio, controuersias, litesque discepto & metuendus reis, præmium, ac pœnas, quæ sola Principum potestas dispenso. Et in ea facultate comparanda languore resoluar, nauseabundus fastidiam, aut militarem licentiā pacatis Musarum testis obtrudam?

Cogitate nunc quot Venerum forum ad magnam nominis celebritatem, opesque immensas prouexerit, quotidieque producat. Vbi & si non magnæ, nec interiores literæ adsint, eloquentiæ vi, in liberos populos dominari licet, atque in ea Vrbe veluti Regnum obtinere, in qua tot Reges sunt, quot libertatem dominationi anteponunt. Ibi noscitari Principibus, conueniri, prensari, deduci, magnæque Imperij capita inter clientes numerari non vltima laus est.

Hæc si Iuvenes optimi contemnitis mihi credite non sapitis, eritque tempus cum sera subibit pœnitentia, tam languide, tamque oscitanter in studijs versatos esse. Erit tempus cum eorum qui id strenue egerunt fortunam, atque opes ægris oculis inspicietis, nec sine rubore, ac suspirijs tot bonos dies male collocatos flebitis. Sed feruet ætas, æstuat sanguis, ferrum tractare iuuat, dum vires, animusque vigent, pulchrumque mori succurrit in armis. Laudo impetum, ac generositatem. Hanc mentem, hosque spiritus in communem hostem christiani nominis vertite, illuc iras vltices, ac furorem effundite. Petite inde decus, sanguinem patriæ ac Principi impêdite. Quod si tutius est in Gymnasio versari, & belli nuncios per seras noctes fabulis miscere, cunctis bello strepentibus fidam Musis pacem in hoc angulo præstare: & si in re seriâ, ac capitali ludere licet cuiusdam non illepidi patris fami-

familias consilio morem gerite . Is filium ingenio commo-
torem missurus erat in Academia, leniter ille refragabatur,
& militiam præoptabat. Sed senex qui plus à literarum, quàm
rei bellicæ studio emolumenti sperabat . Accingere inquit
breui enim ad bellum iturus es : non quod in Academia bel-
la gerantur , ne Dij quidem hoc sinant , sed quod ibi tamquàm
in ludo, ac campo militiæ, & quidem cruentæ rudimenta po-
nantur. Nam si ab tristis animi vitio delectaris sanguine , ex-
pecta tantisper dum Iurisprudentia te in virum transcribat ,
tunc erit quo explere sæuitiam ingenij, fuscumque cruorem
spectare possis . Nam postquam Tribunali institeris, non ma-
gis satellitio quam truci aspectu formidandus, statim illud .
Illictor colliga manus, oculos obnubito, virgis cedito, infe-
lici arbore suspendito. Nusquam tibi fontes deerunt, feralia
pegmata cęsorum cruor inundabit , poteris quot voles ho-
mines tuis verbis , alienis manibus conficere , & quem sitis
sanguine satiari. Si vero medica facultas arridet magis, ma-
gæ virtute esto, non hostes modo, reosque, sed ipsos amicos,
atque insontes tollere è medio poteris , nec impune solum
sed etiam cum mercede . Immo hoc ipso præstabis , quod de
ipsis ludicibus, ac Quæstitoribus sententiam feres, vitæque ac
necis mortalium arbitros maiori potestate in ordinem co-
ges, & ad plures migrare compelles. Ita siue Astræam seque-
ris , siue Hygiam , non est quod bellum , non est quod prælia
desideres. Sic ille in re capitali ludens, redituras in caput fi-
lij technas struebat .

Vos Iuvenes optimi, ac nobilissimi impendentis furialis
belli cura ad pacis studia sero compellat, vel si placet, mili-
tum disciplinam æmulamini, campestres labores, excubias ,
duras hiemes, exercitas æstates, noctes sub dio vel sub pel-
libus actas , sitis , atque inediae tolerantiam, in Tribunos, ac
Centuriones obsequium, sacramenti religionem, & vt rem
paucis complectar omnia belli imitamini præter ipsum bel-
lum . Postremo sic accipite, Principis nostri optimi , ac cle-

mentiffimi grauiffimas hoc tempore curas inteſtiniſ, ac pluſquam ciuilibus diſcordijs intempeſtiue diſtrahi, ne dicam impie onerari.

*PERICVLOSÆ VALETVDINIS, AT-
que ancipitis curationis narratio.*

Proluſio XI.

Tertius decimus menſis eſt, ex quo cum valetudine, ne dicam cum morte colluctor. Medicorum præſtantiffimi, iidemque pietate, atque humanitate eximij poſt conſumpta artis experimenta, omneſque cruciatus exhaustos, quibus ægri in ſpem vitæ ſæpe letho admoventur, illud demum ſibi pro Imperio vel inuiti ad rogarunt, vt languens corpusculum carceri, ac pœne tenebris damnarent, quodque mirum magis eſt quam nouum etiam intra domum exilium irrogarent, nec tam aqua & igni, quam cibo, ac potu interdicerent, aquam, & ignem inſuper comminati. Quippe non contenti famis ſupplicio torſiſſe, inſiſſerunt Ignis pœnam, vt intra hypocauſtum lento vapore aſſarer, an potius fluentibus ſudoris riuſ elixarer. Sed quod omni tormento atrocius eſt etiam literarum ſtudio interdixere, per quod vnicum ſolatiū vitæ, vitam ducimus, immo, & propter quod. Ac neſcio quo iure, quaque pietate Aeſculapius parentem Apollinem exturbarit, nouemque ſorores excluſerit, quin etiam Bacchum proſcripſerit, quo vno poetarum mentes implentur, & doctōrum pectora madent, vt ſcilicet ego mortalium infeliçiſſimus, vtroq; Parnaſi iugo tanquam prophanus ſubmouerer.

Itaque quod nautici panis diſenſum maligne daretur, quantum non famem propelleret, ſed mortem: & interdico mero, quod aquæ hauſtus, quæ in publico manat, feriſq;

ac

ac pecudibus patet, prohiberetur: quod Indico ligno expressus turbidus liquor arescentes fauces, ac præ inedia araneantes acrius accenderet, non tam discruciar, quam quod libros malorum leuamen contrectare vetarer, & cum Musis veterem rationem deducere, quæ tamquam ab immodesto amatore in tempestiuè arcebantur.

In quo quidem non humaniter modo, sed sapienter ac prouide artis medicæ Principes egerunt, quod scilicet morbus, non vt insidiosus luctator pedes, sed caput inuaserat ipsum mentis domicilium, animi Regiam, cogitationum arcem, ac Capitolium, nec iam per interualla oppugnabat, longa ac pertinaci distillatione, acutissimis doloribus, qualia esse Inferorum supplicia crediderim, vigilijs, aut turbulentis insomnijs, immo vexatæ mentis languore, & vt ita dicam quadam sapientiæ tabe. Correptis etiam oculis, quos ebullientis sanguinis ardor infederat, tumente sique & rubore infectos pœnè in noctem cōdiderat, vt initio quidem Cyclops, mox utroque laborans, ferè cum Homero quem tunc publice interpretabar paria fecerim.

In hunc modum quum nullo pacto studijs ac laboribus operam impendere possem, nunquam tamen me magis laborasse scio, atque ea penitus expleuisse, quæ à studiorum cultoribus exiguntur. Si enim qui se Musis addixerunt raro admodum domo pedem efferunt, neque per Urbem diuagantur, ipse nouem menses non intra domum sed ferè intra cubiculum delitui, duobus ne Coelum quidem aspexi. Vigilandum est: insomnem memini me non semel totas noctes lamentando condidisse. A cibo, ac potu temperandum: inedia enectus ne tristes quidem lymphas gustare potui. Sudandū: hoc vero sedens atque immotus confeci. Vt omnia vno verbo complectar, nihil agendo ad extremam lassitudinem deductus sum.

Quid cum intra Bibliothecam abditus, & cum libris veteribus amicis composuit, tamquam sacris parcere cogebar?

Tantali fabulã referens, atrociori ſupplicio, quanto animi ſitis ardentior eſt. Ea tamen non Bibliotheca, ſed ſepulchrũ mihi videbatur, quum inter mortuos, cum quĩs magnam vitæ partem exegeram, mortuo ſimilis verſarer, quodq; omni morte triſtius eſt, ne cum mortuis quidem fabulari liceret.

Inter tot fortunæ minas deſtitutus non fame, non incendio, non diris potionibus, non ſævis cruciatibus, non cecitate deterri potui, quin Pierides puellas deperirem, veſtri que venerabilis conſpectus recordatione marcentem animũ ſolabar, hac vna ſpe indignantem ſpiritum, & quãlibet exire paratum ſuſtentans. Nunc Deũ providentia Benedic̃i Siluatici, & Georgij à Turre virtute viuo, ſpiroque, ſpirituſque, immo & vitæ meæ vnus fructus eſt, tot nobiliſſimis iuvenibus, & de me optime meritis referre gratiam adhuc poſſe. Et quamvis nondum plane confirmata valetudo vacillet adhuc, & cum valetudine ſpes quoque ipſa fluctuet, quid, quid de me fata ſtatuertint, in æternæ Reip. cultu in veſtro obſequio vitam ponere vorum eſt. Nunc ad inſtitutum reuertor.

QVO PRETIO VIRI PRINCIPES Literas ac literatos habuerint.

Proluſio XII.

EX quo longa & pertinax valetudo me in mortem fractũ poenẽ ad extrema deduxit, remediaq; ipſo morbo grauiora corpus ſudatoriiſ exauſtum, & Internis veluti caminis excoctum per mille cruciatus vexarunt, natiuo humore ſerẽ conſumpto, pumice aridior factus, raro oculis ſomnum uſurpare, crescentes noctes mœſta vigilantia exigere, & vel feſſos artus toto grabato iactare, vel vagis ambulationibus morantes tenebras fallere, denique Achillis amicum lugen-

tiſ

tis, noctem non semel pati, & modo pronus, modo supinus cubare in dextrum, aut in sinistrum latus verti, mortiq; proximus somnum mortis siue fratrem siue imaginem irritis votis expetere. Quo magis mirum est ante paucos dies insperanti mihi somnium oblatum longum, pertinax, multiforme, & quale obuersari ijs solet, qui largiori potu curas obruerunt.

Videbar enim mihi siue Mercurio, & siue Pegaso quidem per tot terrarum marisque tractus in Heliconis vertice fisti, atq; in ipsum Apollinis templum recta induci, vbi Musarum parens, siderumque, ac temporum moderator, non ex imo specu per tripodas, & cortinas loquaces, perque Pythiæ ministerium sortium ambages fundit, sed præsens responsa de liberantibus reddit. Itaque templum precantum vocibus perstrepebat. Nec pauci erant, qui vota precesque nuncupabant. Et sicut non eadem vox, idemque sonus precantium fuit, ita diuersa vota apertè concipiebantur. Et hic quidem taurum tibi pulcher Apollo vouebat, si ad eloquentiam peruenisset, ille si Philosophiæ fontem attigisset, hic si sapientiæ consultissimam viam calcasset. Erat qui medicæ artis imperiosissimæ vim ab Deo medico exposceret, & ne quid votis decesset, siderum peritiam, arcana fatorum, naturæque parentis regnum, atque abditam maiestatem plurimi postulabant.

Ad eas voces Apollo veluti obsurduisset sedebat cogitabundus, alienato ab sensibus animo tamquam lapideus staret, aut qualem eum poetæ prodiderunt, geminato natorum funere dolore amentem, aut amatæ inter manus euanescentis fuga attonitum. Interim Menippus, atque alij ex eadem sectâ, Cynica licentia obstrepebant precantibus, ingerebāt conuicia, & tantum non elatos baculos capitibus impingebant. Ipse Menippus truci atque elata voce. Quid malum, aiebat ignaua capita, otio, vitijque marcida laborum ac vigiliarum præmia impudenter exposcitis? Quid templum mapalia facitis? Quid Phœbi aures minus audientes nequicquam

quam fatigatis? Quid à Deo petitis quod à vobis ipsis impetrare potestis? Putatis stolidi muliebribus supplicijs parari posse sapientiam? aut eam Cœlo in mentes ignavas illapsuram, vosque insinuatim peccinatim manibus repente doctos evasuros? Abiêre illa tempora, aut numquam fuêre, quibus Ascræus senex per somnum poeta factus est, & à musis edoctus, aut quibus alter latinus senex plane delirans tantum non pavo factus est, & Musarum pullus. Vos omnem sapientiam perdidistis, nam postquam vino lustrisque demersi meliores annos prodegistis, ludoque ac somno tamquam peregrinantes traduxistis ævum, vna precula posse vos in Heliconis fastigium eniti putatis. Cui insanix curandæ non pauca hellebori iugera satis esse scio. At vestri proavi qui literarum gloria sibi æternum nomen parauerunt Herculeo labore, atque incredibili contentione in hac palestra desudarunt. Vos lenta sagina distenti, oculis somno marcentibus, alexæ, ac choreis innutriti, generationis dedecora inualidæ sperare sapientiam audetis? Quin tu Apollo pater arcum expedis, canesq; ac iumenta, & si quid his deterius est protinus conficis?

Omnibus ut non iniqua, ita acerba nimis, ac pœnè rabiosa Cynici declamatio visa est. Quare clamore omnium, ac minis è templo eiectus est. Non deerant tamen qui sedato vultu, ac miti Oratione per templum ob ambulantes ad virtutem, & laboris contemptum iuniores accenderent, exempla quoque maiorum referrent, quibus sapientiæ, ac literarum decus solo vigiliarum, ac sudoris pretio stetissent. Inter quos fuisse memini senem aspectu venerando, fusa in pectus canitie, qui ad circumfusus ita ferme loquutus est. Impudens, atque inurbana canis illius oratio merito visa est, sed quoties veterum industriâ duosque labores in literarum studijs mente reuoluo seculi huius languoris atque ignaviæ metædet pigetque. Neque ignobilia capita percentere libet, eosque, quos improba pauperies impulit ut literas sectarentur, sed

sed viros Principes orbem terrarum imperio complexos, in summa fortuna pertinaciter, ac pœnè dixerim improbè studijs addictos.

Alexander Macedo ille Aristotelis auditor, atque alumnus, qui plures victorias quàm annos numeravit, cuius immensæ mentis capacitati vnus Orbis non suffecit, in tanta expeditionum, ac triumphorum mole non solum respexit literas & coluit; nec Homerum modo ingeniorum principem mortalium princeps lætitauit assidue, ac puluino subiecit, sed noctes quieti subduxit, quando diem bella, ac victoriæ sibi vindicabant, ac veluti aduersus somnum quoque bellum gereret, prælijs atque itineribus fatigatus, ne fessis membris sopor subreperet ænea concha supposita, brachio extra cubile protento pilam tenebat argenteam, vt cum neruorum rigorem sopor laxasset infusus (verba magni scriptoris sunt) gestaminis lapsi tinnitus quietem abrumperet. Dignus Hercule, cui non Chærilus sed ipse Homerus rerum gestarum præco contingeret.

Nec magnitudine animi, nec rerum gestarum gloria Alexandro inferior Cæsar Dictator, multis vero partibus superior, sicut Ciceroni eloquentiæ palmam dubiam reddidit, ita perpetuis aduersus ferocissimas gentes, mox contra ipsum gentium victorem populum bellis, non modo studia non intermisit, sed in ipso bellorum ardore libros confecit, vt qui eius res gestas animo complectatur, vix fieri potuisse credat, vt aliquid vnquam legerit, ne dum scriptitarit, qui vero eius commentarios viderit sibi facile persuadeat, illum bellorum expertem nihil aliud tota vita quam literas tractasse. Sed magna facere, & scribere Cæsareum est.

Cæsaris fortasse filius, certe interfector Brutus, tanto discendi ardore tenebatur, vt ipsa nocte quæ Pharsalicam pugnam intercessit, in qua de Orbis Imperio inter socerum, generumque disceptatum est, quum ingens præterea æstus esset, atque alij fessos artus dura humo reclinarent, alij arma

ac

ac tela proximo certamini expedirent, plurimi vicinæ mortis horrore circumfunderentur, ille sine tabernaculo sine strato, metu vacuus, Polybij epitomen confecit. Idemque nocte altera, quæ antecessit Philippenſe prælium, in quo ille factis victus est, & cum illo Romana libertas concidit, Platonis librum de immortalitate animæ securus veluti per otium perlegit, nec futuri certaminis in quo de summa rerum actum est, nec irruentis spectari horrendo visu a solitis studiis deteritus est.

Julianus Cæsar, si odium in religionem nostram dematur, quod in illo excusari non potest, nemini Imperatorum secundus & cum paucissimis comparandus, feruente bello aduersus Germanos gentem inuictam, quum dies præliis impenderet, noctes, teste grauiſſimo scriptore, ad officia diuidebat tripartita quietis, publicæ rei, & Musarum, Alexandro Magno fortius, nulla enim pila aut ænea concha quoties voluit vigilauit, & nocte dimidiata semper exurgens non è plurimis, vel stragulis, sed ex tapete, & lysira ad procudendum ingenium vertebatur.

Hæc Cæsares Regesque factitarunt in altissimo rerum humanarum fastigio collocati, tot curis districti, tanta mole negotiorum pressi, vt necesse habuerint tempora, quæ literis impenderent suffurari, & diem regimini terrarum, noctis partem exiguam curando corpori, reliquum studiis addicere, sola eorum dulcedine alleati. Nos homunciones umbratici, turba inops, & obscura, magna pars expediendis alimentis, & propulsandæ inopiæ literas sectati, non totas modo noctes brumales septem stragulis inuoluti, plumisque consepulti stertimus, sed integros dies deploranda, atque irreparabili iactura, nihil agendo, ne dicam male agendo, vel saltem aliud agendo prodigimus. Quid dies? totas lunas eadem socordia transmittimus, integros annos pari incuria, ac languore continuamus.

Non sum ego tam impudens, ac vācors, vt intempestiuo
ma-

magisterio Principes, Regesque veluti in ordinem cogam, atque in scholas ablegem, iisque leges dicam, quorum nutu, atque arbitrio Orbis temperatur. Inuidiosa res est, & periculosa pædagogum Principum profiteri. Non solum principali maiestate, sed & mediocris fortunæ conditione inferius habetur studiis operam dare. Quanquam & aliqui hoc seculo reperiuntur, qui in summa licentia summaque fortunâ amant bonam mentem: & si alibi terrarum, certe apud Venetos optimarum artium studia vigent florentque, nec alio in loco se Musæ ambiciosius circumspiciunt, quando non æternis modo libertatis auspicijs propagantur, sed in ipsum publicæ rei Augustale inducuntur, ingens rebus ornamentum dant, atque accipiunt. Sed non id ubique fatum, & bene cum literis atque omni sapientia ageretur, si Principes, ac Dynastæ simpliciter studia aspernarentur. Sed aliqui etiam oderunt, & tamquam rem dominationi noxiam abominantur. Quos veluti pluvias ac tempestates, & reliqua anni incommoda perferre debemus.

Contra aliqui literarum rudes, quas ne à limine quident salutarunt, docti tamen atque eruditi haberi credique volunt, & ut fortuna, atque opibus ita scientia cæteros præcellere. Qui sicut literis in speciem favere videntur, ita viros doctos non rectis oculis aspiciunt, quasi sibi tacite inscitiam exprobrantes. Itaque cum ijs versari ambiguum anceps, & periculosa plenum opus aleæ. Nam aut foeda servitute ignaviæ assentandum est, aut intempestiva libertate Regum odia irritanda, quæ in longum iaci, & recondita post multum promi Homerus vates dixit. Nam si inter priuatos qui velit ingenio cedere rarus est: quid cum Reges ac dominos vana doctrinæ persuasio inflauerit, putas eos plebeio homini sibi, que subiecto æquo animo cessuros?

Sed est aliquid quod ille aiebat in humanis consilijs, licetque inter abruptam contumaciam, & deforme obsequium pergere iter ambitione & periculis vacuum. Primum omnium

sum.

summa ope nitendum est, vt cum ijs, quos nobis fortuna imposuit in eum modum nos geramus, quem Aristoteles Callistheni ad Alexandrum ituro præscripsit, vt rarissime & iucundissime cum eo homine loqueretur, qui ius vitæ, ac necis in acie linguæ portaret. Aut nunquam aut raro sociandi sermones, ijque mollissimi, & ex veteri verbo sericæ texturæ similissimi. Quod si necesse sit de studijs, ac disciplinis differere, tale temperamentum adhibendum est, vt obsequi magis quam dissentire videamur.

Itaque impudenter ne dicam stultè fecisse videtur Philoxenus ille, qui Dionysio Tyranno Tragoedias recitante, quò vultu gestuque sibi eas displicere ostendisset, iussu eius in latomias abductus est, vnde precibus amicorum educatus, quum alias idem recitando ingenij famam captaret, surrexit Philoxenus, interrogatusque quo iret, in latomias, inquit, quarum cruciatus inepta Oratione leuiore existimabat. Quid si eum recitator tragico sed non iniquo exemplo in crucem egisset? Procerum aures quoties eas adulatorum turba circumsteterit, verum audire insuetæ ad liberiores paulo vocem, ne dicam ad contumacem facile excandescunt.

Fuere quidem aliquando Principes, ac Tyranni, qui dissentientium, ac iurgantium immo dicam libertatem patienter ac ciuili animo tulerunt. Dionysius iunior cum Polyxeno Dialectico disputabat; Cumque ille parum vrbane illud repeteret, ego te conuico; Tu, inquit Tyrannus, verbis me conuincis, at ego te factis, nam relictis rebus tuis me, & mea sequeris. Ita Pomponius Marcellus, quem latini sermonis exactorem molestissimam Tranquillus appellat, quum in Oratione Tiberij Cæsaris verbum vt minus latinum reprehendisset, affirmante Atteio Capitone esse illud latinum, & si non esset Cæsaris auctoritate futurum. Certe iam inde inquit Marcellus, mentitur Capito, Tu enim Cæsar ciuitatem dare hominibus potes, verbis non potes. Idque illi impune fuit. At non impune tulit nostra memoria senex doctiss.

Affimus, & cum veteribus poetis comparandus, qui in carmine Principis sacrorum, Luculens, verbum vt barbarum adnotauit, cui ob hoc ea poena dicta est, vt cum sua latinitate simul ac paupertate consensceret.

Maxime memorabile est ciuile animi exemplum in Antonino Pio, quo maior hominis vnus contumacia, ne dicam impudentia fuit. Pius viuo adhuc Adriano Smyrnam venit, vbi Polæmon sophista lautissimas, & omnium ornatissimas ædes incolebat, in quas cum ille abesset Cæsar diuertit. Polæmon intempesta nocte magno comitatu domū redit, vbi cum ædes occupatas offendisset, magnis clamoribus, & inuidiosa vociferatione quiritare cepit sibi vim fieri, ac proprijs ædibus excludi, coegitque Cæsarem media nocte in aliud hospitium immigrare. Hoc illi non impune modo fuit, sed ab Cæsarium optimo magnis honoribus, atque opibus ditatus est, qui satis habuit hospitis inurbanitatem molli ioco perstringere. Nam quum apud eum histrio quereretur, quod à Polæmone ludorum initio scena eiectus esset, interrogauit Antoninus quando nam id accidisset, respondente illo sub meridiem. At ego inquit, sub mediam noctem domo eiectus sum, neque ipsum accusaui. Prudentius Phauorinus, cui cum Adriano literatissimo Principum sæpè de literis disceptatio intercedebat. Nam aliquando reprehensus ab auditoribus, quod illi cessisset super verbo, quod tamen latinum esset, false respondit. Non putatis vos eum me esse doctiorem, qui xx. legionibus imperat? Is Hermaphroditus natus erat, vtriusque sexus compos, mox eunuchus factus in rebus amatorijs adeo callidus, vt adulterij accusatus sit a viro Consulari, & quum causam dixisset apud Adrianum absolutus est. Quare hæc tria de se vt maxime memoranda prædicabat. Quod Gallus Græcè loqueretur, quod Eunuchus adulterij causam egisset, quod cum Imperatore Adriano contenderet, & vinceret. Intelligebat enim quam esset periculosum cum Principibus disputare, qui gladio controuersiam omnem decidere possunt.

Quid

Quid olim Cæſares, Regesque ac fortunæ anguſtioris nomina gentibus adorata in literarum ſtudijs præſtiterint, & quomodo ſe aduerſus viros doctos geſſerint ſatis dictum eſt. Placet nunc extremam orationem ſeclere, & ad noſtre ſortis mortales deſcendere, vnumque aut alterum laboris, indiſtriæ, & indefeſſæ contentionis exemplum grata recordatione reuocare. Archimedes victoris Marcelli Romanique exercitus terror, & reſiſcentis aduerſus Quirites fortunæ, idemque ſati Siracuſanos prementis mora, vt cætera mittam viri illius miracula, tanta animi contentione incubuiſſe ſtudijs dicitur, vt veluti alienato a ſenſibus animo non cibum caperet, non reliquas naturæ neceſſitates reſpiceret, & ad curandum corpus, cibumque capiendum vi cogendus eſſet. Itaque cum hora balneorum inſtaret a domeſticis per manus ſublatus deferabatur ad lauacrum, totuſque in contemplatione deſixus, non modo quid fieret advertebat, ſed cum de more totum corpus oleo perfunderetur in vncto corpore figuras mathematicas digito delineabat. Hic nimirum ille eſt, qui captis tandem Syracuſis meruit, vt iratus licet victor hominis diuina virtute captus ediceret, vt capiti ipſius parceretur. At hic dum animo & oculis in terram deſixis formas deſcribit in puluere, non ſtrepitum captæ Urbis, ac diſcurrentium, cunctaque ferro, ac flammis miſcentium militum, non clamorem ciuium, non ruentium rectorum fragorem ſenſit, & militi qui prædandi gratia domum irruerat, ſtriſtoque ſuper caput gladio quis nam eſſet interrogabat, propter nimiam cupiditatem inueſtigandi quod cupiebat, nomen ſuum indicare non potuit, ſed protracto manibus puluere noli, inquit, hunc circulum deſtruere, ac proinde quaſi negligens Imperij victoris ob truncatus ſanguine ſuo artis ſuæ lineamenta confudit.

Plinij ſecundi incredibile ſtudium ſummamque vigilantiam deſcribit eius ſororis filius Plinius Cæcilius. Nam quum plurima opera eius reſenſuiſſet, quæ omnia præter diuinam illam

illam Naturæ Historiam pessimo publico perierunt, subijcit mirum esse tot volumina ab homine occupato absoluta; Sed mirum magis, cum aliquando causas agitauerit, decesserit anno sexto & quinquagesimo, medium tempus dislentum, impeditumque egerit, quâ officijs maximis, qua principum amicitia. Lucubrare solitum hieme ab hora noctis septima, vel cum tardissime octaua, sæpe etiam sexta, & reliqua quæ ibi fuisse persequitur. Ipse autem in præfatione operis maximi, fatetur se occupatum esse officijs, succisuiisque temporibus scribere solitum, idest nocturnis. Diem publicis Cæsarum negotiis impendere solitum, cum somno valetudinem computare, quod scilicet dum noctu scriberet, pluribus horis viueret, quod vita vigilia sit.

Satis superque exemplorum ex tota vetustate esset, nisi duo recentis memoriæ ingererent se se, ipsamque antiquitatem prouocarent. Budæum enim maximum Galliæ & literarum decus ferunt duodecim ferme horas quotidie studere solitum, die autem nuptiarum quatuor tantum horas literis impêdisse. Viuit adhuc viuatq; diu bono publico Vir in omni literatum genere Eminentissimus, sed in sacrarum interpretatione sine æmulo natus, Gaspar Scioppius, nec Urbem modo Antenoris, sed seculum illustrat, cuius incredibile studium, atque inauditam animi contentionem vix credunt, qui oculis vsurpant. Nam ab ineunte ætate ita totus literis affixus fuit, vt sexto decimo anno libros euulgarit, quos senes admirarentur, & licet Principum amicitia, magnisque legationibus, atque officijs distractus fuerit, totos tamen dies, magnam noctium partem perpetuo literis impendit, iamque grandis natu nihil de contentione remittit, sed dies noctibus iungens, per decennium, atque eo amplius vix cubiculone dicam domo pedem extulit, totusque diuinarum literarum, plurimis editis, innumeris edendis operibus, non Indefessi modo animi, ac corporis, sed veræ sapientiæ, ac felicitatis vnicum exemplar habetur. Quippe omnibus vitæ

H

blan-

blandimentis abruptis, nullius rei appetens, sibi que iam mortuus, vivēs posteritati cuius negotium agit, quodq; mirum est inter tot labores, ac vigilias, viridi senectā fruens, vegetis membris sensibusque, memoria adeo vigente, ut quod ille de Iuliano aiebat integrum eius dolium haussisse videatur. Vere philosophus, vere beatus, quiq; solus exemplo suo satis esse possit ad incuriam seculi, atque ignaviam profligandam, ab ijs maxime apud quos degit, si quemadmodum vitiorum, ita virtutis, ac sedulitatis certamen esset.

Hic senex conticuit. Tum Apollo veluti veterno excitatus auream quatens Cæsariem, quum interim mouerentur liminaque laurusque Dei, hæc pauca fatus est. Profunda super vos obliuio veniet, pauca ingenia caput exerent: bonæ literæ, ac latinæ orationis decus ad barbaros exulatū ibunt. Earum vicem difficiles nugæ, ac stultus labor ineptiarum, somniorumque interpretamenta occupabunt: donec Veneta maiestas maximo, & periculosissimo bello inaudita virtute defuncta, cultiores disciplinas cum ipsa pace reducat, latiumque Latio redonet. Extremam vocis partem concussi montis fragor, cortinæ mugitus, ac tonitrua excepere, ego somno ac pœnè grabato excussus sum.

PRÆFATIO AD VIRGILII ÆNEIDA.

A Vrumnales ferias, & literarum Saturnalia alij alijs oblectamentis fallunt. Mihi aucupium innoxius ludus & fida voluptas semper visum est: illud præcipuè, quo volaticum genus non accipitrum vnguibus laniatur, aut plumbea grandine percellitur, sed viscatis viminibus illigatum deferretur ad manus. Insidens breuiori palo statuitur noctua ad funiculi motum insilire, ac resilire edocta. Vbi veluti in suggestu illa collocata est; grandibus illis, & ceruleis oculis

his despectat feure arua, corporisque motu graui, ac suspensio auiculas allecat in insidias. Vix hæc gentis suæ proditrix apparuit, fit concursus familiæ volitantis, & quæ passim auiculæ per frondea rura cantu exorientem auroram salutarant, præcipientes misellæ accurrunt, turmatim circumfunduntur innocentes animulæ, magnum illud os trucesque oculos mirantur incautæ, stridulæ garriunt, turbam miscunt, discurrunt fugitant, redeunt, donec viscatis insidijs tactæ crudeli aucupi in prædam concedant.

Fatum hoc auicularum est, quæ se sponte in insidias induunt, & ad spectaculum aduolant, quod fœdum & inauspicatum fugare eas deberet, & abstertere. Quid enim in noctua est, quod illas ad sui contemplationem rapere possit? An deest in volucrum genere quod sectentur, & officioso famulatu deducant. Illa Iouis satelles fulminumque ministra hoc officio caret. Alieni Solis hospes Psittacus humanas voces conatus, incomitatus incedit; Ipsa lusciniæ quoties parvulis faucibus diuinum melos funditat, & tot exquisita instrumentorum Musicorum tormenta, quæ ars hominū excogitauit superat, inculta, & in honora surdis frondibus canit; Si naturæ fastus oculosus pavo processerit circa eum solitudo est, nec intextam auro purpuram, plumatumque Babylonicum mirantur, quæ ominosam auem, & inauspicatam circumstant.

Idem planè vobis euenisse hodierna die Auditores satis mirari non possum. Qui cum aut ad Aquilæ sublime ingeniū & immixtum nubibus caput confluere possetis, aut lusciniæ alicuius diuinum eloquentiæ melos fundentis cantui interesse, vel ad pavum accedere superbientis naturæ pompam explicantem, aut humanis Psittaci modis aures admouere, ad me ipsum hoc est ad noctuam diuertistis. O nimiam vestram aut facilitatem, aut benignitatem. Absit enim ut credam quemadmodum auiculæ fortasse ad noctuam, sic vos ioci ludique causa auditorium intrasse. Quicquid sit Noctua

vos ad ſpectaculum trahit, non ille ego quidem, haud enim tanto honore dignus ſum; Noſtua Virgilius eſt, non feralis & inauſpicata, ſed Mineruæ ſacra, ipſius ſapiētiae nota, Deæ clypeo ſemper circumlata. Quod ſi id diſplicet non Noſtua ſed Phœnix ingeniorum ſcriptorumque omnium eſt, quem circum ſiſtitis, & plaudente choro comitamini. Sacer ales eſt, & immortalis, ad aram Solis feſtinantem mecum vna generoſa iuventus ſubſequere; Ego illius myſta, atque Interpreter arcana eius ediſſeram. Procul procul eſte prophani. Vos linguis animiſque fauete. Neque tamen hic Muſarum pompam aduocabo, vt hoc naturæ decus ſingulare, atque extremum Muſarum conatum verbis exornem. Vt extra omnem ingeniorum aleam Virgilius eſt, ita omnem facundiam conſumpſit; Qualis quantuſque ſit ex ipſo vobis diſcere licet! Occurrunt in primo diuini operis verba illa.

L I T E R A T O R V M F V N V S .

Proluſio XIII.

Quod olim in Tragedijs fato functorum vmbrae ab Inferis euocatæ, non ſine caueæ trepidantis terrore pronuntiabant, id hodie mihi ius faſque ſit uſurpare:

Adſum, atque aduenio ex Acherunte vix via, alta atq; ardua

Per cauernas ſaxis ſtructas aſperis pendentibus

Maximis, vbi rigida conſtant craſſa caligo Inferum.

Nam cum ex diutino languore qui me patrios penates reuiſentem deprehenderat, nondum plane recreatus his terris redditus, ingentibus præterea curis obrutus inuitus quidem, ſed trahentibus fatiſ elapſa proxime æſtate Venetias adpulſiſſem vix cymba pedem extuleram, quum me dira febris inuaſit, nec diu morata extremis vitæ metis moribundū adſtituit. Iacebam exigua in ſpe animam trahens, opinione omnium deſiſtitus, ac deploratus, & vt diri nuntij mortaliū

lium liuore pronis auribus accipiuntur , hic mihi tamquam mortuo canebantur Inferiæ , fidissimi amicorum mærebant , quidam etiam non occulte lætabantur , ij præsertim qui augustum hunc locum præcipiti spe deuorauerant , quæque nõ obliqua malignitas est , me viuientium numero exemptum esse sponfione contendere parati erant : nec deerant qui se dum mortalitatis reliquiæ tumulto mandarentur inter fuisse prædicarent .

Itaque domi meæ tamquam patre familias peregre extincto , si non luctus , cuius tenera ætas eo miserabilior nondum capax erat , at orbitatis , ac consternationis plena erant omnia : rapiebatur res familiaris , quæ veluti caduca publicum spectabat , opesque pusillæ quantas sterilium literarum cultor minime avarus comparare potuit inter vicinos spangebantur , qui in funere meo nouendiales has cænas cœnitabant , credo vt hac profusa largitione sanctius defuncti manes procurarentur . Seriæ , dolia , tamquam die natali relinebantur , vinoque si non pauimenta , at conuiuarum pectora natabant , inopisque familiæ extrema alimenta turpis vicinia ructabat . Atque in hunc modum vivus videntque funditus perieram , isque non mihi sed bonis meis lessus , hæc nenix , hæc mortualia fiebant .

Hic rerum domesticarum status erat , cum ego Venetijs cum morte luctarer , mihi que ipsi superstes , nihilque minus cogitarem quam vt in ipso ætatis flore vitales auras linquerem , atque hinc incommunem locum commigrarem . Scilicet vi morbi oppressis viribus eius magnitudinem non sentiebã , nullusque medentium , aut amicorum mihi supremam horam denuntiari audebat , quasi non cum viro Stoicam professo , sed cum puero , aut muliercula res ageretur . Donec casu prorsus mirabili , & calamitatem meam intellexi , & me mortuum esse credidi .

Nam cum vigilantibus curis , æstuque præcordia vrentem diu somnum oculis non vsurpassẽ , ambiguo Deorum bene-

ficio exiguum soporis gustum libavi, visusque est per fenestras manifesto lumine intrare Mercurius, capitique meo incumbens fati necessitatem exponere. Nam virga innuens supremum aduenisse diem aiebat, utque cæterorum gregi immixtus me ad mortis limina sisterem imperabat. Ego tam tristis denunciatione perculsus, ipsaque morte frigidior vocem amiseram, nec quid facerem, aut dicerem sciebam. Mox collecto spiritu. O inquam Mercuri facunde nepos Atlantis, cuius ministerio vterque orbis peruius est, quo sequestro cœlorum arcana mortalibus communicantur, & Inferorum regna augescunt: quæ est ista Numinum inclementia, ut me nondum decurso vitæ stadio in rerum magnarum apparatu intercipient, annosque meliores inuideant? Non sat erat me tot morbis corporisque cruciatibus, tot casibus iactatum, tot dirifati exemplis per quinquennium atque eo amplius torrisse, nisi etiam vitam velut in exilio intempestiue abrumperet? Non ego mortem tot curarum leuamen lethæaque obliuia deprecor, sed per ego dextram tuam fatorum ministram, per virgam qua lumina morte resignas, si religiosus eloquentiæ cultor fui, si artes tuas penitus adamaui, obtestor, ne me aliena in terra extingui patiaris, breuem moram concede, qua penates reuisam, vltimaque oscula inter amicos, atque affines diuidam, tum lubens ac volens mandatis fatorum obsequar.

Fortè ad lecti fulcra servulus iacebat noctis colore tinctus, sed quinigerrimo vultu fidem sinceram, candidosque mores tegeret. Is in culcita resupinus officiosis ronchis steretebat, tam profundo sopore demersus, ut incertum videretur vter morti vicinior esset. Et o inquam Mercuri, cur iste terræ pondus inutile viuit, & valet, docti viri non sine cruciatu vita exterminantur? Quid iste, non adeo vita indignus? Cur tot ignauæ animæ perennant, tot vilia capita fruges consumere nata, sæcli incommoda, atque opprobria, spatia vitæ inuidiosa exhauriunt, industrii, atque eruditi terris tantum

osten-

ostenduntur? Præstat ergò otio se corrupendum dedere, præstat vulgo misceri, præstat brutis animantibus similes ignotos sibi, ceteris ignoratos æuum exigere, quando non nisi eminentia papauerum capita superbæ morti demetere placet.

Resoluit intempestiuam declamationem Mercurius, atque ore subtrixit pauca refert. Annum esse pestilentem, siderum aspectus maleficos, multa mortalium millia Orco deberi, Vrbes funeribus exhaustum iri, Inferni portitoris cymbam vectoribus non suffecturam; sed quod omnem acerbitatem exsuperet, dira sorte viros omnes doctos, & literarum nomine insignes neci destinatos, idque ira Numinum in res humanas, quæ novas scelerum pœnas excogitassent, vt sublatis eruditis dira barbaries super funderetur, Orbemque misere vlcisceretur.

Quare ipsos sapientiæ proceres, summaque literarum capita Proserpinæ addicta, diro gregi compulisse, orbatas Academias, funesta Gymnasia, paucos admodum restare, qui breui in Acheruntis censu futuri essent. Proinde inquit & tu propere compone res tuas, vt te quam primum cum ceteris Infernis ludicibus sistam. Cæpitque me præcedere. Mirum dictu, impellebar ipse occulta vi, quique affixum lectulo corpus ipsa morte graue vix versare poteram, artusq; deficientes ægre moliri, reddito vigore non grabatum modo minime titubanti vestigio reliqueram, sed præcipiti cursu aera findentem Mercurium æquabam.

Nec longum iter emensi beatissima terrarum parte excipitur, hoc est ipsis elyjs, ac fortunatorum Insulis. Nulla vox est, quæ loci amœnitatem exprimere possit. Perpetuum Ver renidebat, mite Cœlum, nullisque nubibus asperum, Sol ipse purius fulgere videbatur. Panditur interea elysiorum Regia, vbi Trium viri capitales fatalem urnam versabant, cuiusque nomen educebatur. illico mortem obibat. Erant ad latera Parca, & Quæditorum arbitrio mille vitas momento recidebant.

H 4 Forte

Fortē tunc non levis disceptatio incesserat, quæ ipsos Iudices haberet ambiguos. Nam cum decreto fatorum Viri docti, atque eruditi letho destinati essent, non plane constabat, qui nam essent hi, quique hoc nomine digni censerentur. Cum enim literæ, ac sapientiæ cultus suas fraudes, suumque fucum habeant, & quidam docti sint, quidam videantur: cum non pauci literis tincti, atque ex librorum Indicibus periti, præterea plagarij, atque alienorum scriniorum effracto- res, sicophantæ, solaque barba, ac super cilio philosophi, non pauci etiam quibus pro virtute audacia est, ad tam sublimē nomen impudenter adspirarent, arduum opus atque anceps ipsis Triumviris videbatur excutere larvam, & viros eruditos deprehendere. Itaque placuit citari nomina eorum qui doctorum numero haberentur, tum nova prorsusq; inaudita Iudiciorum ratione, laudes eius, laboresque & merita in rem literariam accusator percensebat, contra accusabat patronus, vitiaque, & ignaviam exprobrabat, quo eius fortunæ, ac vitam tueretur. Tum Iudices in suffragium ibant, & cuius eruditionem, ac vitam adprobauerant, letho donabant, qui inscitæ, ac secordiæ arguebantur, nigrum thera effugiebant.

Et primo quidem productus est Io. Baptista Soncinus non Brixie modo Urbis nobilissimæ, sed artis medicæ summum decus. Statimque doctrina eius varie expendebatur, arguebaturque. Laudator aiebat eum magno ingenio præditum breui eos in re medica progressus dedisse, ut iuvenis in hoc Gymnasio inter primos profiteretur, mox Pisas ad primam sedem invidioso stipendio euocaretur, ut demum rediret huc, & Viro præstantissimo, honesta missione donato, succederet, ac Medicinæ culmen tueretur. Fuisse præterea in eo summam in explicando facilitatem, Iudicium rectum, dicendi copiam, atque elegantiam, ingenij dexteritatem, omnesque artes civiles, usque ad invidiam in eodem floruisse. Dicebatur contra, iuventam Academia vitio inter arma, &

nocturnas discursationes translegisse, nullum præterea ingenij fœtum emisisse, vnde doctrinæ fructus ad posteros redûdaret. Sed Minos iuventæ liberioris licentiam magnis postea virtutibus, ac laboribus emendatam affirmabat, nec multum interesse, quod nihil librorum evulgasset, cum contra quo quis indoctior eo plura quotidie incitiæ atque adrogantiæ monumenta effunderet. Huic cæteri assensere. Itaque intra sextum & quadragesimum annum, ingenti vtriusque Academiæ luctu extinctus est.

Morâ dein vrnâ eductum est nomen Gaudentij Paganini in Gymnasio Pisano artem dicendi profitentis. Laudatus est non perfunctoriè. Virum esse magna doctrina, variaque lectione in omnibus fere disciplinis versatum: editis præterea non paucis operibus per celebrem, festiuis moribus, atque ingenio perfaceto, vt eius consuetudine magnus Princeps admodum caperetur. Addebatur, eum magnum literatorum fautorem esse obuia comitate, non tam domo, quam pectore peregrinis hominibus ingenue patente, exterosque qui Italiam inuiserent, aut hospitio exceptos, aut festis dapibus adhibitos. At Patronus præpostera defensione aiebat, hominem magis literis tinctum, quam imbutum; Id declarare pleaque eius scripta impetu magis, quam certa ratione edita non magna elegantia, artisque eius quam profiteretur modico cultu. Nihil in ingenio solidum, cum per artes, & disciplinas peregrinaretur, nulli penitus insistent, nec admodum ingenio aptus poeticam attigisset, præcipue Italicam, cum versus in hora sexcentos inuito Apolline effunderet. Suffragijs tamen Trium virorum inter doctos recensitis, fatali lege collegam, & amicum Soncinum non multo post secutus est.

Et quasi vni tantum Regioni fatorum vis incumberet, inductus est ex Vrbe Florentia Io. Baptista Donius magnifico cum elogio. Virum doctissimum esse, eruditione, studioque antiquitatis nemini secundum. Vnde arrepta occasione laudator

dator dotes eius breui, sed attenta Oratione perstrinxit. Hunc ab iuventa Romæ incredibili labore, ac contentione in eruendis vetustæ memoriæ reliquijs versatum, egregium opus ad eam illustrandam confecisse, quod nondum publicum factum esset, sed edita dissertatione de Pænula viri docti famam omnium suffragio adeptum, auctumque decus pererudito de veteris Musicæ præstantia commentario. Et licet Patronus, iuvenem adhuc, nec ad summum euectum contenderet, non exactam eruditionem, multa præterea in eius scriptis à viris doctis desiderari, morti destinatur magno Reip. literariæ detrimento.

Post hæc ex diuersa terrarum parte, duo clarissima literarum lumina euocantur, Daniel Heinsius, & Gerardus Ioannes Vossius. His nullum doctiorem quisquam nouerat, aut sol viderat. Differebat laudator Heinsum magni illius Iosephi Scaligeri alumnum esse, quem politiorum literarum, & solidioris eruditionis Dictatorem perpetuum eruditorum consensus dixerat. Nec minorem tanto educatore discipulum. Nam ab adolescentia Græcas, ac latinas Musas tam propitias habuisse, vt addita ad naturæ dotes industria veteres poetas iuuenis prouocaret, ac præcipuè in Elegijs Ouidiani carminis dulcedinem ingenijque vbertatem æmularetur. Ad seueriora deinde eodem auspice conuersum, pleno pectore de sapientiæ fonte gustasse, ad quam exornandam consumpsisse Rhetorum myrothecia, per faceto etiam Orationis lepore, atque acumine insignem. Mox Historiam, ciuilibisque prudentiæ arcana Lugduni Batauorum, illa Martis ac musarum palestra magna doctorum, atque extera iuuentutis frequentia professum, ab Veneta Rep. D. Marci insignibus virtutis ergo condecoratum. Tandem Græcis ac latinis scriptoribus illustratis, editisque in novum sacri fœderis instrumentum doctissimis commentarijs, summi viri famam merito consecutum esse.

Flexit deinde noxiam laudationem ad Gerardum Vossium, quem

quem omni præconio longe maiorem pronunciauit, testes aduocans Institutionum oratoriarum libros, qui ipsi ad famam aditum aperuere ingenti plausu exceptos, etiam ab ipsis literarum proceribus Isaaco Casaubono, & Iosepho Scaligero. Hic enim cum eas perlegisset ingenue professus est se ab ea lectione doctiorem euasisse, nec è veteribus ipsis quem quam extare qui in eo argumento Vossio palmam præiperet. Casauboni vero hoc de Vossio fuisse iudicium, nihil eius Rhetoricis esse perfectius, nihil nitidius, singularem eruditionem, lectionem multiplicem, rectum iudicium vbique elucere. Sanè Criticæ vim minime vulgarem in notis ad fragmenta veterum Tragicorum, præcipue in duplici Commentario de Græcis ac Latinis Historicis vsque ad miraculum vigere. Porro nihil exactius latinæ linguæ commentariis, nihil libro de Veterum Idololatria, item Grammaticis, ac poeticis exercitationibus eruditius extare. Hæc magna licet, vero tamen minora omnibus visa sunt, ita ut acculator obmutesceret, nec quidquam hiscere auderet, ut laudis obtreptione tantis viris suffragaretur. Quare eodem pœne tempore geminum Belgij, ac literarum si-
dus extinctum est.

Posthæc ex Vrbe rerum domina alterum par haudquaquã priore deterius inductum est, Famianus Strada, & Tarquinius Gallucius nobilissimæ, & nunquam satis laudatæ Societatis facile principes. Nec multum laudatori laborandum fuit, ut ostenderet Famianum insigni laude in Rhetorum officinis ætatem exegisse, ac per tot annos Romanæ iuuentæ moderatorem, tum eloquentiæ præceptis, tum latinæ Orationis maiestate veterum Oratorum gloriam reuocasse. Nam Prolusiones eius, & doctrinæ varietate, & latini sermonis candore notabiles quotidie doctorum manibus teri. Historiam autem Belgicam grande opus eximia prudentia, rerumque maximarum consilijs & dominationum arcanis refertum, eadem styli felicitate tanti scriptoris ingenio par,
præ-

præcipuam ipsi commendationem peperisse.

Ex altera parte Tarquinius Gallutium puræ, ac minime fucatæ latininitatis & ad Tullianum nitorem proxime assurgentis vnicum fortasse hac tempestate exemplum esse. Eius orationes omnibus doctrinæ, atque eloquentiæ luminibus distinctas, eximio verborum cultu, sententiarum pondere, atque eleganti perspicuitate instructas, ut disertissimus Romuli nepotum merito appellari posset. Sed & carmina eiusdem pari suauitate ac nitore contexta, ut quod rarum, ac pœne inusitatum sit, tam soluta, quam pedibus adstricta Oratione, Romanæ eloquentiæ principatum obtineret. Ut interim omitterentur doctissimi Commentarij in Ethicam conscripti, solidioris doctrinæ egregia monumenta.

His etiam quid reponeret accusator non habuit, nisi quod in Famiani historia multa excidisse contendebat, quæ ad latininitatis obrussam exigi nequaquam possent. Pleraque ambitiose perscripta, scholam olere, nimiamque ac pœnè putidam diligentiam; multa poetice exaggerata, non paucos denique lapsus, quos ille aliàs in veteribus scriptoribus arguisset. Sed leuia ista admodum visa, nec deformes in pulchro corpore næui. Itaque hic cum compare Gallutio rebus humanis excedere iussus est.

His peractis grande vulnus Academiæ nostræ inflatum est, educto Io: Veslingij nomine, quod semper acerbum, semper honoratum eadem Academia habebit. Nec se continuit laudator, sed truci, ac sanguinanti eloquentiæ veluti frenos laxauit. Hunc prima iuuenta ex Germania tot nobilium animarum altrice, Italiam, capiendo ingenij cultu petiisse, atque in hoc Florentissimo Gymnasio laboribus, atque industria æquales omnes antecessisse, non grauioribus modo disciplinis impense additum, sed Græcorum ac latinorum scriptorum assidua lectione animum mitigasse. Mox Venetijs, laureæ medicæ insignibus decoratum, sponte in Aegyptum vsque concessisse, ut ea peregrinatione discen-

scendi in primis auidum, & capax ingenium expleret. Ibi animum tot' naturæ miraculis sedulo intendisse, nec tam insanas Pyramidum substructiones, quam fecundam Nilu eluuiem miratum, herbarum, ac stirpium medicam vim diligentissimè scrutatum esse. Inde Hierosolyma per oblecta barbaris itinera, non sine vitæ periculo adiisse, locaque Christi seruatoris natalibus, ac morte sacrata perlustrasse, ut ad multiplicem linguarum cognitionem, etiam Arabicam adderet, ipsiusque Opobalsaminaturam, ac vires propius inspectaret.

His bonis succinctum huc rediisse, statimque ab Veneto Senatu eximæ virtutis æstimatore acerrimo, Chirurgice, atque Anatomice præfectum, totum Gymnasium in se conuertisse, non tam secandi peritia nemini prædecessorum inferiorem, quam Orationis cultu, atq; omni eruditionis aménitate cum paucissimis comparandum. Ita maximos ad eum audiendum concursus, factos, quum profligata barbarie, omnique ineptiarum squalore deterso, eo dulcius auribus blandiretur, quo tristius spectaculum esset, & carnificinæ proximum. Græcam eruditionem disputationibus sine ostentatione inspersam, veterum poetarum dicta veluti emblemata Orationi addita. Quanta diligentia minutissimas corporis partes, humanaque exta salubri haruspicinâ inspecta, ipsosque oculos fugientia fibrarum lineamenta curiosa felicitate deprehensa, atque aspectui subiecta; Nec multo post eundem in amœna vireta inductum, florum, atque herbarum culturæ præpositum esse, naturæ lasciuiantis pompam, terræque omniparentis fœcunditatem, pari ingenij, atque orationis vbertate ad corporum tutelam salutisque ministeriū prouide conuertisse. Vix dici posse quot ille labores ac vigiliæ exhauriret. Cum summo mane luceque adhuc dubia quotidie profiteretur, herbarumque aromatum, ac metallorum vires pleno Gymnasio exponeret. Saturnalibus vero optimis dierum, cum reliqui ferias ducerēt, accuratissima cadauerum sectio.

seſſione, atque inſpeſſione, viuorum ſaluti conſuleret, & poſtquam æſtiui calores ludum artauerant, ſalubrem naturæ florētis aſpectum, florida, atque amæna diſſertatione ſtudioſæ iuuentuti communicaret. Quibus autem notam, aut expertam non fuiſſe ipſius medendi peritiā, atque pietatem fere ſingularē, qua vacuo ſordibus animo ſine vlla mercede egenos magnam Vrbiſ partem curaret?

Plura laudator dicturus erat niſi fluentem Orationem Iudices ad clepſydrā caſtigaffent, qui ne audito quidem accuſatore, inexpliabili Vrbiſ Gymnaſij ac literarum clade, tantum decus terris inuiderunt.

Hinc veluti tot clarorum virorum nece irritato furore, ipſam demum ſapientiam excindere cogitarunt, die dicta Gaſpari Scioppio, qui tot ſublatis ſolus irruentem barbaricè proſtigare poſſe videbatur. Cumque eum virum ſine controuerſia longe doctiſſimum eſſe conſtaret, vix vllæ laudatoris partes eſſe videbantur, ne quid tamen de funeſti iudicij more deperiret, iuſſus eſt ſumma rerum faſtigia perſequi, ipſiusque modo laudationis capita indicare, non enim ſuſſeſſura dies ad tanti viri laudes ſequendas videbatur. Vnum igitur illud exemplum doctrinæ, atq; indefeſſæ in ſtudijs literarum contentionis ætati noſtræ aſſuſſiſſe prædicabat. Nam adoleſcentem ac pœne puerum id ingenij atque eruditionis ſpecimen dediſſe, vt vix tribus luſtris expletis non vnum opus publici iuris faceret, quod exactæ ætatis iudicium, totiuſque anti- quitatis ſolidam cognitionem præſeferret. Neque tamen vt vmbatici ſolent in ſcholarum ergaſtulis conſenuiſſe, ſed in Aulæ ſplendore, in oculis omnium, maximis negotijs adhibi- tum viuudum, paremque animum oſtentatſe. Et ne tot bonis ſola Germania frueretur, cum in Italiam veniſſet, Principum ſtudijs, fauore omnium, ac gratulatione certatim exceptum eſſe. Præcipuè Ferdinandi Mantuæ Ducis, magni ingenio- rum æſtimatoris, non intimæ modo familiaritatis ſacris adhi- bitum, ſed inſigni liberalitate auctum. Poſt hæc duorum

Pon-

Pontificum flagrantissima gratia floruisse, ut Gregorij XV. antequam illud fastigium teneret, cōtubernio frueretur. Urbano VIII. Principum literatissimo in delicijs esset, ad utrumque ab eodem Mantuæ Duce, & ab Ferdinando Imperatore partim officij causa, partim de grauissimis Reip. christianæ negotijs legatus. Vbi in humani generis conuentu, in publica literatorum luce ab eruditis omnibus submissos tanquam Dictatori ingenij ac doctrinæ fascies, ipsumque pro quodam eruditionis miraculo cultum. Donec inanum pertæsus, in se ipsum recederet & partim Mediolani, partim in hac Vrbe victuris æternum libris bona fide posteritatis negotium transigeret. Eos libros in ore famæ, in commendatione omnium versari. Quumque per omnes fere disciplinas capax ingenium circumtulerit, duo tamen in ipso sine exemplo satis exprimi, nedum laudari posse, iudicij vim in aliorum scriptis æstimandis, & ad latinæ orationis Censuram exigendis miram, atque exactam, tantam vero sacrarum literarum peritiam, quantam fortasse nullus ad hanc diem, quantamque nemo credat, qui illam auribus non vsurparit. Ut quod olim de Esdra dictum est, deperditos linguæ sanctæ Codices solus reparare potuerit. Scilicet vsque ad extremam senectam nuntio rebus humanis remisso, noctu diuque in sacrarum literarum commutatione incredibili labore versatum, ut ipsum aduentibus per plures horas vno veluti spiritu infinita sacræ paginæ loca, inusitata memoriæ felicitate stupentibus atque attonitis repræsentaret, atque ex ipsis diuinæ sapientiæ penetrabilibus arcana etiam doctissimis ignorata exprimeret. Nimirum cum raro alias prodire in publicum soleret, extremis temporibus quatuordecim annos domo, ac ferme angusto cubiculo clausum, diebus noctes iungentem, lucubrare perpetuo solitum cumque à doctis inuiseretur, ne vnquam à literis abscederet varijs, ac festiuis de re literaria sermonibus, profundæ eruditionis fructus vberrimos communicare consueuisse, huncque ipsi ludum, hoc otium, hoc laborum leuamen semper fuisse.

fuisse. Nec mirum si ætate exacta plures libros à se confectos quam annos numeraret, eiusque opera vel magnam Bibliothecam instruere possent, ipse viua ac perambulans Bibliotheca merito appellaretur.

Quis credat? Ausus est accusator contradicere, atque ex obliquo tanti viri famam infuscare. Nam cum quæ de eius ingenio, doctrina, immensisque in re literaria laboribus insitari non posset quæ essent totius Orbis testimonio comprobata, vertit accusationem, nimiamque eius ingenij asperitatem, iudiciumque subausterum, omnibusque infestum arguebat. Nam ne ipsis quidem Regibus supremisque potestatibus vnquam pepercisse, cum nimia, ac pœnè Cynica detrahendi libidine omnes ordines non solum multo sale defricaret, sed in omnem verborum etiam prætextatorum amaritudinem effusus, ipsa literarum capita, virosque superum cultu reuerendos totis voluminibus concideret, asperisque facetijs iocum ac ludibrium faceret. Ita multorum in se odia concitasse, vt amaras ipse quoque historias audire cogeretur, bellisque plusquam ciuilibus Musarum pacem inquietaret. His Minos inter fatus est. In hoc satis excusari Scioppiū non posse, quod Stoicam quam profitebatur moderationem transgressus, & doctis & sacris viris bellum indixisset, librosque omnes succo lolliginis inspersisset, satis tamen constare, & lacepsitum sæpe fuisse, & contemptu, cuius generosa mens impatiens est irritatum, maledictorum licentiam pari acerbitate retudisse, aliqua etiam præferuido viri ingenio malisque atque ignauis implacabili imputanda esse, cum totius vitæ innocentia morumque integritate satis obiecta crimina refutasset. Sanè nullum maius virtutis eius, ac doctrinæ testimonium, quam aduersariorum inuidiam fuisse, quæ necquicquam fremente, doctissimi, ac sapientissimi famam orbis consensu adeptum esse. Sed tantarum laudum triste pretium magnus senex tulit, maturo ipsis, omnibus quicumque literas colunt, acerbissimo funere sublatus.

Iam;

Iamque tam cruentæ cognitionis, siue potius carnificinæ finis adesse videbatur. Cum ipse in Aulæ angulo destitutus, & proximæ mortis horrore perfusus, & tot amicorum interitu vitæ pertæsus, quid me fieret expectabam, nam vt inter doctos recenserer, ne timere quidem audebam, & qua causa me illuc Mercurius duxisset ignorabam. Cum truci aspectu, ac superbissima voce in me conuersus Inferni fisci patronus inuidiosam laudationem orditur. Hunc inquit Iudices satis vixisse prædico, non quidem tot alijs qui vestro suffragio ceciderunt accensendum, sed de re literaria non omnino male meritum. Nam per sexdecim annos in Patauino Gymnasio celebri extæ iuventutis concursu vtramque linguam non sine laude professus, Rhetoris partes aut implet, aut imponit auditoribus & Orator esse videtur. Non exigua illi commendationem peperit de re Vestiarum commentarius, in quo non pauca etiam doctis ignorata ad id argumentum illustrandum protulit. Nunc alia publici iuris facere meditatur, Electorum libros, notasque Philologicas in C. Plinij historiam, nam Prolusiones & epistolæ sub prælo sunt famam, que viri docti, aut habet, aut meretur. Hæc ille in caput meum casura sæuo mendatio comminiscitur. Cum accusator renidens, & victoriæ certus. Hunc inquit Iudices facile euincam, nec doctum esse, nec dignum qui hoc titulo vita spoliatur. Iuuenis adhuc est, magnaue minatur potius, quam perficit. Præterea valetudinarius, totque annorum morbis fractus etiam si maxime velit veræ laudis metam attingere non potest, nec solidam eruditionis famam promereri. Quandiu a publico docendi munere cessare aduersa valetudine cogitur, librisque tamquam à re noxia & perniciosa abstinere? An pro vno aut altero libello doctum censebitis, nominisq; huius honorem largiemini? Vita illi opus est, quæ poena non sit, vt incepta perficiat, ne cum ipso nomen quoque intercidat. In hoc saltem super sit, vt literatorum funere præfixæ officio fungatur, & alios laudare, se ipsum non possit. Annue-

re Inferni quæsitores, albumque calculum adiecerunt. Sic insperato, inscitæ atque ignaviæ opinione mortem euasi, satiusque esse existimaui, cum mei similibus ævum producere, quam cum doctis Acherusia templa frequentare. Ita præ lætitia discusso sopore vitæ, moxque huic vrbi redditus, ingruente iterum fortunæ sæuientis scelere, odisse fatorum beneficium cæpi, meque sæua miseratione non morti ereptum, sed longis cruciatibus reservatum credidi.

INVICTA VENETORVM VIRTVS.

Prolusio XIV.

Avspiciatissima rerum gerendarum primordia esse, quæ à Dijs immortalibus caperentur, proxima quæ à principibus, qui Deorum vicem terrarum imperio moderantur sapientum consensu comprobatum est. Ita post legitima vota, solemnesque preces Deorum, vt studiorum instauratione rem literariam fortunent, atque augeant, professoribus bonam mentem inspirent, ac nobilissimam pubem ex orbe toto huc ad ingenii cultum properantem Diuino instinctu ad magna quæque ac Reipublicæ salutaria impellant, ipsorum studiorum auspicia ab eius vrbis, Imperiique laudibus rite ducenda videntur, cuius incolumitate Christiana res, Italiæ libertas, ipsa demum literarum salus continetur. Et ingrati profectò essemus, atque omnis humani sensus expertes, si diuinam Venetæ Reip. in tot aduersis constantiam, ac fortitudinem, animum cuiunque fortunæ parem, quodque posteritas omnis admirabitur, nisi quæ non credet, furiali hoc bello, quod tot annis aduersus hostem immanissimum, cuique maior orbis terrarum pars seruit, omni humano auxilio destituta gerit, non victam, non fractam, sed redditis toties claudibus, fugata non semel hostili classe, captis munitissimis arcibus, ipsis Hellepontis faucibus obsessis, victrici
simi;

similem, certè ex aduersis rebus semper admirabiliorem silentio transmitteremus. Ingens sane piaculum, magnus literarum rubor, oratoriae facultatis flagitium, si in tanta rerum gestarum copia, ac splendore obmutesceret: intempestivum, atque absurdum studiorum exordium, si ab aridis disputationibus ducatur, vagisque, ac lentis fabulis studiosae iuventutis aures obstruantur. Desinere artem satius est, ac benedicendi officinam claudere, linguam dentium septo cohibere, nisi rectè loquendi facultas omnis, omnes eloquentiae nerui, totaque facundiae vis intendatur, ut ab eius Reip. laudibus studiorum auspicia ponamus, quae ut quondam literas, ac disciplinas Italiae restituit, ita nunc tristissimo, ac difficillimo bello implicita, non eas modo respicit, sed inter praecipuas concussi imperij curas earumdem incolumitatem ponit.

Magna libertatis parens, ac tutela, Virgo tot grauida imperiis, tot fecunda triumphis, tot ingentium animarum procreatrix, tot heroum alitrix, immensis superbissimi Regis viribus appetita, non indicto ante bello, sed violatis per lumum nefas foederibus, repentina inuasionem penè obruta, inter tot fortunae minas destituta, literas nostras sereno lumine respicere potes, & strepente circumquaque funesto bello novas scientijs ac disciplinis leges scribis, nouo authoramento professores prolis, ac veluti alto otio musarum sacra disponis: literae nostrae ipso studiorum limine aliud argumentum, aut meditabuntur, aut ambitiosè conquirent, quam quo ingentia tua decora, incredibilis virtus, ac constantia, incomparabilis fortitudo grata commemoratione posteris repraesententur? Et quamuis tantarum rerum fulgore praestricum oculis animi caligent, ac trepident, quamuis facinorum magnitudine, atque exemplorum vbertate ingenia, & calami non fatigentur modo, sed fatiscant, omnisque eloquentia arida sit, ac ieiuna, audendum tamen est, ipsaque Veneta mansuetudine vires suppeditante, inde incipiendum

est, in quo desinere artes omnes, sed præcipue oratoriam beneficiorum commemoratione conuenit, atque ibi studiorum primordia faustissima ponenda sunt, vbi sacrosancta libertas, quique inde pendet literarum cultus nunquam est exitum habiturus.

Neque tamen hic antiqua gentis decora, non tam claris scriptoribus memorata, quam constanti seculorum præconio decantata repetere animus est. Urbis ipsius ex imo Oceano in cælumeductæ miracula, non Phœbea, aut Neptuni, sed Diuina manu mœnitæ, iactisque in profundum molibus in instabili elemento firmatæ, scandentes ex æquore arces, tectæ cælo minantia, mœnia, ac propugnacula fluitantia, quolibet aggere solidiora, & siue ea Dij posuerunt veneranda, siue homines omnem admirationem supergressa. Sedem scilicet ac sacrarium libertatis vnicum, quæ Romano culmine deuoluta, terrisque omnibus expulsa, sanctius Capitolium insedit, ac per duodecim, eoque amplius secula, non intacta modo, atque illibata aduersus orbis seruiantis insidias stetit, sed magnitudine exempli fortissimas, ac ferocissimas gentes seruitium exuere docuit. Libertatis ipsius columem, ac tutelam sapientissimum concilium, Italicæ salutis, ac Christianæ religionis excubias, ciuilis prudentiæ oraculum, literarum, ac sapientiæ delubrum. Libertatis magisterio formatos mores, emendaturos humanum genus, si quando seruitio infectas mentes fortunæ suæ poeniteat, parendi atque imperandi vices, regni, ac seruitutis nescias, animas nulli nisi Deo, ac patriæ addictas, & pulcherrimam imperij formam, legibus obtemperare.

Hæc omnia non tam Annalibus quam mortalium animis ad æternitatem impressa verbis inuertere nihil attinet, nec progressus origini pares percensere: mare toties non tam classibus quam victorijs peragratum: toties Piratas aut caesos, aut catenis suis redditos: populos immanitate barbaros non semel deuictos, Hunnos, Saracenos, Turcas Christiani

no-

nominis hostes sempiternos. Bellum sacrum afferēdo Christi Domini natali solo ducentarum nauium classe peractum: tot vrbes atque Insulas barbaro dominatu exemptas. Pontificiam Maiestatem Vrbe sacrisque extorrem aduersus impios conatus defensam, ac fastigio suo redditam. Bizantium Orientis Regiam fausto omine non semel captam. Et vt propiora tangamus, Aſiolicum Tyrannorum immanissimum, monstrum perfidiā atque immanitate conflatum, vrbis huius nobilissimæ pestem, ac perniciem, inaudita humani sanguinis rabie Italiam ferro, ac flammis miscentem, tot fœde interemptorum ciuium inferijs mactatum: minores tyrannos carptim Italiam lacerantes, vrbibus quibus incubabant, detractos. Toties aduersus Lygures, & Pisanos de maris, aduersus Insubres de continentis imperio certatum. Gallorū exercitum florentissimum, ipsius Regis maximi ductu, capta Neapoli Italiæ seruitium minitantes, excedere finibus, atq; Italiam liberare coactum. Quodque vix fidem inuenit, Gal-
lis, Hispanis, Germania totâ, magna Italiæ parte aduersus tantum decus conspirantibus, ipso sacrorum Rege belli in-
centore, ex Cœli armamentario fulmina expediente, tan-
tos coniurati orbis conatus Turcico imperio euertēdo pa-
res, non intrepide modo exceptos, sed hac eadem in vrbe
generosissimè propulsatos, & quod laudum omnium com-
plementum est, ipsum Christiani nominis hostem, humani
generis metum, ac pœnam, toties victum, toties repressum,
toties Europæ ceruicibus depulsum; postrema ad Echinadas
victoria, si tata Numenque noxis nostris iratum permisisset,
penitus profligatum.

Hæc neque dicere, neque ingenij culpa deterere placet. Illud vnum iure profiteri possumus, hoc maximo, ac tunc tiffi-
mo bello, quod per sexennium trahitur, Venetam Remp.
nunquam maiora virtutis, ac constantiæ experimenta dedis-
se, rei que gestas auorum, seque ipsam quodammodo supe-
rassē. Longa hæc clē & ambitiosa, licet non intempestiua com-

paratio esset, si cum magnitudine Romana rem Venetani componere consilium foret. Non quidem nascentis imperij cunabula memorando, & lucaram cum finitimis de producendo vrbis pomerio populi Romani infantiam, sed adultam potentiam, bellaque Pyrrhi & Hanibalis, Persemque, & Antiochum, orbemque sub legibus missum. Neque tamen ita mirum esse debet Imperium, ut tunc scriptores loquebantur secundum Deos maximum, sociorum Latini nominis, totque exterarum gentium auxilijs fultum aduersus singulas gentes, ac populos carptim, & per partes dimicantem præualluisse, visumque esse orbem totum subegisse: & deuictio Pyrrho, Pœnum Italiæ, ac fere Capitolio hærentem post quatuordecim annos, cum victis similes essent, qui vicissent profligatum: tum versa in Macedonem arma: post Antiochum magis suo luxu quam Romana vi superatum, siue fatis, siue profunda imperij cupidine alia ex alijs bella serentibus. Quamquam orbem totum, qua mare, qua terræ, qua sydus currit vtrumque, Romanis aquilis peragratum, Poetarum ludum fucumque scriptorum fuisse, declarant Germania tentata magis quam victa, nec vnquam satis docti ferre iugum Hispani, Parthorumque Imperium Romanæ magnitudini tam viribus par, quam cladibus funestum. Satis tamen illud constat nunquam euenisse, ut vno eodemque tempore, gentes omnes, ac populos infesta signa inferentes exitumque fedibus suis orbem exceperit, domueritque. Nam ut Fidenas, ac Veios, Etruscos, & Samnium omittam, excursiones, verius, quam prælia, aut bella, per fidem vestram quota pars Orbis Pyrrhum, aut Annibalem secuta est? Obscurus Macedoniae angulus, atque assueta latrocinij Numidarum manus penè suprema Romano Nomini fuit. Nam Germaniam Europæ partem toties triumphatam, nunquam victam dicebamus: Hispaniam suis viribus attritam plus cladis intulisse quam acceperat non ignoramus.

Veneta Resp. Italiæ terræ sicut summum decus, ita por-

gio haud magna, pro Iouis patria olim centum Urbibus incli-
ta, sextum iam annum aduersus Asiæ, atque Africæ, magnæ-
que patris Europæ regnatorem bellum gerit: Et quamuis
perfidia plusquam Turcica improuiso incurfu oppressa, &
post longam obsidionem a LX. hominum millibus expugna-
ta Cydonia, excelsa inuictoque animo omni infortunio maior
non hostilem modo imperum retudit, sed ornatissima classe
instructa, ruptorem foederum ultro sacessere institit, totoque
Aegæo arma circumferens, aut direptis, aut tributo multa-
tis insulis, ipsa Ottomannici Imperij vitalia tentare aggres-
sa, Hellesponti exitu hostilem classem intercludere, ipsique
Bizantiõ minitari aula terroris confessionem memorando
exemplo à barbaris extorsit.

Veneta inquam res viribus modica, animo ingens, non su-
stinet modo tot annis sed ultro oppugnat, atque obsidet
hostem, quod olim Xerxes, Neptunõ compedes, Cœlo te-
nebras minitantes: hostem inquam illum, qui plures pro-
uincias, ac Regna, quam Venetus oppida numerat: in cuius
ditione Sol oritur, & cadit: qui tot Imperia concussit, euer-
tit, ac velut vno spiritu diffrauit: cuius vno & altero exercitu
deleto noua militum, ac pene dixerim noua legionum exa-
mina succrescunt, terrasque populatura, siccatura fluuios
constratura Oceanum, pedis pulsu velut ab Inferis erumpūt:
cuius ærarium Orbis spolijs, ac rapinis quotidie suppletur:
militaris disciplina Orbis Imperio par, certe, non sine rubo-
re laudare hostem cogimur, mille Christianorum cladibus
dirisque exemplis sancita est, cui scilicet militant viles ac de-
uotæ letho animæ, quia nihil ultra mortem reformidant: tam
proiecta seruiendi patientia, vt se beatos putent quibus cõ-
cessum est Imperatorij equi pedibus sese proculcandos at-
que obterendos præbere, tanta pereundi dulcedo, vt se-
sponte iugulandos offerant, quo cadauerum iniectu traie-
cturo flumina Regi pontem sternant, eodem genere materig:
sæpe aggeres extollant, sæpe hostiles fossas repleant, nul-

quam libertatis vestigium aut umbra, vni addicta mancipia, idemque pro domino mortis contemptus, quem reliquæ gentes, imo & feræ animantes libertati impendunt. Cum eo hoste ex æquo Resp. dimicat, vinctique posse non semel ostendit, cuius barbaro dominatu pressa, omnis barbariæ olim victrix Græcia, Europæ oculus alter, libertatis quondam ac sapientiæ asylum, nunc rerum humanarum spectaculum, ac ludibrium est. Cum eo denique hoste Venetus contendit, cui domitus Oriens fasces submisit: Romanæ Aquilæ torques procubuerunt: immenso terrarum tractu Germania non semel attonsa, magnisque Urbibus mulctata, pacem, vel non æquas inducias petere, aut mercari coacta est: Cuius classibus constratus Oceanus decolor Christianorum sanguine fluxit: cuius ergastula, ac latomias tot captiuorum nobilissimorum millia repleuerunt, atque inde deprompta, catenis onerata, illuvie obsita, fame, sitiq; & algu enecta, partim addicta triremibus, partim vertendo telluris dorso pro iumentis adhibita, seruili flagro ad necem cæsa, atque ad explendos crudeles oculos inauditis cruciatibus confecta, maiorum omnium extremum esse vitam sub tali domino senserunt: cuius furore non externa modo regna, Oceanoque, ac montium iugis discretæ gentes, sed parentum memoria, nobilissima Italiæ pars ferro, ac flammis vastata est: stupris, ac cædibus altaria Deum commaculata.

Quæ quidem reputantibus non horror modo totum corpus concutit, sed tacita indignatio animum percellit, mox & in questus erumpit. Cum hac furia commissam Remp. nullo, aut quam exiguo Christianorum Principum auxilio fultam, publico hosti exponi, ac prodi, tanquam non communis causa ageretur, neque cum Veneta Christiana res pericliteretur. Proh Deum atque hominum fidem siccinè fatali incuria, atque intestinis discordijs publicum bonum everti, in tanto sociorum discrimine omnes desiderare, fatale incendium, proxima quæque correpturum negligi, vicini fatum otiosè
spe-

Ipectari, quasi non eadem fors omnes maneat quæ quondā
 Vlissem Cyclopiis antro deprehensum, ut postremus omniū
 voraretur. Non enim novus repente hostis exortus est; Nam
 ex quo Christianam rem excindere animo destinauit iras, ac
 furorem in Venetos vertit, quorum incolumitate canitere-
 tur. Per ducentos annos variâ fortunâ cum eo pugnavimus,
 sed tunc ad commune incendium extinguendum concurre-
 batur ab omnibus. Vbi hostilis merus increpuerat ad classi-
 cum sacrum Christiani Principes accingebantur, dataque
 religionis tessera ad hoc propugnaculum tuendum conuola-
 batur. Non enim ignorabant si (quod Deus omen auertat)
 illud prorutum esset, si hæc Arx Christiani nominis concidis-
 set, illico actum de Italia, actum de Vrbe, actum de Aris, &
 focis, perniciem ac pestem Latio, totique Europæ impen-
 dere. Ita prudenter ac pie sacrorum parens ac moderator
 sanctius ærarium in hæc discrimina seruatum, tanquam si ho-
 stis in Ianiculo esset, aut Adriani arcem opugnaret profun-
 dere, pecunia, milite, sacrorum procuratione, in dictis ad
 Deorum pulvinaria supplicationibus, & reliquis cælestis iræ
 placamentis communem causam iuvare. Cæsar huic pesti
 conterminus pugnacissimæ genti exercitum augere. Duo
 maximi Reges inter se contendere, vter maiori subsidio la-
 borantibus socijs adesset, præcipuè Iberus totis regni viri-
 bus in Venetorum discrimine Christianam rem tueri. Certè
 victoriæ ad Echynadas, quæ Ottomanicæ res obtrita, & si per
 delicta nostra licuisset excisæ fuissent, penes Hispanum, ac
 Venetum Dij gloriam esse voluerunt.

Nunc nescio quo fato, ira que Numinum in res nostras, aut
 desident, torpentque Christianorum animi manusque, aut
 in se rabiem ac furorem verterunt, dumque mutuis cladibus
 Europa atteritur, suisque se ipsa viribus conficit, res inte-
 rim Barbaro peragitur: & quidam ærarij inopiam, eo rerum
 articulo causantur, quo spoliare Deos, sacramque supple-
 tilem distrahere, dicatas templis manubias, altarium orna-
 menta

quam libertatis vestigium aut umbra, vni addicta mancipia, idemque pro domino mortis contemptus, quem reliquæ gentes, imo & feræ animantes libertati impendunt. Cum eo hoste ex æquo Resp. dimicat, vinctique posse non semel ostendit, cuius barbaro dominatu pressa, omnis barbariæ olim victrix Græcia, Europæ oculus alter, libertatis quondam ac sapientiæ asylum, nunc rerum humanarum spectaculum, ac ludibrium est. Cum eo denique hoste Venetus contendit, cui domitus Oriens fasces submitit: Romanæ Aquilæ toties procubuerit: immenso terrarum tractu Germania non semel attonsa, magnisque Urbibus mulctata, pacem, vel non æquas inducias petere, aut mercari coacta est: Cuius classibus constratus Oceanus decolor Christianorum sanguine fluxit: cuius ergastula, ac latomias tot captiuorum nobilissimorum millia repleuerunt, atque inde deprompta, catenis onerata, illuvie obsita, fame, sitiq; & algue enecta, partim addicta triremibus, partim vertendo telluris dorso pro iumentis adhibita, seruili flagro ad necem cæsa, atque ad explendos crudeles oculos inauditis cruciatibus confecta, maiorum omnium extremum esse vitam sub tali domino senserunt: cuius furore non externa modo regna, Oceanoque, ac montium iugis discretæ gentes, sed parentum memoria, nobilissima Italiæ pars ferro, ac flammis vastata est: stupris, ac cædibus altaria Deum commaculata.

Quæ quidem reputantibus non horror modo totum corpus concutit, sed tacita indignatio animum percellit, mox & in questus erumpit. Cum hac furia commissam Remp. nullo, aut quam exiguo Christianorum Principum auxilio fulcratam, publico hosti exponi, ac prodi, tanquam non communis causa ageretur, neque cum Veneta Christiana res pericliteretur. Proh Deum atque hominum fidem siccinè fatali incuria, atque intestinis discordijs publicum bonum euerri, in tanto sociorum discrimine omnes desiderere, fatale incendium proxima quæque correpturum negligi, vicini fatum otiose spe-

*Spektari, quasi non eadem fors omnes maneat quæ quondā
Vlissēm Cyclopis antro deprehensum, vt postremus omniū
voraretur. Non enim novus repente hostis exortus est; Nam
ex quo Christianam rem excindere animo destinavit iras, ac
furorem in Venetos vertit, quorum incolumitate ea nitere-
tur. Per ducentos annos variā fortunā cum eo pugnavimus,
sed tunc ad commune incendium extinguendum concurre-
batur ab omnibus. Vbi hostilis metus increpuerat ad classi-
cum sacrum Christiani Principes accingebantur, dataque
religionis tessera ad hoc propugnaculum tuendum conuola-
batur. Non enim ignorabant si (quod Deus omen auertat)
illud prorutum esset, si hæc Arx Christiani nominis concidis-
set, illico actum de Italia, actum de Vrbe, actum de Aris, &
focis, perniciem ac pestem Latio, totique Europæ impen-
dere. Ita prudenter ac pie sacrorum parens ac moderator
sanctius ærarium in hæc discrimina seruatum, tanquam si ho-
stis in Ianiculo esset, aut Adriani arcem opugnaret profun-
dere, pecunia, milite, sacrorum procuratione, in dictis ad
Deorum pulvinaria supplicationibus, & reliquis cælestis iræ
placamentis communem causam iuvare. Cæsar huic pesti
conterminus pugnacissima gente exercitum augere. Duo
maximi Reges inter se contendere, vter maiori subsidio la-
borantibus socijs adesset, præcipuè Iberus totis regni viri-
bus in Venetorum discrimine Christianam rem tueri. Certè
victoriæ ad Echynadas, qua Ottomanicæ res obtrita, & si per
delicta nostra licuisset excisæ fuissent, penes Hispanum, ac
Venetum Dij gloriam esse voluerunt.*

*Nunc nescio quo fato, ira que Nūminum in res nostras, aut
desident, torpentque Christianorum animi manusque, aut
in se rabiem ac furorem verterunt, dumque mutuis cladibus
Europa atteritur, suisque se ipsa viribus conficit, res inte-
rim Barbaro peragitur: & quidam ærarij inopiam, eo rerum
articulo causantur, quo spoliare Deos, sacramque supelle-
tiliem distrahere, dicatas templis manubias, altarium orna-
menta*

quam libertatis vestigium aut umbra, vni addicta mancipia, idemque pro domino mortis contemptus, quem reliquæ gentes, imo & feræ animantes libertati impendunt. Cum eo hoste ex æquo Resp. dimicat, vincique posse non semel ostendit, cuius barbaro dominatu pressa, omnis barbariæ olim victrix Græcia, Europæ oculus alter, libertatis quondam ac sapientiæ asyllum, nunc rerum humanarum spectaculum, ac ludibrium est. Cum eo denique hoste Venetus contendit, cui domitus Oriens fasces submitit: Romanæ Aquilæ toties procubuere: immenso terrarum tractu Germania non semel attonsa, magnisque Urbibus mulctata, pacem, vel non æquas inducias petere, aut mercari coacta est: Cuius classibus contratus Oceanus decolor Christianorum sanguine fluxit: cuius ergastula, ac latomias tot captiuorum nobilissimorum millia repleuerunt, atque inde de prompta, catenis onerata, illuvie obsita, fame, sitiq; & algu enecta, partim addicta triremibus, partim vertendo telluris dorso pro iumentis adhibita, seruili flagro ad necem cæsa, atque ad explendos crudeles oculos inauditis cruciatibus confecta, malorum omnium extremum esse vitam sub tali domino senserunt: cuius furore non externa modo regna, Oceanoque, ac montium iugis discretæ gentes, sed parentum memoria, nobilissima Italiæ pars ferro, ac flammis vastata est: stupris, ac cædibus altaria Deum commaculata.

Quæ quidem reputantibus non horror modo totum corpus concutit, sed tacita indignatio animum percellit, mox & in questus erumpit. Cum hac furia commissam Remp. nullo, aut quam exiguo Christianorum Principum auxilio fultam, publico hosti exponi, ac prodi, tanquam non communis causa ageretur, neque cum Veneta Christiana res pericliteretur. Proh Deum atque hominum fidem siccinè fatali incuria, atque intestinis discordijs publicum bonum euerti, in tanto sociorum discrimine omnes desidere, fatale incendium, proxima quæque correpturum negligi, vicini fatum otiosè
spe-

Ipe stari, quasi non eadem fors omnes maneat quæ quondā
 Vlissēm Cyclopiis antro deprehensum, vt postremus omniū
 voraretur. Non enim novus repente hostis exortus est; Nam
 ex quo Christianam rem excindere animo destinavit iras, ac
 furorem in Venetos vertit, quorum incolumitate ea nitere-
 tur. Per ducentos annos variā fortunā cum eo pugnavimus,
 sed tunc ad commune incendium extinguendum concurre-
 batur ab omnibus. Vbi hostilis metus increpuerat ad classi-
 cum sacrum Christiani Principes accingebantur, dataque
 religionis tessera ad hoc propugnaculum tuendum conuola-
 batur. Non enim ignorabant si (quod Deus omen auertat)
 illud prorūtum esset, si hæc Arx Christiani nominis concidis-
 set, illico actum de Italia, actum de Vrbe, actum de Aris, &
 focis, perniciem ac pestem Latio, totique Europæ impen-
 dere. Ita prudenter ac pie sacrorum parens ac moderator
 sanctius ærarium in hæc discrimina seruatum, tanquam si ho-
 stis in Ianiculo esset, aut Adriani arcem opugnaret profun-
 dere, pecunia, milite, sacrorum procuratione, in dictis ad
 Deorum pulvinaria supplicationibus, & reliquis cælestis iræ
 placamentis communem causam iuvare. Cæsar huic pesti
 conterminus pugnacissima gente exercitum augere. Duo
 maximi Reges inter se contendere, vter maiori subsidio la-
 borantibus socijs adesset, præcipuè Iberus totis regni viri-
 bus in Venetorum discrimine Christianam rem tueri. Certè
 victoriæ ad Echynadas, qua Ottomanicæ res obtrita, & si per
 delicta nostra licuisset excisæ fuissent, penes Hispanum, ac
 Venerum Dñi gloriam esse voluerunt.

Nunc nescio quo fato, ira que Nūminum in res nostras, aut
 desident, torpentque Christianorum animi manusque, aut
 in serabiem ac furorem verterunt, dumque mutuis cladibus
 Europa atteritur, suisque se ipsa viribus conficit, res inte-
 rim Barbaro peragitur: & quidam ærarii inopiam, eo rerum
 articulo causantur, quo spoliare Deos, sacramque suppel-
 lexilem distrahere, dicatas templis manubias, altarium orna-
 menta

quam libertatis vestigium aut umbra, vni addicta mancipia, idemque pro domino mortis contemptus, quem reliquæ gentes, imo & feræ animantes libertati impendunt. Cum eo hoste ex æquo Resp. dimicat, vincique posse non semel ostendit, cuius barbaro dominatu pressa, omnis barbariæ olim victrix Græcia, Europæ oculus alter, libertatis quondam ac sapientiæ asylum, nunc rerum humanarum spectaculum, ac ludibrium est. Cum eo denique hoste Venetus contendit, cui domitus Oriens fasces submitit: Romanæ Aquilæ toties procubere: immenso terrarum tractu Germania non semel attonsa, magnisque Urbibus mulctata, pacem, vel non æquas inducias petere, aut mercari coacta est: Cuius classibus constratus Oceanus decolor Christianorum sanguine fluxit: cuius ergastula, ac latomias tot captiuorum nobilissimorum millia repleuerunt, atque inde deprompta, catenis onerata, illuvie obsita, fame, sitiq; & algu enecta, partim addicta triremibus, partim vertendo telluris dorso pro iumentis adhibita, seruili flagro ad necem cæsa, atque ad explendos crudeles oculos inauditis cruciatibus confecta, malorum omnium extremum esse vitam sub tali domino senserunt: cuius furore non externa modo regna, Oceanoque, ac montium iugis discretæ gentes, sed parentum memoria, nobilissima Italiæ pars ferro, ac flammis vastata est: stupris, ac cædibus altaria Deum commaculata.

Quæ quidem reputantibus non horror modo totum corpus concutit, sed tacita indignatio animum percellit, mox & in questus erumpit. Cum hac furia commissam Remp. nullo, aut quam exiguo Christianorum Principum auxilio fultam, publico hosti exponi, ac prodi, tanquam non communis causa ageretur, neque cum Veneta Christiana res periclitaretur. Proh Deum atque hominum fidem siccinè fatali incuria, atque intestinis discordijs publicum bonum euerti, in tanto sociorum discrimine omnes desidere, fatale incendium proxima quæque correpturum negligi, vicini fatum otiosè
spe-

Ipe stari, quasi non eadem fors omnes maneat quæ quondā
 Vlissem Cyclopiis antro deprehensum, vt postremus omniū
 voraretur. Non enim novus repente hostis exortus est; Nam
 ex quo Christianam rem excindere animo destinavit iras, ac
 furorem in Venetos vertit, quorum incolumitate ea nitere-
 tur. Per ducentos annos variā fortunā cum eo pugnavimus,
 sed tunc ad commune incendium extinguendum concurre-
 batur ab omnibus. Vbi hostilis metus increpuerat ad classi-
 cum sacrum Christiani Principes accingebantur, dataque
 religionis tessera ad hoc propugnaculum tuendum conuola-
 batur. Non enim ignorabant si (quod Deus omen auertat)
 illud prorutum esset, si hæc Arx Christiani nominis concidif-
 set, illico actum de Italia, actum de Vrbe, actum de Aris, &
 focis, perniciem ac pestem Latio, totique Europæ impen-
 dere. Ita prudenter ac pie sacrorum parens ac moderator
 sanctius ærarium in hæc discrimina seruatum, tanquam si ho-
 stis in Ianiculo esset, aut Adriani arcem opugnaret profun-
 dere, pecunia, milite, sacrorum procuratione, in dictis ad
 Deorum pulvinaria supplicationibus, & reliquis cælestis iræ
 placamentis communem causam iuvare. Cæsar huic pesti
 conterminus pugnacissima gente exercitum augere. Duo
 maximi Reges inter se contendere, vter maiori subsidio la-
 borantibus socijs adesset, præcipuè Iberus totis regni viri-
 bus in Venetorum discrimine Christianam rem tueri. Certè
 victoriæ ad Echynadas, qua Ottomanicæ res obtrita, & si per
 delicta nostra licuisset excisæ fuissent, penes Hispanum, ac
 Venerum Dij gloriam esse voluerunt.

Nunc nescio quo fato, ira que Numinum in res nostras, aut
 desident, torpent que Christianorum animi manusque, aut
 in se rabiem ac furorem verterunt, dumque mutuis cladibus
 Europa atteritur, suisque se ipsa viribus conficit, res inte-
 rim Barbaro peragitur: & quidam ærij inopiam, eo rerum
 articulo causantur, quo spoliare Deos, sacramque suppel-
 lectilem distrahere, dicatas templis manubias, altarium orna-
 menta

paratio eſſet, ſi cum magnitudine Romana rem Venetana componere conſilium foret. Non quidem naſcentis imperij cunabula memorando, & luſtatam cum finitimis de producendo vrbis pomerio populi Romani infantiam, ſed adultam potentiam, bellaque Pyrrhi & Hanibalis, Perſemque, & Antiochum, orbemque ſub legibus miſſum. Neque tamen ita mirum eſſe debet Imperium, vt tunc ſcriptores loquebantur ſecundum Deos maximum, ſociorum Latini nominis, totque exterarum gentium auxilijs fultum aduerſus ſingulas gentes, ac populos carptim, & per partes dimicantem præua- liſſe, viſumque eſſe orbem totum ſubegiſſe: & deuictio Pyrrho, Pœnum Italiæ, ac fere Capitolio hærentem poſt quatuordecim annos, cum victis ſimiles eſſent, qui viciffent proſtigatum: tum verſa in Macedonem arma: poſt Antiochum magis ſuo luxu quam Romana vi ſuperatum, ſiue fatiſ, ſiue profunda imperij cupidine alia ex alijs bella ſerentibus. Quamquam orbem totum, qua mare, qua terræ, qua ſyduſ currit vtrumque, Romanis aquilis peragratum, Poetarum ludum fucumque ſcriptorum fuiſſe, declarant Germania tentata magis quam victa, nec vnquam ſatiſ docti ferre iugum Hiſpani, Parthorumque Imperium Romanæ magnitudini tam viribus par, quam cladibus funeſtum. Satiſ tamen illud conſtat nunquam eueniſſe, vt vno eodemque tempore, gentes omnes, ac populos infeſta ſigna inferentes exitumque ſedibus ſuis orbem exceperit, domueritque. Nam vt Fidenas, ac Veios, Etrurſeos, & Samnium omittam, excuſſiones verius, quam prælia, aut bella, per fidem veſtram quota pars Orbis Pyrrhum, aut Annibalem ſecuta eſt? Obſcurus Macedoniæ angulus, atque aſſueta latrocinij Numidarum manus penè ſuprema Romano Nomini fuit. Nam Germaniam Europæ partem toties triumphatam, nunquam victam dicebamus: Hiſpaniam ſuis viribus attritam plus cladis intuliſſe quam acceperat non ignoramus.

Veneta Reſp. Italiæ terra ſicut ſummum decus, ita por-

etio haud magna, pro Iouis patria olim centum Urbibus incli-
ta; sextum iam annum aduersus Asia, atque Africa, magnæ-
que patris Europæ regnatorem bellum gerit: Et quamuis
perfidia plusquam Turcica improuiso incurſu oppreſſa, &
poſt longam obſidionem a LX. hominum millibus expugna-
ta Cydonia, excelſo inuiſtoque animo omni infortunio maior
non hoſtilem modo imperum retudit, ſed ornatiffima claſſe
inſtructa, ruptorem foederum ultro laceſſere inſtitit, totoque
Aegæo arma circumferens, aut direptis, aut tributo multa-
tis infulis, ipſa Ottomannici Imperij vitalia tentare aggreſ-
ſa, Hellesponti exitu hoſilem claſſem intercludere, ipſique
Bizantio minitari auſa terroris confeſſionem memorando
exemplo à barbaris extorſit.

Veneta inquam res viribus modica, animo ingens, non ſu-
ſtinet modo tot annis ſed ultro oppugnat, atque obſidet
hoſtem, quod olim Xerxes, Neptuno compedes, Cœlo te-
nebras minitanti: hoſtem inquam illum, qui plures pro-
uincias, ac Regna, quam Venetus oppida numerat: in cuius
ditione Sol oritur, & cadit: qui tot Imperia concuſſit, euer-
tit, ac velut vno ſpiritu diſſtauit: cuius vno & altero exercitu
deleto noua militum, ac pene dixerim noua legionum exa-
mina ſuccreſcunt; terraſque populatura, ſiccatura fluvios
conſtratura Oceanum, pedis pulſu velut ab Inferis erumpūt:
cuius ærarium Orbis ſpolijs, ac rapinis quotidie ſuppletur:
militaris diſciplina Orbis Imperio par, cerce, non ſine rubo-
re laudare hoſtem cogimur, mille Chriſtianorum cladibus
diſiſque exemplis ſancita eſt; cui ſcilicet militant viles ac de-
uota letho animæ, quia nihil vltra mortem reformidant: tam
proieſta ſeruiendi patientia, vt ſe beatos putent quibus cō-
ceſſum eſt Imperatorij equi pedibus ſeſe proculcandos at-
que obterendos præbere, tanta pereundi dulcedo, vt ſe-
ſponte iugulandos offerant, quo cadauerum inieſtu traie-
cturo flumina Regi pontem ſternant, eodem genere materiæ:
ſæpe aggeres extollant, ſæpe hoſtiles foſſas repleant, nul-

quam libertatis vestigium aut umbrā, vni addicta mancipia, idemque pro domino mortis contemptus, quem reliquæ gentes, imo & feræ animantes libertati impendunt. Cum eo hoste ex æquo Resp. dimicat, vinci que posse non semel ostendit, cuius barbaro dominatu pressa, omnis barbariæ olim victrix Græcia, Europæ oculus alter, libertatis quondam ac sapientiæ asylum, nunc rerum humanarum spectaculum, ac ludibrium est. Cum eo denique hoste Venetus contendit, cui domitus Oriens fasces submisit: Romanæ Aquilæ torres procubuerunt: immenso terrarum tractu Germania non semel attonsa, magnisque Urbibus mulctata, pacem, vel non æquas inducias petere, aut mercari coacta est: Cuius classibus constratus Oceanus decolor Christianorum sanguine fluxit: cuius ergastula, ac latomias tot captiuorum nobilissimorum millia repleuerunt, atque inde depromptas, catenis onerata, illuvie obrita, fame, sitiq; & algue necata, partim addicta triremibus, partim vertendo telluris dorso pro iumentis adhibita, seruili flagro ad necem cæsa, atque ad explendos crudeles oculos inauditis cruciatibus confecta, malorum omnium extremum esse vitam sub tali domino senserunt: cuius furore non externa modo regna, Oceanoque, ac montium iugis discretæ gentes, sed parentum memoria, nobilissima Italiæ pars ferro, ac flammis vastata est: stupris, ac cædibus altaria Deum commaculata.

Quæ quidem reputantibus non horror modo totum corpus concutit, sed tacita indignatio animum percellit, mox & in questus erumpit. Cum hac furia commissam Remp. nullo, aut quam exiguo Christianorum Principum auxilio fultam, publico hosti exponi, ac prodi, tanquam non communis causa ageretur, neque cum Veneta Christiana res periclitaretur. Proh Deum atque hominum fidem siccinè fatali incuria, atque intestinis discordijs publicum bonum euerti, in tanto sociorum discrimine omnes desidere, fatale incendium proxima quæque correpturum negligi, vicini fatum otiosè
spe-

ſpectari, quali non eadem fors omnes maneat quæ quondā
Vliffem Cyclopiſ antro deprehenſum, vt poſtremus omniū
voraretur. Non enim novus repente hoſtis exortus eſt; Nam
ex quō Chriſtianam rem excindere animo deſtinavit iras, ac
furorem in Venetoſ vertit, quorum incolumitate ea nitere-
tur. Per ducentoſ annos variā fortunā cum eo pugnavimus,
ſed tunc ad commune incendium extingendum concurre-
batur ab omnibꝯ. Vbi hoſtiliſ metꝯ increpuerat ad classi-
cum ſacrum Chriſtiani Principes accingebantur, dataque
religionis teſſera ad hoc propugnaculum tuendum conuola-
batur. Non enim ignorabant ſi (quod Deus omen auertat)
illud prorutum eſſet, ſi hæc Arx Chriſtiani nominis concidiſ-
ſet, illico actum de Italia, actum de Vrbe, actum de Aris, &
fociſ, perniciem ac peſtem Latio, totique Europæ impen-
dere. Ita prudenter ac pie ſacrorum parens ac moderator
ſanctius ærarium in hæc discrimina ſervatum, tanquam ſi ho-
ſtiſ in Ianiculo eſſet, aut Adriani arcem opugnaret profun-
dere, pecunia, milite, ſacrorum procuratione, in dictiſ ad
Deorum pulvinaria ſupplicationibꝯ, & reliquiſ cæleſtiſ iræ
placamentiſ communem cauſam iuvare. Cæſar huic peſti
conterminuſ pugnaciſſima gente exercitum augere. Duo
maximi Reges inter ſe contendere, vter maiori ſubſidio la-
borantibuſ ſocijſ adeſſet, præcipuè Iberuſ totiſ regni viri-
buſ in Venetorum discrimine Chriſtianam rem tueri. Certè
victoriæ ad Echynadaſ, qua Ottomanicæ reſ obtritæ, & ſi per
delicta noſtra licuiſſet exciſæ fuiſſent, penes Hiſpanum, ac
Venetum Dij gloriam eſſe voluerunt.

Nunc nescio quo fato, iraque Numinum in reſ noſtraſ, aut
deſident, torpentque Chriſtianorum animi manuſque, aut
in ſe rabiem ac furorem verterunt, dumque mutuſ cladibuſ
Europa atteritur, ſuiſque ſe ipſa viribuſ conficit, reſ inte-
rim Barbaro peragitur: & quidam ærarij inopiam, eo rerum
articulo cauſantur, quo ſpoliare Deoſ, ſacraſque ſuppelle-
tiliẽ diſtrahere, dicatſ templiſ manubias, altarium orna-
menta

menta in belli vsum conuertere non egregium modo sed
 pium quoque facinus sit. Alijs priuata bella, & bellorum
 impensæ obtenui sunt, quasi maior hostis iugulo non hæ-
 reat, qui victores, ac victos facilius obteret. Absit enim, ut
 credamus non deesse, quibus tanta Reip. calamitas non in-
 grata acciderit, quodque mens horret atque abominatur
 occultis machinationibus, atque horrenda fraude hoc Ve-
 netis infortunium conflatum ab ijs, qui si nihil aliud eorum-
 dem sacrorum participes sunt, Venetaque ope, seruati non
 semel, & ab extremo rerum discrimine reuocati.

Sed quid iuvat querelis indulgere, festumque diem, ipsas
 studiorum Kalendas, quo etiam ominosis verbis temperare
 mos est, tristium commemoratione fœdare? Cum præstet
 faustis ominibus Celeste Numen venerari, cuius vnus ope
 Veneta res stetit hætenus, stabitque inuicta, vel quod idem
 Numen prohibeat funere suo reliquas quoque gentes in-
 uoluet. Sola enim diuina ope duratum ad hanc diem, vel im-
 pius fatebitur, quotiescumque reputauerit vnde suppetere
 vires potuerint sexennij laboribus, vnde expediri pecuniz,
 vnde tot classium, tot exercituum voracissimi sumptus ex-
 pleri, vnde milites ipsi conscribi, tot nouis subinde de lecti-
 bus, totque exercituum strage exhausta Europa, atque hu-
 mano genere per prælia & acies propemodum extincto. Qua-
 dringenties quadragies quinquies centena aureorum millia,
 siue ut vulgari verbo utar quinque & quadraginta milliones
 impensos constat, quam summam ægrè Reges illi confecer-
 rint, quorum Regna auriferis annibus rigantur. Neque tamè
 aucto immodice tributo, diraque subinde nouorum vediga-
 lium necessitate vexatis populis, sed ipsa nobilitate aurum
 matronale, mundum muliebre, mensarum argentum, so-
 cijs pro mitissimo Imperio pecunias certatim conferentibus.
 Tantum auri, tantum sanguinis hætenus profusum. Nec
 mirum si animus hæc voluens rerum magnitudine fatiscit, ac
 torpet attonitus, nec satis verba eluctatur. Et adhuc velut in
 ipso

In belli vestibulo hæremus: nondum acies & prælia exegimus; ex altera parte totum Orientem sedibus suis excitum, & ab Orbe extremo superfusam barbariem, stratum classibus æquor: ex ista exiguum, sed fidam fortemque manum oppositu corporum sacra Deosque tutantem. Nondum priuata facinora, mortesque ducum pro patria obitas memorauimus. Duos Legatos viros fortissimos pugnantes interemptos, Clavis Imperatorem nocturna procella obrutum, reliquos duces, ac proceres veluti vicaria morte patriæ fatum redimentes.

Prima victima Deo ac patriæ cecidit Andreas Cornelius Cretensis Regni cum summo Imperio præfectus eo tempore, quo Turcica arma Regno ipsi superfusa sunt, vir magnitudine animi fideque cum paucis comparandus. Qui ad tantam tempestatem nequaquam submisso animo, quamquam ad subitros casus longa pacis incuria non satis omnia parata essent, auxilia per tantum terrarum ac maris accersenda, infidi natione leuitate popularium animi, atque inde annonæ caritas, inde exiguus militum numerus angeret, impavidus, atque indefessus nihil intentatum reliquit ne Cydonia hostium potiretur, Catharino filio Imperatoris indolis adolescente per hostium tela marisque sæuitiam ad obsessos penetrare iussit: & postquam exigua illa manus (quis credat) quingenti ferme præliarij à lx. mortalium millibus per duos menses oppugnata, vt plura in ipsa fossa hostium vexilla quam milites in Vrbe numerarentur, satis concessit, ille Urbem vnde Regno nomen validissimis munitionibus magnisque operibus prope inexpugnabilem reddidit: tandem capta Rhitymna, cum forte incenso tormentarij pulueris cado nostri veritatem ad mortuum tuniculo ignem insugam præcipites conuersi essent, Imperator precibus ac minis fugientes sistens, atque obuerso in hostem vultu in pugnam retrahens, grandioris tubi pila traiecit, læto ac reidenti similis, atque aduersum vulnus ostentans, spiritum quem patriæ sacrauerat, Deo reddidit, ac
san-

sanguine suo iter ad Cœlum non militibus modo sed magnis
ducibus sanxit.

Nec enim multo post Thomas Maurocenns eodem lethi
genere ad superos recessit, memorando facinore, & cui for-
tasse simile ventosa antiquitas non habeat. Erat hic oneraria-
rum præfectus, ex eo nauium genere, quæ nullo remigio sed
solis velis aguntur, verum constrictæ, & tabulatis exstructæ,
& maioribus tormentis armatæ fluitantium castellorum in-
star habentur. Hic igitur omnibus Imperatorijs virtutibus,
sed præcipue morum sanctitate ad exemplum insignis, prorsus
que antiquis ducibus par, comperto visam esse classem
Turcicam septem & quadraginta nauium longarum, licet
triremium auxilio destitutus in hostem iri iubet, quem in ipso
portu opprimere destinauerat. Ita cum noctu vt falleret, an-
choræ sublatae essent, ac pugnandi ardore longe à reliqua
classe prætoria vecta esset, repente vis venti posuit, atque
appetente die in eam à ceteris destitutam tota Turcica clas-
sis impetum facit. Legatus nihil perterritus dat pugnae si-
gnum, cumque diu hostiles naues fulminantium tormento-
rum procella submotæ fuissent, post longum certamen præ-
toriam inuadunt, magna militum manus in ipsam inilit,
atrox prælium conferitur. Legatus voce, manuque milites
accendens, monent es amicos vt se prælio subduceret, toru-
aspiens testatus adesse diem votis expetitum quo se Chri-
sto ac patriæ deuoueret, hortatus eosdem, vt Venetæ virtu-
tis memores pugnarent, neque inulti caderent, erumpit inde
in hostes, minacesq; oculos circumferens, alios aspectu per-
terret, sternit alios, alios scandentes proturbat, tandem suo
atque hostili sanguine madens inter confertissimos pugnas
extinguitur. Hæc in conspectu classis agebantur, quæ sicut
triste spectaculum oculis fruebatur, ita ferre opem vento
destituta non poterat. Et iam ducenti prætoriani onerariam
inlenderant, resque non longe ab extremo aberat, nam
præterquam quod multi pugnantes ceciderant, fortissimi
ducis

ducis mors reliquorum animos infregerat, cum repente auditо tormentorum tonitru tanquam è Cælo ad fuit cum tribus rostratis maioribus Io. Baptista Grimanus, totius classis Imperator, qui hostium nauibus partim demersis, partim incendio vastatis, prætoriam recepit, Turcasque qui inscenderant, veluti in triumphum abduxit, nisi triumphum, legati mors funestasset.

Verum ad Ioannis Baptistæ Grimani nomen sicut procumbere stylum veneratione conuenit, ita & subsistere tantisper ad contemplanda rerum humanarum ludibria. Hic enim per omnes militiæ honores ab adolescentia euectus, & veluti in ipso mari educatus, si quis alius rei maritimæ peritissimus, animi altius exaggerati magnitudine, igneque ingenij vi in omnia intentus, reparata nauali disciplina primus hoc bello Turcas vinci posse docuit, non vna hostili classe partim intra portum obfessa, partim disiecta, ac toto æquore lacerata, interfecto classis præfecto, duobus alijs purpuratis in captiuitatem abductis, Aegæi insulis tributum pendere coactis, dum ipsi Bizantio imminet, atque Hellepontі exitū intercludere parat, fœda, atque horribili nocturna tempestate quassatis disiectisque nauibus, irato pelago quod toties victor calcauerat, totiesque hostili cruore infecerat, obrutus, mortem antiquis ducibus formidatam intrepide peregit, nihil interesse ratus quo quis lethi genere patriæ satisfaceret.

Si mihi destinatum foret Cretense bellum memoriæ posterorum prodere, post tristia Imperatorum fata, reliquorum ducum prospera curatius exequerer, præcipuè Leonardi Foscoli & Iacobi Ripæ memorabiles victorias Orbi Christiano salutares. Sed studiorum auspicijs semihoræ spatio proludimus, non Annales condimus. Decora ingenia olim memorabunt, Foscoli ductu atque auspicijs magnam Illyrij ac Lyburniæ partem subactam, ferocissimos populos libertatis admonitos à Turcica tyrannide ad Veneta stipendia perdu-
ctos.

ctos, non vnam Urbem situ ac munitione insuperabilem, præcipue Clissam inaccessæ rupi impositam, prætorianorum præsidio, atque omni opere munitissimam, multorum mensium obsidioni suffecturam, exigua manu eadem penè die expugnatam, tanto per conterminas gentes Veneti nominis terrore, vt purpuratorum nullus magnis exercitibus venire in conspectum ausus fuerit, & fortuna quæ alibi prospera aduersis miscuit, hîc nunquam dubitasse visa sit. In iisdem Annalibus posteritas leget ab Iacobo Ripa onerariarum Præfecto classem Turcicam septuaginta duabus nauibus longis, decem maioribus rostratis, vndecim onerarijs, denis militû millibus instructam Italiæ exitium minitantem, Helle sponte egressam intra Fochiarum portum conclusam, solis vnde- uiginti onerarijs obsessam, mox ferro ac flammis vastatam, producto vsque in mediam noctem certamine VII. millibus hostium interfectis, reliquis per vicinos montes dispersis, verante eodem incendio quod classem corruerat, ne tota pernitens deleteretur.

Recens etiam minoris Mocenici egregium facinus suam laudem habebit, qui patrui Imperatoris Legatus D. Theodori arcem prima Turcici bellirudimenta, hostilis classis receptaculum, ipso situ ac validissimo præsidio firmatam incredibili celeritate ac fortibus ausis expugnauit, & ad ipsam Cydoniam recuperandam viam aperuit.

Sed iam Oratio longius prouecta est, & nos eius Urbis laudes exequendo de lassamur, quæ de humano genere benemerendo nunquam est defatigata. Retro vela danda sunt ira tamen vt vnde incepit eodem tantarum rerum contemplatio desinat, scilicet fortia facere ac pati Venetum esse. Quod vel vnus Ioannis Superantij casus satis posteritati testabitur. Qui toto hoc calamitosissimo tempore in aula Turcica legatus, dum tantum bellum profunda simulatione conqueretur, & postquam erupit, inuictæ virtutis, nulloque infortunio fractæ egregium specimen dedit. Nam primo do-

mi

mi militari custodia septus, indignisque modis violato iure gentium vexatus, mox efferato tor cladibus Tyranno, inaudita barbarie duci in carcerem iunius, inditis collocatenis tãquam fera, ac peregrina bellua, ita tractus est, vt cum pedes equitis cursum æquare non posset per cœnum atque aspera viarum raptaretur, vir aspectu ac festinata canitie venerabilis, nunquam tamen diro carceris pœdore, mortisque crudelissimæ imagine perpetuo obuersante deformata maiestate, eadem animi vultusq; constantia, perfidiam increpans Deosque scelerum testes, mox & ultores inuocans. Quis talia fando temperet à lachrimis? Hæc siccis oculis spectare barbari, nedum peragere potuerunt? Et diutius tanto dedecori Christiani Principes indormient? Nulla indignitas ferreū soporem excutiet? Nos miseros, qui de fortunis, de capite, de libertate in horas propemodum dimicamus. Infelices has literas, quæ eodem nauigio cum libertate ac Religione impositæ fluctuant, & naufragio proximæ sunt. Quid ergo reliquum est aliud, quam vt vota faciamus, vnamque diuinam opem omni humana destituti imploremus, ac Deum Optim. Max. veneremur, vti tandem placatus populum suum sanguine sacratissimo redemptum respiciat, Venetamque Remp. Religionis ac libertatis columen in vestigio suo sistat, si non Christianum nomen, si non humanum genus penitus auersatur. Dixi.

Amplissimo ac Sapientissimo Viro

CASSIANO A PUTEO ABBATI ET EQVITI

Octavius Ferrarius Felicitatem.

Magnum vulnus genti vestra per omne ævum clarissima, magnum literis, ac disciplinis, Francisci Putei interitu inlatum est: hæc præsidium, illa decus sublatum marent. Magnus bonis viris luctus obiectus; & nisi tu superesses, propè desperatio. Flagrans
ubi.

Ubique viri desiderium, multaque extincta virtutis commendatio per eam Urbem, in qua densatis clarorum virorum funeribus, rare inferijs laudationes adhibentur. Nam cum magna anima quotidie oriantur, nullus fere sine laude denascitur, ipsaque laus ommittitur, quia publica. Ita muto funere compositus est, de quo omnis posteritas loquetur. Ipse quoque curis ager, orbitatis metu attonitus, diu vocem amissi. Postquam luctus detumuit, inanis nania munera, ac tumuli supervacuos honores ad virtutum contemplationem transfusi, & in celeberrimo Orbis loco, Orbis totius inventuti studia amulanti, studiorum auspicijs ingentis animi imaginem veluti pro Rostris proposui, quam tenere, & exprimere moribus contenderent: & condito hoc eloquentia fulmine, sacrum Puteal erexi. Illud vero inscripsi tibi Cassiane praestantissime, non modo quod gentis eius, quae tantum bonum terris edidit, princeps es, studijsque sapientiae huius avi clarissimus, sed quod solus lenire desiderium tam chari capitis potes, qui literarum tutela semper illi par, & effusa in doctos viros benignitate prope geminus fuisti. Magnum utique seculi virtutibus non ita propitijs solatium, atque ornamentum, duos ex eadem gente, eodem tempore, alterum Roma alterum Venetijs, errantes Musas Musarumque cultores à fortuna furore, atque ab inopia defendere: utrumque exterarum quoque gentium studijs, ac veneratione celebrari, quarum pars magna duarum maximarum Urbium visendarum studio Italiam peteret, Urbes ipsas inuiseret propter vos duos. Nunc si ita loqui licet, alter Italia oculus erutus est. Quae res nos omnes sollicitos habet, atque anxios, ne fortuna iterum in Virtutem peccet; quae tamen nunquam invidia nostra par futura est, quod summi honores inventa tuae destinati, serius expectatione obtigerim. Nisi perperam fortuna crimen vocatur, quae singularis animi tui in altitudinem sapientiae conditi moderatio est. Sed de te, & de tuo hoc perpetuo de studijs, ac viris doctis bene merendi studio alias ex insinuito. Interim marentem animum ad firmitudinem reuoca, & in Francisci laudatione virtutes tuas cognosce, atque in gentilis encomio fruiere fama tui. Sic tu raro tuos, te tui luceant serò. Vale.

Patavij III. Idus Nouembris MDC LI.

DE

DE LAUDIBVS FRANCISCI PVTEI APVD

Venetos Causarum Patroni. Prolusio XV.

VEreor ne absurdè, atque intempestivè facere videar, si studiorum primordio, ipsisque anni literarii Kalendis, quibus cum solemni superùm precatione favere linguis, hoc est bona verba fundere, vota que nuncupare mos est, funebrem laudationem tamquam Næniam exordiar, ac lætissima Musarum auspicia feralium attrectatione funestem. Sed cum Vir ille nobis dicendus veniat, qui Veneti Fori princeps, ac patronorum disertissimus ætate nostra habitus est, præterea laudandarum artium, atque omnis disciplinæ fautor, ac propagator generosissimus, cuius domus calamito sæ virtutis, ac profugarum literarum asylum, eruditorum Prytanæum, ac publicum Musarum hospitium celebrata est, non præter rem, tempusque ac locum facturum videor, si iuventutis floriri ex terris omnibus delibato, si optimarum artium candidatis, & reliquis literarum cultoribus optimi Oratoris, nec tam causarum, quam literarum patroni simulacrum ad imitandū proponam. Puto ego vos de quo simus hodie dicturi intelligere, tristisque imagine totam hanc scenam animo figurare, scilicet Francisci Putei, qui nuper literas, terrasque destituit, memoriæ parentaturos, quodque raro admodum usurpatur, laudaturos mortuum. Facilius enim reperietis, qui viuos, ac videntes invidiosis laudibus obruant, ac servili ingenio nihil non de se credenti ignaviæ per Musarum dedecus gratificentur, quam qui fato functorum memoriæ, ubi nullum obsequij prærium est, in longum extendat. Quamquam mortuos etiam laudari desijisse, postquam laudanda facere desierimus, non est nostrorum temporum querela, quibus sæpe qui pessime vixit laudatur maxime, contra ij, qui rectè factis memoriæ apud posteros meruerunt, nisi præ-

K postera

poſtera viuentium ambitio alieno funere inclareſcère cupiat, ſilentur illacrimabiles. Eſt tamen adhuc, vt ait ille, curæ hominibus fides & officium; nec deſunt hoc ſeculo qui deſunctorum quoque amicos agant.

Ceterum præteritis annis hoc eodem in loco literarum auſpicijs ſtudiorum amœnitates captandæ, ac veluti bella-ria delicatis mentibus conquirenda fuere, eaque eſca concinnanda quam eſſent appetituri adoleſcentuli ſtudiorum primordio naſeantes. Itaque per amœna Parnassi vireta, nemusue Elyſium ſpatiatum ſumus, perque ambages, ac tormenta fabularum, Deorumque colloquia futuris laboribus proluiſimus. Nunc alia nobis via inſiſtenda eſt, triſtis illa quidem, & deſiderio tam chari capitis anxia, ſed quæ nos ad eximiæ virtutis, ſeculi ſordes atque ignauiam ſupergreſſæ, imitationem, memoria conſiliorum & operum rectè perducatur. Quanquam neque oratio noſtra tota lugubris futura eſt, ſed læta triſtibus miſcens, iucunda ſpecie mœrentes animos excitabit, eloquentiæ illius commemoratione, cuius iucundiſſimum melos Senatum, forumque Venetum tot annos demulſit: ingentium opum eloquentia partarum, quantuſcumque capere poſſit priuata fortuna: liberalitatis quam explere vix queat regia: potentiæ ac gratiæ fructus vberri- mi, & reliqua quorum recordatio adoleſcentum animos acrius accendat, quam verborum volubilitas & ſententiarum ſtrepitus inanis.

Duos ego homines Venetijs, in maximo præſtantiſſimorum virorum prouentu vidi, omnique cultu, ac veneratione mihi propitiare contendi, ſiue occulto quodam genio, aſtrorumque conſenſu, ſiue virtutis miraculo, & ab illis amari, aut optaui, aut merui, Dominicum Molinum, & Franciſcum Puteum, naſcendi ſorte, vitæque inſtituto, ipſa etiam ætate diſpares, eloquentia, & literarum patrocinio prope geminos. Ille ſummo loco, ſummaque virtute, atque ampliffima dignitate Aeternæ Reip. procuratore, tamque va-

ſi

Si Imperij excubijs, in altissima specula pati animi ardore in libertatis custodiam, & literarum tutelam inteneus, postquam consilijs, atque operibus Orbem fatigasset, ab clarissimis omnium gentium ingenijs, vni Molino foetus suos nuncupantibus, tantum non adoratus est. Hic honestis quidem, sed priuatis natalibus, modica re familiari, à secundo ciuium ordine alia via famam ingressus, breui forensis eloquentiae principatum, immensas opes, florentissimam gratiam adeptus, magis illi similis, quam par, non tam clientibus quam literis aduocationem commodans, virtutis, ac fortunae praemijs prodesse doctis, non tantum voluit, quam potuit, & quanto dignitate inferior, tanto illum effuso fouendis ingenijs patrimonio munificentia superauit. Sed grandem Moliniani animum, atque exaggeratas altius virtutes, eorumque illud literarium Regnum, postquam ad superos recessit, iusto opere complexus sum, cui lucem haecenus altiores causae inuiderunt: hodie alterius decora paucis delibare in exemplum constitui, clare professus, eum à me in nullius inuidiam praedicari, sicut omnem assentationis suspensionem auerteret, quod fato functus laudatur ab eo, cuius libertatem sapius, quam obsequium viuens expertus est.

Francisci Putei Jacobus parens Laude Pompeia vetere, & illustri Insubrium Colonia loco nobili editus est, gente vetustissima, quae nunc per Italiam sparsa, Romae, Mediolani, apud Pedemontanos, atque alibi magnis opibus, magnaque dignitate, ac clientelis efflorescit. Attrito bellis patrimonio, quae per tot annos Insubriam miserè deuastarunt, Venetias se contulit, quodque ibi non indecorum haberetur, amplam negotiationem nummariam instituit. Illic Franciscum ex honestissima matrona suscepit, captusque indole pueri non vulgari, erudiendum literis impensius curauit. Vir enim antiqui moris, & ab omni sordido lucro abhorrens, remque fraude, ac periurijs augere insuetus, videbat non magnas sibi opes sperandas, qui nunquam men-

tiri sustinuiſſet: itaque filio nobilius artificioſum proſpexit. Vix enim ephebis egreſſum in Academiam Ticiaenſem ablegauit, Aeſculapii ſacris addiſtum, vt honeſtiore negotiatione familiæ opes compararet. Ibi ille neque à ſeculi, neque ab Academiæ more defleſcens, ætate frui, rixis, & nocturnis diſcuſſationibus virilitatem auſpicari, æſtuque iuuentutis, ſed magis exemplo abreptus, tempus ſtudiis dicatum, inter arma, atque amores diuidere. Verum vt erat ingenio ad omnia capaciffimo, tempus ludicris voluptatibus vacuum, tanta cura audiendis medicis impendit, vt breui non obſcuros progreſſus ediderit, iamque adoleſcens, ac pene puer artis eius lauream preſabat; cui ſi tota vita impendatur, longis experimentis non ſuffecturam, artis eiſdem parens pronunciauit. Cum repente mutis, atque inglorij artificioſi pertæſus, fatis ad maiora vocantibus, quodque partibus, & factione diſcrimem capitis inter furentes adiret, præterea natura profuſus, cum parentis liberalitatem, qui cum inter æquales honeſtiſſime alebat, exhauriens ſumptus toti anno deſtinatos altero menſe prodigeret, nouasque ſubinde pecunias flagitans domeſticos obtunderet, in hanc Urbem, atque Academiam reuocatur, vt ſub parentis oculis, ſi non modeſtius, at parcius viueret. Hic ille medicis vale dicens, ad Iuriſprudentiam reſpexit, magis non aduerſante patre, quam approbante, qui tot ſumptibus feſſus, atque inconſtantia offeſus, damnare ſtudia incipiebat, & ad Kalendarium, ſortesque, & nummorum foeturaſ filium reuocabat. At ille diuerſo inſtituto, propitium nihilominus Mercurium habiturus erat, aliâque viâ viſurus Puteal, & forum.

Interim nouæ Academiæ auctoratus locum magis mutauerat, quam mores, & cum nefas eſſe duceret non cum ceteris laſciuire, & laſciuia ferociam miſcere, procaxque & ferro oneratus, nocturno ſtrepitu Urbem, diurno ſcholas imple-ret, nouoque Cupidine æſtuans, etiam aleæ non nihil animi cauſa indulgeret, nihilominus acri imprimis, promptaque

natura,

natura, ac memoria supra fidem tenacissima, tantum biennio in Iuris scientia, ac politoribus literis profecit, ac si solita quinquennij curricula, nihil aliud agens emensus esset. Iam tum ille de proximo Venetum forum suspirabat, ut pro aridis disputationibus, tricisque, ac cauillis, solidam, ac virilem eloquentiam in maximis causis, in illo Imperij ac gloriæ domicilio bona fide exereret. Itaque laurea appropinquatur, in cuius experimento, vicisse omnes visus est, qui multos annos in eo studio contriuerant, quod humeris sapius, quam capite parari creditur, moxque Venetias aduolat, sumptaque veste virili, pendentibus viam fatis, in forum deducitur, non illud modo, sed Italiam, sed exterarum gentes nominis sui gloria repleturus.

Multi quidem Venetij Romanæ maiestatis imitamenta miramur, sed nullum illustrius in oculos incurrit, quam Forum tergemini Quiritium, vna sede æmulum. Non dico insanas molium substructiones, marmoraque, & aurum parietibus illitum, fornices abscondens, postibus radians, non auro decertantia nobilium artificum ingenia, non sedem humani generis, si in vnum coeat capax, sed Iudiciorum numerum, ac formam, sed tot penè Tribunalia, quot causæ, ac controuersiarum humanam vitam exercent. Ut non minus miraculum hoc exteris credatur, quam iactis in profundum molibus Vrbs pelago innatans, vndarum Regnum, Neptunus pedestes, & continentis nauita, quam mare domibus peruium, domibus ipsis extremum orbem admouens. In hoc Foro Astræa Virgo, Virginis alterius comes, & soror, tot Oraculis responsa reddit, quot iudices sedent, breuique & compendiarie via secantur hic lites, quæ alibi seruntur in longum. Ipsa inquam Astræa, nō de antri recessu sortes edit, non sub cortina murmurat, non per Pythiam profatur, sed ipsa coram deliberantibus respondet. Non Assyriorum ritu demersa tenebris maiestas, cubiculorum serie, ac longo superbæ spectaculo supplices submouet, & per lentas inter-

pretum moras spes torquet, vota discruciat: sed principale fastigium de proximo adoratur, sed Patrum ora serena con-
tueri ad satietatem, votaue coram numerare, sociare cu-
ras, miscere sermones populo quotidie licet. Ipsa Collegij
adyta sanctissima, ipsum Imperij penetrale, ipsum libertatis,
quæ nusquam & vbique est, Consistorium, vilissimo cuique
patent, nullusque inde supplex, solum scelus, ac maculosum
nefas arcetur. Ipsa Regibus vetustior nobilitas, quæ priuatis
negotijs intenta, plebeio amictu turbæ immixta, sine vlllo sti-
patore, ac ne serulo quidem Urbem pererrat, ac publicum
suum vt domos incolit: quoties Tribunal Ius redditura in-
scendit, non Prætorianorum custodia stipatur, non satellitio
horret, non clamosa lictoris virga vallatur, sed patente por-
ta, magisque pectore, salua maiestate communicatur vulgo.
Vtque facilius adeatur, non in Curia modo, vastisque basilicis,
sed in ipsis porticibus, in scalarum aditu, alloquio vacat:
nec folio sublimis, ac subducta cancellis, truci supercilio pre-
cantes despectat, sed sede paulo humo subiecta, exiguo li-
gneo septo, interdum nullo, rarò vestis insignibus, semper
virtute, ac maiestate discriminatur à populo, totosque dies,
ac bonam noctium partem consulentibus sufficit. Nec sufficit
modo, sed cum plures causæ, eæque longissimæ apud singu-
la Tribunalia peragantur, & quatuor ferme patroni super ea-
dem re audiantur, incredibile memoratu est, quanta tole-
rantia æternos clamores, irasque, & iurgia disceptantium,
remque eandem sæpe ad rauim ingredientium, præcipue æsti-
uis caloribus fluente panno inclusa, ac sudore madens, in-
terdum orationis ineptijs delassata, perduret, ac perferat.

Ipsa Iudiciorum ratio sicut libertatem, ita libertatis in-
strumentum eloquentiam sustentat, ac fouet. Postquam
enim res Romana vnus seruitio pressa est, ars quoque di-
cendi in ordinem redacta, illaque liberarum Urbium regna-
trix, ac populorum arbitra eloquentia, successu temporis
pragmaticis, ac Leguleijs cedere Regnum coacta est, diu-
que

que profuga, atque Orbis exul, fugientis libertatis comes, in hoc terrarum recessu, licet Latij iure spoliata antiquæ dignitatis fugitiuam memorim tuetur. Cum apud reliquas feregentes, quæ regnantur, iudicia non orando, causaque agendo, sed tacitis libellis, tabulisque, & discrepantium opinionum congerie, sed inexplicabili auctorum nomenclatura, sed grandi codice, ac centesima pagina peragantur: & pro oratoribus actores, pro causidicis scribæ, pro aduocatis notarij irrepserint, ac pro viuida, & generosa eloquentia, inertes chartæ, multaque barbarie inculcatæ, iudicum oculos, animumque fatigent. Magnum utique seruitutis argumentum, ne supplicum quidem vocibus aures commodari, non humanis affectibus perrumpi, mortalium necessitatibus non interesse, non miscere sermones, sed surda prece verberari, lusque, dum scripto redditur, soluere.

Heic ut omnium vita, ac sententia, ita Oratio maxime libera, præsensque est, utque populus bona fide iudicij interfit, non alius à vernaculo Oratorum sermo, non diuersa magistratum lingua, ut ipsi Romani natiuam exteræ prætulere, heic etiam optimo consilio, ne quantum Latino eloquio maiestati accederet, tantum deperiret libertati. Ita nec multis literis, nec profunda doctrina, atque ambitiosa eruditione opus semper est, cum ipsi plerumque iudices (licet inter eos plurimi sint literis omnibus, ac disciplinis usque in miraculum exculti) magna tamen pars Imperij ratione, ac regnandi artibus imbuti, literas nostras contemnant magis, quam nesciant, & consulere sapienter, quam argute disceptare malint. Scilicet optime constituta Rep. paucae leges, non multæ legum interpretationes, & res antea iudicatae. Par etiam ferme patronorum simplicitas, omnia in æquo, nec altior auditoribus orator; quanquam inter eos quoque non pauci numerentur, exquisita doctrina, & eloquentiæ gloria antiquis oratoribus nihil decessuri. Ceterum cot iudicijs, tantaque orantium turba, ut facilius quandoque

que sit. Aduocatum, quam clientem inuenire, totam iudiciorum causarumque formam, atque ordinem admirabilem difficile est cogitatione assequi, ne dicam oratione percensere. Neque id instituti nostri ratio patitur, & summi viri ante nos cuncta accuratè persequuti sunt.

In hunc ergo locum, nam inde oratio nostra defluerat, deductus est Franciscus Puteus, forensia stipendia auspiciatus. Qui iuuenis licet, & obscurus, non tamen aliorum more minoribus Tribunalibus adrependo, tenuiorum clientium patrocinio, paulatim in cognitionem venire, sed repente inclarescere, & principibus patronis adnumerari cepit. Neminem ego mortalium noui, qui plus naturæ suæ deberet, ut quod de poetis dicitur, hic orator natus sit. Tanta ingenij celeritas, dexteritasque inerat, tam profunda memoria, tanta urbanitas, ac facetiarum lepos, & reliqua fortuita quidem, sed oratori necessaria: laterum firmitas quanta totos dies declamanti sufficeret: vox tam strenua, & canora, ut à remotis quoque tribunalibus, & alienæ causæ spectatoribus audiretur simul, & in aliorum contumeliam laudaretur: tanta oris dignitas, rectæque corporis proceritas, antequam eam articulorum ægritudo distorqueret: tantus denique actionis decor, ut non multis post tirocinium annis nulla maior causa sine illo ageretur, & cum quater, ac quinque in die peroraret, semper vegetus, ac recens, & exposceretur certatim, & audiretur audissimè, & expectationem quotidie anteiret. Neque tamen, quod mirum est, ille longas noctes commentando, actisque peruolutandis eximebat, quod illi faciunt, qui naturam nouercam sortiti sunt, sed magno occupationum æstu, tempus illi supererat, quod inter amicos suauissime poneret, & interdum plus vini, quam olei consumebat.

Quare cum ingens viri gloria æmulorum oculos vreret, quo clientes abducerent, ita dictitabant, nunquam cum, aut raro litis commentaria perlegere, sed felici temeritate, lingua

qua facili, & expedita, fabulisque, ac facetijs ludicibus imponere. Miseros homines, & ipsa malignitate ieiunos, qui vix decem diebus se causæ accingerent, grandiaque minati, cum è scholâ cantilenam attulissent, vagis clamoribus, atque orationis macie, dicendi initio tanquam caballus in cliuo deficerent. Si eloquentiæ effectus auditorum approbatio est, nemo nostri facundiam æquauerit, qui à tabulis imparatus, neque nocte inter libellos exacta, plures palmâs quam dies, ne dicam horas numerabat, & extemporanea illa felicitate, abundantî doctrinâ, & incredibili varietate, ac copia, adeo se causæ peritum ostendebat, quasi in eius meditatione mentem impendisset. Percurrebat ille quidem acta, & litis commentarios, sed tanta velocitate, inania quæque, ac superuacua transmittens, vt in vertendis paginis ludere videretur, vixque manû oculi sequerentur: cum interim profunda mente, ac prodigiosa memoria causam coqueret, & ad dicendum surgens, tanquam alienato à sensibus animo, quod de Ulyssæ Homerus prodit, effusa verborum procellâ, & glomeratis sententijs, non aduersarios modo, sed Iudices rei miraculo obstupefaceret. Memini ipse cum breui itinere domo in forum cymba vectaremur, quod hospitum officio districtus minus nocte commentari potuisset, magnos libellorum fascès è sacculo depromississe, atque incredibili celeritate peruolutasse omnes, capitibusque in summarium graphide relatis, non compotem modo causæ factum, sed cunctâ suffragia tulisse. Quod sum dicturus vix fidem inueniret, nisi tot superessent, qui illud oculis vsurparunt. Interdum eueniebat, ne dicam sæpe, vt tum causam noscere inciperet, cum aduersarius ageret, eiusque orationis capita, atque argumenta notis exciperet, ac veluti post longam meditationem breui, & acuto responso, totum illum apparatus, ac noctium vigilias disturbaret.

Sed in quo paucos pares, neminem superiorem habuit, liberales ioci fuere, promptique sales, & innoxia urbanitas, qui-

quibus solis dicerem, quod de oratorum principe traditum est, illum sæpe causam obtinuisse, nisi Venetorum Iudicum sanctitas id credere prohiberet, Natura, quæ totum hoc sibi negotium vindicat, egregie factus ad hanc rem, & poetarum lectione instructus, tanto acuminum lepore, tanta dictorum dulcedine animos alliciebat, ut mirabiles ad eum audiendum quotidie concursus fierent, nec forensis modo concio, & tunicus populus dicenti circumfunderetur, sed præter externos, etiam matronæ honestissimæ, & ipse sexus publico abstinens, tenere se domi nesciret, sed Saturnalium licentia personatus adlisteret, nec tacito plausu, atque erumpente gaudio, Theatro concionem anteponeret. Quantum causæ hæc siue naturæ lætioris impetus, siue dicendi artificium prodesset, ne aduersarij quidem dissimulare potuerunt, cum non sine rubore, atque indignatione, non semel gravissima rationum momenta leui ioco, atque inexpectato acumine eludi, totque labores, ac contentiones veluti dislari viderent. Adnotatum ab ijs est, quibus ista contendere otium fuit, tanto Iudicum favore audiri solitum, ut quoties ad dicendum procederet, etiam antequam fari inciperet, seuera Iudicum ora, fronsque constricta repente in lætitiā flecteretur, & benigno risu solueretur vel inuita. Sic occulta fauoris anticipatione, ante beneuolos Iudices reddiderat, quam alloqueretur, quod quantum dicturo proficeret facile intelligit, qui non ignorat, libenter nos illis credere, quos amamus. Ita post longissimas causarum disceptationes, diemque æstiuam altercatione absumtam, languentibus cunctis, nec tam æstu, quam tædio anhelantibus, quoties noster ad dicendum ingrederetur, veluti si lenior aura æstuantibus adflasset, illico respirabant, atque absterfo more tædio, ad audiendum alacres renouabantur.

Hæc Oratori nostro, Adolēscētes optimi, immensam gloriam, magnasque opes, & si in avarum incidissent etiam inuidiosas circūdederunt. Nemo peregrinam puppim ad
hæc

hæc litora vertebat, crebro orbis ad pulsu ad locorum miracula, atque amœnitatem, qui non illico ad Puteum audiendum accederet, immo aliqui propter ipsum huc iter suscipiebant. Nec plebeij modo, atque obscuri hospites, sed Principes, sed magna purpurati Senatus capita, sed Cæsaris, Regumque Legati, inter Urbis visenda Puteum numerabant. Qui licet indissimulationem sui compositi privato cultu concioni interessent, latere tamen non poterant, ut enim ille ingenium in numerato habebat, semper aliquid ex tempore inferebat, quo se tantum honorem agnoscere fateretur.

Opes autem tantas congestit, quantas vel audus improbe oprasset: quantas tot annorum effusa benignitas, ne dicam profusio, ægre conficere potuit. Quid autem dico congestit? Spectavit tantum, non possedit, cum eadem laude qua parauerat, in Urbis splendorem, in voluptates honestas, in amicorum subsidium profunderentur. Profecto si Rex ille natus esset, sicuti Regium animum illi natura indulserat, breui Regias opes absumsisset, non quidem infano luxu, ut plerique bona sua haurientium, sed erudita liberalitate.

Aedes amplissimas Regio penè paratu instruxerat: ingens mensis argentum, auro, & purpura cuncta renidebāt, pictarum tabularum pretium auri, & purpuræ fulgorem obscurabat. Dolebant oculi ijs, qui illuc parum amico animo intrabant. Neque tamen id ostentandis per vanitatem opibus, sed hospitibus excipiendis, qui ex orbe toto in hoc munificentiae diuersorium, in hanc benignitatis officinam confluebant. Præcipue viri docti, quos antiquissimum virtutis patrimonium paupertas comitaretur, laceri, ac panno si, benigne suscepti, exquisitis dapibus, auratis conopæis, conchyliatis stragulis, vix fortunam suam agnoscebant: quotidie per urbem domestica cymba vectabantur, demum in discessu noua veste, nummisque in viaticum donati, reue-

Qui ad suos referebant, multa se quidem Venetiis prodigia vidisse, nullum Francisco Puteo maius, & publice oculos, priuatim etiam cupiditatem expleffe. Eos, quos nunquam viderat, modo literarum nomine censerentur, etiam in remotissimis partibus degentes vltro literis ad familiaritatis iura prouocabat, nec verbis modo, quorum vilis annona heic est, demerebat, sed iis ad sacerdotia, ad publice docendum valida apud Gymnafii Curatores commédatione suffragabatur, atque inuidiosis stipendiorum incrementis ditandos curabat. Et vt erat artis eius, qua præcellebat in aliis eximius admirator, Concionatorum veluti delectum habebat, in eius manu sacri suggestus erant, quemcumque ille produxerat, præter maxima emolumenta, Urbis concursu frequentabatur. Tam proiecta in hoc genus hominum benignitate, vt quosdam siue immerito, siue aliqua culpa sacrarum familiarum emanfores, tam diu sustentaret, donec, aut reconciliarentur, aut in alium cœtum ipso adnitente transcriberentur.

Ceterum non priuatos modo excipere tecto gaudebat, sed ipsis Principibus, Principumque legatis loca laucia præbebat, omnique cultu, ac liberalitate animosissime laceffebat. Recens adhuc memoria esset, nisi nouis munificentia exemplis obscuraretur viri nobilissimi ab Hispaniarum Infante ad Remp. legati, quem conuiuio, quasi cum publica liberalitate certaret, excepit, in quo post illatum mensis quidquid terra, marique vel cum periculo paratur, sola bel-laria quadringentis aureis stetisse satis constat. Nec multo post alterum qui sese Regis Abyssinorum cognatum ferebat, neque viri facies discrepabat, vbi diu sustentasset, ab opulentis amicis, ac merreatoribus magnam pecuniæ summam, in symbolam contraxit, & discessuro obrulit, quam ille hoc vno se Regio sanguine ortum restatus, generose repudiauit. Quos ad hospitium pellicere non poterat, pretiosissimis xenijs cumulabat. Vt alias nationes omittam, In-

subriæ

Subriæ proceres appello, qui quotannis ad desponsati maris solemnia, magna frequentia confluunt, an aliquis vnquam eorum indonatus abierit? Cum non pauci, aut morbo, aliove casu deprehensi, aut patria extorres, heic veluti apud suos molliissime procurarentur. Nec profusus modo muneribus, sed ingeniosus quoque erat. Vasa murrhina, & crystallina, vestes auro picturatas, sacchari scitamenta in mille figuras effigiata, semper nobile aliquod, atque eruditum argumentum habebant, semper muneri verbis pretium addebatur.

Quanto ipse largiendo promptior, tanto durior cum amicos in iudicio tueretur aduersus munera habebatur. Vir Gallicæ nobilitatis princeps, in Veneto exercitu externi equitatus ductor, eius patrocinio in causa grauissima feliciter vsus, nunquam impetrare potuit, vt aliquid ab se eo nomine acciperet. Mittit duas pateras argenteas magni ponderis, iubetque ipsi ita dici, munus illud ab Domina venire, non esse viri nobilis illustrium matronarum dona repudiare. Accipit ille, moxque duos breuioris formæ rotatos sclopos, mirabili artificio Brixie confectos deferri iubet, munerique adscribit: Patronorum avaritiæ argentum, militari virtuti ferrum deberi. Alter olim sacrorum in hac Urbe Antistes, vir & ipse notæ liberalitatis, qua pene patriam rem confregit, eius aduocatione in pluribus causis defensus, in magno rubore erat, quod amicum clausum, atque obseptum aduersus suam generositatem videbat. Hoc consilium expugnandæ eius constantiæ iniit. Christi seruatoris de cruce pendentis argenteam imaginem, non tam magnitudine, quam opere vermiculato, sigillisque anaglyphis visendam, cupressina theca inclusam mittit, adjicitque credere se, virum expertæ pietatis, Seruatoris effigiem, salutis instrumentum vltro suscepturum: Suscepit ille eo animo, quo se nunquam beneficijs a quoquam superari passus est. Nec multo post lineam vestem sacrificantium ex tenuissima carbasso acu pictam, institisque, ac simbrijs Belgicis artificiose
ela-

elaboratam ferendam curat, his mandatis: eam vxoris manibus confectam, munus ne recusaret, sed respiceret à qua, & in quam rem mitteretur. Citius ego narrando ista, quam ille largiendo defatigarer. Magnus Reipub. Cancellarius & ipse non vnum nomen apud eum dispungere sæpe frustra tentauerat. Cum domo abesset, mittit grandia dona, quæ ibi relinquerentur. Venit domum, ipsumque munus, erat pollubrum argenteum cum catino, intra cistam pistacijs obruit, cistamque remittit, adiecta cistæ schedula, in qua erat scriptum: Osculum vi illatum, si despueretur, nemini probro esse debere.

Transire heic cogor, ne luxui patrocinari videar, cœnas eius non tantum Venetijs decantatas; præcipue epulum solemne anniuersarium, quo dierum saturnalium liberrimo (Iouialem, & Adipalem gulæ proceres vocant) principes fori patronos, & cum his forensium operarum turbam excipiebat, vt quorum aures oratione, palatum quoque lautissimis epulis deleniret. Nec tamen deerant, vt ferme inter æquales obtrectatio viget, qui totum illum apparatus obliquè spectarent, & occulto liuore conuiuij magistrum adspicerent; arriderent simul, famamque, & epulas arroderent, quæque alia sunt rogatorum etiam extra forum latrocinia. Certe non semel deferente conuiua sumptuarijs legibus interrogatus est. In hoc censuram fortasse meritis, quod non contentus sola ferinâ, atque exotica alite, quali cicurum missus plebeium saperent, lances distendere, & peregrina odoramenta epulis infundere, solis ostreis, ac tuberibus epulas interpolantibus, quæ nunc vulgares delitiæ habentur; Cum die, qua esus carniū Ecclesiæ legibus interdictus est conuiuium parasset, neque summates viros adhibuisset, quasi opibus, ac naturæ ipsi illuderet, in medio mari, inter squamosum pecus, solo fluuiatili pulce pretiosissimo per citatos equos, ac celerem lembum aduecto mensas onerauit, cum interim nullum vinum maris expers poneretur,

tur, Creticoque, ac Cyprio conuiuæ inundarentur. Reliquis diebus frugalior erat, nisi quod nunquam, aut raro solus cœnitare consueuerat, tumque se diem perdidisse credebatur, cum nulli amicorum condixisset. Nullus memoria nostra plures umbras aluit. Neque tamen hinc eum aliquis nepotem, ac gurgitem arbitretur. Præter insitum natura mortales demerendi studium, hoc vno leuamento infinitum forensium rerum laborem mulcebat: & cum totos dies agendo delassaretur, domumque regressus frangeretur crebro consultore, Catonis exemplo publicas curas mero laxabat, & dulcissimis fabulis inter pocula soluebatur.

Sed nullum hominum genus æque eius liberalitatis fructus expertum est, ac cantores, citharœdi, lyristæ, symphoniaci, aulœdi, & quicunque aurium voluptati lenocinantur. In hos effusissimus consumisse munificentiam, seque ipsum superasse visus est. Natura enim huic studio addictus, non contentus in Templis, ac Theatris eos audire, artis peritissimos magnis congiariis domum conuocabat, ubi modo assa voce, modo adhibitis fidibus, atque omni Musicorum tormentorum genere, modo alternantibus choris, quale cœlestium orbium melos esse creditur, iucundissima modulatio aures, atque animos rapiebat. Ac ne solus tanto bono frueretur, populum talium audium admittebat. Ita laxissima aula vndantis plebis agmine arctata, vix aditus patebat Urbis proceribus, exterisque principibus, qui trina Theatra diuino concentu personantia, huic veluti Syrenum concordie donabant. Et quamuis horum hominum, qui vocem vendunt, auida ingenia, ac morosa esse soleant, ipsorum cupiditati explendæ sufficiebat, non eorum modo qui cantu lætam Urbem faciunt, sed exterorum quoque, quorum eximii vel lucri causa huc conuolabant, vel ab ipso ex vltima Sarmatia, à Cæsaris, Regumque comitatu insanis sumptibus arcessebantur. Hos domo exceptos non quæsitissimis modo dapibus, quarum auida gens est, atque omni genere paratu saginabat, sed nouo cultu, au-

reif-

reisque torquibus donabat, quosdam cum tota familia plures menses opipare aluit, non paucis equestrem dignitatem à Principe impetrauit.

Sed vnde illi tot opes, ac sumtus, quales Regiam gazam, ac principale ærarium facile exhaurirent? Vnius eloquentiæ, laborisque forensis fructus fuere, excessuri vtique priuatum modum, nisi ex transuerso fortuna incurrisset, atque in pœnam vitæ lautioris, membris captum, per tot annos læto affixisset. Quo tempore ille podagræ torturam, pedesque carnifices, atque indignissimos cruciatus constantissime tulit, & licet clientes parcius porrigerent, quasi ipsos chiragra occupasset, diu tamen de assueta liberalitate remisit nihil. Quod argumento est immensum quid, atque incredibile causarum pretio meruisse; quod scilicet per sexdecim annorum ferias, ac veluti iustitium, non domesticis modo sumtibus, sed effusa munificentia satis esse posset. Constat eum, & nos aduersaria inspeximus, cum ætate, ac valetudine floreret, quinque annorum spatio sexaginta aureorum millia comparasse: vt si quis reliquæ ætatis summam, ineat facile intelligat, & illum sexagies H S. siue centum & quinquaginta millia, sicut faciundia accepta, ita generositati expensa tulisse. Ceterum de crescente quotidie quæstu, nec satis vnquam castigato luxu, non longe aberat, vt parcus, & frugi vel ingratiis esset. Cum mors interuenit, ac fortunæ pudorem absoluit, ne eum pauperem videret, qui magnam mortalium partem locupletauerat. Sic ille, veluti cum fati computasset, donandi modum iisdem, ac vitæ terminis circumscripsit, quique benignitatem non in testamentum distulerat, sed viuens veluti cuncta legauerat, pene non inuenit heredem, peneque periit antequam moreretur: immo supremum hunc actum sola liberalitate clausit. Nam cum nihil liberorum genuisset, quod illi de tot annorum munificentia supererat, inter carissimos moriens diuisit, vereque usurpare potuit vetus illud, nihil sibi reliquum fecisse quod vltra largiretur, nisi quis cœlum

di;

diuidere vellet, aut cœnum.

Et nunc ille felix tot annorum criticatibus absolutus, atque ea demum cura leuatus, nihil sibi superesse quod donaret, subleuatis tot egentium millibus, æternæ vitæ compos, inauditæ liberalitatis præmia refert: & si quis extinctis harum rerum sensus est, fortasse non indignatur ab charissimo quondam rudi, & incondita voce laudes suas componi. At nos inuiti superstitibus immature ereptum querimus, & inconsolabiliter deploramus. Luget Venetum forum, quod quasi Theatrum illius ingenij fuit, eius iucundissima voce spoliatum, atque orbatum: mœrent clientium agmina tanto patrocinio destituta: squalent Tribunalia, parietes ipsi tristari videntur: docti viri, atque omne genus artifices in eius funere animam agunt. Me omnium infelicissimum, quem ille tot beneficijs obruerat, vt victurus, ac moriturus essem ingratus, nisi pro benefactis exiguum hoc verborum officium persoluerem. Sed si quid literulæ nostræ possunt, viuet diu Francisci Putei nomen, & vltimas quoque gentes adibit, tumque memorabitur, cum stultorum diuitum sepulchra, altaque Regum trophæa vltima dies obtriuierit. Sed fallimur, & nos amabilis ludit infania. Non diu durabunt hæ literæ, & cum tot scriptorum ineptijs Paduam morientur ad ipsam. At nos tamquam victuras scripsimus, & voto saltem, amico, & hospiti immortalitatem largiti sumus. Dixi.

CAROLO CARDINALI BARBERINO VRBIS

Præfecto Principi Iuuentutis

Octavius Ferrarius Felicitatem.

P*urpuratorum Eminentissime. Hoc vnum Patavij laudibus, ac felicitati deorat, vt Tu eam studiorum sedem optares, sicut olim invenis alter fortuna tue, Orbis Imperio destinatus, regnante*

L avun.

avunculo, Apolloniam pratulerat. Ut Vrbs hac Roma tua cognata, atque amula, hac etiam parte nequaquam illi concederet, & natales tuos iactanti institutionem opponeret, ut illic magnus nascere-
ris, hic fices. Tu quidem ab ipso ortu in hoc decus rapiebare: in Regia quam sacrorum, tam ingeniorum editus: cum non gentilitia modo Apes eloquentia prasagia cunabulis circumfunderentur: sed hinc te magnus patruus idem mortalium, ac poetarum summus excitaret: inde stimulos adderet patruus alter, cui Imperij onus incumbebat, illo quidem haud inferior, sed cobibente vires & ingenium pudore, ita in altitudinem sapientia conditus, ut tamen nunquam cum ab institutis studijs deflexerit cura terrarum.

Sed postquam Pontificum maximus Caelo additus est, fortuna tantisper hesitant, domusque vestra aule lubrico, & Regnorum aduersis conflata est, ut clarior exurgeret. Interim Tu magna spem alteram Roma secutus in Galliam, genti ingeniorum feracissima indolem diu, mox huic Vrbi etiam virtutem adprobasti. Sed princeps id, ac fugitivum gaudium fuit, quando superi hoc bonum nobis modo ostenderunt, ut eius desiderium acrius accenderent: Tuque in transcurso has terras beasti, veluti inusitatus caeli fulgor, qui quo momento emicat, oculos mortalium praestringit, & conditur. Breui tamen mora longi temporis fidem explesti, non obscuris indicijs qualis tunc es, & quantus mox futurus. Votis populorum, atque urbium, quas adisti gratulationibus par, neque ultra idem comis, ac placidus, & solo adspectu fortunam inam circumferens. Sed vitae interioris, ac Musarum secreto venerabilior, cetera profusus, solius temporis parcus, & diem officijs, ac magna fortuna meditantis ducens, noctes tibi vendicans totas, & cum somno valetudinem computans. Raro in publicum egressu, quoties prodires cingentibus latera optimo quoque, ac doctissimo provincialium, fatentibus omnibus, non attulisse Te in Academiam sapientia rudimenta, sed altius literis imbutum, neque in ostentationem.

Verum maior erat felicitas nostra, quam ut eam capere possemus. Desiderium tui ferre diutius Roma non poterat: haud aquo tolerans animo, Praefectum abesse, quem olim solum discedentibus Latinarum
causa

causa cunctis magistratibus retinere consueverat, hocque fortuna depositum municipali secessu delitescere querebatur. Annuit votis omnium Romanus pater, ac mundi rector. Purpura appropinquatur, iam quater non totis tricenalibus, cum sacrorum Imperio in unam domum inuecta. Eaque serior destinatione visa est. Sed quod titulis omnibus praefulget, sequestro atque obside, coalita procerum mentes, mixtus sanguis, sed magis animi, spes noua, ac sacro tecta fœdere Orbis pax sancita.

Itaque discessu tuo hac Vrbs ingemuit, acrius Academia, quæ non tam fortunam tuam iactabat, quam exemplum. Non leui tamen solatio, quod si vel una die hac mania dignatus es, facturum eras locum,

quem cuncta reuolant

Secula, quem veniens hospes Romanus adoret.

Sors tamen ultima mea est, quem id temporis matris interitu funesta domus, in patriam auocauerat. Itaque quod tibi presenti deferre obsequium non potui, huic scripto delegare ausus sum, & tibi Patavium, Athenas tuas, castos penates, breue Musarum diuersorium offerre, gratiore utique cultu, postquam vestra domus Veneta maiestati innexa est, Apesque ut sic dicam Adriaco Leoni fauos immulsero. Simul non vnius Urbis, sed tot populorum, qui heic studia amulantur, in unum vota coniungere, ut literas alio fugientes sistas, ac sub Imperij tutelam recipias: ingenia producas, ac foueas, quibus vnus vos Principes obliuioni exempti posteris noscitamini. Idque per memoriam Urbanæ, per Francisci genium oratus: ut dum patrio rerum summam Orbis vouet, Te in inuenta, non Urbis modo, sed morum, sed literarum PRAEFECTVM veneretur. Vale.

Patavij Nonis Decembribus MDC LIII.

ATHENÆ ITALICÆ.

Prolusio XVI.

Laudabunt alij claram Rhodan, aut Mythylenem,

Aut Ephesum, bimarise Corinthi

Naxia: vel Baccho Thebas, vel Apolline Delphos

Insignes, aut Thessala Tempe.

Sunt quibus unum opus est intacta Palladis urbem

Carmines perpetuo celebrare, &

Vndique decerpere frondi praponere olinam.

Has funebres laudationes, ac verè naxias licet appellare: quando maximis ac potentissimis vrbibus suprema dies incubuit, vt funditus interirent, & aut senio ac magnitudine sua victæ in se ruerent, vastisq; ruderibus obrutæ rerum humanarum spectaculum præberent: aut hostili aratro deletæ, altisque cineribus consulptæ, saxa etiam lapidesque mori testarentur. Et aliarum quidem velut alta cadauera ingenti situ prioris fortunæ minas spirantia, in inuidiam iniuria temporum reliquit: multarum ne vestigia quidem supersunt, in loco vbi fuere quæruntur, ipsæ perire ruinæ. Ita ex tot vrbibus, quas sibi celebrandas sublimia vatum ora in certamen sumpsere, nullam, aut conditores superi, aut arma extremo orbi admota, consitus frugibus, cultuque mitigatus orbis, aut iura gentibus reddita, ingeniorum artise miracula, aut demum Deorum natales, ac sepulchra, vindicare ab interitu potuerunt. Vt inauspicatus, atque irritus labor videatur, tantarum vrbium sepulchris assidere, in Græcia Græciam quærere, mediisque Athenis, nihil Athenarum reperire, inuidiam superis, eodem tumulo obrutis literis, ac disciplinis lessum facere.

Præstat igitur anni literarij redeuntis auspicijs conuersa Numina, atque illatas Hesperia cum Phrygijs penatibus Atticas

ricas oleas: geminæ originis Palladium his sedibus conditum: coalitam ex victis ac victoribus urbem: Græcos Troianis immixtos: translata Mineræ sacraria: redditum ingenij cultum: ingenia vrbi communicata percensere, vtque omnia vno verbo complectar, renatas his mœnibus, florentesque Italiæ Athenas meritissimo plausu nec tacita veneratione complecti. Neque tamen dicendi initio multum mihi laborandum video in vrbi huius natalibus altius exequendis, nec præfanda vetustatis venia, concesso etiam magnis scriptoribus iure, vt miscendo falsa veris splendide mentientes, primordia vrbiū augustiora reddant. Non Tros, ac Dardanus, Ilusque, & Assaracus, & cognata sideribus origo, totusque Iupiter in partem generis adscitus: non Samothracū initia, & alibi nusquam magni Dij, non muniendæ vrbi opifices superi, mortalium amplexus procantes Deæ, rapti Reges, aut reddit: non domus Divum Ilion, decennij laboribus par: non tractum in partes cœlum, & numinum bella ciuilia: non quicquid demum Græci vates in hostibus laudare coacti sunt.

Sit vnum interim antiquitatis argumentum, Romanæ origine vetustiorē esse hanc gentem, sicut conditoris sanctitate præstat. Antenor enim nequaquam mediis elapsus Achiuis, sed vltro ab hostibus cum tota domo seruatus, ac dimissus vetusto iure hospitij, iustitiæque ac fidei miraculo, cum solus inter furentes Lacænæ raptum, atque inconcessos hymenæos detestatus esset, eiusque reddendæ, vel cum periculo, non semel auctor fuisset, & ne viplatis legatis ius gentium læderetur obstitisset. Hic ergo vel ipsa teste Aeneadū non casta parente, multo ante hanc urbem statuerat, sedesque Teucrorum locauerat, quam alter Troianæ gentis ductor, magis propitios vates in gratiam Cæsarum nactus, cū vndis ac fato luctaretur, Danaumque, ac sæuæ tempestatis reliquias per omnia maria vectans, fracta classe nudus & expes, ira Numinum longe Latio arceretur. Iam stabant hæc

mœnia, iam mœnia populus impleuerat, cum Hesperium solum, & futura Roma dumetis obsita squaleret, arxque Tarpeia siluis tegeatur: septem colles, iura gentibus daturos, confitos mapalibus, infessos gregibus, nudum Capitolij saxum, nunc aurea tecta, peregrinus Albula, olim Oceano non decessurus, tacitus atque inhonorus influeret. Heic Troia resurgebat, cum pius Aeneas, magnus orbis exul, pauperis Euandri limina fatigabat,

passimque armenta videbat

Romanoque foro, & latis mugire carinis.

Alta pace compositus quiescebat Antenor, & nondum lupæ nutricis lacte Martis mœnia creuerant, aut fraterno sanguine maduerant: nondum scelerum asylum & aduena colluvies: nondum rapta connubia, & finitimorum iniuria productum pomærium. Ergo & pius magis Antenor, & Diis acceptior, quorum neminem tam longa expeditione iratum sensit, & fauentes omnes in condenda vrbe expertus est. Vrbs ipsa altera longe vetustior, quæ cæteris vrbibus caput extulit.

Sed hæc omnia donare parati sumus. Non enim multum de vetustate originis sollicita vrbs esse debet, quæ recenti laude, nouisque gloriæ incrementis quotidie famam sibi conficit. Vetus memoria senium est, nisi egregiis factis renouetur. Maiorum laus res aliena existimatur: & sicut hominum, ita vrbium nobilitas virtus est sola. Antiquissimam esse hanc vrbem, in non magno pretio ponimus: validissimam olim fuisse, & nunc Venetæ potentiae partem esse, non maximam laudem ducimus: sed ingentium animarum, atque illustrium ingeniorum feracissimam, disciplinarumque omnium veluti Templum semper fuisse, hocque vno, quod eius laudum complementum est, reliquas vrbes antere contendimus. Ita: quo liberales magis videamur, vrbis ipsius pulcherrime situm, qui solus exercere ingenium, atque orationis spatium explere posset, sicut aduenarum mentes atque oculos dul-

cif-

cissima imagine percellit, leuiter transmittemus.

Vt diuino consilio Antenor condendæ vrbi locum delegerit, cœlo non indigenis modo, sed exteris omnibus saluberrimo, diffusa latè planitie, nisi quantum eam modici colles, & viridantium tumulorum supercilia clementer attollunt: quæ purissimi solis radios excipiens, vberè glebæ fruges omnis generis non in vitæ modò vsum, sed in delicias effundit. Vrbem nec mari proximam, ne externarum classium periculis, ac prædonum incursu exposita esset, aut transmarinis moribus inficeretur: neque ita pelago submotam, vt subuectionum, atque euectionum commodo priuaretur. Duobus magnis fluminibus septam, an coronatam: quorum altero, qua Medoaci ripas Veneta prætoria educta cœlo prætexunt, & mille substructionum formis, artificumque ingenijs vna sub vndis imagine ludunt, veluti perpetuo suburbio cognatæ vrbi iungitur, qua vrbe nullam pulchriorem, aut sanctiorem sol videt: altero mediterraneis vrbibus miscetur, opesque impottat, aut excipit. Quid natiuæ nobilitatis Euganeos colles, vatibus decantatos, memorem, iugaq; olea ac pampinis redimira, Bacchi sacra, dulce nectar, & laudatiores proximæ vrbis confinio vindemias? Quid naturæ æstuantis miracula, tepentes Aponi fontes, Baiarum æmulos, medicatos latices, & calentibus venis semper salutare humano generi vndarum scaturigines, ingenuas balneas, æstuantia sine igne solia, fumiferos campos, nec semper crudam Virginem, innatas calentibus stagnis virentes herbas, & rerum vilissimam partem lutum, salutis pretio æstimatum? Adieci Apono Geryonis oraculum, & salubribus proximas fatidicas lymphas, ac mundi clade firmatam Patauini Auguris fidem? Hæc & alia præterire cogimur, sicut quæ de vrbis magnitudine, ac viribus magnis scriptoribus prodita sunt: qui eam Transpadanæ regionis vrbium præstantissimam appellant, in qua sola per Italiam quingenti equestris ordinis censi sint, cum minimus equitum centus quadringenta

essent, id est decem aureorum millia. Præterea quod vix si-
dem hac solitudine inuenit, centum & viginti mortalium
millia in bellum antiquitus mittere solitam: quam exercitus
summam ægre duo maximi Reges hodie confecerint. Quæ
vt magna sunt, solaque Patanum maximis vrbibus æquare
aut anteferre possunt: ita non multum animum meum mo-
rantur, nec cupidas aures vestras diutius detinere debent.
Huc potius quisque vestrum intendant, & ad seria virtutisque
opus conuertatur, facile intellecturus hæc leuia esse, si cum
ijs, quæ deinceps dicturus sum, componantur. Vnum enim
mihi consilium est, non longo sermone ostendere, magnorū
viro- rum, scriptorumque prouentu, sparsisque per orbem ar-
tibus, ac disciplinis, studiorum merito nullam urbem, si ve-
teres Athenas demamus, quæ huc commigrarunt, nec ipsam
orbis Dominam descendere in certamen cum hac nostra, aut
debere, aut posse.

Nam si literarum procures, & victura æternum nomina
citemus ad censum, plures vrbes ne dicam provincias repe-
riemus, quæ ne vnum quidem scriptorem in hoc immortalitatis
album referre possint, paucas admodum quæ vno aut
altero censeantur. Romani maximus auctor eloquij Roma
procul editus est: Diuinum Maronis ingenium vrbs in vici-
no terris commodauit: Horatium Venusia Quiritibus dedit:
Crispum Sabini vindicant: Ingeniorum compendium Qui-
dium Peligni iactant: e Comicorum Principibus alter ne
Italus quidem est, alter in Umbria natus: eadem tellus Pro-
pertij ingenio tumefacta superbit: Catullum, & Plinium,
duo literarum miracula Verona ostentat. Novum Comum
altero Plinio se circumspicit, de altero Veronæ controuer-
siam mouet; & vt extra Italiam Italiæ decora quæramus,
duos Senecas, vnicumque Lucanum facunda loquitur Cor-
duba: Martialem Bilbilis Romano nomini inserit: Neapolim
Italicus nobilitat: Aquinum Iuvenale, Volaterræ Persio ce-
lebrantur: Claudiano Aegyptus gloriatur. Quid literarius

orbis Patavio debet ? Eiusdem Hispani vatis sententia est .

Censetur Apona Linio suo tellus ;

Stellaque, nec Flacco minus .

Quamquam ille, nec Asconium, nec alios nominavit, quibus
literatorum cætus assurgit . Italicarum urbium nulla plura
terris ingenia dedit : sed quatuor præcipuè seculorum me-
moriæ meruere : Pedianus, Stella, Flaccus, & omnium in-
star Liuius . Nam licet ex Pediani scriptis pauca admodum,
nihil ex Stellæ carminibus iniuria vetustatis reliquum fece-
rit, illum tamen ætatis suæ eruditissimum fuisse, & Latinita-
tis gloria summis scriptoribus proximum in confesso est . Ar-
runtii autem columbam, Catulli passeri præferre audet Mar-
tialis, & eiusdem cum Hiantide nuptias lepidò carmine ad
cælum vocat, in quo socium habet sublimis ingenii vatem
Papinium, qui labores suos Stellæ nuncupans iuuenem opti-
mum, & in studiis eminentissimum appellat . At Valerius
Flaccus carminum maiestate Heroes, quos cecinit, æquat :
eum laudibus cumulat Martialis, immaturum fatum deslet
Quintilianus, multumque illius interitu Romanas literas
amississe rigidus alioquin censor queritur . Sed horum omniū
exaggeratum altius nomen obterit, ac veluti minora sidera
obscurat Liuius, fatigatis omnium gentium ingeniis, atque
linguis, consumpraque veneratione, omni præconio semper
maior, quod vnum ingenium magnitudini ac maiestati suæ
par Romanum imperium accepit hinc, atque aluit . Quo scrip-
tore nihil grandius, aut vberius Latinæ literæ habent : cuius
purissimum candorem, atque eloquentiam incomparabilem
Romanus Rhetor in exemplum extollit, eumque Herodoto
æquare nō dubitat . Hoc certe Herodoto Liuius maior, quod
ille tam Græcæ Historiæ, quam mendaciorum parens habi-
tus est : hic incorruptæ fidei, & veritatis cultor tam sanctus
fuit, ut cum sub domino scriberet, in tradendis bellis civili-
bus diuerſarum partium duces debitis laudibus non frau-
daret, ipsumque in primis Magnum ita efferret, ut cum Pom-
peia-

peianum Augustus appellare sit solitus, neque id amicitia-
 eorum offecerit: adeo ille libertatis, & obsequii temperamē-
 to, sed præsertim, suauitate, splendore, ac sublimitate scri-
 bendi, Romanæ potentia fastigium velut in æquum deduxe-
 rat. Nil ergo mirum, si nullus mortalium vberiores gloria
 fructus viuens ceperit, si quæ Augustus Imperii formator nō
 tulit, priuatus homo venerantium officia præsentē Augusto
 promeruit: si posteritati suæ interfuit: si, vt ita dicam, vivus
 ac videns consecratus est. Gaditanum enim quendam Liuii
 nomine gloriaque commotum, ad visendum eum ab orbe vl-
 timo venisse, statimque, vt viderat, abiisse, accepimus. Scili-
 cet quem non illa Deorum & imperii sedes, ac gloria domi-
 cilium, terrarū gentiumque Dea, æterna vrbs, ditioe vtrum-
 que solis cubile complexa euocauit, priuati hominis fama
 pellexit. Quem non septem colles gentibus adorati, cœlo-
 que certantia capitolia, non templa auro radiantia, non fora
 ac theatra, non populus late Rex, alterque statuarum popu-
 lus, non circi, atque ingentes obeliscorum minæ, & magna-
 rum vrbium instar Thermæ, non congestæ orientis opes, do-
 miti orbis spolia, ac trophæa, non horum omnium felix præ-
 do Augustus, ad se trahere potuerunt, viri vnus aspectus
 pertraxit. Quo visu plenus ille, tantaque imagine attonitus
 nihil Romæ ad spectu dignum, quam propter quod venerat,
 credens, rerum prophanarum inspectu violare lumina ratus
 remenso æquore vltimas Gades propere repetiit. Rē se-
 culis inauditam, vt Romam ingressus, aliud extra Romam
 quæreret, quod adoraret. Quamobrem nunquam satis fortu-
 nas nostras queri, casumque atrocem deplorare possumus,
 centum ac septem libros diuinæ historiæ inuidia temporum,
 an fraude hominū aut socordia esse interceptos, cum ex cen-
 tum quadraginta duobus, quod opus vix olim bibliothecæ
 capiebant, quinque & triginta superstites, reliquorum iactu-
 ram tanquam literarum funus ac naufragium oculis inge-
 runt. Sed lætiora ominemur, & an alius hac vrbe editus sit,
 qui

qui cum Liuiō cōferatur, expendamus: Scribendi gloria atque operis magnitudine, neque hic, neque alibi vnquam reperietur: altitudine sapientiæ, atque innocentia, animoque aduersus omnem tyrannidem, ac fortunæ minas imperterritus, aliquis & Liuium & mortales omnes facile superabit. Hic est Thrasea Pætus, sacrum ac venerabile, non hominis, sed virtutis nomen, quod vnum constantiæ ac libertatis exemplum perditis moribus, ac corruptissimo seculo superi dederunt, vt mortalium ac Tyrannorum deterrimo opponerent, paratum vindicem, ac sidus Romanæ gentis beneficum, si degeneri populo tanta salutis cura fuisset, quanta seruitutis erat. Ille quidem hautquaquam literarum expertus, quippe qui politiciorum studiorum amœnitate publicas curas laxare solitus sit, atque in hac vrbe ludis ab Antenore institutis, Tragico habitu cecinerit, quo nomine etiam Neronis odium accendit, qui solus dare Tragœdias volebat, & cunctis lugentibus canere. Incompta autem & virili facundia adeo, Senatū in potestate habuit, vt sæpe aduersus Principis sœuitiam vt mitiora censerentur, peruicerit, vultumque & spiritum ac libertatem dicentis Tyrannus ipse extimesceret. Sed acrioris sapientiæ sectator, placidus tamen & mitis, in tanta fæde seruientium turba, ipso, cui omnes parebant, flagitiorum omnium mancipio, Patauinus vir vnus solutus diu, ac sui iuris, quod proximum erat animam verò impendit: Socrati tamen quam Catoni propior, quod non desperauit, nec illico in enses incurrit, faciliq; sanguine captauit famam, sed diu se fruendum legibus dedit, & ante supremam indictam necessitatem, non cōfugit ad mortem. Vt plane dignus magni scriptoris præconio sit: Neronem trucidatis tot insignibus viris ad postremum virtutem ipsam excindere concupiisse, interfecto Barea Sorano, & Thrasea Pæto. Sed quod crimen Senatori, & Consulari & Decemvirali potestate prædito obiectum est, quæ capita accusationis, quod rei elogiū? Vnum ac perpetuum, sub malo Principe crimen, virtus, atque inno-

innocentia. Quod inquinatæ illius belluæ horrenda scelera ac parricidia detestaretur, quod Deorum atque hominum odium laudare noller, quod subditas vrbi faces, ardentemque patriæ rogam, vndante ciuium sanguine restinctum, minus læto oculo aspexisset, quod histrioni, aurigæ, incendiario assentari nesciret, quod cum de Agrippina ageretur, & supplicationes Diis ob matrem à filio interfectam, tum principali scorto in Deorum contumeliam cœlestes honores a Senatu decernerentur, ex illa mancipiorum colluvie se propriuisset, quod denique citharædo cantante pars populi adulantis non fuisset, nec pro cœlesti voce vnquam immolasset. Nihil hac accusatione laudabilius, nihil crimine honestius atque illustrius vnquam auditum est. Hæc hostium præconia illa amicorum, vero tamen minora. Nam cum inter proximos consultaret Thrasea tentaretne in Senatu defensionē, an sperneret, hortantium voces fuere: *aspiceret populus uirum morti obuium: audiret senatus uoces quasi ex aliquo Numine supra humanas, posse ipso miraculo etiam Neronem permoueri.* Sed nec moueri Nero, nec Thrasea degeneri prece priorem famam dehonestare poterat: & inuicti in morte, atque omnis potentiaæ contemptoris animi exemplum seculis debebat. Nemo eius suprema sine sacro quodam horrore, atque inusitatæ virtutis veneratōne legerit, quæ magnus Thraseæ admirator victuris æternum annalibus condidit. Venisse à Senatu Quæstorem, qui permissum mortis arbitrium, quod erat ingens eorum temporum beneficium, Thraseæ nunciaret. *Ille in hortis de more illustrium virorum, ac fæminarum cætus coegerat, tum maximè intentus Demetrio, Cynico spectatissimo: cum quo de natura anima ac dissociatione spiritus ac corporis inquirebat. Accepto S. C. latitæ propior eundem Demetrium atque Heluidium generum in cubiculum inducit, porrectisque utriusque brachij venis postquam cruorem effudit humum super spargens, propius vocato Quæstore, libemus inquit, Ioni liberatori, spectæ iuuenis, & omen quidem Dii probileant, ceterum in ea tempora natus es, quibus firmare animum*

expedit constantibus exemplis. Sic ille excelso inuictoque animo res humanas destituit, magno Senecæ similitudine studiorum, ac mortis genere æquatus, sed regiae amicitiae, atque opum contemptu maior, nulla facinorum conscientia, aut arcanorum suspicione aspersus, nullis aulae obsequijs ac ministerijs implicitus, libertatisque ad extremum incorruptæ gloria longè præstantior, nec cum villo mortalium comparandus.

In hoc exemplo desinere, atque orationis vela contrahere par erat, ne post Thraseam aliud huic vrbi decus frustra quereremus, ac deteriorum comparatione, inuicti Herois memoria violaretur: nisi Patauine matronæ aurem vellerent, & in partem huius laboris venire optimo iure exposcerent: quas sicut constans seculorum fama castitatis laude omnium gentium matronis, sine controuersia antetulit, ita, quod vix credibile est, magnitudine animi, mortisque contemptu, quæ virorum laus est, viros ipsos facile superarunt, eo laudabiliores, quo imbecillior sexus, atque obnoxius cupiditatibus habetur. Spartanas olim mulieres cum rogarentur, quid ita solæ viris imperarent, iactare solitas ferunt, quod solæ etiam viros parerent. Sed quomodo, quæ imperarent viris, parere viros possent, ipsæ viderint: an quæ corpus Lycurgi lege vulgarent, similes maritis natos edere possent, haud facile dixerim. Patauinarum ea sanctitas olim fuit, septaque & impenetrabilis pudicitia, vt in exemplum seculi venirent, & solæ seculum emendare possent. Quod ipsi lasciuivates, & intemperantiæ magistri vero adacti confessi sunt, frustra que lusibus ac nequitijs suis posse Patauinas puellas permoueri sperarunt. Alter seuerioris notæ auctor, Cecilianum commendans, esse illi ait auiam Serranam Proculam, è municipio Patauino, cuius loci mores orbi noti sint: adijcit Serranam ipsis Patauinis seueritatis exemplum fuisse.

Fuerit ergo olim, sitque ad hanc diem, o Ciues, vestrarum mulierum tam corrupto seculo, & proximis peccandi irri-

irritamentis pudicitie laus singularis, ea tamen est insignior, quod hic formarum flos est, nec sibi tantum alibi humana specie natura parens blandita videtur. Et licet ingenui vultus candor nativa purpura fusus, ac micantium luminum fulgor omnibus simulachris emendatiorem speciem reddat: dulcis tamen seueritas & gratum pondus supercilii aliquid fortius spirant, cupidosque spectantium oculos impellit simul & frænât virilis maiestas, & torua. Nec propterea tristis & incompta pulchritudo est, sed sine fuce, ac pigmentorum iniuriis, itata atque vxoria, quæque tuto laudari possit abundanti insuper auro, & rubri maris spoliis, sed magis pudore, ac sedato cupidine commendatur, vt nusquam felicio- ra matrimonia sint, ac seueriora; Quodque rarum semper & vbique fuit, si vsquam, magna hic sit concordia formæ, atque pudicitie.

Sed vt illuc redeamus, vnde nos præsentium dulcissima contemplatio non sentientes abduxit, veteres matronæ vestræ non contentæ castimonie laude virorum gloriam auxisse, dubiam fortitudinis palmam viris ipsis fecere, atque vltro mortis contemptum viros docuere. Neque exempla longius arcessenda sunt: ab Thræscæ domo non discedemus, & fortasse aliquid quod eius fatis præferamus, ipso non indignante, inueniemus. Arria si quidem Thræscæ socrus Cecinæ Pæto nupta, cum ille aduersus Claudium cum Triboniano consilia infelicitè miscuisset, illo interfecto captus, Romamque ad supplicium ductus est. Vxor quo viri animû ad suprema firmaret, inaudito facinore castum pectus corâ marito confodit, atque educto gladio mortis solatium & exemplum præbuit, illud memorabile adiiciens: *Pate, non dolet.*

*Calpurnia suo gladium cum traderet Arria Pæto,
Quem de visceribus traxerat ipsa suis.*

*Si qua fides, vulnus, quod feci, non dolet, inquit
Sed quod tu facies, hoc mihi Pate dolet.*

Nul-

Nullum fortius factum, nullum illustrius, vel viris audientibus dicam, tota vetustas habet. Reliquæ mulieres viso ferro exhorrescunt, & ad sanguinis aspectum exanimantur. Arria non ferrum modo tractat, sed insons illud pectori demergit, vastoque vulneris hiatu viscera deducit. Magna foeminarum pars maritos manu lethum quærentes retardant, collo implexæ, osculis lachrymas miscentes, aut humi stratae, pedibusque aduolutæ, paruos natos parentibus ingerentes, ingentes animos debilitant, ac frangunt. Hæc non modo periturum confirmat, sed quam facilis sit ad libertatem via, edocet, imo ipsa virum innocenter occidit. Paucae admodum repertæ sunt, quæ thori consortes fato functos secutæ sponte sint, ac ne iis superstites essent, inuisæ lucis moram abrupterint: quædam se ardentibus rogis viuas iniecere, & Portia ad mortem ingeniosa fuit. Arria marito mortem imputat, funusque suum viventi ingerit, præitque exemplo, & velut in tutum manu ducit. Vna olim reperta est, si credere fas, quæ se pro coniuge deuoueret, ac vicaria morte illius vitam produceret; hæc quia fata non poterat, mariti famam morte redemit.

At Plinius ille Consularis Cæsarum laudator, hoc factum illustrius, alia eiusdem Arriæ maiora esse contendit, cuius eloquentiæ lumen orationis meæ obscuritati inseram. *Agrotabat, inquit, Cæcina maritus eius, agebat & filius, uterque mortifere ut videbatur. Filius decessit eximia pulchritudine, pariter et recundia, & parentibus non minus ob alia charus, quam quod filius erat. Huic illa ita funus parauit, ita duxit exequias, ut ignoraret maritus: quin imo quoties eius cubiculum intraret, viuere filium atque etiam commodiorem esse simulabat. Atque etiam persepe interroganti quid ageret puer, respondebat, bene quieuit, libenter cibum sumpsit. Deinde cum diu cohibita lachryma vincerent prorumperentque egrediebatur, tum se dolori dabat: satiata, siccis oculis, composito vultu redibat, tanquam orbitatum foris reliquisset.* Præterea cum maritus Romam ducendus ascensurus esset, na-

nem,

dem, Arria milites orabat, ut simul imponeretur, non impetranis, conduxit piscatoriam nauiculam, ingensque nauigium minimo secuta est. Quin etiam cum Thrasea gener eius deprecaretur, ne mori pergeret, interque alia dixisset, Tu vis ergo filiam tuam, si mihi pareundum fuerit, mori mecum, respondit, si tam diu tantaque concordia vixerit tecum, quam ego cum Pato, volo, Auxerat hoc responso curam suorum, attentius custodiebatur. Sensit, & nihil agitis, inquit: potestis enim efficere ut male moriar: ne moriar, non potestis. Dum hæc dicit, exiit cathedram, aduersoque parieti caput ingenti impetu impexit & corruit. Refocillata, dixeram, inquit, vobis inuenturam me quamlibet duram ad mortem viam, si vos facilem negassetis.

Filia huius Arriæ Thraseæ nupta tentauit & ipsa mariti summa & exemplum Arriæ matris sequi, nisi obstitisset maritus, filiam tamen & generum in exilium secuta est. Et veluti hæreditaria esset hæc sanctitatis ac constantiæ in vna domo laus, Fannia huius filia Heluidij vxor auiam, & matrem, aut æquauit, aut supergressa est, cui vnicum quidem, sed verum elogium idem Plinius tulerit. Nam cum illa ancipiti valetudine conflictaretur, dolere se scribit maximam foeminam eripi oculis ciuitatis, non aliud simile visuris. Quæ castitas illius? quæ sanctitas? quanta grauitas? quanta constantia? his maritum secuta in exilium est, tertio ipsa propter maritum relegata: Deinde collegit. Erit sanè quam postea vxoribus nostris ostentare possumus, a qua viri quoque fortitudinis exempla sumamus.

Per fidem vestram, an alia vnquam vrbs gensque vniuersa, plura atque illustriora virorum ac foeminarum facta virtutisque miracula terris edidit? Quare diuino prorsus æternæ mentis consilio, ac Venetæ Reipub. auspicijs factum est, ut ex orbe vniuerso in hanc urbem orbis flos, ad capiendum ingenij cultum, ac maioris fortunæ paratum conueniret: nouæque hic omnium doctrinarum inuentrices, atque altrices, Athenæ statuerentur. Ut, quod olim Romæ peculiaris laus fuit,

fuit, vrbs ista populorum ac gentium communis patria iure merito dici possit, saltem quacunque literarum pomœria extenduntur. Quæ res vrbs eiusdem gloriam ac merita in immensum auxit: cum illi sanctam castamque iuuentutis institutionem, animorum culturam, artesque omnes, quibus ciuilis ordo disciplinæ continetur, nisi ingratus esse velit, orbis debeat vniuersus. Contra ipsa vrbs pro tot laboribus atque vigiliis, quas excolendæ iuuentuti impendit, vnam quidem, sed amplam, altamque mercedem refert, quod non ea solum ingenia, quæ produxit, sed quæ inauditis Venetæ liberalitatis exemplis vndecunque accita aluit, & longo hospitij iure, virtutisque vsu ad gloriam prouexit, iure pro suis ostentare potest. Alibi viri nascuntur, hic magni fiunt, & fixis sedibus diuturna possessione Patauini iuris facti, suis quisque vrbibus natales, huic famam ac gloriam imputant. Ita præter immortales animas, quas supra memorauimus, licet aliunde ortos, in ciuium censu numerat, nulli seculo silendos, Paulos Castrenses, Socinos, Decianos, Pancirollos, Pacios, Mercuriales, Guilandinos, Veslingios, Piccolomineos, Cremoninos, Bonamicos, Sigonios, Robortellos, & his omnibus non tam carminum gloria, quam reparatarum in Italia literarum merito præferendum Fr. Petrarcham, cuius penates ac suburbanum larem tanquam rem sacram aduenis monstrat, cuius sepulchro non minus quam Parthenope Maronis, Creta Tonantis tumulo gloriatur.

Te nunc appello, ad te conuertor, propter quam vniuersa oratio instituta est, blanda orbis spes, anxia parentum vota, florentissima pubes, liberali specie, atque ætatis honoribus, corporisque cultu, non humiles spiritus nec plebeiam indolem spirans. Te, inquam, appello, deuota sceptris ac tribunalibus iuuentus, sacrorum pars ac regimen futura, redditura ius gentibus, humanæ salutis, factorumque ministra, orbem, ac quandoque supremas orbis potestates con-

M filio

filio rectura, & per varias fortunę species ac modos, dispari forte latura rerum humanarum arbitrium. Non simulatque vrbis huius limina pulsasti, Troiani sanguinis stirpisque per tot secula ductę memoria mentem impulit, tantique nominis ac tot facinorum veneratio, sacerque horror animum perfudit? Non statim menti magnus Livius insedit, & Thraſea venerabilis species, obuersata est? Non implet visum veneranda vetustas? Multus recurſat gentis honos, & multum in gente Deorum esse fateris? Quocunque te verteris, non subit illico recordatio, hæc loca quondam Heroum vestigiis calcata, ingentes animas, cœloque receptas hos incoluisse penates, sacrasse has sedes, intra hæc te cta magnarum mentium fœtus conceptos & editos? His sedibus compositos manes, sacros cineres, multum debentes scriptoribus umbras, plenas varibus urnas non veneraris? Cum vero hæc te cta Musarum, hæc sapientię templa serena intraſti, hoc verę nobilitatis atrium, nec cera, sed auro atque adamante ductas Doctorum imagines lustrans, has exedras subis, magnis semper ingeniis habitatas, mille annorum oraculis conclauia personantia, parietes docentium vocibus pulsatos, & fractos, non tota mente, totoque corpore commoueris, non his stimulis ac facibus ad gloriam exardeſcis? non rebus omnibus immortalitatis studium anteponis? Quem ista non excitant, nulla vox, nulla vnquam facundia permouebit. Hunc igitur laudatę vrbi laudis cumulum addite, quod vos doctiores, quod meliores parentibus ac Reip. reddiderit. Sapientum ac fortium virorum vitam & scripta emulamini. Et si non facitis, quod haud possumus omnes, saltem ingenio famam extendite. Prima laus est facere quę scribantur, proxima scribere quę legantur. D I X I.

VER.

VERCELLINO MARIAE VICECOMITI,
Marchioni S. Alexandri, Tribuno militum, ac mu-
niendis per Insubriam arcibus Praefecto.

Octavius Ferrarius Felicitatem.

Postquam Cornelio Tacito nullis tacendo seculis qualemcumque
 aduocationem commodassem, placuit defensionem in compen-
 dium mittere, magnam laudum eius partem arbitratus, quod tibi
 amplissima dignitate prädito, tantorumque auorum titulis insigni,
 & quod titulis omnibus praeclis, doctissimo, cum scriptorem in deli-
 cijs esse intelligerem. Quodque eum non omnium horarum modo, ac
 militarium expeditionum comitem circumferres, ac scribendo ad
 eius maiestatem assurgere contenderes: sed quandam illius fortuna
 ac vita imaginem referres. Ille si quidem non de plebe Quiritium,
 sola ingenij nota vulgo exemptus, sed summo loco natus, nec paupe-
 re clauio inter illustres equites principum dignationi par, nequaquam
 atatem à Repub. procul habendam decreuit, aut scriptitando conse-
 nuit: sed in fori luce, atque in aula perpetuo versatus, rerumque
 summa admotus, Flauiorum imperio Belgicam prouinciā nemine
 Caesaris procurauit, mox Prator, & Consul, & praeclare agendo, &
 aliorum facta posteris prodendo inclaruit.

Tu in domo olim non Insubria modo regnatrice, sed totius ferè
 Italia imperium complexa, patre Senatus Principe editus, posito
 apud Belgas tyrocinio, per omnes militia gradus incertum consilio an
 manu promptior euectus, Italicis bellis Tribunus militum, arcta ob-
 sidione clausam Eporhediam corpore eger, ingenti ausu, ac discrimi-
 ne, per insepulta hostibus loca ingressus summa rerum omnium difficul-
 tate egregie tutatus es. Inde maximis belli pacisque negotijs admix-
 tus, ad componendas cum Parmensi Duce res, & firmanda fœdera à
 Prorege Insubriae in Hispaniam Legatus, eximia facundia tantam
 opinionem industria ac scientia bellica apud Regem maximum feci.

M 2 *sti,*

filio rectura, & per varias fortunę species ac modos, disparti
 sorte latura rerum humanarum arbitrium. Non simulatque
 vrbis huius limina pulcasti, Troiani sanguinis stirpisque per
 tot secula ductę memoria mentem impulit, tantique nomi-
 nis ac tot facinorum veneratio, facerque horror animum
 perfudit? Non statim menti magnus Livius infedit, & Thra-
 seę venerabilis species, obuerfata est? Non implet visum
 veneranda vetustas? Multus recurfat gentis honos, & mul-
 tum in gente Deorum esse fateris? Quocunque te verteris,
 non subit illico recordatio, hæc loca quondam Heroum ve-
 stigiiis calcata, ingentes animas, cœloque receptas hos in-
 coluisse penates, sacrasse has sedes, intra hæc tecta magna-
 rum mentium foetus conceptos & editos? His sedibus com-
 positos manes, sacros cineres, multum debentes scriptori-
 bus umbras, plenas varibus urnas non veneraris? Cum vero
 hæc tecta Musarum, hæc sapientię templa serena intraſti, hoc
 verę nobilitatis atrium, nec cera, sed auro atque adamante
 ductas Doctorem imagines lustrans, has exedras subis, ma-
 gnis semper ingeniis habitatas, mille annorum oraculis con-
 clauia personantia, parietes docentium vocibus pulsatos, &
 fractos, non tota mente, totoque corpore commoueris, non
 his stimulis ac facibus ad gloriam exardeſcis? non rebus om-
 nibus immortalitatis studium anteponis? Quem ista non ex-
 citant, nulla vox, nulla vnquam facundia permouebit. Hunc
 igitur laudatę vrbi laudis cumulum addite, quod vos do-
 ctiores, quod meliores parentibus ac Reip. reddiderit. Sa-
 pientum ac fortium virorum vitam & scripta emulamini. Et
 si non facitis, quod haud possumus omnes, saltem ingenio fa-
 mam extendite. Prima laus est facere quę scribantur, pro-
 xima scribere quę legantur. D I X I.

VERCELLINO MARIAE VICECOMITI,
Marchioni S. Alexandri, Tribuno militum, ac mun-
icipis per Insubriam arcibus Praefecto.

Octavius Ferrarius Felicitatem.

Postquam Cornelio Tacito nullis tacendo seculis qualemcumque aduocationem commodassem, placuit defensionem in compendium mittere, magnam laudum eius partem arbitratus, quod tibi amplissima dignitate pradito, tantorumque aorum titulis insigni, & quod titulis omnibus praeclit, doctissimo, eum scriptorem in delictis esse intelligerem. Quodque eum non omnium horarum modo, ac militarium expeditionum comitem circumferres, ac scribendo ad eius maiestatem assurgere contenderes: sed quandam illius fortuna ac vita imaginem referres. Ille si quidem non de plebe Quiritium, sola ingenij nota vulgo exemptus, sed summo loco natus, nec paupere clauo inter illustres equites principum dignationi par, nequaquam aetatem à Repub. procul habendam decreuit, aut scriptitando conuenit: sed in fori luce, atque in aula perpetuo versatus, rerumque summa admotus, Flauiorum imperio Belgicam prouinciam nomine Caesaris procurauit, mox Prator, & Consul, & praeclare agendo, & aliorum facta posteris prodendo inclaruit.

Tu in domo olim non Insubria modo regnatrice, sed totius fere Italia imperium complexa, patre Senatus Principe editus, posito apud Belgas tyrocinio, per omnes militia gradus incertum consilio an manu promptior euectus, Italicis bellis Tribunus militum, arcta obsidione clausam Eporhediam corpore eger, ingenti ausu, ac discriminis, per insecuta hostibus loca ingressus summa rerum omnium difficultate egregie tutatus es. Inde maximis belli pacisque negotijs admixtus, ad componendas cum Parmensi Duce res, & firmanda fœdera à Prorege Insubriae in Hispaniam Legatus, eximia facundia tantam opinionem industria ac scientiae bellicae apud Regem maximum feci.

M 2

sti,

filio rectura, & per varias fortunę species ac modos, *dispari* forte latura rerum humanarum arbitrium. Non simulatque vrbis huius limina pullasti, Troiani sanguinis stirpisque per tot secula ductę memoria mentem impulit, tantique *nomi-*nis ac tot facinorum veneratio, sacerque horror animum perfudit? Non statim menti magnus Liuius insedit, & Thraſea venerabilis species, obuerſata est? Non implet viſum veneranda vetuſtas? Multus recurſat gentis honos, & multum in gente Deorum eſſe fateris? Quocunque te verteris, non ſubit illico recordatio, hæc loca quondam Heroum veſtigiiſ calcata, ingentes animas, cœloque receptas hos incoluiſſe penates, ſacraſſe has ſedes, intra hæc recta *magna-*rum mentium foetus conceptos & editos? His ſedibus *com-*positos manes, ſacros cineres, multum debentes ſcriptori- bus vmbraſ, plenarum vrbis urnas non venerariſ? Cum vero hæc recta Muſarum, hæc ſapientię templa ſerena intraſti, hoc verę nobilitatiſ atrium, nec cera, ſed auro atque adamante ductaſ Doctorem imagines luſtrantiſ, haſ exedraſ ſubiſ, magniſ ſemper ingeniis habitataſ, mille annorum oraculiſ con-clauia perſonantiſ, parieteſ docentium vocibuſ pulſatoſ, & fractoſ, non tota mente, totoque corpore commoueriſ, non hiſ ſtimuliſ ac facibuſ ad gloriã exardeſciſ? non rebus om-nibuſ immortalitatiſ ſtudium anteponiſ? Quem iſta non excitant, nulla vox, nulla vnquam ſacundia permouebiſ. Hunc igitur laudatę vrbis laudiſ cumulum addite, quod voſ do-ctiores, quod meliores parentibuſ ac Reip. reddideriſ. Sapientum ac fortium virorum vitam & ſcripta emulamini. Et ſi non faciſ, quod haud poſſumus omneſ, ſaltem ingenio ſa-mam extendite. Prima laus eſt facere quę ſcribantur, pro-xima ſcribere quę legantur. D I X I.

VERCELLINO MARIAE VICECOMITI,
Marchioni S. Alexandri, Tribuno militum, ac mu-
niendis per Insubriam arcibus Praefecto.

Octavius Ferrarius Felicitatem.

Postquam Cornelio Tacito nullis tacendo seculis qualemcumque
 aduocationem commodassem, placuit defensionem in compen-
 dium mittere, magnam laudum eius partem arbitratus, quod tibi
 amplissima dignitate pradito, tantorumque aorum titulis insigni,
 & quod titulis omnibus praeclit, doctissimo, eum scriptorem in deli-
 cys esse intelligerem. Quodque eum non omnium horarum modo, ac
 militarium expeditionum comitem circumferres, ac scribendo ad
 eius maiestatem assurgere contenderes: sed quandam illius fortuna
 ac vita imaginem referres. Ille si quidem non de plebe Quiritorium,
 sola ingenij nota vulgo exemptus, sed summo loco natus, nec paupe-
 re clauio inter illustres equites principum dignationi par, nequaquam
 atatem à Repub. procul habendam decreuit, aut scriptitando conse-
 nuit: sed in fori luce, atque in aula perpetuo versatus, rerumque
 summa admotus, Flauiorum imperio Belgicam prouinciam nemine
 Caesaris procurauit, mox Prator, & Consul, & praclare agendo, &
 aliorum facta posteris prodendo inclaruit.

Tu in domo olim non Insubria modo regnatrice, sed totius ferè
 Italia imperium complexa, patre Senatus Principe editus, posito
 apud Belgas tyrocinio, per omnes militia gradus incertum consilio an
 manu promptior euectus, Italicis bellis Tribunus militum, arcta ob-
 sidione clausam Eporhediam corpore ager, ingenti ausu, ac discrimi-
 ne, per inessas hostibus loca ingressus summa rerum omnium difficul-
 tate egregie tutatus es. Inde maximis belli pacisque negotijs admix-
 tus, ad componendas cum Parmensi Duce res, & firmanda fœdera à
 Prorege Insubriae in Hispaniam Legatus, eximia facundia tantam
 opinionem industria ac scientiae bellica apud Regem maximum feci-

M 2

sti,

filio rectura, & per varias fortunę species ac modos, disparti
 forte latura rerum humanarum arbitrium. Non simulatque
 vr̄bis huius limina pulsaſti, Troiani sanguinis ſtirpisque per
 tot ſecula duęq; memoria mentem impulit, tantique nomi-
 nis ac tot facinorum veneratio, ſacerque horror animum
 perfudit? Non ſtatim menti magnus Liuius inſedit, & Thra-
 ſeę venerabilis ſpecies, obuerſata eſt? Non implet viſum
 veneranda vetuſtas? Multus recurſat gentis honos, & mul-
 tum in gente Deorum eſſe fateris? Quocunq; te verteris,
 non ſubit illico recordatio, hæc loca quondam Heroum ve-
 ſtigiiſ calcata, ingentes animas, cœloque receptas hos in-
 coluiſſe penates, ſacraſſe hæc ſedes, intra hæc teſta magna-
 rum mentium fœtus conceptos & editos? His ſedibus com-
 poſitos manes, ſacros cineres, multum debentes ſcriptori-
 bus umbras, plenas vatibus urnas non venerariſ? Cum vero
 hæc teſta Muſarum, hæc ſapientię templa ſerena intraſti, hoc
 verę nobilitatis atrium, nec cera, ſed auro atque adamante
 ductas Doct̄orum imagines luſtrans, hæc exedras ſubis, ma-
 gnis ſemper ingeniis habitatas, mille annorum oraculiſ con-
 clauia perſonantia, parietes docentium vocibus pulſatos, &
 fractos, non tota mente, totoque corpore commoueris, non
 hiſ ſtimuliſ ac ſacibiſ ad gloriam exardeſciſ? non rebus om-
 nibuſ immortalitatis ſtudium anteponiſ? Quem iſta non ex-
 citant, nulla vox, nulla vnquam ſacundia permouebit. Hunc
 igitur laudatę vr̄bi laudiſ cumulum addite, quod voſ do-
 ctiores, quod meliores parentibuſ ac Reip. reddiderit. Sa-
 pientum ac fortium virorum vitam & ſcripta emulamini. Et
 ſi non faciſ, quod haud poſſumus omneſ, ſaltem ingenioſa-
 mam extendite. Prima laus eſt facere quę ſcribantur, pro-
 xima ſcribere quęlegantur. D I X I.

VERCELLINO MARIAE VICECOMITI,
Marchioni S. Alexandri, Tribuno militum, ac mun-
icipalis per Insubriam arcibus Praefecto.

Octavius Ferrarius Felicitatem.

Postquam Cornelio Tacito nullis tacendo seculis qualemcumque aduocationem commodassem, placuit defensionem in compendium mittere, magnam laudum eius partem arbitratus, quod tibi amplissima dignitate pradito, tantorumque aorum titulis insigni, & quod titulis omnibus praecellit, doctissimo, eum scriptorem in delicijs esse intelligerem. Quodque eum non omnium horarum modo, ac militarium expeditionum comitem circumferres, ac scribendo ad eius maiestatem assurgere contenderes: sed quandam illius fortuna ac vita imaginem referres. Ille si quidem non de plebe Quiritium, sola ingenij nota vulgo exemptus, sed summo loco natus, nec paupere clauio inter illustres equites principum dignationi par, nequaquam aetatem à Repub. procul habendam decreuit, aut scriptitando consenuit: sed in fori luce, atque in aula perpetuo versatus, rerumque summa admotus, Flauiorum imperio Belgicam prouinciam nemine Caesaris procurauit, mox Prator, & Consul, & praeclare agendo, & aliorum facta posteris prodendo inclaruit.

Tu in domo olim non Insubria modo regnatrice, sed totius ferè Italia imperium complexa, patre Senatus Principe editus, posito apud Belgas tyrocinio, per omnes militia gradus incertum consilio an manu promptior euectus, Italicis bellis Tribunus militum, arcta obsidione clausam Eporhediam corpore ager, ingenti ausu, ac discrimine, per inessas hostibus loca ingressus summa rerum omnium difficultate egregie tutatus es. Inde maximis belli pacisque negotijs admixtus, ad componendas cum Parmensi Duce res, & firmanda fœdera à Prorege Insubria in Hispaniam Legatus, eximia facundia tantam opinionem industria ac scientia bellica apud Regem maximum feci-

M 2

si,

dem, Arria milites orabat, ut simul imponeretur, non impetravit, conduxit piscatoriam nauiculam, ingensque nauigium minimo secuta est. Quinetiam cum Thrasea gener eius deprecaretur, ne mori pergeret, interque alia dixisset, Tu vis ergo filiam tuam, si mihi pereundum fuerit, mori mecum, respondit, si tam diu tantaque concordia vixerit tecum, quam ego cum Pato, volo, Auxerat hoc responso curam suorum, attentius custodiebatur. Sensit, & nihil agitis, inquit: potestis enim efficere ut male moriar: ne moriar, non potestis. Dum hac dicit, exiit cathedram, aduersoque parieti caput ingenti impetu impexit & corruit. Refocillata, dixeram, inquit, vobis inuenturam me quamlibet duram ad mortem viam, si vos facilem negassetis.

Filia huius Arriæ Thraseæ nupta tentauit & ipsa mariti suæ prema & exemplum Arriæ matris sequi, nisi obstitisset maritus, filiam tamen & generum in exilium secuta est. Et veluti hæreditaria esset hæc sanctitatis ac constantiæ in vna domo laus, Fannia huius filia Heluidij vxor auiam, & matrem, aut æquauit, aut supergressa est, cui vnicum quidem, sed verum elogium idem Plinius tulcrit. Nam cum illa ancipiti valetudine conficeretur, dolere se scribit maximam foeminam eripi oculis ciuitatis, non aliud simile visuris. *Qua castitas illius? qua sanctitas? quanta grauitas? quanta constantia? bis maritum secuta in exilium est, tertio ipsa propter maritum relegata: Deinde collegit. Erit sanè quam, postea vxoribus nostris ostentare possumus, a qua viri quoque fortitudinis exempla sumamus.*

Per fidem vestram, an alia vnquam vrbs gensque vniuersa, plura atque illustriora virorum ac foeminarum facta virtutisque miracula terris edidit? Quare diuino prorsus æternæ mentis consilio, ac Venetæ Reipub. auspicijs factum est, ut ex orbe vniuerso in hanc urbem orbis flos, ad capiendum ingenij cultum, ac maioris fortunæ paratum conueniret: nouæque hic omnium doctrinarum inuentrices, atque altrices Athenæ statuerentur. Ut, quod olim Romæ peculiaris laus fuit,

fuit, vrbs ista populorum ac gentium communis patria iure merito dici possit, saltē quacunque literarum pomœria extenduntur. Quæ res vrbs eiusdem gloriam ac merita in immensum auxit: cum illi sanctam castamque iuuentutis institutionem, animorum culturam, artesque omnes, quibus ciuilis ordo disciplinæ continetur, nisi ingratus esse velit, orbis debeat vniuersus. Contra ipsa vrbs pro tot laboribus atque vigiliis, quas excolendæ iuuentuti impendit, vnam quidem, sed amplam, altamque mercedem refert, quod non ea solum ingenia, quæ produxit, sed quæ inauditis Venetæ liberalitatis exemplis vndecunque accita aluit, & longo hospitij iure, virtutisque vsu ad gloriam prouexit, iure pro suis ostentare potest. Alibi viri nascuntur, hic magni fiunt, & fixis sedibus diuturna possessione Patauini iuris facti, suis quisque vrbbus natales, huic famam ac gloriam imputant. Ita præter immortales animas, quas supra memorauimus, licet aliunde ortos, in ciuium censu numerat, nulli seculo silendos, Paulos Castrenses, Socinos, Decianos, Pancirollos, Pacios, Mercuriales, Guilandinos, Veslingios, Piccolomineos, Cremoninos, Bonamicos, Sigonios, Robortellos, & his omnibus non tam carminum gloria, quam reparatarum in Italia literarum merito præferendum Frangepetrarcham, cuius penates ac suburbanum larem tanquam rem sacram aduenis monstrat, cuius sepulchro non minus quam Parthenope Maronis, Creta Tonantis tumulo gloriatur.

Te nunc appello, ad te conuertor, propter quam vniuersa oratio instituta est, blanda orbis spes, anxia parentum vota, florentissima pubes, liberali specie, atque ætatis honoribus, corporisque cultu, non humiles spiritus nec plebeiam indolem spirans. Te, inquam, appello, deuota sceptris ac tribunalibus iuuentus, sacrorum pars ac regimen futura, redditura ius gentibus, humanæ salutis, factorumque ministra, orbem, ac quandoque supremas orbis potestates con-

M

filio

VERCELLINO MARIÆ VICECOMITI,
 Marchioni S. Alexandri, Tribuno militum, ac mun-
 niendis per Insubriam arcibus Præfecto.

Octavius Ferrarius Felicitatem.

Postquam Cornelio Tacito nullis tacendo seculis qualemcumque
 aduocationem commodassem, placuit defensionem in compen-
 dium mittere, magnam laudum eius partem arbitratus, quod tibi
 amplissima dignitate pradito, tantorumque aurore titulis insigni,
 & quod titulis omnibus præcellit, doctissimo, eum scriptorem in deli-
 cijs esse intelligerem. Quodque eum non omnium horarum modo, ac
 militarium expeditionum comitem circumferres, ac scribendo ad
 eius maiestatem assurgere contenderes: sed quandam illius fortuna
 ac vita imaginem referres. Ille si quidem non de plebe Quiritorium,
 sola ingenij nota vulgo exemptus, sed summo loco natus, nec paupe-
 re clauo inter illustres equites principum dignationi par, nequaquam
 aetatem à Repub. procul habendam decreuit, aut scriptitando conse-
 nuit: sed in fori luce, atque in aula perpetuo versatus, rerumque
 summa admotus, Flauiorum imperio Belgicam prouinciam nomine
 Caesaris procurauit, mox Prator, & Consul, & præclare agendo, &
 aliorum facta posteris prodendo inclaruit.

Tu in domo olim non Insubria modo regnatrice, sed totius ferè
 Italia imperium complexa, patre Senatus Principe editus, posito
 apud Belgas tyrocinio, per omnes militia gradus incertum consilio an
 manu promptior euectus, Italicis bellis Tribunus militum, arcta ob-
 sidione clausam Eporhediam corpore ager, ingenti ausu, ac discrimi-
 ne, per insepulta hostibus loca ingressus summa rerum omnium difficul-
 tate egregie tutatus es. Inde maximis belli pacisque negotijs admix-
 tus, ad componendas cum Parmensi Duce res, & firmanda fœdera à
 Prorege Insubrie in Hispaniam Legatus, eximia facundia tantam
 opinionem industrie ac scientiæ bellicæ apud Regem maximum feci.

M 2 sti,

si, fideque atque obsequio ita tibi Herum propitiasti, ut amplissimis verbis ornatum, concilioque secretiori admotum, muniendis per Insulam arcibus praeferret, hoc est tanti Imperij custodiam, atque Italiae claustra fidei tuae crediderit. Nec multo post eiusdem missu apud Bavariae Ducem ob filij nuptias, fratrisque interitum, mixtam luctu ac gratulatione Legationem inusitato splendore ac magnificentia peregisti.

Hinc noua negotiorum series, ac moles, quantam vix alius caperet, nemo exitum habiturum speraret: operumque tuorum longe maximum ac difficillimum. Italiae extero dominatu liberanda, tuenda Italico Principum dignitatis, asserendi Casalae, ac depellendi seruitij, cui libertatis praetextum alieni imperij libido fecerat, negotium tibi demandatum est: quod nescio maiore animo susceperis, an felicitate confectum dederis. Certe Mantuae Dux consilio tuo, diuina inuicti Herois Carracena virtutes, in veterem possessionem, deturbato importuno inquilino, bona fide inductus, ante signa, in totius exercitus conspectu, tuam fidem, ac dexteritatem, acreque ac solidum iudicium prolixè laudauit, fassusque est pulcherrimo huius negotio, atque exemplo, te mentem, illum dextram commodasse.

Quis credat tot bellis, tot expeditionibus exercito, tot officijs, ac Legationibus implicito vacare potuisse, ut aliquid legeres, aut scriberes? Et tamen te totum ita literis à primâ aetate tradidisti, ita semper castrorum otium Musis interpellare, atque ab acie & Sole ad has umbraticas curas diuertere solitus es, ut is par sis, qui toto vitae tempore nihil aliud egerunt: nec facias modo laudanda, sed & scribas. Mitto carminum dulcedinem, quæis militares labores permulces: linguarum peritiam, interiorē literaturam, ac vetustatis cognitionem minime vulgarem: Latinae orationis cultus, ac candor in viro militari vix fidem inuenit, & hac à me ambitiose conquiri quis suspicari posset, nisi omnes isthic qui te norunt, me vero minora predicare scirent: atque in hac Vrbe recens adhuc memoria esset Gasparis Scioppij V. C. illius scriptorum censoris acerrimi, ac morosissimi, qui Latinas tuas epistolas aduentibus se non sine voluptate, atque admiratione frequenter lectitare solebat, atque in specimen Italiae

lica elegantia ostentare. Quas epistolas vidimus ab illo transcribi in librum, in quem veluti in album, amicorum nomen & ingenia referebat.

Quantum autem in Tacito profeceris, ut de alijs sileam, ipse non semel isthic, sed proximis mensibus, cum asinio secessu in patriam redijsem, facile intellexi. Cum vel domi in cætu procerum, ac flore ingeniorum, vel cum animi causa una curru tolleremur, abditos eius sensus facile expedires, præceptaque ac monita politica in digitos, atque articulos mitteres. Itaque hoc etiam referre Tacitum poterat res huius aui, quibus aut interfuisti, aut præfuisi pari fide, atque elegantia tradendo posteris, nisi idem pudor vetaret, qui reliqua ingenij tui monimenta hæcenus suppressit. In quò quidem ipse nec mihi nec patria deero, cuius maxime interest ista noscitari. Quod dum subcisivis horis molior, tu interim Tacito tuo ades, ut hoc quoque iudicium tuearis, qui illum præ ceteris deperisti. Dignus profecto veteris illius magni Insubris fortuna, cui, cum delatum à militibus Imperium, non sibi sed patriæ afferuisset, supremus felicitatis cumulus accessit Tacitus Laudator. Vale.

Patavij Idibus Decembris MDC LII.

PRO CORNELIO TACITO APOLOGETICA

Prolusio XVII.

E Leusinia sacra omnium olim mysteriorum religiosissima non tota simul tradebantur: sed aliqua servabant, ut Tertulliani verbis utar, quæ reuisentibus ostenderent. Idcirco, inquit, aditu prius cruciant, diutius inittant quam os signant, cum Epopas ante quinquennium instituunt. Si quis Cornelij Taciti Annales ciuilis prudentiæ mysteria, arcanis dominationum veneranda, a prophanorum accessu longe subduta appellet, non multum à vero aberrauerit. Itaque licet in eius adita octodecim annorum spatio studiosam iuventutem iterum, ac tertio admiserim, de more sacrorum profiteri pos-

sum aliqua adhuc superesse, quæ reuisentibus ostendantur. Et quamquam aliàs multa aduersus prophanos, tantique scriptoris contemptores disputauerim, antequam in ipsa penetralia cultores admittam, nouam defensionem præmittere opus habeo, quando noui criminatores quotidie insurgunt, totamque hanc sacrorum rationem, à quibus ipsi submouentur, inuidiose traducunt.

Operæ pretium est audire, quam leuia, ac futilia commiscantur, ut scriptorem præstantissimum studiosæ iuuentutis manibus excutiant. Primum omnium, non esse bonum Latinitatis auctorem contendunt: verbis incuriosum, sententiis obscurum, poetica licentia lasciuientem. Secundo, egregium calliditatis, ac fraudum magistrum, & machinatorum, suspicionibus indulgentem, male de Diis ominantem, atque Epicureum totum. Postremo, quod omnium opprobriorum complementum est, in historia mendacissimum.

Sed ut à primo ordiamur: quotiescumque doctorum virorum de antiquis scriptoribus sententiam expendo, sæpe in iis iudicium, interdum candorem, requiro. Omitto Horatii de Plauto, Quintiliani de Lucretio sententiam, quam eruditiorum omnium consensus rescidit: En ecce P. Victorius, vir alioqui præstantissimus, de Ouidio poetarum ingeniosissimo pronunciare non dubitat, eum ut oratione ac versibus, ita vita, ac moribus enervatum fuisse. A quo non longe distcedit Lambinus, qui eum malum Latinitatis auctorem appellat.

Quid? Disertissimus ac Latinissimus Muretus in præfatione ad Catullum, Martialem poetarum festiuissimum, atque acutissimum tantum non scurram de trivio nominat. Idem Troadas diuinæ Senecæ Tragœdiam, trivialis poetæ foetum dicit, quæ reliquarum Senecæ princeps est, & verus summi scriptoris partus. Contra Liptius Thebaidem foetum declamatoris obscuri Senecæ, adscribit, mirisque laudibus tollit, quam viri doctissimi tanto nomine indignam abdicarunt. Al-

per summus poetarum censor, Lucanum interdū latrare, non canere, videri sibi affirmat. Os hominis, ne dicam canis, qui vatem vno Marone minorem tam impudenter adlarrat? Memini etiam senem literatissimum, qui non ita pridem in hac vrbe ingenti literarum damno fatus functus est, adeo Sallustij memoriz infensum, vt non modo in ordinem cogeret, ac Latii iure exterminaret, sed cum Lenxo Pompeii liberto ipsi infenso, non minus scriptis, quam vita monstrosam, & priscorum Catonis verborum ineruditissimum furem diceret.

Eadem licentia atque audacia Tacitum quoque proscribunt, & imposita capitis diminutione extra Romanum cœlum proiciunt. Qui tandem isti, aut quibus demum ab oris? Andreas Alciatus vir summus, & qui primus Iurisprudentiam à barbarie ac sordibus, in Romanæ eruditionis splendorem vindicauit, nihil seculi sui, nihil posterorum iudicium reueritus, ausus est pronunciare Taciti dictionem præ illa Pauli Iovii esse senticeta, id est asperam, & dumorum instar siluescentem. Iuppiter anne audis? nec tibi nasus conrepat ab ira? Iouius Tacito antefertur? Cum sola comparatio inexpressibilem iniuriam tanto scriptori consistere possit. Pergit, & cum Aemilio Ferreto Tacitum non satis Latinè locutum pro imperio edicit. Quibus merito Muretus os verberat, quod ipsi infeliciter Latinè locuti, Cornelium læsæ Latinitatis arcessant. Hisce memoria nostra velut Optio accessit scriptor non obscuri nominis, qui licet Proludens, decretoriis in Tacitum pugnat, multaque in eo obseruat, quibus Latii ius violatum contendit. Sed qua fronte id egerit, haud satis scio. Editis enim historiis tam frequenter impingit, ac labitur, vt non solum Gaspari Scioppio V. C. qui censoriam virgulam in eum distinxit, stomachum mouerit, sed etiam mediocriter doctis admirationem incusserit, quomodo tantus Latine eloquentiæ professor, atque in ludo senex factus, in ea inciderit, quæ si adolescentuli peccassent in scholis,

natum iactura fuerant expianda.

Inuitus dicere cogor, & petita venia dico, iudicia hæc superba esse, absurda, inepta, magnisque viris prorsus indigna. Nam quod ad Sallustium attinet, quem præcipuè admauit, & expressit Tacitus, malo ego toti antiquitati credere, quam vni, aut alteri nouitio critico. Nam veteres omnes historici palmam Sallustio deferunt, vel vno teste Martiali. *Hic est, quem perhibent doctorum corda virorum, Crispus Romanus primus in historia.* Sane Quintilianus acerrimo iudicio præditus, non dubitat eum Thucydidi opponere, & inter cæteras laudes, quas T. Liuius merito tribuit, illa postrema est, quod immortalem illam Sallustii velocitatem diuersis virtutibus consecutus sit. Esse quidem vitandam Oratori Sallustianam breuitatem idem alibi dixit, quæ tamen in ipso virtutis locum obtinet: quia scilicet abruptum sermonis genus, otiosum & attentum lectorem minus fallat, audientem transuolet, nec dum repetatur expectat, cum præsertim lector non fere sit nisi eruditus: cum iudicem olim rura plerumque in decuriis mitterent, de eo pronuntiaturum quod intellexisset, nempe rudem atque ineruditum. Est quidem Sallustius antiquorum verborum aucupator morosus, vt noto epigrammate ipsi obiectum est. *Et verba antiqui multum furate Catonis, Crispe Ingurthina conditor historia.* Nemo tamen eum male Latine locutum dicere ausus est.

Eadem ratione de Taciti eloquentia, & Latinitate malo eidem Quintiliano credere, qui licet suppresso nomine de Tacito tamen locutus creditur. *Supereſt adhuc, & exornata ſtis noſtra gloria vir ſeculorum memoria dignus, qui olim nominabitur, nunc intelligitur. Habet amatores, nec imitatores, vt libertas quamquam circumciſis qua dixiſſet ei nocuerit. Sed elatum abunde ſpiritus, & audaces ſententias deprehendas etiam in iſis qua manent.* Malo credere Plinio iuniori, qui cum eloquentiſſimum fuiſſe affirmat, & hoc eximium habuiſſe, quod grauius diceret. Sunt aliqua non diſſiteor in eo ex Salluſtiana imi-

imitatione, vt illud, *fieri amat*, quod Græcorum imitatione à Sallustio factum Quintilianus notauit. Sunt & quædam verba non ita Latino seculo vsitata, vt *restaurare, in presentiarum*, quæ librariorum oscitantia irreplisse credibile est. Quamquam vltimum extare apud Nepotem sciamus: nisi & hoc illi Acilius Probus illeuit. Sunt aliqua poetice licentiæ propiora: sed ea raro admodum, ac modice vsurpata, nec Petro: nii iudicio abhorrentia, qui grandem, & quasi poeticam orationem esse oportere affirmat. Malumus ergo magnis hisce viris credere, quam centum Alciatiis, aut Feretris, aut minorum gentium criticis.

Cum præsertim hac ætate ii plurimum de Latina oratione iudicent, qui male ne dicam pessime Latine loquuntur, quod minime ferendum est. Quotusquisque enim nunc Latine aut scribit, aut scribere adlaborat? Dicam quod sentio, & quidem Latine, non accusatorie. Vix centesimus quisque est qui pure, atque emendate scribat: sed vix milesimus, qui an Latina oratio sit iudicare possit. Nam vt quis castam, atque elegantem orationem contexit, satis est, si paucos optimæ ætatis scriptores diligenter euoluat: vt de stylo iudicium ferat, omne genus scriptorum excutiendum est, ætates auctorum, ac tempora conferenda sunt, nec verba modo, sed & compositio, sed loquendi genera expendenda, vt sæpe vna dictio, vocula vna Latinitatis nitorem valeat infuscare. At nunc pessimo iudice vtimur, id est vulgo, cui semper deteriora placent: & quod olim Athenis Anacharsis mirabatur, sapientes orant, stultissimi iudicant. Ita plerique malunt cum Milesiarum auctore rudere, aut cū duriore alio lapides loqui, vel contra elumbi ac discincta oratione lasciuire, & quod humillimum, ac sordidissimum cacozeliæ genus Seneca pater existimauit, detractu, aut adiectione literarum nugas habere difficiles, quam puram, atque altius exaggeratam orationem ad veterum elegantiam exigere. Sed de his erit fortasse alius dicendi locus.

Re-

Redeo ad Tacitum, quem præterea obscuritatis vitio laborare eius Censores contendunt. Quod & Sallustio olim obiectatum est. De quo Seneca: *Sallustio vigente amputata sententia, & verba ante expectatum cadentia, & obscura breuitas fuere pro cultu*. Non is ego sum, qui cum Tacitum defendo cum aureæ ætatis scriptoribus Cæsare, Cicerone, Livio conferre velim, quorum prima, ac præcipua virtus perspicuitas fuit. Illud tamen contendo, hanc non tam Taciti, quam temporum culpam fuisse, cum scilicet Declamatorum sententiæ, atque acumina, quos vulgus *conceptus* appellat, orationem inuasent, atque obscuriorem reddebant: cum nihil expositum, & apertum placeret, sed reconditi sensus, ad quos intelligendos opus esset ingenio, in pretio essent. Hinc Seneca fatetur ætate sua, hoc est, non multum post Ciceronem, Latine homines loqui desisse, & Quintilianus non ita inferior, totum Latinum sermonem fuisse commutatum. Fuit ergo Sallustius suo pte ingenio, quod vix excusari potest, obscurus, Tacitus seculi vitio, quod omnes tunc ita fere scribebant. Quamquam duplex obscuritas est, alia verborum, alia sententiarum. In verbis nihil aut pauca admodum obscura in Tacito lector inveniet Latini sermonis intelligens: sententiæ, & acumina abstrusiora, sed non ita implicita, ut Delio natatore opus sit, quod isti comminiscuntur. Verum, quod aiebat Lipsius, scriptor aliquando non tam suo quam lectorum vitio obscurus est, qui semidocti, leviterque literis imbuti, atque à magistro recentes ad Taciti maiestatem hebescent, & quæ non capiunt ipsi, ne ab aliis quidem intelligi putant. Non absimiles vetulæ illi apud Senecam, quæ cum ætate obsurduisset, malum morem incesuisse dolebat, quod homines submissius loquerentur: aut illi, quæ oculis laborans de cubiculi obscuritate querebatur. Sichi plerumque inscitia cæcutientes manifesta in luce caligant.

Secundum accusationis caput erat sævum, atque atrox.

Ta-

Tacitum doctorem scelerum, fraudumque ac flagitiorum artificem callidissimum esse: Christiano nomini infensum: de Diis male, aut nihil sentientem: & vt omnia vno verbo complectar Epicuri de grege porcum. Quare cum Budæus omnium sceleratissimum prædicat. Idem senex doctissimus, quem Sallustio infestum initio dicebamus, pari in Tacitum acerbitate cum Machiauello deteriorem faciebat, quod scilicet hic male agendi præcepta traderet, Tacitus exempla. Porro, auctore Seneca, *longum iter esse per præcepta, breue & efficax per exempla*. Quod si verum est, plerique omnes scriptores Ethnici, non pauci sacri, flammis abolendi sunt, in quibus exempla scelerum vbique occurrant. Quis enim historicorum, fraudes ac scelera annalibus non condit, magnamque narrationis partem eorum recensitione non consumit? Liuii historia etiam puriori seculo tam virtutum, quam vitiorum foecunda est. Nemo Sallustii, nemo Trogi reliquias, nemo Græcorum annales sine humanæ conditionis aut accusatione, aut rubore percurreret. Hoc triste mortalitatis privilegiū est, vt nusquam simpliciter virtutes narrentur, nec veterum facta sine conuicio legantur. Ipsa sacrarum literarum augusta monumēta, horum sententia lectorem absterreere possunt: tam frequens ibi spissaq; scelerum, flagitiorumq; commemoratio est. Frater fratrem in ea mundi solitudine interficit, aut vendit: alter sorori miscetur: natus parentis cubile persultat, eidemque regnum ac vitam abrogare conatur: ipse Rex sanctus adulterio viri necem continuat. Filia parentem grandævum mero depositum, nurus vrede percuta incautum focerum ad incestum pelliciunt, & veterum Tragædiarum mala, aut renouant, aut docent. Contra nefarius alter omnia facit, ne quid de semine suo supersit. Regum vnus singulis noctibus virginum delectum habet, quarum pudorem imminuat, regiaque pellex magistro patris nocturnis amplexibus imminens sanctæ genti exitium depellit. Rex alter mortalium sapientissimus inter Reginarum

ac pellicum greges Numinis cultum ejurat. Et adhuc ſingulorum facinora loquimur. Perfidus populus Deo vitulum antepōnit: magnæ naturæ iniuriæ quinque vrbium rogo expiatæ, totumque humanum genus terrarum eluvione purgatum. Nullus finis ſclerum, nullus flagitiorum numerus. An igitur ſacra pagina legentibus Machiauello exitioſior tot malorum exemplis, per quæ breue iter eſt, longum autem per præcepta?

Quid aliud poterat Tacitus? In ea tempora inciderat, quibus mortales, ut ait ille, nec vitia ſua ferre poterant, nec remedia. Tempora virtutibus infeſta, quibus non pietas, non fides, nullus Deſum metus, ſed tyranni flagitiis pares ſclerumque magiſtri, ac vindices. Scriberet hiftoriam Tacitus, & hæc ſileret, aut diſſimularet? Præuicator, non ſcriptor fuiſſet. En quemadmodum ipſe Annalium argumentum vel inuitus profitetur. *Noſ ſana iuſſa, continuas accuſationes, fallaces amicitias, perniciem innocentium, eoſdem exitus caſus coniungimus. Eadem ad Hiftoriam præfatur. Opus aggredior plenum varijs caſibus, atrox prælijs, diſcors ſeditionibus, ipſa etiam pace ſavum. Quatuor Principes ferro necati, tria bella ciuilia, polluta ceremonia, magna adulteria, plenum exilijs mare, infecti cadibus ſcopuli, atrocius in Vrbe ſauitum. Nobilitas, opes, emiſſi geſtigue honores pro crimine, & ob virtutes certiſſimum exitiũ. Nec minus præmia delatorum inuiſa, quam ſclera. Odio ac terrore corrupti in dominos ſerui, in patronos liberti, & quibus deerat inimicus per amicos oppreſſi.*

Putatis iſta ſine ſclerum commemoratione narrari poſuiſſe, quæ faciunt vtramque paginam? At poterat non ſcribere hiftoriam Tacitus, fortasſe etiam ſuperſedere debuerat. Longe mihi alia mens eſt, Auditores optimi. Rem enim non ſolum glorioſam ſibi, ſed utilem futuris hominibus, ac neceſſariam feciſſe videtur Tacitus, cum ad ſcribendum adpulſit animum. Nec tam malorum, quam bonorum intererat, illa ſeculi dedecora, aulæ fraudes, ac machina-

menta,

menta , denique rogatorum latrocinia memoriae posterum prodi. Interest inquam Reip. interest humani generis, scelera, ac flagitia, censoria historici nota plecti, ut homines à peccando posteritatis, atque infamiae metu absterreantur. *Præcipuum inquit noster, annalium munus esse reor, ne virtutes sileantur, usque pravis dictis factisque, ex posteritate & infamia metus sit.*

Sed quem fructum ex tristi illa ac foeda turpium exemplorum ac fraudum commemoratione boni viri haurire possunt? Ut scilicet fraudibus caueant, retnasque ac fallacias improborum alieno periculo cauti euitare possint. Si intra monachorum septa, cellasque anachoretarum viuendum nobis esset, veluti extra mundum proiectis, aut solum cum bonis versandum, non ingratum modo, sed etiam superuacaneum esset ista perlegere, quibus animi tot vitæ malis ingemiscant. Sed magna pars nostrum, aut in foro versatur, hoc est in ipso stropharum regno, ac fallaciarum mercatu, vbi imposturæ vltro citroque comneant, & vili pretio parantur. Aut viuendum in aula, idest, in fraudum ac simulationum officina, vbi nullus consenescit, nisi qui iniurias accipiat, & gratias agat. Per fidem vestram, in hac vmbatica, ac sedetaria vita, quantum obrectationis, falsa laudum imagine, quantum occultorum odiorum, quantum municipalis æruginis, quantum malefici risus, ac pestiferarum blanditiarum? Astus & doli vndique circumstant, fallaces amicitiae, infida societas, insidiae, illecebrae, subdola perfidia: fingere vultum tam pronum est, quam omnia odisse, odiaque in longum iacere, ac recondita promere, culpae omnia, ac dirarum alitum more tenebris quoque suis, gemitu, (quæ sola eorum vox est) inuidere. Nusquam profecto gentium tam necessaria Taciti lectio est, ut simulationem simulatione excipiamus, & opertum blanditiis liuorem, falsosque risus, atque in gratulationem vsque effusam maleuolentiam, ita intelligamus, ut non intelligere videamur. Aut hominum coetus

tus vitandi sunt, aut æmulo non sincere ridenti arridendum: callidè sensus tuos captanti, ij in obsecrum magis atque implicitum inuoluendi, & veteratoris ars, etsi natura pugnet, pari artificio eludenda.

Non leuiori inuidia Tacitus oneratur, quod perperam de Diis, ac religione senserit. Nam Historiarum initio hæc habet. *Nunquam atrocioribus populi Rom. cladibus, magisque iniis, indicijs approbatum est; non esse cura Dijs securitatem nostram, esse ultionem.* Adeo ut ipse Lipsius, qui tantum Tacitum non adorauit, eum tanquam Epicureum traducat. Sed eum Bocalinus scriptor haudquaquam spernendus ita defendit, hæc in eam sententiam dicta esse, quod tanta populi illius scelera ac flagitia essent, ut Diij immortales ultionem, quam securitatem curæ haberent. Nullus tamen ex his verbis eum Epicureum fuisse colliget: quod miror Lipsium fecisse. Nam ex Epicuri sententia Diij res humanas non curabant, nec virtutibus propitii, nec infensi sceleribus erant. At hic Tacitus Deos scelerum ultores inducit, & flagitia hominum vindicantes. Sæpe etiam alibi interesse Numen humanis rebus proficetur: ut Historiarum I I I. *Dijs propitijs, si per nostros mores liceret.* Ergo si illis ultio cordi est, id vitio mortalium euenit, qui non patiuntur iracunda Iouem ponere fulmina.

Alibi tamen aliqua sine Deorum cura euenire conqueritur, idque ex Epicuri castris. Sed ridere ego soleo eos, qui homini ethnico, & religionis nostræ lumine destituto, vertunt vitio, quod fuerit Epicureus. An reliquæ olim philosophantium sectæ innoxæ, scelerumque immunes fuere, præcipue Stoicorum, quos solos pene philosophos Cicero existimat, superbissima, atque impia, quæ sapientem suum Deo æquauit, ne dicam prætulit? Num magis impius in Deos est, qui negat eos rerum humanarum commercio, ac tristi ministerio fœdari, an qui vilissimis homuncionibus comparat, & fere postponit? Præclare à Plutarcho dictum est de superstitione: minus peccare qui Deos esse negant, quam qui eos adul-

adulteros, fures, iracundos, atque hominum simillimos trahunt . Nam qui Socratem esse negat , minus certe lædit , quam qui eum nequam, ac vitiis coopertum dicit .

Non hic Epicurum defendimus , quem Christiana Philosophia merito proscribit : sed si cum ceteris insanientium sapientum deliramentis conferatur, non ita malum fuisse videmus , qualem eum malevoli homines prodixerunt . Deos a rerum humanarum procuratione abdicat Epicurus , nihilo minus propter perfectionem divinæ naturæ, cultu ac veneratione afficiendos esse censebat . Irridet hoc Cicero de Natura Deorum . Sed nescio quam prudenter . Quasi non ob aliam causam colendi sint Dii , quam quia beneficia præstent mortalibus . *Sanctitas* inquit *est sciëntia colendorum Deorum: qui quamobrem colendi sint non intelligo, nullo nec accepto ab iis, nec sperato bono.* Sed paulo infra idem Cicero colligit, eorum qui amant amicum utilitatis causa, non esse amicitiam, sed mercaturam quandam utilitatum suarum . Sic Epicurus dicere poterat, eos qui bonorum causa Deos colerent, deteriores illis esse , qui ob eximiam singularemque naturam venerarentur : illos non tam sanctitatem , quam mercaturam utilitatum suarum exercere .

An vero tam malus & infamis fuerit Epicurus , volo vos Stoicum hominem interrogare, qui haud dubie Latinam porticum fulcit . Seneca epistolas fere omnes , quibus morum sapientiam complexus est , Epicuri sententiis claudere , atque obsignare solet , eiusque dicta tanquam emblemata orationi inferere . Idem de Vita beata . *Mea quidem, inquit, ista sententia est (inuitis hæc nostris popularibus) sancta Epicurum, & recta præcipere, & si propius accesseris, tristia .* Mox subiicit . *Itaque non dico quod plerique nostrorum, sanctam Epicuri flagitiorum magistram esse . Sed illud dico, male audit, infamis est, sed immerito . Non hoc scire quisquam potest, nisi interius fuerit admissus .* Demum alibi refert Epicurum illum magistrum voluptatis, certos dies habuisse , quibus maligne famem exting-

guc;

gueret: nam ipsum scribere ad Polyenum, & quidem gloriari non toto *asse se pasci*: Metrodorum, qui nendum tantum profecerat, *toto*. In hoc tu victu saturitatem non putas esse? & voluptas est. Voluptas non illa lenis, & fugax, & subinde reficienda, sed stabilis, & certa. Non enim incunda res est aqua & potentia, aut frustum hordeacii panis: sed summa voluptas est, posse capere etiam ex his voluptatem. Quod & Laertius & alii confirmarunt. Denique Epicurus ille est, qui cum acerbissimis lateris doloribus, atque intestinorum vlceribus cruciaretur, iam morti proximus exclamavit: *beatissimum hunc, & ultimum diem ago*. Non fuit quidem Tacitus Epicureus: sed si fuisset, non erat quod illi Ethnico hæc secta aut pudorem imponeret, aut infamiam.

Ultimum accusationis caput erat, non minus acerbū, fuisse eundem in historia mendacem, siue ut Tertullianus loquitur, mendaciorum loquacissimum. Ob eam præcipue causam, quod in tradenda Iudæorum origine mira quædam, ac putenda de ea gente commentus sit, Historiarum v. Scilicet Iudæos ad exonerandam Aegyptum eiectos, atque exterminatos, cum vastis solitudinibus errarent, sitique præcipue fatigarentur, conspectum asinorum siluestrium agmen aquas demonstrasse. Iudæos huius beneficii memoria Asini caput templi penetralibus sacrasse, inde creditum à Iudæis Asinū adorari: quæ contumelia ad Christianos Iudæorum traduces defluxit, quibus gentilitatis livor hanc tardæ pecudis adorationem obiecit, eosque Asinarios dixit. His similia non pauca ex vano Tacitus hausit. Quæ si in præsentia tueri velim, non amens modo, sed impius sim, sacrorumque oraculorum violator. Eum tamen non sponte aut dolose aduersus veritatem peccasse, cum res externas narraret, facile credet, cui rerum Romanarum incorrupta fides, ac narratio cognita sit. Nam cum Iudæi res sacras, præcipue historias cum Ethnicis, ne prophanarentur, non communicarent, imo eas summo studio, ac cura supprimerent, necesse habuit Tacitus communem sequi errorem, & cum à Iudæis petere
non

non posset , quæ ab aliis vtcumque tradita erant, memoriæ consignare. Quanto enim turpiora, falsaque magis, & ridicula, Appion, Trogus, Strabo, alii de Iudæis scripserunt , quæ a nobis afferentur , cum illuc ventum fuerit ?

Potuit etiam Tacitus Tertulliano stomachum mouere , quod de Christianis inclementer locutus sit , & crudeliter pereuntibus fauerit. Sed huic accusationi pridem a viris doctis, præcipue Bodino satisfactum est . Nam quemadmodum Marcellus I.C. meretricem turpiter facere respondit , quod sit meretrix: non tamen turpiter accipere, cum sit meretrix . Ita quoque impie fecisse Tacitum , quod non fuerit Christianus : sed non impie aduersus nos scripisse , cum gentili superstitione obrutus esset . Impie facturum fuisse, si quam religionem veram iudicabat, non eam quoque tueri , & contrarias euertere conaretur . Cum enim Christiani , & Hebræi quasi venefici , & omnium scelerum , ac flagitiorum rei , ac damnati ad supplicia quotidie traherentur , neminem historicorum à verborum contumeliis abstinere potuisse . Si hoc scelus est , multo maiori scelere obligandum Vlpianum , qui septem libros de torquendis Christianis, non ad historiæ cognitionem , sed ad suppliciorum acerbiteriam , scripsit . Sceleratissimum quoque Suetonium , vt de ceteris sileamus : sceleratissimum Iunio Plinium , qui eos teteris suppliciis affecit .

Hoc vnum Tacito condonetur : in reliquis, an historiæ leges , quas sibi seuerè præscripserat , excesserit , in sequenti Acroasi cum Deo examinabimus .

FREDERICO TERTIO DANIAE ET NORVE-
giae Regi Pio. Felici. Inuicto.

Octavius Ferrarius Victorias Triumphos.

Germaniam tuam, quàm grauidam Imperijs, tam ingeniorum
satura Orbis fastigio parem, tibi sistere ausus sum Rex Maxi-
me, non solum quia magna eius pars id unum iactat, quòd nutus
tuos respicit, mansuetudine resouetur: sed quod tu summus inge-
niorum aestimator, ac fautor, claritudine studiorum etiam extra Ger-
maniam, quacunque literis honos est, in animis hominum regnas.
Ita incertum est, plus ne tibi Regnum tuum, an vniuersa gens debeat.
Illud enim inaudita parentis tui summi Imperatoris viriute, ac for-
titudine ab interitu ereptum, eo rebus humanis exempto, cum sine
capite discordia membra trepidarent, iterum periisset, nisi tu ante
votis omnium Imperio destinatus, quàm electus ita subuenisses, ve
nunc tam propè à felicitate sit, quàm olim ab exitio. Quare quo po-
puli tui pietas in te publica salutis auctorem testator esset, inusitato
exemplo eodem anno, quo rerum summae admittus es, filius, digna
parente proles, omnium ordinum suffragiis tibi in Imperio successus
est. At Germania tota prater tot laureas, ac trophæa hoc tibi nomi-
ne obstricta est, quod inter continua bella, atque intestinas discor-
dias silentibus, aut profligatis literis novum, sidus affulseris, & Re-
gno pacem, pacis decora, atque ornamenta, magnumque exemplum
provincia redonaris.

Sed Imperatoriam laudem, victoriciæque arma uberem posteritati
materiem clari scriptores procudent: Sacra hac tutela literarum,
cultusque plusquam Regius presentium studia ac venerationem ad-
uertit, teque tanto supra ceteros Reges attollit, quanto illos penè in
ordinem cogit hoc ipsum, quòd hanc laudem esse priuatorum arbi-
trantur. Tu contra aeterna fama, quæ inde paratur studio flagrans,
conbitur Imperio, ut discipularum omnium Emporium isthic ex-
cites

cites, virorum delectum habes, quos ad exteras gentes, ac mundi vltima emittas, ut nobili commercio immortalitatem negotientur, nouisque gloria veltigalibus Musarum Cimelia locupletent. Rursus praeclara toto Orbe ingenia contrahis, atque amplissimis conditionibus prolicis, ac sola literarum commendatione notos tibi homines inauditis Regia magnificentia exemplis obruis. Versatur adhuc in ore fama, & quo inusitator hoc seculo res est, venerantium gaudio celebratur, qua tu comitate, quibus officiis non ita pridem priuatum hominem, sed eruditionis miraculo habitum aut summum (ingenti nuper literarum damno literis, ac terris ereptum) exceperis, auxeris, conuictui adhibueris, inuidiosisque muneribus ditatum Regio curru in triumphis speciem per ora populi ad usque Imperii fines veluti pompam circumduxeris.

Nec mirum abs Te literas tanti fieri, quae, te vulgo Principum eximere: quas non ambiciose, sed interius, ac solidius coluisti. ut nihil magis in aliis admireris, quam quo ipse praecellis. Harum causa ubi de tanto fastigio descendisti, hoc vno tamen Regiam indolem obtines, quod vinida atque excelsa mens tua inter plebeia fludia, atque umbraticas curas serpere dedignatur, sed superas domos scandens, totique diuinitati immissa, Mathematicas disciplinas non esse rem priuatam testatur: cum tu Geometrico pulvere rerum magnarum simulacra iudas, aciesque, ac praelia, capiasque aut defensas urbes abaco mediteris, & quem victoriis Orbem peragasti radio describas: ut nimirum tui fama terrarum finibus, ingenium aeternis illis ignibus circumscribatur.

Sic petitur Caelum: sic duo sidera (duos Germania oculos) eodem in axe pulsus Trianibus perpetim excubantia, atque vnum Sidoniis, alterum Pelasgis puppibus propitium, sed virumque Orbi, ac naufragis literis salutare attonita mortalitas veneratur. Res seculis inaudita. Duas maximas potestates inter se olim de Imperio, nunc de gloria atque ingeniorum patrocinio amulatum agere, ac beneficiis in rem literariam decertare. Itaque huc oculos, huc vota mortales vertunt. Neque tamen vllus, qua solemnis in Principes assensatio est, vrbis serum in aethera excessum precatur: quando humani gene-

ris consensus vinētes vos illuc retulit, nec coacta Apotheos vestro lumine Cælum illustrius fecit. Inde tu dexter ades, ac pacato vultu ista excipe, propter quem vnum, si non essent tot alia, cunctis terrarum Germaniam præferri, tam aquo animo humana gentes ferunt, quam eius Imperium patiuntur.

Patanj Nonis Decembris MDCLIII.

DE GERMANIÆ LAUDIBVS.

Prolusio XIIIX.

Vigesimus annus incipit ex quo me Veneta Maiestas spei vestræ admouit. Per id omne tempus ex Orbe toto delecta iuventus, Orbis ipsius spes, atque humani generis flos delibatus, magnarum animarum incrementa, ac seculi vota, Christianæ Reipublicæ columen, & futura Respublica, interioribus literis, atque omni studiorum amœnitate ad magnæ fortunæ cultum erecta vnâ mecum immortalitati operata est. Grande huius operæ, ac qualiscumque laboris mei pretium simul & incitamentum, cum non in totum eiectas, ac profligatas has literas cernerem, quas linor, & incuria, & quorundam hominum, qui sua tantum admirantur, supercilium penè scholis profligauerat: sed resurgere afflictas, paulatimque redire honorem his studiis, quibus solis, inter tot artes, ac disciplinas humanitatis titulus adhæsit: simul auctam quotannis discentium alacritatem, novos ingeniorum proventus, ac nobilem frequentiam, non tam corpore, quam animo hæc subsellia implentium contemplerer.

Nam cum aliàs in tanta Gymnasij celebritate ingens circa Rhetorem solitudo spectaretur, solasque interdum cum Apolline Musas in schola præceptor adhiberet, & cum nemo auriculam opponeret, ne antestari quidem posset, passimque adolescentes eo confluerent, quo ambirus, blandaque frequentiæ conciliatrix lauræ spes, ac metus contraheret.

heret. Cum præterea inanis persuasio teneras mentes occupasset præ artibus, ac scientiis quæstuosus esse infrugiferas has literas, atque esuritionis magistras, imo si Deo placet infra Grammaticæ vilitatem deiectas, augmentibus inuidiam, qui nihil huc præter ieiuna præcepta, & aridas disputationes afferebant: & ideo iuventus scholarum ergastulis paulo ante soluta, omnem primæ literaturæ imaginem tamquam pueritiæ rudimenta, ac captiuitatis notam auersaretur, atque hæc loca veluti pistrinū exhorresceret: si qua fides, cum primum huc appuli, nihil magis metui, quam ne subsellijs, ac mutis parietibus occentarem, nisi vellem auditores misere corradere, nec duraturam frequentiam sordidis precibus, atque indecora prensatione redimere, ac pro literario Imperio omnia seruiliter facere.

Sed virtute superum, ac mortalium fauore, siue sorte quadam, quæ etiam hæc vmbatica negotia versare amat, siue nonnulla nostra industria, ac dicendi mediocritate effectum est, ne in humani generis conuentu soli spectaremur, eoque ludibrio interim careremus, artis dicendi professione, captandi eos apud quos diceremus. Nam si ars ista tota popularis est, atque eloquentiæ effectus audientium approbatio, fatendum est nobis sæpius ingenium, ac dicendi virtutem, quam auditorium defuisse, idque auditorium, quod non tam numeres, quam æstimes, & stipante vastam exedram non tantum iuniorum corona, aut fecisse nos fucum auditoribus, aut oratores visos esse.

Ceterum cum circa docentem veluti maris æstus sit, continuo auditorum accessu, ac recessu, quibusdam dum inter professores iactantur, & fluitant in studiorum ratione peregrinantibus, ac Scytharum more ingenii pascua quotidie mutantibus, ij mihi præcipua laude semper digni visi sunt, qui toti his studiis dediti, totique in hanc curam ac cogitationem compositi, ita hoc curriculum confecerunt, vt reliquis industriæ, ac sedulitatis specimen præberent. Nolo

quidquam ceteris nationibus detractum: sed Germanica iuventus generosæ indolis, mansuetudinis, ac modestiæ animiq; laboribus inuicta à condita Academia singulare exemplum semper fuit. Itaque non præter rem facturus videor, si studiorum auspiciis gentis decora breuiter complexus, tot in me officiis meritisque ingentibus satisfaciam, simul reliquam iuventutem præcipuæ Italos nostros ad eorum mores ac studia æmulanda accendam.

Neque tamen tantum mihi animi, aut virium, aut denique otii superesse video, vt inuictæ gentis Martium robur, Imperii sedem, Augustale decus, laudesque immensas mente concipere, ne dicam angusto orationis gyro stringere audeam. Romam illam inclitam, Orbis dominam, Deorum sedem, gentiumque Deam, Germanorum armis rerum humanarum fastigio detractam: profugam Quiritium maiestatem: Phrygios Penates iterum victos, iterum extorres, gentisque Iuleæ sacraria hostium potita: septem collium arcisque Tarpeiæ verticem deiectum: concussum Capitolii culmen: Rhe-no Tiberim famulantem: viatrices Aquilas vtrumque Solem permensas, cum Imperii Diis translatas: Romana pila, capti- uos fasces, fractos currus, palmatas, ac trabeas, Orbisque spolia victoribus detracta: nec tam redditas clades, ac refixa trophæa, quam pro extrema Germaniæ lacinia tentata magis quàm victa, in principe terrarum, Orbisque domitore populo, Orbem totum sub legibus missum.

Quamquam eadem vanitas, quæ cuncta terrarū ab Espe- rio cubili ad solis ortum Quiritium armis subacta prodidit (inuictis Parthis & numquam sine clade lacessitis, parique Romanæ magnitudini Arsacidarum imperio) eadem inquam vanitas Germaniam terram Romano seruitio pressam futili mendacio commenta est. Non alio vtar, quam Romani summi scriptoris testimonio, qui hostium laudator eorum mores victuro æternum libello complexus est. *Sexcentessimum, inquit, & quadragesimum annum Vrbs nostra agebat, cum primum*

Cim.

Cimbrorum audita sunt arma . Ex quo , si ad alterum Imperatoris Traiani Consulatum computemus , ducenti ferme & decem anni colliguntur : tamdiu Germania vincitur . Medio tam longi aui spatio multa inuicem damna . Non Samnis , non Pœni , non Hispania , Galliaeve , ne Parthi quidem sapius admonuere : quippe Regno Arfacis acrior est Germanorum libertas . Quid enim aliud nobis quam eadem Crassi , amisso & ipso Pacoro infra Ventidium deiectus Oriens obiecerit ? At Germani Carbone , & Cassio , & Scauro Aurelio , & Seruilio Capione , M. quoque Manlio fuscis , vel captis , quinque simul Consulares exercitus Populo Romano , Varum , tresque cum eo legiones etiam Casari abstulerunt . Nec impune C. Marius in Italia , D. Iulius in Gallia , ac Nero , & Germanicus in suis eos sedibus perculerunt . Mox ingentes Caii Caesaris minæ in ludibrium versa . Inde otium donec occasione discordia nostræ , & civilium armorum , expugnatis legionum hibernis , etiam Gallias affectauere , ac rursus pulsæ inde proximis temporibus triumphati magis quam victi sunt . Ita est triumphati magis quam victi à Romanis Germani sunt , nisi discordiis intestinis attriti fuissent , eo ipso tempore de Romanis triumphaturi . Quod nequaquam idem scriptor dissimulat , & ad extremum pro Imperii Romani incolumitate Germanorum discordiam vouet . Nam ubi Bructeros ab Angriuariis pulsos , ac deletos memorat , id quodam fauore Numinum erga res Romanas contigisse subiicit . Nam ne spectaculo quidem , inquit , pralii inuidere : super sexaginta millia non armis telisque Romanis , sed quod magnificentius est , oblectationi , oculisque ceciderunt . Maneat quaso duretque gentibus si non amor nostri , at certe odium sui , quando urgentibus Imperii fatibus nihil iam prestare fortuna maius potest , quam hostium discordiam .

Ita demum vrgētibus fatibus Romanum Imperium ad Germanos fortuna , inuictaque virtus transtulit , Orbisque qua vi , qua metu , subactus in venerationem compositus , Germanica signa adorauit . Ac ne qua pars mundi vacaret , Austriaca domus vastissimos terrarum tractus , ignota littora , insularum immensa spatia , ac naturæ deficientis terminos adiecit , ut intra eius fines utrumque Sidus curreret

Omniaque errantes stella Germana viderent.

Nullum inde per tot secula aut memorabile bellum, aut insignis victoria sine gentis huius armis peracta est: nulla acies sine Germanorum robore stetit, & siue suorum ductu, siue alienis stipendiis mererent, in qua exercitus parte conspecti sunt, ibi victoriae fiducia & instrumentum fuerunt. Ingentia corpora, præualidi artus, nec tam Rheno quam militari disciplina durati, inderuendi

In ferrum mens prona viris, animaque capaces

Mortis.

nuda quandoque pectora pro vallo obicere, ante vitam, quam fidem deserere parati: ut ipsi olim Romani Cæsares, & secuti inde, exteri Reges, ac Principes, damnata popularium fide, solis Germanis corporis custodibus ad hanc diem animas credere consueverint.

Sed forsan ineptè atque intempestivè horrentia Martis signa scholis admouemus, ac veluti tubarum cantu Musis obstrepimus. Pacis studia, atque ingeniorum fructum exequi præsens cura est. In quo quidem inepta quorundam atque acerba iudicia satis mirari, & excusare non possumus, qui esse Germanis opacas mentes, obrusum pectus, plebis Abderitanæ corda, lenta, & fidere suo torpentia ingenia, & si Deo placet humeris demersa, væ cordes ipsi, atque hel-leboro procurandi prædicant. Quis enim ita iratis Diis, ac Musis viuit, ut ignoret Germaniam, sicut olim informem terris, ut ait ille, asperam cœlo, tristem cultu, aspectuque: post vicis, ac pagis consistam, maximis ac florentissimis Urbibus veluti coronatam, omnem humani cultus speciem accepisse: ita ingeniis, ac literis mitigatam, nouam veluti faciem induisse, artiumque omnium, ac disciplinarum studiis nulli prouinciarum, etiam quæ mitiori Cœlo fouentur, secundam, prodigiosis nouorum operum, atque incognitarum machinarum inuentis, gentes omnes ac populos sicut armis deuicit, ita ingenio superasse. Ut nec falso, nec im-
merito

merito Io. Bodinus homo Gallus sic statuerit, nullum in Orbe illustrius, quam Germanorum exemplum extare, *qui cum à feritate non procul abessent, cum in paludibus olim, ac siluis ferarum more vagarentur, cum semper à literis abhorruissent, proximis annis tantum profecisse, ut humanitate Asiaticis, militari disciplina Romanis, religione Hebrais, Philosophia Græcis, Geometria Aegyptiis, Arithmetica Phœnicibus, Astrologia Chaldaïs, opificiorum varietate populis omnibus superiores esse videantur.*

Incredibile memoratu est, quam celeriter, ac feliciter gens olim horrida, ac belli studiis asperrima, scientias omnes, ac disciplinas non attingerit modo, arripuerit, hausserit: sed auctas atque amplificatas ita propagauerit, ut reliquas gentes, ipsum Latiale caput hoc decore spoliauerit. Immensi laboris esset Germanicos literarios fastos euoluere, ingentesque animas, quæ tot editis monumentis adhuc vivunt, & spirant, victuraque seculis scriptorum nomina per censere. Scilicet inuicta bello natio, terrarum sui que victrix, labore quoque inuicta, rudis voluptatum, corpori imperitâs, infatigabilis, ac penè terrea, affixa pluteo, & chartis noctes diebus iungens, & licet amica Baccho, plus interdum oliui, quam vini profundens, bibliothecis demersa, novos quotidie foetus, novas lucubrationes extundit, non huic modo seculo, sed populis nepotum exsudans, non tardis, sed grauius, ac maturis ingeniis, rapidas mentes, atque igne quoddam volucres, & ideo leues, nimiumque acumen, ac desultoriam studiorum rationem facile contemnit, certe desidia, ac segne orium, literarumque contemptum iis populis obiecit, & conuicium regerit, à quibus aliquando barbara appellata est: & apud quos nunc barbaries grassetur, humanitas exulet, minime barbaris, minime obtusis diiudicandum relinquit.

Vel vni hodie Bataui Germaniæ portio non magna, sed ipsius Germaniæ Germania, vel ut cum Tacito loquar, *Bataui Germanorum virtute præcipui, ita olim Romani Imperii pars, ut*
exem-

exemptionibus, & collationibus, tantum in usum prætorum sepositi, veluti tela, atque arma bellis reservarentur. Vniquam Batavi sicut memoria nostra cum Regum maximo tot annos ex æquo disceptarunt, & constrato maximis classibus Oceano novas terras aperuere, atque ultra solis terminos Imperium porrexerunt: ita ardente adhuc sævissimo bello, pulsus aliunde literis ac disciplinis, stabile domicilium posuere; tanto maximorum ingeniorum prouentu, accitis etiam aliunde bonarum literarum principibus, ut plurimos illo Germaniæ angulo omni scientiarum laude præcellentes hodie publica veneratio numeret, quorum vnus vel maximam provinciam collustrare possit. Quod si intimos gentis vniuersæ recessus, ac veluti sacraria penetrare fas est, hebescit acies, ac trepidat novum Germaniæ, ac literarum sidus suspiciens, cuius tepore Arctoæ partes discussa æterna hieme perpetui veris faciem induere, naturæ miraculum, Christinam Augustam solo literarum titulo non Regium modo, sed humanum fastigium supergressam:

Sed sit etiam penes alias gētes literarium hoc decus: nam ut de ceteris sileam, & Gallia hodie, & Britannia omnium præclarissimarum artium, præcipue bonarum literarum cultu haudquaquam Germaniæ concesserit. Vna tamen laus est, de qua nemo cum Germanis descendere in certamen ausit, novorum, ac veteribus incognitorum operum multiplex inuentio, queis non solum reliquas gentes, sed se ipsam, sed naturæ captum, ac fidem Germania superavit.

Occurrit primo nescio horrendum magis an admirandum Germanici ingenii inuentum. Noua belli machina, incertum iratis ex prouocatione, an propitiis Diis excogitata, naturæ trepidantis terror, Urbium strages, nouaque præceps addita fati via, terrestre fulmen, ac Coeli tonantis imago. Non qualia veterum bellica tormenta, ætatis huius ludibrium, quæ funibus tenta, post longas moras stridente neruo lapides, aut hastas ignauo pulsu emittebant. Sed intra

cavum æs exiguo pulveri demersa flammæ semina, stipata ferro, vbi ad motum spiraculo ignem concepere, non diu luctata pestis erumpit, densaque fumi nube intermicantibus fulgetris immanes ferreos globos, ac volitantium pilarum procellam, cum horribili impulsu ætheris sonitu effundit. Ecquamuvis dispar machinæ forma, vis eadem. Nam minores tubi & breviores rotatæ ballistæ, quibus tantopere iuventus gaudet, exiguo missili sæpe vno ictu non vnam mortem ferunt. Sæuius mortariorum ac bolidum ingenium. Illa supino hiatu recta in Cœlum tonant, ac veluti fulmina retorquent, ingentiaque saxorum pondera, ne qua pars periculo vacua esset, supernè casura eiulantur. Hæ cæcis ignium conceptaculis siue manu missæ, siue mortariis eiectæ, vbi impetu suo dissilucere, serpentibus vndequeque flammis crepitantia incendia spargunt, nullaque vetante materia, quos peremere, funerant.

Mille doli formæ, atque ingeniosa capitalis perniciēs. Nam ne quid tutum, aut satis clausum aduersus hanc vim foret: cum sæpe magnarum vrbiū munimenta, validæque arces, aut ingenio loci, aut opere, vastisque aggeribus & impenetrabili laterculo bombardarum fulminibus imperniæ sint, fartumque cespite vallum longæ verberationi responsset: versa in tormentum tellure, effossis sub ipsa munitione cuniculis, ac nitrato pulvere stipatis, minimâ scintilla conceptus intra specum ignis exundans, ac furens, qualis Aetnæ vertice erumpit, verius inferum fulmen, ac Summani manubiæ, non telluris modo dorsum concutit, ac vibrat, sed horrendo mugitu ruina iter faciens, fractas cautes tamquam stipulas secum rapit, ingentesque euerfas turres, atque immania funditus convulsa propugnacula contorquet, ac cœlo impingit, & volitantibus inter saxorum fragmina semivultulatis corporum truncis, picea caligine cœlum, viro- rum ac mœnium strage, altoque cinere subiectos late campos obruit. Non semel velut in ludibrium iactatas per inane

ne turres, atque emota in sublime mœnia, iisdem vestigiis integra deponit, iisdem fundamentis sistit.

Et quisquam post hac poetarum mendacio præbebit aurem? Promethea, quod ignem ætherea domo subduxisset, Caucaſo affixum: longe audaciorẽ Salmonea, quod lampada quassans, olympi sonitum, & non imitabile fulmen simulasset, crudelibus pœnis Tartaro adaçtum. Cum impune fuerit Germano homini obscuro, eidemque cucullato, non fumeo tædarum lumine brutum fulmen ementiri: sed tela Iouis manibus, nequaquam in templa sua, aut immeritas arbores casura deripere, eoque vel inuito tonare. Quod si corundem poetarum more ludere fas esset, libenter Iulium Scaligerum audiremus minime poeticè talia iactantem: *Pace tua dixerim Iupiter fulmina nostra sunt terribiliora tuis. Age coge nubes ut tonare queas: nos etiam te tranquillo, ac sereno, iratum regnum tuum faciemus.* Sed noxium inuentum est, atque execrabile: sed vitæ inimicum: sed humani generis sublato fortis, atque ignaui discrimine perniciēs: sed sæua latrocinatio, ac capitalis perfidiæ telum. Quasi non eadem sit sagittarum missiliumque omnium inuidia, eoque acrior cum tingerentur veneno, & aliquid nocentius ferro adderetur, ac pugnaretur aliena morte. Nam & reliquo ferro, quo carere non possumus, simili modo vtimur. Hæc, & illa, Urbium, atque hominum tutelæ inuenta sunt, nos vitæ pestem fecimus.

Sed sit aliquod huius machinamenti maleficio, præsto erit innoxium Germaniæ munus, quo ne maius quidem optare à superis possimus, munus superis ipsis inuidendum, ipsa si dicere licet æternitate fraudata. Hoc est typographiæ beneficium, ingeniorum vitæ, ac literarum tutela, mora præcipitis æui, aduersus obliuionem, ac vetustatis iniurias fortissimum pharmacum, quodque ex aduerso bombardæ inuento opponamus. Illa fatorum ministra ferro atque igne succincta, non hominibus modo lethum appropinquat, sed oppi-

da,

da, ac Vrbes delet, & ruina sepelit: hæc fatis aduersa, secto minutatim plumbo, & charta, qua nihil fragilius est, ferreâ temporum gulam eludit, ac frangit, ferrumque ipsum, & alta marmora exedenti æuo obstitit, atque atramenti illitu clarissimam rebus lucem circumfundit: & exiguis typorum veluti seminibus, multiplicata in immensum fætura, mille voluminum formas, quæ vix mille manus longo temporis spatio molitæ essent, exiguo labore, vna circumacti præli prefura momento temporis excudit, nouamque datura subolem exemplaria per orbem spargit, claraque scriptorum ingenia non solum deripit Orco, sed in memoriam prorogat sempiternam.

Serum quidem, sed opportunum literis pereuntibus remedium. Nam quota nunc veterum scriptorum pars restat? Plurimi ignorantur, fatoque vrgentur illachrimabiles. Multi autem sunt, quorum abolitæ monumentis sola nomina nobis in inuidiam vetustas reliquit: pauci admodum tot casuum superstites, sed magnam partem truncati, ac mutili, ora manusque crudeliter laceri, & Penthei illius instar misere descripti. De quibus tamen nunc actum foret, & conclamatum, nisi ars typographica opem tulisset, & antiquis auctoribus dedisset vitam, futurisque ingeniis securitatem prospexisset. Absque hac foret, præter superfusam Europæ barbariem, bellorumque aduersa, ac captarum Urbium rogo ardentibus bibliothecas, totque annorum labores horæ momento redactos in cinerem, desidia, atque incuria, & describendi tædium, omnique etiam industria potentior æui tabes aliquid quotidie de naufragii reliquiis deterens, literarum nomen penitus excidisset. Cuius rei cum plurima supetant argumenta vnum indicasse satis superque fuerit. M. Tacitus Imperator siue gentilis, siue cognominis sui Taciti historiarum scriptoris florentissimi, vt digna immortalitate monumenta aduersus temporum labem communiret, in omnibus bibliothecis adseruari iussit, & singulis annis decies describi.

bi. Sed prouida Cæſaris cura nihil admodum profect. Nam cum totus ferè Tacitus intercidisset, tuorum memoria in monasterio Corbeienſi in Vveſtphalia, vt hoc quoque Germanis deberemus, deliteſcentia fragmenta, quæ nunc adoramus, reperta ſunt.

Et poetæ quidem olſm carminum gloria tumefacti ſibi que blandientes, ſcriptis ſuis, atque heroibus quos cecinerant immortalitatem augurati ſunt. Eſt qui ſuperbia meritis quaſita ære perennius ſe monumētum exegiſſe gloriatur, quod non diruere poſſit innumerabilis annorum ſeries, nec fuga temporum. Alter elatior, nec tamen ingenio minor, à ſe conditum opus iactat, quod nec Iouis ira, nec ignes,

Nec poterit ferrum, nec edax abolere vetuſtas:

Seque poſt obitum parte ſui meliore petiturum aſtra, noſmenque ſuum fore indelebile. Tertius demum grandior, vt carmine, ita animo inflatus, quantum Smyrnæ, vatis honores duraturi ſint, tantum victuram Phariſaliam ſuam, & à nullo æuo tenebris damnatum iri. Sed parum veri vatum præſagia habuiſſent, & cum cantatis ducibus ſepulta ſenio carmina iacerent, niſi typographia æternitatis fidem impleuiſſet. Ergo vates heroibus vitam polliciti ſunt, vatibus typographi reuera præſtiterunt.

Quæ cum ita ſint, nec falſo nec arroganter ille gloriatur. Germani bombaſta Iouis iram imitati ſumus: tempus ipſum librorum perpetuitate ſuperauimus: horologiis temporum comites rotarum circumactiones effecimus. Quam machinam ſicut vſu vitæ typographia inferiorem, ita ingenio atque operis maiestate diuinitatis æmula, cunctis inuentis præferendam exequerer, niſi longius oratio excurriſſet. Ars typographica tempora coarctet ac ſuſflaminat: Horològium diſtinguit, & computat, temporis que ſumptum, quo nulla maior, minusue reparabilis iactura eſt, reuocat ad calculos, & attente diſpenſat. Atque exigua machina incluſo Orbis ſpiritu, viſa rotarum vertigine labentium ſignorum curſus,

ſta-

statosque siderum labores temperat, ac mundum euoluit. Sic victa Syracusii senis sphaera, inrifa solariorum, ac clepsydram fabula, nubilo diei, aut nocturnis tenebris, Solis iter per quadrantes, & minuta puncta repræsentat, & comminuto articulatum die, labi vitam per momenta indicat, vigilque & excubans silenti nocte loquitur, opusque oculorum, etiam sopitis auribus adnumerat, tanta operis subtilitate, ut annuli gemma compactam Germani manu Vniuersitatem, ac mundi motum acceperimus.

Hæc Germani homines optimo publico excogitarunt: hebetes illi ac tardi, atque humeris ingeniosi, ut isti prædicant, qui solo palato, atque infera corporis parte ingenium exercent. His inquam prodigiosis nouis repertis vitam excoluere. Iidem auorum memoria in Italia ingeniorum fecundissima annum intercalationi non respondentem, ac turbatam temporum rationem Pontificum accitu correxerunt, sacrosque fastos ordinarunt. Iidem affictam Remp. literariam Græcosque ac Latinos scriptores è sepulcris excitauit, & antiquam obstetricante prælo luce redonarent, mendis quibus scatebant repurgatos vtiles magis quam speciosa opera in pristinum nitorem redegerunt. Ii demum scientias omnes ac disciplinas portentoso captu complexi Orbem voluminibus repleuerunt. Hæcque omnia immenso, incredibili labore, perpetuis corporis atque animi contentionibus, torpenti- bus alibi magnis illis ingeniis, vel circa leuia carmina, ac dulces fabulas lasciuiantibus. Porro eorum Germanorum, qui hanc Academiam celebrant, celsam indolem, apertas mentes, candidos mores, singularem modestiam quotidie contuemur, indefessum ac pertinax studium admiramur, utinam imitemur. Sit interim apud alias gentes ingeniorum gloria, dummodo penes Germanos constet fructus, quando vel inuitis nobis fatendum est, Latinas literas, ac disciplinas magno Italiae rubore cum Imperii fascibus in Germaniam commigrasse. Dixi.

CHRISTINA ABDICANS

Prolusio XIX.

Solemnis poetarum mos est, grande epòs à superis auspiciari, atque vt instinctà Numine pectora decet, carminis exordium cœlo deuocare, bonisque ominibus, ac precationibus deorum dearumque, operis vestibulum augustius reddere. Sic olim Aratus ab Ioue, reliqui à Camœpis exorsif diuinitatis fiduciam præstruxerunt, coëptisque ingentibus prosperos inde successus augurati sunt. Quod si nobis, quoque optimarum artium studia commodum auspicantibus, vt poetis fas esset musas inuocare, sicut easdem alieni furoris ministras, atque ingentium malorum nuntias producere immune facinus, atque ominosum arbitramur, & quarum opem exposcas imperioso edicto ad canendum cogere vel inuitas, absurdum, atque inhumanum existimamus: ita illud felix, ac fortunatum in primis credimus, studiorum instaurationi præsidem studiorum deam aduocare, nec parturientis Iouis cerebro expulsam, sed præsentis superum beneficio senescenti seculo commodatam viraginem implorare, eiusque imagine torpentia virorum pectora excitare, ac florentissimæ pubis desueta virtuti corda ad gloriam, ac decus accendere.

Et quamuis alias CHRISTINAE AVGVSTAE sanctioris Mineræ peplum, non acupictum, aut Phrygionis opere confectum, sed rudi contextu sola tanti nominis atque argumenti maiestate pretiosum, populis adorandum veluti in pompa prætulerim: magnorum tamen Panathenaicorum more, non nisi exacto quinquennio iterum spectandum exhibeo. Hoc vnum interest, quod olim in Attide quinto quoque anno eadem pompa, eadem pepli pictura erat, scilicet Titanomachia, ac Palladis de Encelado trophæa, eadem rerum simulachra

mulachra oculis obijciebantur : at Suecici pepli novus post quinquennium contextus , aliud argumentum , non eadem opes indicatura , diuersæ rerum species , noua decora , novus rerum mihi nascitur ordo .

Quicunque primum nostræ Pallados peplum spectauere vix adhuc oculis suis credunt , atque admiratione timidissima , grande hoc naturæ miraculum venerantur , illucq ; identidem mentis oculos attoniti vertunt . Regiam virginem , regum maximo ac fortissimo editam , vetustissimi imperii , ac ferocissimarum gentium , quibus orbis domitor populus succubuit , Romanaque laus attonsa est , potentem , GVSTAVO , dum summæ spei imminet , inuidia fatorum intercepto , in ipsa fere infantia magnorum exercituum præfectis mentem ac robur , clarissimis victorijs fiduciam , ac diuos præbuisse . Inde puellaribus annis bonarum artium studiis supra sexum atque ætatem penitus addictam , omnibus principalis fortunæ , vitæque ipsius blandimentis abruptis , & vel concessis voluptatibus abdicatis , incredibili labore , ac felicitate omne genus studiorum emensam , librosque omnes peruagatam , omnium ferè gentium linguis loquentem , Græca , ac Latina eruditione vsque in virorum ruborem excultam , omni que literarum amœnitate interius imbutam , etiam solidiores disciplinas , ac philosophantium placita prodigioso ingenij captu complexam . Qua inexplibili doctrinarum omnium siti , atque inaudito discendi ardore ex orbe toto clarissimorum ingeniorum delectum habuisse , quos viros maximis atque inuidiæ capacibus præmijs euocatos , Regio fastigio adstitueret , certe cum illis non tam priuatis officiis , atque omnibus clementiæ exemplis , quam labore , atque industria contenderet . Cum Arctos noctes lucubrando ducens , percunctando ac commentando vna plures fatigaret , sibi que infesta attenuatum vigilijs corpusculum , ingentis spiritus magnitudine fatiscens , ceteris diutius in opere detineret , omniumque postrema furtim subrepenti quies

ris necessitati succumberet. Ad extremum cum per ætatem licuit Regni gubernaculis admoram, non modo in iuventute tantæ moliparem, sed longè promotis imperij finibus, ac producto pomærio, externis bellis compressis, donata hostibus pace, animi magnitudine, ac prudentia viros, iusticia, ac mansuetudine Reges omnes anteivisse.

Hæcatque alia innumera non tam peplo, quam mortalium animis ad æternitatem impressa, iure humana conditione maiora omnibus visa sunt, plusque admirationis quam fidei apud posteros habitura, quibus certe nihil ad laudem addi posse omnes fateantur. Nihilominus si cum hujus quinquennii rebus gestis conferantur, modica jure videbuntur, levique brachio transmittenda. Ex quibus duo præcipue, quæ vix apud præsentem fidem inveniunt totius pepli picturam occupabunt, omniumque oculos ac mentem rapient, omniû gentium linguis, omnium seculorum memoria celebrabuntur. Quid enim illustrius, quid juventuti studiorum initia delibati aptius, quid huic loco ac tempori accommodatius, quid ad huius seculi commendationem augustius dici, aut excoGITARI potest? quam ab regia virgine, ætate ac forma florentissima, omnibusque naturæ ac fortunæ donis usque in miraculum exulta, studiorum, ac sapientiæ causa, indictum etiam legitimis voluptatibus bellum, Musarumque & intactæ Palladis exemplo, illibatum pudicitæ florem servatum, mentemque integram, & puram in corpore castissimo literis tanquam sacris adhibitam: quodque omnem prorsus fidem atque admirationem exsuperat, Imperio sponte abdicato sceptrum, ac diadema jisdem studiis donatum. Quamquam aliquid majus publica expectatio concipere audet, quod olim prædicabitur, nunc intelligitur. Interim utroque mens attonita super, nec satis verba eluctatur. Sed iam pompa venit, iam pepulum expanditur.

Admirabili specie, viridissimo flore, iam sui iuris a dulci Virgo, tot sceptris dotata, tot Regum procatu iustos Hymenæos,

nos, ac maritalis fulcri genium averfatur: avorum quibus posteros, populorum, quibus Reges debet, vota eludit: naturæ foedera ac solatia, humanæque societatis vincula repudiât. Spem generis, blâda matris vocabula, dulce liberorum pignus, educationis gaudia adfpernatur. Quo fcilicet mens ab omni mortali contagione fubduâta, corporifque, agreftis atque impotentis domini foluta fervitio liberius evagetur, atque origini fuæ admixta propius cœlo admoveatur: nullis vel caftis voluptatibus à fufcepta ftudiorum ratione abftrahatur, nullis curis avocetur, nullis demum illecebris abducatur. Solo literarum amore accenditur, fola difcendi cupiditate æftuat, folam deperit fapientiam, libros amplectitur, atque osculatur; iisdemque incubat, inde generoso conceptis, vifturos æternum fœtus parturit, quibus literarium orbem fœcundet. Atque vt olim Epaminondas cum fibi orbitas obijceretur, relinquere natam ex fe pugnam Leuctricam gloriabatur, quæ non folum ipfi fuperftes, fed etiam immortalis futura efferet: fic Augusta virgo, mater fenatus, mater caftorum, mater literarum & nunc, & olim appellabitur.

Non ineptè igitur vetuftas credidit Cupidinis tela, quibus ipfe deûm parens, atque hominum Rex non femel celfiffet, ac reliqua Numina fuccubuiſſe, adverſus Mineruam, Muſasque, ac Dianam femp̃ irrita cecidiſſe; fractumque ab ijs arcum, & faces exarmatas eſſe: quod Pallas fupercilio, ac Gorgone & comâto galea puerum exterreret: Pierides femp̃ occupatæ, carminibusque pangendis intentæ deprehenderentur: Phæbe venatu ſaltus agitando nullum procaci ac deſidioſo Numini locum relinqueret. CHRISTINA inter imperij ac literarum curas perpetuis corporis atque animi contentionibus, impenetrabili pudicitia, omnē vel caſto Cupidini aditum obſepit, nihilque præter literas amare poteſt humani generis amor, ac delectat. Quanquam Muſas & Dianam, cum Augusta in contentionem pudoris deſcendere tantæ majestatis injuria fit. Cum ex virgineo choro non paucas

sine auspice maritas fuisse sciamus, Dictynnam vero, vt nihil actum sit in montibus atque speluncis, vbi in opere lauandi corpus à venaoribus deprehendebatur, virginem parturientibus obstetricari solitam accepimus. Sicut Palladem illam intactam, pudoris qui cum vestimentis exuitur, prodigam in certamine formæ nudam, lentis Phrygij pastoris oculis se contrectandam præbuisse. CHRISTINA castiores Musas, verecundio rem Lucinam, sanctiorem Mineruam exemplo reddere potest, extra exemplum ipsa. Itaque cum poeta exclamare libet.

O quam te memorem Virgo, namque haud tibi vulcus

Mortalis, nec vox hominem sonat. Adjicerem.

O Dea certe, si id sanioris seculi disciplina pateretur.

Certe virtutis ac sapientiæ causa post domitos affectus, ac compressas cupiditates, sponte de tanto fastigio descendere, sibi que imperium abrogare, si res diuina non est, proxime ad diuinitatem accedit. Hoc est non tam populos, quam se ipsam in libertatem asserere: imperium quod ciuibus remisit, aduersus fortunam exercere, hoc fatorum vim in potestate habere: relicto regno supra reges omnes eminare: hoc demum nihil superis debere præter bonam mentem.

Pauci admodum tot seculorum decursu reperientur, qui sponte imperium abdicauerint, seque in ordinem coegerint: at longe plurimi peneque innumeri, qui illud per omne nefas, per ignes ferrumque adpetierint, arripuerint, inuaserint. Insita scilicet humanis pectoribus regnandi cupidine iam inde ab ipsa nascentis orbis innocentia, Heroicisq; temporibus, cum nequaquam malum esse imperare, ante bis mille annos Homerus vates prodidit, quoniam illico domus opulentiôr fieret, & ipse honoratiôr. Quamobrem in Solonem vnum ex septem sapientibus, qui cum Athenis cuncta discordijs ciuilibus fessa, sub imperium non repugnantibus ciuibus accipere potuisset Regium nomen abominatus, do-

mina-

minationem respuisset, illa vulgo non inepte iactata sunt.

Cerebro caret Solon: caret ille pectore,

Mœnera Deorum quoniam oblata respuir.

Mens excidia prorsus, prorsusque animus abest.

Regnum cepisses potius, & tantas opes

Diem vel unum: cadi post instar utris

Se se pateretur, ac vniuersum genus.

Cuius sententiæ Siculus tyrannus fuit, dirus ille quidem sed cautior, qui regiam potestatem non nisi cum anima amittendam aiebat, nec quenquam sanum hominem imperio excessurum, nisi per pedes inde efferretur; cuius filius regno pulsus cum non alia posset, aperto ludo literario, imperij imaginem retinuit, ferulasque, illius loci sceptrâ tractans cum secures non posset, virgâ in capillatos distinxit.

Inde seculis omnibus sæua dominandi libido, ac rabies omnia humana diuinaque iura subuertit, orbemque rapinis, cædibus, atque incendiis repleuit. Non alio argumento veterum tragœdiæ perstrepunt, & Deorum exemplo confessis sceleribus patrocinantur. Cum Saturnus parenti Cœlo, ne sibi imperij socium procrearet, diuinitatis virilitatem abscidit, eodemque consilio recens natos infantes voraret: fortunatior utique futurus, ac tutior, si se ipsum quoque fecisset intestabilem, nec dum verat facinus, docuisset. Quippe ab Ioue, qui patris mortem, quod hominum votum est, sperare non poterat, non tam solum, quam cœlum sublata postliminii spe verrere coactus, atque in hanc insulam immenso oceano circumfusam, veluti in Gyarum relegatus, hoc filii pietati impurauit, quod non in barathrum deiectus esset.

Et mirabitur quisquam inter homines nimia dominandi cupidine cœcos nullam fidem regni sociis esse, omniaque naturæ, ac sanguinis iura violari: effœci parentis iugulum, quod nimium improbas spes moraretur apertum, aut elisû: tremulos senes vulgato regnorum instrumento, ciboque Deorum in cœlum descendere coactos: toties germanos in;

ter se furiale ferrum strinxisse : hinc fratrum acies , alternaque regna decertata , atque intra eosdem penates paria cōposita , & discordem rogi flammam : illinc primum Romani Imperii cespitem fraterno sanguine imbutum , exiguumque asylum parricidii mercedem , & causam . Ipsos parentes ereptō spiritu quem dederant , natorum carnifices factos , cunctaque regno viliora .

Dabitur hoc Christiani nominis , ac seculi honori , ne quisquam principum nostrorum nominetur , apud quem potior regni cura , quam sanguinis fuerit , quique in nato vnico totam pene stirpem extinxerit , omnemque spem successionis abruperit . Nec qui fratrem ingenio commotiorem molli , sūmo lethi genere , eodem familiæ periculo sustulerit , & luerit . Sit hoc barbarum exemplum , atque Ottomanici furoris lex prima , imperium ab parricidio auspicari , eiusque securitatem omnium necessitudinum cæde sancire . Parcā auribus vestris , nec diræ stirpis rabiem ab exordio euolvam . Vnus Selimus gentis , ac seculi illius infamiam onerabit . Qui non contentus Baiazerem patrem , quod prauas eius cupidines viuaci senectæ extenderet , veneno sustulisse , vtrique fratrum , à quibus ætatis prærogativa vincebatur , laqueo gulā fregit , omnesque eorum filios , atque affines necandos mandauit . Creditur etiam animo agitalse vnicum filium Solimanum reliquis addere , ne id à se expeteret , quod in parentē peccauerat , in idque interiorem tunicam veneno imbutam transmissam , quod ille periculum ægrè euitauerit . Cumque Selimo tanta feritas , ac proprii sanguinis infanda sitis obiiiceretur , ita dicere solebat , nihil regno dulcius esse , seque ad sua consilia necessitate adactum , nisi præuenteret passurum , quod ceteris intulisset , nec vnquā fore securum si quisquam ex Ottomanica stirpe superfuisset .

Nihil itaque mirum est , tanta regnandi insania , quod initio dicebamus , tam paucos ab omni æuo repertos , qui eo sponte cesserint , ad quod sæpe non nisi per tæda atque illicita

cita aditus est, cuius conseruandi causa res diuinas atque humanas proculcare ludus est, ac votum. Rari inquam qui se ipsos imperio multauerint: rarissimi qui intellexerint majus esse regnum fastidire, quam habere. Si Romanos Cæsares excutiamus, inter quos etsi malorum maior numerus fuit, non pauci laudabiles exitere, primi Diocletianus, ac Maximianus occurrent, qui post multos principatus annos, spreta summi honoris maiestate, priuatam vitā Orbis imperio pretulerunt. Sed quicumque reputauerit alterius, terræ filij, inauditā superbiam, qua se ipsum consecrans, viuo sibi diuinos honores haberi mandauit, ac pedes osculandos præbens venerantium officia, totamque adorationem intolerando fastu infra vestigia deiecit: vtriusque plus quam barbaram immanitatem, qua dux illæ Christiani nominis pestes, sanguinisque spongiæ innumerabilium martyrum cruore orbem inundarunt, facile intelliget, non moderatione, ac quieris studio illos sibi regnum abiudicasse, nec constantibus decretis ad priuatam vitam tolerandam animum firmasse, sed diuis vltoribus mentem hebetantibus, cœcoque tortore surdo verberare animum vastante, tot scelerum pœnas à se ipsis expertisse, tædioque lucis, & angore cadentis in irritum spei, quam de Christianorum excidio conceperant, fugisse imperium, non reliquisse, secessumque ac latebras flagitiis ac ferro flagitiorum pudori quæsiuisse. Haud obscura coniectura quando non multo post Maximinianum præcipitis consilij pœnitentia subire cœpit, qui in ipso repetendi imperij conatu, Constantini iussu, cui insidias struxerat, interfectus est. Propositi tenacior Diocletianus, sub cuius gladio tot millia mortalium gemuerant, hortorum culturæ intentus ipsoque contemptu tutus, decem annos durare potuit: tandem Maxentio fauisse creditus minacibus eiusdem Constantini literis conterritus, epoto veneno publico odio satisfecit: quam alii memorent mentis stupore, longaue ægritudine confectum, inter suspiria & lachrymas damnatum spiritum effudisse.

Ceterum scisso in partes, ac vergente demum Imperio nonnulli Cæsares, ac Reges rebus humanis cum earum arbitrio valere iussis, non solum in æquum, sed in infimum descendunt, nec regnum modo, sed cœtum, ac frequentiam fugitantes, intra anachoretarum septa abditi, squalidi contextus lacernam purpuræ præferentes, tam demisse serviunt, quam olim superbe imperauerant. Ex quibus sicut aliquos Numinis instinctu hoc egisse credere debemus, ita illud omnibus compertum, non paucos aut curarum tædio, aut impendentium malorum metu, plerosque animi imbecillitate, languoreque & inertia tota rerum summa cum fortuna decidisse, & iactatis sarcinis exoneratos in cœnobium veluti in portum confugisse: magnam partem præsertim in aula Byzantina intestina frande, ac domestico latrocinio solio detractos, atque effosis oculis in ludibrium attonsos, in monasterium tanquam in pistrinum detrusos. Qui quidem perierant nisi perissent, nam aliqui necessitate in sapientiam versa, apertis animi luminibus veteribus noxis expiatis ad beata sempiterna regna transierunt.

Nam quid attinet percensere in tota Pontificum serie, etiã cum sæuissimis Cæsarum insectationibus conflictarentur, ærumnisque ac paupertate premerentur, vnum modo repertum senem optimum & innocentissimum, qui siue antiqua simplicitate, siue quod olim Cæsar de Sylla dictaturam abdicante dicere solitus est, literas nesciret, siue pristinae quietis, ac solitudinis vnde in illud culmen inuitus euocatus fuerat desiderio, siue successoris fœdo ambitu circumuentus rerum humanarum diuinarumque regimen dimiserit, ac pro mercede in teterrimum carcerem compulsus, angore ac tædio extabescens nimia credulitatis, ac facilitatis indignas pœnas expendere.

Satius est alterum eiurati, ac frustra repetiti regni, ingraticumque, & impii aduersus parentem animi exemplum tetigisse. Alphonsus Arragonius Neapolis Rex ingruentibus Gal-

lorum.

Iorum armis repentino oppressus, populique, ac procerum odio ob asperam atque immitem naturam impar, proximi exitii horrore perfusus, discedere è medio statuit, ac Ferdinando filio rerum atque imperii cura relicta, in Siciliam exitum illius tempestatis opperiens priuatus secessit. Sed post alternas clades, casusque bellorum ancipites, cum Ferdinandus inuictò animi robore, singulari virtute, ac populorū favore amissum regnum recuperasset, Alphonsi animum licet in sacrorum hominū contubernio rerum humanarum contemptum præferret, veteris potestatis dulcedo subiit, qui cupiditatem callide obtegens, præter veteres thesauros quos secum asportauerat, etiam operam suam filio obtulit, si ad profligandum bellum vsui futura videretur: neque se imperii quod tam cupide donasset fulgorem deposcere, sed solos labores sociaturum, atque intra Capuanam arcem procul ab ambitu reliquos dies tranquillissime acturum. At iuuenis cætera egregius, insana dominandi cupiditate væcors, cuncta regno posthabenda ratus, humani iuris oblitus quasi nob intelligeret, specie pietatis rogare patrem institit, ne se iterum regni procellis, ac fluctibus crederet, nec à portu quem fortiter occupauerat, nouo æstu se in altum abripi pateretur: curis annisque ætatem fessam respiceret, ad extremum ne res nondum planè confirmatas, maleque coalescentem victoriam immaturo aduentu, vetera Andegauensium atque Arragoniorum odia renouans disturbaret. Sic intempestiua cupiditas incertum callido magis, an impio artificio impudenter elusa est. Adeo pauci sunt qui imperia abdicent, vix vnus aut alter quem non penituerit abdicasse.

Vltimus regnantium sicut nulli Cæsarum secundus Carolus V. auorum memoria vltro se terrarum marisque imperio spoliavit, atque orbem quem victorijs peragrauerat, in filiū reclinans, id pro quo tota vita pugnauerat, tanquam rem superuacaneam dimisit, incertum gesti, an repudiati imperij titulis illustrior. Sed magnum hoc rarissimique exempli decretum

tum adhuc in ore famæ versatur, variisque interpretantium sententiis extollitur, arguiturque. Quippe tot laboribus, ac sæuissimis morbis domitum fractumque & partim nimia felicitate fessum, partim intercurrentibus aduersis fatorum inconstantiae admonitum, nec tacito filij conuicio iam grandi ætate imperium reposcentis ad actum, præterea indies prævalentibus Gallorum rebus, properasse omnem in se fortunæ licentiam adimere, eoque sponte cessisse, cui ferendo se imparem intelligebat. Sane non tam prudentibus, quam ipsi deum auctori consilium displicuisse haud inani rumore iactatum est. Nam præter aulæ cultum, ac venerantium officia simul cum ipsa fortuna alio repentè translata, totamque adorantium turbam humanæ gentis vitio ab Occidente sole, ad Orientem conuersam, cum in Hispaniam adpulisset infrequenti procerum occurso non solum circa se solitudinem, sed etiam paupertatem esse sero reputasse. Quippe cum ex tot regnorum tributis atque Indica gaza, centum millium censum seposuisset, ejusque summæ haud magna pars diuidendo inter seruos, quos dimittebat donatio destinata lentè, atque ægrè expediretur, rei indignitate commotum, tum primum intellexisse quam sibi parum amicus fuisset, qui se vivus exhæredasset. Reperio apud scriptores illorum temporum, creditum à quibusdam esse, Cæsarem ipsa abdicationis die fluctuante animo propositum damnasse. Nam cum Cardinalis Granuelanus aliquot post annis in sermone familiari, Philippo Regi reuocasset in mētem, eum esse diem quo magnus parens vivus imperium ipsi legasset, non ambigue responsū, eandem diem esse qua illum præcocis liberalitatis pœnituerit. Vt cumque sit, non vnā abdicandī causam, ac necessitatem fuisse certum est, quando illud etiam iactatum audiui-
mus, secretum, ac spatium Cæsarem præoptasse, ut quæ bel-
lorum ac temporum, imperijque licentia in res sacras deliquisset, in se veluti recedens, seque pænis grauans, bona fide
apud Deum priuatus expenderet.

Quo-

Quotusquisque ergo ab orbe cōdito repertus est, qui summum ius ac Dijs æquam potestatem, quam omnes homines natura flagrantissime concupiscunt dimiserit? Sane vnus modo, aut alter, & fortasse nullus, qui altitudine animi, virtutis ergo, ac beatæ vitæ affectatione sceptræ calcauerit, imperiumque sibi, ac superis donauerit. Nam vt initio memorauimus, quicumque de se statuerunt, regnique insignia sibi detraxere, id aut formidine compulsi egerunt, insidijs appetiti misereque solliciti, quod retinere non poterant proiecerunt. Aut regni ipsius mole degraunte, magnæque fortunæ seruitutem experti diu, ac pertæsi, ignauia ac socordia ad vilitatem sui descenderunt. Alij demum desperatione ac tædio scelerumque memoria animum lacinante, dijs atque hominibus inuisi, se populorum conuijs atque execrationibus subduxerunt. Certe nulla vnquam scēminarum, qui sexus potentia audior habetur, ac tenacior, imperium in viros, siue natalium, siue fortunæ rarissimū munus remisisse audita est.

Prima ergo CHRISTINA, ac fortasse postrema quam fortiter administrati, tam generose repudiati regni decus feret incomparabile: hoc vnicum indignata, quod non licuerit sibi totius orbis imperium literis impendere. Et licet prima illi antequam regnum capesseret eius deponendi meditata fuerint, magnumque hoc consilium omnibus præterquam ipsi auctori improbandum, diu ante coxerit, ne tamen muliebri imbecillitate despondisse animum videretur, permisit se regno, breuique ostendit, non animum modo sibi ac vires super esse, queis gentem indomitam, perpetuum Orbis terrorem, Romanique nominis excidium, tot recentibus victorijs inflatam frænaret, sed minime desiderabile virorum imperium redderet. Nulla mulierum flagrantioribus populorum studiis magisque effusa, veneratione vsa est: nullus virorum maiore reuerentia, magisque addicto obsequio cultus est. Facilitas, ac mansuetudo infra sexum erat, vultus con-

constantia ac maiestas etiam supra virum fuere. Cum summi copiarum duces ac præfecti, tot victoriarum ministri, tot trophæis inclyti, quorum audito nomine magna orbis pars contremuerat, in eius conspectu regio fulgore perstricti hærent, vixque hiscere auderent: armati exercitus trepidarent: Senatus eius nutum respiceret, dictaque ceu oracula veneraretur. Cum omnibus regni curis sola sufficeret, omnium gentium legatos audiret, eadem inter maximos reges pacis sequestra discordantem orbem componeret: nonnumquam districto in fontes gladio, terribilis, licet raro supplicii vsa, atque humani sanguinis parcissima, tantumdem semper lachrimarum profundens. Postquam ergo se regno parem satis ostendit, maiore gloria abiecit, quam si intentatum fastidisset. Totum tamen illi in hoc negotio certamen aduersus ciuium ac procerum voluntatem fuit, qui se deseri inconsolabiter conquesti, nihil aliud ab ea in regno peccatum esse fassi sunt, quam quod illud reliquerit, peneque hoc vno obsequium exuerunt, vt illam imperare cogerent inuitam, certe lachrimis quas toto imperii tempore nemo viderat abeuntem prosecuti sunt.

Nunc vero CHRISTINA etiam post imperium semper Augusta, hoc vno decreto te ipsam absoluiti, torque immortalibus operibus imposuisti magnum diem. Iam cui maior, ac spretis venerationis causis venerabilior, solidæ felicitatis compos effecta, quod soles, exclamare potes:

Sum felix tamen, o superi, nullique deorum.

Hoc auferre datum.

Regiam fortunam auferre tibi potuisti, nullus superum huius facti gaudium, ac conscientiam eripere potest. Quamquam si contra tueri, atque alloqui fas est: potes tu quidem imperii insignia ac titulos tibi inuidere, obterere fasces, dimittere satellitium, tot armatorum millia sacramento soluere, maiestatem tibi detrahere non potes, lumenque diuinitus regnantibus impressum abolere, te ipsam abdicare, atque

que

que in numerum cogere non potes. Hoc sidus proximi æmulum, non conditur, sed ab axe extremo in cœli verticem enititur: hic sol non occidit, sed transit, atque alius euehitur. Vnde spes quoque nobis extremo orbe disunctis, qui te magis quam fortunam tuam coluimus, quod hæcenus auribus debuimus, oculis imputandi.

Tunc nemo Minervam ac Musas, sed CHRISTINAM abdicantem studijs aduocabit, tibi vota faciet, sacrumque hoc pepulum, non modo regnum, nunc quoque tuum, sed vniuersus orbis attonitus venerabitur. DIXI.

ALEXANDER MAXIMVS

Prolusio XX.

HEliconias fores denuo pandi, Musarum delubra reserari, sapientiæ templa serena patefcere: adolescentium studia æmulantium coetus reflorescere, novum iuuentutis examen, novos adultæ gentis fœtus cogi, nouam rei literariæ spem produci, & Camænarum lacte educari: intermissa diu mûnia repeti, veteresque labores de integro resummi, atque ire in orbem, sicut gentibus omnibus miraculo est, ita nos ipsi qui hæc loca incolimus vix fieri posse nobis persuademus, & veluti turbulento somnio circumamicti tentamus oculorum fidem. Quippe & repentibus circumquaque bellis, toroque Orbe insolitis armorum motibus concusso, & lacerò, nullaque terrarum parte aut furis, aut metu vacua. Præsertim bellorum omnium funestissimo hoc, quo duodecimum annum res Veneta vritur, & ab immanissimis rerû diuinarum atque humanarum prædonibus, vna cum Iouis patris, Christianus Orbis circumfidetur: magna; mater Deum inuecta leonibus sola res Italas, sola imperii claustra, ac publicos penates, spectantibus, aut furiali diffidio implicitis Christianis principibus, vltra Troiæ fatum, ac decennalem

fa-

fabulam tutatur. Cum interim ab eius contubernio divulsi Galli, post trium & quadraginta annorum cum terrarum imperii æmulis, dimicationem, nouissimo conatu Insubriam perpopulari, sacratas studiis vrbes, Musarum domum excindere nuper infelicitè tentauerint. Hinc Arctorum gentes, Svedique, & Sarmatæ mutuo incurſu colliduntur, ac suffecturas in Ottomanis perniciem vires impio certamine profundant: plusque illud sit quod ab toto Orbe diuisis populis, atque vltima Thule, post Regum supplicia & Regnorum funera timetur. Artonicis omnibus, & tam imminenti vndique mala circumſpectantibus, quam quid timendum sit haud satis ſcientibus; Quis fieri poſſe putet, cuiquam mortalium tantum otii ſuperſeſſe, aut animi, vt hac rerum vaſtitate, & pene dixerim extrema mundi periodo, vacare ſtudiis poſſit, reſpicere literas, in gymnaſio otioſe inambulare, diſputationibus tempus terere, inter diſcentium greges dictata perſcribere, & veluti altiffima tranquillitate cum Muſis placidiſſime commentari?

Res Veneta ſecundum Deos ciuibus atque exteris hæc otia præſtat, otiiſque ipſius ſummo imperii diſcrimine fiduciam. Vt non immerito quis hæc Muſarum ſtationem Olympi montis fortunæ aſſimilauerit: nam cunctis infra nimborum ac tempeſtatum rabie infeſtis, innoxius vertex, nubesque deſpectans beata ſerenitate renidet. Ingens proſpecto incitamentum exerendæ virtutis, atque effuſæ inuiſi Senatus impeditiſſimis ærarii rationibus munificentæ, omni obſequio, ac potius pietate reddendæ vicis; vt rarum hoc, ac pene diuinum beneficium vtraque manu, totoque complexu aſſeramus, & vt ita dicam ſatis properantibus rapiamus.

Quæ verecundia omnibus eſſe debet, quotquot ſtudiis operantur, ne grauiffimo Patrum iudicio indigni videantur, neu quæ illi benigne fecerunt ingrata habeant & irrita. Verum enimvero nobis qui literas humaniores colimus aciores aliunde ſtimuli ſub pectus aguntur, nouaque hoc anno
obo-

oboritur lux, noua spes affulget, hæc studia, quæ plus amoris, quam aut dignitatis, aut fructus habere falso creduntur, promouendi inusitato, ac penè cœlesti argumento. Nam licet antea et studia auspicaturus rarissimum summæ fortunæ specimen auditoribus meis contuendum obiecerim, Christianæ post imperium Augustæ, imperium ipsum virtutis ac literarum causa abdicantis, cui immortalis operi extremam manum nuper imposuit, vota que mortalium absoluit: neque ultra quidquam adiici posse videretur, nec sublimius aliquid humana mens concipere fas putaret. Ecce vobis longe sanctius, atque augustius exemplum exorata terribis Numina indulserunt: novumque sidus beatissima luce circumfusum, religioni, ac literis ex æquo beneficum, ac salutare, in editissima mundi specula, populis adorandum collocarunt.

Is est ALEXANDER VII. idem mortalium, ac Pontificum, non huius modo æui summus: ægro ac senescenti seculo, & studijs, quæ prope extincta, refouendis, diuorum atque hominum conspiratione admotus: accisis ac prope deploratis rebus, penè sero subueniens: cui similem, quod de prophano principe olim dictum est, numquam voto saltem concipere succurrat, & ideo non vulgari titulo, atque assentandi necessitate, sed humani generis consensu, PONTIFEX verè OPTIMVS, verè MAXIMVS.

Ab loue igitur studiorum principium ducere fas esto, atque erumpente lætitia iisdem studiis, ac seculo gratulari, cum tandem terrarum tutelæ Cœlo demissum, qui quo propius ad Deum, quem virtute magis, quam potestate refert, accedit, eo proliuius fesso Orbi dare pacem, aut alius nemo potest, literisque ac sapientiæ decus reddere, vnde illi ad rerum summam gradus proxime factus est. Neque vero mihi tantum ingenij, ac virium assumpserim, vt infantia mea, ac tenuitatis oblitus, insano conatu diuinis vnici Pontificis laudes inopia sermonis humani temerare auserim, simul illam indolem,

dolem, illas dotes, ingenii culpa deterere, quæ illum antè rerum fastigium non modo reliquis hominibus, sed ipsa mortalitate superuexerunt : & licet ætate maturius, serius omnium votis, Romani Senatus principibus grandi natu præstantibus florentem annis prætulerunt : manifesto æternæ destinationis decreto, ne scilicet, quod ferme euenit, extremæ ætatis prærogatiua Orbis arbitrium acciperet, quo maturius expungeretur, animoque cum corpore senescente, & per ingenii languorem effœta virtute, tum demum rebus humanis imponeretur, cum eas proxime relicturus esset, sicque vitæ sex honore aspersa, ac funus modo decoratum videretur. Sed inflexa maturitate, æui & sensuum integer, animoque in vegeto corpore virescente, publicæ salutis gubernaculis admoueretur, quo diutius ægro Orbi mederi, diu Coelum, atque incumbentia sidera ferre posset.

Nam quæ duo terrarum regimen capessituris necessaria sunt, cum morum sanctitas muneri par, tum mens tantæ molis capax, assiduo ac diuturno magnarum rerum vñu, ac sapientiæ studiis exulta: quas res non semper pastoribus populorū adesse, tam æquo animo patimur, quam ferre imperium necesse est: easdem Fabio Ghisio antè summū magistratum non modo abunde fuisse, sed vsque in miraculum excelluisse tam palam est, quam solas illi festinato imperium peperisse. Cum sanctitatem dico, non eam intelligo, quæ in speciem honesti atque exerciti composita, desidem, atque alieno arbitrio obnoxiam vitā intra sacella agens, sicut facile & sine incommodo habetur, ita plerumque inertix, interdum & nequitix obtenditur: sed illam sincerio rem atque interiorem, quæ iuuando mortales Deum æmulatur, alienisque culpis placabilior, sibi que infesta, semperque intenta, ac rigida, nullius vñquam voluptatis gratiam corpori suo facit, sed frænandis cupiditatibus, ac domandæ mortalitati perpetuo insistit.

Talem suo pte ingenio, non in ostentationem, Pontificem nostrum semper fuisse, haud mihi laborandum est vt ostendā:

cum

cum ferme in excelso ætatem egerit , factaque eius cuncti mortales nouerint. Et aut Romæ in humani generis conuentu, aut in Germania in altero virorum sed cultiore concilio, paulo ante in Senatum adscriptus, deletus vnus, qui Vicariam Numinis maiestatem in vltimas terras porrigeret: ipso Numine iam tum illi ad Pontificatum viam præstruente, ipsoque Pontifice quam bene eius humeris sederet imperium experimētum capiente . Ibi quis nescit obuerso in eum Christiano Orbe, oculisque mortalium coniectis, non modo inter tot principum Regumque legatos, florem virorum, ciuilis prudentiæ, ac regnandi artium summos, sed inter Romano nomini insensissimos, cuncta morosissime scrutantes, eumque frustra ex Vrbe, ac seculi ingenio æstimantes, non modo aliena inuidia non esse ambustum, sed inter hostes venerationem virtutis, quam oderant inuenisse, ac futuri Pontificatus præfagium eorundem prærogatiua tulisse .

Tanta illi, incorrupto Legati honore, comitas, tanta in aditu atque alloquiis facilitas, is capitis honos, atque amabilitas oris, ea in conciliandis principum animis dexteritas, tum firmandæ pacis consiliis, ac componendo Orbe non diu, non noctu, intermissa contentio . Sed præcipue interior virtus, quamquam premeretur erumpens, incompti castique penates, nihil venale, aut turbidum, familia, ex qua herum facile æstimares, eos quoque serio rapiebant, qui talia fingi credunt, aut eludunt . Illa autem etiam attonitos reddebant, quanto illis gentibus rariora, ac pene incognita . Scilicet imbecilla corporis habitudine, & ideo valetudine tenuissima, crebra ieiunia, terque in hebdomada re petita, vix prisca illis ac duris anachoretis ferenda . Et quamuis alias promiscuo ac paupere victu ventri bellum indixerit, extremo hebdomadæ die exigua Cerere naturæ desiderium sedare solitus, ac profluente sitim leuare, sub eo maxime Cœlo, vbi conuiuia de die inire, noctesque potando continuare, atque ingentibus poculis obrui, & ex conuiuio tanquam ex prælio

P

in-

inter manus efferri, insana dulcedo est, ludusque & comitas appellatur. Quam vitæ duritiem etsi parietibus regere conaretur, nobilis pallor, atque honesta macies, lapsæque genæ prodebant; non tamen ob id deteriore forma: nam ipsa dissimilitudine inter ora turgentis, inflatas mero venas, buccasque rubentes, species languore commendatior erat, palles ferenitas, fulgorque fugiens, qualis est Solis cum ad occasum vergit. Interim squalor, atque adpressi corpori sentes, scissique flagellis humeri purpura tegebantur.

Neque in eo quidquam æquata superis potestas mutavit, aut prioris vitæ institutis addidit, quam ut prodesse mortalibus tantundem posset, ac vellet: seque attentius aduersus summæ fortunæ blandimenta custodiret, ne malis inuictus animus immensa felicitate corrumperetur. Quis credat? Primæ illi principatus curæ, supremorum meditatio fuit, ipsumque Pontificatus rudimentum, ab ultimæ legis necessitate positum est, qua nascendi sorte distinguimur, exitu æquamur omnes. Ergo cum primum se Regiæ penetralibus ad ingens nomen capeffendum intulit, simul arcam inferri, in qua mortuus efferretur, iussit: eaque iuxta humilem, nec multum pheretro ab similem thorum adstituta, versoque in sepulchrum pontificali cubiculo, neque vitæ tædio, cuius fructum libabat, neque honorum satietate, quorum fastigiū inibat, vivens Monumentum, quod hæredes non sequeretur fecit, ut sibi superstes, suo funeri quotidie interesset, neque in longum vitæ cupiditatem foueret, qui sic mortem antecaperet, intra illud solium ab Augustali dispar, omnes humanas spes condens, ibidem suas opes sitas, tuos thesauros dictitans, quos scilicet nullæ manus subitis audæ, atque apud senem festinantes interuerterent.

Reliqua eodem diuinæ moderationis tenore pene infra priuatæ fortunæ conditionem. Pontifexque nisi virtute, atque innocentia à reliquis differens. Ita pro eburno Regis sacrorum puluinari, auro & purpura radiante, brevis & trans-

men.

mentitius grabbatus, Imperii curis durior. Non auro & gemmis infusæ epulæ, non prouinciarum tributo instructa popina, non ab orbe vltimo petita, aut naufragio redempta ferula: non crebri missus, & prophanæ aulæ ingenium: non luxui par, Regibus inuidiosum seruitium: sed antiqui strictique mores: eadem parcitas, & inedia, maior vigilantia Pontificiæ stationis excubiis aucta. Non cognatorum turba, parens omnibus idem: vt nemo minus quam affines factum Pontificem senserit. Non altus Regiæ trucis vultus: duræ fores, admissionum tormentum, & contumeliosa humanitas sublata: anxia annonæ procuratio, inusitata in egenos profusio, cuncta in exemplum composita, eodem humanum genus emendatura.

Et adhuc in limine Pontificatus, ac maximarum rerum apparatu stamus, quorum sola imagine obruimur, ac futurorū contemplatione fatiscimus. Itaque dare vela retro cogimur, atque ad id quod instituto nostro atque huic loco aptius est orationem conuertere. Scilicet Alexandrum non innocentiam modo cœlestibus parem, sed sapientiæ, quantamcumque humana mens capere potest, studia, præcipue amœnioris eruditionis decus ad Pontificatum attulisse, vt vna sacrorum ac literarum imperium inisse visus sit, nec tam illi mortalium cœtus venerabundus procumbat, quam literatorum chorus ingenij fasces trepide submittat.

Equidem existimo nihil illustrius, ac magnificentius dici, aut excogitari posse, nulloque acriore stimulo iuventutem accendi, atque inflammari, nec alio literas nostras ambiciosius se circumspicere, quam hoc seculi languore, hoc bonarum artium neglectu, quo scire literas res plebeia, ac nugatoria, nec maiestate modo principis, sed mediocri fortuna inferior habetur, duos memoria nostra mortalium, ac literatorum summos extitisse, hisque præsidij atque instrumentis, quod est in rebus humanis amplissimum consecutos, incertum reliquisse, plusne dignationis à Pontificatu acceperint,

rint, an eodem rēfuderint: certe suscipiendo gerendoque maiorem fecisse. Sed Urbani decora clavis ingeniis memorata sunt, Alexander nobis, ac posteris hac quoque parte dicendus est, religiose quidem, ac trepide: quippe cuius ditione, & nutu non modo maria & terræ, sed artes ac disciplinæ regantur: sed & simpliciter, quando cœlestium quoque laudes sine affectu peraguntur, nec ulli vnquam vitio fuit, quod magnus ille ait, Deos colere quoquo modo potuit.

Eludant vt lubet torui quidam ac subagrestes, qui bonarum artium tractationem non esse regnato necessestariam, nec Reipublicæ fructuosam audent affirmare. Scilicet infcitix ac delidiæ suæ conscii, infestas vitis artes oderunt, nec ant historix lumen, aut poesis libertatem ferre possunt, nec tam odio quam pudore has vitæ atque imperij magistras insectantur. Mitius sed cum vulgo infaniunt, qui disciplinas quidem admittunt, sed eas incomptas, atque horridas, squalore, ac situ, interdum & barbarie obsitas, & siue ingenii tristitia, siue laboris tædio omnem ornatum, omnem literarum amœnitatem auersantur. Vnus Pont. Alexander, nisi aliunde magnæ fortunæ exempla suppeditarent, imperitorum vuculas obtundere potest, solusque Musarum pudorem absolueret, iisque spiritum, ac patriam, Regiæque ipsius penetralia redonare.

Quamuis enim ab ineunte ætate omni literarum genere animum imbuerit, assiduoque & pertinacilabore per omnes artes, ac disciplinas capacissimum ingenium circumtulit: sapientiæ fontes adolescens hauserit: mathesi non perfectorie, neque ambitiose deditus: præcipue rerum diuinarum contemplationi se totum tradidit, cœlique arcana solertissime scrutatus est: inde iuris cognitioni diutissime hæsit, legesque, ac scita Pontificia eorumdem futurus arbiter penitus imbibit; mox quæ in vmbra meditatus fuerat, in sole, ac puluere per Legationes, & Præfecturas, Imperii arcanis, &
Chri;

Christiana Reip. negotiis innexus atque innutritus, pari fide, ac solertia pertractauit. Ceterum amœniores literas non in pompam, nec tanquam otii velamenta ac diuerticula, sed principe studio, & quodam voluptatis ardore, eo effusius adamauit, quanto humanitatis titulus conueniebat eius moribus, easdem in oculis, in auribus, in amplexu, in omnibus delitiis perpetuo habuit, tantumque dilexit, quantum ab illis probatus est.

Ira siue illi publice dicendum foret, grandis & minime fucato nitore exsurgens, oratio non permulcere modo animos, sed concutere, & in iisdem aculeum relinquere consuevit; siue Pontificia effata in procerum, ac totius Orbis Legatorum consessu perferenda, sublime, & maiestati par dicendi genus fundebatur, tonareque & miscere Europam creditus, tanto ceteros mortales eloquentia, quanto nunc fortuna antecedens. Si publice aut priuatim quid scribendum, mollior incorruptæ Latinitatis tractus crebro lepore succinctus, multoque acumine exsurgens legentes rapiebat. Mitto exquisitam antiquitatis cognitionem, linguarum peritiam, præcipuè Etruscæ mysteria etiam doctissimis ignorata.

Verum enim vero ex omni mitioris literaturæ genere in eam præcipue facultatem toto pectore exarsit quodam cœlestis naturæ impetu, quæ sideribus deuocata mentes, quas insedit, diuino afflatu accendit, atque impellit, sublimiaque vatum ora resoluit. Vt scilicet iam tum admittere Deum, patique adsuesceret, cuius speciem, ac maiestatem proxime laturus esset. Neque seuerioribus studiis, neque tantorum operum molimine, neque purpura indecorum studium condendi carminis arbitratus est, castissimæque Musas in contubernium admittere, & quod illæ loquerentur mortalibus prodere, quando viri olim Sanctissimi, Ecclesiæ proceres, ipsæque demum Oracula hac lingua loquerentur, ipsique Hebræi vates Deo pleni eadem fulminarent, & Theatra quaterent.

Qua ingenii sublimitate profundo ore ruentem Pindarum, Pindarique æmulum Romanæ fidicinem lyræ exprimere, atque ad eorum maiestatem, & cœlestem impetum, diuinofque motus assurgere nō infeliciter conatus est. & cum opus foret tenui filo carmen deducere, eodem Romanum Pindarum facile exæquauit.

Hæc a me non seruiliter fingi, aut oratorie in maius augeri facile intelliget, quicumque diuina eius poemata, serium iuventæ ludum ante Principatum evulgata non sine quodam horrore perlegerit, quibus tamen nihil dignationis suprema dignitas adstruere potuit. Quamquam ingenium cohibente pudore dissimulata nominis maiestate publicata sint. Neque sic tamen is fulgor condi potuerit, quin se proderet, sperataque gloria auctior redundaret. Nemo Philomathi MVSAS IUVENILES, nemo Nicij Erythræi epistolas ad Thyrrenum legit, qui illius mollissima carminum dulcedine, rum lepore, ac festiuitate, sententiarum amplitudine, granditate verborum captus, atque attonitus, huius iudicio, nec fictis laudibus animum percussus, non iisdem Musis ac Latio gratuletur, verumque auctoris nomen illico non deprehendat, vota que faciat, ut idem diu talia scribat, neque eum ab institutis studiis deflectat cura terrarum, talia scribentes foueat.

Hæc diuini ingenii monumenta mansura in omne ævum, tamque vasti imperii limites excessura, quoniam aut assequi, aut æmulari humana mens neque audet, neque potest: quod reliquum est vigilias, ac labores iisdem impensos, beatosque sudores imitari possumus, & debemus. Nam licet sacer vates, vatunque Maximus plurimum naturæ debeat, quæ illi singulares dotes, largosque honores benignissime dilargita est, eos præcipue animi impetus, qui instinctu diuinitatis omnem artem ignorant, aut dedignantur: assiduo tamen studio, atque indefessa animi ac corporis contentione, cum natura paria fecit, ut etiâ, si sterilem atque illiberalem nactus esset, posset ab eadem vel inuita fructus vberrimos nunquam intermissa

termiffa exercitatione extorquere.

Nemo profecto ignorat ob eam causam quam sibi ille parum amicus, parumque corpusculo propitius, ne dicam infensus semper fuerit, quantopere illud per se spiritus magnitudine fatiscens ultro vexauerit, subegerit, eidemque extrema senectutis lassitudinem imposuerit. Magnum est, raro pedē domo efferre, nisi publica munia ac negotia cogerent, vitare cætus æqualium, spectacula, ludos, salutationes abdicare: sed longe maius, eiusdem cubiculi septis attrineri, ibique conditum ac situm diebus vti tanquam citò, noctibus veluti numquam moriturum. Nam quam parce ac duriter, & pene iniqua mensura corpus alere consueuerit, supra retigimus. Idque tum castimonie studio, ac compescendis cupiditatibus, tum ne pars hominis nobilior mero, atque epulis distenta obrueretur, mentisque acies abdomine hebesceret. Sed dum solum animum pascere, atque infinitam ingenii auiditatem explere curat, membra subtrahō pabulo esuriales ferias residebant. Etsi enim vetere dicto venter attentus creditor sit, ac permolestus flagitator, nec se differri patiatur, tanta nihilominus erat animi studiis inhiantis discendi cupiditas, & quædam orexis, tanta inde mentis ab sensibus alienatio, ac veluti dissociatio spiritus, ut quod olim de Archime de proditum est, sæpius à domesticis necessitatis monendus, atque inuitus mensæ addituendus esset. Hæc cum in summis magistratibus, atque in ipsa purpura factitasse noverunt quicumque in eius familia, aut eiusdem contubernio vti sunt: nec satis adhuc dicere possunt, quomodo corpus exhaustum ac pene eneatum, tot laboribus sufficere, animus vero tantorum operum mole distractissimus, quasi hoc unū ageret perpetim vacare studiis posset.

Porro alterum fessæ mortalitatis solamen, ærumnarum leuamentum somnus, blandaque per alternas dierum, ac noctium vicissitudines mortis imagine, vitæ reparatrix nocturna quies, dulcesque curarum lenimen sopor, parcius quā

cibus admittebatur, minimaque pars noctium huic concessa, qui subrepens, breuique furto fallens multum repugnantes oculos, cadensque caput in subiectos libros reclinaret, raro tomento ac sisyræ crederetur, reliquum tenebrarum precibus, ac lucubrando inter Deum & literas diuideretur. Profecto si vita vigilia est, nemo intra senectam diutius vixit, nemo minus vini, plusque olei consumpsit. Sed hercule verum est, quod veteres prodiderunt, esse quandam studiorū intemperantiam, nec minus sagina nimisq; delitiis, quam immodica duritie ac continentia homines laborare, nimiaque animi contentione deteriorem in dies valetudinem fieri, disciplinamque animo necessariam esse, corpori inimicā. Hinc illa exsuccis, ac laboribus confecti corporis decora macies, nobis paulo ante non sine sollicitudine memorata, sanguinis ad interiora recessus, bonique coloris fuga: contusæ fractæque vires, sola spiritus, quo premuntur, magnitudine sustentatæ: tot tantoque impetu ingruentes morbi, salusque toties in incerto, anxiaque humani generis vota: in cœlum eminens, ac prope fugiens anima, diuorum miseratione repressa, membrisque suis hædere compulsæ ipsa membra toties ferro, atque igne vexata, exsecta viscera, carnifices calculi, atque humani corporis lapidicinæ.

Proh deū atque hominum fidem! talia maximus omnis xui rector, talia Pontifex faciat, qui summa Cœli templa concutit! Nos inops, obscuraque turba, nos numerus, & feruentium pars non prima, expediendis alimentis ferme hanc vitæ sortem secuti, turpi, ac pingui otio marcidi, somnoque ac vino demersi nugas, ac fabulas docebimus, ac discemus, omnibusque delitiis tracti stertemus in meridiem, reliquum dici probe curata cute, vagis per urbem discursibus, & captandis rumusculis, ludoque, & comestationibus conteremus, omnemque laborem pertæli vitam veluti peregrinantes transigemus?

Tua humani generis parens, atque princeps, superos auctore,

Ætære cœlumque illustrius reddituræ, mens atque imago, memoria consiliorum, atque vigiliarum degeneres animos fubeat, ac longæ desidiæ indormientes excitet: hunc torporem, hoc veternum discutiat, exemploque industriæ, cui comparari non potest aliud, ad decus, ad rei Christianæ, cui præfides, ornamentum, ad immortalitatem accendat. Sed si extrema Oratione contrâ tueri, atque alloqui fas est, aliud à te maius, ac diuinius beneficium, ingentium operum cōplementum humana gens expectat, vt dissidentes Christianorum Principum animos, longaque & exitiali ira tumentes componat, atque exstincta bellorum plusquam civilium rabie, omnique hostilitatis aconito eradicato, æterno fœdere alliges: quo sociatis viribus immanissima fera tot regnorum funeribus, ac prouinciarum vastitate exultans, & cruenta, Italiæ, quam spe iam deuorat, & proximo veneno adflat, inhians, ab aris, ac focus, à coniugibus, & liberis, ab omnium capitibus, & iugulis auertatur.

Tunc non Pellæi modo vāsani iuuenis fulgorem facile exæquabis, Magnique cognomentum meliori iure vendicabis, sed ipsius quoque vota plures mundos optantis excedes: non quos acquirendo perdas, interfectorum sanguine inundes, insepultis ossibus tegas, & vincendo solitudinem facias: sed quos immensæ charitatis ardore, vel inuitos conserues, & ad Christi ouile perducas: humani generis Ciuicam promeritus, vniue tibi, non Pontificatui, MAXIME titulum debitorus. Immensam calamitatum seriem, atque vltimi periculi aleam oculis tuis subiicere nihil attinet, qui cuncta audis, cuncta intrueris.

Tunc Veneta res, qua stante stabit publica libertas, stabit religio, tua ope, atque immortali virtute ab extremo discrimine asserta, Alexandrum tertium popularem tuum, hospitem quondam suum, magnum vtriusque fortunæ exemplum, aduersa numquam fractum: illum omnis prophanæ potentæ, ac barbari fastus, huius præsentiauxilio domitorem ge-
nero;

nerosissimum: magnorum Regum censorem, Pontificiæ dignitatis, ac morum disciplinæ assertorem, acerrimum: tot in Ecclesia turbarum pacatorem, felicissimum: Italiæ liberatorem, fatali nominis augurio in te sibi redditum sine fine gratulabitur. Dixi.

At pater Omnipotens laudem pro laude rependit.

VALERII LIBERTATIS PRÆSTITES

Prolusio XXI.

VNUS & alter annus est, quo te, Præclara Iuventus, seculi spes, ac votum, Musarum sacra reuidentem magnæ fortunæ exemplis compello, & ad optimarum artium, literarumque studium incuria temporum, heminumque neglectu exolescens, ac prope inter mortuam excitandum, Celsarum potestatum imagine, inusitatis ac prope diuinis argumentis conuenio. Namque ante biennium morosis quibusdam ac tetricis literas nostras cum supercilio spernentibus, Reginæ incomparabilis, vt cum Euripide loquar, inuidendas virtutes, ac miraculum opposui. Anno autem, quod fieri minime posse videbatur, maius etiam atque augustius huius rei specimen edidi, cum Alexandri VII. Pontificum Maximi, ac literatorum summi simulachrum è supremo rerum humanarum fastigio tanquam è machina aduocavi.

Vt tam omni materia, quam admiratione consumptis, nil reliquum, quod prioribus adstrui possit, superesse videatur: & idco posthac oratio demittenda, tenui ac deducto filo serpendum humi, inglorium aliquod atque umbratile argumentum è turbâ petendum sit. Vos enim Regum ferculis, Aditialibus, ac Pontificijs cenis aduetos, ac veluti inter pulvinaria neclare distentos, qua demum aduenticia, quibus dapibus exhausto penore excipiam, auresque vestras grandibus

dibus exemplis imbutas, quo sermone, quo acroamate morabor? Nunquid igitur optimo dierum esuriales ferias indicemus, ac plebeiis missibus vocatos ad epulum frustrabimur? Nulla promissis, nulla conuiuij indicatura, sed vt ita dicam post aselum diaria sumemus?

Cape animos lectissima Iuventus, amata mihi quantum amabitur nulla, & exundantibus gaudijs animum laxa. Nouum enim decus, nouum iubar faciles in vota nostra superi his terris, Reique publicæ, ac seculo, literisque ac disciplinis, quod de Pindari carminibus Eupolis ait, iam tacentibus atque obsoletis excitant, sicut altitudine animi, ac sapientiæ paratu decantatæ Heroidi, Regique sacrorum haud minus impar, ita nascendi sorte, perpetuisque in publicam rem, ac literariam meritis, peculiare huius Cœli sidus, non aduentitio fulgore irradians, nobis principe studio, ac veneratione colendum, BERTVCCIVM VALERIVM olim non semel huius Gymnasij, nunc Reipublicæ omnium maximæ moderatorem ac Ducem.

Sacrosanctum LIBERTATIS Numen, quo nihil diuinius dare superi mortalibus possunt, quod nemo bonus nisi cum anima simul amittit, quod, postquam principi terrarum populo inuidia Cæsarū extortum est, Germanicum Scythicumque bonum creditum est, hac tempestate Venetum modo habetur: certe primum ex Bruti, ac Valerij pectore velut e sacrario promptum est. Sed ille Quiritium vindex Brutus in ipso asserendæ patriæ conatu absumptus, tantæque felicitati, nondum se gloria in inuidiam vertente, immortalis, libertatis cui animam impenderat consummandæ, ac tuendæ negotium salebrosū ac spissū Valerio collegæ reliquit ex asse. Quo haud scio an aliud illustrius magisque memorabile facinus extiterit. Gentem ab ipso ortu per tot annos Regio feruitio aduerfam, tum excusso iugo immoderate exultantē ita pertractare, ac flectere, vt libertatis, cuius dulcedinē vix delibauerat, bonam frugem maturis viribus ferre posset.

Nam.

Namque illa pastorum, conuenarumque plebs transfuga, ex suis populis, etsi nondum Tribunitijs procellis agitata, gratuito furore suspicionum nimia, quæ Collatinum præcipuum exturbandi Reges instrumentum, soli gentilitati infensa, Consulari atque vrbe expulerat, Valerium alterum rei Romanæ sidus eadem suspitione violare ausa est, quod cum in summa Velia ædificaret, affectare Regnū videretur, atque illud seruitutis castellum ciuium ceruicibus imponere. Quæ quidem suspicio in re populi, nunquam nimia, licet tunc immodica, vltimam manum libertati imposuit. Non modo enim Valerius ædes deduxit in planum, sed fasces imperii insignia concioni submitit, legemque de prouocatione ad populum tulit, quæ Romanæ libertatis columen ac præsidium habita est.

Ergo Bruti conatus in irritum cecidisset, primusque libertatis flos, nouo turbine ac veluti prætereunte infortunii aratro succisus foret, nisi Valerius tum solus Consul, eam tempestatem auertisset, populumque terrarum ac gentium futurum dominum, minime ambizioso Publicolæ nomine, bona fide liberum esse iussisset. Vt demum non condita modo, sed constituta in perpetuum publica re, ille cum Bruto populi Romani liberator, Regumque exactor, ille quartum Consul, ac triumphator, atque vt Liuii verbis vtar, ille omnium consensu princeps belli, pacisque artibus, supremum diem fungeretur, gloria ingenti, copiis familiaribus adeo exiguis, vt funeri sumptus defuerit, ac de publico elatus sit.

Quotus quisque autem in veterum monumentis vel mediocriter versatus ignorare potest, Valeria gente nullam Romanæ antiquiorem, nullam de Rep. quam condidit melius meritam, nullam magnorum virorum fecundiorē extitisse? ex qua scilicet fausto vocabuli omine semper Reip. auspicatissima, tot illustres familiæ generosa subole sunt profeminatæ, Valerii Flacci, Potiti, Leuini, Philones, Coruini, Barbati, Acisculi, Maximi, Messalæ, Catulli: omnes in magnis imperiis

riis conspecti, omnes supremis honoribus functi, nomina Romanis fastis radiantia. Quod quidem cum reliquis gentibus commune habuere. At Valeriæ peculiaris laus, & prærogatiua semper habita est, pro libertatis custodia in Reip. specula omnium acerrime excubuisse.

Nam L. Valerius Col. post Aequos, ac Volscos anniuersarios hostes debellatos, cum Appii Xuirii regnum affectantis libidini, atque impotentiae se obiecisset, liberatoris populi Rom. titulum iterum in penates inuexit, cuius libertatis ut solidum gaudium esset, idem plebem ex secessione reuocauit in Urbem. Ne hinc tot Consules, tot Tribunos militum Consulari potestate, tot Dictatores, atque equitum magistratos percerent. Vocat enim nos ad se rapitque velut ab ignotis capitibus M. Valerius Coruinus officiosæ auis ministerio cum Gallico spolio cognomen adeptus. Ille trium ac viginti annorum Consul factus, & Dictator tertium, qui super tot decora, quasi fatale esset discordantem patriam Valeriorum sapientia componi, implacabilem exercitus in Campania seditionem compressit, militesque in rabiem prolapsos signa patriæ inferentes, sola ciuilis ingenij, ac rerum ab se gestarum commemoratione ad sanam mentem compulit.

Vnum MAXIMI cognomen deerat, quanquam Publicolæ illud æquaret. Hoc toti genti debitum M. Valerius familiæ suæ peperit, non vno merito. Belli Etrusci bis dominator, ac triumphator: sed quod omnibus præcellit, legis de prouocatione ad populum, quam libertatis munimentum diximus, instaurator. Quæ lex, inquit Liuius, tertio post Reges exactos lata semper à familia eadem. Ac ne quis dubitet vnicum libertatis firmamentum fuisse eam legem, subiicit magnus scriptor. Causam renouandi sæpius haud aliam fuisse reor, quod plus paucorum opes, quam libertas plebis poterant. Non ergo mirum, si cum omnibus sententijs, ac centurijs populus Romanus Consulem dixit, eo ipso tempore, quo senatus Dictatorem dici iussurus erat. Tantus in hominem

minem vnum omnium ordinum consensus, ea vnica cinitatis spes habebatur, cum solo aduentu, solaque nominis fama rebellantes Etruscos compressisset. Hoc postea Maximi cognomen Veneti Valerij crebrum familiæ prænomen meritò fecère. Demum Valerii Messalæ quod vnum decus abesse videbatur, eloquentiæ principatum intulere.

Hæc igitur gens vetustissima longeque clarissima, post euerfam à Cæsaribus Remp. dirutum ac proculcatum à barbaris imperium, longum seruitium indignata, vbi primum toto orbe expulsa libertas se in Adriatici æstuaria coniecit, atque in Veneto Augustali conqueuit, sicut olim e Sabinis Romam, illuc cum fortunis omnibus commigravit, nec tam maiorum decora, quam pristinos illos spiritus acerrimos libertatis vindices intulit, datura mox virum, qui ad huius Imperij salutem eiusdem libertatis sacris difficillimo, & periculosissimo tempore præsideret. Quod si mihi decretum foret Venetos annales euoluere, nouaque gentis in hoc publicum merita, congestos honores ac supremas dignitates, perpetuas pro æqualitate excubias percensere, exemplorum copia obruerer, sicuti Latini scriptores veteribus Valeijs commemorandis defatigati sunt. Sed ne in ipso quidem Duce nostro omnia ad laudis censum vocanda suscepi. Audax enim nimium & consilium esset & votum, & vt ausis vires suppeditarent, certe tempore excluderemur.

Ita vel inuitus præterire compellor, vt ille se totum ab adolescentia Reipub. addixerit, quam facile Urbanos magistratus emensus, qua cura, atque abstinencia administrauerit, vt non ætatem modo sed & vota præcurrerit. Vnicus enim orationis nostræ scopus est, exuberante laudum materia solam eloquentiam atque interiorem literaturam, quantam in vmbratrico homine, ne dum in Principe mirabilis sit, deligere, eiusque eximium decus ac fructum vobis ostentare, quæ illum summæ rei admouit, ceterisque ciuibz superuexit, quorum vnusquisque principem locum implere potest.

est. Cuius eloquentiæ regnum, cum adhuc priuatus esset, ut interim sileamus; eadem quories se extra Venetos fines extulerat, exteris quoque gentibus ac Regibus miraculo fuit. Cum Resp. Valerij oratoris voce apud maximos Principes ac supremas potestates tertio vsa sit. Primo enim Ferdinando Hispaniarum Infanti in Italiam aduentum apud Insubres huius ore gratulata est. Qua certe Legatione haud scio an aliam splendidiorẽ Sol viderit; eo procerum comitatu, familiæ stipatu, cultuque pene Regio, cum cuncta auro reniderent, ut Vrbs illa, si per bella liceret, opulentissima, præterea exteri fastus æmulatione in luxum præceps, etiam gens altera nil præter res suas admirari solita nouo hoc fulgore præstringeretur, nec multum ciues illi desponsati maris solemnia, opesque ac pompam inuisere optarent, cum in legati comitatum translata maiestatem intuerentur. Sed præfulgebat omnibus, cunctaque veluti obscurabat Legati ipsius liberalitas, & eloquentia, qua Insubriæ proceres literis non perfunctoriè excultos, ipsamque Hispanicam aulam demulsit, & Adriatico enatam Venerem, salisque ac lepores ostendit.

Verum enim vero, & munificentiam omnem, & eloquentiæ fidem, immo se ipsum quoque Valerius superauit, cum Innocentio X. rerum humanarum culmen, Senatus missu gratulabundus lætam Urbem fecit, auleque Regiæ parietes adhuc veterum Valeriorum voce personantes, Latiali facundia exhilarauit, & in illa publica luce, illo ingeniorum flore, atque humani generis conuentu, non Messalarum modo majorum gloriam reuocauit, sed Acisculi pariter gentilis sui, à quo armatam Sirenem argenteo nummo excusam apud Vrsinum videmus, præsagium impleuit, fidemque Veneta Siren vel mœrentibus fecit, eloquentiam relictis septem collibus cum parente libertate Venetias commigrasse. Ut postrema legatione Alexandro VII. Pontificatum ineunti Reip. plausus, atque ingentem læticiam exprimeret, simul

pa.

paternum eius animum, atque acerrimum tuendæ rei Christianæ ſtudium ad opem rebus extremis mature ferendam inflammaret, eidem ſtudiorum morumque ſimilitudine acceptiſſimus. Nam quemadmodum domi facundia, quæ quondã liberas ciuitates miſcere, & concionum fluctibus agitare ſolebat, ſalubriter, minimeque ambitioſe vſus ſit, quid attinet dicere, cum eiſdem pari admiratione ac fructu quadraginta ferme annos publicis conſilijs aut interfuerit, aut præfuerit?

Nec Reip. modo, ſed quæ ciuitatis ſunt ornamenta, ac præſidia, literis, earumque cultoribus perpetuo profuit. Quod ſingulare in rem noſtram meritum ſine ingrati animi, ne dicam impietatis nota præterire non poſſumus. Nam ob ſolidæ, atque exquisitæ doctriinæ opinionem Venetus Senatus eius curæ ac prouidentiæ Muſarum, huiusque Gymnaſij tutelam tertio commendauit. Quo quidem ſtudiorum magiſtratu ſemper ſui ſimilis, ſingularem illam liberalitatem futuri principatus omen, non exercuit modo ipſe, ſed & collegas viros præſantiſſimos exemplo generoſitatis accendit, ac veluti Muſarum ærarium refregit. Nec mirum tanti cum literas feciſſe, quibus omnia deberet. Raro enim quis rem quam ignorat æſtimat. Ita cum non ſemel aliqui, aut natura, aut ætate, aut non magno doctriinæ vſu ad rem attentiores parcè nimis, minutaque diligentia ſiſci literarij rationes tractarent, iam tum animo Princeps, inuidendis ſtipendijs, atque inaudito antea trecentorum aureorum incremento Profeſſores non paucos locupletauit, & auara quoque vota vicit, atque vberrimo congiario ſummos vndique viros allexit; multorum merita ampliffime remuneratus. Et quibusdam fortuna pro virtute fuit. Tam animoſa quidem largitione, vt arca Mineræ pene conturbauerit, ærarijque rationes inde impedirioreſ factæ ſint. Quas nunc eodem adnitente, atque ampliffimorum moderatorum impenſiſſima cura expeditum iri non tam ſperamus, quam voti fiduciam habemus. Omnes certe

certe Gymnasi archas huic similes vouemus, paucissimos patres futuros credimus.

Sed ut vnde nos ingentium meritorum æstimatio abduxit reuertamur, totamque exornationem in compendium mitamus, optimum Principem à Deo datum esse, si non tot alia euincerent, vel vna recens victoria testaretur, post Urbem conditam clarissima, quam in hæc tempora reseruatam credere par est, ut huius Principatus initia haud obscuro in rem ceteram præfagio nobilitarentur. Res miraculo propior est, immo euidens æternæ providentiæ miraculū, quod vix apud præsentis, nedum apud posteros, fidem inueniat. Iam duodecimum annum aduersus superbum Orientis regnatorem, maiorem Orbis partem concussis, aut euerfis clarissimarum gentium Imperijs seruitio prementem, Veneta Resp. tam vastæ ditionis portio perexigua, maximum bellum ac difficillimum gerebat. Cuius belli initijs, vndecunque illi, siue fato siue sociorum perfidia cōflatum sit, vix suffectura credebatur, quod Christianis Principibus lento duello collisis, Hispanicisque armis, quæ Catholicæ rei tutela sunt, aliò distractis, atque exitiali contentione implicitis, sola, ac destituta immensæ barbariæ, atque hostilium copiarum diluvio terra marique exposita esset. Quo quidem tempore, fides Numinum mutuis acceptis, atque illatis cladibus, aduersis prope quam secundis admirabilior, incensa non semel aut disiecta hostili classe, munitissimis arcibus expugnatis, prælijs ambigua, bello non victa, arma illa, quibus toties Christianus Orbis aut subactus, aut dira clade vastatus est, non contenta finibus suis arcuisse, bellumque propulsaſſe, incredibili virtute atque inaudito animi rebores, ausa est hostem domi quærere, immo ipsas Helleſponti fauces Ottomannici Imperii claustra petere, & illas freti angustias, quas maiores sui veluti Herculeas metas e longinquo aspicere metuerant, in oculis ipsius Regis quorannis obsidere, atque exigua manu infinitæ potentiae per summam contempTIONem insultare. Eo scilicet con-

Q

filio,

filio, vt immanissimam feram tanta contumelia ac ludibrio accensam, e scelerum cubili ac libidinum septis extraheret, & ad rem prælio decernendam cogeret: aut saltem velut indagine cinctam, marisque exterioris, & Insularum imperio spoliata iniecta compe de coereret, atque ignobilis timoris confessionem exprimeret, generose comminando si se tantillum commouerit, aut e latibulis prorepserit, magno infortunio ma&andam.

Hæc quidem maxima sunt, hæc diuina, hæc fidem humanam penitus exsuperant. Sed occurrunt maiora miracula reputantibus tot annorum spatio attritas opes, nobilitatis florem extinctum, sex Imperatores aut bello immortuos, aut belli aduersis, marisque sæuitia ereptos, tot nobilissimos legatos, ac præfectos veluti victimas religioni, ac libertati ma&atos, tot copias militares ferro, ac morbis, variisque casibus deletas, inexplicabilem pecuniæ penuriâ, oppignerrato, aut diuendito, ne populi grauius premantur, D. Marci patrimonio, ipsoque gentilitatis iure distracto, maiorem suppleri exercitus, ac remigii difficultatem, cunctis longinquam militiam aspernantibus. Et quisquam tam vecors, aut impius miraculorum maximum esse negabit, xii annorum bello, bellicque impensis, & calamitatibus, totque fortunæ sæuientis iniuriis nequaquam fractos, aut domitos, quin periculis alacriores ad maiora audenda animum adieciisse, eaque immortalis virtute, si ita loqui fas est, inie&am superis verecundiam, tam fortes, tam fideles animas in supremo virium conatu destituendi.

Ergo decimo tertio sæuissimi belli anno appetente, nouâ classem præsentibus animis instruunt, atque ornant, in qua duodetriginta celsiores bellicæ onerariæ, quatuor & viginti naues longæ, septem rectæ & constrictæ, siue Galeatiæ, ligneæ arces, ventorum marisque labor fuere, præter biræmum, ac minorum nauigiorum non exiguum numerum. Eam classem cum summo imperio præsidebat is, cui illud Virgilianum

lianum conueniat

... Iſi qua fata aſpera rumpas,

Tu Marcellus eris.

Qui, cum ueraperuiſſet matia, ad obſidenda de more Seſti, atque Abydi caſtella contendit, Pontifice Maximo atque Optimo, rem milite ac pecunia ſtrenuè iuvante, cum Melitenſes triremes. VII, Europæ nobilitatis ſlos, Chriſtianæ rei Prætorianus, Turcarum terror, piratarum ſcopuli, in tempore adſuiſſent.

Ibi hoſtilem claſſem, quam illo anno omnium inſtructiſſimam exituram fama diſtulerat, integrum menſem opperiri, atque ipſius maturum egreſſum toties eluſi ac fruſtrati impatienter optare. Barbari partim pudore exſtimulati, partim impotentis Tyranni iuuenili imperio, miniſque adaſti, coacta claſſe, in qua pari cum noſtris onerariarum ac ceſſarum numero, ſex & triginta triremibus præſtabant, exunte Iunio ſe ſe in conſpectum dedere, exultantibus noſtris tandem oſtentandæ virtutis poteſtatem factam, nec dubiam victoriæ ſpem fouentibus. Cuius fiducia quanquam hoſtes gemina hinc inde munitione excitata, diſpoſitis tormentis perpetua fulminatione Chriſtianorum nauigia quaterent, veſtatione pellerent, ac liberiorem egreſſum adipiſcerentur, triduum eam verberationem nuſquam turbatis ordinibus in eodem veſtigio pertulere. Tum demum Turcica claſſis leni Boreæ impulſu vela facere viſa eſt. Imperator Venetus extemplo ſignum pugnæ edicit, triremesque ac conſtratas in aciem producit, & ad Hellesponti anguſtias ſuperandas promouet, ubi celſiores onerariæ in fronte diſpoſitæ aduerſo vento, ac freto luſtabantur. Quæ in aduerſam claſſem ſe inferentem horribili pilarum tempeſtate, ac bombardarum fulgetris ita primo impetu detonuere, vt hoſtiles naues, quæ recta in certamen tendere videbantur, ad eam peſtem declinandam in proximum ſinum deflexerint, vt vicinæ arcis præſidio tegerentur. Eas quominus noſtri ſub ipſas muni-

Q 2

tiones

tiones inuaderent, eadem freti rapiditate, flatuque aduerso tardabantur; cum repente singulari Dei beneficio conuersa vis ventidare operam cœpit, atque onerarias, & galeatias impellere. Quæ res adeo barbaros perterrefecit, vt pars vela ad fugam intenderent, reliquæ naues triremium remulco certamen effugere conarentur.

Quod vbi nostris animaduersum est, tanto validius incumbere, ac flexo cursu intercludere conari. Præcipue Lazarus Mocenicus vir ingentis animi, munere Deum consummandæ victoriæ destinatus captato longius ambitu, qua triremes fugam adornabant, audacter inuectus cingere occupat, atque in circumfessos impetum dat. Idem vniuersa classis sinuatis cornibus facit: maxime atrox; & cruentum certamen conferitur. Barbaris, vbi se circumuentos vident, ab vltima desperatione pugnam cientibus; nostris inchoatam victoriam acerrime vrgentibus. Facies oppidò terribilis. Cum tormentorum continuo reboatu, cœlo, ac pelago vibrante, densissima fumi caligine intermicantibus flammis, sagittarum nimbo, volitantium pilarum stridore oculorum atque aurium vsu intercipientem attoniti, mortales immineens vndique lethum nullo effugio expectarent. Cum præterea vndarum fremitu, collisarum nauium crepitantibus rostris incurfu, disiectis gubernaculis atque armamentis, defilientium antennarum fragore, se mutuo ad pugnam cohortantium vocibus, morientium, aut mortem deprecantiū gemitu, truci barbarorum vlulatu, totque rostris impulsū maris sæuo murmure, vicina littora ac resultantes colles personarent.

Adijcite nunc missiles flammæ, noua malleolorum ingenia, ollasque incendijs foetas, inuitabili peste inter confertos grassante, igneâ tempestate, pilarum, tessellarum, atque clauorum grandinem incutiente: furentem inter picem, atque arida tabulata Vulcanum, aut accensis tormentarii pulueris cadis disiecta in sublime nauigia, & volitantibus semistulatis

inflatis corporum truncis præmissos morti rogos, excogitata ratione, qua quis inter aquas incendio pereat. Omnibusque intra carinas ac foros constipatis, nullum exserendæ fortitudinis locum relictum, nullo fortunæ, ac virtutis discrimine cæcis ictibus ignavum, ac promptum iuxta cadentes, spumantes sanguine fluctus, infectos cædibus scopulos, hominum, ac nauigiorum constrata cadaueribus maria.

Pugna integrum diem tenuit, quo in vesperam inclinante vniuersa classis hostilis disiecta, ac profligata est. Sed quominus solidum tantæ victoriæ gaudium esset, Marcelli Imperatoris interitus effecit, qui dum intrepide se periculis obijcit, & pugnandi auditate Castellī munitionibus succedit incautus, maioris tormenti pila occubuit, minime tristis quod in ipso exploratæ victoriæ articulo decessisset. Insecuta nocte onerarijs, quas post certamen fuga litori impegerat, iniectæ flammæ, classis reliquiis postridie eius diei obstinatissime pugnantibus, vt veluti redintegrato certamine noua tormentorum procella ægre sint expugnata. Ita præter quatuordecim triremes initio pugnae cum purpurato elapsas reliqua nauigia, ne remulco subducta classem nostram morarentur, igne absumpta. Videre erat toto illo binotio maria hostili flamma relucens, glomeratas fumi nebulas ipsa nocte densiores, tot annorum laborem momento temporis in cinerem ac fauillam reductum, barbarorum minas elusas, ac vota deplorata. In eo conflictu Imperator animâ, Mecenicius oculum patriæ impendit, pro quo illi Coclitī seruatori supremam maris præfecturam iuueni patria rependit. Quod nisi longius quodam læritiæ impetu prouecta esset oratio, victoriam hanc cum reliquis innumeris, præcipue aduersus communem hostem, quibus res Veneta in hoc fastigium surrexit, conferre auderem, etiam cum illa, quæ ad Echinas superiorē seculo parta est, meritoque Christianis fastis adscripta: quam cum Actiaca Augusti aduersus Antonium, eodem mari, ac pene iisdem locis comparare clarissi-

mi scriptores non dubitarunt, incerti vtri palmam deferret. Nam licet illa Aëtiacæ æmula navium, atque interfectorum numero præstiterit, nemo tamen ignorat, non exiguam in ea partem Pium Pontificem, non tam titulo quam meritis sanctissimum sibi iure vendicasse: tum præter prompta Italorum Principum studia, Hispanicis auxilijs prope æqua portione, atque Imperatore fultam: duobus insuper omnis memoriæ clarissimis Legatis; nisi alter in ipso certamine subducto longius dextero cornu, eam pene corrupisset. Huc accedit, quod si vnquam alias tunc Veneta res florens pollensque erat, post triginta annorum cum hoste perfido pacem exuberante ætario, integris initio belli viribus, adeoque validis, vt ad primum belli illius classicum, quod vix credibile videtur, centum & quinquaginta triremium classem ornatissimam instruxerint, xii Galeatias, xx onerarias navalibus deduxerint, tantarumque opum admiratione Principum mentes perstrinxerint.

Nunc duodecim annorum labore ad extremam lassitudinem defatigati, totque aduersis, immo & vincendo attenuatis viribus, nullum nostrorum Principum in victoriæ societatem admisere. In ea patranda octo Christianorum millia, & fortissimi quique interfecta: hæc, quod vix fidem inueniat, trecentorum militum impendio stetit. Ibi xx navium præfecti omnes patricij; hinc Imperator modo, quanquam omnium instar sit, vnusque & alter trierarchus desiderati. Licet illic tum cæсорum, & captiuorum hostium, solutorumque Christianorum numerus longe maior: hæc tamen quina compeditorum millia ab teterrima seruitute asserta. Tunc tertiam ferme classis partem Vlucialis incolumem prælio subduxit: modo præter xiv triremes, nauigia omnia maiora, minora ad vnum aut incendio vastata, aut alto depressa, aut tormentis comminuta. Quare eidem Archipiratæ breui dispersas vires colligere facile fuit, nec spernendum navium numerum non educere modo, sed etiam se nouo certamini prom-

promptum ostentare: modo reparandæ classis non nisi in longum tempus spes omnis barbaris incisa est . Tunc casu, fatoque & mutuo errore incidentes classes ex necessitate medio æquore conflixere : nunc destinato penetratis audacissimè angustijs, in ipsius Regiæ conspectu, ante ora Tyranni superbissimus hostis ad pugnam proritatus , Crucisque trophæa in ipso Byzantij vestibulo defixa .

Ad extremum , quod longe omnibus præstat , veteris illius tantæ victoriæ fructus omnis breui discordia, atque ambitione ducum luxuriauit , si vera dicenda sunt , nullo inde magno operæ pretio , amissa interim Cypro , atque ingenti auri pondere pace à barbaris redempta. Victoria ista exiguo temporis spatio Tenedum illam famâ notissimam Insulam in Troiæ conspectu, etiam post Priami regna, opum diuitem, iterumque fidam carinis stationem præualida arce firmissimam, ante ora patrum, in ipsis maiorum vestigijs Veneto Imperio adiecit. Eadem continuato tenore Aegæo circumflua Lemnum , quondam Deorum fabricâ nobilem , nunc Stalimenis vocabulo duabus Urbibus , amplissimo portu vicisque ac populis frequentem subegit , & ad maiora quotidie , faueat modo Numen, viam aperiet.

Huic , vt vnde inepit , eodem desinat oratio maximæ, & incomparabili Victoriæ, Valerius Dux consilium , auspicia , suosque Diuos præbuit : eidem celebrandæ nos omnes, non atrum sepiæ liquorem, sed laureato calamo factum Musarum muricem, tuendæ, sanguinem atque animam profunderè parati sumus. Dixi.

APOTHEOSIS LAZARI MOÇENICI

Venetæ Classis Imperatoris

Proluſio XXII.

Flvium Nobiliorem, qui cum Aetolis Ennio comite bellum geſſit, non dubitaſſe Martis manubias Muſis conſecrare, Romani maximus auctor eloquii ſcriptum reliquit. Eundem Hercules Muſarum ædem in Circo Flaminio ex pecunia Cenſoria ſtruxiſſe accepimus: non id modo ſecutum, ut ait Eumenius Rhetor, quod ipſe literis, & ſummi poetæ Ennij amicitia duceretur: ſed quod, cum in Græcia Imperator eſſet, acceperat Herculem Muſagetem eſſe, ideſt comitem ducemque Muſarum. Idemque primus nouem ſigna Camænarum ex Ambraciendi oppido translata ſub tutela fortiſſimi Numinis conſecrauit: ut res eſt, quia mutuis operibus, & premiis iuari, ornarique deberent, Muſarum quies deſenſione Herculis, & virtus Herculis commendatione Muſarum.

Ita proſecto eſt, Auditores optimi. In bene conſtituta Rep. virtus militaris, ac literarum ſtudium mutuo nexu colligata, alternas operas conferunt, alterum alterius indiget auxilio, atque ornamento: ut hinc ſub armorum tutela optima pax, & pacis opus literæ ac diſciplinæ conquieſcant: inde bellica decora, & fortia ciuium facinora literarum miniſterio poſteritati commendentur: hocque immortalitatis præmio ad ſtrenue agendum, ac ſpiritus patriæ deuouendum, virorum robora veluti facibus exardeſcant.

Quæ res Lacedæmonios nationem tetricam, planeque ad ſtudia literarum rudem, nihilominus impulit, ut antequam exercitum in hoſtes educerent, Muſis ſacrificarent, eaſdemque armatas colerent: ut qui pro patria in bello oppeterent, ſcirent memoriam ſui, beneficio literarum æternam fore.

At

At illæ Spartanorum æmulæ, omnium doctrinarum inuentrices Athenæ, ad alia decora illud quoque addiderunt, ut ijs, qui in bello cecidissent, publice parentaretur, iisdemque à ciuium præstantissimo laudarentur. Quo haud scio an vllum præclarior, ac Reipub. vtilius institutum tota antiquitas habeat.

Cuius instituti exemplum, simul diuinæ facundiæ simulachrum, apud Thucydidem Pericles exhibet, apud Platonem in Menexeno magnus eius præceptor Socrates repræsentat, siue Socratis ipsius magistra Aspasia, supremo hoc gratissimo in mortuos officio perfungitur. Et Thucydides quidem in secundo magni operis narrat, Athenienses more patrio, ijs qui bello Peloponesiaco mortem oppetierant bustū publice fecisse: si quidem erecto tabernaculo ossa mortuorum proponi solita, ijsque inferias mitti. Cum autem efferrentur, singulas tribus, singulas arcas cupressinas, tribuliū ossa complectentes vehiculo portare consueuisse. Vnum præterea thorum inanem constratum, eorum qui inter cæsos reperti non fuerant. Tum ingenio, ac dignitate præstantem delectum, qui de eorum laudibus verba faceret: idque toto belli tempore seruatum esse. Cæterum eorum laudandorum, qui primi occubuisse, prouinciam Pericli demandatam. Optimo sane consilio, ut à viro laudatissimo, ac Græcorum omnium præstantissimo, quem poetæ Olympium vocarunt, quod dicendo tonare, fulmina ciere, ac Græciam permiscere creditus sit, fortissimi ciuium supremo virtutis conatu edito, laudarentur.

Quid Venera Respublica? quæ non tam Atticæ, & Spartanæ, quæ nunc vbi fuere quærentur æmula, quam omnium rerum publicarum institutis, opibus, consilio, & diuturnitate Imperij præstantissima: cum Herculis Musarum delubrum, hoc in loco excitauerit: atque ab ipso ortu, non dominandi libidine, sed libertatis studio victricia arma circumferens, literas, ac religionem aduersus barbaros perpetuo

tu-

tutata sit. Hoc præcipue squissimo ac funestissimo bello, quo Regem Regum, Christianæ reifacem, ac pestem, rerum humanarum, ac diuinarum prædonem, iam quartum decimū annum non sustinet modo sola, sed inusitata virtute, atque inaudita magnitudine animi, & constantia, tot cladibus perculsum, intra Regni claustra adauctum, atque in ipsa prope Regia obsessum, veteri existimatione spoliaturum, iam non de gloria, sed de Imperio dimicare compellit. Cum inquam hoc ipso tempore, Musis mollissimam tranquillitatem, tutamque ac beatam sedem commodet: quid aliud per fidem vestram spectat, aut exposcit, quam vt Herculi custodi Musæ, Musæ inquam nostræ mutuam operam, gratamque vicem rependant? totque huius belli decora, ac miracula literarum præconio ab obliuione, atque interitu vindicentur. Iis præcipue, qui terra marique libertatis victimæ ceciderunt, non liberationes, & inferiæ, sed epinicia reddantur, mixtaque mœnore gratulatio peragatur.

Cum præsertim nouissimo prælio, quo pene res Turcica, in ore Tyranni confracta est, fortissimum omnis memoriæ Imperatorem tertio de hostibus triumphantem, in ipso ætatis, ac victoriarum flore amiserimus, vt penè tanti non fuerit, vicisse. Cumque non hunc modo, sed duos alios classis præfectos, præter tot legatos, duces, ac trierarchos, communis Mars, atque immitis fatorum lex abstulerit: in vno reliquorum memoriæ parentabimus, an fortunæ inuidebimus. Egregio Venetis ciuibus, ac socijs ad æmulandum decus incitamento; immensa Christiani Orbis intestina rabie occæcati verecundia, atque eorum pudore, qui Kemp. de vniuersis optime meritam tamdiu nefario latrocinio conflictari, atque ad extrema periculorum deduci, traiecturo, cum primi desagrauerint in proximos crudeli incendio, patiuntur.

Neque vero intempestivum officium, ac dirum omen videri debet, studiorum auspicijs feralia attrahere. Nemo enim mortuos existimat, qui religioni ac patriæ spiritum im-

impenderunt, meritisque subducti in Cœlum æuo perfruuntur sempiterno: vt non tam superuacua genix muneris sitis persoluamus, quam inter sidera transcriptis Apotheosim celebremus. Vna modo deest tantis rebus par Oratoris fecundia, osque magna sonaturum. Sed Venetorum Heroum maiestas hoc ipso constat, quod humano sermone ornari, atque exaggerari non possit, contenta indicari: quodque simplex, & inconditum carmen puluinaribus inferatur, sitque hoc ipso laudatio futura ornatio, quod ornamenta neglexerit.

Tam apud Platona, quam apud Thucydidē summus Orator Athenis eos laudibus ferens, qui in acie addictam patriæ animam reddiderunt, hoc vnum spectat, atque adlaborat, vt in Urbis, ac maiorum laudes ambitiosè effundatur. Aequum enim est, inquit Pericles, simul & decorum, hie eorum commemorationem fieri, qui regionem istam iisdem semper incolentes posteris, ad hoc tempus liberam sua virtute tradiderunt. Nimirum laudationis impetu ad inania & fabulosa delapsus. Quasi Athenienses, quo genus suum incorruptius, nullaque aduenarum colluvione contaminatum iactarent, non aliunde se illuc aduectos credi vellent, sed eodem solo editos repente extitisse, ac terræ omniparentis gremio instar ranarum, & anguium effusos: eam vanitatem aureis cicadis, quas in capite gestabant, gentili more testari.

Sed amotis fabulis, multa quidem decora Veneta Respublicum Atheniensi communia habet. Illa Græciæ telluris, hæc totius Europæ Musæum. Illam sublime Pindari os, Helladis Helladem dixit: hæc Latij ipsius Latium. Illa Oraculi Pythij responso Græciæ: hæc gentium consensu, Italiæ, Regiæ, Penates, Prytanæum. Vtraque ciuitas omnium, quibus Iuppiter illucet, splendidissima. Illa Persarum, hæc Turcarum innumerabiles copias, ac superfusam terris barbariem, effosis montibus, e potis fluminibus, Neptuno compedes, Cœ-

lo tenebras, sagittarum nube minitantem, fudit, ac prostravit: totiusque Orientis opes exigua manu prostravit. Sed Atheniensibus cum inermi, ac fugacissima gente, atque ignauissimo Rege pugnantibus, res fuit aduersus pecudes: Venetis aduersum Lupos, cum inuicta natione, durissima militia, atque indomito prætorianorum robore, acerrimorum Imperatorum ductu commissis. Vt non tam illis aduersus veteranum hostem, omnes terras, ac maria victorijs emensum, & ab excidio clarissimarum urbium, atque opulentissimarum prouinciarum recentem: cui Arsacidarum solium Romanis Aquilis formidatum succubuit, euersâ Bizantii Regiâ, ac magna Germaniæ parte triumphatâ, reliquijs Europæ minitantem, per trecentos annos intuta pace, ac dolosis inducijs dimicandum fuerit: sed immani bellua gentes multitudinem innumerabiles, locis infinitas, vndique excitas trahente, cum Orbe terrarum belligerandum.

Athenienses sapientiæ studijs intemperanter dediti, quæ bello parauerant pace amiserunt, atque erudito otio torpentes, ingenium, quam manum exercere, bene dicere, quam facere, lingua feroces, ignauâ operâ, Theatris, atque histrioniæ addicti, scenas sæpius quam castra inuisere, lasciuire, discordare: donec corruptis moribus, quos metus hostilis continuerat, alios laudare, seipsum non possent, nemo bonus eos. Demum amissa libertate, libertatis ministram facundiam assentando Tyrannis excernerent, huncque vnum immodicæ doctrinæ fructum ferrent, quod essent seruitutis morsus acriores.

Veneti, ut in reliquis rebus, ita quod difficillimum est in sapientia modum retinuerunt: vnicamque & optimam disciplinarum rati, parere, atque imperare, & pro patria mori, non in pompam, sed firmandæ dominationi literas coluere, & manu, quam lingua promptiores, laudanda facere, quam alios laudare didicerunt.

Attica ciuitas virtuti semper infesta, ac liuore suffusa, in ipsos

iplos parentes, & conditores impia, ciuium suorum nouerca, clarissimos duces testulâ collabefactos exilio, aut morte mulctauit: & vt illi à magno scriptore merito obiectatû est, Thesea in parvulo scopulo sepeliri: Miltiadem in vinculis expirare: Cimonem ad redimendum corpus paternas induere catenas: Themistoclem victorem, victi hostis genua amplecti: Solonem cum Aristide, & Phocione penates suos ingrata fugere coegit: maximas virtutes, velut grauissima delicta punire, & beneficia iniurijs rependere solita.

Veneta ciuitas semper mitis, ac sancta, proluxâ virtutis æstimatione, gratique animi, & tenerrimi affectus impetu ultra matrem indulgens; non in ciues modo, ac socios singularis clementiæ exempla edidit: sed Præfectorum rara admodum delicta, modice castigans, errata prudenter dissimulans, ac fortunæ imputans: non eorum modo, sed manipularium egregia facinora, amplissimis, atque inuidendis præmijs, & auctoramentis, etiam apud posteros prosecuta, effecit, ne tot seculis vllus Imperator, inuidiæ, atque immodicæ seueritatis metu, ac desperatione, rei bene gerendæ occasionem omitteret: nullus gregarius miles pro tam memore, ac tam munifico principe vitam profunderè dubitaret.

Neque mirum videri debet, Græcæ vrbi sapientiam professæ eam labem adhæsisse: cum statu merè populari constituto, Reip. habenas vilissimis mortalium, fecique Urbis perimiserit: nec tam libertatem, quam licentiam, omnisque diuini, & humani iuris confusionem inuexerit, vt tantundem Athenis pecudi, atque homini liceret: & concionalizarij hirci, miseræ, ac ieiunæ plebeculæ, semper inuidæ, & suspicaci, denique multorum capitum belluæ, præstantium ciuium fortunas, ac virtutem iniqui iudicij procella exagitantdam, & lacerandam obiecerit. Quo effectum est, vt auide ad libertatem ruendo, in seruitutem lapsi sint, Solon fundamenta Reip. posuerit, ipse interitum viderit, Urbisque custodibus

dibus libertatis orbata, breui Tyrannorum præda ac ludibrium facta ſit.

Venetæ rei conditores, Romano Imperio à barbaris euerſo ac proculcato, nobiliſſimus Italiæ ſanguis, leſiſſima procerum manus, communi incendio erepta, cum in Adriatici ſinus ſacrarium, libertatem, ac penetralis Italiæ Deos, Latij ſumantes reliquias, victoſque Penates, non ſine Numine Diuum contuliſſent, eam regiminis formam conſtituerunt, id temperamentum diuino conſilio adhibuere, vt profanum vulgus, ſentinam Reip. Urbis ſordem, & quiſquilias, opifices, ac ſellularios, vili miniſterio, lucroque demerſos, pronas animas, ac ſeruitutis capaces, quodque olim de ſeruis Homerus vates prodidit, dimidia tantum mente vtentes, libertatis ſacris ſubmouerent, atque vnà diſcordiarum, ac ſeditionum cauſas, liuoremque ac rabiem aduerſus optimates arcerent: & quod cordi ſuperis eſſet, in mille ac trecentos annos, ſingulari omnium ſeculorum exemplo, Imperium extenderent.

Quæ cum ita ſint, ſi patriæ laude ciues æſtimamus, nulla veterum Rerumpublicarum cum Veneta in contentionem deſcendere audeat; magnumque fortunæ munus, nec vltima laus Lazari Mocenici cenſenda eſt, Venetijs editum eſſe; reliquis tamen ciuibus communis, ac niſi proprium decus accedat, aliena. Veneta Vrbe, Mocenica gente Imperator noſter ortum trahit; quæ ſicut clariffima, atque Urbis primordijs par, ita fatalis Turcarum hoſtis, terrorque, ac ſtrages ſuperum decreto deſtinata videtur.

Nam vt vetera exempla, quorum copia huius Imperij maieſtate digna eſt, relinquam, duos indicaſſe ſatis fuerit, Petrum, & Ioannem fratres, quorum vterque in rei Venetæ faſtigio, quod olim Thomas ex eadem gente tenuerat, conſpectus eſt. Petrus quidem cum Mehemetes diri huius nominis ſecundus ingentibus copijs terra mariq; Eubæam inuaſiſſet, atque in ea Chalcidem intra paucos dies expugnaf-

ſet,

set, ad quem nuntium Christianus Orbis contremuit; trepidanda ciuitate, & de belli euentu sollicita, classis cum summo imperio præfectus, per quadriennium ita Remp. administravit, ut anteferatur huic nemo, pauci pares putentur. Nam incredibili virtute, ac celeritate Asiam ab Hellesponti angustijs, ad Syriam usque exscensione facta, ferro flammisque vastauit; agrum Gnidium, Pergamenum, & Clazomenium, totiusque Cariæ oram ingenti præda abducta perpopulatus, Smyrnam nobilissimam Ionæ Urbem, nusquam ausis dare se in conspectum barbaris, coepit, diripuit, incendit. Carmanos fratres Ciliciæ regulos veteri ditione ab Ottomano spoliatis, Sichino, Coryco, ac Seleucia validissimis oppidis expugnatis in auxilium regnum restituit. Cyprum Insulam Regis interitu consternatam, ac nefaria conspiratione tumultuantem, sola nominis fama absens composuit, illucque cum valida manu aduectus, exacto de perduellibus supplicio, Reginæ, ac Reip. conseruauit. Scodram octoginta Turcarum millibus oppugnatam, licet corpore inualidus ab obsidione liberauit. Cumque animum ad Hellesponti angustias superandas adiecisset, partim motu Cyprio, partim ut Persarum Regi aduersus Turcas suppetias ferret, nobili incepto auocatus est. Mox Principatum adeptus, laboribus, & contracta ad Scodram valetudine fractus, breue id gaudium Venetis ciuibus fecit. Huic, interiecto Vendrameno Duce, Ioannes frater subrogatus, longius spatium fouendæ ciuitatis nactus, Rodigij peninsula Venetæ ditioni adiecta, & post atrocissimum bellum, pace confecta, ut frater bene gesta, ipse conseruatæ Reip. gloriam tulit.

His radicibus natus ad huius Imperij gloriam Mocenicus, ac recente Aloysij patrui gloria, qui in rei maritimæ præfectura paulo ante, vita honorum, sæpe gestorum, sæpius meritorum plena, supremum diem obierat, veluti Miltiadis trophæis excitatus, breui quo sanguine cretus esset, ostendit, nec obscurum Imperatoris indolis specimen edidit.

Nam

houp

Nam prima militiæ rudimenta nauali ad Naxum prælio, duobus acceptis vulneribus, suo, atque hostium cruore imbuere; famamque strenui, ac maxime pugnacis adeptus, iam tum ostendit, quam vile corpus ijs sit, qui magnam gloriam petunt. Quam strenue autem post celsiorum onerariarum præfecturam miles voluntarius se gesserit, in illa memorabili ad Hellesponti fauces pugna, qua Turcicæ opes prostratæ sunt, ac Venetus Imperator Marcellus, fortissime dimicans interitu suo patriæ satisfecit: utque omnia militis, ac ducis munia priuatus impleuerit: ut hostiles naues fugam meditantes, capto ambitu circumuentas, veluti indagine cinxerit, & necessitate, ac desperatione ad rem ferro decernendam compulerit: utque amisso oculo præcipuum illius celebratissimæ victoriæ instrumentum fuerit: captaque Tenedo, quæ nuper inexpiabili clade in barbarorum manus recidit, ac Lemno, non aliter quam si Venetus signa menibus inferret, Bizantijs trepidatum sit, est à nobis, præterito anno, hoc in loco abunde demonstratum. Cuius rei merito, toti maritimo negotio triginta annorum iuuenis impositus est: magnū quidem, sed pro oculo datum.

Ut vero conceptam de se omnium expectationem, non impleuerit modo, sed anteuerit, utque consilij præstantia, animi magnitudine, atque ingentibus ausis Orbem obstupescerit, narrationis series deinceps explicabit. Magna ipsum fama præcesserat, maior inuentus est. Nam ubi primum ad classem est cum imperio delatus, omnium in se ora conuerit, animoque in spem erexit, iuventæ vigore fauorabilis, ingens visu, ipsaque oculi iactura speciem honestante. Vixque inito magistratu in omnem occasionem rei benè gerendæ intentus, cum Turcicam classem Hellesponto egresiam comperisset, solis triremibus, ac celsioribus rostratis, relictis, quo expeditior foret, onerarijs, nullam moram insequendi hostis facit. Sed aduersa tempestate, adipiscendi spe deiectus; cum interim nunciatum esset, Punicas militares onerarias nouem,
quod

quod totius rei maritimæ apud Turcas robur ac firmamentum est, non procul visas, sex alijs, quæ ceterarum cursum æquare non potuerant, longo intervallo sequentibus; earum cursum intercipere, & validissimum subsidium hostibus auertere aggreditur.

Et quamvis impar certamen futurum erat triremium aduersus celsarum nauium, turribus, ac tabularis subuectam molem, fortissimis epibatis velut è castello propugnantibus; tamen sex maiorum rostratarum robore, virtute militum, ac fortuna sua frētus, instructam aciem venientibus opponit. Nec detrectauēre certamen Mauri, gens ferox, & ingenij ad pugnam auidi; quippe perpetuo latrocinio maria persultare sueti. Ita stolidi fiducia, non expectato cæterarum subsidio ingenti alacritate concurrunt. Sed minuit furorem excussus inter fulgetra primus tormentorum turbo, quo diu quassatæ piraticæ naues, cedere sensim, atque altum petere cœperunt. Imperator extemplo dat signum inuadendi, ipseque in Prætoriam inuehitur: triremes hostilibus nauigijs adplicantur, res ad manus deducitur, recrudescit certamen, impigre obfistentibus barbaris haudquaquam ad talia rudibus. Tandem nostra superat manus; hostilis classis igne, ferro, ac fuga dissipatur.

Qui ardor, qui impetus animi, quæ sublimitas, quæ celeritas igne quodam præceps! Nondum elapsis à certamine quindecim diebus, refectam propere classem secum rapit, frustra que Punicas naues prælio elapsas, & Purpuratum maris præfectum, quem pauor longius abstulerat, insecutus, ad oppidum munitissimum, quod Suazichium incolæ vocant oppugnandum, animum adiecit. Id in continenti situm littori adiacet, ac duplici latere mari alluitur, sinusque portum efficit, vel magnæ classis capacem. Crepidinem portus geminæ turres muniunt, fauces obiecta ingens oneraria cum piraticis lembis tuebatur. Imperator ad contemplandum loci ingenium munitionibus succedit, atque inter volitantē

R

tes

res pilas impavidus cuncta otiose speculatur. Inde celsioribus nauigijs præmissis inuchitur, ac deiecta oneraria, igneque missili submotis statione hostibus, copias exponit, datque signum oppidi aggrediundi. Non tulere impressionem, atque ardorem præliantium barbari, ac præfectus ipse, ubi captam onerariam vidit, rei summæ diffusus turpi fuga oppidum congestis illuc vicinorum locorum opibus præda refectissimum destituit. Ea inter milites, ac nauales socios diuisa: nihil ex capto oppido præter gloriam Mocenicus retinuit: geminæque intra mensem victoriâ potitus, nil actum credens, cum quid agendum superesset, in vniuersi certaminis aleam inuicti animi impetu rapiebatur.

Et initio quidem ingens facinus, & Veneta gloria dignum animo conceperat, Chium oppugnandi: sed crebris nuntijs reuocatus, Turcas ad recuperandam Tenedum omnes vires terra marique conuertere, illuc præuertendum statuit, gnarus boni ducis esse parta tueri, quam de alieno dimicare. Totamque rem in eo verti ratus, si Hellesponti claustris hostem obsideret, illuc cum omnibus maritimis viribus contendit. Ibi ita classem faucibus obiecit, ut nonnisi per infestum nostrarum nauium agmen, ac fulmipantium tormentorum procellam exitus pateret. Sed aquæ incipia classis in vndis fatigabatur. Nam cum dispersæ Turcarum manus vicina litora infedissent, & dispositis tormentis nostros arcerent, aqua rerum vilissima sanguine erat permutanda. Proximum Troiæ flumen aquationi destinatum fuerat: sed præter erectas ibi quoque munitiones, contrarij Aquilones tæuebant.

Itaque Imperator coactus est, relictis in statione onerarijs, & galeatijs Imbrum Insulam petere. Vnum diem aquatio tenuit, quæ etiam maiori clausi sufficeret. Sed fortuna nostris conatibus infesta tantam venti vim excitauit, ut ad octo dies regressum arceret. Turcæ insperato beneficio, vti de situtas triremibus naues inuadendi, solito ferociores

Ca.

Castellis erumpunt. Præsidebat maiorum nauium classem M. Bembus, vir animi periculis interriti, reique navalis ap-primè sciens, æque consilio, & manu promptus. Qui tanto viribus impar, venientes barbaros intrepide excipit. Et quamuis ipsius nauim à cæteris seiunctam septem hostiles, in quæis Prætoria, circumstetissent, admiranda fortitudine ferro, atque igne, ita adfultus submouet, licet vulnere cru- ris debilitatus, nulla-~~ve~~ propius succedere, & rem cominus perichitari auderet, nemo abesse Imperatorem sentiret. Ex parte altera galeatiæ pilarum tempestate, atque igneis missi- libus in aduersas detonantes, ingentem stragem, cruentos fluctus ciente pelago edebant. Vbi vero nauigia, aut casu impulsæ, aut destinato inuectæ, infestis proris concurrerunt, ac percussu illisæ & resilientia, corporum certamen mi- scuerunt, cuncta fors regere, passim cædes, ac vulnera, & plurimam mortis imago vagabatur. Eum denique nostri cor- poribus, atque animis connixi impetum dederunt, vt quin- que onerarijs, totidem constrictis partim captis, aut incen- sis, partim demersis, aut litori illis, reliquæ inrentis velis turpissima fuga abriperentur. Inter quæ Mocenicus, tor- mentorum strepitu excitus, inuito vento ac pelago præceps in certamen ferebatur. Eum procul conspicatæ Turcicæ tri- remes ratæ purpuratum maris præfectum directo Tenedum cursu Rhodo aduentare, magna lætitiæ significatione obuiæ effunduntur. Sed vbi D. Marci signa propius fulsere, ne- mo enim nostros aduersa tempestate Imbro soluere potuisse credebatur, nouitate periculi percussæ, remis velisque conni- xæ, effusissima fuga litori proras obuertiêre.

Imperator ventorum, ac fluctuum euerberata pertinacia, fortunæ obiratus, quæ tantæ victoriæ spectaculum, quam arbitrium delegauerat, pugnandi cupidine ardens, id vnum consummandæ victoriæ deesse arbitratus, si naues certami- ne elapsas, aut caperet, aut incenderet, septem triremes, antequam proximum promontorium flecterent, aggredi-

constituit. Res erat extremi periculi, & si dicere fas est, temeritati propior. Nam quinque munitiones tormentis instructæ, intra grandioris sclopi ictum subeundæ erant: nec digna periculo merces. Sed animi nimius, & præferuida iuventa immodice fortis, maioris semper discriminis aleam deposcere, successusque vrgere, & fortunam lassare solitus: & quia multa prouenerant, quam summæ rei præfecto conueniret animosior, magnæque animæ, quæ melius reseruata foret, prodigus, recta in hostem contendit. Et quamuis præmissarum navium alteri malus tormento diffractus sit, alterius aliquot milites in eius conspectu lacerati, vrgente fato impavidus succedit. Sed iam venerat horæ terminus extremæ. Nam maioris tormenti pila, non in eam spem emissæ, sulphurei pulueris cadis illapsa, excitato incendio, vesaniæte flamma, convulsam momento puppim distrahit, atque vnicum Imperatorem, & quatuor patricij sanguinis, præter ignobilem turbam per inane iactatos dilijcit, vnâque publicam spem intercipit.

Hæc est Lazari Mocenici Apotheosis, non mimica, & sæuissimis Tyrannis ancillans, factura Deos, ne hominis quidem titulo dignos, ac deuotas Tartaro vmbras impactura sideribus: sed libera, ac plaudente Orbe, inusitatæ virtutis meritis impar. Sic noster Achilles Dea natus, brevis æui, in conspectu Trojæ, non imbelli Paridis dextra, sed tonantis fulmine Acheronta fugit. Ante funeratus, quam mortuus, sine mortis sensu extinctus, non ad rogam, sed in æthera, succollante flamma elatus, idemque sibi cinis, ac rogam, feretrum, ac tumulus, pœnæque expiatus, & radians, bustoque renascens, non Aquila Cæsarum satelite, sed magnæ matris Leonibus inuectus origini suæ redditus est. Sic Venetus Hercules, non in Oetæo vertice, sed in Asiæ, atque Europæ confinio, non muliebri fraude, sed nimia virtute, vivus, ac videns consecratus, æternos animam collegit in Orbes, nusquâ, & vbique sepultus, ac ne qua mundi pars hoc pigno-

re

re vacarèt , per omnia elementa diuisus , & quasi non posset tellus tantum ferre sepulcrum, Cœlo conditus.

Eludant, vt libet, qui Venetos natura imbelles, toga, quã sago, consilio, quam manu præstantiores, foro, atque ambitionis officijs occupatos, Cœli solique clementia remollitos, ad belli munia impromptos, ad pericula segnes, sæpiusque auro, quam ferro pugnantes, credi volunt. Nisi enim innu-mera Venetæ fortitudinis exempla tot seculis extitissent, vel vno hoc bello, densatis procerum funeribus, satis declaratũ esset, quanta sit gloria gentis principibus, pro patria in fer- rum, atque ignem ruere, mortem contemnere, ac laceßere, nihil metuere nisi turpem famam, vitamque pro laude paci- fici. Quanto acrius libertas defenditur, quam domini.

Potuerat Mocenicus, totque alij incliti duces, ac præfecti, diri exempla fati, domi discinctum otium conterere, vitam- que desidem, & concessis voluptatibus refertam agitare: pulcherrimæ, atque amœnissimæ Urbis delicijs frui: in re lautissima, ac principali paratu iuventam mollius curare: ple- no honorum gradu ferri: gaudere ambitu: Comitiorum aura impelli: denique belli rumores ex tuto captare. Potuerat celsiorum navium Præfectura, torque periculis perfunctus, emeritę militię requiem non impudenter optare, ac duo vul- nera patrię numerare. Potuerat Imperij maritimi summam adeptus, fortasse etiam debuerat, sibi parcere, vt omnibus consulere, pericula alijs delegare, mentemque non manum classi commodare: maxime postquam altero lumine cum for- tuna deciderat, ac mortis dimidium in corpus receperat: cum tot mortalium millia vno oculo regerentur, causariam missionem honestissime sperare, ac poscere, vt dignitatem supremę proximam adeptus, fastigij illius candidatus, par- tis opibus, atque ingenti gloria in ore ciuium frueretur.

Hæc omnia patriæ donauit antequam supremum munus erogaret. Maluit in remotissimis oris, tenui ligno, ac ventis vitam credere, marisque fortuitorum pleni fidem infamem

tentare: in id certaminis genus descendere, in quo ferrum non tota fatorum pars est: interdum mucido nautici panis frusto ventris lattratus sedare: scatentem vermibus aquam casside potare: per transtra, & foros Imperatorium corpus proclinare: æstu, siti, inedia, algu gratis florem macerare: nobile caput quotidie periculis obicere: cominus hostem petere, vulneraque & cedes foenerari: denique non iam Spartana, sed Veneta nobilitate, obstinatus, aut vincere aut mori, grandinem sanguinis, vt cum Pindaro loquar, à chara patria propulsans, in opere animam effundere. Sic Veneti animas patrię auctorati dimicant: sic libertatem, religionem, Italiam oppositu pectorum ab hoste communi tuentur: sic publica fata redimunt: sic itur ad astra: hæc est ad superos via.

Ecce novum sidus exoritur, ac minora signa præradiat, in gentium animarum, quę aut præcesserunt, aut longo agmine comitatę clarius Cœlum fecere: transcripto illuc Venetę iuventutis flore, quę vt olim in re simili Pericles dixit, sic e ciuitate, vt ver ex anno sublata est. Hęc tamen, nos miseros, nemo suspicere, nemo oculos præ lachrimis attollere audet: quoties tot luminibus, quot stellarum collucentium oculi illinc micant, orbatam Remp. cogitat. Nam licet supremus Heros, velut machina subductus sit, nondum Tragedię exitum videmus, quam quidam nimis secure spectant, quidam amant. Ergo huc preces, huc vota flectamus diuosque rogando faciamus.

Tua fortissime Imperator Cœlo recepta imago, Vos, ò, Indigetes animę, quibus virtus vitã potior semper fuit, mors votum ac merces, has terras, hæc maria, vestro cruore irrigata, hanc patriam à vobis seruata propitio lumine respicite, atque isthinc in perduelles, ac foederum ruptores tela euibrate: vos à magno Deo nostris culpis intenso misericordiam extorquere; vti exoratus, Venetam ac Christianam rem fortunet ac sospitet, formidinem, fugam, cladem;

demque in impios, ac Numinis sui contemptores vertat. Nos inuiti superstites, vestra vestigia adorantes, cum res poposcerit, sanguinem patrię dabimus, interim quod proximum est, memoriam vestri, fideli literarum custodia in omne ævum sacrabimus. Dixi.

I A N V S C L A V S V S

Prolusio XXIII.

Nulla salus bello, pacem te poscimus omnes.

Sextus decimus annus agitur, ex quo Veneta res tristissimo bello confictata, Ottomannicam vim, qua olim clarissimarum gentium imperia corruerunt, magnaue Orbis pars pressa seruitio gemit, non sustinet modo sola, sed reprimat, atque infringit, nec tam pelagi ditioe, quam veterē victoriarū gloria spoliata intra Bizantii claustra coeret, & ut sic dicam Neptuno flagra, ac Thracio Marti compedes minitatur. Tot annorum spatio, immensę potentię exiguam manum obsistere potuisse nulla posteritas credet: nos ipsi hodie dubitaremus, nisi tot fixa de barbaris trophęa in oculos incurrerent: nisi tot captę Vrbes, disiectę classe, fumantes oppidorum reliquię, constratum cadaueribus mare, decolor sanguine Oceanus flueret: nisi torquentorum tonitrua è proximo aures impellerent, fulgetra aciem perstringerent: & si poetarum more loqui fas est, Odrysia Luna suo, atque externo cruore sędata nitorem conderet, atque impiam gentem æterna nocte damnaret.

Atqui funesti belli initio nemo erat, qui destitutę ferē ab omnibus Reip. præmaturas inferias, ac mortis carmen non caheret: quique hoc libertatis sacrarium primo Thracię tempestatis turbine, ac superfusę barbarię diluvio pessum ituram timidissima miseratione non ingemisceret. Quos enim

animos, quas vires inopinato deprehensis, ac longæ pacis otio torpentibus, & tanti belli, quod iam biennium coquebatur simulatione per summam perfidiam deceptis, vix hostium aspectum, vix superba ora laturis? Hæc tunc, quibus vtriusque partis vires cognitæ erant, anxii, ac solliciti reputabant: quidam fortasse, tantæ fortunæ fulgore præstriâ, ne quid durius dicam, lætabantur.

Sed esse cordi superis hoc Christianæ rei columen nunquā certioribus iudiciis approbatum est. Quippe tanta inuictæ virtutis constantia, tam præsentibus animis ad hanc diem certatum, ut repressum Turcicū furorem, reddidas ex æquo clades, ac toties infortunio mactatos hostes vix fidem inueniat. Illud omne miraculum exsuperet, potuisse etiam raptores Orbis, omnium rerum diuinarum, atque humanarum prædones penitus profigari, bellumque patrari, si aliquid humanæ opis Venetis alicunde accessisset. Sed truces inimicitæ, semperque magno luenda populis Regum cupiditas, & incertamine dominationis, ac gloriæ, odium ultra humanarum irarum fidem sæuiens, omnem auxilii spem hæc ænus interceptit, fidemque dicto asseruit, non virtute sua, quā vitijis nostris, ac discordijs Ottomannicum Imperium coaluisse. Quæ inter Reges prope triginta annorum contentio, omnia diuina, atque humana permiscuit, nec duo modo florentissima Regna mutuis cladibus attriuit: Italiam certantium votum, ac summam, omni calamitatum genere pessumdedit: sed vniuersum terrarum Orbem concussit, ferroque & igne, & quæ hæc consequuntur fame, ac pestilentia prope ad solitudinem redegit.

Tantane animis cælestibus ira?

Cumque maiorum exemplo, non dico Bizantium, ac Solymos Aufonijs trophæis spolianda esset, atque ibi Crucis vexilla sistenda, vbi sepulchrum barbaro pede proculcatur: quale votum hodie non sanæ mentis habetur. Sed cum Scythica rabies Italiæ immineat, ac per Venetorum corpus ad Orbis

Orbis excidium grassetur: illaque parricidiorum furij agitata bellua, Latio dementes ruinas, & Christiano nomini funus meditetur. Quis non ingemiscat, ac tacitis questibus indulgeat? Duos maximes Reges communibus sacris, nec vno sanguinis pignore iunctos, victrices dextras in sua viscera conuertere: populosque eadem tabe contactos, debitum liberando Orbi sanguinem alienæ cupiditati impendere, & circa Christianæ rei bustum, furialibus armis velut in arena concurrere.

Ita cum pars altera secundis rebusmersa intumesceret, altera aduersis pressa vindictæ cupiditate flagraret, abscissa omni concordiae spe, duratæ in exitium mentes: læti occasione barbari, victis, ac victoribus insultandi. Cùm igitur consumptis, ac prope deploratis votis humanum genus mœrore, ac metu contabesceret, præter omnium expectationem primò Christianæ pacis spes affulsit, tum voti fiducia ab vltima desperatione marcentes animos erexit.

Totum hoc optatissimæ tranquillitatis beneficium, secundum superos duobus viris Christianus Orbis debet, quorum nomina æternitatis fastis adscripta grata posteritas venerabitur. Hi sunt Iulius Cardinalis Mazarinus, & Aloysius Medefius de Haro, duo Lædæa sidera, quorum exortu fœdissima tempestas, quæ prope suprema Europæ incubuerat dissecta, compositæ Regum mentes, ac nouo sanguinis fœdere illigatæ, contusæ barbarorum spes, illisque acerrimum discordiarum nostrarum telum ademptum, & beatissimi seculi initio, pace terrâ, marique parta sanctior Ianus clausus est.

Hoc fortuna loco tanta duo nomina fama

Composuit, miseri nec est spes irrita Mundi.

Huc igitur mentes, huc vota, infelices tot bellorum reliquæ, ac vitio parentum iam rara iuventus, & à Pacis templo, pacis studia ac Musarum meditamenta auspicare, & vna mecum in venerationem composita, Orbis liberatoribus ac genijs

genijs ſalutaribus hoc memoris animi tributum effuſiſſima gratulatione perſolue .

Et Iulium quidem Mazarinum ſine piaculo præterire non poſſumus ; quem in hoc natura , bonique diui terris commodaſſe videntur , vt oſtenderent , quid ſumma virtus , in ſummâ fortunâ efficere poſſet ; qui tamen totam fortunæ claritatem vni virtuti ferret acceptam . Cuius animi vigor præſtantiffimus , & quod olim de altero Iulio dictum eſt , ſublinitas omnium capax , quæ Coelo continentur , nominis præſagium implet . Licet Iulij illius , qui largitione , ac vi domitos Quirites ad ſua ſлага deduxit , virtus patriæ exitio fuerit , huius Orbi ſalutaris . Qui non longa Principum ſerie tumens , ſed modicis iniurijs , incomparabilis ingenij præſtantia , ſolertia , ac fide , omnes honorum gradus emenſus , in proximo Regiæ maieltati ſaſtigio aduena ſtetit , vt attonitis omnibus , non maximi modo Regni , ſed ad extremum rerum humanarum arbiter , Orbem conſilij , atque operibus fatigaret , cuncta nutu regeret , iura , legationes , ſœdera , exercituum præfecturas , Imperij opes , & arcana in manu haberet , gentes quas vellet bello quateret , & cum viſum eſſet , opima pace reſoueret : quodque alias inauditum , non modo cum Italiæ Principibus , ſed cum Regiæ domo , genus , ac ſanguinem miſceret .

Qui ad omnia ſumma natus , ab adoleſcentia maximis negotiis innutritus , qua ætate ceteri virtutis rudimenta ponit , emeritiæ laudis præmium ruit . Nam licet literis , iſſque reconditis , & exquisitis , atque omni diſciplinæ cultu impenſiſſime imbutus , iam tum æquales anteiret , qui neminem parem , aut ſecundum habiturus erat , indolem res humanas moderaturam præmature exeruit : & in contubernio magni viri , qui ad componenda Regum diſſidia à Pontifice in Inſubriam miſſus erat , imperitantium artes , atque arcana dominationum edoctus , futuræ gloriæ prolulit .

Nam ardente bello , & de Caſalis , veluti de Orbis poſſeſſione

sione certantibus Regibus: Hispanis Urbem circumsedentibus, Gallis ad soluendum obsidium infesto agmine properantibus, nequicquam tentata pacis mentione, cò res adducta erat, vt nonnisi vniuersi certaminis alea decidi non posset: vt illud pereuntis Italiæ bustum, nouis ossium aggeribus cumlaretur. Iam signa canere, manus conferi, misceri prælium, ac cruentari ceperat, in credibile dictu, Mazarinus flexis ducum mentibus, ac perscriptis pacis conditionibus aduolans pugnantibus se infert, & velut Maix nepos Cœlo delapsus, inter volitantia tela, ac pilarum grandinem discurrens, magna voce, res ex sententia compositas proclamat, furentes dirimit, atque in numeras animas momento temporis ab internecione vindicat, vtroque exercitu seruato gramineam promeritus.

Rem seculis inauditam! Nam qui bellorum procellas consilio disiecerint, & discordes animos subita tranquillitate composuerint, multos vetus memoria commendat. Sed qui conferto prælio, vâ sano Marte percitos, ac vindictæ cupiditate cecos, tubarum sonitu, ac tormentorum crepitu, obstructis auribus animisque, à mutua cæde retraxerit, iræ dulcedinem interpellauerit, hic post veteres Sabinas vnus repertus est. Discordes populos, atque insito odio iuratos hostes, nò ab extrema modo rabie repressos, sed eodem loco, quo mutuum sanguinem hauserant, armatas in exitum dexteras, excussis gladiis iunxisse, bona fide ruisse in amplexus, atque obortis lachrimis, fluentem cruorem diluisse, cum tot qui interfuere superint, vix hodie creditur.

Inauditam laudem, inusitato honoris genere complexus est Urbanus VIII. Pontificum Maximus, cum vt tantæ rei memoria testatior esset, eam in Vaticano pingendam mandauit, vbi Mazarinus forma imperio digna, atque illa facie toto Orbe secunda, inter ruentes acies paciferas oleas prætendens, atque pro omnibus caput deuouens spectatur, duobus exercitibus abominando exitio seruatis, laureâ triumphis omnibus

bus anteferendâ.

Magna quidem olim Miltiadis gloria habita est: quod cum in porticu Pœcile, pugna depingeretur Marathonîa, imago eius in decem Prætorum numero prima posita est: sobria adhuc honorum Rep. nec largitione magistratuum corruptis moribus, trecentis postea statuis vni Phaleræo positis. Ne hîc commemorem à Sylla Quiritium carnifice, depictam in villa Tusculana, quæ postea fuit Ciceronis, oblatam sibi Marfico bello gramineam coronam, fædissima ciuium proscriptione postea detractam. Quota portio laudum Mazarini, non vnius diei triumpho Urbem inuecti, sed in Vaticani sacrario, non de cæde ac sanguine hostium, sed ob seruata tot Christianorum millia perpetuo triumphantis? Scires à sene terrarum Orbem pacandum, qui iuuenis vtriusque gentis fati intercessisset.

Inde Pontificis, Regumque certamine congesti in iuvenem honores, purpuraque licet appropriata, serior meritis, ac publica expectatione visa. Sed, vt opinor, hoc sidus Galliæ debebatur, vt quæ salutis publicæ, ac securitatis fundamenta Richelius, alterum seculi miraculum iecerat, hic ad fastigium perduceret, ac demum incertum fieret plus ne Gallia ciui, an extero deberet. Certe superis Regni præstitibus prouisum est, ne inchoata felicitas vna cum auctore intercideret.

Nullum quidem vetus, aut recens ætas tulit cum Richelîo comparandum. Qui incredibili, ac prope diuina virtute, Regnum illud intestino scelere, ac furiali bello convulsum, Regiam maiestatem procerum conspiratione imminutam, ac prope oppressam, non seruauit modo, sed in pristinum decus restituit: atque eradicato omni perfidiæ, & impietatis aconito; producto pomærio, illuc Gallica signa intulit, quod ne spes quidem, ac cogitatio priorum Regum peruenerat, genteque æmula tot cladibus contusa, ac prope afflictâ, Gallicum nomen iisdem ac Solis terminis circumscriptis.

Ce-

Ceterum Richelius in eum Regem inciderat, in quo virtus, ac fortuna ex æquo certauit. Qui fortitudine, & clementia, non parentis modo Gallici Martis fulgorem æquauit, sed acta prope obscurauit: vt clarissimarum toto Orbe victoriarum Richelius mens, Ludouicus dextera fuerit. Ita purpurati consilij, Regis inuicti auspicijs, ac ductu Rheia in libertatem asserta: Rupella studiis asperima belli, illa Reipsentina, religionis scopulus, Henrico Magno ne spe quidē tentata, vltra Tyriæ obsidionis fidem admirandis operibus continenti iuncta, nec tam aduersus Anglorum potentiam, & coniuratæ impietatis conatus, quam naturæ vim ventorumque ac pelagi rabiem cum ipso Oceano sub iugum missa: atque inde è latibulis, ac lustris eruta sectariorum hydra, numerosum malum, supplicij secundum, igne, ac ferro mori docta, Gallici Herculis est opus. Quid Italiæ claustra ad Susam perfracta, atque immistæ nubibus Alpes suo sidere armatæ, media hieme perdomitæ? Pinarolum in ore trium exercituum captum: Casale ter obsidione liberatum: Sabaudia subacta: Ruscinonensis Comitatus, Perpennianum, totque oppida Hispaniæ erepta: Vallis Tellina victricibus copiis infessa: denique Germania & Belgium nequicquam victorij peragrata fuissent, nisi Cardinalis consilij fortissimus Rex triumphalem manum præsens commodasset; nisi in Vrbum obsidione, licet ægra valetudine patientiæ exemplo hostes superasset: nisi in prælijs ante signa, & vbi plurimum laboris, ac periculi dimicans, nominis fama, interdum solo aspectu armatas acies exterruisset.

Vtroque rebus humanis exempto, Mazarinus Richelij supremis monitis, Ludouici tabulis inter muliebrem tutelam, rudimentumque primum puerilis regni Galliarum regimini ad motus est, gentis, vt veteres crediderunt, inquietæ, audacæque faciendi principis, vel imperij. Turbidis adhuc, ægrisque ac suspensis rebus: principibus de more circa rerum summam, ac Regni arbitrium digladiantibus: non pau-

cis

cis publicæ libertatis prætextu cum hoste consilia miscentibus, haudquaquam ad talia segni, hæcque opportunitates animose mercante. Fatali Aulæ illius indulgentia, nec tam parata defectioni venia, quam magno semper auctoramento redempta contumacia.

Cum ergo maius ab intestinis dissidijs, quam externo bello Reip. discrimen immineret, sparsaque in Regiæ penetralibus discordiæ semina, cuncta secum tractura inualeceret: qua ille dexteritate, qua consiliorum altitudine tumentes animos componere aggressus, ac fomenta adhibere, ut pacem ferre vellent, neu despecta Regis infantia cuncta pro libidine traherent, raptarent, sed ciuiles iras in hostes verterent?

Cuius rei admiratio ita demum solida perueniet, si quis cogitet, vbique terrarum, sed ibi præcipue peregrinæ virtutis odium, semperque recentem felicitatem ægris oculis introspectam, superba procerum fastidia, atque interdum per ipsum Regis caput petitam insidiis ministrorum fidem. Itaque tantarum rerum contemplatione necesse est obrui reputantem, quomodo homo Italus, non dico tam breui in id potentiæ euectus sit, sed grauissimo externo bello, simul domestico certamini tandiu par esse potuerit, atque in Aulæ lubrico tot impellentibus consistere, perque eas turbas, atque insidias, non modo Regis, sed sui potens animum in tot curas diuidere: tot bella per Hispaniam, Galliam, Belgium, Germaniam, Italiam consilij, ac nutu administrare, succisos ærarii inopia ac peculatu belli neruos reparare: potentissimū hostem non vna clade percellere: & procerum insectationem, obtreccionem Senatus, etiam sequioris, sexus machinamenta, & plus quam viriles fraudes, insanę plebis humile venenum, tot malorum conspirationes perferre, eludere, & vno veluti spiritu diffilare.

Incurrit quidem in eum fortuna Galliæ magis quam ipsi calamitosa: sed cum toto impetu delæuisset, ita concussit,

vt

vt post casum validior exurgeret, rebusque aduersis, quam secundis admirabilior appareret. Hoc enim demum pror edita Gallia salute, gentisque gloria ab ortu, ad Hesperium cubile porrecta, saxeæ mercedis accepit, vt sacrum caput iniquissima proscriptione peteretur ad necem, bonaque acerbissimæ voci præconis subijcerentur. Poterat ille quidē Regis Maiestate, cui sceptro potior ministri salus, totque exercituum fide in statione persistere: sed maluit Gallico sanguini parcere, pro quo nunquam suæ saluti pepercisset, ac sæuienti tempestatu vela submittere seque à furentibus subducere, donec acius sui desiderium subiret, ciuesque iuxta, & hostes intelligerent, Mazarinum Gallia, Galliam Mazarino carere non posse.

Ita ingenti animo inuidiæ cedens, vt olim magni illi Heroes testula labefacti, ab ipsis hostibus non tanquam exul, sed Principis in morem exceptus est, tum virtutis miraculo, tum quia sacrarum ædium ruinæ non secus, ac stantes adorantur. Ibi in alieno solo, tum maxime pro Rep. excubans, ita se gessit, vt amorem rectorem nec ciues senserint nec hostes. Donec fortuna Gallicum pudorem absolueret, Magnusque exul, iactatum perfidiæ fluctibus, ac pene à suis obsessum Regem, non tam inermi consilio, quam sex milliū bellatorum exercitu contracto discrimini eriperet, nec tam de hostibus, quam de ingratis ciuibz triumpharet.

Quæ diei illius species, quod illustrius popularis leuitatis documentum? cum Vrbs illa, quæ vt Mazarinum eiiceret penè obsequium in Regem exuerat; quæ bonorum direptione, ac distracto in Phariæ æmula bibliotheca, Musarum mūdo nihil furori reliquum fecerat: quæ conuiciis, ac maledictis in fontem petulantissimè lacerauerat; quæ veluti sacrum, atque intestabilem deuouerat: eadem reducem effusissima gratulatione, ac quæsitissimis honoribus, cum ne maioribus quidem Regem posset, exciperet: humeris suis in Regiam reportaret, nec iam exulem, ac turbatorem, sed Gal-
liarum

liarum ſidus appellaret.

Quæ ſunt conſecuta etiam ab hoſtibus conſeſſionem expreſſerunt, vnius hominis virtute, ac perpetuis excubiis nõ modo Gallici Regni ſecuritati proſpectum, ſed victricibus armis toto Orbe circum latis, clariffimarum victoriarum veſtigia vbique impreſſa, vt demum bellis omnibus terra, marique compreſſis, optata gentibus pax, cum eius ſpes decoxiſſet, eiꝛdem nutu concederetur. Qua claritate nihil equidem in rebus humanis ſublimius ducō.

Sed quo me admirationis æſtus attonitum, atque anguſtiæ temporis, ac tenuitatis virium immemorem rapit? Quæ ingenij vis quæ tanta facultas hæc mente aſſequi, ne dum oratione complecti valeat? Ergo Mazarino Gallicis rebus præſidente mentemque ac diuos præbente, capta Grauelingæ, in Belgii viſcera penetratum, & coniuncto cum Batavis exercitu ad occupandam Hulſtam aditum patefactum: Elbam Inſulam in Italia Gallici iuris factam: in Germania vltra Rhenum, ac Danubium ſigna promota. Rocroiano prælio cæſos hoſtes Lutetiæ imminentes: Theoniſuillam, Duncheræcam, totque oppida ſitu atque opere firmiſſima expugnata: & cum Sveci vt Daniam inuaderet Germaniam reliquiſſent, totum illud bellum Gallicis viribus ſuſtentatum: repreſſam Bauari ferociam, atque in indutijs ſpem ponere coactum: reuocatos Svecos, ac præter omnium opinionem inenarrabili ingenii vi compoſitas res, & ex tanto bellorum turbine repentinam ſerenitatem vniuerſæ pacis omen, Septentrioni redditam præclara ingenia æternitati procudent, ſi modo parem rebus ſcriptorem, quod vix ſperare audemus, ætas noſtranancifcetur.

Vocat enim nos, nec ſe diutius ſileri patitur alterum gentibus caput adoratum, totque votis expetitæ pacis ſequeſter Aloyſius Mendefius de Haro, Auſtriacæ maiſtatis iam ſola fides, Iberus Atlas, in quem Rex Regum vtriuſque Orbis pondus reclinauit, & vt omnia vno verbo complectar, cum

cum Mazarino à sup̄eris compositum par. Quanquam sicut genus, ita vtriusque dispar fortuna. Quippe Mazarinus eoritu Richelio optio datus est, quo vir virum legit, non tam consiliorum, quam fortunæ heres. Vt ille ingentibus actis Gallicæ felicitati viam struxerit, quæ ab hoc demum consummata est.

At Mendesium Imperij secundum deorum opes maximi gubernaculis admotus est, cum nauigium illud, cui Catholica res, ac mundi salus est credita, horribili post hominum memoriam tempestate iactatū, ita quateretur, vt prior proreta, siue arte ambiguis malis victa, siue factorum inuidia penè clavum amitteret, ventisque ac fluctibus ludibrium deberet. Non modo enim ventorum depræliantium rabies, pelagique funditus convulsi insania rati incubuerat: Sed à latentibus perfidiæ scopulis, seditionum æstu, ac vadorum insidijs extremum imminens discrimen. Cum toto mundo concita pericula facto agmine ingruerent, & in vnus Regni perniciem Regna pene omnia conspirarent.

Hinc ab Arctoo cardine Suecus Germaniæ suæ infestus hibernū increpans bacchatur: illinc Gallicus turbo stridens, Cælum terramque miscet: inde ab vltimā Thule Anglici intonant nimbi: atque ab extremo Oceano noctem, hiemem; que ferens Batauca procella erumpit. Tum crebris populorum motibus, ac turbis veluti impactum breuib; nauigium, remis fatiscens sentinam trahit. Catalaunica seditione latus abscissum: Lusitanæ defectione carinæ pars diuulsa; atque auriferi Orbis iactura, excussa armamenta: Panormi, ac Neapolis furijs saucius malus, claudum remigium, ac prope soluta compages.

Prima salus, tanta mundi ruina erubescendam fortunæ ratem non periisse, proxima Hispanum Typhim non desperasse. Qui clauo affixus, & herens, dum tempestas mandata factorum peragit, ruentis cœli tumultum, & coniurati Orbis minas interritus excipiens, prope naufragæ puppis habenas re-

S git,

git, atque vndarum moles, ac decumanos fluctus, qua frangens, qua declinans, non incolumis modo portum subit, sed resecta rate, domiti imperiosi æquoris terga triumphali carina persultat.

Si vera dicenda sunt, Imperij illius, intra quod Sol nascitur, & cadit, frena moderari: & vastam illam molem, quæ magnitudine laborat sua, vno veluti spiritu animare: tot prouincias interfuso Oceano disunctas: tot Regna immani terrarum tractu diuisa: atque vltimos deficientis Orbis terminos: & hinc occiduos Indos, illinc nascentis dici radijs afflatos, commercio, sed magis legibus iungere: tot populos lingua, moribus, ingenio dissonos in officio continere: tot Vrbes ferocissimis gentibus conterminas: tot colonias hostili solo intersitas tueri: tot exercitus, tot classes, consilij, ac nutu regere, etiam altissima pace, non arduum modo, atque anceps, sed naturæ vires, atque humanæ mentis caprum supra est.

Quid cum fortuna sequere, & cuncta miscere cepit? & tantæ felicitatis inuidia lymphatæ gentes ad arma consternantur? Nec simplici motu Orbis concutitur, atque ad Orbis decus opprimendum furiali mente vndique concurritur? Quid cum intestina rabies externi furoris addicamentum fit: ac perfidiæ tabes visceribus serpens, in ipsa Imperij vitælia grassatur? Quid demum cum terræ filij vāsano conatu Iouem Olympo detrahare moliuntur? Quæ mens, quod peccatus, quæ consilij vis tot monstris par, ac superior in alio inuenietur? Furenti fortunæ animum non submittere, tot responsare periculis, oculos à custodia terrarum nunquam deflectere, intestinum scelus procul habere, eadem opera tutari socios, atque hostibus terrorem, ac ludum portare, ruentis imperij cursum sistere, ac demum efficere, vt fera munera militiæ

Per mare, & terras omnes sopita quiescant
non humana laus est, quique hæc præstat vno minor est Ioue.
Hæc

Hæc magna ingenia delassabunt, ac posteritatem miraculo defigent, omniumque gentium literis, ac linguis ad Cœlum feretur, Mendefij singulari sapientia, ac fortissimis consilijs, tot terroribus circumuentam Rempublicam expeditam: tot vulnera vno tempore sanata: tot Vrbes, quæ in hostium potestatem venerant, receptas, aut obsidione liberatas: tot in hostico captas, signaque hostili Regiæ prope admota: tot copias profligatas, atque occidione deletas: implacabiles seditionum furias momento temporis comprefas. Italię Principes, sibi, ac patrię aduersa consilia coquentes, molli brachio correptos, & cum à socijs deserti, atque ad extrema redacti, iustum Hispanicę indignationis fulmen exhorrescerent, publicę tranquillitati donatos, ac pristinę dignitati restitutos. Alios Principes Italicorum bellorum desultores, imperio profugos, ac patria extorres, copiis & liberalitate Regium in morem sustentatos. Casale, certaminum summam, post tantum auri, & sanguinis exhaustum, sicut olim Placentię arcem, ac Senas, magnanimitatis exemplo, cui comparari non possit aliud, suo Principi assertum, atque suppeditatos in præsidium sumptus: nec vno documento, contra aduersos Ibericę cupiditatis, Orbis Imperium inhiantis, rumores, declaratum, Hispanam maiestatem non sibi, sed alienis commodis victrices Aquilas circumferre, atque Europę tranquillitati, & religionis tutelę, inexhaustas Indorum gazas, ac tot populorum animas profundere, ac sociorum salutem suis utilitatibus antiquiorem habere. Ita rebus licet angustis, cognati Cæsaris maiestatem toties ope fultam; nec tam Germanię, quam superis, ac templis infestissimos hostes ab ipso Imperij iugulo detractos, & pacem petere coactos.

Sed præcipue omnium linguas in præconium soluet, illa in tanto culmine facilitas, hoc est vera optimi, & clementissimi, quotquot olim fuere, eruntque Regis imago: rarumque sub illo Cœlo, effusa, atque obuia comitas, populorum

Vota prouocans, tanto gratior, quanto grauius alterius, qui aulę potiebatur fastidium, rarus sermo, luctantia verba, durę fores, contractę frontis nubes, & vltra gentis supercilium, tristitia, ac senium.

Hęc & similia, præcipue ex eadem humanitate, ac posteritatis cura, literarum patrociniū, ac magnificum ingeniorum cultum, quodque eius cuncta regentis potentiam, nemo senserit, nisi aut leuatione periculi, aut accessione dignitatis, quibus audacia, ac vires curatius exequentur, ac perpetuę memorię commendabunt. Nobis in præsentia satisfuerit, Mazarino bene gestę, Mendefio conseruatę Reipublicę Christianę testimonium reddidisse.

Sed vt vnde inceptit, eodem reuertatur Oratio: quantum vobis clarissima mundi luminā humanum genus debeat, omnes intelligunt: quantum humani generis decus, ac delicię Veneta Resp. expectet, quantum debitura sit, non est facile explicatu. Frustra enim tanto molimine suscepti labores, si vobis modo res acta esset, & diuinę huius concordię fructus in sociorum tutelam, & Christiani Orbis securitatem non redundaret. Quorum sociorum sicut res admodum perturbatę, ita spes in maximorum Regum ope, ac vestra virtute sunt sitę. Ita ad hanc diem res à Venetis gesta est, vt nihil magnitudini animi, nihil constantię, nihil consiliorum sublimitati addi potuisse ipsi hostes fateantur. Nihil pro libertate, ac Deo inausum, nihil intentatum: omnia diuina, atque humana dura necessitas, & stans supra caput fatum experiri cœgit.

Ingens auri, atque argenti pondus, magnis Regibus inuidiosum, longa pace, ac parsimonia, fertilique tot gentium ad hæc litora appulsu, atque extremi Orbis commercio, accumulatum, egestum omne est, atque exhaustum. Tum ad voracissimos sexdecim annorum belli sumptus explendos, ne fidissimi populi grauius premerentur, omnibus conficiendę per honesta pecunię, ingenijs consumptis, Reip. patrimoniū distra-

distrahitum, & mille annorum census hastæ subiectus, ipsaque Regibus æquiparanda, ambita Principibus nobilitas, cum populis communicata. Proceres cum publica pietate, & inter se certantes, profusis leuando ærario opibus, mensarum instrumento, ac matronali mundo diuendito, nihil sibi reliqui facere, præter bonam mentem, ac libertatis studium, quam nemo cum Turcarum Regno commutaret. Quid aliud restat, nisi ut sacræ ædes spolientur, torque seculis intacta donaria in hastarium veniant, & conflato sacrorum ministerio ipsæ aræ vestigales fiant?

Nec minus sanguinis, quam auri prodiga eadem nobilitas, certat quotidie patriæ spiritum impendere. Tot nobilissimorum ducum laudatis antiquorum mortibus pares exitus, tot libertatis victimæ, decussus patricius flos, & non priuatis funeribus orba Republica, tot ingentes animæ sideribus transcriptæ. Vincendo quoque atterimur. Instat crudelissimus hostis, & ut olim Xerxes terras armis obsidet, cælum sagittis, maria vinculis. Reges, nisi succurritis, mundus captus est.

Quid cunctamini, & bonos socios quorum virtus, ac fides nunquam in periculis vestris cōtremuit bacchanti furæ prædam destituitis? Moueant vos tot pro patria interemptorum manes inulti, quique mortuis inuident tot captiuorum milia per diros cruciatus excarnificata. Moueat nobilissimi regni, & quondam centum Urbibus, ac Tonantis cunabulis inclyti, ipsis barbaris, ne dum Regiæ mansuetudini facies miserabilis. Cuncta rapinis vasta, incendiis torrida, ruinis confepulta. Prorutæ domus, euersæ fortunæ, profuga nobilitas, omnis humanæ opis indiga. Raptati liberi, nurus infanda passæ, matronæ superbissimorum hostium pedibus aduolutæ. Vetusissimarum religionum templa solo æquata, aut Iustis ac stabulis prophanata. Raptæ e claustris virgines, & Deo dicatus pudor peregrini latronis spoliū: quædam ante aras in ore superum iugulatæ, tristior earum conditio.

quę barbaricę libidini, atque incestis thalamis seruatę, ingens vbique superum inuidia. Cretensis regni reliquię intra Urbis conseptum conditę, aut de scopuli vnus nido pendentes.

Subear tot fœdè morientium, tot fœdus viuientium miseratio, & si dicere fas est, subeat communium sacrorum pudor & Christiani nominis reuerentia. Subibunt scio Francorum animos antiqua decora, ac toto Orbe decantatę transmarinę in barbaros expeditiones, Sanctorum Regum captiuitate, ac fato memorabiles, ipsumque Byzantii raptum, & cum Venetis partitum imperium. At Hispana maiestas, tot asserti Orbis titulis prægradians, vltro vota præueniet, & quam alias laborantibus socijs opem tulit, nouo beneficio cumulabit, & ad commune incendium extinguendum accurret, atque in sociorum discrimine sibi dimicans, breui è Dyctæo rogo transcurso, pestem proxima quęque correpturam, submouebit.

Non alia profecto ratione contaminata Christiano sanguine arma expiari possunt, quam si in Christi hostes vertantur, atque impijs pectoribus honesta vulnera excipiantur. Nec tutius vtriusque gentis, quę otij impatiens, si foris desit, domi hostem quærît, securitati consuli, quam si imbutę præda manus, truces cædibus animi iras effundant in barbaros. Externo bello Christiana pax constabit.

An quę sexdecim annis Ottomanica res ambiguo Marte, ac mutuis cladibus cum vna ciuitate contendit, iunctis præterea duorum Regum viribus par esse poterit? Absit, dicto inuidia, & Christiana bella sileant, mille acies grauiores quam Turcarum vestra sociata virtus auertet; ac superbum regnatorem Asię auito solio deripiet, nec Byzantii modo culmine proturbabit, sed in Scythicas solitudines trepidum conijciat. Modo sit perpetuus conuentę pacis amor, & cini, lis cura concordię. Venetam Remp. nunquam beneficio vicam esse vestri annales loquuntur, nam quid bello valeat:
hoc

hoc supremo calamitosæ virtutis experimento declarauit.
Tum vestris auspicijs iam pene desitum Salutis augurium
humanum genus concipiet, vestro Numine PAX missa per
Orbem.

Ferrea belligeri compeſcet limina IAN I.

Amplissimo ac Præstantissimo Senatori
BAPTISTÆ NANIO EQVITI

Octavius Ferrarius F. P.

Tua singularis humanitas ultro venerantium vota prouocans,
cunctantem impulit, ut paucis pagellis nomen tuum pra-
scribere, & obscuris ingenij conatibus tantum claritudinis circum-
fundere auderem. Licet enim literaria meditamenta, quibus quo-
tannis studiorum instauratione proludimus, iuuentutis votis, ac
penè conuicio diu debere non potnerim, ac plutei claustra refringere
passus sim: nunquam tamen ea tanti feci, ut digna putarem quæ vi-
ris principibus nuncuparentur.

Satius igitur esse duxi sine nemine, veluti capite minuta emitte-
re, quàm in mustaceo videri lauream quasiuisse. Sed ingentium
tuorum meritorum memoria animum pulsabat, nec quiescere patie-
batur, antequam ea præsensibus, ac post futuris testatam facerem.
Idquidem alio iusto opere exequi destinaueram, ne tanti nominis ful-
gor Rhetorum commissionibus obsolesceret. Sed spissum illud, ac ma-
teria resistibilis, & lenti moliminis, agre dispungitur.

Dum ergo hasitarem, res incidit, quæ omnem pudorem absolue-
ret. Tuus scilicet reditus in patriam optatissimus. Nam cum Vrbs, ac
prouincia tota excita sedibus suis insolita omnium ordinum fre-
quentia, flagrantissimis studiis in occursum tui, triumphum in toga
meriti effunditur: & ipse quominus huc aduolem ineuntium studio-
rum compede prapedior: religio fuit saltē Aduentoria te non adire,
eademque Musarum gaudium & gestientis Academia effusissimam

S 4

gratu-

gratulationem testari.

Alias ergo plenius tua, ac maiorum decora, atque immortalia in Remp. merita persequar, teque ipsum tibi reddam. Congestos in iuvenem honores, immaturo rei summam permissam, idque innocentia, gravitati, constantia datum. Sed præcipuè legationes in Galliam, & Germaniam, quibus splendidiores Sol non vidit. Vbi tu inaudita munificètia, ac profusissimis sumptibus populos obstupefecisti: sicut Regibus ingenij præstantia, rerumque usu, ac facundia miraculo fuisti. Aucto in immensum fulgore, postquam iterum extra ordinem ad eosdem gratulatum missus es: magnum Regalis fortuna blandimentum, cui tu non minus acceptus, quam tibi libertas, omni fastigio potior. Super omnia erit postrema legationis fructus: hoc est admirabili tua prudentia, animi vigore, ac dexteritate, impetrata ab Rege maximo aduersus publicos hostes, terra, marique auxilia.

Hic satis fuerit in studiorum omen, ac solatium, interiorem vitam tuam, ac reconditas literas suspexisse, atque illam semper egregio publico exercitum elicientiam: qua sicut externos Reges tibi deuinxisti, ita in augusto hoc Regum consessu, summa rei arbiter omnium mentes, atque ora in te circumagis, & flectis. Ac ne quid dignationi deesset, ad prodendam posteris rerum, quarum magna pars fuisti, memoriam, iuuenis delectus es: ut quamuis gloria iam superuiuas, ac posteritati intersis, omnes de te loquantur, & scribant: etiam post fata audiaris, in ore, in manu omnium verberis: viuat, vigeatque eloquentia sacra scriptis, nec unquam publica vox intercidat. Quis enim melius hac scribat, quam qui sic gerit?

Hinc nobis ex alto suffunditur rubor, quoties lenia ista, atque umbratica, iudicij tui aciem subitura cogitamus. Sed & libelli olim simulachrorum genibus affigebantur: nec ulli unquam vitio fuit Deos colere quoquo modo posset. Et hac pretiosa funt quoties templis appenduntur. Vale publica rei ac literaria spes, & columen.

Patauij Kal. Non. MDCLX.

MVSARVM SECRETVM

Prolusio XXIV.

S Aepe in bicipiti somniasse Parnasso memini: quidque in Helicone actum esset ex hoc loco vobis cum fide retulisse: & per ambages, Deorumque ministeria, ac fabulosum sententiarum tormentum, liberum spiritum poetarum more exequiendo, studiorum auspiciis proluisse. Nunc ille iuvenilis impetus, ac velut instinctus, simul cum ætate deferbuit, & despumavit: atque obrepente senectâ, cum sanguine mens friget, hebetque, & oblita nugarum, dulci ludo amoto, rem ut se habet, sine fuco, ac fallaciis eloqui amat, interim morâdaci vero radere aures non dubitat.

Ite hinc inanes Rhetorum manipuli, ite

Inflata rore non Achaico verba,

Ite hinc inanis cymbalon inventutis.

Cum Venetijs præteritis mensibus ad virum primum officij causa inuiserem, ut ille, inquit, te libenter aspicio, ut opportunus venis! Literasque illico ostendit à viro nobilissimo ex celeberrima Academia scriptas, quibus ille postulabat, ut si aliquem novisset, qui literas politiores in eo Gymnasio summo loco, ac summo stipendio profiteri posset, eum indicare non gravaretur. Nam post clarissimum Sigonii ingenium, post breves Dempsteri, & aliorum, quos fama obscura recondit, conatus, qui eminentem locum impleret triginta annorum spatio adhuc quæri. Tu quidem inquit ille artificij societate, atque harum rerum usu, hac me cura exonerare potes, simul ab Urbe illa, atque Academia non exiguam ini-re gratiam, si quem muneri parem demonstraveris.

Cum ego paulum subticuissem, moxque ancipitis consilii invidiam deprecaret, precibus eius, qui imperare poterat, permotus dixi, credere me, non paucos esse ad eam Spartam

or,

ornandam idoneos: sed magna ingenia plerumque in obscuro latere, & alios quidem sorte sua contentos docendi laborem adspernari, aut infra dignitatem putare: quosdam fortunæ iniuria, ac re angusta domi premi, quo minus emergere, atque in hominum cognitionem venire possint. Ceterum si ex scriptis, atque ingenij monumentis iudicium ferendum sit, neminem me in præsentia videre, cui ad id munus suffragari possem.

Cum hæc non sine rubore, atque intimi sensus angore protulissem, in ore omnium qui aderant, fuere autem non pauci, indignatio eminebat, qui si non malignum, nam noscitur ab omnibus, at contumeliosum Italiæ iudicium incusare cœperunt. A quibus cum ego leniter contenderem, ut si quem ipsi nouissent, cui ea prouincia committi posset, ne id decus publico inuiderent: haud enim verisimile esse, si quis extaret, sedulam Gymnasii Curatorum cuncta scrutantium diligentiam tandiu latere potuisse. Cum illi deprehensi hæsitarent, ceteri huc flexerunt, ut causas præsentis desidiæ excuterent, & cur pulcherrimæ literæ penè periissent, cur vili reliquarum artium annona, eruditus, rara auis in terris esset, seriò disquirerent. Quid tum ex tempore respondiderim, postquam totam commentationem ad incudem reuocaui, hic repetere, ere vestra, ac literaria esse arbitratus sum: si modo vos tam patienter audiueritis, quam sunt illa à me libere disputata.

Vt ergo Aratus ab Ioue, sic ego ab oratorum maximo exorsus sum. *Honos inquit ille alit artes, omnesque gloria, & præmijs ad studia incenduntur.* Multas quidem excelsas animas, victura seculis nomina aurore ætas tulit, Politianos, Victorios, Vallas, Barbaros, Manutios, aliosque complures. Nimirum Nicolaum V. Leonem X, Cosmum, ac Laurentiū Medices eadem ætas tulit. Sicut vetusta secula Marones, Flaccos, Ouidios, venerata sunt, quia in Augustum, & Mæcenatem inciderant. Vetustiora Ennium, quia Scipiones

ac Fulvios fautores dederant. Vetustissima, vt de ceteris fileam Aristotelem, quem tamen, quantus erat Alexandro Macedoni imputarunt. Nam Veneta res omnium seculorum fastos occupauit: & cum alibi Principes Musis propitii, magna pars infensi nascantur, & occidant, hic cum libertate studiorum pretia æterna sunt.

Quis ergo vetat in maxime libera omnium gente, de studiis ingenuo homine dignis liberrimè loqui? Divum inclementia, diuum, has euertit opes. Hoc est Principum illiberalitas, hæc tropica instituit. Optimæ literæ paulatim despecti, & contemni cœperunt, earumque cultores, non aulis modo submoueri, consilijs eiici, Urbibus exterminari, sed vulgo ludibrium debere, ac tantum non in pistrinum, atque ergastulum compingi. Itaque Musæ, memoria parentum, inopia, & squalore confectæ, conclamatis vasis, sacra manu, victorolque deos ferentes; pars Galliam, pars Batauos exulatum iere, ibique in coloniam transcriptæ, præter miscras in hoc angulo reliquias, barbariem, ac senium Italiæ reliquerunt. Profunda inscitæ altitudo incubuit, pauca ingenia caput exerunt.

Et queremur posthac Ariostos, Tassos, Iouios, Guicciardinus, aliosque quamplurimos, quorum famæ venerabundus Orbis assurgit, veluti Oracula defecisse: Italiam in Italia quæri?

Sint Macenates, non deerunt Flacce Marones.

Quis iam eruditum vnius assis pretio licebitur? *Quis dabit Historico, quantum daret acta legenti?* Certe Oratori nil nisi verba dabuntur. Eadem in poetas, sacrum genus largitas, ac mansuetudo, qui vbi se exire cœperunt, inedia curantur.

Nimirum cessere illa tempora; nec iam fidem inueniunt, cum & titulis & fascibus maior habebatur, donandi gloria. *Odiosum quam donare vilius constat.* Cum Athenienses, teste Pausania, quod à Pindaro laudati essent in quodam asmate his

ver-

verbis; *ſedula*, ac *veneranda Gracia columen*, *Athenæ*, plurimis donis coluerunt, ac ſtatuam in publico poſuere. Nec mirum illis temporibus ſtorem poetarum fuiſſe, cum maximis muneribus honeſtarentur, & honoribus ampliſſimis augerentur. Vt non inſacete quis dixerit, ætate noſtra vocalem illum muſarum chorum conticuſſe; quando, quæ auaritia marſupia potentium cluſit, eadem venas Heliconij laticis obſtruxit. Cum poetarum alij in Regum contubernio degerent: alij paruo beati, vt Homerus atque Heſiodus, Regum amicitias ſpernerent, ac potentium hominum opes, gloriæ quam ſibi apud omnes gentes maximam comparauerant, poſthaberen. Cum Menandrum Aegypti, ac Macedoniæ Reges certatim ambirent, claſſeque ac legatis ad ſe pellicerent: ille abnueret, Regiæ fortune prælata literarum conſcientia. Cum Plinius minor, Martialem in patriam diſcedentem, quod paucis verſiculis ab eo ornatus fuiſſet, viatico proſecutus eſt. Adiicit ille, fuiſſe moris antiqui, eos qui vel ſingulorum laudes, vel Urbium ſcripſerant, aut honoribus, aut pecunia ornare: ſuis temporibus, vt alia ſpecioſa & egregia, ita hoc in primis exoleuiſſe. *Nam poſtquam, inquit, deſjimus laudanda facere laudari quoque ineptum exiſtimamus.*

Ita olim Syracuſius ſenex dulciſſimus, conqueſtus eſt: Muſas quidem domo cupide recipi, verum inſonatas remitti. Non enim homines propter præſtantia facta cupere, vt ante laudari: ſed lucro victos circum ſpectare, vnde ipſi argentum auferant, illud ſubinde iactantes. *Mibi modo ſit quod habeam, Vj benefaciant poetis. Didicit iam dives auarus Tantum admirari: tantum laudare diſertos.*

Fæſtium eſt quod ſibi eueniſſe faciſſimus Muretus ſcribit. Qui cum in Vrbe Philoſophiam, quæ eſt de moribus proſiteretur, viri primarij, quibus à Principe mandatum erat, vt præmia profeſſoribus pro ſua cuique dignitate decernerent: Quod Philoſophi præcipue morales pecuniam contemnere dicant.

Dicantur, constituerunt periculum facere, ecquid Muretus verè Philosophus esset, ac nummorum contemptor: exiguam ergo mercedem destinarunt, vt si id ille ægre tulisset, ex eo conuincerent, eum pecuniam non aspernari. At ille non minus facetus quam eloquens. Bene habet, inquit, vt Philosophus pecuniam contemnam, sed tam eam quæ denegatur, quam quæ exigua offertur. Nam si alterutrum necesse sit, gratuitum otium gratuito labori anteponam. Satiùs est enim sine stipendio otium, quam exiguò auctoramento immensos labores sustinere. O attentos principalis ærarij dispensatores, ò ingeniorum tortores, & carnifices, quibus in re literarum capitali ludere vacuum fuit! Et fortasse disertissimus Romulinepotum ære dirutus fuisset, nisi Poloniæ Regis legatus in tempore subuenisset. Qui cum eum plausibili oratione Romana subsellia quatientem audisset, amplissima conditione in Poloniam Regis nomine inuitauit. Ex eo iniectus Principitubor, qui vberiori stipendio oblato, decus hoc Latinum, ac suadæ medullam Sauromatis, & glaciali Oceano inuidit.

Resurgerent haud dubiè magnæ illæ animæ, si Principibus aliter videretur, si honoribus, ac stipendijs ad summa quæque excitarentur. Hæc eo liberius, ac libentius dico, quod Veneta Resp. fouendorum ingeniorum, ac reparandarum literarum vnicum hac tempestate exemplum est. Nam vt tot alia inauditæ liberalitatis exempla præteream. Quis Principum, ac Regum, præfiscine dictum sit, mille sexcentorum aureorum, summo omnium disciplinarum honorario, Rhetorem mactaret? Dira septendecim annorum belli vastitate, turbatissimis ærarij rationibus. mussantibus interrim, aut ringentibus, quibus literæ nostræ Musarum scruta, ac friuola, disciplinarum fex, & rudimenta, denique Grammatica suppellex esse videntur. Neque intelligunt inepti præter septem, ac viginti annorum labores, non homini, sed pulcherrimis studijs hoc decus additum, quæ prope extincta, munificentia exemplo, cui comparari non pos-

sit aliud refouentur. Tam parcis alibi, ac restrictis procerum animis, tam anxia in raudusculo diligentia, tam misera, ac ieiuna eruditorum spe, tanta huius artificij contemptione, tam supina & proiecta gloriæ, ac posteritatis incuria.

Altera pereunzium quotidie literarum labes est, summa huius studij difficultas, qua absterriti iuvenes artes & minus laboriosas, & lucrosiores sectantur. Quod scilicet eruditio siue pædia disciplinas omnes, illumque scientiarum Orbem vasto ambitu complectatur, sitque vere polymathia. Ut nemo plane doctus, atque eruditus dici mereatur, nisi eas omnes plusquam delibauerit. Sane Vitruvius Architectum suum ita producit, ut literatus sit, peritus graphidos, in geometricis versatus, optices haud ignarus, arithmetica excultus, historias callens, Philosophiæ initiatus, musicæ sciens, medicinæ haud experts, Iurisprudentiæ nequaquam rudis, Astrologiæ cœlique rationibus exercitus. Eadem omnia exigit Quintilianus ab Oratore, quem instituit.

Venit in mentem quod narrat Apuleius, extitisse olim sophistam Hippiam nomine, qui præter artium liberalium cognitionem quibus non perfunctorie fuerat imbutus, nullum ferè opificium fuisse, quod ille ignoraret. Venit hic aliquando Pisam, cum Olympici ludi ederentur, celeberrimo totius Græciæ conuentu, non minus cultu visendus, (verba Madaurensis sunt) quam elaboratu mirandus. Nihil eorum quæ habebat, emerat, sed suis sibi manibus ipse confecerat: & indumenta quibus indutus, & calceamenta quibus inductus, & gestamina, quibus erat conspicuus. Annuli etiam aurei, quem læua manu ostentabat faberrimo signaculo, & orbiculum circulauerat, & palam clauserat, & gemmam insculpserrat. Neque hæc tantum ipsi sibi concinnauerat manu sua, quæ utcumque ab arte laudabiliore possunt commendari, sed & strigilem, & ampullam oleariam fabricauerat, quibus in balneo uteretur.

Non ego quidem Oratorem, atque eruditum ad ista humilia,

lia, & sordida detrudo, atque in officinam compingo, sed liberalibus disciplinis omnibus, si non imbutum penitus, at non leuiter tinctum debere esse comendo. *Hunc qualem nequeo monstrare, & sentio tantum.* Quorsum ista? Si medicæ facultatis princeps, vitam breuem esse conquestus est, artem vnam longam, quota vitæ portio singulis doctrinis, ac disciplinis sufficiet? Vita breuis est, ait Romanus Philosophus, nos eam ludo, inertia somno, voluptatibus breuiorem facimus: & magna eius pars elabitur male agentibus, maxima nihil agentibus, tota aliud agentibus.

Quo magis eorum socordia, ac dementia admiranda est, qui postquam in meridiem steterint, atque intra Urbem peregrinantes omnes eius angulos à summo ad imum quasi ædilitatem gererent perreptaerint, & aut in foro vagis ambulationibus, aut rumorum audi in constrinis, ac pharmacopoliis, fabulis ac sponsonibus diem oscitantes triuerint, eruditi videri volunt, & de viris doctis cum supercilio, ac fastidio sententiam ferunt. Nullam diem domi se continere, ac ne horam quidem apud se esse possunt: odere penates, eosque ac seipsos virant fugitiui. Non illos ætus, ac Syrius furens, non Aquilo terras radens, non bruma niues agris albinens, non foedus imbre dies, ac nebulæ putres limine cohibent, non si hibernus Iupiter ruat tectum pati possunt. Cuncta domicilij tædio leuiores sunt. Intendentibus se tenebris lassæ fabulis, sed non satiati, larem repetunt, serius etiam reuersuri, atque abnoctaturi diutius, nisi infestæ armatis viæ, ac nocturni terrores, brutaque fulmina addere gradum cogerent. Qui hoc vnum boni præstant, quod errone, atque emanfores maturè domuitionem capessere compellunt.

Atque vtinam bene noctibus vterentur, qui diem insane prodegerunt. Sed frigus cogit luculento camino assidere, sub noctem irriguum mero corpus habere: præstat coenam præuenire, atque in ea se plusculum inuitare, quam libris impal;

pallefcere , ac lucernarum fuliginem bibere , plus vini quam olei conſumere: mox ſeptem ſtragulis inuolutum in cute curanda plus æquo operari. At ſimul clarum mane feneftras intrat , eodem momento ſe de lecto proripit ac domo , omneſque Urbis vicos , fora , Ianos , angiportus luſtrat , atque in nihil agendo totus occupatur , tempuſque fallit , & fallitur. O ſeri ſtudioſorum , putatis doctrinam per tegulas , & impluuium de cœlo in ſinum deuiolaturam , vobisſque dormientibus , hæc deos conſecturos creditis ?

Dicet aliquis ex troſſulis iſtis , ac Sibaritis , qui nunquam orientem ſolem viderunt. Quid , te domi perpetuo damna-bis? & cœtus tœdio atque ingenii triſtitia , veluti in latomias detrudes ? teque vivum ſepelies , longæſque ſuperſtitis exequias duces ? Vt intra domeſticos parietes condito , inſcribi poſſit , Viuens fecit , aut illud , Hic ſitus eſt Vatia . Illi ipſi ſcriptores intra quos , ipſo ſitu , atque otio in tabem iturus , te abdis , iam fato functi & compoſiti , monere debent , vt viuas . Quid enim aliud bibliotheca , quam commune ſepulchrum ? Homo animal ciuile eſt . Colendæ veteres amicitia , nouæ comparandæ , officia humanitatis commercio alternanda : inuiſendi ægroti , mærentes alloquio leuandi : verſantibus in iudicio aduocatio commodanda : ducendum funus : nuptiarum , laurea , honorum ſolemnia frequentanda : collegia , ſodalitates , experimenta , ſuffragatio : & ſi nihil horum eſt conſabulationibus , ac rerum nouarum aucupio tanquam pabulo reficiendus animus : bella terra , marique pugnata memorando , vacuæ aures permulcendæ .

Addite dulce quibuſdam eſſe animi cauſa in ciuium mores inquirere , ac prætereuntes naſo ſuſpendere , dicta iacere , & iocorum amaritudine , ac periculofis ſalibus male ingenioſi famam aucupari , malleque amicum perdere , quam verbum . Domorum aduerſa , atque occulta opprobria in lucem trahendo maleuolentiam paſcere , interim quid intergo pendeat non videre , & his omnibus veluti oblectamentis

tædia

cedia vitæ discutere .

Longe mihi , & cuicumque cor sapit alia mens est A. optimi. Scilicet illis , qui si non fastigium in literis occupare , at ali- quod saltem nomen inter eruditos tueri velit , summam tem- poris parsimoniam atque honestam avaritiam adhibendam esse , horasque quam nummos attentius dispensandas : atque ut homines simus , hominum commercia fugienda : ut aliquid cudamus , quo nos vixisse testemur , vitæ blandimenta abrum- penda . Præstat à pluribus noscitari , quam multos nouisse .

Qui notus nimis omnibus , ignotus moritur sibi. Ita domum veluti qui thesauro incubant , sedulo custodiendam : raro , nisi cum necessitas exigit , pedem limine efferendum , rationem cum mortuis crebro deducendam , vetusque illud testudinis vsur- pandum . *Domus optima , domus dulcissima .* Quam tardigradam , domiportam , Veneris simulachro Phidias adstituit , ut dis- cernerent mulieres animal vagum , ac turbæ appetens , serua- re domum : rectius illam Mineræ adfinxisset , documentum studiosis , tuendos sibi religiose penates , ac voluntarium exilium intra domesticos parietes indicendum .

Non solum quia tempus , quod discursationibus per Vr- bem impenditur , studiis misere deperit , cuius iactura , ut ir- reparabilis , ita inæstimabilis est , sed quia defatigatio corpo- ris ad animum transit , & est quædam mentis lassitudo . Tum quod diuersis rerum imaginibus animus auocatur , & inani- bus simulachris à solida contemplatione abducitur : amoris , iræ , atque odij affectibus velut in salo iactatur . Ille me minus familiariter aspexit : hic officiose salutat , vix labra deduxit , vix pileum dimouit , & contumeliosa humanitate satisfacit . Siccine terræ filium de via mihi non decessisse ? Ille vero tot à me cultus officijs aduersarum partium est , & frigidam suffundit ? *Hancine ego contumeliam tam insignem in me accipiam ? mori me satis est.* Ita totus in fermento iacet , atque in impetu do- loris est . Inter hæc , quæ mentis agitatio , qui cogitationum æstus , ac pene furor ?

T

E

Est ergo secessus, & arbitrium sui, atque imperturbata publicis occupationibus quies, nec purpura nec auro venalis, studiis omnibus necessaria: sed solis humanioribus literis dono superum obuenit: reliquis artibus, ac disciplinis optata magis, quam concessa. Nam iuris legumque periti, si eos demas, qui interius sacrarium colunt, & Themidis mysteria tradunt, quam misere occupati, quam districti, quam parum sui, & vilissimi cuiusque importunitati obnoxij? Vt cum suum vnicuique pro potestate dispensent, sibi otium, ac tranquillitatem donare non possint. Nam siue foro operam, ac vocem locarunt, & linguam causis acuunt, insanis concertationibus, clamoribus, ac iurgiis dies absumitur: litigatorum turba limen obsidetur. Libellorum fascēs, *dubium grandi cum codice nomen*, querulus cliens, imperia viduarum. Quid cum *sub galli cantum consultor ostia pulsat*, *altumque somnum pallidus rumpit reus*? Ita qui omnibus præsto est, vix sibi vnquam adesse potest. Quod si fortuna liberalior, & genius qui temperat astrum, cum tribunalibus admonit, vt ciuica iura respondeat, ac rebus humanis imposuit: magnæ fortunæ magna seruitus, ingenuæ cruces: causidicorum altercatione obtunditur, conuicio aures pulsantur, & vt querebatur Cæcilius, subsignandi libelli, scribendæ literæ illiteratissimæ, interrogandi rei, torquendi, damnandi: inter fontium questus, lachrimas, squalorem, imo inter lictores, & carnifices degendum. Hanc vos vitam putatis, cui non semel mors extrema rerum linea, votum est?

Quid Medicorum postquam virtute, ac fortuna in ora hominum venere, nisi quis tradere artem malit, quam exercere, vt exercita, iurisque non sui, ac morbis quos pellunt, similis vita est? Dubia adhuc luce surgendum, interdum nocte concubia, more veredarij discursandum, pererrandæ domus, lustranda nosocomia, sententiæ disceptandæ, inter muliercularum querelas, ægrorum conuicia lux conditur. Qui medicum inter pendencia fata, mortis arrham, ac Libitinæ iura,

iura, magnam studiis operam, vt opus Medico non habeat, impendere, ac iucunde viuere posse putat, is helleboro dignus est.

Solis ergo bonarum literarum cultoribus viuere datum est, vitæque bonis, ac solidis honestæ voluptatis gaudijs, ac beatissima tranquillitate perfrui: cæterisque mortalibus negotiorum æstu iactatis, quietis portum tenere, atque inde insanos fluctus, ac furentem Neptunum secure despicere, & inania curarum ridere, ac veterum libris *ducere sollicita incunda obliuia vite*. Qui enim re sua quamuis angusta contentus, in otium honestum, seque ipsum recessit, remotusque à sollicitudinibus, & curis, & necessitate quotidie aliquid contra animum faciendi, nihil audit quod audisse, nihil dicit quod dixisse poeniteat. Hominum ineptias ac stultitias, quæ deuorandæ sunt illis, qui cœtus frequentant, non morose, sed ingenuo liberoque fastidio respuit. Non illi dolent oculi, nec ea spectare cogitur, quæ nemo sine suspirio, ac gemitu, vt frontem feriat, aspicere potest. Fortunæ ludum insolentem, bonorum præmia penes improbos, malos repente felices, Musas profugas, literarum senium, & contemptum, liuorem, ac maciem, & cetera, quæ nonnisi philosophico stomacho concoqui possunt. Non discurret, non æstuat, non tumultuatur, non insanum lubricumque forum, ac famam pallentem experitur. Sed sibi canit & Musis, & vt Plinius iunior aiebat, neminem ipse reprehendit, nisi vnum se cum parum commode scribit, nulla spe, nullo timore sollicitatur, nullis rumoribus inquietatur, secum tantum, & cum libellis loquitur. Subiicit, *o Regiam sinceramque vitam, o dulce otium, honestumque, ac penè omni negotio pulchrius?*

Vere in seposita vita, ac Musarum Secreto, sine satellitio, sine regni curis, regnum est. Sibi habeant ergo sua regna Reges. Rex est, qui Regem non vidit: *nec curat alto Regiam truxem vultu*. Rex est, qui sibi imperiosus fortunæ, ac cupiditatibus responsat, qui superbis liminibus non assidet,

qui impotentium coenas non captat: Rex est, qui ut olim Ter-
tullianus de pallio dixit, nihil foro, nihil campo, nihil curiae
debet: nulla rostra praecupat, nulla praetoria obseruat,
cancellos non adorat, subsellia non contundit, causas non
elatratur, non iudicat, non militat: de populo secessit, nec aliud
curat, quam ne curet. Rex denique Regum.

Quoties verò laxandi studiorum labores, & corpus ani-
mi futura curandum. Aut domi per hortuli limitem rep-
tat, & ut ille scholasticus, omnes viticulas atque arbuscu-
las numerat.

Aut rure vacuo potitur, & aperto aethere

Innocuus errat.

Hoc equidem reor,

Vixisse ritu, prima quos missos Deis

Profudit atas.

Neque interim ignaua eius opera, sordidumque & ex Epicuri
hara otium est. Scilicet patriae, & imperio, reique publicae atque
omnibus viuit, qui sibi natus videtur. Strenuam exercet iner-
tiam: & aut in publico mortales instituit, acroases facit, mil-
le oculi loquentem spectant: aut nidum seruans, noctes at-
que dies in omnium doctrinarum meditatione versatur, ac
posteritatis negotium agit, totumque, ut Romanus ille Stoicus, se
inferens mundo, & in omnes eius actus contemplationem
mittens, & cum Africano identidem dicit, se nunquam mi-
nus otiosum esse, quam cum feriat, nec minus solum quam
cum degit solus.

Quis credat? In hos sanctos vitae recessus improbus liuor
irrupit, ac veluti manes reuellit. Nam ubi quis mature re-
ceptui canens, se ab hominum conspectu subduxit, statim il-
lud e triuio: atra bile homo percitus furit, ac Bellorophontis
morbo laborat

Ipse suum cor edens, hominum vestigia vitans

Laruae hunc, atque intemperiae agitant. O medici mediam
pertundite venam. Cum contra secessus, ac litteratum otium,
animi

animi languentis medicina sit, mentisque mœrore sauciæ, ac misero curarum tumultu vexatæ dulce lenimen, atque Homericum nepenthes. Vere enim Græcus Amphides dixit, nullum infortunij solamen studijs dulcius esse posse mortalibus; mens namque literis dedita haud sentit mœroris oram se sui præteruehi. Nec aliter ingeniosissimus poeta in exilio quam carminibus miserarum obliuia rerum quærere, seque à contemplatu mali reducere solebat.

Intempestiua quoque non inuidiosa modo eorum sapientia est, qui cum Aristotele, quod homo animal natura ciuile sit, eum, qui à ciuitate alienus degat, aut improbum esse, aut homine maiorem contendunt, siue ut idem paulo post loquitur, aut belluam, aut Deum. Quorum primum si verum esset, veteres illos anachoretas siluicolas, vitæ exules, viros sanctissimos, atque innocentissimos eodem præiudicio damnaveremus. Nam horum temporum plusquam ciuiles sunt, ac nihil minus quam soli. Ergo alterum sumamus, & eum qui minimarum rerum egens secretum colit, dulcesque insedit latebras, si non Deum, at homine maiorem prædicemus. Bellua est qui ita inter homines degit, ut omnem humanitatē exuat, qui in genus suum sæuit, qui cognatis animantibus non parcat, qui si posset solitudinem faceret, qui denique homo homini est lupo. Bellua est, qui vitam silentio transigit: cui votorum summa quid edat, quid bibat: qui solo palato sapit: cui anima pro sale data est. Verum qui minimum hominis habet, seque ab hominum colluvione vindicat: qui partem hominis præstantiorem, hoc est mentem ac rationem exercet, is supra hominem est, & ad Deum proxime accedit.

Proinde vestrum est optimi Iuvenes statuere, utrum incultu, ac malarum rerum industria inanique discursu, & multum ineptis laboribus bruta animantia referre velitis, an tempestiuo secessu, & otio honestissimo atque altissima tranquillitate, Deorum vitam imitari. Nam ut non minus acute, quam sapienter olim Atilius dixit: *Satius est otiosum esse, quam nihil agere.* Dixi.

Amplissimo ac Generosissimo D. D.
NICOLAO CORNELIO D. MARCI
 Procuratori.

Oëtauius Ferrarius Perpetuam Felicitatem.

Venetam magnanimitatem veneranti mihi, atque inexhaustos, ut simplicissime dicam, plusquam regia munificentia fontes, florentissima inventuti in studiorum cimen indicanti, nobilius argumentum visum est, quam ut inter paucos periret, ac Gymnasij angustijs coercitum ibi tantum audiretur. Sed prastare credidi beneficentiam, qua ad omnes pertineret, ubique narrari, ac virtutis eius, qua neque modum nosset, neque terminum caperet, famam, solis terrarum Cœlique finibus circumscribi.

Itaque non dubitavi totum cum sermonem à scholarum umbraculis in Solem producere, quodque audacius votum est, tibi nuncupare, hoc est clarissimo exemplo publicam magnificentiam in compendium mittere. Cuius magnificentiæ magna pars, ac præcipua, Domus tua habetur, non ultimum Urbis miraculum, imò propter quod Urbs ipsa inuisitur. Nam sicut hac inter reliquas Urbes longè caput extulit; ita tua domus surgentes in Cælum moles maiestate sua obterit, ac veluti in ordinem cogit, nec saltem emulationis gloriam relinquit.

Si quidem Roma olim M. Lepido, & Q. Catulo Coss. cum nulla pulchrior domus esset, quam ipsius Lepidi, intra trigintaquinque annorum spatium, eandem centesimum locum non obtinuisse scriptores produnt: quin cum pulcherrima, & laudatissima certantes centum domos, ab alijs innumerabilibus postea victas, indignantur. Hanc, primum & ultimum Venetæ generositatis conatum, aucta in immensum opulentia, ac profuso ad omnia, quæ pecunia prodigitur, censu, irritatis etiam ipsa contentione ingenijs, nulla domus aquare ad hanc diem potuit, ac de principatu deicere. Adeo repente sum-

ma facta est, & extra exemplum stetit.

Computare hic excisa montium viscera, parietes marmore solidatos, nexas auro trabes, felicem machinatorum audaciam, pictorum opera, atque impendia regalia: qualem denique Menelai domum fuisse, adolescens ille insularis apud summum vatem memorat: tanti operis iniuria foret. Sane Italum Principem huic regiae inuidisse, ac pro ea centum aureorum millia parenti tuo obtulisse, adhuc in orofama versatur. Qui ne cunctatus quidem, ut deliberasse videretur, licitante generosior, inuidiosam hanc summam repudiavit: nec modo extra inuidiam est, sed ad Veneti imperij maiestatem pertinet, priuatum hominem, centum millibus habitare.

Non ergo immerito ciuium, atque aduenarum consensus, illi Magna Domus titulum fecit. Neque enim angustior Lar Corneliam gentem excipere debuit, vnde reges matrimonia procarentur, ex qua Senatus nurus adoptaret. Quanta cumque illa demum, inferior domini dignatione est, nec hero maius ornamentum ostentare potest. Nam qua tua, in tanto culmine, moderatio est, ita regium domicilium implet, ut pauperis cellam colere videaris: atque e tanta laxitate in te recedens, tecum simplicissime habitas.

Nisi quod, ne quid deesset, vasta conclauia clarorum ingeniorum monumentis constipasti: ut iam ades ciuitatis capaces penè Bibliotheca occupet. Intra eam tu, quantum à publico munere vacat, abditus, fruge Cleanthæ, ac fortioribus præceptis animum firmans, discis pares domui opes contemnere, & hac fortune blandimenta infra sapientiam putare. Summa summarum gloriæ tuæ fuerit, domum à maioribus, qua nullam isthic pulchriorem Sol aspicit, accepisse: eandem innocentia, castisque moribus, largitate, doctorum virorum hospitio, & condito musarum sacrario, templum reddidisse. Ex quo si huc aspectum deflectere non grauaberis, in patria laudibus te quoque agnosces, ac publica munificentia præconio, de fama tua rectissime iudicabis. Vale.

Patavij Nonis Novemb. MDC LXI.

VENETA MVNIFICENTIA

Proluſio XXV.

QUod ſæuiſſimo bello circumquaque ſtrepente, ac furiali turbine optima poſt homines natos, atque ampliſſima ciuitate concuſſa, nobis hic veluti ſumma tranquillitate, atque intimo pacis ſinu laudandarum artium ſtudia reſcolere, ſtudiorumque auſpicia renouare, literarios labores redordiri, ac veterem cum Muſis rationem deducere licet: eiſdem Reipublicæ beneficium, ac miraculum eſt, quæ octodecim annos cum gentium victore, orbis terrarum auido Tyranno ex æquo contendens, pretioſiſſima rerum, literas, ac diſciplinās in hanc Palladis arcem contulit, ac veluti extra telluræ collocauit. Vt olim Græcos, ac Troianos heroes, deorum ope circumfuſa nebula teſtos in medio prælij ardore, inter volitantia tela, ſine noxa verſatos eſſe, Homerus vates prodidit.

Sed haud ſcio, an maius miraculum ſit, voraciſſimis tam longi belli cuncta abſorbentis impendijs, alios etiam extra bellum ſumptus tolerari potuiſſe: nec tot modo exercitibus, & claſſibus, verum etiam togatæ militiæ ſtipendia erogata, eo impenſus, quod cum Reſp. militaris ærarij rationes inſpicere, atque attemperare cogatur, pacis ſtudijs, ſupra veterem liberalitatem, noua cōmoda indulgendo, non ſatis computare Imperij reditus videatur.

Cum igitur alias hoc in loco non ſemel Venetorum procerum toto hoc bello incredibilem, atque inauditam animi magnitudinem, & conſtantiam aduerſis rebus, quam ſecundis admirabiliorem, nullius quidem præconiij indigam, tanta claritas ſuperfluit, ſed inflammandis iuventutis ſtudijs, admiratione timidiffima perſenſere, totoque orbe clariſſimarum victoriarum laudibus perſonante, venerationem ac gau-

gaudia miscere ausus fuerim: haud alienum instituto opere, nostræque pietati magis consentaneum arbitratus sum, singularem eorundem, ac prope diuinam munificentiam ad contemplationem vocare, atque ab hoc studiorum incitamento, studiorum primordia auspicari.

Nam Veneta res, sicut intactæ libertatis gloria, consilij præstantia, ac rerum fulgore Reges omnes, & liberas ciuitates facile æquauit, aut vicit: ita perpetuo munificentia te: nore, omnium populorum ac principum luminibus offecit, & vel hac vna indeficientis liberalitatis laude se ipsam quoque superauit. Eam ex triplici fonte promanare animaduertimus: Principum, ac Regum, totiusque prope humani generis hospitio: bellicæ virtutis præmijs: demum fouendis ingenijs, literisque ac studijs ab inopia atque interitu vindicandis.

Grata enim in Deum, diuosque omnes, veluti cum ipsis superis, minime ambitiose decertans magnificentia, humana mente satis concipi nequit, nedum prophano sermone violari debet, aut potest. Arcata Vrbs maxima adorandæ vetustatis templis, nouis stipata delubris, confita vndique Sacellis. Tempa Cœlo suo proxima, marmore, ac puriore metallo nitentia. Templorum maximum, Venetum Capitolium, Tarpeia libertatis sedi adstitutum, Marcium maufoleum, Aedes aurea, minime iactanter scriptoribus appellata. In qua tamen minima pretij pars aurum sic: licet illud apsidem, tholosque omnes conuestiat, ac parietibus illusum à summo ad imum renideat. Minima inquam templi indicatura aurum est: si quis peregrini marmoris crustas, columnas ex alabastro: si Numidici, Parij, Spartani lapidis tabulas, si Thasium, atque Ophitem respiciat. Si opere Musiuo, tota templi te studine, in penicilli iniuriam effigies radiantes. Si erudito emblemate variegatum: si onyche & chalcedonijs stratum pauimentum calcandas gemmas præbeat. Si hinc ærea limina, atque ex solido orichalco reflexæ hostili cardine

valuar, inde clarorum artificum spirantia simulachra occurrant. Si veluti ab ignobili spectaculo in se oculos auertat singulare Romanæ maiestatis, atque humani ingenij opus, templi supercilio incumbentes Corinthiæ quadrigæ, Neroniani arcus, mox Bizantini hippodromi spolia, non templi modo, sed totius Urbis pretium æquaturæ.

Et nondum penetralia subiuiuius, nondum sacras fauissas, ac mille annorum intacta cimelia lustrauius, nouis subinde donarijs, prodigo etiam inter belli inopiam censu accumulata. Congestos veluti in ludibrium gemmarum acervos, pocula non gemmata, sed gemmea, ignes lapideos, vnionum struem, & margaritarum coagmentatione intextos thoraces. Vt merito exclamare cogamur, non quod assentator vates Flauiorum postremo impie gratificatus est: siquæ Cælo, ac superis data sunt, repetantur, patrem deorū conturbaturum, nec vnciam totam qua deciderat, habiturum. Sed quod extra controuersiam est, in nulla Vrbe magnificentius, atque augustius Numen coli, nec vllas Cælitum populo gratiores colonias vsquam terrarum haberi.

Has superis sedes Numinum maiestate dignas Veneti Patres statuerunt. Sed Regibus, ac summis potestatibus, ex orbe toto ad Urbis miraculum oculis fruendum quotidie confluentibus, excipiendis, totam Urbem hospitium posuerit: & cum libertatis arcem conderent, liberalitatis templū in vestibulo aperuerit: vt vel hoc vno res Veneta publica sit, populis omnibus hospitali fœdere, communicata. Nulla enim vnquam tam seposita gens fuit, & ab orbe nostro diuisa: nulla natio montium iugis atque interfuso oceano disiuncta: nulli principes ac Reges, quos Urbis incomparabilis pulchritudo, illecebris omnis amenitatis maritimæ terrestrique, ad sui spectaculum non pellegerit, traxerit, rapuerit.

Vrbis ipsius, veluti terris, marique ambigua loci lege, exemptæ, vtriusque ar bitræ, situs mirabilis, vel ipsis ciuibus
nihil

nihil admirantibus. Innatans profundo moles, atque instabili elemento æternitatis æmula compago, scandentes æquore arces, testæ Cœlo minantia, ac multiplici contignatione, Vrbs vrbi imposita. Nudata menibus Sparta, virorum robore, sed magis concordia menita: fluentibus muris, ac reciproco vndarum aggere vallata: humili vadorum, turrium minas æquantium fossâ, cæcisque breuib. inaccessa. Inter currentibus riuis, veluti venis, torpentis stagni grauitas euentilata, ac mille pontium nexu pars altera rerum telluri iuncta: cremigata continens, inambulatum pelagus: atque iisdem emissarijs, extremis terrarum sinibus admota ciuitas, nauigabili gentium commercio, atque hospitali litorum omnium adpulsu, fertilis: rursus rerum toto orbe nascentium mercator Oceanus se Urbis meditullio insinuans, vt vbi nihil nascitur, nihil desit. Alter veluti cymbarum populus, ac pensilibus thoris, impulsæ lacertis rostratæ lecticæ.

Privatæ ædes pictura auroque, & marmore cum templis certantes, & in libera ciuitate plures Regiæ. Nec principalis modo ædium paratus, sed nobilior spectaculum regiæ intus formæ, omnibus simulachris emendatiores: ac ne tristis, atque horrida pudicitia esset, maris sui spolijs onerata, in aquis vrentes Nereides. Contra fortior sexus viriliter incomptus, ac singulari ciuilib. modestiæ temperamento, sapient i panno inuoluta nobilitas, par caueæ orchestra, soloque frontis honore, ac magistratuum insignibus à plebe distincta, non stipatu, ac supercilio grauis, immixta populo, Urbem vt suam incolit, domum tanquam hospitium. Vt si quis ædes, ædiumque ornatum spectet, plusquam principes: si cultus, non ad noua, peregrinaque & hostilia exempla cõpositi, sed duodecim seculis inuiolati simplicitatem, & cum pileolo pinguis tunicæ tesquorem intueatur, minus quam priuatos existimet, hoc ipso magnis Regibus æquandos.

Arx ipsa naualis, propter quam vnam, si non tot alia essent Venetiæ viscerentur, Lemniâ nobilior officina, Martis

pe-

penus, armorum horreum, navium textrinum, nil toto Orbe habet simile, aut secundum. In qua ferrea hastarum seges succrescit, classes nascuntur, lignæ arces Oceanum peragraturæ ædificantur, æratæ triremes, intra paucas horas, non alueo modo, atque intexta costarum crate, forisque ac tabulatis compinguntur, sed armamentis omnibus ad summum vsque carchesium, quibusdam oculorum præstigiis aptantur: ut quæ paulo ante abies, & pinus in montibus steterant, momento temporis in mare deiectæ, ignotis litoribus insultent. Vbi fulmina terris erumpunt, cuprique fluentibus riuis, stricturnæ chalybum stridunt, rerumque naturæ durissima pars igne molliitur, ferrumque excoctum flammarum semen concipit, ac fulminum fomes, exiguus pulvis in vtero luctans, non tonitrua modo, ac turbines ciet, sed pilarum procellosam grandinem armatis legionibus incutit. Vbi ventorum sinus, atque habenæ texuntur: antemnarum labor torquetur, nauigiorum frena cuduntur: liquentis picis stagna, quadam Inferorum imagine ebulliunt. Ut cum in Urbe amplissimâ, immensa ciuium, ac peregrinorum turba degat, plus tamen armorum in arce sit: quidquid denique arcelandæ, aut inferendæ morti, tuendo, ac perdendo humano generi, in sua mala solers ingenium excogitauit, ancipiti ministerio peragatur. Cum tamèn omnis generis armorum, telorumque strues vastissima conclauia stipent: cum tormentorum, ac pilarum montes exurgant: cum quatuor millia mortalium hæc fabrica exerceat: cum ferrum cuncta occupet, plus tamen auri consumitur, propter quod ferrum excuditur.

Quem non ab vltimis terrarum oris hæc admiranda spectacula, magno Reip. stantia, ab omni æuo non euocarunt? Quot illam Pontifices maximi, aut profugæ maiestatis asylum, aut sacrarum in barbaros expeditionum diuersorium, aut temporarij secessus solatium habuere? Quot Cæsares, ac Reges, vel dissimulata persona, vel professio fortunæ fulgo-

re,

re, supra ipsam fortunam culti, hospitalem tesseram iunxerunt, ac fastigij obliti, contrarijs votis libertati fauerunt? Certe Henricus Rex III. cum à Sarmatico ad Gallicum regnum præcipiti festinatione transfret, aliquot dies huic diuerticulo, gaudijs properantibus impendit, vbi profusissimæ munificentia studijs obrutus, & spectaculorum magnitudine, ac varietate attonitus, fassus est, se aliquid maius inuenisse regno, quod reliquerat, & ad quod proficiscebatur.

Porro regulorum, procerumque, ac purpuratorum numerus iniri non potest, quot quot olim & hodie, aut honesta iustrandæ Urbis cupiditas, sedibus suis exciuit: aut à Veneti Senatus oraculo, Delphica cortina certiore, petendi consilij, opisque exposcendæ necessitas huc adegit: vnde omnes ferè votorum compotes discesserunt, nemo certe post hominum memoriam indonatus abiuit. Neque enim Principibus modo, sed eorum legatis, ac ministris, loca lautia præbita, sumptusque suppeditati: omnes in discessu xenijs, atq; vberimo congiario ditati, non alias toto Orbe Fortunatas insulas reperiri, nullumque pelago, ac Venetæ liberalitati suadum esse, ad suos reuersi prædicarunt. Sane cum bellum aduersus Veronenses Scaligeros gerebatur, LX principum, ac populorum Legatos vno tempore Venetias venisse, grauissimi scriptores prodiderunt.

Vt iam vna ciuitas cum magnis regibus, intra quorum fines tam Sol, qua aurum nascitur, quibus rutilas arenas opulenti amnes deuolvunt, in munificentia certamen descendere possit. Cui cum amplissimus census sit, nullis populorum lachrimis coactus, maior tamen animus est, qui nihil suum esse existimat, nisi quod donauit: pro cuius salute reges ipsi ac principes excubare deberent, quando eius opes, commune omnium patrimonium dici potest, quæ cum nullo beneficium fænerare soleat, non pauca tamen perdidisse visa est.

Hoc quidem Venetorum in externos reges, ac populos
fin-

ſingulare beneficentiæ exemplum eſt. Illud peculiare, ac domesticum in eos, qui aut bellica laude, aut literarum gloria publicam liberalitatem provocarunt. Et primum quidem militaris virtutis auctoramentum ceteri principes laudant, pauci admodum imitantur. Nam ab ipſo Urbis primordio, quicumque Veneta ſigna ſecuti, ſtrenuam in bello operam navarunt, aut aliquo inſigni facinore inclaruere, non duces modo, ac copiarum præfecti, ſed manipulares, & caligati, ſtipendijs aucti, & ordinum gradu altius promoti, opima ſemper præmia, ac largum ſanguinis pretium tulerunt. Nec quæ horum temporum ingrata ſæuitia eſt, finita militia, membris capti, ac vulnere inualidi, mulcato, ac debilitato corpore, ad noſocomia diuertere, aut truncas manus corrogandæ ſiſi porrigere coacti vnquam ſunt. Sed manentibus ſtipendijs, aut præbitis publicè alimentis, inopem ſenectam effugerunt.

Quibus vero humanorum operum pulcherrimum contigit, pro patria oppetere, ne in morte quidem Venetæ benignitatis immunes vnquam fuerunt. Nam liberi paternis ſtipendijs ſuccenturiati, filiæ illocabiles dotatae e ſiſco, orbaque parentum ſenectus, non vno ſolatio affecta, publicam pietatem adoptavit. Ut hunc tenerrimum Senatus affectum, præcipue poſt Tarrenſe prælium, non noſtri modo ſcriptores, ſed Italorum hiſtoricorum ſummus, non ita Veneto nomini propitius, eximia laude proſecutus ſit.

Neque in milites modo male à fortuna mulctatos, aut egregia morte perfunctos, ſed in plures populos, poſt urbium ſuarum excidium patria, ac fortunis extorres, ſe Veneta magnanimitas extendit: ciuiumque in rebus extremis fides, & conſtantia, tutiſſimum ſemper Venetijs receptum, & calamitoſæ virtutis perſugium naſta eſt. Nam ut antiquiſſima ſileantur, incredibile memoratu eſt, quo pacto Chalcidenses olim, & Scodrenſes, patrum memoria Cyprij, noſtra Cydonij, Rhithymneſes, & Cretenſium pars magna, Turcarum

earum superfusa barbarie, oppressi magis quam victi, patriæ in cineres cadentis rogo semiambusti, atq; ex horribili naufragio in hæc litora eiekti, non immanissimam modo captiuitatem effugerint, sed omnis humanæ opis egeni, cum coniugibus, ac liberis, & humanissime suscepti, & liberaliter recreati, atque ab vltima desperatione, ad vitam, vitæque cultum sint reuocati.

Nam turba inops ciuibus infusa, ac per Venetam ditio- nem distributa, opificijs admota, frumentatione, & causa- rijs liberalitatibus sustentata est: primoribus vero, arcium, atque Urbium præfecturæ cuique pro conditione, ac pristi- na fortuna, decretæ, plures sacramento adacti, turmisque & cohortibus impositi, quibusdam opima sacerdotia assi- gnata, non pauci in professorum censum adscripti, nullus non publico beneficio subleuatus, magna pars perituri, nisi periissent.

Ex quo factum est, vt nemo optimo, & gratissimo principi, vitam ac spiritum impendere dubitet, mortisque capacia pectora in ferrum, atque ignes ruant: quod periculorum su- persites, emeritam famem non reformident: si fatum vr- geat, liberos, ac reliquas necessitudines publicæ benefi- centiæ hereditatem cretuos intelligant. Populi vero tam iusto, mitique imperio subiecti, pro mœnibus, pro aris, ac focis, vsque ad extrema humanæ necessitatis duramenta, fi- dem obfirmant; hæd ignari, post bella tutam à baculo, & tegete futuram senectam: si patria cadat, numquam ipsis, ac posteris communem hæc patriam defuturam.

Sed hæc leuia videri possunt, præ vt ingeniorum culturæ, ac optimarum artium studiis promouendis, totos munificentia- sinus Resp. omnis sapientiæ alumna eadem, ac parens, effu- derit. Quam quidem laudem eius propriam, ac peculiarem quorundam principum restrictus animus effecit. Namque ab ipso primordio, eadem libertati, ac literis cuhabula po- suit, quibus conseruandis pertinax superum fauor, atque per- uigil

nigil hominum industria excubauit. Scilicet alterum alterius auxilio, atque ope mutua indiget, nec tam libertas sine disciplinis, quam doctrina sub dominis vigere potest. Libertas literis pretium ponit, quibus vnus eius bona intelliguntur, eoque animosius defenditur.

Ceterę gentes, quę regnantur, ferme liberalibus studiis arcentur, quo patientiores seruitutis sint, curaręque in terris animę ingenuas artes auersantur: quibus vero subtilior sensus est, eas tantum discunt, quas non esse suspectas dominantibus intelligunt, aut vnde assentationi pretium accedat, corporeque nexi, ingenia quoque in mancipatum tradunt. Certe cum apud Turcas, & Scythas proiectissimum seruitium sit, stupor, atque inscitia captiuitatis nota est, ac plusquam barbarę dominationis firmamentum habetur, quo additiōra mancipia habeantur, excisis funditus literis, omnem illis humanitatis sensum adimere: vt famuli turpes, non dimidiata mente, quod Homero placuit, sed toto rationis lumine spolientur.

Nil ergo mirum est, apud acerrimos libertatis custodes, tantam literarum studiis dignationem semper habitam fuisse, vt inter arcana imperij pignora adsciuerint, atq; iis propagandis nullis vnquam sumptibus pepercerint. Et quamquam cœli huius, solique clementia clarissima ingenia, ac literarum miracula per omne ævum eduxerit, Bembos, duos Iustinianos, non vnum Barbarum, omnis barbarię depulso rem, Quirinos, Maurocenos, Manurios, Egnatios, Crassos, aliosque quam plurimos: ne quid de ijs dicam qui vitali aura vescuntur, vrbe mque ac seculum exornant. Hoc heroum prouentu minime contenta Resp. peregrinæ virtutis estimatrix, cum in hac vrbe Athenas, doctrinarum omnium colonijs deducendis, conderet, mularumque larem, ac Prytaneum institueret, in quo perpetuus ignis, & custos imperij flamma vigilaret, ex Orbe toto ingeniorum delectum habuit, atque omnis doctrinæ principes viros, & quod vsquam egre-
gium

gium ex ultimis terrarum oris amplissimo congiatio conqui-
fuit: ac veluti in auctione musarum, animosissime licitando,
hominum florem delibans, vt Orbem locupletaret, Orbem
ingenijs spoliauit.

Confluentibus velut ad viuaria, quicumque sapientiæ cen-
su indicantur: quando nusquam terrarum maiori pretio vir-
tus meret, nec alibi quæstuosior doctrinæ negotiatio, ac lu-
culentiori conditione eruditionis artificium exercetur, vt
auidæ doctorem spes, & improba quoque vota vincantur.
Faceffat enim intempestiua sapientia, paupertatem in litera-
rum studio laudantium, eamque virtutis paucis contetæ ma-
gistræ prædicantium. Quod sola gloria, ac nominis ampli-
tudo satis magnum laborum, ac vigiliarum præmium censen-
dum sit. Facilius enim inuenietis, qui diuitias accusent, quam
qui contemnant. Honos quidem alit artes. Sed quod ille aie-
bat, Aurea nunc vere sunt secula, plurimus auro Venit honos.
Nec tam fama, ac sterilis gloriæ cupido, quam Venetus Leo
flauo metallo irradians doctos mortales pellicit, validius,
quam argentum concisum in titulos, faciesque minutas. Au-
rum barbati inhiant magistri, quique rerum humanarum con-
temptum tristi supercilo profitentur, auctorati eunt, & ma-
jora appetentibus, vita in tumultu est. Pauci abditæ terris
laminæ inimici sunt, plures sibi ac musis plaudunt, quoties
nummos in arca contemplantur: magna pars pauperiem in-
gens opprobrium putant: & fortasse aliqui rei magis quam
famæ famelici, non tam bouem Academiæ insigne, quam
aureum vitulum venerantur.

Huius intelligens sapientissimus Senatus hanc maxime
escam hamis imponit, ac profuse largiendo cum doctorem
cupiditate paria facit. Hinc inaudita alibi, vbique inuidio-
sa stipendia, nec equestres modo, sed Senatorij census vm-
braticis hominibus decreti, & tamen cum plurimis abundè
fit, paucis admodum est satis.

Sed quod omnem admirationem exsuperat, hæc omnia

V

non

non ſolum re populi placida, ſed belli triſtiſſimis, ac difficilimis temporibus cumulate repræſentantur. Alibi terrarum ubi Mars clafficum increpuit, in literas, ac diſciplinās primus belli turbo erumpit. Aperto Iano gymnaſia clauduntur, doctōrum vocibus tubarum cantus, ac tormentorum fragor obſtrepit: ferale iuſtitium Academiae indicitur: quodque miſerrimum eſt, docentium cenſus in militis ſacculum diruitur. Culta muſarum noualia miles occupat: barbarus has ſegetes, Itā Phœbæi artifices, quibus menſtrum ſalarium fundus, ac patrimonium eſt, ante captam Urbem fortunis omnibus ſpoliantur. Pulſi magiſtris Pieridum loca, ſolitudinis horrore, ac ſilentio vaſta, gramen velut in peſtilentia obſidet, niſi quæ iumentis ac ſarcinis conſtipatæ, alto ſordentia ſterquilinio, inceſtus Martis furor præſepibus profanauit.

Vt ante paucos annos obſeſſa Vrbe nobiliſſima, eademque ſtudiorum altrice, celeberrimum Gymnaſium in piſtrinum verſum eſt: atque ibi vetere laborum imagine, & quadam ærumnabilis artificij ſocietate, truſatiles molæ conſtitutæ ſunt, vt ubi alendis ingeniis farinæ ſlos, ſapientię medulla conſciebatur, ibi nequam homines polentam pinſtarent, & vnde literarios proceres fames expulerat, ieiunia plebis ſoluerentur, ſolique doctōres in piſtrino eſurirent.

Credent ne poſteri, atrociffimo duodeuiginti annorum bello, in hac ciuitate literarum, in hoc diſciplinarum omnium domicilio perpetuo Alcedonia fuiſſe? & cum nullum hominum genus belli calamitatum expers ſit, ſolis literarum cultoribus bellum fama modo auditum? cumque omnes tributum pendant, iſdem veſtigal perſolui? Nam cum læua ineluctabilis neceſſitas, ad explendos ſumptus, vix magnis regibus ferendos noua veſtigalia, oblationes, indictiones, ſcripturam, decimas exculet: profeſſores omnium immunes, ac beneficiarij, non vetera modo ſtipendia tuentur, ſed vberioribus quam in pace honorarijs, maſtantur: vt
quon-

quondam capta vrbe, obseſſo à Gallis Capitolio, extrema ſa-
me vrente, panes, oſtentandæ fiduciæ extra munimenta ia-
ctatos, accepiſus .

Illud quidẽ annis proxime elapſis, ad Venetæ munificen-
tiæ gloriam clariuſ illuſtrandam accidit, vt Academia redi-
tus expenſis ſuperarentur, ac Muſarum peculium, intactuſ
bello fiſcuſ, tam Gymnaſij moderatorum profuſam largita-
tem, quam doctõrum cupiditatem explere non poſſet . Dum
virio gentis humanæ vnusquiſque, ſe alteri meritis parem
putat, ſuamque artem ceteris, aut anteponit, aut æquat,
neceiuſdem operæ, aut ingenij eandem mercedem poſtu-
lat, gratiaque, ambitu, preſentatione, ac pene odio noua in-
crementa eſſagit, publicamque benignitatem obtundit,
ac veluti ærarium perfringit . Ex quo factum eſt, vt literarij
cenuſ rationes non nihil turbarentur, ac difficilioreſ quo-
tidie fierent . Ita quæ ſingulis menſibus pecuniæ numera-
bantur, ſeriuſ expungi cœperunt, ac tarda nomina fieri, vt
vnuiſ fere anni reliqua excreuerint .

Quæ tamen ſi grauias, ijs præcipuè eſſent, qui ſibi amici, in
menſem vivunt, viâuque ac cultu ſplendido, ſicut muneris
dignitatem tuentur, ita, haud multum heredem iuant : vt
alii ſuo ſibi ſucco viuendum crederent, quidam nouas tabu-
las expectarent: nemo tamen mutire, nemo publicam fidem
conuenire auſuſ eſt : ſatiſ gnaruſ, ipſoſ belli duceſ, trierar-
choſ, & copiarum præfectoſ, qui Reip. ſanguinem ſenera-
rent, milleque periculiſ apud horridaſ genteſ, per incerta
maris, ac præliorũ vitam quotidie obijcerent, longe gra-
uiorib거 ſtipendiorũ difficultatib거 conſiſtari .

Cum præter omnium expectationem non poſtulantib거,
vixque credentib거 totiuſ debiti ſumma repræſentata eſt,
quæ, in vniuerſum viginti ferme aureorum millia conſicie-
bat . Cuiuſ incomparabilis beneficentiæ fructum, tam arctiſ
rebuſ ac penè dixerim hac paupertate, ſecunduſ Sereniſſi-
muſ Senatũ, ampliſſimorum Gymnaſij moderatorum

prouidentia, atque indefesso de literis benemerendi studio debemus. Qui publicanorum animosius licitantium opportunitate vsi, sine ærarij detrimento, rem magnis difficultatibus implicitam, contra omnium opinionem felicissime expedierunt. Neque enim vt opinor, deerant, qui vtilitatibus fisci in literarum iniuriam adessent, ac tantam pecuniæ summam belli necessitatibus destinarent, meliusque eam collocari putarent, si ornandæ classi, ac militari tributo cederet, quam si studijs inertibus, atque vmbatili desidia impenderetur.

Facile quilibet alius Princeps, cui vilis literarum annona, sibi persuaderi passus esset, vt de alieno largiretur. Sed apud Venetum Senatum avaris monitis aditus obstructus semper fuit: qui insigni quadam, inaudita, noua animi sublimitate minutam hanc diligentiam veluti sordes auersatus, atque vt omnium parens indulgentissimus, non minus sibi studiorum, quam imperij dignitatem cordi esse præfatus, extremo liberalitatis conatu, eodem tempore de hostibus, ac de fortunæ acerbitate triumphauit.

Ergo extemplo omne doctorum creditum expungi Patres decreuerunt: Trium viri literarij, iidemque monetales auctores facti sunt. Viri ex vniuerso Senatu delibati, vt literarium Senatum legerent, Senatorium censum augerent, Latias tribus recognoscerent, atque Ausoniæ stirpis lustrum conderent: studiorum vesticalia, atque vltro tributa, locarent, demum Musarum templa serena sartate præstarent. Vel hoc vno promeriti, vt tantæ nomina famæ æternitatis fastis præscribantur. Andreas Pisanus, æquitate, constantia, morumq; suauitate demerendis hominibus genitus, & cum alijs summis honoribus, tum Patavinæ Præturæ duratura, in longum memoria rerum fastigio proximus. Ioannes Donatus, nominis augurio blanda eruditorum spes, mirabili seueritatis, ac mansuetudinis temperamento, idem virtutis largus æstimator, ac prolapsæ disciplinæ reparator acerrimus.

mus. Demum Baptista Nanius vir ad omnia summa natus, bono publico facundus, literarum amor ac deliciae, quas tantum diligit, quantum ab illis probatur, per famæ toto Orbe diffusa, quæ illi parem adhuc quærit.

Nos ergo non tanquam debitum, sed tanquam beneficium accipimus: id vero à tantis viris datum, serio triumphamus. Cuius beneficii sicut magnitudinem intelligimus, ita eadem obruti referendæ gratiæ nos impares testamur. Quamquam ergo diuersa docentium vocibus Gymnasium perstrepat, omnium tamen vox vna est, hæc noua largitione depulsam inopiam, ac præsentis ægritudine, futuri metu marcentes animos erectos esse, spiritumque ac sanguinem literis, & disciplinis restitutum. Id cum omnes gratulabundi fateantur, mihi omnium nouissimo hanc prouinciam viri clarissimi collegæ demandarunt, quia humanitatis studia professo, conuenire id officium visum est, quando nihil humanius, atque ad diuinitatem propius accedit, quam vetare studia pulcherrimarum artium esurire.

Ergo hoc in loco veluti in Curia vestibulo procumbens, Deum, hominesque meo, & collegarum nomine testor, adnifuros omni officio, ac potius pietate, vt nos honorificentissimo amplissimi ordinis iudicio, clarissimoque decreto non plane indignos præstemus, torque beneficia nouis munificentia exemplis cumulata, nec ingrata habeamus, nec irrita.

Grande tibi etiam me tacente, florentissima Iuventus, incitamentum, vt toto pectore in studia incumbas, quæ tanti fieri à Senatu sapientissimo intelligis, vt inter primas Imperij curas adsciscat, & cum damnosissimi belli impensis, atque erogationibus non sufficiat, ne tantillum quidem debere doctoribus sustineat: atque exhausto ærario, diuitias maximas esse putet, tuendis literis, atque ingenijs, solum Principem fieri pauperiorem. *Dixi.*

Amplissimo ac Præstantissimo Senatori
 BAPTISTÆ NANIO EQVITI,
 & D. M. Procuratori

Octavius Ferrarius Felicitatem.

Vrbis Veneta literarios Fastos excutienti mihi, atque inde libanti hominum florem, & veluti aternitatis album disponenti, Tu, ingens ubique occurrebas, qui patria fastos tam condis, quam imples, & ad scribendum, non argumentum modo præbes, sed exemplum. Quippe dum aliorum memoria consulis, tuam in ævum prorogas, famamque dispensans, sæneras; cum præsens ætas tibi rependat, quantum ventura secula debebunt; scriptæque de te carmina, scriptas historias quotidie legas, tibi que superstes, posteritati tua intersis.

Vt veniat in mentem nostrorum vatium ingeniosissimi, & plane Itali Homeri nobile commentum, quo ille, aternis fortasse carminibus cecinit, humana vita vellera, Parcarum colo depexa, & velleribus pendentia Virorum nomina, pretioso metallo expressa, à grandæno, sed incredibilis velocitatis sene, excusso gremio, Lethæis aquis, quotidie demergi, illico peritura, nisi præsto essent olores, qui sacro rostro, pauca admodum prædonis insidijs subducta, leni volatu, ad proximum Immortalitatis Templum deferrent, cum ævo duratura Anathemata.

Niveus siquidem olor, Nania gentis insigne, quanquam alij, Capitolij custodem, & rei Romana servatorem anserem prædicent, præpete penna, præclara cinium facta humo tollit, & ab iniuria oblivionis defendit. Nisi tu oloris ille pullus es, quem Socrates in gremio suo plumescere per quietem vidisse fertur.

Patere ergo Summe virorum, cygnis suavisime canentibus graculos interstrepere, meque tua vestigia adorantem, Veneta nomina, Parcarum manu recisa, Lethæis undis, ac temperum gula decipere, atque

atque in tuo, hoc est Immortalitatis Delubro sacrare. Neminem enim viuentium, quorum est copia digna huius Imperij gloria, laudare ausus sum, nisi in publicum, & in commune; tum quia dies ultimus de omnibus iudicat; tum, ne si minus de aliquo dicerem, ingrata oratio, si de omnibus, esset infinita. Veritus quoque sum, ne multos offenderem, si paucos excerpissem. Quotus enim quisque non hac persuasione fruitur, ut se inter primos numeret? Vix in mortuorum censu odium deprecari licuerit, ob eos qui pratermissi sunt.

Utique tu dignus eras, cuius vnus viuentis imago, qualis Apelleis est color in tabulis, ut olim Varronis in Pollionis bibliotheca, spectaretur. Sed sicut pudori datum est, ne tuum, idest Virtutis nomen, Peplo inscriberetur; ita illud praecripsisse nulla fuerit inuidia. In titulo praefigendo magnos auctores secutus sum, in primis Aristotelem, qui poema, quo Heroum tumulos celebrauit, Peplum vocauit; siue ille omnis sapientia princeps fuit; siue alius in tantum nomen adoptatus. Ceterum ut destinata perficerem, tu praestitisti Domine, qui non ita pridem, eos à me fluctus depulisti, quibus si non obrutus, in alienas terras abstractus fuisset. Ergo

Me tabulâ sacer

Votivus paries indicat uvida,

Suspendisse potenti

Vestimenta Maris Deo.

Patauij Idibus Nouemb. M DCLXV 1.

PEPLVS VENETVS

Prolusio XXVI.

S Aluos nos omnes, & incolumes esse, nec vitales modo auras carpere, & cæula templa tueri; sed Sacra hæc Musarum delubra reuifere, & literarios conuentus denuo celebrare, vix adhuc credo; atque oculorum fidem tentans, in sperato gaudio perfusus, vobis hanc felicitatem etiam at-

V 4

que

que etiam gratulor, Viri doctissimi, florentissima Iuventus. Quippe Chaldæi fallax natio, ac dira canentes phanatici, hunc annum, qui in extremas metas præceps voluitur, rerum humanarum supremum esse, & diem quo cuncta perirent, instare, atque vt cum Africano loquar, seculorum clausulam, ac mundi halosin imminere, consensu prædixerant; peioris fati manifesta fide, quando, præter maleficos, tot siderum, in humani generis perniciem conspirantium, aspectus, toties diri Cometes horrendo crine arserint, Solque ipse crebris defectibus, obscura ferrugine, in Orbis funere atratus prodierit.

Itaque vt facile credimus, quæ timemus, attonitis omnibus, & proximi exitii horrore perfusis, nemini vacabat de liberis cogitare, & in mortis vicinia, studia, quibus, imò propter quæ viuimus, recolere. Excussi manibus calami, renolutaque Musarum pensa, damnatæ inutiles chartæ, vigilataque scripta Vniuersi rogo, *Ossibus astra misturo*, abitura in cinerem, & fauillam.

Mihi quidem, decurso iam ætatis spatio, extremos prope cardines prementi; nec tam senio, quam morborum iniuria in mortem fracto; immo non ita pridem credentium rumore, in censum Libitinæ relato, vt viuenti exequiæ ducerentur, mihi inquam nec graue, nec immaturum videbatur, *Admoto occurrere fato, vitæque repletum,*
quod superest donasse Deis.

Miserebat me tui, nobilissima pubes, si te in ipso iuentæ flore, nondum degustato vitæ fructu, atra dies turbine raperet, mundique ruina inuolueret.

Hæc agitantibus, ac summum expectantibus diem, & ad omne murmur, quasi nutante axe, momento cælum ruiturum esset, pauentibus, interim fatalis annus elabitur, nullis monstris, aut prodigiis, quæ supremam seculorum horam, noctemque æternam præcurrerent, minax, non siccitate, aut aquarum proluvie; non corrupto aeris tractu fluentibus morbis;

morbis; non famis, ac belli furis, imminentis lethi prænunciis terrificus; sed pace inter reges parta renidens; sed vberibus glebæ, atque arbusi honore, rurisque muneribus opimus; sed Cereris, Bacchique certamine, beata fœcunditate luxurians, rumpentibus horrea messibus, & quamvis exundantibus cellis, pendente in brumam vindemia. Non iam coeli iniurias, fundosque mendaces, & elusa vota querentibus agricolis; sed annonæ vilitate imminutos census, rerumque omnium affluentiam, inductam inopiam lugentibus auaris. Quæ quidem, non depositi, ac prope expirantis seculi, sed reddita iuventute virescentis indicia sunt, & argumenta. Magno scientiæ fideralis ludibrio, ac dehonestamento, quæ sicut aliàs non semel mendacii, ac vanitatis cuncta est, ita hoc vno plane decoxit, & tam fidem, quam pudorem consumpsit. Diræ volucres, & inauspicatæ, Orbis busto incubantes, ac deficientis Vniuersi vespillones?

Sed, si verum admittimus, breue conspiciamus artis, ac falsi facile apparuit. Non enim rebus humanis, sed literis ac disciplinis funestum, ac prope supremum annum haud forte dixerunt, quibus sublatis, mortalium genus ad interitum vergere necesse sit.

Quippe, sicut Menippus, qui ab actis Musarum est, ac Parnasi diurna perscribit, nuper præcipiti epistola nunciauit, proximis diebus in Helicone tumultuatum, ac turbarum licentia, atque implacabili seditione, prope ad extrema ventum est.

Nam cum Apolline præside, Reip. literariæ is status constitutus sit, ut penes optimates, exclusæ plebe regimen habeatur, confluentibus illuc ex toto Orbe, & nascendi sorte, & sapientiæ studijs nobilissimo quoque, nescio quo fato paucis ab hinc annis euenit, ut desidia, & languore, ac literarum contemptu, procures, patricius sanguis, Reip. munia negligenter, raro in Senatum ventitarent, Magistratus, ac Præfecturas, veluti infra se despicerent, & sic publicas curas,

ras, atque imperii onera in humillimum quemque, ac forensam turbam reiicerent.

Postquam scilicet vana persuasio cunctorum animos inuaserat, ac veluti tabe infecerat, doctrinam, & literas priuatam rem esse, ac penitus plebeiam; & aut ignobile otium, aut sordidum, atque illiberale artificium, aduersus inopiam, ac propulsandæ fami inductum. Quandoquidem nullus ferè gratis studia exerceat; sed plerique omnes manum ad stipem porrigere non erubescant. Tam qui responsa vendunt, ac Themidis tripodes mouendo, quæstum faciunt: quam qui salutis institores, mortalium fata negotiantur; cum non paucis lingua in redditu sit; plurimi irarum, ac iurgiorum mercatum exerceant; alij calamum cum fide venalem habeant, & vt olim leges, ita narrationes ex Historia, pretio figant, & refigant: nonnullis ipsi mortui stipendium pendant; alij demum louem mendicantem protrudant, & in partem capturæ Superos vocent. In omnibus ipsa merces, auctoramentum seruitutis videatur; cum non multum interesse nobiles credant, vtrum quis humeros locet, an linguam; nisi quod hæc opera ignauior sit; illa tamen paucis nummulis, hæc multo auro conducatur.

Hac persuasione induciti Patricij, paulatim Parnaso, tanquam officina, taberna, aut pistrino abstinere; vt pauci in quatuordecim sederent, pauciores in Orchestra spectarentur, cauea Theatrum occuparet. Quod vbi literaria plebs animaduertit, æmulatione discors, & nobilitati insensa, animos tollere, atque in spem maioris fortunæ assurgere; sibi honores, sibi rerum summam deposcere; ac de mutando Reip. statu consilia miscere. Ergo multa seditionis ora, vocesque: suo labore, ac vigilijs rem literariam stare, suo sudore, ac sanguine, ingruentem incertiam, ac barbariem ab aris, ac focis submoueri; nec temperabat conuiciis: desidem nobilitatem, & luxu fluentem, nil præter supercilium, & fumosas imagines, hoc est, alienum decus, in Heliconem afferre;

ferre ; & aut studiorum rudes silentio vitam transigere ; aut literis tinctos, vbi rancidulum quiddam extuderint, latinas Tribus despicere, miserosque tribules, inopia, & annonæ caritate vexare, ac sumptus malignè, alimenta carceris, sup-
peditare.

Atqui in Rep. literaria, non alium, quam ingeniorum cen-
sum spectari. Nobiles alibi nasci, in Helicone fieri. Nobilif-
simum esse, qui aliquo præclaro facinore notissimus sit. Or-
dines, non opibus, aut genere, sed doctrina distingui. Di-
uitias plerumque ignaviæ velamenta esse ; paupertatem, in-
dustriæ cotem, ac virtutis magistram. Præstare mendicum
esse, quam indoctum : illum enim fortunis, hunc humanita-
te spoliari. Aequam esse studiosis omnibus libertatem, com-
munes Deos, & libros. Venisse tempus, quo fuci, ignavum
pecus, præsepibus arceantur. Propterea neminem à Rep. li-
teraria excludi oportere ; vtque vere res populi sit, popula-
rem statum inducendum ; nec alia, quam eruditionis præro-
gativa, honores, & magistratus mandandos : ac sublati
centuriatis comitiis, cuncta tributis peragenda.

Adstrepebat his, irasque & maledicta commodabat, ex-
trema concio, ac vulgi pars despicatissima, libertini, & capi-
te censi, servum pecus, sine re, sine fide, obscura initia, im-
pudentibus ausis obliterare quærentes, ac nobilium iurati
hostes ; non Reip. cura, quam assentando digitibus, ne esuri-
rent, perditum ibant ; sed humili veneno summa capita ad-
spargere, & doctorum insectatione, venire in ora hominum
cupidi. Ita, sicut olim apud Milesiorum auctorem, mulierum
secta, moresque, de Afini iudicio pendebat ; tunc quoque
auritus grex, Patres, regnumque Senatus proterve impe-
tebat.

Furentibus Apollo interuenit, & cum nouissima meritos
infortunio mactare posset, & sanguinem à capite mittere,
molliori via curare insaniam aggressus est. Nam vt re magis,
quam verbis, literarum studium non esse rem plebeiam, ac
for-

didam ostenderet, ex adytis Delphicis, quod nonnisi rebus extremis fiebat, proferri Peplum iussit, in quo Venetorum Heroum, qui seculis omnibus rem literariam, cum libertate, literarum altrice, & propagatrice excoluerant, augusta ora textili auro, diuina Musarum artes, acupicta spectabantur.

Non quidem omnium, numerum enim ne ipse quidem Apollo, arenæ maris conscius, iniret, nec quorumcunque, qui scribendi labore, aliquod nomen apud posteros meruissent; vix enim totum Templum, nedum peplum, iis ostendendis suffecisset; sed eorum modo, qui studiorum claritudine, & victuris æternum ingenij monumentis, Musarum pomœria produxerunt, sibi immortale nomen peperere, Venetæ Urbis, reparatarum per Italiam literarum, & conservatæ eruditionis decus adscripserunt. Non dignitatis, aut census prærogatiua, sed nascendi sorte, & temporum serie, in ordinem digesti.

Et quanquam conditæ, condendæue Urbis primordijs, cum Italicæ nobilitatis flos, superfusam diluvio quodam barbarorum rabiem declinans, relictis omnibus fortunis, raptos ex hoste Latii Penates, religionis factarium, & altera sacra, libertatem intra æstuaria condidisset, proceres illi constituendæ publicæ rei intenti, arcendis hostibus, & maritimis longinquis expeditionibus districti, laudanda facere mallent, quam scribere. Vt quondam populus Quiritium, diu literas, ac disciplinas, aut ignoravit, aut contempsit; mox producto imperio, iisdem impensius imbutus, non tam armis, quam studiorum gloria gentes omnes superavit; & quo Romana signa non penetrauerant, ingenij fasces porrexerit.

Sic prisca Veneti, qui docti esse mallent, quam videri, etsi non antequam composita Rep. ac finitimis bellis compressis, ad scribendum animum adpulerunt, facile tamen apparet, singularem, incomparabilem, ac prope diuinam eorum hominum sapientiam fuisse, qui à parvis initiis tantum Imperium

perium dedere, eamque regiminis formam constituerunt, quod vnicum seculorum omnium exemplum, ac miraculum attronitæ gentes venerantur. Quæ schola, quæ porticus? quod Lyceum? Tot leges, atque instituta, humano generi emendando suffœtura; ipsius Reip. temperatio, & ordinum mirabilis exæquatio; non à rudibus, vt isti blaterant, nautis, & piscatoribus, sed nonnisi ab incredibili doctrina, sapientum omnium placitis, atque exacta ciuilibus prudentiæ cognitione proficisci potuerunt.

Non pauci quidem per ea tempora res patrias patrio sermone composuerunt, eo verius, quo simplicius, tam sine ira, & studio, quam sine ornatu, & lenociniis; vt facile appareat, & animum, & scribendi modum antiquum fuisse.

Sed summam radiantis populi oram prætexebat, Bernardi Iustiniani effigies, qui primus aliquid Veneta maiestate dignum concipere ausus, eo sermone, qui nusquam terrarum peregrinatur, circa Urbis originem, atque incunabula versatus, Scriptorum defectu, atque incensis non semel tabulariis, incerta, & obscura initia, e profundo vetustatis eruit. Profugas Latii reliquias, ex continentis naufragio, in medio pelago tutissimum portum nactus; dispersum insulis, affixum scopulis populum; mox paulatim in medium consulendo, Urbis Oceano iura daturæ, fundamenta molientem, cum finitimis luctantem, & modo Tribunorum, modo Ducum instabili imperio, sæuius ipso freto æstuantem, pari fide, & elegantia descripsit. Præcipue barbarorum irruptiones, Alpesque apertas, Latio immixtas, structas nascenti libertati vndique Regum insidias, & reliquos patriæ casus, atque euentus memorabiles, & magnæ fortunæ pericula executus est.

Idem Beati Laurentii patrui, non sanctitate magis, quam doctrina Cœlum meriti, vitam posteris tradidit, vt, centum fere annorum spatio interiecto, Petrus ex eadem familia, Historiam, gentile decus, certioribus vestigiis insistens, culti-
tiori

tiori sermone , ac Senatoria grauitate , ad sua tempora perduceret .

Cingebant latera , licet æuo superiores , duo viri , ingenti conatu , furenti Oceano tradere vela ausi , nouasque gentes , & ignota litora detegere , Marcus Polus , & Aloysius Mustius . Ille Trapezunte , & Alexandria primo adita , extremos Scytharum fines , & inhospitam tellurem lustrans , immensas inde diuitias , nec minorem famam reportauit ; casusque suos , & longæ peregrinationis errorem , Vlyssæo parem descripsit . Mustius , quamuis poetica laude inter primos , nobiliore ausu , duorum & viginti annorum iuuenis , adusque vltimos Aethiopas penetrauit ; cuius exemplum Columbus æmulatus , novum Orbem gentibus aperuit . Extat Mustii liber , quamuis suppresso nomine , cæcula ponti peragrata , vltimos deficientis naturæ recessus exploratos , portuum situs , & opportunitates , facilesque nauigantibus adpulsus completens . Quod hodie nomen , post tantum æui in eo viro reflorescit ; de cuius integritate , sapientia & beata quadam facundia , nulla vnquam ætas obticescet .

Proximum locum occupabat Hieron . Donatus , amœnioribus literis , ac Theologicis studiis inclytus ; cuius opera , & singulare in rem Catholicam studium enituit , cum de principatu Romanæ Sedis , & processione S. Spiritus aduersus Græcos , acerrime disceptatum est . Amplissimis Legationibus memorandus , ea præcipuè , qua Iulium I I. Pont. Reip. infensum , & vniuersi Orbis vires in exitium Veneti nominis cientem , placauit , & ab extremo prope discrimine patriam liberauit . Idem , præstantissimorum , per Europam ingeniorum amicitia , & cultu , sed præcipuè Alexandro Aphrodisæo in latinum sermonem conuerso , omnium consensu , immortalitate DONATVS .

Hinc spectantium oculos tenebant Hieronymi Molini duo ; alter sapientiæ studiis ; alter carminum gloria percelebris . Lucas , ex eadem gente , vtroque præstans . Sed præfulgebat

gebat Dominicus Molinus, si non Venetorum ultimus, at extremus naturæ conatus, & fugientium literarum Iupiter Stator. Veneti nominis titulus, Senatui, populoque literatorum caput adoratum; cui sponte fasces ita submisit, ut nullus memoria nostra, per Europam doctrinæ fama spectatus fuerit (nec vlla ætate vberior doctorum fœtus fuit) qui Molino innotuisse, librosque ipsi certatim inscribere, grande decus, & laborum pretium non existimauerit, ipsum magis quam fortunam eius secutus: quippe, cum Regum opes æquaret animo, in summa gratia, atque auctoritate, non inuenit heredem. Ita singulari exemplo, quamvis pudore, ac modestia; præterea amplissimi Imperii curis perpetuo distentus, nullos ingenii fœtus publici iuris fecerit, præcipuum in peplo locum obtinebat. Tanto præstat, cum nihil scripseris, scribentium in se ora, cultumque conuertere, ac totius elegantie studia prouehendo, & pertinaci in viros doctos fauore, Principis magis, quam Scriptoris laudem implere.

Sed peplum ipsum prope implebant Contareni proceres; sicuti Ducalium Fastorum paginas eadem gens occupat, & nunc Principem optimum, durissimis temporibus commodat; inter quos Franciscus olim, de rebus in Etruria gestis commentarium edidit, quem in exercitu, cui cum summo imperio præerat, sub pellibus conscripsit, dum pro Senensium libertate, Veneti optimo exemplo pugnarent. ut magna scribere, & facere, non tantum Cæsareum sit. M. autem Antonius sapientie affectatione, Philosophi nomen promeritus, illud hereditarium posteris transmisit, gloriosius, quam si Africæ, aut Asiæ spoliū reliquisset. Ex qua domo nunc, tanquam ab Oraculo, sanioris doctrinæ responsa Vrbs petit; duoque fratres, iam grandi natu, non eorum more, quorum oratio philosopha, opera ignaua est, sed vitæ sanctitate, atque innocentia magis, quam verbis philosophantes, cognomen hoc ritulis omnibus augustius tuentur. Alter etiam Historiam patriæ texendo, sanctioris philosophiæ *iter longum per præcepta,*

pra, breue & efficax per exempla esse ostendit; idem auctor, & exemplum. Libet igitur hic, quod olim de Scipionibus Cicero prædicauit, exclamare, O generosam stirpem, & tanquam in vnam arborem plura genera, sic in istam domum, multorum insitam, atque illuminatam sapientiam!

Verum Contarenos omnes, veluti minora astra, inusitato fulgore præradiabat Gaspar Cardinalis, cum morum integritate, tum literaturæ miraculo, non Veneti modo, sed Romani Senatus sidus fulgentissimum. Qui cum in hac Vrbe se Pomponatio in disciplinam tradidisset, & doctissimorum hominum contubernio vsus assidue, omni disciplinarum genere subactum ingenium ad Remp. attulisset, tres, & triginta annos, natus Orator ad Carolum V. in Germaniam est missus. Gerebat Cæsar ea tempestate bellum cum Galliæ Rege Francisco; cum quo de imperio, sed magis de gloria, Italiæ exitiali contentione, tot annos certauerat. Eius contentionis, quæ res diuinas, atque humanas miscuit, causa, & fructus, Vrbs Mediolanum erat; quam Carolus, & Leo Pont. sociatis viribus, Gallo eripere conabantur, cui se Veneti adiunxerant. Itaque ad Reip. hostem Contarenus proficiscebatur; & quidem simultates acerbius exercentem, iisque implacabilem, quod Venetorum opibus res Gallicas firmari, & victoriæ moram obici crederet.

Nihilominus doctrinæ, integritatis, & candoris fama, quæ eum præcesserat; tum prudentia; & dexteritate admirabili, ita animum Cæsaris coëpit, vt breui se in eius familiaritatem penetrauerit; nemoque eo gratior, & acceptior in aula haberetur. Eundem in Hispaniam secutus, cum quinquennium in ea Legatione exegisset, vix dici potest, quo pacto iratum, & victoria tumentem lenierit, quantoque vsui difficillimis temporibus Reip. fuerit. Nec multo post ad Clementem VII. captâ, fœdeque direpta à Cæsarianis Vrbe, & carceris iniuriâ rerum humanarum spectaculum præbentem, Legatus, illa temporum, ac morum colluione, con-

consilii præstantia ingens afflictis rebus leuamentum accessit.

Ac postquam Pontifex Cæsari conciliatus est, Bononiam venit; ubi cum Carolo, illuc ad capienda de manu Pontificis Imperij insignia appropinquant, obuiam processisset, effusa humanitate, & porrectissima fronte exceptus, quod nemo fieri potuisse credebat, pacem Reip. nomine cum eo confecit; idque totum, excellenti naturæ, & doctrinæ admirabili acceptum tulit.

Itaque cum Paulus III. Pont. acerrimus virtutis æstimator, non modo non prensantem, sed penitus ignarum, ac nec cogitantem quidem, in Senatum allegit.

Erat tunc Gaspar Venetiis, & Consiliarius, in Comitio de more sortibus præerat, quibus magistratus creantur; cum novus omnibus, & inopinatus, ipsi incredibilis nuntius allatus est, eo honore auctum esse, qui summo proximus est, quem ille diu insita modestia, atque animi celsitudine re-nuit, ægreque admodum, amicorum consilio, & propinquo-rum accuratissimis precibus animum flexit, ut se in Pontificis potestate futurum diceret.

Inde, quod nullus illi rerum diuinarum, atque humanarum scientia par haberetur, Germania per id tempus, impiorum hominum, de Religione dissidentium, scelere, ac furore misere lacerata, & concussa, vnus Contarenius dignus visus est, qui serpentem pestem coerceret, ægrisque mentibus medicinam faceret. Et quanquam subita Turcarum in Pannoniam irruptio, institutum colloquium, & spes pacis interrupisset; ac viri maleuoli, quos Contareni gloria vrebat, rumoribus distulissent, ipsum nimis aduersariis indulisse, non modo viri dignatio eâ calumniâ, non est labefactata, sed in maius aucta; ut Carolus Cæsar, cum deuictis Gallis, Mediolanum, triumphantis more inueheretur, illum vnum, vel reluctantem lateri affixum perpetuo haberet, totumque iter, iucundissimis cum eo sermonibus conficeret.

X

Pon-

Pontifex verò ob nauatam strenuè operam Bononiæ Legatum creauit, quæ amplissima Pontificiæ ditionis præfectura est; vt non multo post, tertio in Hispaniam ad Cæsarem destinaretur, ad bellum inter ipsum, & Gallorum Regem componendum. Sed mors interuenit, hocque rei catholicæ, ac literarum lumen clarissimum extinxit, ingenii monumenta extinguere non potuit. Libros enim de immortalitate animorum, aduersus Pomponatium Magistrum, ipsi aduersario laudatos, tum alios prope innumeros omnem fere humanam, ac diuinam sapientiam complexos, præcipue de Magistratibus, & Rep. Venetorum, omnium seculorum posteritas in honorem Veneti nominis admirabitur; nec satis vnquam capiet, quomodo homini, quâ grauissimis Reip. munerib. ac christianæ Religionis negotijs implicito, quâ maximis legationibus perpetim distento, vacare potuerit, vt ea literis mandaret, quæ vix alius, animo vacuo, atque altissimo otio, à bibliotheca, & literis recens, productis æui spatijs conficere potuisset.

Secundum hunc visebatur Andreas Mocenicus D. Mar. Procurator, qui bellum Cameracense, quod penè Reip. supremum fuit, quoque visi sunt Superi Venetorum constantiam, inuictum animum, atque in tuenda libertate pertinax studium explorare voluisse, latinis literis grauitè, & diserte posterum memoriæ consignauit, & cum patriæ annalibus nomen suum in ævum longè propagauit. Neque vero poeticæ iucunditatis expers, horrentia Turcarum arma, atque hinc Venetas acies, & pectora mortis capacia, heroico carmine veluti classicum canens, commemorauit.

Hærebat lateri Andreas Nauagerius, cui post Sabellicum, Venetæ Historiæ scribendæ munus à Senatu demandatum est. Orsusque ab Caroli VIII. ingressu in Italiam, vnde duo clarissima Italiæ lumina, Iouius, & Guicciardinus, dispari sermone, sed pari laude initium duxerant; siue operis magnitudine deterritus; siue quod nondum extremam manum

acce-

acceperisset, cum apud Franciscum I. Galliarum regem legatione fungeretur, morti proximus, inutili modestia, flammis aboleuit. Carmina tam suo incendio subtrahita, ac post mortem edita, suauitate, cultu, ac nitore, veterum laudi decertantia, quantus in ea facultate esset indicarunt. Quamquam ille Martiali poetæ immerito sub infensus, multa eius exemplaria conquisita, quotannis stato die, tardipedi Deo voueret, infelicibus vtilanda lignis, ac veluti Historiarum rogo proderet.

Neque ingenio minor, sed inuicta in Penates purpurâ illustrior, Bernardus, indidem domo, grauissimis legationibus, quarum insignis ad synodum Tridentinam fuit, Musarum amœnitatem immiscuit, & Veronæ Episcopatum, innocentia clarum, cultioribus literis nobilitauit.

Cæterum, veluti ab ignotis capitibus, in se ora, atque oculos omnium auertebant, Barbari duo, omnis barbariæ depulsores, Daniel, & Hermolaus; vterque Aquileiæ Patriarcha. Et Daniel, quidem philosophantium summus, post libros Rhetoricorum Aristotelis, summa cum laude, commentarijs illustratos, Vitruvium ingenti ausu explicare aggressus, rem maximis difficultatibus implexam, ac profunda caligine demersam, incredibili labore, usque ad rudiorum captum, expediuit, & Vitruvium veluti ab Inferis excitauit.

Hermolaus vero, vt disertissimi Mureti verbis vtar, qui, quæ Vrbs Orbis terrarum lumen est, eius ipse Vrbs maximum lumen fuit. Quod enim literarum genus, prodigioso ingenii captu intactum reliquit? Totam Philosophiam in compendium redegit; Geometricarum Quæstionum volumen edidit; de Astronomiæ, ac Medicinæ conuenientia disputauit; poeticam etiam non infeliciter attigit, epistolis, & orationibus, facundiam, & minime fucatum Latinitatis nitorem; Themistio, & Dioscoride Latinitate donatis, Græcarum literarum peritiam singularem ostendit. Sed in quo omnium expectationem, se quæ ipsum superasse visus est, Pli-

nij opus immensum, Herculeo labore explicare ausus, diuini illius rerum naturæ interpretis, interpretem egit; atque opus, quo nullum perfectius Latinæ literæ habent, ab innumeris, quibus scatebat mendis, repurgans, rebusque obscurissimis, ac prope deploratis facem allucens, illud naturæ miraculum, nouo miraculo, Camœnis Quiritium redonauit; omnium doctorum virorum sui æui, sed præcipuè Politiani, & Phœnicis ingeniorum, Pici, amicitia, cultuque, & veneratione celebratissimus. Dignus profecto laudatissimi Iouii præconio, qui nullam cuiusque defuncti effigiem, maiore merito in Musæo suo spectari testatus est. Ipsum eruditorum omnium, omnibus numeris longe doctissimum appellans, quod Plinium, vt dicebamus educum e tenebris, & multo squalentem situ, immenso radiantis ingenii lumine penitus illustrarit; qui quantus in Physicis, Dialecticis, atque Rhetoricis fuerit, tot nobiles exuberantis ingenii fœturas testari. Impeditissimam Geographiæ siluam, inaccessam multis, nullique penitus exploratam, glorioso labore penetrasse; traductoque Dioscoride, ex ipso telluris, & naturæ germinantis gremio, salutare, & noxias herbas agris mortalibus demonstrasse. Sed longe maximo inuidi animi præconio dignum, quod Romæ, cum grauissima legatione fungeretur, Aquileiæ Patriarcha renunciatus, quod id contra leges Venetas esset, suffragiorum seueritatem æquo animo tulerit. Verum quominus debita purpura frueretur, sæua mors inuidit, vt patria tellure carerent eius ossa, qui patriæ nomen per totum Orbem extendisset.

Hac tamen claritate, nequaquam Francisci Barbari luminibus offecit; qui licet Præfecturis, & Legationibus, durisque militiæ atque Imperatoriæ artis muneribus, defensâ diu, ac liberatâ per summam laudem Brixiam, ætatem contriuerit, incerta otij momenta Musis impertiuit; librisque de re Vxoriam, ac Latinis epistolis, & aliquot Plutarchi Vitis è Græco conuersis, vidit

Inter

Inter victrices hederam sibi serpere Lauros.

Sed quo te, Petre Bembe Cardinalis, piaculo taceam, quove maxime præcellentem insigni prædicem? Scriptis magis tuis, quorum similia nulla sunt, quam Romana dibapha, aut cuiusquam præconio Eminentissime. Quid enim operibus tuis sublimius, doctius, omnibus denique numeris præstantius? Tu doctis omnibus, claritate nominis, aut tenebras obduxisti, aut lucem fœnerasti. Salve primus omnium facundię latialis, atque Etruscarum literarum parens appellate. Tu Græcarum studio incensus, in Siciliam, usque ad Constantinum Lascarem audiendum nauigasti, ibique per triennium commoratus, incertum reliquisti, qua lingua præstantior esses; cum trium principatum tibi consensus eruditorum deferret; à quibus recte statutum, & pronunciatum est, à reparatis literis, neminem in Europa, ante ipsum te, Latine, ac pure locutum esse; cum peruersa ratione corruptissima quæque placerent, & pro Cicerone, ac Virgilio, Apuleius, & Statius locum occuparent; & aut Scholarum barbaries cuncta obsideret; aut quæ verus querela fuit, corrupta Oratio, & dulcibus vitiis abundans in usu esset, & in comprehensione obscura, compositione fracta, vocum similium, aut ambiguarum, puerili captatione consisteret. Te vnum, velut e Coelo delapsum, iudicij præstantia, optimi cuiusque imitatione, latine loquendi accuratam, & sine molestia diligentem elegantiam intulisse.

Qui flos, quod lumen? Quis magis latinè, purè, dilucide, suauiterque locutus est unquam? Quodque rarissimum ac multis seculis inauditum fuit, non Oratoria modo, sed poetica laude, tam Latine, quam Etruscè, omnibus præstitisse; ut sicut pedestrem sermonem Gratia finxisse videantur; ita Deas studiis præsidentes, nulli dulcius nectar instillasse. Tuum ingenium, ac facundiam Leo X. Pont. admiratus, præcipuum Pontificatus instrumentum, ac decus adscivit, reque Latinarum epistolarum scrinio, vna cum Sadoleto, viro tui per simili, præfecit; tuoque ore, & calamo, Vicia

ria Numinis Maieſtas, ad Principes, ac Reges locuta eſt; neque à Ciceronis æuo Romana Oracula purius, atque incorruptius ſunt edita; vt ſummus hominum, Scriptorum ſummum à manu haberet. Qua fama permoti Veneti Patres, tibi poſt Leonis obitum, in huius Urbis ſeceſſu, beatifſimo otio muſis operanti, Hiſtoriæ patriæ ſcribendæ munus demandarunt; in qua tu, ſicut vnum Cæſarem imitatus es, ita in te iuſtiſſime transferri poteſt, quod de eiuldem Cæſaris commentarijs Cicero ſcriptum reliquit. *Nudi ſunt, recti, & venuſti, omni ornatu orationis, tanquam veſte detracta. Sed dum voluit alios habere parata vnde ſumerent, qui vellent ſcribere hiſtoriam, ineptis gratum fortasse fecit, qui illa volunt calamiſtris inurere, ſanos quidem homines à ſcribendo deterruit.*

Te demum, Paulus III. Pont. ſerò quidem, illa tantopere ab omnibus expetita purpura, diu reluſtantem, ne ab inſtitutis ſtudijs auocareris, decorauit; ita tamen, vt ipſa purpura non eſſet maximus honorum, quos in vita adeptus fueras; nec ſacundiam modò, ſed in grauifſimis chriſtianæ Reip. negotijs prudentiam tuam exercuit. Tibi ergo literatorum chorus aſſurgit; teque omni commendatione maiorem profeſſus, ad laudes tuas ſequendas, te ipſo laudatore opus eſſe reſtat.

Io: Franciſcus Commendonus Cardinalis, ſi literis tantum vacaſſet, non alius ex Venetis, contra Bembum nominaretur. Sed octo nobiliſſimis Legationibus, Pontificis Max. miſſu, totum Orbem pererrans, coactus eſt ingenium in numerato habere, & tempus ſtudijs ſubtractum, Chriſtianæ Reip. vtilius impendere; & haud ſcio, an grauioris momenti negotia ab alio vnquam, maiore fide, ac felicitate pertractata fuerint, & conſecta. Concilii Tridentini conuocandi gratia bis ad Ferdinandum Cæſarem miſſus; ſemel atque iterum in Poloniam, regni rebus perturbatiſſimis, vt Regem ipſum à repudianda vxore deterreret, & ad bellum Turcis inferendum accenderet, quo è viujs ſublato, in Comitij,

mitijs, auctoritate, & eloquentia peruicit, vt ei successor, Catholicæ Religioni additus crearetur, estque Henricus Gallorum Regis frater renunciatus. Nec multo post, repetere Germaniam iussus, quæ Religionis dissidijs distracta, vix vlla humana ope sanari posse videbatur. Ita intra paucos annos, quater prouinciam illam inuisit, resque ibi implicatissimas feliciter expediuit. Hoc negotiorum, ac vitæ perpetuò discursantis æstu, edere orationes vtraque lingua potuit, Romanæ eloquentiæ imitamenta, quæis meruit, vt Bembo secundus quidem esset; sed ita, vt primo propior habeatur, quam tertio.

Quartus, licet æuo inferior, e Veneto in Romanum Senatum translatus, virtute magis, quam Tyrio murice, spectantium oculos perfringebat, Augustinus Valerius Veronæ Episcopus, Philosophiam olim in patria, magna cum laude professus, sanctioris eloquentiæ præcepta accurate perscripsit, vitasque Veronensium Episcoporum, posterum memoriæ commendauit; ipse inter sanctitatis, & pastoralis innocentie exempla futurus.

Hinc, veluti sidera, micabant duo Mauroceni fratres, virtute gemini, prudentia, grauitate, vitæ instituto pares, scribendi gloria, & studiorum germanitate vnanimis. Andreas siquidem, Senator spectatissimus, Senatus consulto Venetæ ciuitatis historiam, à Bembo sine condere iussus, iniuncto muneri, atque omnium expectationi præclare satisfecit. Bembo quidem, scribendi elegantia, haud ita par, quod viro in specula honorum locato, & ideo magna semper, ac varia domi, forisque curanti, comendæ orationi tempus defuerit. Sed operis magnitudine, consilii præstantia, libertate, & rerum maximarum vñu, nemine interior. Nihil vnquam falsi ausus, nihil veri non ausus, quod priuato homini nequaquam impune cessisset. Quippe continentia Regum bella rebus Venetis adnexa, & implicita, magnas necessitates, bellorumque causas, & modos, curasque ancipites tradens,

quibus ille magnam partem, aut interfuerat, aut præfuerat, ut aliquid gratiæ daret, nunquam animum induxit, ac potentiorum offensas, quas veri studio sibi subeundas videbat, insuper habuit. Paulus, Italica lingua res Urbis ab origine repetens, tam probus oratione, quam moribus, scribendi libertate, cum fratre paria fecit; nec tam legentibus, blanda conquirens, animos demulcet, quam censoria seueritate, & quodam grato rigore instruit, admonetque officij. Cum alij plures olim in eadem gente, quæ sapientiæ fortioris præceptis, quæ carminum dulcedine famam in ævum extenderrint. Vnus hodie omnium instar, literarum cultu, ac patrocinio, animique altitudine, & singulari in patriam pietate, vnico fortasse ad hanc diem exemplo, publica munia, priuato splendidissimo sumptu tolerans, familiam imperijs, ac triumphis semper foetam, nouis adoræ incrementis condecorat.

Nondum ad pepli medium ventum erat, cum Menippus, nouarum subinde imaginum, in oculos incurrentium fulgore perstrictus, ac multitudine obrutus, operisque magnitudine fatiscens, satis habuit, nomina modo indicare, & summa rerum fastigia sequi.

Ergo in primis nomenclator dictabat Sanutos duos, vtrique Marino nomen fuit, alterum summum Oratorem, & descripti Orbis peritia nemini secundum; alterum rerum Venetarum auctorem religiosissimum, Venetorum Principum rebus gestis ab obliuione vindicatis, belloque Gallico, atque Urbanis Magistratibus, cum cura recensitis.

Marinum Sauornianum, qui doctis, & laboriosis de re militari, vetere, & noua commentationibus, victurum nomen famæ inferuit.

M. Antonium Michaellem, orandi æque magnum, & canendi; cui mens sublimior, Musarum instinctu afflata, atque non publica vena grandia sonans, rarum nominis huius honorem peperit.

Nico.

Nicolaum de Ponte Ducem sapientissimum, cuius maximas ingenij vires, fortuna principalis non oneravit, ut reconditas literas, & Geometrica studia, Imperij curis miscere potuerit. Legatio ad Tridentinam Synodum, ultra commendationem omnium protulit.

Quatuor Venerios, illustri laude conspicuos. Bertucium, quires Venetas prodendo, ingenij, ac fidei laude, narratur ipse, ac proditur. Maffium per ioca, per seria, vatem præclarissimum; Dominicum Italici fidibus, Thebanos modos aptantem. M. Antonium, naturæ verique indagatorem acerrimum.

Triphonem Gabrielem, non Socraticis modo artibus madentem; sed quem vitæ instituto, ac rerum humanarum cōtemptu, cum ipso Socrate comparare ætas illa non dubitavit. Et quamvis Socratico more nihil, aut exiguum admodum scriptum reliquerit; intra priuatos parietes aluit eam gloriam, quam nemo quidem meo iudicio est postea, consecutus.

M. Antonium Amulium Cardinalem, qui grauioribus studiis, tantum dignationis adiecit purpuræ, quantum ab ea splendoris acceperat. In posteros quoque beneficis; constructis in hac Vrbe amplissimis ædibus, in quibus, liberali sumptu delecta pubes ad magnæ fortunæ cultum informaretur; nouaque subinde incrementa Reip. vsui subolescerent, ipsa futura Respublica.

Paulum Barbadicum, qui & propria laude, & alienæ virtutis æstimatione insignis, Andreæ Gritti Ducis, & Cardinalis Contareni memoriam interciderere non est passus; scribendi facundiam, grauiorum artium instrumento locupletans, & iisdem artibus decus omne virtutis adiungens. Magno totius stirpis blandimento; cum ex eadem domo proditurus esset hoc seculo, iuuenis, literarum, morumque mirabilis; quem ætate maturius, omnium expectatione serius, inter purpuratos allectum, Prouidentia rebus humanis, sed præ-

præcipue huic Vrbi commodauit; vt fessis rebus subueniens, Sacrorum, morumque labentem disciplinam, re magis, quâ verbis sanciret, iusti, rectique non præceptor, sed testis; vt ex qua Vrbe, omnem literaturam, atque ingenii cultum peteret, ex eadem sanctitatis, censusque in egenos profusi, ac pastoralis vigilantia exemplum vniuersus Orbis caperet.

Nicolaum Zenum, cuius extant Commentarii de irruptionibus barbarorum, quotquot Italiam toties misere perfulsarunt, accuratissime conscripti. Quanquam illæ gloriæ contemptu, nomen suum dissimulauerit, facti, quo de Republica optime meritus est, conscientia contentus. Idem, Geographiæ peritiâ, cum paucis comparandus.

Sebastianum Ericcium, Platonica doctrinæ studiis celeberrimum, atque eruditæ antiquitatis, nobili commentario promum condum. Quo ille, veluti Romanum lustrum condens, Consulares, atque Imperatorios Fastos recensuit; regnantium seriem, illumque triumphalem Cæsarum populum, augusta ora, & laureata capita, auro, argento, ære radiantia, posteris numerauit; symbolaque, & emblemata, sacros apices, & fugientium literarum ignotas prope formas, notasque, & compendia, feliciter, atque ingeniose explicuit.

Paulum Parutam, quo nemo grauius, & sincerius Historicum opus pertractauit; & in illa nuncia temporum, luce veritatis, vitæque magistra, incorruptius versatus est. Idem grauissimis monitis Politicis, ciuilem prudentiam, regnandi artes, arcanaque dominationum, Imperiorum formas, bellicisquæ consilia, separato opere, complexus.

Ioannem Basadonnam, non exacta modo prudentia, atque administrandæ Reip. artibus, sed altioribus studiis inclytum, quibus humana mens Cœlo miscetur, orbesque æthereos scandens instinctu Numinis plena, diuina effata mortalibus communicat. Cuius eruditam, ac minime fucatam pietatem, hodie, ex iisdem radicibus æmulatur is, quæ,

Maio.

Maiores ire per altum Auspicij manifesta fides. Namque haud illi vultus mortalis, nec vox hominem sonat; seu rostra quatit, siue in Senatu tonat. Qui, cum Romæ, veluti Divum interpreter Cillenius, Remp. procuraret, fœdæ tempestatis, quæ Christiano Orbi imminabat, sedandæ, præcipuum instrumentum habitus, ex Vrbe, quæ sua modo miratur, tantum reportavit desiderii, quantum reliquit exempli.

Se quoque principibus Venetis permistum agnovit, qui nuper immatura morte literas destituit, Io. Franc. Lauredanus; sacra laurus, *seram factura nepotibus umbram*; sub quâ se Camœnæ, & doctorum grex reciperet; blandum Camœnis, doctisq; nomen, mutuis venerationis officiis cultum. Quo vix aliud vberius ingenium ætas ista tulit, nisi illi nimis indulgisset. Et dum patrio sermone contentus, aut tenebrosos amores ludit; aut multo sale Urbem defricat; aut festiuis narrationibus adrepat, ut erat, suavis videri maluisset, quam grauis. Quanquam, dum Historiam tractat, aut Advocatoris munere, pallentes reos legibus tradit, solidæ facundiæ expers non fuerit. Maior utique futurus, non clarior, si ad illustrandas Latinas literas, tale ingenium conferre potuisset.

Extimam Pepli partem magno agmine implebant, ac multiplici stemmatum flexura coronabant Veneti ex secundo ciuium ordine, (et si doctrina non distat ordinibus) veluti minorum gentium, literarum gloria, atque ingenij monumentis, patricijs haud impares; suis magis quam maiorum imaginibus illustres. Quanquam eorum pars magna, auro bene facta, ac seduli in Remp. ministerij merita, citare in pompam possent.

Familiam ducebat Leonicus Thomæus, cui nefas sit aliud elogium adscribere, quam quod illi à Petro Bembo sepulchrali carmine totidem verbis adscriptum est. Scilicet fuisse Leonicum, mitioribus in literis, pangendisq; carminibus ingenio amabili. Philosophiæ vero in studiis, & Academicæ,

demica, Peripateticaque disciplina longè præstanti. Nam, & Aristotelicos libros græco sermone Patavij primum omnium publicè docuisse, scholamque illam à malis Latinis interpretibus inculcatam perpoliuisse: & Platonis maiestatem, nostris hominibus iam propè abolitam restituisse. Multa præterea scripsisse, multa interpretatum esse. Multos claros erudisse viros, præter virtutem, bonasque artes tota in vita nullius rei appetentem. Vixisse autem LXXV annos integrum. Puto ego Thomæum mature mori voluisse, ut à viro omnium laudatissimo, eius memoria veluti consecraretur.

Hinc quatuor è gente Ramnusia nouo iubare peplum illuminabant. Hieronymus Philosophus, ac Medicus præstantissimus, Arabicè, Græcè ac Latine bene doctus. Nam magnam Auicennæ partem primus conuertit; cum prius Arabicum contextum sua manu, incredibili labore descripsisset. Inde Galeno medicas manus admouens, illum mortalium sospitorem, ac salutis antistitem, à mala interpretum, & librariorum manu in morbo cubantem, veluti reuocauit ad vitam. Quanto laudabilius est sanare ingenia, quam corpora: & de nexu vtriusque philosophiæ disputans, mutas artes non inglorius exercuit. Ac ne vllius literarij decoris expers ea domus foret, Paulus altiora secutus, Iustitiæ, & cognominis Deæ cultor religiosissimus, Ius ciuile doctissimis commentariis illustrauit, aucta in immensum claritudine, Io. Baptista procreato. Qui Græcè, ac Latine doctissimus, omniumque fere linguarum peritus, nullius prope disciplinæ expers, grauissimis negotijs à Senatu adhibitus, in magnis occupationibus, nobiles illos navigationum commentarios conficiens, lectores incredibili voluptate perusos, per Oceani fluentia, atque inhospita litora, totumque Orbem tutò circumduxit. Ipsa prole beatus. Quippe Paulum iuniorem reliquit, qui singulari facundia, paternum, atque auitum decus superauit; ac funebribus clarorū viro-

virorum laudationibus, sed præcipue commentariis, quibus Gallorum, & Venetorum recepta Bizantio, victricia arma posterum memoriz commendauit, se ipso maior visus est.

Nec se ignorari patiebatur Io. Baptista Egnatius, qui tot præclarissimorum operum commendatione, adhuc per ora hominum volitat. Ouidio ac Suetonio illustratis, & Historiæ Augustæ Scriptoribus à situ, atque obliuione vindicatis, iis lucem præferens, qui postea in iisdem auctoribus summa cum laude defudarunt. Idem Romanorum Cæsarum, veluti censum agens, sua cuique decora, vitiaque, & labe, Latine, atque eleganter adscripsit; ac Venetorum illustrium exempla memorabilia posteris tradens, quod debebat patriæ persoluit.

Sed non satis erat, Triumviros literarum Manutios semel intueri, qui omnium oculos, ac mentes admiratione, ac quodam sacro horrore perfusas rapiebant. Nam quantum Venetæ ciuitati, ob libertatis, atque optimi regiminis exemplum Italia debet, tantum non Veneta modo, sed vniuersa res literaria Manutiorum domui se debere profitetur. Quippe Aldus senior Romani generis, cum se Venetias contulisset, typographicæ arti, qua non humanitas modo, & memoria, sed hominum immortalitas constat, rudi adhuc, atque imperfectæ summam manum imposuit. Et incredibili labore, atque inusitata diligentia innumeros Græcos, ac Latinos scriptores, aut nondum editos, ac situ putres blattarum, ac tinearum epulas, e tenebris eruit; ac veluti è pollinctorum fascijs expediuit. Aut rudi opere, ac veluti soloci filo impressos, noua & exquisita characterum forma recudit, & cum squalorem vetustatis, tum mendarum iniurias feliciter abstergit. Doctus ipse in primis, nec vulgaribus literis instructus (neque aliter fieri poterat) vt Grammaticæ institutiones, & præfixæ editioni operum præfationes testantur, Asulani soceri, & doctorum virorum, quos domi nullis sumptibus parcens in id artificium alebat, opera adiutus. Atque
ita

ita inenarrabili beneficio infinitis voluminibus Orbem repleuit; & restitutarum à Venetis per Europam literarum præcipuum instrumentum fuit, dignus de quo nullæ vnquam literæ obticeſcant.

Cuius veſtigijſ Iolitus inſiſtens, Ferrarij nominis portio non minima, libros Italica lingua conſcriptos vulgando: typorum elegancia, Aldum vel æquauit, vel vicit. At nunc dicam ipſis non intelligentibus, literarum, quas ſuperſœtante prælo propagant, plane rudes, ac Latinæ linguæ ignari, ſeruiles operæ, artiſque ipſius opprobrium, de nobiliſſimi artiſcij poſſeſſione deiecti, tantoque honore ſpoliati, peculia rem Italiæ laudem tranſmarinis hominibus conceſſere, & lucri auiditate, ingenti lucro deuoluti ſunt.

At Paulus, Aldi filius, inter literas, & literarum formas, inter ingeniorum ſœturam, atque æternitatis instrumenta natus, & educatus, & præſtanti ingenio, & flagranti ſtudio, & doctus à puero, ne alienæ tantum ſuboli obſtetricaretur, ſed de ſuo Muſarum horrea locupletaret, ita ſe ſtudijs addixit, vt nihil cultius, ac perfectius ex Manutiorum officinis Manutij operibus prodiret. Quippe optimum ad imitandum ſibi proponens, tam prope à Cicerone fuit, quam Romani maximus Auctor eloquij ab interitu, niſi Paulus ipſi ſalutares manus attuliſſet. Vt plurimum profeciſſe intelligas, cui ita Cicero placuerit. Certe in epistoſis, quæ tam elegantes, ac puræ ſunt, vt Muſas ipſas Latine loqui putes, poſt Ciceronem, ac Plinium primæ partes ipſi omnium conſenſu deferuntur. Nam libri de Legibus, ac Senatu Romano, atque alia non pauca, in eo plurimas literas, nec eas vulgares, ſed interiores & reconditas fuiſſe demonſtrant.

Sed puto ego eum, eruditionis laude libenter Aldo filio iuniori, ceſſiſſe, qui paterna, atque auita imagine clarus, cum ſe ab ineunte ætate, optimarum artium ſtudijs dediſſet, ne laus illa Venetis modo finibus circumſcriberetur, cum aliquando à Senatus ſecretis fuiſſet, Bononiæ, Piſis, ac
Ro.

Romæ magna nominis celebritate docentem, Europa admirata est. Leo X. Vaticanæ Bibliothecæ præfecit; cum ipse quæsitis per epistolam, scholijsque in Cæsarem, & Sallustium, torque aliis lucubrationibus, spirans bibliotheca haberetur.

Manutios longa pompa comitabantur viri nulli seculo siliendi. Aloysius Grifalconius ab exacta linguarum cognitione Trilinguis cognomentum promeritus; cum vel una excelluisse eximia laus habeatur. Sed Mathematicarum, & totius philosophiæ peritia à Francisco I. in Galliam à Leone X. Romam euocatus, ubique Venetum nomen ad astra tulit.

Io: Bernardus Felicianus qui Græcas literas prope fugientes sistens, plurimis scriptoribus iure Latij donatis, literariam Spartam novis decoramentis illustravit.

Quique nuper Venetum forum, quod fuit eius ingenii Theatrum, erudita voce spoliatum, atque orbatum reliquit; doctrinæ varietate, ac plurimarum rerum scientia, ac studiorum amœnitate, cum paucis comparandus, Nicolaus Crassus, quem multo elegantissimum poetam, ætatem nostram tulisse, vere videor posse contendere. Quique opere benignitatis plenissimo, Venetorum Procerum, qui honore rerumque gestarum amplitudine, cæteros præstiterunt, elogia contexens, Latini sermonis suauitate, & quodam natiuo lepore non est passus eorum memoriam, quibus æternitas debebatur intercidere; quorum famam, cum sua in omne ævum extendit. Quo extincto, Venetas Musas Latinè loqui oblitus esse, dicere fas est.

Claudebat pompam, ac veluti Phosphoros, nitidum tot siderum rutilantium agmen cogebat, Franciscus Sansovinus. Quo indicante, ac veluti delineante, peplum imaginibus distinctum, atque illuminatum stetit in eam faciem, quæ ætas omnis insatiabilibus oculis suspiciet. Et sicut Sansovini parens, architectonices, artisque sculptoriæ miraculo molliiter spirantia signa producens, nouo statuarum populo,

pu-

publicas, ac priuatas ædes repleuit, & cum ipsis superis, quos finxit prope adoratus est; sic filius ingentium animarum simulachra exprimens, ære, saxoque perenniora monumenta exegit, & cum paterna opera informis situs edaxque verustas consumpserit, seculis innumerabilibus duratura.

Hic Menippus plenam, summa iam margine epistolam clausit, in ima cera adiecit, ad venerabilis pepi conspectum repente minacem, & in scelus erupturam seditionem compressam esse, omnemque ciuicum motum confedissee. Cæterum se ob superbam ingeniorum censuram Palatina bibliotheca, ac prope Helicone excussum fuisse.

*Hæc & apud seras gentes populosque nepotum
Sine sua tantum venient in secula fama,
Sine aliquid magnis nostri quoque cura laboris
Nominibus prodesse potest.*



PANEGYRICI DVO:

ALTER PAULO CAOTORTÆ

ALTER IOANNI PISANO

*Pataxina Prætura perfunctis
Dictus.*

Sub nomine Claudij Encarpi vterque editus.

HIERONYMO LAVREDANO

Iulius Cribellarius Typographus S. P. D.

On adeo virtutum sterile hoc seculum est, ut simul cum recte factis laudationes quoque exaruerint, illudque nobis obiectari possit postquam laudanda facere desierimus, laudari quoque nos desuisse. Nam si alibi hac præcipue terrarum parte virtus libertatis cote acuitur, noua quotidie laudis materies oboritur, ipsaque laus virtutis merces & incrementum est. En tibi magna huius æui decora Paulus Caotorta & Io: Pisanus, qui soli absolvere ætatis nostræ pudorem possent, nisi aliæ quoque mentes laudis capaces existerent, & ad eorum gloriam pertineret esse alios, cum quibus de virtute certarent. Vtrumque virtutis simulachrum ac nomen rudi colore imbutum sacrare tibi consilium fuit, quod alterum propinqua affinitate contingis, alterum obsequio, ac cultu promereris, magnum tibi incitamentum ad eam indolem exerendam, quæ in iuuenta eminet, & ingenti spe patriæ blanditur. Sic ipse in laudum partem venies, qui ipsa honorum rudimenta non sine laude posuisti. Hoc Lauredanæ

Y domus

domus antiquum est, ea facere, & pati quæ laus excipiat, nisi sæpe minor sit. De te hoc spondent regia hæc forma, capaxque magnæ fortunæ ingenium, obuia comitas, vulgi favor, patriæ vota. De me nihil addo, quem tot meritis penè obruisti: & cum non alia re possem, hos non obscuri scriptoris properos & ex temporaneos foetus, quos ille parum humaniter exposuerat tui, tibi que adoptandos dedi. Hoc de te auctor meretur, si aliquid studio dandum est, quo te observat, atque in te amando nulli mortalium concedit. Vale feliciter.

PANEGYRICVS PAULO CAOTORTÆ
dictus.

Pietate & Iustitia Principes Dij fiunt.

Magnarum Urbium excidia, veterumque Imperiorum fata diris ante ostentis denuntiata scriptores prodiderunt. Sed non aliud certius imminentis exitij præsagium fuisse adnotatum est, quàm cum Dij præsides Geniusque loci excedere credebantur, & perituras sedes deserta veluti statione destituere. Ruentis à culmine Troiæ tristissimum omen illud fuit.

Excessere omnes aditis, arisque relictis

Dî quibus Imperium hoc steterat

Et illud

Troia perdidit primum Deus

Sic antequam Hierosolyma à Tito caperentur evēnere prodigia, expansæ delubri fores, & audita maior humana vox, excedere Deos, simul ingens motus excedentium. Acternum vivat, sæculisque perennet magna hæc Vrbs, non tam antiquitate, & rerum gestarum gloria, quam fide in Veneretum Imperium nulli concessura: ingenti tamen mœrore con-

consternetur necesse est, lucuque & squalore deformis metu trepidet & contabescat; Quod tu Urbis salus, & tutela, rerumque nostrarum grande decus, ac præsidium, post breuem moram has sedes relinquo, aditisque excedens omnium spes ac vota tecum feras. Nec si te Dīs Præstitibus, ac Consentibus comparauero verebor, ne aut poetica leuitate ludere, aut deformi obsequio assentari videar. Nam vos Rectores populorum, rerumque dominos, Deos esse nisi sacrarum literarum oracula confirmarent, res ipsa doceret, voxque illa Augusto digna, & augustissimo Deū concilio, Pietate & Iustitia Principes Dij fiunt. Deus est mortali iuvare mortalem, & hæc ad æternam gloriam via. Hæc legitima apotheosis, qua non post rogum & cineres, sed viui, ac videntes Principes consecrantur, quos æquata Dijs immortalibus potestas deceret. Hæc te mortalitate exemit, & veluti Nectaris poculo diuinitatis participem reddidit.

Nam quid ego hic de eximia pietate tua dicam, quam nisi hereditario à maioribus accepisses erat à quo posteritas exemplum caperet, quod esset miratura. Eaque insignior, ac notabilior est, quod hodie non pauci politica toruitate religionis nomine tamquam larua abutuntur, & prout expedire visum fuerit, Cælum, & astra in partes vocant. Scis enim omnia post religionem ponenda, & apud prophanos quoque non dubitasse sacris Imperia seruire, ita se, inquit ille, humanarum rerum futura regimen existimantia, si Diuinæ potentiæ bene, atque constanter fuissent famulata. Itaque nulla re magis Troianum Heroem & admiraris & refers, quod nihil ex patriæ ruentis incendio, quam victos Penates, & Magnos Deos extulerit, quod haud dubie vna cum illis terrarum Imperium circumferret, quorum monitis & instinctu rerum maximarum exordia auspicaretur. Hæc vitæ sanctitas moresque castissimi: serenæ frontis honos, orisque placida, qualis sacris admouetur, maiestas tibi subiectos populos adeo deuinxit, vt te mortalitate maiorem Dijsque

proximum quemadmodum Deos, non metuant, sed amant, ac venerentur. Nec tibi opus est ad conciliandum fauorem nocturnos cum Dijs congressus fingere, falsasque Numinum species obuersatas mentiri, cum non tam impressum Principibus Diuinitatis characterem, quam dignam celestibus vitam debito cultu prosequantur.

Quid ergo præstabilius, aut pulchrius Deorum munus, quam castus, & sanctus & Dîs simillimus Princeps? Ita olim Aegyptus eisdem Reges habuit, & sacerdotes: sic Romana virtus Imperatoribus suis Pontificiam maiestatem circumposuit.

Rex Anius, Rex idem hominum, Phœbique sacerdos.

Et quamquam superum delubra, ac puluinaria religiosissime colas atque à iuvandis mortalibus ad exorandos immortales crebro conuertaris, nunquam tamen ita desidem intra sacella vitam egisti, ut pro colendo Numine hominum curam relinqueres, nec tam anxius ac muliebri superstitione, quam benefaciendo mortalibus, mala depellendo, largiendo salutem, Deum non tam colis, quam probas, & refers. Itaque ad te prius aliqui, quam ad Deos vota sua referunt, & votis damnati, hoc superis debent, quod eodem gestientis animi affectu ab aspectu tuo, atque à templis arisque discedunt. Hæc pietas tua hæc religio: alterum quo Principes Dijs sunt iustitia est, quæ pectus tuum omni affectu vacuum non secus ac delubrum insedit. Nemo Ionem nisi Tonantem credidit, cui si fulmina demas eundem ipsorum turba Deorum despiciatui ac ludibrio habebit. Sed cum superbos fratres iaculatur, cum montium allisorum strage terram partibus suis miscet, cum poli intonueret, & verendam Cæsariem non sine Orbis motu concussit, diuinitatis fidem inuenit.

Præceps in metas suas, & flagitijs impar ævum iam contra Diuos capita alta ferre non magnum crimen ducit: scelerum certamen est, ubi blanditur impunitas, & venalis ambitus

bitus mortalium capita licitatur, & locat. Quæ tu monstra non laqueo feralique pegmate, sed sola integræ seueritatis fama expugnasti, & vt ita dicam spiritu ipso distasti. Nondum aduentu tuo nos beaueras, & iam expectatio tanta erat, vt male sanas mentes vel ad frugem reduxerit, vel trepidos publicæ pacis infectores, & male sibi metuentes sine liâore, & fascibus in alias terras asportauerit. At vbi Urbem es ingressus os, humerosque Deo similis, & non modo regio honore, ac diuinitatis afflatu decoram speciem cõtueri, sed pectus illud formidinis expers, mentemque propositi tenacem colere licuit, fugata impietas est, coercita effrenis licentia, & sublati peccandi causis omne delictum intra vnum, aut alterum exemplum stetit. Placidus hic rigor, & incruentus docuit vnco, & securibus validiorem esse inconcussam Principis mentem, quam non gratia, non ambitus à recto tramire desleat.

Sed quid ea repeto, quæ omnium animis altius impressa etiam posterorum linguas in tui laudem soluent, & animos component in exemplum? Iustitia ergo, & pietas domus tuæ insignes, ac peculiare semper fuere, sed te præcipuè Deo simillimum reddiderunt, quem repente veluti machina de medio subduci inenarrabiliter deploraremus, nisi illud vnum maneret solatium, Diuos benemerendo de mortalibus semper & vbique esse præsentis, teque Veneto Cœlo redditum, Urbem hanc beneficijs factam tuam benigno lumine aspecturum, neque in irritum preces nostras, ac vota casura. Interim ad leniendum desiderium, non caduco lapide, ac mortalibus materijs templum decernemus, sed in fidissimis pectoribus duraturum virtutis tuæ simulachrum ponemus. Quare iidem, & templa, & flamines non ultra inconditè adstrepemus, sed gnari Deos ipsos non tam accuratis adorantium precibus, quam innocentia, & sanctitate lætari, gratioremque existimari, qui delubris eorum puram, castamque mentem, quam qui meditatam carmen intulerit

ſilentio venerabimur, & inter ſuſpiria, ac vota linguis animiſque fauebimus, id vnum ingeminantes, Paulum Caſtor, tam.

Deberi Cælo fatiſque ad ſidera tolli.

PANEGYRICVS IOANNI PISANO
dictus.

Solem Orientem venerari ſolitos Aethiopas ferunt, ne ſe proximi curruſ torreret incendio: at poſtquam immodico æſtu atram gentem afflauerat conuicijs, ac maledictis Occidentem proſequi conſueuiſſe. Contra nos omnes Senator Ampliſſime, te Solem noſtrum, cuius benefico ſidere non Vrbs hæc modo, ſed literæ, ac diſciplinæ ſunt recreatæ, vt Orientem fauſtis vocibus, & acclamationibus excepi- mus, ita Occaſui proximum poſt breuiſſimum interuallum inuolui nobis & eripi miſere conquerimur, & inſolabiliter deploramus.

In quo Cymerios magis populos, quam Aethiopas imitamur, quæis perpetua ferme nocte damnatis eodem momento lux oritur & occidit, vt videatur Sol, poſtquam non tam tenebras diuidit, quàm continuat ideo aſſulgere, vt caliginis horrorem lucis oſtentione reddat grauiorem. Et licet Sol ille ſiderum moderator, ac publica mundi lux, iterato ferme Orbem ſuum luſtrauerit, dum hic ſplendore tuores noſtras colluſtras, vna tamen lux nobis eaq; breuis fuiſſe videtur, quod te præſide nemo caliginem, nemo tenebras ſenſerit, nec de te aliud conqueri poſſumus, quam quod tam cito nos deſeris.

Sed inter omnes quoſcumque acerbiffimi diſceſſus tui triſtitia percellit, Aſtræ ſacerdotes, & quotquot lurisprudentiæ ſacris initiati ſunt grauius id ferunt, quòdque bonos Principes æternos optare magis quam habere liceat indignantur.

dignantur. Et quia satis constat arcanis Aegyptiorum literis, æquum sanctumque Principem Solis imagine designari licet hoc tibi multis de causis conveniat, Themidis tamen cultu, lurisque & æqui moderatione te nostrum Solem proprium ac beneficum peculiari cultu veneramus.

Non hinc itaque vetustissimæ familiæ intaminatum tot sæculis lumen, Solis huius splendorem, ac iubar esse dicam, ne simul perabsurdè lucere Solem ostendere contendam. Ceterorum siderum regimen prætereo, quod clarissimæ gentis supremos in Augustissima Rep. Magistratus designat. Decidua rerum semina, ac genitalem Solis vim transire cogor, qua telluris gremium nova subinde fœcunditate reparat, idest lætissimum rerum omnium prouentum: immo quoties anni spes elusæ, & interceptæ fuerunt, discussam à te profusa largitione mendacem fundorum sterilitatem.

Quid temporum vices & statas tempestates loquar? Nisi quod sub te nemo æstus sensit, nemo hyemem, sed æquabiliter temperamento Ver continuauit Autumnum, auara quoque vota vicit Autumnus. Nam purissimæ lucis fontem tua refert abstinentia, animusque nullis sordibus obnoxius, quas facile mens contrahit, ubi auri fulgor nitore Solis decertat. Quid illa Regnatoris astrorum maiestas, cuius imagine Principum capita radijs vetustas incinxit, nil aliud quam maxime Reip. iubar indicat in sereno vultu tuo micans, quod vt mortales omnes beata luce exhilarat, ita contra tuentes perstringit, & audacium luminum temeritatem deiecit.

Hæc sunt propter quæ, te tamquam Solem semper coluimus, semper venerati sumus. Cæteri te Solem, nos Iustitiæ Solem appellamus. Cuius proprium sit cuncta audire, cuncta intueri, nunquam alienis auribus, alienis oculis uti: ita in orbis specula perpetuo hærentem, nunquam deflectentem cursus, & cum opus est longe iaculantem, idest aduersus Sontes telis armatum, & aduersus Reges atque imam plebem ex æquo vindicem: vt Sol quidem dum Orbem suum

peragit omnia signa collustrer, tu cum vbique sis, nusquam à Libra, ac Virgine desleetas.

Desinant ergo sibi Vates hunc Deum tanquam suum vendicare, totus noster est, & postquam in Templum Delphicum in quo olim responsa Themis nostra dabat ingressus est, non tam illam loco depulit, quàm sibi assumpsit, communeque Oraculum fecit, idemque & Lycurgum leges docuit, & Templum suum genti nostræ concessit.

Iurisque peritus Apollo.

Hanc nos magnam Iustitiæ tutelam, bonumque Iurisprudentiæ genium magis quam Orum olim Aegyptij coluimus. Tu nostra motus prece naturæ, ac seculi mala fregisti, tu submouisti procellas ac turbines. Tu nos tibi peculiari voto obstrictos, & fouisti perpetuo, & vt olim Titan Sacerdotem suum etiam apud Reges in honore voluit esse, sic dignitatem nostram, sic vota, sic Principis indulgentiam sartam, ac rectam conseruasti.

Et vtinam diu frui tanta Fortuna superi permitterent, nec imminens orbitatis metus nos premeret. Momento abriperis, & cultores tuos tam cito deseris? Nullo sane solatio mœror alleuari posset, nisi te hoc Reip. Orbe altius hinc eniti sciremus, & licet à nobis desleetas æquo animo pateremur, te parumper distare, dummodo in summa Orbita etiam illinc nos respicias benigno lumine, ea Solis vi, quæ proxima & longe remota perfundit. Ito felix. Nos tibi inter Peanes tuos non albenti corpore Taurum, sed simplici purique affectus candorem ad humanitatis tuæ aram Tibi cuncta videnti, & audienti sacramus, dolorique impares verbis parcimus.

Cura leues loquuntur, ingentes stupent.

PALLAS SVECICA.

PANEGYRICVS

*CHRISTINÆ GOTHORVM, VANDALorum, ac Suecorum Reginæ Imperium
auspicianti Dictus.*

SI apud te, Deorum, hominumque consensu Imperij Insignia, totque Regnorum, ac prouinciarum sceptrata capessentem, atque in summo rerum fastigio, omni magnæ fortunæ paratu circumdatam, de Te AVGVSTA, verba facere auderem, magnitudinem tuam, & ignorare, & violare viderer: quod tua, ac parentis decora, fatigatis omnium gentium ingenijs, atque linguis, homo peregrinus exequi, nec ritè initiatus tractare hæc sacra non dubitarem. Quis enim ad tantæ Maiestatis fulgorem, speciemque Regibus ipsis verendam, fronteque, & oculis diuinitatis lumen erumpens, animo non consterneretur, & concidat, & strepente bellico carmine, quod vterque Orbis audit, trepidus, ac circumspectans, non malit gratulantium turbæ immixtus tacita gaudia peragere, quam in ipso conatu deficere, ac ludibrium debere? Sed cum vno eodemque tempore singulari exemplo, tam Regnorum, quam Literarum regimen capessas, nec tam auro gemmisque, quam inter victrices lauros serpente hedera, Regium capitis insigne irradiet, atque vna subiectos tibi tot populos, & confugientes in sinum tuum ex toto Orbe artes, ac disciplinas sub Imperium accipias: cum spes, & ratio studiorum in te vna sit, solaque tristes Camænas hac tempestate respexeris, ingrati profectò essemus, ne dicam impij, quicumque literarum nomine censemur, si tuâ hanc singularem sapientiam, ingenij, ac literarum cultum, quan-

quantumcumque humana mens concipere potest, divinam præterea in doctos viros propensionem, ac liberalitatem silentio inuolueremus.

Et quamvis hoc ipso Musarum patröcinio, circa te flos Litteratorum hac tempestate conspiciatur, ac celeberrima ingenia ex toto Orbe contracta tibi vni insudent, laudumque tuarum materiem procudant, nobis ramen in atq; gloria tuæ fauentibus, si non laudem, certè veniam, fore speramus, si ab vltima Italia per tantum maris, ac terrarum, transmittere isthuc vota, & publicis præconiis inferere obscuritatem nostram, cygnisque suauissimè canentibus interstrepere audemus. Novum enim hoc Sidus, quod caliganti seculo studiis ac disciplinis propè intermortuis affulit, ingenia, aut ipsa desperatione torpentia, aut inscitia, atq; ignavia seruire coacta, asseruit, & erexit, vt qui Latinas literas ex ipso Latio profugas, & sub inhospito quondam cælo non iam peregrinantes, sed in ipsa Regni penetralia admissas, atque in animi tui Sacrarium acceptas, comitari nō possunt, faustis ominibus, ac precationibus prosequantur. Ita volentibus fatis, vt quæ gens reliquas gentes recentibus adhuc trophæis, armorum gloria toties superasset, eadem, Te auspice, vindicatarum ab interitu literarum decus ferret, bellique, ac pacis sequestra, duraturum seculis nomen daret, & acciperet.

In quo quidem sapientiæ tuæ, ac consilij vim propè divinam numquam satis commendare possumus, quæ maximis bellis exhaustis, non Regno modo tuo, sed toti penè Europæ reddita pace, ac libertate, alterum isthic veluti literarū Regnum ponere, artesque, ac disciplinas in nouam coloniā transcribere omni ope adlaboras, Martisque manubias Musis consecras, non ingenij modo sponte in earum cultum effusa, sed quod præclare intelligas, tot fortia facta maiorum iacere in tenebris, nisi literarum lumine accendantur: nec ad populorum modo decus, sed incolumitatem pertinere, si
gens

gens belli studiis asperrima, vnaque toties deuictus Orbis, beneficio literarum intelligat, quibus artibus Imperium istud ex paruo maximum factum sit.

Gothorum quidem, & Vandalorum, quorum tibi regimē Dij dederunt, res gestæ non admirationem modo, sed humanam quoque fidem exsuperant. Trophæa toto Orbe excitata, septemque collibus, atque ipsi demum Capitolio imposita, gentemque vnā Principi terrarum populo non suffecisse modo tot seculis, sed mutuis cladibus nobilitatam, demum de gentium omnium victore triumphasse, vix aude credere posteritas. Gothos inquam, siue vetustiore vocabulo Getas, quos, vt grauissimi Scriptores prodiderunt, neque laceffendos bello, neque tentandos Alexander dixerit, Pyrrhus exhorruerit, Cæsar consulto declinauerit, toties immensis viribus Romanis prouincijs superfusos, Thraciam, Illyricum, Macedoniam populosos, aut cladem, aut maximum semper terrorem, vltimumque discrimen Romano nomini intulisse. Tot Consulares, tot Principes interfectos, plures prope exercitus, quam legiones deletas, victrices Aquilas non semel fugatas, eosdem auro sæpius, quam ferro, Romano solo submotos, albentes ossibus campos, infecta victoriis maria, altos magnarum Urbium cineres, rapta ab Orbis prædonibus spolia, laborat simul Annalium fides dum prodit, & minora vero comperiuntur. Quis enim adeo in vetere memoria peregrinatur, vt ignoret, gentem hanc ab Augusto, Orbis, ac patriæ victore, decem legionibus oppugnatam, verius quam victam, vt sola superbum illum, pace terra marique parta, clausi lani titulum obscurauerit. Nam paucos post annos, nobiliori Dacorum nomine Romanos fines ingressi, Oppium Sabinum cum toto exercitu interfecerunt: mox à Cornelio Fusco ægrè repressi, qui tamen vulturibus Dacis lanianda viscera præbuit: vt Traianus ipse dignus Romana magnitudine, dignus Dacis hostibus Imperator, tam longa expeditione, torque laboribus, ante vitæ, quæ belli

belli finem inueniret. Quis enim vnquam victos dicere auit, qui à Caracalla tentati, ab Gordiano submoti, non multo post trecenta mortalium millia in solum Romanum, veluti diluvio irruerunt, vt tædio, ac desperatione contabesceret Philippus, Decius cladem, ac dedecus dissimulare cogere-
 tur. Aeterna Romani nominis labe, ac macula, ipsi fortunæ numquam indulgendo defatigatæ erubescenda. Adum erat de tanta Imperii mole, Diis ipsi inuidenda, nisi Gallus, & Galli filius iniquissimis conditionibus, non diu duraturam pacem mercati essent. Nam Gallieno per libidines pessundato, non iam Thracia, aut Illyrico, sed tota minore Asia peruaftata, Claudij virtute, tot victoriarum torrens veluti obice repressus est, vt humanarum rerum vicissitudine gens, cuius terrore toties Romanum culmen nutauerat, patrio solo extorris, ac profuga, incertis sedibus ageretur. Nam dum totis Regni viribus alieno Imperio imminet, armaque, & fortunam Quiririum fatigant, res suas amiserunt, irru-
 pentibus in vacuas sedes Hunnis, vt quod olim gloriæ cupido, & succrescentis in immensum sobolis multitudo, novas sedes quærere suadebat, nunc patrij soli, glebæque egestas, alienas terras sibi prospicere cogeret: cumque sibi viam ferro, vt alias facere possent, quod recenter Christianis sacris imbuti essent, maluerunt precariò obtinere, quod olim à gladio impetrauerant. Ita à Valente in novas sedes inducti, avaritia, ac fraude legatorum, diutius Principis beneficio frui non potuerunt, indignisque modis vexati, circumspicere vires suas cœperunt, quodque iure tueri vetabantur, memorabili victoria, ipso Valente cum totis copijs contrucidato, tenuerunt. Fuit deinde sub Theodosio siue pax, siue induciæ, vt demum occulta lege fatorum terrarum victrix, rerumque domina Vrbs, vtrumque Solem Imperio complexa, capta, ac direpta, rerum humanarum spectaculum præberet. Siquidem sub Theodosio gens bello inuicta non fidam modo pacem diu præstitit, sed longo Sacramento imbuta, ipsi-
 que

que Romanæ magnitudini immixta, Romanis ducibus egrè-
gie Imperium turata est, donec Theodosio extincto, ac læ-
cerato Imperio, ipsorum ducum scelere, ac perfidia, qui re-
rum nouarū cupidine turbare cuncta, ac miscere nihil pensi
habebant, vltro ad prædam, vastasque spes, & in auctores
casura discrimina sollicitaretur.

Ita creato Alarico Rege, quo duce Romanæ gentis exi-
tium fata moliebantur, adiectis sub Rhadagaso ducentis
mortalium millibus, diuerso incessu Italiam aggressi, sub-
stitere paulum, Rhadagaso veluti indagine cincto, & quia
ferro non poterat, fame absumpto. Cum Roma in manibus
esset, Alaricus ingentis animi vir, & fraudis nescius, ma-
luit Stiliconis perfidiam Cæsari aperire, quam dolo vincere,
atque incredibili generositate imperium Honorio confirma-
re, quam habere. Ita impetratis in Gallia genti suæ sedi-
bus, reducto exercitu, pacato agmine abibat, non hostium
modo, sed iræ, ac cupiditatis victor, donec nouo Stiliconis
scelere læsa patientia in furorem verteretur, daretque inte-
rim pietatis, ac religionis exemplum, quod posteritas omnis
admiraretur, nisi quæ non crederet. In abeuhtes missus mi-
litum globus, admixta Iudæorum colluvie, non extremum
modo agmen carpunt, sed iam metantibus castra inuecti,
cuncta cædibus miscent. Forte ea dies Christo Domino sa-
cra, festo ritu celebrabatur, gensque non in ostentationem
pia, operum immunis feriabatur, discinctaque, & aris cir-
cumfusa sacris intererat, & cum maxime pro hostibus suis
preces funderet, nihil mali metuens, repentina inuasiōe,
gladii iugulo hærentibus, non illicò in aggressores ferrum
expedit, sed cunctabatur; quod nefas esse duceret, festa, sa-
craque luce humanum sanguinem fundere, cædibus gaudere,
donec hostilis rabies intempestiuæ pietatis consultatio-
nem discuteret. Ita ad arma consternati, ruptores fœderum,
omnisque humani ac diuini iuris violatores infortunio ma-
stant, Deumque testati, cuius ferix, atque altaria ad scelus
impijs

impijs placuissent, ad satietatem perfidiæ poenas expetunt, iraque ac cæde calentes infestum agmen vertunt, ac reliquas copias fundunt, fugantque, nec multo post Urbem Imperij Deumque sedem occupant, Arcemque illam cunctis gentibus adoratam, quam incensa Vrbe capere Galli non potuerant, tot cæsis exercitibus spectare Annibal timuerat, inuadunt, vna in arce toto orbe debellato.

Tantam Hercules victoriam sola pietate promeriti, alterum mox religionis exemplum edituri, plus admirationis apud posteros habiturum, quam fidei. Quis enim Urbem æternam à Gothis captam dicere auit, in quam nullum captiuitatis exemplum editum est? Torpet hic mens tantarum rerum contemplatione obruta, nec satis verba expedit, quoties Regis Alarici edicta cogitat, quibus ante Urbis ingressum milites vetuit vim liberis corporibus afferre, capitis poenam interminatus, si quis eum qui ad templum Principis Apostolorum, aut Basilicas martyrum confugisset, cæderet, aut templa ipsa violaret. Quibus edictis nihil sanctius, nihil diuinius tota vetustas habuit: in quibus celebrandis viri sanctissimi facundiam, atque admirationem consumpsere. Et hos quisquam barbaros appellabit? Conferat nunc, si cui animus est, non dico aliarum Urbium funera, ac diri fati exempla, quæ ætas nostra videt, quas velut concessio barbaræ feritatis iure, nemo captas credit, nisi sexus omnis, omnis etas infanda patiatur, nisi stupris cædes, cædibus incendia miscantur. Hoc belli ius inter Christianos appellatur. Sed conferat cum hoc facto ipsam Urbem auorum memoria, non à Scythiis, aut Massagetis expugnatam, animoque subiiciat, quæcumque talis fortuna recipit, quæcumque victrix libido, atque immanitas imperat: cæsos ante ora patrum liberos, aut aliquid morte grauius passos, spectantibus maritis, ferre nurus coactas, quæ victoribus collibuisse, omnia postremo, quæ mens cogitare horret, & nos dicere tuto non possumus. Exigua tamen malorum pars, ac minima clades
vifa

vifa est, præut quo pacto, veluti indicto superis bello, ipsaque sacrorum Maiestate captiua, nullæ simplices cædes furis illis placere, nisi Sacerdotibus ad suas aras victimarum more mactatis, altus cruor rorantia Numinum ora, altariaque, & templa inundasset: nullæ pudoris, aut naturæ iniuriæ, nisi in ipsis puluinaribus totæ Deorum oculis ingestæ: nullæ rapinæ, nisi queis Sacra legerentur, Diuorum patrimonio, e penetralibus egesto: nulla incendia, nisi quæ ex aris accensa, auratas trabes depasta, cæsos Pontifices funerarent: nullæ, nisi templorum ruinæ, quibus flagitia tumularentur, & Numina: nulla demum, nisi Sacrorum solitudo, populis, Superisque fugatis. Gothorum Rex, in ipsa Sacrorum sede, parci Templis iubet, atque Vrbi quæ in Templum confugerat, milites (vt scias totius gentis, non vnus hominis eam laudem fuisse) non parcunt modò, sed sponte obuios, quos vel casus, vel stupor, vel pereuntis patriæ supremus aspectus tardauerat, in Templa inducunt, saluosque esse cogunt, vel inuitos.

Sed nimix fortassis audaciæ est ista per censere, in quibus celebrandis maximum illud Christiani nominis lumen, & sanctioris sapientiæ decus summum desudauit, atque ab hoc memorando facinore Dei ciuitatem auspicatus est, imò propter hoc, vt illud quoque Gothis deberemus. Penè tanti fuit Romam perire, vt alia cœlestis ciuitas ab sacrorum ingeniorum Principe conderetur. Nemo eos libros sine quodam horrore, ac veneratione Gothici nominis legit, quibus Patrum ille grauissimus, multo acumine, ac literarum amœnitate, hoc pietatis exemplum, cui comparari non possit aliud, concelebrat, negatque tot bellis, quæ à primordio Orbem totum exercuere, aliquam Urbem vniquam expugnatam, vt hostes parcerent ijs, qui se Deorum fidei commisitissent, spèque salutis Templorum tutelæ mandassent, Romanosque ipsos Urbium euerlores, religionis alioqui, prout dominationi expediret, tenacissimos, vllis vniquam Sacris, aut Templis

silentio venerabimur, & inter suspiria, ac vota linguis an-
misque fauebimus, id vnum ingeminantes, Paulum Caotor-
tam.

Deberi Cælo fatisque ad sidera tolli.

PANEGYRICVS IOANNI PISANO
dictus.

Solem Orientem venerari solitos Aethiopas ferunt, ne
se proximi currus torreret incendio: at postquam im-
modico æstu atram gentem afflauerat conuicijs, ac maledi-
ctis Occidentem prosequi consueuisse. Contra nos omnes
Senator Amplissime, te Solem nostrum, cuius benefico fide-
re non Vrbs hæc modo, sed literæ, ac disciplinæ sunt recrea-
tæ, vt Orientem faustis vocibus, & acclamationibus exce-
pimus, ita Occasui proximum post breuissimum interuallum
inuolui nobis & eripi misere conquerimur, & inconsolabili-
ter deploramus.

In quo Cymerios magis populos, quam Aethiopas imi-
tamur, quæis perpetua ferme nocte damnatis eodem mo-
mento lux oritur & occidit, vt videatur Sol, postquam non
tam tenebras diuidit, quàm continuat ideo affulgere, vt ca-
liginis horrorem lucis ostentatione reddat grauiorem. Et
licet Sol ille siderum moderator, ac publica mundi lux, itera-
to ferme Orbem suum lustrauerit, dum hic splendore tuo-
res nostras collustras, vna tamen lux nobis eaq; breuis fuisse
videtur, quod te præside nemo caliginem, nemo tenebras
fenserit, nec de te aliud conqueri possumus, quam quod
tam cito nos deseris.

Sed inter omnes quoscumque acerbissimi discessus tui
tristitia percellit, Astrææ sacerdotes, & quotquot Iurispru-
dentæ sacris initiati sunt grauius id ferunt, quòdque bo-
nos Principes æternos optare magis quam habere liceat in-
dignantur.

dignantur. Et quia satis constat arcanis Aegyptiorum literis, æquum sanctumque Principem Solis imagine designari licet hoc tibi multis de causis conveniat, Themidis tamen cultus, iurisque & æqui moderatione te nostrum Solem propitium ac beneficum peculiari cultu veneramur.

Non hîc itaque vetustissimæ familiæ intaminatum tot sæculis lumen, Solis huius splendorem, ac iubar esse dicam, ne simul perabsurdè lucere Solem ostendere contendam. Ceterorum siderum regimen prætereo, quod clarissimæ gentis supremos in Augustissima Rep. Magistratus designat. Decidua rerum semina, ac genitalem Solis vim transire cogor, qua telluris gremium noua subinde fœcunditate reparat, idest lætissimum rerum omnium prouentum: immo quoties anni spes elusæ, & interceptæ fuerunt, discussam à te profusa largitione mendacem fundorum sterilitatem.

Quid temporum vices & statas tempestates loquar? Nisi quod sub te nemo æstus sensit, nemo hyemem, sed æquabile temperamento Ver continuauit Autumnum, auara quoque vota vicit Autumnus. Nam purissimæ lucis fontem tua refert abstinentia, animusque nullis sordibus obnoxius, quas facile mens contrahit, vbi auri fulgor nitore Solis decertat. Quid illa Regnatoris astrorum maiestas, cuius imagine Principum capita radijs vetustas incinxit, nil aliud quam maxime Reip. iubar indicat in sereno vultu tuo micans, quod vt mortales omnes beata luce exhilarat, ita contra tuentes perstringit, & audacium luminum temeritatem deiecit.

Hæc sunt propter quæ, te tamquam Solem semper coluimus, semper venerati sumus. Cæteri te Solem, nos Iustitiæ Solem appellamus. Cuius proprium sit cuncta audire, cuncta intueri, nunquam alienis auribus, alienis oculis vti: ita in orbis specula perpetuo hærentem, nunquam deflectentem cursus, & cum opus est longe iaculantem, idest aduersus Sontes telis armatum, & aduersus Reges atque imam plebem ex æquo vindicem: vt Sol quidem dum Orbem suum

peragit omnia signa collustrer, tu cum vbique sis, nusquam à Libra, ac Virgine deflectas.

Desinant ergo sibi Vates hunc Deum tanquam suum vendicare, totus noster est, & postquam in Templum Delphicum in quo olim responsa Themis nostra dabat ingressus est, non tam illam loco depulit, quàm sibi assumpsit, communeque Oraculum fecit, idemque & Lycurgum leges docuit, & Templum suum genti nostræ concessit.

Iurisque peritus Apollo.

Hanc nos magnam Iustitiæ tutelam, bonumque Iurisprudentiæ genium magis quam Orum olim Aegyptij coluimus. Tu nostra motus prece naturæ, ac seculi mala fregisti, tu submovisti procellas ac turbines. Tu nos tibi peculiari voto obstrictos, & fouisti perpetuo, & ut olim Titan Sacerdotem suum etiam apud Reges in honore voluit esse, sic dignitatem nostram, sic vota, sic Principis indulgentiam fartam, ac rectam conseruasti.

Et vtinam diu frui tanta Fortuna superi permitterent, nec imminens orbitatis metus nos premeret. Momento abriperis, & cultores tuos tam cito deseris? Nullo sane solatio mœror alleuari posset, nisi te hoc Reip. Orbe altius hinc eniti sciremus, & licet à nobis deflectas æquo animo pateremur, te parumper distare, dummodo in summa Orbita etiam illinc nos respicias benigno lumine, ea Solis vi, quæ proxima & longe remota perfundit. Ito felix. Nos tibi inter Peanes tuos non albenti corpore Taurum, sed simplici purique affectus candorem ad humanitatis tuæ aram Tibi cuncta videnti, & audienti sacramus, dolorique impares verbis parcimus.

Cura leues loquuntur, ingentes stupent.

PALLAS SVECICA.

PANEGYRICVS

CHRISTINÆ GOTHORVM, VANDALORVM, ac Suecorum Reginae Imperium
auspicienti Dictus.

SI apud te, Deorum, hominumque consensu Imperij Insignia, totque Regnorum, ac prouinciarum sceptrā capessentem, atque in summo rerum fastigio, omni magnæ fortunæ paratu circumdatam, de Te AVGVSTA, verba facere auderem, magnitudinem tuam, & ignorare, & violare viderer: quod tua, ac parentis decora, fatigatis omnium gentium ingenijs, atque linguis, homo peregrinus exequi, nec ritè initiatus tractare hæc sacra non dubitarem. Quis enim ad tantæ Maiestatis fulgorem, speciemque Regibus ipsis verendam, fronteque, & oculis diuinitatis lumen erūpens, animo non consterneretur, & concidat, & strepente bellico carmine, quod vterque Orbis audit, trepidus, ac circumspectans, non malit gratulantium turbæ immixtus tacita gaudia peragere, quam in ipso conatu deficere, ac ludibrium debere? Sed cum vno eodemque tempore singulari exemplo, tam Regnorum, quam Literarum regimen capeßas, nec tam auro gemmisque, quam inter victrices lauros serpente hedera, Regium capitis insigne irradiet, atque vna subiectos tibi tot populos, & confugientes in sinum tuum ex toto Orbe artes, ac disciplinas sub Imperium accipias: cum spes, & ratio studiorum in te vna sit, solaque tristes Camænas hac tempestate respexeris, ingrati profeßo essemus, ne dicam impij, quicumque literarum nomine censemur, si tuā hanc singularem sapientiam, ingenij, ac literarum cultum, quan-

quantumcumque humana mens concipere potest, divinam præterea in doctos viros propensionem, ac liberalitatem silentio inuolueremus.

Et quamvis hoc ipso Musarum patrocinio, circa te flos Literatorum hac tempestate conspiciatur, ac celeberrima ingenia ex toto Orbe contracta tibi vni insudent, laudumque tuarum materiem procudant, nobis ramen in ætæ gloriæ tuæ fauentibus, si non laudem, certè veniam, fore speramus, si ab vltima Italia per tantum maris, ac terrarum, transmittere isthuc vota, & publicis præconiis inferere obscuritatem nostram, cygnisque suauissimè canentibus interstrepere audemus. Novum enim hoc Sidus, quod caliganti seculo studiis ac disciplinis propè intermortuis affulsit, ingenia, aut ipsa desperatione torpentia, aut inscitia, atq; ignavia seruire coacta, asseruit, & crexit, vt qui Latinas literas ex ipso Latio profugas, & sub inhospito quondam cælo non iam peregrinantes, sed in ipsa Regni penetralia admissas, atque in animi tui Sacrarium acceptas, comitari nō possunt, faustis omnibus, ac precationibus prosequantur. Ita volentibus fatiis, vt quæ gens reliquas gentes recentibus adhuc trophæis, armorum gloria toties superasset, eadem, Te auspice, vindictarum ab interitu literarum decus ferret, bellicque, ac pacis sequestra, duraturum seculis nomen daret, & acciperet.

In quo quidem sapientiæ tuæ, ac consilij vim propè diuinam numquam satis commendare possumus, quæ maximis bellis exhaustis, non Regno modo tuo, sed toti penè Europæ reddita pace, ac libertate, alterum isthic veluti literarū Regnum ponere, artesque, ac disciplinas in nouam coloniā transcribere omni ope adlaboras, Martisque manubias Musis consecras, non ingenii modo sponte in earum cultum effusa, sed quod præclare intelligas, tot fortia facta maiorum iacere in tenebris, nisi literarum lumine accendantur: nec ad populorum modo decus, sed incolumitatem pertinere, si
gens

gens belli studiis asperrima, vnaque toties devictus Orbis, beneficio literarum intelligat, quibus artibus Imperium istud ex paruo maximum factum sit.

Gothorum quidem, & Vandalorum, quorum tibi regimē Dij dederunt, res gestæ non admirationem modo, sed humanam quoque fidem exsuperant. Trophæa toto Orbe excitata, septemque collibus, atque ipsi demum Capitolio imposita, gentemque vnam Principi terrarum populo non suffecisse modo tot seculis, sed mutuis cladibus nobilitatam, demum de gentium omnium victore triumphasse, vix aude credere posteritas. Gothos inquam, siue vetustiore vocabulo Getas, quos, ut grauiissimi Scriptores prodiderunt, neque laceffendos bello, neque tentandos Alexander dixerit, Pyrrhus exhorruerit, Cæsar consulto declinauerit, toties immensis viribus Romanis prouincijs superfusus, Thraciam, Illyricum, Macedoniam populatos; aut cladem, aut maximum semper terrorem, vltimumque discrimen Romano nomini intulisse. Tot Consulares, tot Principes interfectos, plures prope exercitus, quam legiones deletas, victrices Aquilas non semel fugatas, eosdem auro sæpius, quam ferro, Romano solo submotos, albentes ossibus campos, infecta victoriis maria, altos magnarum Urbium cineres, rapta ab Orbis prædonibus spolia, laborat simul Annalium fides dum prodit, & minora vero comperiuntur. Quis enim adeo in vetere memoria peregrinatur, ut ignoret, gentem hanc ab Augusto, Orbis, ac patriæ victore, decem legionibus oppugnatam, verius quam victam, ut sola superbum illum, pace terra marique parta, clausi lani titulum obscurauerit. Nam paucos post annos, nobiliori Dacorum nomine Romanos fines ingressi, Oppium Sabinum cum toto exercitu interfecerunt: mox à Cornelio Fusco ægrè repressi, qui tamen vulturibus Dacis lanianda viscera præbuit: ut Traianus ipse dignus Romana magnitudine, dignus Dacis hostibus Imperator, tam longa expeditione, torque laboribus, ante vitæ, quæ belli

belli finem inueniret. Quis enim vnquam victos dicere aufit, qui à Caracalla tentati, ab Gordiano submoti, non multo post trecenta mortalium millia in solum Romanum, veluti diluvio irruerunt, vt tædio, ac desperatione contabesceret Philippus, Decius cladem, ac dedecus dissimulare cogere-
 tur. Aeterna Romani nominis labe, ac macula, ipsi fortunæ numquam indulgendo defatigatæ erubescenda. Acum erat de tanta Imperii mole, Diis ipsi inuidenda, nisi Gallus, & Galli filius iniquissimis conditionibus, non diu duraturam pacem mercati essent. Nam Gallieno per libidines pessundato, non iam Thracia, aut Illyrico, sed tota minore Asia peruaftata, Claudij virtute, tot victoriarum torrens veluti obice repressus est, vt humanarum rerum vicissitudine gens, cuius terrore toties Romanum culmen nutauerat, patrio solo extorris, ac profuga, incertis sedibus ageretur. Nam dum totis Regni viribus alieno Imperio imminet, armaque, & fortunam Quiritium fatigant, res suas amittere, irrum-
 pentibus in vacuas sedes Hunnis, vt quod olim gloriæ cupido, & succrescentis in immensum sobolis multitudo, nouas sedes quærere suadebat, nunc patrij soli, glebæque egestas, alienas terras sibi prospicere cogeret: cumque sibi viam ferro, vt alias facere possent, quod recenter Christianis sacris imbuti essent, maluerunt precariò obtinere, quod olim à gladio impetrauerant. Ita à Valente in nouas sedes induci, auaritia, ac fraude legatorum, diutius Principis beneficio frui non potuerunt, indignisque modis vexati, circumspicere vires suas cœperunt, quodque iure tueri verabantur, memorabili victoria, ipso Valente cum totis copijs contrucidato, tenuerunt. Fuit deinde sub Theodosio siue pax, siue induciæ, vt demum occulta lege fatorum terrarum victrix, rerumque domina Vrbs, vtrumque Solem Imperio complexa, capta, ac direpta, rerum humanarum spectaculum præberet. Siquidem sub Theodosio gens bello inuicta non fidam modo pacem diu præstitit, sed longo Sacramento imbuta, ipsi-
 que

que Romanæ magnitudini immixta, Romanis ducibus egregie Imperium tutata est, donec Theodosio extincto, ac læcerato Imperio, ipsorum ducum scelere, ac perfidia, qui rerum nouarum cupidine turbare cuncta, ac miscere nihil pensi habebant, ultro ad prædam, vastasque spes, & in auctores casura discrimina sollicitaretur.

Ita creato Alarico Rege, quo duce Romanæ gentis exitium fata moliebantur, adiectis sub Rhadagaso ducentis mortalium millibus, diuerso incessu Italiam aggressi, subistit paulum, Rhadagaso veluti indagine cincto, & quia ferro non poterat, fame absumpto. Cum Roma in manibus esset, Alaricus ingentis animi vir, & fraudis nescius, maluit Stiliconis perfidiam Cæsari aperire, quam dolo vincere, atque incredibili generositate imperium Honorio confirmare, quam habere. Ita impetratis in Gallia genti suæ sedibus, reducto exercitu, pacato agmine abibat, non hostium modo, sed iræ, ac cupiditatis victor, donec nouo Stiliconis scelere læsa patientia in furorem verteretur, daretque interrim pietatis, ac religionis exemplum, quod posteritas omnis admiraretur, nisi quæ non crederet. In abeuhtes missus militum globus, admixta Iudæorum colluvie, non extremum modo agmen carpunt, sed iam metantibus castra inuecti, cuncta cædibus miscunt. Forte ea dies Christo Domino sacra, festo ritu celebrabatur, gensque non in ostentationem pia, operum immunis feriabatur, discinctaque, & aris circumfusa sacris intererat, & cum maxime pro hostibus suis preces funderet, nihil mali metuens, repentina inuasiōe, gladiis iugulo hærentibus, non illicō in aggressores ferrum expedit, sed cunctabatur; quod nefas esse duceret, festa, sacraque luce humanum sanguinem fundere, cædibus gaudere, donec hostilis rabies intempestiuæ pietatis consultationem discuteret. Ita ad arma consternati, ruptores fœderum, omnisque humani ac diuini iuris violatores infortunio manant, Deumque testati, cuius feriæ, atque altaria ad scelus impijs

impijs placuissent, ad satietatem perfidiæ poenas expetunt, iraque ac cæde calentes infestum agmen vertunt, ac reliquas copias fundunt, fugantque, nec multo post Urbem Imperij Deumque sedem occupant, Arcemque illam cunctis gentibus adoratam, quam incensa Vrbe capere Galli non potuerant, tot cæsis exercitibus spectare Annibal timuerat, inuadunt, vna in arce toto orbe debellato.

Tantam Hercules victoriam sola pietate promeriti, alterum mox religionis exemplum edituri, plus admirationis apud posteros habiturum, quam fidei. Quis enim Urbem æternam à Gothis captam dicere auit, in quam nullum captiuitatis exemplum editum est? Torpet hic mens tantarum rerum contemplatione obruta, nec satis verba expedit, quoties Regis Alarici edicta cogitat, quibus ante Urbis ingressum milites vetuit vim liberis corporibus afferre, capitis pœnam interminatus, si quis cum qui ad templum Principis Apostolorum, aut Basilicas martyrum confugisset, caderet, aut templa ipsa violaret. Quibus edictis nihil sanctius, nihil diuinius tota vetustas habuit: in quibus celebrandis viri sanctissimi facundiam, atque admirationem consumpsere. Et hos quisquam barbaros appellabit? Conferat nunc, si cui animus est, non dico aliarum Urbium funera, ac diri fati exempla, quæ ætas nostra videt, quas velut concessio barbaræ feritatis iure, nemo captas credit, nisi sexus omnis, omnis græs infanda patiatur, nisi stupris cædes, cædibus incendia miscantur. Hoc belli ius inter Christianos appellatur. Sed conferat cum hoc facto ipsam Urbem aurore memoria, non à Scythiis, aut Massagetis expugnatam, animoque subiiciat, quæcumque talis fortuna recipit, quæcumque victrix libido, atque immanitas imperat: cæsos ante ora patrum liberos, aut aliquid morte grauius passos, spectantibus maritis, ferre nurus coactas, quæ victoribus collibuissent, omnia postremo, quæ mens cogitare horret, & nos dicere tuto non possumus. Exigua tamen malorum pars, ac minima clades
vifa

vifa est, præut quo pacto, veluti indicto superis bello, ipsaque sacrorum Maiestate captiua, nullæ simplices cædes furis illis placuere, nisi Sacerdotibus ad suas aras victimarum more mactatis, altus cruor rorantia Numinum ora, altariaque, & templa inundasset: nullæ pudoris, aut naturæ iniuriæ, nisi in ipsis puluinaribus totæ Deorum oculis ingestæ: nullæ rapinæ, nisi queis Sacra legerentur, Diuorum patrimonio, e penetralibus egesto: nulla incendia, nisi quæ ex aris accensa, auratas trabes depasta, cæsos Pontifices funerarent: nullæ, nisi templorum ruinæ, quibus flagitia tumularentur, & Numina: nulla demum, nisi Sacrorum solitudo, populis, Superisque fugatis. Gothorum Rex, in ipsa Sacrorum sede, parci Templis iubet, atque Vrbi quæ in Templum confugerat, milites (vt scias totius gentis, non vnus hominis eam laudem fuisse) non parcunt modò, sed sponte obuios, quos vel casus, vel stupor, vel pereuntis patriæ supremus aspectus tardauerat, in Templum inducunt, saluosque esse cogunt, vel inuitos.

Sed nimix fortassis audaciæ est ista percernere, in quibus celebrandis maximum illud Christiani nominis lumen, & sanctioris sapientiæ decus summum desudauit, atque ab hoc memorando facinore Dei ciuitatem auspicatus est, imò propter hoc, vt illud quoque Gothis deberemus. Penè tanti fuit Romam perire, vt alia cœlestis ciuitas ab sacrorum ingeniorum Principe conderetur. Nemo eos libros sine quodam horrore, ac veneratione Gothici nominis legit, quibus Patrum ille grauissimus, multo acumine, ac literarum amœnitate, hoc pietatis exemplum, cui comparari non possit aliud, concelebrat, negatque tot bellis, quæ à primordio Orbem totum exercuere, aliquam Urbem vniquam expugnatam, vt hostes parcerent ijs, qui se Deorum fidei commisitissent, spèque salutis Templorum tutelæ mandassent, Romanosque ipsos Urbium euerlores, religionis alioqui, prout dominationi expediret, tenacissimos, vllis vniquam Sacris, aut Templis

plis hostilem furorem abstinuisse. Quare iure dubitari potest, plusne Gothi tui bellica virtute, an vera religione præstiterint, vtrique Romanos superarunt, vltima seipsos quoque vicerunt, quamque sancta, & inuiolabilis Templorum maiestas sit, primi documentum dedere, fortasse & postremi.

Hæc gentis tuæ decora, quoniam is exorsus est Orationis meæ, Annalibus condita, quæ aut noscitantur posteris, aut grata commemoratione recolerentur, nisi fida literarum memoria custodirentur? Et fortasse maiora etiam fuerunt, quam fama feruntur, futura vtiq; clariora, si parem rebus scriptorem nacta essent: sed haud magna olim apud vos ingenia prouenerunt, cum optimus quisque laudanda facere, quam scribere, sua ab alijs benefacta celebrari, quam ipse aliorum narrare mallet. Ita quod penè singulare in gloriæ præmiis arbitror, res vestræ ab ipsis hostibus bona fide celebratæ sunt, qui dum clades suas Annalibus inserunt, simul virtutem vestram, ac fortia facta commendant. Deinceps auspiciis tuis, AVGVSTA, bene facere Reipublicæ, & bene dicere pulchrum erit: magna ingenia æternitati excolentur, scriptores, & auctores rerum gloria penè persequitur, Suecica virtus non ab exteris tantum memorabitur, sed domesticis præconijs inclarescet, vt iam historici vestri laudem scenerare possint, atque ipsos hostes, cum libuerit, celebrare.

Sed vtcumque magna ingenia in hanc spem adolescant, parati in secula scriptores, & dati, immortales animæ egregiis factis æternitatem spondeant, in hoc omnis facundia defudet: nemo tamen vel disertissimus, post centum & quadraginta octo Regum seriem, vel vnum Parentem tuum æquare dictis audebit, aut poterit. Quæ enim ingenij tanta vis, tantaque copia, vt res eius gestas perstringere, ac delibare, ne dicam verbis exornare valeat? Quis audito tantum magni GVSTAVI nomine, quo nullum vnquam clarius

in Orbe terrarum fuit , non trepidet , atque animo lin-
quatur , etiam si speciem eius mitem sibi figurer , ponatque
ante oculos faciem illam toto Orbe secundam , oris ac cor-
poris dignitatem , etiam hostibus laudatam , auream cæsa-
riem lactea ceruice , genisque fusam , placidam luminum
maiestatem , frontis honorem , si priuato contigisset , Impe-
rio dignum , lacertos illos , ac toros , Imperatorium statum ,
gradumque , & cunctis agminibus supereminens celsæ pro-
ceritatis decus , & reliqua fortuita quidem , sed non apud
vulgus tantum valida ? Quid si præliantis aspectum trepidè
concipiat , concussam terribili motu cæsariem , non tam te-
lorum , quam oculorum , ac minarum coniectum , & vel ante
signa volitantem cogitet , vel inter confertissimos hostes ,
quacumque incederet , stragem , luctum , vastitatem inferen-
tem ? Cuius mens , aut cogitatio capere potest illud milita-
ris disciplinæ , atque Imperatoriæ virtutis simulacrum , in
quo omnia summa etiam hostium confessione fuerunt , qui-
que , vt de altero Magno olim dictum est , plura bella confe-
cit , quam alius vnquam legerit : illum ante Imperatorem ,
quam militem , extrema pueritia maximi exercitus ducto-
rem , cum Moscis , cum Polonis , cum Danis victoriarum ru-
dimenta ponentem , Germanicisq; trophæis , Sarmatica lau-
ro proludentem , non prælio , non acie victum , non stipen-
dijs , sed triumphis emeritum ? Quis , si poetarum more lo-
qui licet , Martem hunc Urbicapum , arcium euerforem , in-
genti lorica tectum , puluere , ac cruore conspersum , solo
quandoque nomine , soloque aspectu armatas acies fugan-
tem , dignè scripserit ? Quis belli hoc fulmen , quod vno mo-
mento Orbem concussit , perterruit , obstantia perfregit , ab-
scessit ? An quisquam titulos omnes , ac triumphos nuncu-
pare , victoriasque numerare ausit , quas ille plures , quam
annos , ne dicam menses , numerabat ? quas autem , Numi-
num fidem , victorias ? Non de imbelli , ac fugitino hoste ,
non de discinctis Afris , aut seminudo Persa , non de subita-

Z

rijs

rijs copijs, ac collectitia manu, non de tumultuario exercitu: sed de potentissimis, ac bellicosissimis populis, sed de gente omnium fortissima, ac pugnacissima, quæ Romanis Aquilis imperuia, toties triumphata, nunquam victa, Romanis toties signis, ac fascibus insultauit: sed de maximis, atque instructissimis copijs: sed de florentissimo veteranorum exercitu, tum maxime fixis in media Hesperia trophæis, victricia arma per Orbem ferente, cuius manipulares, & virtute, & stipendiorum numero ductare legiones poterant, cuius non vnus Imperator bellando senex factus, & longo fortunæ fauore victorijs defatigatus, inter decora numerare potuit, hocque fati solatium tulit, quod Sueco vincente cecidisset.

Quas victorias, non ipsius modo auspicijs, ac consilio, sed ductu manuque partas, nullæ vmquam literæ silebunt: quarum victoriarum non spem solum, sed fiduciam semper miles eius in certamen detulit, vsque ad certamen illud, quod illi mortalium operum supremum fuit. Nam & ante satis prouisum erat ne vincerentur, & in ipso discrimine, victoriæ omen, atque instrumentum Imperator erat, magnæ animæ penè vsque ad reprehensionem prodigus, in prima semper acie princeps pugnam capessens, vltimus conferto prælio excedens, vitæque repletus, & gloria, paratus donare Dijs, quod supererat. Arguant vt libet, cunctatores, & cauti hanc in Imperatore sui vilitatem, Ducesque suos præliorum aduersis subducant, nec modo extra teli iactum, sed extra solem ac puluerem, tectorum vmbraculis desituant, vnus contentus hic mortis, cuius horam nemo in pace produxit, nemo præuenit in prælio, GUSTAVO tot Vrbes natura, atque opere munitissimas aperuit, tot gentes ferocissimas subiecit, tot laureas peperit. Non enim exemplum modò milites ad pugnam accendit, sed desiderio tam chari capitis penè in furorem conuertit, vt sui immemores, oppositu corporum, ac nudo latere eum tegerent, cuius spiritu vniuersorum

forum salus trahebatur, qui toties se pro exercitu deuouebat, quot in acie mucrones stringebantur, quot spargebantur ignis ac ferri missilia, seque maxime beatos fore putarent, si sub teste tanto, ac laudatore spiritum profunderent, atque vitam sibi, Imperatori mortem approbarent, cum is pro singulis lethum lacefferet, pro quo omnes præliabantur. Nam quot ille inuicem seruauit, quot ciuicas priuatus meruisset, à populis, quoscumque adiit, gramineam promeritus, ab reliquo etiam Orbe accepturus, nisi fatorum scelere in ipso procinctu terris subductus fuisset?

Hæc illi flagrantissima militum studia conciliarunt, non vulgata illa, reliquis quoque magnis Ducibus vsurpata. Cultus, habitusque haud multum à priuato abhorrens, ut nisi frontis, atque oculorum honos, quo mortales omnes antequam, Regem proderet, latere posset inter milites suos. Fortuitus ac militaris cibus, breues somni, non silentio, aut molli thoro captati, sed ubicumque naturæ necessitas, nudo cespite cælo opertum Imperatorium corpus reclinasset. In agmine, in itinere, inter custodias, stationesque, in tentorijs, ac contubernijs, curando, aut exercendo corpore immixtus, sibi, ac prælio exercitum firmans: incorrupta ubique maiestate, incertum, charus magis militibus, an venerandus. Hoc inexorabilis disciplinæ seueritate profecerat, quam à se primo exigebat, ut nullus ea tempestate meliore, atque innocentiore exercitu vteretur, quem solus continere nouerat, cum se prius contineret: cuius disciplinæ firmamento, immensas hostium copias sæpe parua manu deleuit, cum non solum aduersus homines, sed contra naturæ ipsius vim, ac tempestatum sæuitiam, cœlique minas depugnaret. Posterius ne credent, cum tot hodie supersint, qui interfuerunt, sub ipsâ Arcto, media hieme bellatum esse, per niues prope cœlo immixtas, per solidata gelu ingentium fluminum terga portatum exercitum, æterna glacie obrutis campis ductas copias, atque in ea regione, in qua non tectis, ac pel-

Z 2

libus,

libus, sed luculento camino, atque hypocaustis ægrè hiems submouetur, non copias modò, ineunte Ianuario ex hibernis eductas, armaque tractata, sed, quod incredibile est, seculisque omnibus inauditum, ac supra omnem humanæ fragilitatis fidem, cum pecora, ac iumenta torrida frigore præsepibus clauderentur, cum feræ ipsæ, ac muta animantia, niuibus congenita, spelæis, atque antris delitescerent, saxa gelu finderentur, rupeſque diſſilirent, diu sine tabernaculis, sine tentorijs stridente Aquilone exercitum pernoctasse, priusque naturam ipsam, cœlumque, & elementa, quam hostes superasse? Cum interim nulla in castris seditio, nulla desperatio in vultu cuiusquam emineret; non gemitus, non murmur ullum audiretur: cùm Imperator ipse conto innixus, concretarum aquarum vellus, procellas, ac nimbos stillante cæsarie, atque impexa barba excuteret, pedesque agmen præcedens, irato Ioui, atque horrendo tumultu ruenti cœlo obniteretur. Cum interim gelu rigentem exercitum, ac pruinis obrutum, & cum liquescentis niuis labe tota die luctatum, appetente nocte, non quies, non tecta, aut fomenta manerent, non epulæ, merique haustus labentem spiritum reuocarent, sed eodem frigore penè lapideus panis, sed interdum aqua regelanda, vt potari posset, sed quærenda sub niuibus, atque alte aperienda tellus, quæ cubile præberet. An quidquam inaccessum, quidquam clausum, atque impenetrabile his hominibus esse poterat, qui se homines esse, hoc est carne, ac nervis compactos obliuisci poterant, nisi plusquam Spartana nobilitate, tot cruciatuum sensu hæc illis non tolerabilia modò, sed dulcia quoque virtus effecisset? Hæc omnibus mortalitatis incommodis ac pestibus maior tolerantia, atque aduersus quidquid terribile natura habet, indomita, obstinata fides, Germaniam ingentibus exercitibus, validissimis oppidis munitam, nec Alpibus tantum vallatam, fluuiisque disseptam, sed suo armatam fidere, sua pugnancem hieme aperuit, milesque inedia, algu, vigi-

lijs

lijs inuictus, Arctoas gentes suo frigore debellauit .

Qua militari disciplina, & disciplinæ magistra paupertate effectum est, vt longa laborum assuetudine, non frigus modo, atque inedia milites facilius tolerarent, ac fortius, sed opum, ac voluptatum rudes, nihil appeterent, præter mortem, quam honestam vitæ inopi, atque ærumnosæ anteferebant : quaque tot mala, atque incommoda effugere properabant: hinc pereundi, fatisque manum iniiciendi dulcedo, impetusque ruendi in ferrum, leuisque semper animarum iactura. Et cum hostis abditus hibernis segne otium tereret, solisque hospitibus metuendus, hiemem, quam longa est, luxu, ac rapinis foueret, prædæque, ac scortis implicitus, cunctatior ad pugnam, tot vitæ pretijs, ac blandimentis quotidie fieret, mortemque ac vulnera reformidaret, Suecum militem voluptatibus insuetum, cupidine intactum, anni, cœlique iniurijs dies, noctesque expositum, naturæ desideria parce, ac maligne sedantem, nemo iratum, nisi armatæ acies sensere; cumque in hostili solo nusquam incolis grauis, modesto ac pacato agmine incederet, nec manus tantum, & oculos, sed cupiditates cohiberet, annona pretio pararetur, vltro à populis inuitabatur, qui sociorum hiberna, non hiemis, sed auaritiæ, sed libidinum perfugia, nullis rapinis expleta, nullis stupris satiata, hostili incessu posthabebant, & cruentam pacem vel bello bene mutabant .

Iam vero in semper bellatore quis pacis artes, illasque ex ciuilibus, ac militaribus mixtas mente assequi, ne dicam oratione completi queat? Vigorem illum, celeritatemque igne quodam volucrem, inusitatam, inauditamque clementiam, mansuetudinem in victos, in omnes liberalitatem, literarum cultum plusquam Regium, dicendi copiam, ac gravitatem: quæ tibi reliquit ex asse. Itaque aut tu sola, AVGVSTA, laudare parentem potes, aut nullus. Non enim optimarum modo artium, ac studiorum faulrix, & propagatrix es, sed in hoc sexu, in summo rerum culmine, tam vasti Imperij mo-

le, tam lata terrarum, ac maris ditione, mira ingenij fecunditate, ac sublimitate capaci omnium, quæ cœlo continentur, tantum literis, atque omni studiorum varietate profecisti, vt rite atque ex æquo ferre laudibus patrem possis, ipsa à nullo satis vnquam laudari. Magni genitoris non imago solum, ac mens, sed humani louis vertice edita Virago, casside, ac framea hostibus metuenda, paternis trophæis extremam manum imposuisti, ac liberato Orbe, postquam pacem gentibus etiam inuitis dedisti, constituto Imperio, ad pacis studia conuersa, excogitasti, quo modo non patrem tantum referres, sed ingentium rerum fulgorem adæquares, ac vinceret, & beata quadam dicendi copia, atque vberitate, GVSTAVI memoriam in vltimas vsq; terras porrigeres, vt quò victoricia illius signa non peruenissent, scriptorum tuorum gloria penetraret, & si quando monumentis eius suprema dies immineret, ingenij tui vi ab obliuione vindicarentur. Tu igitur penè sola digne patrem celebrare potes; te quis audeat? Tanta quidem nominis tui Maiestas, ac virtutis veneratio est; vt nihil laudibus tuis cuiusquam oratione accedere possit, cupisque ipsa in primis bene facere, quam audire. Reipublicæ tamen literariæ, seculi, & omnium qui literas colimus, ipsiusque posteritatis interest, vt ingentia tua in artes, ac disciplinas merita quomodocumque posteris prodantur, etiam si nullum inde tibi gloriæ incrementum prouenire possit: cùm grati animi causa, quem satis est etiam Dijs ipsis indicare, tùm incitamento Regibus, ac Principibus, quibus tu hac in parte vix vllam laudem reliquisti, si quando iacentes literas, ac destitutas respiciant, & prouectis studijs, sibi famæ securitatem in posterum prospiciant.

Neque metus est, ne à me quidquam dari auribus tuis credatur, recepto iam more summis capitibus assentandi; siue necessitate, postquam metus, atque ærumnæ penè hanc artem prostituere; siue ambitione, clausis fermè auribus adstrepando,

strependo, pari apud dominantes literarum ac gloriæ neglectu. Nos enim quo simplicius, eo verius ea leuiter percurrimus, quæ in ore famæ, in publica luce, in humani generis conspectu, in oculis gentium, attonitis omnibus, & vix sibi credentibus aguntur. Res tuas cuncti mortales nouere, non ea modo, quæ in excelsa ætatem degentibus latere non possunt, sed etiam quæ intra parietes, ac veluti in ipsis adytis, quando in te ipsam recedis, ac deposita tantisper tantæ fortunæ mole, tibi ac Musis meditaris, foras erumpunt, & sese strenuè vindicant. Et nos in disjunctissimis terris degentes, interfuso Oceano, iugisque montium dissociatos, nulla necessitas, aut pretium ad dicendum compellit, atque in hac sede liberratis toto Orbe profugæ, animus sui iuris, omnique ambitu vacuus, non nisi ingentium facinorû admirationi obstrictus est, solamque audaciæ culpam hoc vno deprecatur, quod tecum de communibus studiis, non cum fortuna tua loquitur. Itaque vel inuitæ tibi laudes tuæ etiam ab ignotis audiendæ sunt, quas alioqui nobis silentibus gratulabundus Orbis tibi ingerit; atque à pudore tuo impetrandum est, vt fama tui innocenter fruaris; nobisque prouidendum, non tam quid nos dicere deceat, quam quid aures tuæ patiantur, qui tametsi multa magnaue dixerimus, eadem de alio dici non posse profitemur.

Ingens profecto laus, & cum paucis comparanda, studiorum laboribus, ac literarum commendatione parata: sed ætas tua, sed sexus, sed fastigium eam admirabiliorem omnique humana fide maiorem reddunt. Hoc iuventæ flore, tot in literis progressus dedisti, vt viros exacta per literas ætate prouocare possis: summa præterea rerum omnium potestate, ac licentia, eas tibi in studiis vigilias, ac contentiones indixisti, quasi is ad struendam tibi fortunam opus esset: ipsas quoque naturæ leges, ac sexus imbecillitatem supergressa, tanto virorum laudes excessisti, quanto admirabilior semper in muliere virtus visa est. Magnum est, penè ab infantia

literis innutriti, Musarum lac ab vbere haurire, scripta procrepundijs tractare, nullam dulciorem nœniam Vatum carminibus habere: sæpius de Magistri, quam de nutricis collopendere, reptare per libros, Latina verba balbutire. Magnum, pueritiam non alio ludo, quam literario exercere, adolescentiam inter magnæ fortunæ, ac literarum meditatamenta partiri, à Præceptore in Curiam, viuידam indolem Patrum oculis ingerere; publicas curas studiorum amœnitate temperare, in cubiculo dictata accipere, in Senatu scribere, illic audire, hic loqui, Magistrorum dicto audientem esse, Principibus imperaturam. Magnum quidem: sed & alij occurrent fortasse non pauci, quæis præcox ingenium, & festinata indole ante annos disciplinarum capax, natura benignior indulsit.

Mulieres omnes intempestiua, ne dicam inuida virorum censura, non modò publicis muneribus arcuit, sed veluti extra naturam proiectas, à gubernaculis Ciuitatum, atque ab omni doctrina exclusit, ac repulit, pensisque, & quasillo addictas, in Gynecæum quasi in ergastulum detrulit, ac compegit. Vt non effugerint olim Romanæ satyræ aculeos Matronæ, quæ literis deditæ essent intemperantius, quasi fugerent à sexu, virorumque tam studia imitarentur, quam vitia: quæ historias omnes euoluerent, quæ in libris intelligerent omnia. Cum natura suos fines, ac modos vtrique sexui statuisset videatur: vt quemadmodum literas, atque arma viris tractare, ita colum, ac telam curæ fœminis esse, ius falsque esset. Itaque cum ijs viris male actum putarunt, quibus erudita matrimonia contigissent, cum se nulla satis formosam crederet, nisi quæ de Romana Græcula facta esset, non artem modò Palæmonis vsque in mariti contumeliam edocta, sed siderali scientia, arcanisque fatorum imbuta impensius, quam necesse esset probæ. Quam sexus iniuriam, atroxque & iniquum iudicium, tot castissimis, ac fortissimis exemplis vetus, ac recens ætas rescidit, & vel tu sola,

A V.

AVGVSTA, antiquis Sabinis præferenda, quæ virilibus curis, & studiorum sanctitate omnia foeminarum vitia exuisti, satis superque abrogasti. Nam referre hic, quemadmodum æquitate, & clementia, reliquisque regnandi artibus, breui effeceris, ut Patris memoria in te minimum momentū ad conciliandum populorum favorem fuerit, utque minime desiderabile virorum imperium reddideris, esset iniuria tantæ maiestatis.

Sit igitur quàm legitimum, tam rarum atque admirabile in hoc lexu, doctrinæ & eruditionis exemplum, callere literas omnes, ac reconditas artes, nullius scientiæ expertem esse, omnium penè gentium linguis loqui, Latina promptius, quam materna uti, Græcæ discendæ rædium æquo animo vorare, scribendi lepore, ac venustate assurgere, virosque, qui hoc vnum tota vita egerunt, in contentionem vocare, nec tam laudanda facere, quam scribere: carmen sani coloris fundere, gentium mores, Principum ingenia, locorum situs cognitos habere: de abditis rerum causis grauter, de Republica sapienter disputare, Imperij leges, arcana Dominationum non tantum in Senatu expendere, castitate, ac mansuetudine cum foeminis, ingenio, atque eloquentia, cū viris decertare. Sed non vna laudandarum artium studio, memoriam apud posteros merita & olim reperta est, & nunc in Belgio sexum, & seculum virgo priuata nobilitat, capaci ingenio scientiarum orbem complexa, vsque in certamen summorum virorum, eorumdem præconio nobilitata.

Quare illud iure maximum videri potest, & penè sine exemplo, quod Regia fortuna, ac Dijs proxima potestate, non literis modo aures, ac patrocinium commodaueris, sed iis penitus addicta, pari cura eas, atque Imperium complectare, ut penè incertum sit, plusne populos tuos ames, an studia: hæc certe plurius quam salutem facias, quam tot laboribus, ac vigilijs sæpe in discrimen adducis. Non desuere tamē aliquando Reges, qui aut studia fouerent, aut Scep-
&

& Solio literarum fulgorem circumfunderent: pauci illi quidem, hoc ipſo magis laudandi, quando magna olim Regnātium pars, fugatis, aut interfectis viris doctis, ipſam excindere ſapientiam optauere. Scilicet, cum laudanda facere deſiſſent, etiam laudum inſtrumenta conſumpſerunt, omni poſteritatis memoriæ, ne ſecus facta noſcitantur, inſenſi, nequicquam intercepto ſcribendi, ac loquendi commercio: cum hæc vis, quæ premit, ingenia exſerat, obſcurique interdum viri, & vmbratici, ſupremas Poſteſtates apud poſteritatem in ius vocent, ſerantque ipſi ſententiam, validam, & duraturam. Itaque mitiores alij, quod non literas penitus tollerent, ſed ſcholarum ergaſtulis ſqualere paterentur, imputarunt; cum non Reges modo, ſed Regum mancipia, ſed hominum mendicabula, ſed ipſa ſeruiciens nobilitas magnæ fortunæ argumentum putet literas ignorare. Vt olim, (nam quid hodie fiat quærere, priuato illicitum eſt, atque intutū,) ſi vnus aut alter vel amorem ſtudiorum ſimularet, vel inter otij oblectamenta eruditionem admitteret, vel bona fide literis facilem animum, atque aurem accommodaret, maius portentum viſum ſit, quam ſi terra mouiſſet, aut de cœlo lapidatum eſſet, & quæcumque maioribus hoſtijs expiabantur.

Tam priuatæ igitur mulieres multa doctrina excultæ, quæ viri Principes fuere, qui bonis artibus, aut propitij, aut non inſenſi vixere. Sed Regina Virgo, quæ primæuo ætatis flore, iuſtius viris, ac fortius Imperium in viros exerceat; quæ non ſtudia modo magnifice prouehat, ſed inter regnandi inſtrumenta, inter oblectamenta vitæ interioris adſciſcat, atque omni eruditione exſuperet viros, non alia quam tu, AVGVSTA, in tota antiquitate occurrit, eademque vnicum, ac ſingulare omnium ſeculorum exemplum viuus. Non enim imperitantium more doctrinam oſtentas, aut ſimulas, ſed ſeuera lege proficiens, toto pectore in ſtudia exarſiſti, & cū Regia Fortuna aliud ſuadere, ætas & ſexuſ excuſare poſſet,

tam

tam pertinaci contentione, totque laboribus incubuisti, ut quantum Pater dura, & antiqua militia Reges omnes, ac Duces superavit, tu in opere literario, atque erudito pulvere, etiam priuatos, quibus ea sola cura est, longe post te reliqueris. Nam si quis immensas Imperij vires, & incipiente iuuenta cuncta regendi onus animo reputet, vix fieri posse putet, ut vacauerit aliquando tibi libros aspicere: contra, qui sapientiam tuam, qui eloquentiam, qui studium antiquitatis, qui promptum ad omnia ingenium, ac veluti in numero cogitauerit, credere cogatur, te in literis consenuisse, vixque superare tempus potuisse, quo Regni curis, ac populorum alloquio vacares.

Et licet in altitudinem studiorum condita in recessu Musis opereris, laboresque tuos veluti sipario vulgi oculis subducas, latere tamen non potes: nam exercitati vultus maiestas, & virginali rubori eruditus pallor infusus, virtutis tinta, ac vigilatis noctibus, iuventæ flos languens, lapsæque genæ produnt secreta Musarum, ac noctium. Nam cum totos fere dies dare te populis soleas, in Senatu quotidie rerum maximarum consilia in serum extendas, tot Regum, ac populorum legationibus conueniaris, de bello ac pace deliberes, tot fidissimis, ac fortissimis exercitibus, tot classibus prospicias: non arx, non oppidum sedulitatem tuam effugiat: labentem morum disciplinam repares, nouisque legibus vincias, constituendis iudicijs, comprimendæ libidini, propagandæ soboli incumbas; nil tibi iam reliquum est, quàm ut noctem studijs vindices, ac tenebras partiaris; cadentes oculos in opere contineas, & somnum cum valetudine computes: atque ut magnus olim Orator fabris inuidebat, quorum antelucana opera vinceretur, sic tu AVGVSTA, haud secus ac mater familias pauperula, quæ vitam colo tolerat, lucem antevertit, noctemque operi addens, lumen ad exiguum lucubrantem ancillas penso exercet, intempesta nocte corpus puluinari deripis, & tota stertente Aula, cum pro
omni-

omnibus excubes, affixa pluteo, Minervæ peruvigilium collis: & vel sola cum eruditis mortuis versaris, vel sapientiæ Magistros adhibes, quos interdum vigilare cogis inuitos: & cum alij studiorum defatigationem ludo, aut quiete remittant, tu ab Imperij curis ad literas tanquam in portum diuertis: nec tam cessatione laboris, quam mutatione leuaris, nūquam minus otiosa, quam cum ferias resides, tunc etiam posteritatis negotio intenta. Hic tu serica frontis explicas, hic inter libros sapientissimè renides, hic castos iocos, salesque innocuos, salva maiestate admittis.

Sunt quædam ipsi Regibus lenimenta laborum, curarumque laxamenta, simul & rei militaris simulacra, venatus salus agitare, indagine silvas cingere, ferarum cæde gaudere. Hoc tibi quandoque otium, quo nescio, an aliud laboriosius sit, AVGVSTA, indulges, ut etiam eò magnum Parentem æmuleris: sed ita venationem exerces, ut interim nobiliori capturæ intenta sis, & sic Dictynnam sequeris, ut nusquam à Minerva recedas. Nam postquam dispositæ plagæ, postquam multo latratu nemora sonuere, dum feræ morantur, tu reclinis in gramine, cubito innixa, per amœna Musarum vireta animo spatiaris, præstò sunt stylus, & pugillares, ut quod olim ille Consularis Principum laudator, si præda vacuas manus, saltem plenas ceras domum reportes. Exsonat interim nemus, & multo clamore subfessa erumpit, agricolis, ac canibus formidata bellua: eam tu venabulo subsistis intrepida, seque ultro morti ambitiose offerentem manu tua dignaris. Non semel differs id gaudium, paterisque facilius è manu prædam, quam librum elabi, tuisque negotium id mandas, credo ut sic assueas, & hanc quoque voluptatem, quam tibi ex omnibus reliquisti vnam, novissime exuas, & omnia vitæ blandimenta literis posthabeas.

Vereor ut hoc quod dicam non perinde intelligi possit, atque ipse cogitans sentio: trepide tamen, atque hæsitabundus dicam. Etiam legitimas tædas hæcenus tibi interdixi,

At,

ſti, votisque populorum, ac penè conuicio optatos Hymenæos, tot vota Regum, quibus poſteros debes, iura ſanguinis, ſpem ſucceſſionis, dulce Matris nomen, & futuros Reges aſpernata, nonniſi Pierides puellas in caſtiſſimum cubile tuum induxiſti, vt ſeruatum in omne ævum virginittis decus ferres, & ne legitimis quidem amplexibus, atque educatione liberum, nouiſque curis, & gaudijs à ſuſceptis ſemel ſtudijs auocareris; parata etiam Sceptrum ipſum, ac Diadema donare Muſis, ſi tam ſalvi ſine te eſſe poſſent populi, quàm tu priuata. Immo quantum in te eſt, iam Regnum donaviſti, cum maximo Principi Imperium, quam te ipſam tradere maluſti. Vt nobile ingenij tui commentum, non ſine quodam gaudij impetu recolam. Nam cum Princeps ille, de quo dicebam, idemque Imperator fortiſſimus, Regia ſtirpe, ac forma, & propinqua cognatione, ſolus tot Regum procatu dignus, coniugij tui ſpem viſus non improbe fouere, chorearum licentia, ac feſto ſaltatu amores ſuos, caſtumque Cupidinem, non vna imagine, velut in ſcenam produxiſſet, illico, etiam in re ludicra minime ſtudiorum oblita, leſido, ſed erudito argumento luſiſti, cum victum Muſarum manu Cupidinem, ſolutum arcum, fractas ſagittas, extinctas faces, amantis, Aulæque oculis ſubijceres. Sed hæc quorſum euadant Dijs Regni præſidibus curæ erunt: nobis in ea audacius inquirere religio eſt.

Et mirabitur quiſquam, aut in oſtentionem Regiæ magnificentiæ factum putabit, vt in toto Orbe nullus iam ſit litterarum, ac monumentorum fama conſpicuus, qui in comitatu tuo non conſpiciatur, qui non aut ſponte tibi ſacramentum dixerit, aut ampliffimis tuis præmijs in tantam fortunam non ſit euocatus? Ex omnibus Academijs, ex omni doctorum cœtu, ex omni penè terrarum angulo, Aulam tuam, novum hac tempeſtate Prytaneum celebrant: nullisque rei familiaris incommodis, aut curis auocati, optima fide immortalitatem negotiantur. Scilicet ingenia tam fouere, quam

æſti-

æstimare nouisti, suisque momentis expendere: & ideo fo-
 ues, quia iudicasti. Nullo cognitore, aut suffragatore tibi
 innotescunt, ante tibi expetiti, quam se cognitos ne sperare
 quidem auderent. Quantus Dij Deæque eorum stupor, &
 infelicitas, quorum laudes si Latina oratione prodantur,
 metuere possunt, ne sibi in scitia, ne socordia obiectetur. Tu
 parcè, ac modestè laudibus tuis frueris, ad quas intelligen-
 das non est tibi opus interprete, quæ si doctos non inuenis-
 ses, tamen facere poteras. Nec vnus modo, aut alter solo
 ingenij censu Aulæ Principibus adnumeratur, auideque ex-
 terorum oculis quæritur, sed circa te doctorum populus est;
 dumque literas, ac disciplinas per Orbem profeminas, in-
 genijs Orbem spoliasti, vt facilius sit in tanto seruientium
 grege eruditum, quam hominem inuenire. Nullus tamen
 numerum facit, cum quilibet horum solus, vel aliam Regiam
 nobilitare possit. Viri in omni doctrinarum genere summi,
 capita libros omnes, ac scientias peruagata, exoticarum lin-
 guarum, totiusque antiquitatis peritia, duraturisque æter-
 num monumentis seculo maiores, qui olim nominabuntur,
 nunc intelliguntur; vt iam vel ex sola familia quanta sis esti-
 mari possis. Hos tu alloquio, & obuia etiam ignotis comita-
 re tibi obstringis, opimis congiarijs ditas, labore prouocas,
 æmulatu accendis, & ad bene de posteritate merendum in-
 flammās: denique scribendi exemplum, & materiam suppe-
 ditas. Iure igitur tanto ingeniorum prouentu, torque lite-
 rarum Heroibus, nouis istis Athenis, novum Peplum tibi
 sanctiori Mineruæ contexi potest, quod Panathenaicis tuis
 præferatur. Nos his Sacris silentium præstabimus. Et cum
 nobiliore hac pompa Germani, Galli, Bataui, Angli, & si nō
 fastidis Itali, laudibus tuis defatigentur, diuersisq; linguis,
 ac dissono plausu nomen tuum ad sidera vocent, vox tamen
 populorum sonat vna, qua SVECICA PALLAS, Musarum
 decima, Regnantium prima, Gustau Soboles, Patriæ Sena-
 tus, ac Caltrorum Mater, literarum, ac disciplinarum cer-
 tissima Salus, ac miraculum prædicaris. Dixi.

GYMNASII PATAVINI

VOTA SVSCEPTA.

Pro. Serenissimis ac Potentissimis Principibus

FERDINANDO MARIA;

ET

ADELAIDE à SABAVDIA

Vtriusquè Bauariæ Ducibus, &c.

Hoc vnum Urbis huius felicitati deerat, vt postquam Vos duo clara, & benefica Germanici Coeli sidera, saluari exortu Italiam omnem in transcurso beatis: ac proximæ Vrbi, quæ Orbis miraculum habetur, inusitato virtutū omnium fulgore, ac decidua munificentia vi perfusæ, miraculo fuistis, has sedes hospitio sacraretis, Urbisquè penates, ac Regiam, Gymnasium, disciplinarum omnium domicilium, ac templum, aspectu, qui cuncta serenat, illustrius, & sanctius redderetis, oraquè Augusta, placidâ maiestate radiantia, nobis, ac multis spectanda præberetis. Facturi locum
quem cuncta reuisant

Secula, quem veniens hospes Romanus adoret.

Sed beatissimæ lucis radijs repentè præstrictis omnibus quicumquè literas colimus, ac beneficij magnitudine obrutis opportunè Fortuna subuenit, anxiumquè pudorem absoluit. Quippe eo tempore vestro iubar Gymnasium circumfulsit, quo per æstiuos calores, soluta operum, dilapsa iuventus, illud vacuum fecerat, vt totum vos magni hospites

res impleretis: ac professorum voce spoliatum, veluti in funere, tristi iustitio marcebat. Vastæ exedræ, nuda subsellia, feriati tripodes, mutæ cortinæ, & clausis adytis, tot oraculorum defectus, ac veluti in antiquæ religionis lucis, secretum, & solitudo, & loco Numinis silentium, & horror. Aduentu vestro

tremere omnia visa repente

Liminaque laurusque Dei.

Quis tollere oculos, quis contra tueri, quis hiscere ausus esset? cui tot miraculis torpentis, cum voce mens non excidisset? Vbique silentium præsentia Numinis fecisset, nisi inuenisset. Illicò docentium oratio, nimis interdum vocalis, & garrula, aures verberans, parietes findens, stupore, ac metu elinguis, & muta reddita esset. Illa ipsa flexiloqua humanæ mentis interpres, populorum moderatrix, Deorumque, ac Regum laudatrix, dicendi Magistra, in ipso conatu deficiens, infanti pudore obtorpuisset.

Quoties subiret cogitatio, apud quos, de quibus dictura esset. Illico enim gentis decora, & tantum in gente Deorum, trepidæ menti obuersata essent. Tot Cæsarum series, Augusta ora, radiatus apex, Laureæ Ciuicis implexæ, Regū omnium, ac Principum per Europam propinqua cognatio, mixtusque sanguis, ac tædæ fædera, datura Reges, & Cæsares: Regiæ fortunæ paratus, munificentia plusquam Regia: Clementia, ac pietas, supra gentis decus, & gentis claritate virtus illustrior, belli, pacisque studia, populorum flagrantissimum obsequium, cuncta in Principis exemplum compressa, scriptorum ingenium defatigatura.

Sed vna Maximiliani parentis Cœlo recepta imago, omnium gentium principibus caliginem inductura, cuius vel facundissimi mentem destatu non deijceret, sicut vniuersos mortales, memoria consiliorum, & operum obstupefecit? Prouidentia huic seculo reſeruatus, vt Imperium concussum, ac nutans, ipsaque religio periclitans in eius sinum conſurgeret.

geret . In quem è proxima Septentrionis specula, furiali turbine erumpens procella frustra detonuit . Arctous Mars, illudque belli fulmen, iam propè domita, ac triumphata Germania, irritò conatu incurrit : nec metu, aut spe, & ipsius Imperij pacatione flectere, ac solida mente quaterere unquam potuit . Tu mora factorum, tu victoriarum obex, cunctando restituis rem, incertum manu, an consilio præstantior, omnium consensu, Germaniæ liberator, Catholicæ rei tutela, salutem populis, auitæ religionis cultum, superis, Imperium non tibi asseruisti .

Quis ista mente concipere, ne dum eloqui pro dignitate potuisset ? At qui, tu ac thori socia, coniugum par, cui nihil hodie sol aspicit simile, aut secundum, etiam alia via ingentes occurrissetis, non tam Imperij, quam ingenij fascibus submouentes . Vt si cui vestra facilitas dicendi audaciam faceret, minime vulgaris eruditionis reuerentia, vocem intercluderet, eademque res materiam dicendi præberet, & eriperet .

Qualis illa species superis ipsis inuidenda, grata mortalibus, ac beata, solis professoribus famæ discrimine, grauis, ac terribilis ? Vobis silentibus, umbraticum hominem loqui audere, de quibus nulla unquam ætas obticescet . Sedere vos spectatores, grande Dijs, atque hominibus spectaculum . Penderé de ore dicentis, quorum sacro, ac venerabili ore tot mortalium spiritus trahitur . Differenti aures commodare, ad quas priusquam ad superos, vota precesque populi referunt . Subsellia scholarum terere, in quorum venerationem Theatra consurgunt . Adolescentibus studia emulantibus misceri, quorum tituli super alta Deorum culmina leguntur . De superiore loco verba facienti sedentariam operâ præstare, quos supra ceteros Principes Augusta stirps, atque ardens virtus euexit : Demum si ita loqui fas est, dicere aliquid à priuato, quorum dictata, atque Oracula Orbis veneratur .

Aa

Hæc

Hęc cogitantes immensa subit verecundia, simul crepidatio, & horror, nisi fortuna prolatis rebus, ac studiorum inducijs subuenisset, potuisse nos felicitate obrui, famamque captantes, de fama periclitari. Vnde tantum nobis non licuisse gaudemus, nec tam felices fuisse, fortiter ferimus.

Quas ergo preces presentibus subduci pudoris nostri interfuit, eas scripto non erubescenti delegamus, totiusque Gymnasii nomine pro vobis apud superos vota concipimus, apud vos pro nobis vota facturi, & vtrique votis damnari cupimus. Vt sic vos superi ament, quemadmodum vos literas, ac disciplinas, quas tantum diligitis, quantum ab illis probamini. Studia foueatis impensius, quæ tantundem dignationis vobis circumfundunt, quantum opis, ac tutelæ à vobis capiunt, & expectant. Quæis fama vestra, & celsioris fortunæ veneratio, quæis nominis æternitas constat. Cetera principibus statim adesse, vnum insatiabiliter parandū, prosperam sui memoriam, prudentiæ summus firmavit. Vos quidem vestra tantum fama in secula ituros, æternus quoque annalium honor, vulgo Principum eximet: præclara ingenia certabunt, vt in vestris laudibus nomen suum famæ inferant: obsequij nostri pars erit, qui res huius æui prodentes, posteritatis negotium agimus, si quid laboris nostri cura magnis nominibus prodesse potest, inde operi commendationem petere, vnde exemplum Principes petitura sunt. Certè quos puduit vos alloqui, apud seras gentes, populosque nepotum, si luisset pudebit.

**OCTAVII
FERRARII
EPISTOLÆ**

THE NEW YORK PUBLIC LIBRARY

ASTOR LENOX AND TILDEN FOUNDATIONS

177 N. 5TH ST. N. Y. C.

DOMINICO MOLINO

SENATORI VENETO.



Vblica tua in rem literariam, Orbemque Vniuersum, priuata in me, ac domum meam merita, me tandem per pulerunt, vt obsequium tibi cultumque deferrem, quem ego antea admiratione timidissima soloque silentio venerabar. In publica si quidem commoda peccaturus videbar, si pro æterna libertate excubantem, molesto literarum officio interpellarem, obuensis præterea in te omnium ingenijs scriptisque. Sed ingens hoc in me recensque beneficium, sine flagitio dissimulare non potui, quo inter Pataunos professores adscriptus sum, atque vltro ad humanitatis illius sacra vocatus, qua tibi Patres, plebemque litteratorum adeo deuinxisti, vt ad vltima quoque Oceani litora, in quæ se æmula libertatis vestræ Resp. seruientis Orbis spes altera, cum omni sapientia ac literarum cultu recepit, se nominis tui maiestas porrexerit, & quo victrices Aquilæ penetrare non potuerunt, eo virtutis tuæ fama peruasferit, & ab clarissimis toto Orbe ingenijs non fictas, non in seruitium tractas laudes expresserit. Ipse etiam si non fastidis hominem peregrinum inter cultores tuos admittere ad hoc sapientiæ delubrum non barbaræ opulentia donaria, sed simplicissimi affectus cultum sisto, meque ac meos labores æternum sacro. Deum veneror vt te Orbi christiano, immortalis Reip. literis ac disciplinis diutissime seruet incolumem, Vale. Mediolani Cal. Iulij MDCXXXIV.

Eidem. Venetias.

Dominico Molino Octavius Ferrarius salutem dicit quæ ipse caret. Cum fatis admotus cum morte luctarer obuersabatur languenti animo Imago tua, quæ mitissimo aspectu iam suprema meditantem iuberet habere bonam mentem, leniret dolores, & ad viuendi spem vocaret. Sic diu infano ebullientis sanguinis ardore conflictatus quoties oculos illuc retuleram residere vis morbi flectique peritancia videbatur. Quare calentibus adhuc residua febri artubus, eam scripto veneratus sum, hæcque Soteria appendi. Fuit mihi cum pictore certamen: sed facili victoria, quod ille fluxum corpus, ego æterna animi bona delinearem. Sed mentis impetum fessa manus non sequitur, & hæc vacillantibus literulis scripta sunt. Patauij ex tot dolorum conscio grabatulo Pridie Idus Nouembris MDCXXXIV.

Eidem. Venetias.

Auspiciatissimos tibi ineuntis anni festos dies precor, utque ista felicitas ætatem suppetat, Deum veneror. Ego sine causa salutem mihi gratulatus fueram, quæ iterum ut cum Comico loquar exulatum abierat, nisi ægrè tandem illam è fuga reprehensam retraxissem. Nunc athleticè ac pugilice valeo, breuique cum Deo publice docendi munus auspicabor. Sed illa manet cura, quod tandiù Gymnasij Moderatores super scholæ negotio deliberent. Ea res totius Academiæ studia erexit, & prout in alterutram partem propendent, ita mihi aut Collegæ Auditores fauent: quidam etiam accendendis offensionibus callidi in longum odia, & altercationes serunt. Præterea grauis fabula aures meas verberat, quæ iam maleuolorum credulitate agitur. Patrum meum ad hoc docendi munus vocatum: post occulto
am.

ambitu intrusum me in hunc locum, atque ita non pro cerua Virgine, sed pro viro doctissimo inexpertum iuvenem dolo malo succidaneum datum. Et quamquam insignem contumeliam re ipsa magis, quam verbis sim refutaturus, angit tamen me, & exeruciat, quod hæc famæ, cuius momenta inijs captanda sunt multum incommodabit, hocque præiudicium proniores in res novas fauorem refrigerare potest. Illud supra omnem molestiam est (nam humanitas tua facit vt libere loquar) quod me, si non aliud saltem ex Ambrosiano Collegio Amplissimi Moderatores tum eo componere non dubitant, quem sciunt omnes Arimini ludum aperuisse, diuque inter capillatorum gregem tam prope à literatore fuisse, quam nunc longe à Rhetore. Cum Mediolano euocatus sum nunquam mihi esse collegam nisi Patavij intellexi, atque omnia in proclui fore certo credidi. Quod si summis viris ita videbitur, vt me hac spe defraudent, feram æquo animo, nec quod aliqui consulunt iusta causa ab hoc munere recedam, sed labore, sed industria me non indignum eo loco fuisse ostendam. Res meæ, honosque in manu tua sita sunt Vir humanissime. Ceterum certo scio nec defuturos vnquam huic Academiæ viros magnos, nec mihi locum in quo Musas excolam & ingenium. Te vbicumque demum fuero pro bono genio ac salute colam, à tuo nutu pendere ingenti mihi gloriæ fuerit, nam inter tuos clientes numerari, vnicum felicitatis argumentum existimo.

Vale Patavij III. Kal. Ian. MDCXXXIV.

IOANNI COMITI BORROMÆO

Mediolanum.

CUm primum me Venetæ Reip. Patres per amplis præmijs euocarunt, vt in Gymnasio Patavino eodem in loco Græcas ac Latinas literas profiterer, in quo decora ingenia viam sibi ad immortalitatem strauerunt, nihil antiquius

Aa 4

ha-

habui, quam vt huius te rei certiore facerem, cui plurimum me debere fateor, non tam magni patruī merito, quam tua insigni humanitate, virtutisque admiratione, quæ in te gratior est, quo festinatis honoribus omne decus est complexa. Mediolanum repetere destinaueram, vt bona tua, ac parentis venia id agerem, sed ex transuerso in memobus irruie tam infestus, vt in mortem fractum vltimis vitæ metis adstituerit. Sed vbi nam gentium te adituræ essent hæ literæ nesciebam. Domi mathematico pulueri dies, noctesque incubantem, an militiæ strenue illa gerentem quæ diu in vmbra meditatus es? Vbicumque fueris, & siue Musis siue Marti opereris, me tibi perpetuo addictissimum habebis, laudumque tuarum non ignavum præconem. Interim à literis ac disciplinis bella capeffes instructor, prælia grande Musarum depositum seruabunt, magnaue facere, & scribere non tantum Cæsareum erit. Vale.

Pat. Idibus Ianuarij MDCXXXIV.

VERCELLINO Mariæ VICECOMITI

Marchioni S. Alexandri.

M Orbi languor adulta hieme nondum mitescens, torque imparato atque in experto exhauriendi labores studiorum rudimento intercessere quo minus te literarum officio ante hac adierim. Cui ego tantum debeo quantum vix soluendo vnquam futurus sim. Nunquam enim memori animo excidet humanitas illa tua singularis, eo gratior, quod gratuita erat, semperque menti non sine voluptate obuersabitur ingenij tui mira felicitas, nostrarumque literarum cognitio tanta, quantam vix alius alto otio consequatur. Ea præsertim ætate Urbisque moribus, quibus miraculi pœnè loco est in principe, ac regnatrice quondam domo, inter tot opes, ac Fortunæ indulgentiam, non modo amare te bonam mentem, sed ijs dotibus cum quocumque certare posse, quæ iam

Iam non nisi inopiæ subsidia infimæque sortis ornamenta igno-
no seculo videntur. Vt omittam hic militarem gloriam tuā,
cum vtriusque Mineræ sacris initiatus, laudem gentis tuæ
propriam reuocaueris, facere, & scribere laudabilia: & cum
Marti Musarum genium admoueris, castrorum fremitu libris
indulgere, quos chlamydati circumfers. Quanta porro
quamque exquisita totius antiquitatis cognitio, quam largus
veterum nummorum emptor sis, & interpret quid attinet di-
cere? Quid poësis tua mascula ac militaris, qua carmen sa-
ni coloris, atque ætatem laturum fundis, eodemque genio
res geris, ac scribis? quid reliqua quæ satius est sileri, ne à
me id auribus tuis dari quis credat. Sed is ego sum cuius
sæpius libertatem, quam deforme obsequium amici experti
sunt. Et me vera dixisse ipsa fatebitur inuidia. Nos hic li-
teras voramus, & si aliquid acclamationibus credendum est,
queis etiam sæpe imperitos gratia excipit, populo imposui-
mus & Oratores visi sumus. Sed quod te carendum sit di-
uidiæ, ac senio est: idque desiderium non nisi crebris literis
leniri potest. Vale Urbis nostræ decus, verusque Vicecomi-
tum sanguis & me ut facis ama.

Patauij IIX Martij MDCXXXV.

PAVLO CAOTORTÆ PATAVII

Prætori Designato.

Publica Urbis huius gestientis læticia, versisque in gra-
tulationem cunctorum animis, votis quoque nostris at-
que acclamationibus futurum aliquem apud te locum spem
fecit Gulielmus Soierus amicus magnus, & seculo nostro
maior. Cum enim crebris sermonibus ingentem humanita-
tem tuam vsurparet, tum excelsum, atque altius exaggera-
tum virtutibus animum, ac propensissimum in literarum cul-
tores fauorem exequeretur, non dubitavi, non tam tibi no-
vum hoc decus gratulari, quam huic Urbi cui tot bona supe-
ri

ri indulſſent, nobiſque qui tuis auſpicijs literarium Regnū fortunatum, Muſasque reduces auguramur. Itaque non tam tua cauſa quam noſtra geſtire lubet, quodque vnum licet, labores noſtros, ac qualeſcunq; vigilias nominis tui immortalitati addicere. Virtutes tuas plenīs honorum muneribus per memores faſtos Patauina ingenia in ævum ſacrabunt. Vale. Patauij XII. Octobris MDCXXXV.

IOANNI NANNIO D. MARCI

Procuratori.

Quoniam principibus viris immortalitatem precari maligna fatorum lege vetatur, brevis ſaltem æui, productiora ſpatia optare poſſumus. Tu qui non tibi, ſed publico bono, ſed patriæ ſaluti atque ornamēto viuīs, vt diu rebus humanis interſis vota facimus, & votis damari cupimus. Nec de noſtris tibi annis ſi fieri poſſit, annos largiri abnuimus. Dī te ſeruent Senator Ampliſſime. Dī te nobis dederunt, Dī conſeruent. Viue diu foro, in quo eloquentia dominaris: viue Curiæ, in qua conſilio regnas: viue patriæ in qua literarum gloria triumphas. Dī te perpetuent Oratorum conſultiſſime, ſapientum eloquentiſſime. Expirantis anni funus & temporum mors, te monet vt viuas, nec tot curis ac negotijs animum defatiges. Te colunt quicunque literas colunt, in te vno ſpes ſuas ſitas, in te fortunas arbitrantur. Itaque ſaluti tuæ conſulaſ neceſſe eſt, non tam tua cauſa quam noſtra. Literarum amatores foue princeps ipſe literatorum, domuſq; tua doctiſſimorum concurſu frequens, Etruſci Equitis Eſquilias diu prouocet; Diu frui nobis his bonis liceat, diuque vota iniſtaurare. Vale.

Patauij Calendis Ianuarij Ann. MDCXXXVI.

IACOBO FANNIANO

Patricio Mediolanensi.

DE Fortunæ acerbitate mihi querendum est , quæ tarde immo penè iam sero mihi ad tui cultum viam aperuit . Nam licet multo ante virtutem tuam animique dotes egregias admirarer , quæ nisi in antiquissimam nobilitatem incidissent, poterant vel obscuram familiam in splendorem asserere, ijs tamen propius frui non nisi concessum est, cum iam in procinctu essem, patriaque discessurus carendum ijs bonis erat , quæ eodem mihi tempore ostensa sunt , & subducta . Hanc molestiam non alia ratione discutere posse video, quam crebris literis, quæ absentes esse vetent credere, arctiorique familiaritatis pignore concilient . Quod amoris munus ego ante libens vsurpassem, si per morbi pertinaciam licuisset, & consecutos labores quibus publice docendi rudimenta à me sunt posita. Liber hinc , ac ferè vacuus & virtutis tuæ recodatione frui possum & non in totum de patria desperare, quæ te cum paucis ostentare potest , qui quod rarissimum est in magna fortuna viuido animo bonarum artium ornamenta circumdedisti, scientiasque ac disciplinas inter opes , atque otij blandimenta serio excoluisti . Qua tu ingenij præstantia , & Mathematicas optime calles, & sapientiæ præceptis composita mente, linguarum peritia, ac multiplici lectione nobiliorum hominis partem exerces , cum plerique omnes segnitia ac luxu nobilitatem æstiment. Quod si Deus faxit vt quandoque patriæ restituar, prætermittos fructus tuæ suauitatis præteriti temporis omnes exigam , nec in te obseruando cuiquam mortalium concedam . Interim Vale nostri memor.

Patav. adi XXVI. Nouemb. M DCXXXV.

PAY:

PAVLO CAOTORTAE PATAVII

Pratori.

QUod Nominis tui maiestatem nouo nec lepidio libello circumponere ausus sum, is modo mirabitur, qui tuam in tanto culmine facilitatem ignoret, si qua modo gens, ignoræque telluris tractus est, quo eius fama non peruaserit. Illa facilitas, quæ te pastorem populorum verius quam Rectorem salua maiestate etiam infimis fruendum præbet, sicuri supplicum alloquijs nullo temporis locique, solo salutis discrimine communicat. Et reliquas quidem laudes tuas præclara ingenia expedient, quæ nunc quoque grande epos moliantur: me iuvat ad humanitatis aram procumbere, quæ vbique, sed præcipue hac Patauina Prætura, omnium mentes in tui venerationem rapuit, linguas soluit in præconia. Hinc enim te principem sola facilitate, ac liberalitate sensimus: reliquæ virtutes magistratus fuere, id Caotortæ domus ipsis Reip. natalibus æqualis, tuumque peculiare decus est. Quis te dies, noctesque vota populorum ac preces excipientem defatigatum vnquam vidit, quis tristem, nisi cum dies vacua benefaciendo abierat? Si tamen vlla vnquam hoc modo tibi perijt. Non triste supercilium, non vox asperior, non virga lictoris, quemquam, quocunque tempore submouit, qui nisi frontis maiestas, ac magistratus insignia te proderent, vbi Prætor esset quærere poterat. Adeo omnia æqua videbat nihil eminens præter virtutes. Ira quæ toto regimine lachrymæ ab fuerunt, discessu tuo erumpent, non paratæ ad ostentationem non coactæ, cum tu nulli rei nisi sceleribus vim adhibueris. Sed verè amens, ego qui epistola panegyrim claudam. Liceat modo domestico tuo, lætorumque, ac tristium comiti, eandem frontis serenitatem sibi polliceri, quam obsecris, ignorisque capitibus commoda. Sperarem etiam fore, vt quodcunque hoc muneris est, esse aliquid putares, nisi scirem

scirem ex eo quod tuum est, atque domi tuæ editum haud in magno pretio abste habitum iri, qui de rebus tuis modestissime sentias. Vale Idibus Ianuarij M DC XXXVI.

CHRISTOPHORO PALLAVICINO

Mediolanum.

PEnè te amicorum suauissime præterieram, non obliuione officij mei, tuorumque in me meritorum, sed residuo ægritudinis languore, atque insecutis occupationibus quibus districtus peccare in amicitia leges compulsus sum. Nunc tandem respirare aliquantis per possum, nunc amicos alloqui, nunc in solitudinis solatium retroacta tempora citare ad gaudium, & veluti præsentium imagine perfrui libet. Qualis nox illa fuit Dij Deæque, cum post diem vino edentulo, milleque fabulis suburbano prætorio conditum, vrbe exclusi, sine lare, sine recto, sine pænula iratum Iouem exciperemus, mox agrestica casa recepti, ne frondibus quidem, aut culmo ad fortuitum thorum paratis, quo noctem falleremus ad licnuchos eam fabulam dedimus, quæ lugentibus excutere risum potuisset. Cum Parthenopæus recoctus omnes facerías aduocaret, quibus Stoicorum adrogantiam, audumque & inexplabile ingenium, imitatione petulantissima derideret; Cum vnusquisque nostrum ilia risu concuteret, eidemque Deo vt olim in Thessalia Lucius, ad lachrimas litaret: in angulo interim cum collatio ventre Bouinus noster afflicto brachio, periculosos ludos esse diceret, cum quis mole corporis prægravis in sublime tolleretur, atque identidem Plautinum illud repeteret. Qui quærit alta, is malum videtur quærere. At postquam nuda humus, aut duri asseres cubile præbuere, interuifere pater patratus stertentium habitum situmque, & nocturno pudori officiosa manu occurrere. Quæ ego dum repeto, nec temperare à risu queo, & in genti lætitia perfundor. Nunc alia rerum facies: obducendus vultus est,

&

& longis officijs, verborumque ambagibus certandum, alia species induenda, quàm quæ hilarem, quam quæ iuvenem deceat. Sed nihil æque cruciat me, quam quod solus cærito, & qui ab adolescentia assuetus sum in Epheboro, inter innumeram iuventutem discumbere, cum longo ordine apposita in patinis prata, Pythagoræis cænis manderemus: tristis iam, nec conuiua, inuentum ad societatem hominum letitiæ instrumentum, velut parentalibus epulis, aut nouendiali cænâ solitudine corrumpo. Dices facili negotio huic incommodo iri obuiam posse, nam esse multos qui quærunt in triuijs vocations: sed neque ego tam basilicus sum, vt alere vmbra possim, & conuiuam quæro, non hominem. Vos verò boni sodales quoties, & quam genialiter de symbolis editis? Viuite dum viuitis, sæpeque efficite vt absenti mihi à vobis non semel aures tinniant.

Patauia die XVIII. Februarij MDCXXXVI.

N. N. Mediolanum.

Quantum mihi lætitiæ cultissimæ literæ tuæ attulerunt tantundem doloris ex tristissimo valetudinis tuæ nuncio percepi. Quæ tibi fatorum inuidia hoc ætatis flore, his iuventæ honoribus, extremæ senectutis lassitudinem imposuit. Tu hac pœne dixerim gladiatoria corporis firmitate, cum foecialibus eius horæ luctaris, quæ vt longissime absit momentum est, ac punctus? Hoc bonis omnibus acerbum esse debet, mihi longe acerbissimum, qui non ignorem corporis morbos transire in animum, illamque diuinitatis particulam corporis pestibus obnoxiam, non semper lætè hoc, siue domicilium siue sepulchrum incolere. Spei tamen plenus iam fœteria, iam Aesculapio gallum voueo: & si quod remediū Deus hominesque monstrarint, scito me adiuturum diuinam prouidentiam vel periculo meo. Morbi conditionem, & necessitatem N. indicaui: nec solus hic erit, se det N. accedet, vt si
Poda-

Podalirium nolis, Machaonem habeas. Pene ausim dicere in hac turba hominum animas nostras negotiantium, nullos digniores esse, quibus spiritum nostrum veluti rem superuacaneam credamus. Si quæ fato manent vitari possunt, non nisi ab his crediderim exorari parcas posse, vel ab inuitis tantillum moræ homini tandem morituro exprimi. Sed de his plura cum tesseram hospitalem iungemus. Interim tibi propitium Aesculapium precor, cum te parens eius cum Musis respexerit. Valetudinem cura.

Patauij à die X. Martij M DC XXXVI.

*VERCELLINO MARIAE VICECOMITI
Mediolanum.*

HAbes hoc fasciculo consilium N. item N. epistolam, quam tanti, ac ceterorum consultationes facere debes. Cum rogarem quo nos pretio exfolueremus responsum est, non tam louem, quàm Aesculapium peculio exorari, nec aliud munus auro pretiosius esse apud homines, qui eius gratia non naturæ modo morbos, sed etiam iniurias tractant. Ceterum commendat se tibi plurimum Isis illa quam apud Apim vidimus. Dij Deæque minimo minus interij. Nullam ego Iunonem timeo, nec eam iratam vsquàm sensi, Mercurium magis & sapientem Deam. Sed dummodo mihi propitia sit hæc Venus, ceteros minutos Deos flocifacio. Sed præter iocum aduentu tuo mihi omnium sereni maxime fulserunt Soles, discessu.

Quasi solstitialis herba paulisper fui,

De repente exortus sum repentino occidi.

Vale patriæ decus.

Patauij XX. Maij M DC XXXVI.

MILANO ABBATI BENCIO

Venetias.

TEstor Amoris Numen semper iratū mihi, non ita Laetiadem reditum in patriam optasse, vt ego istuc contendere cupio, Venerisque regnum, & trāsata Cypri sacra-ria venerari. Ille quidem affixam nidulo Ithacam in Dearum gremio suspirabat, ego de vacuæ Urbis angulo illa maris oria, & naturæ lasciuientis pompam, formarumque emporiū anxijis votis expeto, & pro vna Aphrodite, mille Deas salo editas propitias auguror. Sed non me Calypso, non Circe in specubus roscidis detinet; nullaque lothos dementauit, sed puella illa Virgo patrima, satis vt scis ferocula, casside-que minax, & framea, ne latum quidem vnguem ab se amittit, nugisque librorum, & chartarum somnijs languentem porro detinet, siccum, frugi, oso rem mulierum. Genium tuum iratum habeam, nisi tu solus refigere me ex lentis hisce vinculis potes, si non clauo trabali premeret nomen illud fortasse vanum, ac nihili, Honos, & Glória, sed cui nos stulti animum corpusque addiximus vt post lethum viuamus omnibus vitæ blandimentis abruptis. Itaque carendum te est Saturnalibus optimis dierum, quo etiam lugentes rident. Strenue tu rem communē exerce, genio indulge, sed quàm primū ad nos redi, hoc vno enim tristissimam hanc solitudinem abstrudam. Vale.

Patauij Nonis Februarij M DC XXXVII.

CAROLO BOSSIO EQVITI

Mediolanum.

AMplissime Vir. Scio debere me patrociniū contumaci tot mensium silentio; quantum desidia peccatum sit non ignoro, qui nihil haecenus ad te literarum dederim.

Sed

Sed tacita vota Dij quoque audiunt; & te summis negotijs grauibque Principum amicitijs implexum interpellare religio fuit. Ipse quoque si quid ad rem attinet nusquam vacuus, ac feriat, & in altissimo otio semper negotiosus. Nō tamen vmbaticas has curas cum exercitationibus tuis contenderim; qui scribere fortia & facere didicisti, & modo in altitudinem sapientiæ conditus inter libros curas hominum rides, modo viuudum animum, ac negotijs parem ostendis, vbique venerandus. Neque me hoc tibi gratificari intelligis, qui te non fortunam tuam colo, nihilque magis indecorum puto deformi obsequio illi assentari, qui ne Regibus quidem vnquam ac summæ potestati blandicus est. De N. iam fidem exsoluissē nisi Grosippus id non paruo volumine perfecisset, & per fidem tuam vereor vt N. se expedire possit. Acer de more est, ac vehemens plusquam credi possit, omnia excutit, literas quoque ac sillabas rimatur, idq; opus non inutile etiam doctis futurum reor. Vale vir Illustrissime, & me vt facis perpetuo fove.

Patauij Tertio Nonas Maij M DC XXXVII.

N. N. Patauium.

S Aturnalium discincta libertas, & insecuta Esurialium feriarum tristitia, ita & soluere mentem, & adstrinxerunt, vt obtorpuerit cum animo calamus, & inertix satis liberaliter indulserit. Vt me collegi nihil antiquius habui, quam tibi morem genere, fidemque meam liberare. Miror magis cum non deessent tibi literarum procures ad tenuitatem meam respexisse. Hæc qualiacunque, æqui consulto, & cum Minerua tua te primo ad subulcum venisse putato. Et æquum sane erat, vt antequam Penelopen inuiferes mendici habitu nominis ac familiæ maiestatem arctares. Tu strenue sagittis utere, & siue procos, siue porcos vlciscere, & me pro Melanthio habeto. Vale. ex ædibus nostris, XX. Maij M DC XXXVII.

Bb

Do

DOMINICO MOLINO
Venetias.

Quod Orationem meam in publici Honoris manum ſine meritorum dote ſola pronuba humanitate tua conuenire volueris, ſanè nunc nouæ nuptæ flammeo opus eſſe intelligo, quo pudorem permulceat. Vereor ne mala aui, cumque tangendus ignis & aqua fuerit, ne igne aut aqua digna videatur, & quod in Græco epigrammate eſt, ne Phaetontis aut Deucalionis fatum inueniat. Illud ſolatio erit nequaquam transcendiffe limen ſua ſponte, ſed egremio mætris raptam, non tetigiffe plantâ vestibulum. Cum pueri prælucentis recorder tenebrarum omen exhorreſco, & ne in ſepulchrales faces tædæ vertantur, tumuluſque ſuccedat thalamo valde metuo.

O Hymen Hymenæe hymen, O hymen Hymenæe.

Sed huius vice Feſcennina licentia, ac prætextata verba obſtrepent, procaxque dicacitas pudibundæ illudet. Quo amuleto non amoris, ſed odij veneficia deprecabimur? Quid expectandum? niſi id in quo vota abſoluatur, Zonaque ſoluatur, ſed timendum nedum pudor imminuitur, pereat. Faxint Dij coniugales ne innuptæ hæ nuptiæ ſient: nec ſponſus aliquando dicat Tibi habe res tuas: collige ſarcinulas. Quicquid erit, eodem te Auspice, ac ſignatore dicendum eſt, Feliciter, quod tibi bono cum omine nuptiali apprecamur. Vale.

Patauij Idibus Iunij M DC XXXV.

IOANNI BASADONNÆ
Venetias.

TE publicæ rei, ac prudentiæ ſummum, non ante literis adire auſus ſum, quam munuſculo propitiarem, meque humanitati tuæ anathema ſiſterem. Scio abſte per benigne

nignē Apollinem meum exceptum iri, qui pridem inter Orbis curas ipsi ac Musis loca lautia præbuiſti. In laudes tuas non excurram, ne ab assentatione obsequium auspicari videar, à qua tantum fortunæ tuæ magnitudo, quantum genij mei simplicitas abest. Dominico Molino rebus humanis exempto, non alium habeo cui me ac res meas vota que commendem quam te ipsum, quem magni Catonis æmulum Respub. colit illâ felicior, & sanctior, cui morienti super viuere Cato noluit. Vale Patauij Kal. Iulij M. DC. XXXVII.

ANGELO EQVITI CONTARENO.

Ingens tua humanitas, qui sæpe studiorū meorum tenuitatem curasque vmbrales præsens fouisti, spem facit fore vt non grauate excipias Musarum Regem, qui naufragij sui reliquias per Orbem trahit omnis infortunij, ac calamitatis simulacrum. Tu faue, namque potes periclitanti, literasque ac literarum cultores ab inopia defende. Tunc te seruatorem suum ijs præconijs ad Cælum ferent, quibus vnis victuræ æternum animæ ab obliuione, & situ eximuntur. Vale.

Patauij à die X. Iulij M DC XXXVII.

BAPTISTÆ NANNIO

Senatori Venetias.

Inter publicas gratulationes, quibus te literis omnibus, ac disciplinis instructissimum florentissimæ Academix regimini admodum vniuersi lætantur, votis quoque meis locum futurum speraui quibus tantum bonum mihi ac seculo gratularer. Produxi interim veluti in scena sublitarum parente infelicissimo tristissimum literarum ac literatorum fatum. Id ausus sum oculis tuis repræsentare, vt quoties ab ingentibus curis vacaret animus, à serio hoc ludo siue hilaritatem traheret, siue afflictis rebus spem commodaret. Apol-

B b 2 10

lo Heautontimorumenos est, & à te vel opem expectat, vel miserationem. Vale Reip. ac literarum decus summum.

Patauij à die x. Iulij MDCXXXVI.

HIERONYMOTREVISANO

Senatori Venetias.

CUm primum intellexi te Gymnasij nostri moderatorem dictum esse, summa voluptate affectus sum, tantum decus literis affulxisse. Ea enim humanitatis tuae, & exaggerati virtutibus animi fama est, ut scientiae omnes, ac disciplinae summam de te spem concipiant. Audet etiam aliquid post tantas clades Apollo sperare, & ultro ad te confugit, ut beneficio tuo, si non opes, ac gloriam, saltem securitatem consequatur. Id omnes augurantur, quicumque te, quicumque sapientiam tuam nouerunt. Vale.

Patauij a die x. Iulij MDCXXXVI.

FRANCISCO MAUROCEÑO D. MARCI

Procuratori Venetias.

APollo meus Dijs iratis conceptus, & genitus, augustos penates tuos subire dubitaret, adeo sibi formaeque ac fortunae diffidit, nisi sciret apud te pridem delubrum Musis esse constitutum. Illud etiam non ignorat in principe viro obuiam ignotis quoque, nihil maiestati detrahentem comitatem, miseros ad se allicere, & nullum ferme ab aspectu tuo tristem discessisse. Qua igitur humanitate literas ac literatos foues, iterum Caelo Regnoque deiectum Apollinem omni-que acerbitate vexatum excipe, totque festum calamitatibus tuere. Admeto & Laomedonti Regibus sequitiam impuniturus est, si per te ipsum pristinum decus ac splendorem consequetur.

IACOBO MARCELLO

Senatori Venetias.

ET si Dominici Molini mors literario Orbi contigit acerbissima, tibi tamen super omnes luctuosissimam accidisse non ignorat, quicumque meminit quàm arctum familiaritatis fœdus te illi iunxerit. Vetus necessitudo studiorum morumque similitudine in sanguinis pignus, vsque adeo coiecit, ut haturæ iura transcenderet. Non est igitur quod mirearis, si te ego ludis funebribus, quos in domini indulgentissimi memoriam nouus Aedilis dedi, te Prætorem optaui. Tu solus qui præsidere dignus visus es, siue amorem in defunctum, siue eundem ferme genium, ut magnam Molini partem in te superstitem gaudeamus, siue familiæ splendorem, siue propensissimum in literas doctosque animum respiciamus. Et ideo nullus ferme est, qui promptius mederi Apollinis calamitati possit, & infelicem Musarum præsidem ad antiquum decus reuocare. Faxit Deus ut hac tua humanitate studiosi omnes, & ipse præcipue extincti desiderium mitius feramus. Vale. Patavij Kal. Augusti M DC XXXVII.

IOANNI NANNIO D. MARCI

Procuratori Venetias.

Nihil mihi sed humanitati tuæ debes, quòd Apollo Orbi facturus inuidiam te ipsum delegit cui causam suam approbaret. Iactatur ille ab omnibus, & veluti sacer, ac piacularis omnium, diras & execrationes innoxio capite excipit, ijs præcipue inuisus, quibus formosior massa auri videtur, quam quicquid Homerus aut Plato Græculi delirantes somniarunt. Tibi contra cum plurimum debeat, tamen soluendo non est, & si auctionem faciat, quis Apollinem cum Musis ipsis vix curto asse licitabitur? Non igitur dubitat quin ad veterem

ri indulſſent, nobiſque qui tuis auſpicijs literarium Regnū fortunatum, Muſasque reduces auguramur. Itaque non tam tua cauſa quam noſtra geſtire lubet, quodque vnum licet, labores noſtros, ac qualeſcunq; vigilias nominis tui immortalitati addicere. Virtutes tuas plenis honorum muneribus per memores faſtos Patauina ingenia in ævum ſacrabunt. Vale. Patauij XII. Octobris MDCXXXV.

IO ANNI NANNIO D. MARCI

Procuratori.

QUoniam principibus viris immortalitatem precari maligna fatorum lege vetatur, brevis ſaltem æui productiora ſpatia optare poſſumus. Tu qui non tibi, ſed publico bono, ſed patriæ ſaluti atque ornameto viuis, vt diu rebus humanis interſis vota facimus, & votis damari cupimus. Nec de noſtris tibi annis ſi fieri poſſit, annos largiri abnuimus. Dī te ſeruent Senator Ampliſſime. Dī te nobis dederunt, Dī conſeruent. Viue diu foro, in quo eloquentia dominaris: viue Curiæ, in qua conſilio regnas: viue patriæ in qua literarum gloria triumphas. Dī te perpetuent Oratorum conſultiſſime, ſapientum eloquentiſſime. Expirantis anni funus & temporum mors, te monet vt viuas, nec tot curis ac negotijs animum defatiges. Te colunt quicunque literas colunt, in te vno ſpes ſuas ſitas, in te fortunas arbitrantur. Itaque ſaluti tuæ conſulas. neceſſe eſt, non tam tua cauſa quam noſtra. Literarum amatores ſoue princeps ipſe literatorum, domuſq; tua doctiſſimorum concuſſu frequens, Etruſci Equitis Eſquilias diu prouocet; Diu frui nobis his bonis liceat, diuque vota inſtaurare. Vale.

Patauij Calendis Ianuarij Aun. MDCXXXVI.

IACOBO FANNIANO

Patricio Mediolanensi.

DE Fortunæ acerbitate mihi querendum est , quæ tarde immo penè iam sero mihi ad tui cultum viam aperuit . Nam licet multo ante virtutem tuam animique dotes egregias admirarer , quæ nisi in antiquissimam nobilitatem incidissent, poterant vel obscuram familiam in splendorem asserere, ijs tamen propius frui non nisi concessum est, cum iam in procinctu essem, patriaque discessurus carendum ijs bonis erat , quæ eodem mihi tempore ostensa sunt , & subducta . Hanc molestiam non alia ratione discutere posse video, quam crebris literis, quæ absentes esse vetent credere, arctiorique familiaritatis pignore concilient . Quod amoris munus ego ante libens vsurpassem, si per morbi pertinaciam licuisset, & consecutos labores quibus publice docendi rudimenta à me sunt posita. Liber hinc, ac ferè vacuus & virtutis tuæ recodatione frui possum & non in totum de patria desperare, quæ te cum paucis ostentare potest , qui quod rarissimum est in magna fortuna viuido animo bonarum artium ornamenta circumdediti, scientiasque ac disciplinas inter opes, atque otij blandimenta serio excoluisti . Qua tu ingenij præstantia , & Mathematicas optime calles, & sapientiæ præceptis composita mente, linguarum peritia, ac multiplici lectione nobilioris hominis partem exerces , cum plerique omnes segnitia ac luxu nobilitatem æstiment. Quod si Deus faxit vt quandoque patriæ restituar, prætermittos fructus tuæ suauitatis præteriti temporis omnes exigam , nec in te obseruando cuiquam mortalium concedam . Interim Vale nostri memor.

Patau. adi XXVI. Nouemb. M DCXXXV.

P AV.

PAVLO CAOTORTAE PATAVII

Prætori.

Quod Nominis tui maiestatem nouo nec lepidio libello circumponere ausus sum, is modo mirabitur, qui tuam in tanto culmine facilitatem ignoret, si qua modo gens, ignoræque telluris tractus est, quo eius fama non peruaserit. Illa facilitas, quæ te pastorem populorum verius quam Rectorem salua maiestate etiam infimis fruendum præbet, sicuri supplicum alloquijs nullo temporis locique, solo salutis discrimine communicat. Et reliquas quidem laudes tuas præclara ingenia expedient, quæ nunc quoque grande epos moliantur: me iuvat ad humanitatis aram procumbere, quæ ubique, sed præcipue hac Patauina Prætura, omnium mentes in tui venerationem rapuit, linguas soluit in præconia. Hinc enim te principem sola facilitate, ac liberalitate sensimus: reliquæ virtutes magistratus fuere, id Caotortæ domus ipsis Reip. natalibus æqualis, tuumque peculiare decus est. Quis te dies, noctesque vota populorum ac preces excipientem defatigatum vnquam vidit, quis tristem, nisi cum dies vacua benefaciendo abierat? Si tamen vlla vnquam hoc modo tibi perijt. Non triste supercilium, non vox asperior, non virga licitoris, quemquam, quocunque tempore submouit, qui nisi frontis maiestas, ac magistratus insignia te proderent, vbi Prætor esset quærere poterat. Adeo omnia æqua videbat nihil eminens præter virtutes. Ira quæ toto regimine lachrymæ ab fuerunt, discessu tuo erumpent, non paratæ ad ostentationem non coactæ, cum tu nulli rei nisi sceleribus vim adhibueris. Sed verè amens, ego qui epistola pægyrim claudam. Liceat modo domestico tuo, lætorumque, ac tristium comiti, eandem frontis serenitatem sibi polliceri, quam obsecris, ignotisque capitibus commodas. Sperarem etiam fore, vt quodcunque hoc muneris est, esse aliquid putares, nisi scirem

scirem ex eo quod tuum est, atque domi tuæ editum haud in magno pretio abste habitum iri, qui de rebus tuis modestissime sentias. Vale Idibus Ianuarij M DC XXXVI.

CHRISTOPHORO PALLAVICINO

Mediolanum.

PEnè te amicorum suauissime præterieram, non obliuione officij mei, tuorumque in me meritorum, sed residuo ægritudinis languore, atque insecutis occupationibus quibus districtus peccare in amicitia leges compulsus sum. Nunc tandem respirare aliquantisper possum, nunc amicos alloqui, nunc in solitudinis solatium retroacta tempora citare ad gaudium, & veluti præsentium imagine perfrui libet. Qualis nox illa fuit Dij Deæque, cum post diem vino edentulo, milleque fabulis suburbano prætorio conditum, vrbe exclusi, sine lare, sine tecto, sine pænula iratum Iouem exciperemus, mox agresti casa recepti, ne frondibus quidem, aut culmo ad fortuitum thorum paratis, quo noctem falleremus ad licnuchos eam fabulam dedimus, quæ lugentibus excutere risum potuisset. Cum Parthenopæus recoctus omnes facerías aduocaret, quibus Stoicorum adrogantiam, auidumque & inexplabile ingenium, imitatione petulantissima derideret; Cum vnusquisque nostrum ilia risu concuteret, eidemque Deo vt olim in Thessalia Lucius, ad lachrimas litaret: in angulo interim cum collatiuo ventre Bouinus noster afflicto brachio, periculosos ludos esse diceret, cum quis mole corporis prægrauis in sublime tolleretur, atque identidem Plautinum illud repeteret. Qui quærit alta, is malum videtur quærere. At postquam nuda humus, aut duri asseres cubile præbuere, interuifere pater patratus stertentium habitum situmque, & nocturno pudori officiosa manu occurrere. Quæ ego dum repeto, nec temperare à risu queo, & in genti lætitia perfundor. Nunc alia rerum facies: obducendus vultus est,

&

& longis officijs, verborumque ambagibus certandum, alia species induenda, quàm quæ hilarem, quam quæ iuvenem deceat. Sed nihil æque cruciat me, quam quod solus cænito, & qui ab adolescentia assuetus sum in Ephebeo, inter innumeram iuventutem discumbere, cum longo ordine apposita in patinis prata, Pythagoræis cænis manderemus: tristis iam, nec conuiua, inuentum ad societatem hominum letitiæ instrumentum, velut parentalibus epulis, aut nouendiali cænâ solitudine corrumpo. Dices facili negotio huic incommodo iri obuiam posse, nam esse multos qui quærunt in triuijs vocationes: sed neque ego tam basilicus sum, vt alere vmbra possim, & conuiuam quæro, non hominem. Vos verò boni sodales quoties, & quam genialiter de symbolis editis? Viuite dum viuitis, sæpeque efficite vt absenti mihi à vobis non semel aures tinniant.

Patauia die XVIII. Februarij MDCXXXVI.

N. N. Mediolanum.

Quantum mihi lætitiæ cultissimæ literæ tuæ attulerunt tantundem doloris ex tristissimo valetudinis tuæ nuncio percepi. Quæ tibi fatorum inuidia hoc ætatis flore, his iuventæ honoribus, extremæ senectutis lassitudinem imposuit. Tu hac pœne dixerim gladiatoria corporis firmitate, cum fœcialibus eius horæ luctaris, quæ vt longissime absit momentum est, ac punctus? Hoc bonis omnibus acerbum esse debet, mihi longe acerbissimum, qui non ignorem corporis morbos transire in animum, illamque diuinitatis particulam corporeis pestibus obnoxiam, non semper lætè hoc, siue domicilium siue sepulchrum incolere. Spei tamen plenus iam fœteria, iam Aesculapio gallum voueo: & si quod remediū Deus hominesque monstrarint, scito me adiuturum diuinam providentiam vel periculo meo. Morbi conditionem, & necessitatem N. indicaui: nec solus hic erit, se det N. accedet, vt si
Poda-

Podalirium nolis, Machaonem habeas. Pene ausim dicere in hac turba hominum animas nostras negotiantium, nullos digniores esse, quibus spiritum nostrum veluti rem superuacaneam credamus. Si quæ fato manent vitari possunt, non nisi ab his crediderim exorari parcas posse, vel ab inuitis tantillum moræ homini tandem morituro exprimi. Sed de his plura cum tesseram hospitalem iungemus. Interim tibi propitium Aesculapium precor, cum te parens eius cum Mulis respexerit. Valetudinem cura.

Patauij à die X. Martij M DC XXXVI.

*VERCELLINO MARIAE VICECOMITI
Mediolanum.*

HAbes hoc fasciculo consilium N. item N. epistolam, quam tanti, ac ceterorum consultationes facere debes. Cum rogarem quo nos pretio exsolueremus responsum est, non tam louem, quàm Aesculapium peculio exorari, nec aliud munus auro pretiosius esse apud homines, qui eius gratia non naturæ modo morbos, sed etiam iniurias tractant. Ceterum commendat se tibi plurimum Isis illa quam apud Apim vidimus. Dij Deæque minimo minus interij. Nullam ego Iunonem timeo, nec eam iratam vsquàm sensi, Mercurium magis & sapientem Deam. Sed dummodo mihi propitia sit hæc Venus, ceteros minutos Deos flocifacio. Sed præter iocum aduentu tuo mihi omnium sereni maxime fulserunt Soles, discessu.

Quasi solstitialis herba paulisper fui,

De repente exortus sum repentino occidi.

Vale patriæ decus.

Patauij XX. Maij M DC XXXVI.

MILANO ABBATI BENCIO
Venetias.

TEstor Amoris Numen semper iratū mihi, non ita Laetriadem reditum in patriam optasse, vt ego istuc contendere cupio, Venerisque regnum, & trāsata Cypri sacra-ria venerari. Ille quidem affixam nidulō Ithacam in Dearum gremio suspirabat, ego de vacuæ Urbis angulo illa maris oria, & naturæ lasciuientis pompam, formarumque emporiū anxijis votis expeto, & pro vna Aphrodite, mille Deas salo editas propitias auguror. Sed non me Calypso, non Circe in specubus roscidis detinet, nullaue Iothos dementauit, sed puella illa Virgo patrima, satis vt scis ferocula, casside-que minax, & framea, ne latum quidem vnguem ab se amittit, nugisque librorum, & chartarum somnijs languentem porro detinet, siccum, frugi, osorem mulierum. Genium tuum iratum habeam, nisi tu solus refigere me ex lentis hisce vinculis potes, si non clauo trabali premeret nomen illud fortasse vanum, ac nihili, Honos, & Gloria, sed cui nos stulti animum corpusque addiximus vt post lethum viuamus omnibus vitæ blandimentis abruptis. Itaque cendum te est Saturnalibus optimis dierum, quo etiam lugentes rident. Strenue tu rem communē exerce, genio indulge, sed quā primū ad nos redi, hoc vno enim tristissimam hanc solitudinem abstrudam. Vale.

Patauij Nonis Februarij M DC XXXVII.

CAROLO BOSSIO EQVITI
Mediolanum.

AMplissime Vir. Scio debere me patrociniū contumaci tot mensium silentio: quantum desidia peccatum sit non ignoro, qui nihil hactenus ad te literarum dederim. Sed

Sed tacita vota Dij quoque audiunt; & te summis negotijs grauibusque Principum amicitijs implexum interpellare religio fuit. Ipse quoque si quid ad rem attinet nusquam vacuus, ac feriat, & in altissimo otio semper negotiosus. Nō tamen umbraticas has curas cum exercitationibus tuis contenderim; qui scribere fortia & facere didicisti, & modo in altitudinem sapientiæ conditus inter libros curas hominum rides, modo viuudum animum, ac negotijs parem ostendis, vbique venerandus. Neque me hoc tibi gratificari intelligis, qui te non fortunam tuam colo, nihilque magis indecorum puto deformi obsequio illi assentari, qui ne Regibus quidem vnquam ac summæ potestati blanditus est. De N. iam fidem exsoluissē nisi Grosippus id non paruo volumine perfecisset, & per fidem tuam vereor vt N. se expedire possit. Acer de more est, ac vehemens plusquam credi possit, omnia excutit, literas quoque ac sillabas rimatur, idq; opus non inutile etiam doctis futurum reor. Vale vir Illustrissime, & me vt facis perpetuo fove.

Patauij Tertio Nonas Maij M DCXXXVII.

N. N. Patauium.

S Aturnalium discincta libertas, & insecuta Esurialium feriarum tristitia, ita & soluere mentem, & adstrinxerunt, vt obtrorperit cum animo calamus, & inertix satis liberaliter indulserit. Vt me collegi nihil antiquius habui, quam tibi morem genere, fidemque meam liberare. Miror magis cum non deessent tibi literarum proceres ad tenuitatem meam respexisse. Hæc qualiacunque, æqui consulito, & cum Minerua tua te primo ad subulcum venisse putato. Et æquum sane erat, vt antequam Penelopen inuiseres mendici habitu nominis ac familiæ maiestatem arctares. Tu strenue sagittis utere, & siue procos, siue porcos vlciscere, & me pro Melanthio habeto. Vale. ex ædibus nostris, XX. Maij M DCXXXVII.

Bb

Do-

DOMINICO MOLINO

Venetias.

Quod Orationem meam in publici Honoris manum sine meritorum dote sola pronuba humanitate tua conuenire volueris, sanè nunc nouæ nuptæ flammeo opus esse intelligo, quo pudorem permulceat. Vereor ne mala aui, cum, que tangendus ignis & aqua fuerit, ne igne aut aqua digna videatur, & quod in Græco epigrammate est, ne Phaetontis aut Deucalionis fatum inueniat. Illud solatio erit nequaquam transcendisse limen sua sponte, sed egremio matris raptam, non tetigisse plantâ vestibulum. Cum pueri prælucentis recordor tenebrarum omen exhorresco, & ne in sepulchrales faces tædæ vertantur, tumulusque succedat thalamo valde metuo.

O Hymen Hymenae hymen, O hymen Hymenae.

Sed huius vice Fescennina licentia, ac prætextata verba obstreperent, procaxque dicacitas pudibundæ illudet. Quo amuleto non amoris, sed odij veneficia deprecabimur? Quid expectandum? nisi id in quo vota absoluat, Zonaque soluat, sed timendum nedum pudor imminuitur, pereat. Faxint Dij coniugales ne innuptæ hæ nuptiæ fient: nec sponsus aliquando dicat Tibi habe res tuas: collige sarcinulas. Quicquid erit, eodem te Auspice, ac signatore dicendum est, Feliciter, quod tibi bono cum omine nuptiali apprecamur. Vale.

Patauij Idibus Iunij M DC XXXV.

IOANNI BASADONNÆ

Venetias.

TE publicæ rei, ac prudentiæ summum, non ante literis adire ausus sum, quam munusculo propitiarem, meque humanitati tuæ anathema sisterem. Scio abste per benigne

nignē Apollinem meū exceptum iri, qui pridem inter Orbis curas ipsi ac Musis loca lautia præbuiſti. In laudes tuas non excurram, ne ab assentatione obsequium auspicari videar, à qua tantum fortunæ tuæ magnitudo, quantum genij mei simplicitas abest. Dominico Molino rebus humanis exempto, non alium habeo cui me ac res meas vota que commendem quam te ipsum, quem magni Catonis æmulum Respub. colit illâ felicior, & sanctior, cui morienti super viuere Cato noluit. Vale Patavij Kal. Iulij M. DC. XXXVII.

ANGELO EQVITI CONTARENO.

Ingens tua humanitas, qui sæpe studiorū meorum tenuitatem curasque vmbrales præsens fouisti, spem facit fore vt non grauate excipias Musarum Regem, qui naufragij sui reliquias per Orbem trahit omnis infortunij, ac calamitatis simulacrum. Tu faue, namque potes periclitanti, literasque ac literarum cultores ab inopia defende. Tunc te seruatorem suum ijs præconijs ad Cælum ferent, quibus vnis victuræ æternum animæ ab obliuione, & situ eximuntur. Vale.

Patavij à die X. Iulij M DC XXXVII.

BAPTISTÆ NANNIO

Senatori Venetias.

Inter publicas gratulationes, quibus te literis omnibus, ac disciplinis instructissimum florentissimæ Academiæ regimini admorum vniuersi lætantur, votis quoque meis locum futurum speravi quibus tantum bonum mihi ac seculo gratularer. Produxi interim veluti in scena sublitarum parente infelicissimo tristissimum literarum ac literatorum fatum. Id ausus sum oculis tuis repræsentare, vt quoties ab ingentibus curis vacaret animus, à serio hoc ludo siue hilaritatem traheret, siue afflictis rebus spem commodaret. Apol-

B b 2 10

lo Heautontimorumenos est, & à te vel opem expectat, vel miserationem. Vale Reip. ac literarum decus summum.

Patauij à die x. Iulij MDCXXXVI I.

HIERONYMO TREVISANO

Senatori Venetias.

CUm primum intellexi te Gymnasi nostri moderatorem dictum esse, summa voluptate affectus sum, tantum decus literis affulxisse. Ea enim humanitatis tuæ, & exaggerati virtutibus animi fama est, ut scientiæ omnes, ac disciplinæ summam de te spem concipiant. Audet etiam aliquid post tantas clades Apollo sperare, & ultro ad te confugit, ut beneficio tuo, si non opes, ac gloriam, saltem securitatem consequatur. Id omnes augurantur, quicumque te, quicumque sapientiam tuam nouerunt. Vale.

Patauij a die x. Iulij MDCXXXVI I.

FRANCISCO MAVROCEÑO D. MARCI

Procuratori Venetias.

APollo meus Dijs iratis conceptus, & genitus, augustos penates tuos subire dubitaret, adeo sibi formæque ac fortunæ diffidit, nisi sciret apud te pridem delubrum Musis esse constitutum. Illud etiam non ignorat in principe viro obuiam ignotis quoque, nihil maiestati detrahentem comitatem, miseros ad se allicere, & nullum ferme ab aspectu tuo tristem discessisse. Qua igitur humanitate literas ac literatos foues, iterum Cælo Regnoq; deiectum Apollinem omni-que acerbitate vexatum excipe, totque fessum calamitatibus tuere. Admeto & Laomedonti Regibus sequitiam impuniturus est, si per te ipsum pristinum decus ac splendorem consequetur.

IACOBO MARCELLO

Senatori Venetias.

ET si Dominici Molini mors literario Orbi contigit acerbissima, tibi tamen super omnes luctuosissimam accidisse non ignorat, quicumque meminit quàm arctum familiaritatis fœdus te illi iunxerit. Vetus necessitudo studiorum morumque similitudine in sanguinis pignus, vsque adeo coiebat, ut haturæ iura transcenderet. Non est igitur quod mireris, si te ego ludis funebribus, quos in domini indulgentissimi memoriam nouus Aedilis dedi, te Prætorem optaui. Tu solus qui præsidere dignus visus es, siue amorem in defunctum, siue eundem ferme genium, ut magnam Molini partem in te superstitem gaudeamus, siue familiæ splendorem, siue propensissimum in literas doctosque animum respiciamus. Et ideo nullus ferme est, qui promptius mederi Apollinis calamitati possit, & infelicem Musarum præsidem ad antiquum decus reuocare. Faxit Deus ut hac tua humanitate studiosi omnes, & ipse præcipue extincti desiderium mitius feramus. Vale. Patavij Kal. Augusti M DC XXXVII.

IOANNI NANNIO D. MARCI

Procuratori Venetias.

Nihil mihi sed humanitati tuæ debes, quòd Apollo Orbi facturus inuidiam te ipsum delegit cui causam suam approbaret. Iactatur ille ab omnibus, & veluti sacer, ac piacularis omnium, diras & execrationes innoxio capite excipit, ijs præcipue inuisus, quibus formosior massa auri videtur, quam quicquid Homerus aut Plato Græculi delirantes somniarunt. Tibi contra cum plurimum debeat, tamen soluendo non est, & si auctionem faciat, quis Apollinem cum Musis ipsis vix curto asse licitabitur? Non igitur dubitat quin ad veterem

munificentiam noua merita adijcias, mox inter te ac fratrem sapientissimum veluti inter Castoras colatur, tunc erit mihi magnus Apollo. Vale.

Patauij adi VI. Augusti M DC XXXVIII.

FRANCISCO VITELLIO

Pontificio Legato Venetias.

A Pollini non tam in ordinem coaeto, quam insipientis seculi ac barbarorum ludibrijs exposito, vt faucas ipse & fauoris publici iter insigni humanitate tancias facile poteris exorari. Nunquam enim magni Musarum praesidis calamitates & infortunia incurrant in oculos, quin statim animo obuerfentur praecleara tua in Appollinem ac Musas merita, quae tibi praeter regnandi artes & dominationum arcana, parque terrarum regimini consilium, capaci ad seria, & remissionem ingenio lac suum, hoc est lepores & diuinæ facundiae medullam instillarunt. Nunc quoque errantes diuas, agitatae Numina hospitio foue, Phoebi tui graues miseratus labores. Vale. Patauij à die XV. Augusti M DC XXXVIII.

FRANCISCO LAUREDANO

Patricio Veneto.

Profugum Apollinem, & ærumnis omnibus deformatum conciliarem tibi, nisi regnare eum apud te intelligerem, semperque splendido cultu, ac verè Regio exceptum. Ea est Lauredanæ domus maiestas, ea indoles tua, is ingenij, & scriptorum honos, qui nominis tui famam ipsdem fere ac Solis terminis circumscripsit. Antiquum ergo hospitem excepta, atque ab eo vt instituisi iniuriam omnem depelle, literasque fouere perge, quæ hoc fatum suum solabuntur, quod non ubiq; mendicat Apollo, aut seruit. Vale & me ama. Patauij xvi i i. Septembris M DC xxxviii.

FRAN-

FRANCISCO ET DANIELI IVSTINIANIS.

Fratribus Patricijs Venetis.

ITa est Viri Illustrissimi, ut sæpè vobis me dixisse memini. Ingenij cultus neminem vnquam diuitem fecit. Id nisi Oraculi instar esset, satis fidem vobis facere posset Apollo literarum parens, ac princeps, cuius ego infelicitatem libello produxi, simulque seculi ignauiam, ac procerum sordes tetigi. Vos ea facie Musarum Antistitem excipite, qua soletis nostris nugis fauere. Rectè secum actum ille exultimabit, si veterem locum in familia vestra tuebitur. Ego interim ludos peragam, quèis si minus antiquum illud, Vos Plaudite, at saltem Parcite expostulabo. Valete.

Patauij xv. Octobris M DC XXXVII.

NICOLAO CRASSO.

Venetias.

APollinis infortunium nulli grauius quàm tibi futurum non ignoro, qui tanto in eiudem amore es, ut viro Phœbi Musarum chorus assurgat. Quànquam haud scio, nisi & auitæ opes, & forum ipsum in quo eloquentia præcellis domus splendori satis prospicerent, num magnas diuitias ab Apolline, & Musis sperare posses: Eget infelix

... *Et eiectis mendicat silua Camænis.*

Non intonsum Cinthium, non Phœbam Apollinem, non Deorum pulcherrimum cernere erit, sed exilio fractum, panis annisque oblitum. Quànquam vix familiares sibi penates tuos subibit, cum repente squalorem exuet, & sordes, bonaque fide Apollo erit. Vale Venetorum doctissime.

Patauij à die XXII. Octobris M DC XXXVIII.

BARTHOLOMÆO BELLONO

Patricio Veneto.

CVM amænissimi ruris tui delicijs exceptus sum, non tam ædium magnificentiam, & laxitatem, immensa latifundia, clarorum artificum ingenia, & reliqua animi tui magnitudine digna miratus sum, quam tuam in tanta fortuna moderationem, & inter opum quibus immensum viges affluentiam, literarum amorem non vulgarem. Est igitur quod tibi gratuler cui abundantes opes, & fortunæ indulgentia, nunquam ita mentem corruerunt, vt quæ vera sint bona non despicias. Ego licet bimestri valetudine fractus, animoq; quassato cum Apollinem meum prodire in lucem passus sum, abste benigne exceptum iri credidi, cui ille tot animi bona indulerit. Si literarum Regem non agnosces, adeo ærumnis deformatus est, eorum sordes, ac liuorem tacitus incusa qui se hoc flagitio obstrinxerunt. Tu contra veteri hospitio dignare, & me vt facis ama. Vale.

Patauij Kalend. Nouembris MDCXXXVI I I.

GASPARI LEONICO

Venetias.

EX quo summum mihi illud bonum obuenit, vt te virum sapientissimum inter adolescentium subseilia, adesse mihi profitenti aspicerem, vt semper læta tristibus permisceturis me morbus inuasit, qui iam tertium mensem me pœne ad extrema deductum exercet. Ita nec vt debui ad te inuifere, nec saltem scripto testari affectum potui. Prodiit interim in lucem Apollo meus sed qualis inter morbos atq; ærumnas concinnari potuit. Eum tu humaniter suscipito, & quod potes miserere. Neque tamen illi novum erit ad te diuertere, cum inter publicas curas nunquam Aonidum

chorum

chorum cum duce despexeris. Vale.

Patauij x. Nouembris MDCXXXVI II.

CASSIANO PVTEO EQVITI

Romam.

SI ad te literarum, ac sapientiæ præsidem Musarum præses diuertit nequaquam mirum esse debet. Quis enim hac tempestate benignius, ac magnificentius cum Apolline Musas hospitio excepit. Quis politiora studia tractauit propius ac interius? Quis Musarum cultores impensius fouet? Genium tuum iratum habeam, nisi in te vno spes suas docti collocarunt; Quæ si decoquat, & vt cum Plauto loquar decollēt errabunt cum Apolline suo orbique, & temporibus inuidiam facient. Id Hercule vnum inter extrema mala numerabunt, tibi honores expectatione serius obuenire, quos cum ipsa iuuenta supremos Orbis auguratus est. Vale & me perpetuo foue. Patauij Idibus Decemb. MDCXXXVI II.

LEONI ALLATIO

Romam.

ET si tu tam extra literatorum fatum es, quàm extra alea, Apollinis tamen, eiusque popularium infortunium nulli grauius quam tibi futurum scio, quem ille adytis suis propius admouit. O magnū ruentis Græciæ columen, ingens latij decus, nec ambidexter modo, sed qui Italiæ genium patrijs artibus ita miscueris, vt redonare Quiritibus Athenas possis, Romanumque eloquium in media barbarie sistere. Nos tenuēs conamur grandia, literisque nāniam dicimus, quæ propè efferuntur, & præficarum officio fungimur, quæ alios laudare se ipsas non possunt. Quod si tua Phœbus ope Palatinas Sedes ac Bibliothecæ sacrarium reuifer, tunc denuo bona fide tuus regnabit Apollo. Vale. Pat. xx. Decemb.

MDCXXXVI II.

PA.

PATAVINI GYMNASII

Moderatoribus.

Senatores Præstantissimi. Quartus annus agitur ex quo in hanc fortunam adscitus sum, vt in Gymnasio vestro Muſis ac poſteritati vacarem. Per id ego tempus hoc vnum egi vt me vobis, atque Academix probarem. Itaque eos ſcriptores ſelegi in quibus explicandis, eloquentiam, interiorem literaturam, hiftoriarum, ac totius antiquitatis cognitionem, arcana etiam dominationum, gentium mores, ac ritus multiplici varietate & faſtidium tollente nouitate Auditoribus communicarem. Cum enim humaniorum literarum ſtudium eo redactum viderem, nulla vt maior ſolitudo quàm circa earum profeſſorem eſſet, atque eædem tamquam Grammaticæ artis quiſquilix ac purgamenta ſcientiarum deſpicerentur, metui hercule ne ſolus parietibus ac ſcamnis declamarem, niſi auditores, & alijs diſputationibus diſtriſtos, & ſua ſponte in deſidiam vergentes rerum copia, ac varietate, & repetitis ex intrima vetuſtate argumentis allicerem, ac veluti iacentes ac naueantes excitarem. Quid in hac re profece-
rim, quique concurſus facti ſint malo vos ab alijs intelligere, quam ſi quid laudis in me eſt intemperanter iactare. Anno proxime elapſo Collega meus, & cum Excellentiffimo Mauroceno, & publice conqueſtus eſt, ignotos ſcriptores, & inauditos ab me ſelegi. Super ea re ab eodem viro Ampliſſimo tunc Moderatore literas accepi, cui vt ego obſecundarem, dixi interpretaturum me Virgilium, id collega meus renuit, & magiſtrelorum laborem diſcitans tranſiit ad Ariſto-
telem, librosque Politicorum tamquam Herculis cothurnum induit. Qui proxime conſequitur anno vobis volentibus Tertulliani Apologeticum explicandum ſumpſi, theſaurum antiquitate, atque eruditione reſertiffimum, repugnat ille mihi-
que turbas ciet, nec leuem iſtic inuidiam conſtat.

Vc

Vestrum erit quid agendum sit præscribere; Nam quòd ad me attinet cuicumque scriptori paratus sum, illud modo testatus, non posse aliter frequens Auditorium contrahi, quam si ab humilibus, & aridis Grammaticorum disputationibus ad nouas, nec ita vulgatas Acroases res deducatur. Academiæ bono, & publicæ famæ non parum accessurum est, si scriptor is sumatur ad quem concursus fiant præcipuè peregrinæ iuventutis, quæ in hac bonarum literarum inopia testari possit, esse etiam in Italia, qui dilapsam ac prope fugientem eruditæ vetustatis cognitionem vestris auspicijs sistere possit. Interim me, ac meos labores vobis æternum addico. Valete. Patauij XXI I. Octobris MDCXXXVI I I.

F O R T V N A T O S C A C C H O

Pontificij Sacrarj Præfecto.

TArde, immo penè iam serò hoc qualecumque cultus mei, & obseruantia tributum pendo. Autumnalibus ferijs solutus, domesticisque districtus negotijs ferè literas dimisi, siue dulcedine inertia, siue rerum tædio. Itaque non ante, aut vacauit, aut libuit te scripto compellare, & quod multis ante annis obsequium conciperam peculiari voto stringere. Apollini meo loca Lautia præbere potes, qui te literatorum vulgo secreuit, eamque felicitatem largitus est, qua caret ipse. Animum tuum succinctum omnibus bonis mortales mirantur, neque in totum vbi te respicere de literis desperant, maximè sanctioribus, quæ per te stant, & se strenuè vendicant. Pollicentur id & præstant diuina illa tua eleo-chrysmata vere diuina, & immortalia, longe ijs pretiosiora, quibus in Ambrosiæ contentionem Homericæ Diæ se perfundebant, quisque Deorum Regina macebat Ioui suo placitura. Vale, & me serò famæ tuæ templum adeuntem officioso cultum cum omnibus certaturum non despicere. Iterum vale, & salue. Pat. XI I. Sept. MDCXXXIX.

ALOT.

ALYSIO QVIRINO

Venetias.

HAbes Apollinem iratis Diis editum nihil fatis, tibi plurimum debentem. Habes antiquum hospitem à te semper Regium in morem excultum, vt olim ab Regibus feruili probro resperſus eſt. Cum iis ergo illum ornamentis produxi, quæ ipſi mortalium lior & procerum inclomentia circumdederunt. Itaque liberius dolori indulſi, inuidiam ſeculo feci, crudelia aſtra vocaui, poſtremo ſurdis cecini. Vnum hoc habet magnus literarum parens ſolatium, quod veterem ſedem apud te tuetur. Huc nos vota huc mentem. Tu modo reſpice, nobiſque Numen argenteo arcu præditum, & longe iaculans concilia & Vale.

Patauī die vi. Octob. MDCXXXIX.

Eidem. Venetias.

CUm primum à publicè docendi munere ceſſatum eſt, me triftis nuntius de optime parentis valetudine perculit, properiſque literis domum acciuit. Impiè faſturus videbar, ſi moram vllam interpoſuiſſem quo minus me itineri commiterem. Ita non potui quod debebam iſtuc venire vt ab Ampliſſimis Moderatoribus facultatem, ac commeatum impetrarem. Quòd potui te hiſce ſupplex rogo, vt apud eos hoc officio fungi digneris. Et ſiue illa quod voueo valebit, ſiue quod Deus auertat naturæ ſatisfaciet, compoſitis rebus, vt cumque tales componi poterunt, dabo operam vt quam primum reuertar, meque muneri meo poſt feſta Paſchalia ſiſtam. Vale Vir Ampliſſime, & me tui obſeruantiffimum perpetuo foue.

Patauī à di ix. Aprilis MDCXXXIX.

Ei.

Eidem. Venetias.

Commentarium de re Vestiaria non antè publici iuris facere ausus sum, quàm illum Censuræ tuæ subijcerem, non illi quidem solemnī, qua publico decreto singula ingeniorum monumenta inspectas, ne quid impium, aut inhonestum loquantur, sed interiori, atque attentiori, qua amicorum opera seuera æstimatione lustrare debes, & potes. Vt possis efficit illa tua in omni literarum genere versata eruditio, ut velis postulat meus inueteratus in te cultus, & obseruantia, tuaque singularis humanitas. Quod si huic opellæ calculum tuum adieceris, tunc ferre lucem audebit, & plebeia iudicia facile contemnet. Vale, & præstantissimum Virum Nicol. Crassum saluere plurimum iube.

Patauij à die x. Augusti M DC XLI I.

NICOLAO CRASSO V. C.

Venetias.

Nemo te senem credit, nisi qui ingenij tui monumenta numerat, & qui non tam numerat, quàm æstimat, non te senem, sed longævum intelligit. Tu quidem bellè ætatem fers, sicut eadem animi tui opera ferent omne ævum, tumque maxime viuent, cum reliquis longa dies, ac senium incubuerit. Insignem iniuriam ætati istī faciunt, qui putant ipsi cum Musis minime convenire, senesque veluti depontanos his sacris arcent; Nam animus immortalis deferuescente iuventutis æstu purus, ac defecatus, & ut ille aiebat agresti, ac furioso domino solutus, totus sui iuris, bona fide Castalios latices bibit, Deoque plenus, tam propè à diuinitate abest, quam longè ab affectuum contagione recessit. Talis tu quidem maturus ævo, paucaseneclutis damna ingentibus beneficiis compensas, non vicius, aut annis tractus, sed vivendo,

do, viridique animo Musarum sacra recolis, eaque grandis natu scribis in quibus senes vigorem iuventæ atque impetū mirantur, senilem gravitatem iuvenes venerantur: & quibus à scribendo iuvenesque senesque absterrentur. Ita me Apollo pater amet, nisi cum epinicion carmen tuum legi, illico subijt animum Tragicorum princeps, cuius Oedipum Colonaū extrema ætate, quæque desipere degeneri proli videbatur, conscriptum, cunctis eius operibus vetustas antetulit. Tu & si nondum extremas æui metas, laudis tamen ac gloriæ nouo hoc opere attigisti: & Venetus Imperator hoc vno virtutis suæ ac felicitatis grande pretium tulit, quod in te virtutem non incidit, sed fecit. Ipse etiam quadam poetica instinctus contagione efferor, epistolæque modulum egressus, & diuturnæ valetudinis, & tot cruciatuum interim obliuiscor, & cum carmen tuum relego, nec te, nec me ipsum senem esse credo. Vale & Pylî senis annos cum Puteo nostro præstantissimo metire. Patavii xx i. Iulij m dc xlv i i i.

Eidem. Venetias.

HAs tibi reddet Isaacus Vossius non tam parentis viri præstantissimi gloria, quam sua virtute clarissimus. Diu est cum ad capiendum ingenii cultum Italiam peragrat, sed præcipuè excutiendis veteribus Bibliothecis, vt delitescentes pluteorum visceribus opes in publicum efferat. Quantum ille in hoc negotio præstiterit, breui res ipsa docebit, plurimumque illi res literaria, ac posteritas tota debet. Cum istuc cogitaret, non tam visendæ Urbis quam Bibliothecæ, propter quam à doctis Vrbs visitur, super cetera congressum tuum optauit, quem literarum gloria florentem etiam in patria suspexit. Singularis humanitatis tuæ erit, eū illis officiis amplecti, quæ à te summa expectari possunt. Illud maxime, ne illi aditus Bibliothecæ inuideatur ab iis, qui illi thesauro non tam maligne quàm oscitanter incubant.

Nec

Nec aditum modo, sed aliquam moram ipsi indulgere maiestatis Venetæ, ac rei literariæ intererit. Quid verbis opus est? Tu hæc præstare potes, vel nullus. Ergo iuvenem summæ indolis, & parentis decora antecessurum foue, & me tui obseruantissimum ama: Puteoque nostro quem ab morbo resectum gaudeo, salutem plurimam dicito. Vale.

Patauî Kal. Febr. M DC XLVIII.

IACOBO CRUCEOLANO V. C.

Mediolanum.

Nondum lucus consenuit, quo Dominici Molini memoriam semper acerbam, semper honoratâ habeo. Nec publicam mœstitiâ, atque Orbis querelam exequor, qua de literis actum propè, ac conclamatum mortales metuunt, illis rebus humanis exempto, qui tanquam Iupiter Stator labentes iam iamque casuras Musas hætenus sustinuit.

O patria, o domus Diuum Ilium, atque inclita bello

Mœnia Dardanidum!

Quis iam hominum Deorumque irruentem barbariem & se se Italiæ terræ superfundentem auerter? Cui vota Senatus populusque literatorum concipiet? Quis posthac doctum virum curto vix asse licebitur? Quis nationem nostram sacram ac piacularem à publicis execrationibus, à fortunæ furore, ac factorum malignitate vindicabit.

Excesse re omnes aditis, arisque relictis

Dî quibus Imperium hoc steterat.

Cecidère magna illa literarum columina, Ferdinandus Mantuæ; postremus Urbini Dux, Fœdericus Borromæus præcipuæ Musarum tutelæ abierunt hinc in communem locum. Restabat Magnus hic senex, ut animi magnitudine literarumque amore illis par, ita indefesso de re literaria bene merendi studio, & prope diuina humanitate longè superior. Nam non ita mirum videri debet, magno Principes ex ingenti

genti opum affluentia, sumptibusque insanis aliquid etiam in literarum subsidium erogare. Hic maiore gloria quam diuitijs fuit, & opulentissimæ ac maximæ Reip. potens, publicum censum quam priuatum augere maluit. Si oris maiestatem, si publicam venerationem, si officia clientum aspexisses plusquam Senatorem: si priuatum cultum, & pauperes munditias, ædesque nullum præter ipsum Dominum ornamentum habentes, minus quam ciuem existimasses. Nominis tamen eius maiestas ab Hesperio cubili ad ortum porrecta, non Europæ sed orbis terminis circumscribebatur. Plerique prius ad ipsum quam ad Deos vota referebant: ad eius templum immortalitatis donaria appendebantur: huic vni populi omnes & ignotæ gentes honoris tributum persoluebant: literarum procures per eius genium iurabant: Martis, ac Musarum alumni clarissimi Bataui, orbeque toto diuisi Britanni in Italia quæliuere quod venerarentur, nomenque eius æternis monumentis consecrarunt. Iam magno Heroi innotuisse iam tanti Nominis augustum decus librorum fronti præscriptisse, ingentis gloriæ pars maxima habebatur, eò verior & solidior, quod non aliud quam beneuolentiæ pretium quærebat, nullique hic Musarum sacra ad Plutum traducebant.

Sic parua ante mortem ingentibus meritis immortalitate Cælum petijt, vnde venerat hoc naturæ miraculum, clausitque agmen Heroum quicunque literas, Musasque fouerunt. Neque tamen fatum eius ignauo questu prosequemur, nec aut nānias, aut Epicœdia, aut tumuli superuacaneos honores decernere præstat. Plebeiiorum manium iura hæc sunt, quos cum cinere longa premeret obliuio, nisi eos vixisse literatus lapis, ac mortis carmen indicaret. Hic in memoria hominum, in temporum æternitate, ære perennius monumentum exegit, totusque libitinam vitabit. Tanta enim erat, vt & monumenta, & cum lapidibus ipsis interitura tandem trophæa contemnere posset, magnumque hoc nomen titulos omnes respuit, quia omnes transcendit. Plura scribere

bere dolor verat, & hæc ipsa mihi veras lachrimas excutiant.
Vale vir doctissime ac Mathematicorum Cælum exornare
perge, patrumque meum V. C. cui plusquam vlli mortalium
debeo saluere plurimum iube.

Patauij à die XV. Decembri M DCXXXV.

N I C O L A O D E P O N T E

Gymnasij Patauini Moderatori.

G Audij impatientia in audaciam prolapsus sum, vt re
summa fortuna, summa eloquentia præditum rudis
ipse, & obscurus interpellarem, simulque publica commo-
da. Sed vt magnus dolor ita ingens læticia sui impotens est,
& indulgentia fortunæ magnis quoque capitibus adstrepit.
Neminem autem futurum arbitror modò literarum nomine
censeatur, qui non exultet & gestiat cum intellexerit literas,
ac disciplinas tuæ fidei commendatas, quæ à te commenda-
tionem accipiunt, & vicissim impertiunt. Quanto enim in ho-
nore, ac pretio apud te fore id, quod tãtam tibi dignationem
circumposuit? Non enim triumphalium aurum series, non
itura per posteros maiorum gloria, non supremi in Rep. ma-
gistratus tantum tibi nominis ac maiestatis circumdederunt,
quantum flexanima illa, ac verè Regina copiosè loquens sa-
pientia, qua tu in ea Vrbe dominaris, in qua nemo servus est
nisi improbus. Nec vmbratilis illa quidem, aut pigmento-
rum lenocinio fracta, sed virilis sed Regia, qualem Pylij sc-
nis ore fluxisse melleam Homerus credidit, aut instar pro-
cellæ orante Itacho effusam. Igitur reliquæ artes ac disci-
plinæ ab Magisterio tuo velut reddita iuventute efflorescēt,
eloquentia qua nihil maius esse fatentur etiam qui eius sa-
cris pelluntur, in pectus tuum conuolabit, eam tu ab inopi,
atque infæcundo labore reuocatam auream efficies, aureum
seculum literis inuecturus. Tum senatus literatorum tibi
clypeum inter auctores facundiæ censebit. Vale. XIII. Iulij

M DC XXXVIII.

Cc

401.

ALOYSIO VALARESSIO EQVITI
Gymnasij Moderatori.

AVdiuere Dij vota nostra, isque tandem Musis ac literis præfectus est, qui & asserere in splendorem Musas potest olim in contubernium admissas, & de quo nullæ vnquam literæ obticescent. Vtraque benè sperare audent, quæ pro depositis habebantur. Quid enim de te non pollicetur propensissimus in literas, ac literatos fauor, quo humiles etiam, & umbraticos ad fortunæ tuæ splendorem admittis literis ipse excultus, non quale hodie verbum est in speciem, ac famam, sed interiori sapientia impensè diuque imbutus, vt hic omittam eloquentiam tuam quam Regibus approbasti, Veneta Curia nunquam satis admirabitur. Vere tu admirandus, rarumque exemplum quoties publicas curas interiungis, ac veluti in te ipsum recedis, & cum literis ac libris familiarissimè loqueris. Hic ciuilis prudentiæ arcana, vetus recensque historia, grandis ac solida eruditio exerunt se, & maius viro principe, quique inter magistratus & legationes ætatem diuisit, studium testantur. Itaque alia scientiarum decora alij apud te exsequuntur, ego his literis à te patrocinium petere audeo, quibus ab humanitate nomen indiderunt, qui maxime hominum proprias credidère. Confirmatus præcipuè Prætoris Amplissimi auctoritate, per cuius mensarum sacra, & hospitales Deos tibi obsequium cultumque deferre, grande momentum rerum mearum fuit, simulque mihi, atque ciu. dito inter pocula alloquio perfrui, & vt sic dicam epulis diuûm accumbere. Hoc, tuaque humanitas audaciam fecit, vt non tam tibi, quàm nobis quicumque literas colimus hanc fortunam gratularer. Nostra hæc æquique felicitas est, cui tu vt tot merita, ita asseras ab interitu literas imputabis. Vale. à die XIII. Iunij M DC XXXVIII.

FORTVNATO SCACCO

Pontificij sacrarj Præfeto.

Ingens tua humanitas me longæ inertiae indormientem excitauit, si tamen inertia dicenda est, in qua nihil agendo aliquid molimur. Publicè profitendi munus me ad hæc Christi parentalia exercitum delassauit, nec multo post æstiuus tradet caloribus, qui festinata intemperie veris amenitatem præuerterunt. Priuatim etiam respondere cogor, neque tamen ex scripto, aut petito ad consultandum spatiò, sed diuersis de rebus & prout quisque scriptor inciderit. Vides quanti negotij res ista sit, quamque difficiles nugas habeamus. Ita nunquam bona fide licet esse otiosus. Quoque magis ingratus labor sit, nemo delubra Musarum cum anathemate petit, nec saltem farre pio, aut saliente mica se exsoluit, sed tamquam de plebe Numina Cœlique æraria salutat & præterit, solamque feneratoriciam Mineruam peculio exorat. Habes causas desidiæ meæ, & diurni silentij. Te etiam ad immortale decus grassantem auocare religio fuit, cum præcipuè tecum cum libuerit verfer, alloquioque tuo perfruar, quoties præclara ingenij tui monumenta in manus sumo fructu non poenitendo, quod sæpe publico auditorio testatus sum, cum disputationi meæ à tuis scriptis commendationem peterem. Nunc totus in Aduersariis sum, nec audeo manū de tabula, idque adlaboro, vt ex Aduersariis Electa fiant, vtinam Musis non aduersis: nec aliud magis quam publica iudicia perhorresco. Quod si Deus aliquando dabit, vt Urbem quam dicunt Romam visere, teque præcipuum Romæ ornamentum de proximo colere possim, tecumque labores meos communicare, tunc frangam impatiens moras, nec illis lucē inuidebo, qui tamen tutiores in tenebris esse poterant. Fortunet modo te Deus nobisque ac literis diu præstet incolumen. Vale. Kal. Aug. M DC XXXVII.

ALOYSIO QVIRINO GYMNASII

Moderatorum à secretis .

Quantum tibi debeam vix verbis exprimere possum, nedum soluendo vnquam sim. Id tamen immensum esse Deos hominesq; testor, & posteros meminisse volo. Nam & me plurimum semper auctoritate tua, & humanissima testificatione adiutum scio, & ad novum hoc Græcæ professionis munus maximè valuisse suffragium tuum non ignoro. Plenus scilicet laudis, & adoræ non modo non obtrectas ijs qui eadem via grassantur, qui seculi morbus est, sed literarum cultores vltro ad decus, & commoda vocas, Musarum proxeneta, immo Deorum Thaltibius, immortalitatis præco

*Tu mihi quodcunque hoc regni est tu sceptra Iouemque
Concilias.*

Ego quidem rubore suffusus sum, cum à te perscriptum S. C. legi, quo nouæ spei admouebar, cuius exemplar literarijs fastis adscribendum cum poscis, denuo modestiam meā oneras, & nouis tibi nominibus obstringis; Dignus herclè cuius nomen vtraque honorum pagina sibi præscribat. Vale.
Idibus Sextilis M DC XXXVI II.

HENRICO ERNSTIO V. C.

ET literas tuas humanitatis plenissimas, & munus adiutum eo animo exosculatus sum, quo magnorum amicorum ac doctrina præcellentium res amplector, ac colo. Tuas præcipuè Clarissime Ernsti, cuius suauissimi mores, interioris literaturæ decus, ingenium libros omnes peruagatum, & indefessum de re literaria bene merendi studium quando vnquam parem inuenient? libelli quem misisti scriptorem nullius coloris noui, indigno Italiæ fato in qua maior
ho-

hominum numerus, quam librorum, intercepto etiam Musarum commercio, & supina incogitantia qua vetera tantum ut ait ille miramur, recentium incuriosi. Et alioqui dignus est audiri dulce canens frondator ad auras: iudicio pollet, nec minori arte aduersarium premit, quam modestia magnorum virorum in interpolandis veterum scriptis audaciam castigat, denique hoc opus Criticum sine fastu, atque obtreptione persoluit. Ego hic postquā Vacuna ludum artauit, alta quiete fruor, futuramque palestram accingor, ac meditor, hoc est Tertulliani Apologeticum: horis subcisiuis cum Apuleio veterem rationem deduco, nactus optimum exemplar manu exaratum, quod fuit Cardinalis Zabarellæ, neque exiguum curæ pretium facturum me intelligo. Tu si qua labores nostros inuare potes, antiquos mores retine, quodque facis strenue rem literariam, sed præcipue valetudinem tuam cura. Patauij à die IX. Octobris MDCXL...

CÆSARI MONITO

Cardinali Mediolani Archiepiscopo.

T Va singularis facilitas, qua non modo literas, earumque cultores interius admittis, sed absentes quoque ut Homericus Apollo longe operans beneficis radijs perfundis, effecit, ut te scripto adire auderem, ac veluti in ipsum publicæ humanitatis sacrarium irrumperem. Cui enim licet trepido, ac metuenti non animos adderet magna Principis indulgentia, qua ex tantæ dignitatis culmine in has quoque oras aspectum flectis, & me procul à patria Musarum ferias residentem, ad familiaritatis sacra, ad aspectum penatum, in spem quoque fulgoremque honorum postliminio vocas. Quod beneficium tantum est, ut vix ipsum vix fortunam meā capiam. Sed ne istuc ad mandata tua conuolem, illud intercedit, quod etiam in sequentem annum Venetis Patribus fidem obstrinxi, à quibus causariam, ne dum honestam missionem

impetrare me posse diffido, patruī exemplo, quem ægre ac cunctanter, postremo bimestri muneris vacatione legibus soluerunt: & vereor ut ille causam suam approbare possit: me autem stationem deserere nondum exauctoratum, aut transfugere ne te quidem probaturum credo, cum me præter publicæ benevolentia decus, nuper nouo premiorum auctario prosequuti sint. Expletis legitimis stipendijs, quis non ad tantum Imperatorem ultro confugiat, cuius purpura etiam non petentibus adoranda præbetur? quis non corpus & animam nouo auctoramento religiosissime addicat? Istic tuis auspicijs, teque tuos præbente Diuos aduersus inertiam atque barbariem strenue rem geremus; Interim ex disciplina Cæsari nostro Victori, & Augusto Septimontii sedem, sacraque humani generis, summamque rerum auguramur, & damuari votis optamus. Vale.

Patauij Kal. Nouemb. M DC XXXIX.

F O R T V N A T O S C A C C O

Romam.

*Is dum opus de sanctorum consecratione molitur
lethali morbo correptus panè oculis captus est.*

ITa ne dum ingentium animarum transcriptas sideribus colonias, & causas, & modos posterum memoriae prodīs, Cœlique album veluti dispungis, penè terris ereptus es, ipſique negotio propius adſtitutus? Tantum sperare dolorem latinæ Musæ potuerunt, Parce tantum nefas audere? Conſpectis nobis oneranda dies illa fuit, & addenda nefastis, quæ penè fuit quin ſuperis inuidiam faceremus. Sed audiuerē vota noſtra diui, quos tu operis maiestate æquasti, fatisque interceſſerunt, tantisper dum vitatas faſtorum paginas cenſeas, virtutiſque nomina deferas Cœli ærario, nec tam de mortalibus, vnde ſupplentur Indigetes, quam de Cœleſti-
bus

bus quorum lustrum agis, bene merearis. Sed salutem tu quidem non luci redditus es, adeo crudeles morbi eruditos oculos vexarunt, qui fere nihil unquam præter literas viderant. Ita dum Cœli arcana recludis, penè Tiresias factus es. Par Stesichori, ac Mæonij vatis casus, nisi quod tu de superis bene locutus es. Illud te magne Vir solatio afficiat, quòd demum id opus perfecisti, quo semel viso non ultra oculis opus sit. Vale. Patavij Non. Nouemb. MDCXXXIX.

IO: HVSSÆO GALLIARVM REGIS
ad Venetos Legato.

Cum primùm Natalium Christi hilaritas Musis iustitium indixit, nihil antiquius habui quàm à Musis ad Apollinem diuertere, teque magnum earum præsidem scripto venerari. Ut auderem publicis curis interstrepere effecit humanitas tua, qua nuper Gymnasium nostrum seposita maiestate subisti, tuumque illud venerabile os nobis ac Musis spectandum intulisti. Ingens ipse præter alia decora commendatione literarum, quas ab umbratili orio ad aulæ splendorem vocatas, summæ rei adhibuisti: sicuti earum cultoribus domi tuæ hospitium præbuiisti. Aucta in maius gloria, quod rarum est in tanta fortuna amare bonam mentem, ac penè singulare, ut cum Plinio tuo loquar, facere quæ scribantur, scribere quæ legantur. Vale.

Patavij VI I I. Kal. Ian. MDCXXXIX.

IOANNI NANONIO

D. Marci Procuratori.

Tua ingens, ac poenè diuina liberalitas, qua fortunas meas ultra vora, & vsque in inuidiam prouexisti, resque fractas atque accisas fato melior refouisti, non me modo, sed seculum exempli gloria tibi obstrinxit, eosque præcipue, qui

mitiora studia, ac literum amœnitatem sectantur. Diu est cum hæc literæ regnatrices quondam, & ad Reipubl. maiestatem adscitæ, silent, iacentque, quodque ingens opprobrium habetur, paupertate pressæ inuidiam seculo faciunt.

..... didicit iam dines auarus

Tantum admirari, tantum laudare disertos.

Immani iam pretio iurgia modo, atque iræ locantur, vel triste verborum ministerium peragitur, solaque Themidis, atque Asclepij arca Musas omnes fenerat, seque ac libros odit..... *nuda & facunda senectus*. Quod nisi tua ac collegarum largitas tanto auctoramento ad bene sperandum signum sustulisset, studia hæc nostra ad rubicines mitterent licebat. Me quidem magis iudicij tui grauitas, quàm honorarij amplitudo extulit, qui sapientis præconio facile montes aureos ante habeam. Vale Patauij Idib. Austusti MDCXL.

F R A N C I S C O B O L L A N O

Patricio Veneto.

Q Vid tibi placuit Bollane generosissime, festinatis honoribus pudorem meum onerare, & quod paucorum cineres habent, imaginarium funus viuenti, ac videnti destinare? effigiem meam postulas, quasi posteritatis intersit, vt illius ora noscantur, qui nullo negotio sibi posteritatem demeruit, & de quo, quis fuerit, posteritas quæsitura sit. Nihil prouidam se dulcitatem tuam latere potest. Me in angulo procul ab ambitu, & maioris fortunæ strepitu delitescentem, Musis, quæ in abdito operantem deprehendis, extrahis, per hominum ora traducere paras. Per te obscuris esse non licet: nouo homini imaginis ius, bellorum experti, triumphalia insignia decernis. Sed

.. *de Cælo descendit γῶδι σταυρόν.*

Quis, quantulusve sim, non ab alijs docendus sum. Quare parem fortunæ vitam institui, votumque semper fuit obscurum

rum xuo defungi, omnibus parum, mihi satis notum. Proinde de largire tu hos honores maioribus mei, qui nempe publicando ingenio fatigatis prælis, non tam libris, quàm nominis gloria Orbem repleuerunt. Ego pro effigie affectus sincerissimi cultum, nec fucatam coloribus tabulam, sed me totum, ipsum inquam Archetypum humanitatis tuæ templo votiuū anathema appendo.

Si post fata venit gloria, non propero.

Vale Patauij à die xxvi. Augusti. M DC XL.

ANGELO EQVITI CONTARENO

Oratori Veneto.

TE summis Imperij Veneti Orbisque Christiani negotijs implicitum, paremque interpellare religio esset, nisi singularis illa tua facilitas, qua ignotos quoque ad tui venerationem prolicis, mihi non vno in negotio perspecta ad ipsum sacrationum curarum penetrabile aditum patefaceret. Triennium est, ex quo isthic mihi aliquot scriptores Theologorum censura notatos legendi facultas concessa est. Id nunc mihi ius denuo sanciri, ac renouari studiorum meorum immo & ipsius Gymnasij intererit, cum multa ingeniorum monumenta prauis sensus, aut pudoris suspecta, sine indulto euoluere religio sit. Quod si auctoritate tua id impetrauero, tu, quæ tua laus singularis est nunquam de literis bene mereri cessabis, ego ad tua innumerabilia in me merita, quod fieri non posse videbatur maximum hoc tuo facto cumulum accessisse profitebor. Vale.

Patauij vi. Ianuarij M DC XLi.

GAUDENTIO PAGANINO

In Pisano Gymnasio Rhetori,

NOminis tui fama strenue Orbem peruagata me quoque in tui admirationem cultumque rapuerat, vt tacitus tibi, ac præclaris ingenij monumentis plauderem. Nouum nunc meritum trahit me, tibiq; arctius obstringit, cum prior officio certasti Musarumque tuarum fastigium demittere huc, meque tot laudibus onerare placuit. Colo te Vir clarissime, & si concedis impenſe amo, mutuumque fieri cupio, Te ſcilicet ad decus vadentem longe ſequor, tua veſtigia non tam premo, quam ſuſpicio: Piſis, Italiæ, mihiq; gratulor. Tu plenus adores laudum largus ijs etiam immerentes cumulas, talemque concinnaſ me qualis amore tuo dignus videatur. Quare in te obſeruando nemini mortalium concedam. Tu interim fama tui fruere, fruere Cl. Soncino, quem ſi animæ dimidium meæ dixerim, nec fallam, nec fallar. Vale
Patauij Nonis Ian. MDCXLI.

ANGELO EQVITI CONTARENO.

D. M. Procuratori.

QVod Soli diuinus Vates adſcribit, vt longe operantem appellet, id de te merito vſurpari poteſt. Nam qui præſens non Gymnaſium modo Patauinum, ſed quotquot literarum albo cenſentur ornaſti, ac locupletaſti, etiam longe amotus beneficam illam vim longe operantem exerceſ, nec literarum modò frigus diſcutiſ, ſed deciduavi Muſarum arua fœcundas. Verum tua in publicam ac literariâ rem merita alijs exequentur, ipſe nouo tibi munere obſtriſtus in eloquentiæ profeſſione nunquam magis infantiam meam erubui, quam quod deeſſe mihi verba ad perſoluendas grates intellexi. Nil enim tibi præter verba largiri poteſt vmbriticus

braticus doctor, trepidus ad lucem, Solemque, qui postquā Rhetorum myrothecia excussit, nihil difficilius experitur, quam magno beneficio paria verba inuenire. Quare non ego tua tempora morabor, sed te Solem non longè modo operantem, verum & omnia contuentem venerabor, qui ipsas animorum latebras mentisque recessus introspicis. Ita sincere affectus cultus magis quam verba oblectabunt. Sic quam primum maternam Delon reuisas, & Academiam Patauinam idest templum tuum Musarumque Delubrum serenes, nosque tandem votorum reos facias. Vale.

Patauij vii. Kal. Febr. M DC LI.

FRANCISCO BOLLANO

Patricio Veneto.

E O mihi præcipue nomine e morosa magis, quam graui valetudine grata salus accidit, quod cultui tuo reliquos dies impendere fata permiserint, quem magnum literarum momentum, ac literatorum spem fortuna producit, ac fouet. Cur enim Aesculapio gallum deberem, quidque me sospitatum lætarer hoc seculi languore, quo bonæ literæ diu in morbo cubant, & ad fatalem metam redactæ ferè complorantur? Hæc earum cultores tædio lucis afficiunt, hæc vitæ saturant, hæc senio, ac diuidiæ sunt. Quis nolit literis commori pereuntibus, & magno fato inclarescere? Quotus quisque nunc laborantibus assidet, alloquio leuat, vel tralaticia humanitate respicit? Nam recentes Aesculapij, qui tabe confectis, ac pœnè animam agentibus colorem ac sanguinem inducere tentant, ac pallentia in ipsa morte ora purpurisso obducunt, næ illi mangones egregij sunt, non medici. Tu contra, & non pauci isthic salutares manus admonitis, & doctissimis vigilijs Aesculapio, ac parenti Apollini non semel incubatis. Hæc nobis simul spiritum redonant indignandum, ac fugitantem, hæc studiorum spes large sustentant,

pro-

prorſuſque efficiunt, ne lucem perofi eodem cum Muſis fatò contabefcamus. Viue tu modo, ac Vale.

Patauij Nonis Maij. M DC XLI.

*FRANCISCO VITELLIO PONTIFICIO
ad Venetos Legato.*

VBi primum animus conquieuit, & curis ſtrepentibus ſolutus eſt, nihil antiquius habui, quam te ſcripto adire, & grates perſoluere, quantas humanus concipere animus poſſit. Te enim Vicarię Numinis maietaſtis ad Reges ac Principes Inter nuncium, ac veluti Deorum Taltybium Religionis terrarumque regimini admotum, principe ſemper familia editum, altitudine animi ac literis ad exemplum inſtructum, ignoti quoque prædicant, patrociniũ depoſcunt, tibi que innotuiſſe grande rerum pretium putant. Quid ego, quem tu non ea modo fronte excepisti, qua mærentium quoque mentes ſolaris, ſed in penetrabilia protinus induxiſti, hoc eſt in Muſæum tuum venerandæ antiquitatis ſacrarium? Vbi neſcio quid magis admiratus ſim: Romanam, Græcamq; hiftoriam auro, argento, ære per ſacros vultus, & pares æternitati literas ſignatam, faſtorum paginas, viuaſque Conſulũ effigies, non interrupta ſeculorum ſerie nummis expreſſas, Imperatorum populum, anguſta Ceſarum ora, iniuria vetuſtatis nuſquam victa, tot ingeniorum, atque artificum miracula: an vero tantam in te horum omnium peritiã, vt & ſuis loculis diſpoſita crude ſerues, oculosque dignoſcendi ad ſuetudine exercitos, totque ac tam diſpares formas, veluti vnius familiæ capita cognita habeas, de omnibus accuratè diſputes, ſenſus abditos occulraſque notas explices, & quoddam veluti Imperatorum luſtrum peragas. Tunc ego mihi, ac ſeculo gratulatus ſum, quod literas, meque reſpexeris; quodque hæc ſtudia producas ac foueas, quæ vt principum opes requirunt, ita nunc plebæia ingenia recentibus nummis mancipata

cipata vix aspectu dignantur. Pro quæis ingentibus meritis, quid aliud tibi precer, quàm quod publica expectatio dudum concepit, etiam ante illud vnde ad rerum fastigiũ proximis gradus est. Vale Reip. christianæ, & literarum causa.
Patauij VI II. Augusti M DC XLI.

MILANO BENICIO CYDONIORVM

Episcopo designato.

TE sospitem Vrbi redditum gaudeo, aucta multum claritudine, qua isthic per ingenij dexteritatem, vitæ splendorem literasque interiores ante præcellebas. Ita mens mihi animusque exultat, quoties sibi proponit effusam in occursum aulam, amplexus, oscula, teque inter gratantes, ac venerantes diuidendis affectibus imparem. Nunc te Roma tenet sedes Deũ Imperijque, votorum summa. Tu isthic in luce Orbis, in humani generis conuentu, in oculis dominorum, in ore omnium, & cum magna de te mortales expectent, maiora concipiunt. Nos hic municipali otio consenescimus, & nisi quantum studia interpellant etiam contabescimus ea videndo, quæ nisi philosophico stomacho concoquere possumus. Sed gratus est hic languor, non planè iners, & tristium aspectum mitissimis cogitationibus in vltimam antiquitatem iactis leuamus. Lenimus etiam reditus tui spe, & memoriã lætorum quæis æstus iniuriã, vel vasta in Vrbe, vel in suburbano tuo, qua Medoacus Venetis prætorij cinctus, inflatior currit. O noctes cænæque Deũ. Sed quando tot bonis carendum mihi est, malim te Romuli, quam louis municipem esse, & flaminem Quirinalem potius, quam Dialem: vel saltem inter nos magnum pelagus non intercipi, ne vota ipsa, precesque proterui Noti secum ferant. Sed hoc curæ erit Deo, quique Dei vicem fungitur. Non sinet ille latinum decus Graia tellure, licet Tonantis natalium, ac tumuli conscia abscondi, sed vel istas violas vere sacro patriæ in spem purpureæ

pure ætatis commodabit, vel Vaticanis rosetis mutabit. Si-
voueo. Tu Vale, & præstantissimum Homodæum saluere plu-
rimum iube. Patauij IIII. Nonas Ianuarij MDCXLI.

FRANCISCO CLAUDINO

in Bononiensi Gymnasio Professori.

Vigesimus annus est, & quod excurrit, ex quo Iulius Cæ-
sar parens tuus magnus sapientiæ Antistes ad superos
recessit. Et acerbus adhuc luctus est, non tibi modo qui
cum re virtutem quoque legauit ex asse, sed cunctis, quicum-
que amant bonam mentem, & fortiori doctrinæ nomen de-
derunt. Ille quidem nil præter nervos ac cutem morti con-
cessit, victurisque monumentis Libitinam vitauit. Ingens
patriæ, ac familiæ decus ingens tui solatium, cui quod vnū,
& pulcherrimum habebat imaginem sui reliquit. Sed ne
ptenum, ac solidum hoc solatium etiam eruditis contingat
illud obstat, quod tanto postquam ille lucem reliquit, non
omnes magni ingenij foetus lucem viderunt; Et cum tu iusta
parenti per solueris, atque omnia præstiteris, quæ supremi
in defunctum officij sunt: quum tumuli superuacuos hono-
res, ac marmor statueris vetustati cessurum, postquam intra
ipsum marmor mortales exuias breue tempus confecerit:
postremum illud, idque maximum debes, vt vindices ab ob-
liuione memoriam, nomenque patris aduersus æui impo-
rentiam extendas, reliqua magnæ mentis opera vulgando, &
excitando illa veluti e plutei fascijs, ac Bibliothecæ sepul-
chro, fortasse cum tineis luctantia. Quid cunctaris, spesque
litterarum tandiu vel irritas, vel fatigas? Stant contra re-
studiosorum vota cruciata tot annis, stat pietas quæ veluti
flagitator molestus non ante dimittet quàm soluas. Ma-
gnum præcipue opus expostulatur, quod ille Empiricam ra-
tionalem inscripsit, si illud nondum extremam manum rece-
pit, vel sic placere potest, vel tu illam imponere, vel nemo,

&

& adhuc parentis bonâ exigimus : Quid tu de tuo post de-
beas videto . An tu quoque hæredis manus expectaturus
es ? Parens te moneat vt properes . Interim hoc nomen
expunge, & paternam fidem cum tuâ libera, ne abditis domi
thesauris solus incubare dicaris, qui melius proferantur. Sic
parentis Manibus, sic Reip. literariæ, sic pietati consultum
ibis. Vale, & me ama. Patauij à die XX. Octob. M DC XLII.

FRANCISCO CARDINALI

Barberino .

Cum tot sustintas, ac tanta negotia solus .

Cumque tibi Maximus omnis æui Rector, innixus hume-
ris tuis se atque orbem sustentet, intempestiue ne di-
cam impie facere videtur, qui te ab humani generis custo-
dia vel tantisper abducit. Sed tua sublimitas omnium ca-
pax quæ Cœlo continentur, vigorque igneus cunctis par
est, ne te vnquam ab institutis studijs deflexit cura terra-
rum. Itaque in tanto rerum molimine excogitasti quo mô-
do patrum non exciperes tantum, sed eundem mortalium
vatumque summum proxime referres. Et postquam consi-
lijs, magnisque operibus Orbem fatigasti, non aliud tibi la-
borum leuamen, curarumque solatium est, quam Bibliotheca,
quæ Phariæ, ac Palatinæ æmula à te publica res facta
est, tuis ac patrui æternum victuris monumentis aucta. Huc
ex cunctis gentibus decora ingenia foetus suos tanquam in
coloniam transferunt, vnumque certamen ac votum est, vt
innotescant tibi, atque in hoc literarium sacrarium admit-
tantur. Vt non desperandus mihi quoque fuerit aliquis ist-
hic angulus, in quo tenuis ingenii conatus delitesceret, &
si non Coloniz, saltem Asyli ius pateret. Id ego opus, ne
quis peregrinitatis arcefferet, Romana in toga, & reliquo
Quiritiū tuorum cultu produxi, vtque aliqua commendatio
esset

effet vestram dibapham, ac Pontificum trabeas, radiantisque muricis fulgorem executus sum. Sic puto illud facilius dominæ Urbis fastidia laturum, & si non osculis, saltem non sago exceptum iri. Alias maius opus molienti tu felix præfensque eris, & formandi, condendique res huius æui materiam dabis, & exemplum. Vale Pat. xv. Ian. M. DC. LXII.

SERENISSIMO LEOPOLDO MEDICEO

Etruriæ Principi

Non nouum est aut recens, literarum bonæque mentis cultores foetus suos Mediceæ domus penetralibus sacrare, & nulli vnquam interclusam maiestatem ingenij opibus venerabundos adire. Ex quo enim maiores tui, quàm patriæ, tam literarum parentes, errantibus Musis in illa Vrbe delubra fixerunt, quæ ipsius Italiæ Italia est, nemo literis censetur, qui vobis literarum præstitibus, vel saliente mica, vel sparsa digitulis thure non faciat, nec minus litet, quam qui Hecatombas vouit. Quare non temere ipse, aut impudenter facturus videor, si ad hæc sacra nomen afferam meum, meque inter cultores tuos admitti religiose postulem. Nam etsi non tam Imperij, quam ingenij fascibus submoueas, huc tamen crebro descendis, nec potes studiosos non fouere, quod te studiorum præfides Deæ in ipsa adyta admiserint. Non dubito ergo quin hanc de veterum habitu, cultuque exercitationem placido lumine excepturus sis, maiorum tuorum palmas ac trabeas inspecturus, & quæcumque demum ex Etruriæ tua olim in partem Romanæ maiestatis cum reliquis Imperij insignibus vocata sunt. Nos interim plaudente Orbe testabimur

Inter victrices hederam tibi serpere lauros.

Vale Patavij xxvi. Ianuarij M DC LXII.

IULIO CARDINALI

Roma.

Purpuratorum Eminentissime. Laurigeros penates tuos natus proxima foetura liber subiturus, ab ipso limine precatur ea fronte excipi, qua supplicum alloquijs vacas, vel post totos dies seueræ Mineræ donatos, ad studiorum amœnitatem deflectis. Sic enim quod te adire ausus est imputabit tibi, qui nec extremæ quidem sortis mortales ab aspectu tuo tristes amittis, quique non tam innocentia, & altitudine sapientiæ, quàm interioribus literis, & literatorum favore humanū genus in te circumegisti, non alio modo quam si cœlo demissus fores. Fuere quoque & aliæ mihi priuatæ audendi causæ, quod communis patriæ sacramento obstrictus sim, nec nihil existimarim, eodem solo editum esse, per quod infantia tua reptauit, idem cœlum hausisse, quod tibi primos halitus inspirauit. Ergo non aliud quàm vota faciam, tibi que fastigium illud precabor, quo te tua virtus, & gentilitate nominis fatale præsagium vocat, vt aliquando humanum genus voti compotem reddas. Tunc positis armis secula mitescent, suis artibus literisque honos constabit, Orbisque discordijs fessus, redeunte obsequio bona fide Romam adorabit. Vale Patauij VII. Febr. MDCXLII.

CASSIANO ABBATI PVTEO.

Quantum tibi erudita vetustas debeat, quam strenuus fugientium literarum assertor sis, quo tibi beneficio retroacta secula obstringas, cum veterum Quiritium memoriam euanescentem, atque ingentium ruinarum ruderibus consepultam quotidie excitas, & ex nummorum ærugine, trunco statuarum populo, magnis parietinarum sepulchretis eruis, Romamque Romæ restituis, & loquuntur omnes,

Dd

&

& illud declarat, quod nemo vnus hæc ſacra attingit, qui à te Præſide ſuppetias lucemque non expoſcat, & per te induci in ipſa adyta non poſtulet. Quo quidem in negotio, quæ tua benignitas eſt, eruditorum vota anteuertere ſoles, atque ex iſdem vetuſtatis theſauris non pauca communicare, vnde illi operibus fidem ac commendationem petant. Ita cum ipſe Romanum veſtitum, rerum dominam togam, ac reliquum principis populi cultum, peculiari opere complexus eſſem, tu illico plura ex iſdem cymelijs tranſmiſiſti, quibus hoc opus, cuius non exigua pars exhaurienda reſtat, illuſtrarem. Pro quibus meritis quid tibi aliud quam eandem perpetuo mentem optem, idem de literis, atque humano genere bene merendi ſtadium. Habes opus ipſum religioſe te adiuturum, habes animum ad omnia paratiſſimum, vtroque vttere, & me tui obſeruantiffimum perpetuo fove, ac Vale.

Patauij xii. Martij m d c xlii.

P A G A N I N O G A V D E N T I O

Piſas.

EN tandem monitis tuis obtemperaui, vt aliquid publicarem. Vtinam non inuita Minerua, & citra obtrectationem. Noui ſeculi mores: ſed antiquum & verus eſt creſcentiſſimæ obſtare, & vel ſemina intra glebas elidere, vel herbeſcentem ſpem præfocare. Tuum erit, qui vt id auderem impulſiſti, patrocinium commodare, & iniuriam defendere. Quod ſi hæc qualiacumque non diſplicuiſſe tibi intellexero, recte collocatos labores credam. Tu rem literariam ſtrenue cura, & præſtantiffimum Io. Baptiſtam Soncinum ſaluere plurimum iube, ac Vale. Pat. Cal. Maij m d c xlii.

PETRO SAGREDO
IOANNI GRIMANO
BERTVCCIO VALERIO
Gymnasij Moderatoribus.

Alexander Sincliticus, magnum Academiæ vestræ ac literarum ornamentum, hodie ad superos excessit, Musisque & omnibus nobis tristissimum sui desiderium reliquit. Eius interitu Bibliotheca S. C. publica res facta præside ac custode orbata est, cuius Bibliothecæ cura prima institutione illi destinata est, qui literas politiores in Gymnasio vestro profiteretur. Ita Felix Ofius primus Bibliothecarius dictus est, Artis Oratoriæ primus interpret. Verum ingruente mox pestilentia, quæ non vulgi modo stragem dedit, sed etiam in ipsa scientiarum capita sæuissimè debacchata est, extincto Ofio, cum nemo vnus esset qui in Academia Rhetoris locum expleret, Bibliothecæ cura Sinclitico demandata est. Eo nunc humanis rebus exempto, ne muneri meo mihi que deessem, statui qualemcumque operam meam fidemque ac diligentiam vobis polliceri. Quominus præsens id à vobis exposcerem, pertinax valetudo intercessit, cum quâ tertium mensem luctor, quæ licet paulisper remiserit, profutendi labores proxime renouandi pedem Academia efferre vetant. Iactare vobis operam meam, immodicum & illicitum. id vnum indicasse intererit me per viginti fere annos in Mediolanensi Bibliotheca versatum esse, ac penè educatū, hincque & librorum, & linguarum cognitionem nonnullam accessisse, quæ omnia publico vsui futura sperare audeo. Fortunet vos Deus, remque publicam in meliorem statum conuertat. Patavij à die xv. Februarij MDCXLVI.

ALOYSIO QVIRINO.
Venetias.

Postquam Alexander Sincliticus fatis concessit, destinatum mihi erat isthuc contendere, ut coram ab Amplissimis Moderatoribus Bibliothecæ Præfecturam postularem, quæ Sinclitici morte vacua facta erat. Sed & diuturni morbi languor, & reuertentes publice profitendi labores compulerunt me, ut preces scripto delegarem, teque nuncio, ac sequestro vterer, quem mihi semper propitium ac fauentem non sine rubore memini. Si te postulas meis suffragatorem peterem, iniuriam humanitati tuæ facere viderer, quæ tum secum præclare actum putat, cum materiam bene merendi sibi obiectam videt. Nosti Vir Clarissime, aliquam mihi ad hoc munus rite obeundum mediocritatem inesse, qui versandis Bibliothecæ Ambrosianæ codicibus penè consenui, cum præterea externis in linguis aliquid balbutire audeam. Nec ignoras præterea decretum S. C. ut Bibliothecæ cura demandaretur illi, qui politiores literas doceret. Ita Osius præfectus est primus, cumq; eo mortuo nullus Rhetor adesset, Sincliticus Dominici Molini prensatione in alienam possessionem inductus est. Ego meum, ac successorum negotiū agere credar, si ius meum modeste vindicauero. Tu de more faue, & si non laudator, at patronus accede. Tunc mihi gloriosum fuerit te vindice vel causa cecidisse.

Vale à die xv. Februarij M DC XLVI.

CÆSARI FERAMVSCÆ.
Vicetiam.

Magni patruī tui interitu quantum literæ detrimentū fecerint, quantum interior sapientia, quantum patria, quantum æterna Respublica, omnes intelligunt, ego præ-

præcipuè tui causa vehementer angor. Video enim familiæ tuæ lumen longè clarissimum extinctum, Urbis istius columnen fatorum inuidia prorutum, tibi ac tuis perpetuum luctū obiectum. Superuacuum igitur existimo solemnia leniendo dolori aduocare, quæ facile tibi prudentia tua suppeditarit, & incassum admouentur, cum non iactanter dolemus. Reuocanda tibi potius ad firmitudinem mens, memoria operū, & consiliorum, quibus ille ut veteres Hieronicæ etiam patriam suam coronauit. Ingens tibi incitamentum ad decus illud absoluendum, cuius fundamenta eodem auspice, & auctore iam dudum posuisti. Ne putes periisse tibi Scipionem, qui ingenii monumentis obliuionem vitabit, nomenque vestrum extendet, quacumque suis literis honos constat. Mens eius cælo recepta soletur te, & per vestigia virtutum vadentem ibi sistat, quo maiores tui semper adspirant. Ego interim Apotheosim cogitabo, & cum te Patauio reddideris, Gymnasiumque tua voce spoliatum recreaueris, te intimis sensibus amplexatus usque dissuauabor. Vale, & me ama. Patauij ix. Kal. Martij M DC XLVI.

PAGANINO GAUDENTIO, & IO: BAPTISTAE
SONCINO. *Pisas.*

VTinam valerem, nec tantis terrarum spatijs disjungerer, non vos soli conuiuia sumptuosiora de die agitaretis, nec sine me vetulo vino edentulo ætatem irrigantes inter volitantes meracas portiones solemne illud usurparetis: Bene te, bene me, bene nostram etiam Stephanium. Infelix ego dum vos ætatulam oblectatis, & festa luce indulgetis genio affixus lectulo pituitæ stillicidio vexatus, capitisque dolore perpetuo tortore excruciat, clamo beatos mortuos, & dum vos natalem colitis, denicales ferias mihi resido. Pro malorum complemento Bellerophontis morbus accedit, & cum penè nullus hic sit, quicum ridere aut

indignari familiarius possim, solus oberro. Ipse meum cor edens, hominum vestigia vitans. Deos veneror, Paganine præstantissime, vt quam mihi pro humanitate tua ineunte anno felicitatem auguraris, tibi cumulate rependant, teque rei literariæ bono diutissime conseruent. Tuque Soncine animæ dimidium meæ, mortalium bono viue ac vale, quorum salus capite tuo nititur. Mihi diuidiæ ac senio est, quod vtroque vestrum carendum tamdiu. Quare vel me istuc euocate, vel huc expectati venite, tum aut ego aspectu vestro longe iucundissimo exhilarabor, aut vos mihi extremis metis ad-moto lessum facietis. Valete iterum, & saluete dulcissima capita. Patauij v. Men. Martij M DC XLVI.

IOANNI BAPTISTAE DONIO V. C.

Florentiam.

NOVum mihi magis accidit quam mirum, te tantum virum eruditionis ac sapientiæ gloria clarissimum officio literarum certasse priorem. Nam qui ingenij atque eruditionis laude Italos omnes anteires, exteros prouocares, reliquum erat, vt humanitatis gloria cunctos mortales præcelleres. Ego te quidem antea tacita admiratione venerabar, quod non patriæ modo decus, quæ semper summorum virorum altrix fuit egregie sustentares, sed literas hinc euanescentes Italiæ terræ assereres. Plaudebam ingenio tuo scriptisque, nec semel cum Cl. Scioppio de singulari tua eruditione sermonem habui. Nunc te veluti adire propius & in ipsa humanitatis penetralia induci contigit. Pro quo quid aliud quam memorem animum & recenti beneficio ambitione gaudentem promittam?

Quod tenues meos in re Vestitaria exponenda conatus probas, est quod me circumspiciam. Quis enim viri laudatissimi præconio non efferatur? Sed nimirum aduersa valetudo, quæ me iam quartum annum exagitat, ne opus ad calcem

cem perducam inuidet. Arcem scilicet humani corporis oppugnat, & in ipsa mentis Regia reliquos artus acerbissime torquet. Accedit rheuma periculosum, in quo expugnando omnes vires Medici necquicquam consumpsere. Euentu plane infelici. Nam dum sudatorio excoquere humorem putarunt; ita epatis calorem auxerunt, ut ebullientis sanguinis ardore perpetuisque vigilijs contabescam.

Libellum tuum de veteri Musica nondum recepi, licet flagrantissime concupiscam. Exple igitur cupiditatem meam. Ego interim omni ope adnitar, ne te poeniteat quod me ad familiaritatis tuæ sacra prouocaueris. Vale eximium Italiæ decus, & fugientes Musas porro sistere perge.

Patauij die xv. Augusti M DC XLVI I I.

CAROLO STEPHANO LITTÆ.

Mediolanum.

MEliori omine quàm valetudine annum inchoanti mihi nihil auspicius literis tuis accidere poterat: quæ si non membris saltem animo ægritudinem omnem absterferunt. Nam tot iam annis corpore inualido, & cum morborum grege colluctante animus ipse in morbo cubat fractusque ac languens ex putri, ac fatifcente domicilio porro migrare parat, nec metuit. Illud præcipuè ægritudini, ac senio est, quod te suauissimo atque optimo amicorum carendum est, qui si adesses, facile reuocares ad firmitudinem animi, essesque mihi grande vitæ pretium, si ob te vnum vitam ipsam amarem. Quod abunde literis tuis præstitisti, quas tuam vicem non semel osculatus sum. Atque utinam partim tempestatis inclementia, partim publici labores paterentur, ut te cum patria reuiferem, non mihi Regiæ Nupte magnos Reges daturæ, non Aulæ florentis, non effusæ in gratulationem Urbis, quam tuus aspectus iucundior esset. Vni enim nostræ ad suburbanum tuum ambulationi, conui-

Dd 4

Qui

Qui vni, dulcibusque fabulis facile Reges omnes ac Cæsares donauerim. Sed Dijs aliter videtur. Quare vale, & viue nostri memor, viue literis ac patriæ.

Patauij incunte An. MDC XLIX.

VANO ROSENCRANZIO NOBILISSIMO DANO. *Romam.*

TE longe atque eruditæ peregrinationi finem imposuisti. Te impense gaudeo, tuisque istis literariis laboribus, magno vsui atq; ornamento tibi olim futuris, effusissima gratulatione faueo. Quæ tua fuerit in eruenda ab ipsis parietinibus, atque sepulchris antiquitate, inque perlustrandis, & adorandis Romanæ maiestatis vestigiis voluptas, satis intelligo, qui tuam eximiam indolem, ac singulare harum rerum studium probe noui, eaque causa intimis sensibus gestio.

Te etiam in conquirendis veteribus nummis, nec segnem, neque incuriosum fuisse mihi persuadeo, ac nobili permutatione exhausta crumena, Musarum loculos vetusta moneta repleuisse. Maeste animo Iuuenis Nobilissime patriæ, ac reip. præsidium, curis grauioribus oblectamentum, senectuti viaticum, ac vindemiolas tibi comparare perge. Interim aspectu Urbis frui, & ijs propter quæ Vrbs visitur capacem animum imple, & honesta gaudia fatis properantibus rapere. Iam te iussa parentis prement, iam patriæ tui desiderium ferre non poterit. Penates breui repetes, fructumque Italici secessus omnibus etiam supra vota approbabis. Ego ubicumque terrarum fueris, iucundissima tuæ humanitatis, ac virtutis commemoratione ægram mentem permulcebo, tibi que summa quæque augurabor. Vale & me vt facis ama.

CHRI-

CHRISTOPHORO VAGHENSILIO V. C.

Amburgum.

A Duerfa valetudo, quæ me penè ad extrema deduxit, etsi nouem Mensium spatio corpus, atque animum acerbissimis cruciatibus vexarit, ac torserit, nihil tamen durius in se habere visa est, quam quod imperioso medicorum interdicto abdicare studia coactus sum, ipsumque cum amicis literarum commercium, quo humanitas constat, veluti eiurare. Vt penè cum flagitio diuturnum silentium mihi excusandum sit. Nunc mitescente hiemis, qua nullam sæuiorem vnquam expertus sum, inclementia, & si dubia adhuc salute, cum primum licuit, desueta, ac prope oblita studia resumere, nihil antiquius habui, quam cultissimis tuis aliquid reponere, & familiaritatis nostræ sacra recolare. Ita enim affectus tui sincerissimi, & singularis eruditionis memoria animo meo hæret infixæ, vt ne suprema quidem dies eam deletura sit. Pro quibus officiis ingentes tibi gratias ago, & vt subinde me rerum tuarum quocumque te contuleris, certiores facias, enixe precor.

Horribilem libellum videre nondum contigit: interim argumentum, & consilium væcors, detestor, atque hanc ingeniorum pestem, & ferali Enyo classicum ad res humanas, diuinasque perturbandas execror, & triumphanti de hac furia magno Bœclero effuse plaudo. Illustrissimum Comitem tuum omni cultu, ac veneratione prosequor, teque in primis literariæ reip. bono, ac Germaniæ ornamento diu incolumen opto. Vale vir doctissime.

Eidem.

N Olim desidia, aut officii obliuione factum putes V. C. quod alteris iam tuis compellor, cum nondum priorum

rum nomen expunxerim. Id partim incommoda valetudine, quæ est protrita defensio, partim redeuntis anni literariis occupationibus factum est, etsi postremæ tuæ nonnisi post mensem mihi redditæ sunt. Puto quæ tua humanitas est, te frontem ad hoc nuntium exporrecurum, mihi tantum virum superfuisse ex diutino morbo, vt quod penè desperaueram, intermissos docendi labores resumere poruerim, & cum Musis in gratiam redire. Scilicet Dei virtute, contumax egri-tudinis tenor, flecti paulatim, ac remitti cœpit, licet suspec-ta fides sit, & induciæ magis, quam pax.

Venio ad primas tuas, & tuum illum vere Germanum cā-dorem exosculor, nec parem me vnquam referendæ gratiæ fore profiteor, nec in tui cultu atque admiratione cuiquam mortalium concessurum. De Arnol'do gaudio efferor. Quis enim ab tanto viro amari, & haud minimi fieri, non inter ma-xima numeret? Vtinam veterem officinam ingredi possem, coactiliariam, scilicet, & sutrinam, vt capiti, pedibusq; Qui-ritium tegumenta aptans, viri doctissimi suffragium ferrem; sed aliis rebus præuertendum est.

Ceterum triste Germaniæ fatum vna tecum ingemisco, & quem exitum tam fœda tempestas habitura sit, non sine horrore, mecum ipse reuoluo, & quæ timoris natura est, de-teriora reformido. Quoties iam penè infamem cunctatio-nem, & tardissima consilia repeto, mentesque torpore de-fixas tacitis conuiciis onero. Sed vrunt domestica mala, & rebus afflictis hinc externi bellj turbo impendet, inde Tur-cica rabies Illyrico minitatur. Sed Dii meliora.

De Iliaca tabula, & Ciceronis libris de rep. si me amas certiora perscribe. Nimium Romana propago visa potens, si Germanorum beneficio opus, argumento, non tantum au-ctore nobilissimum recipere posset. Apud nos non thesau-ri, sed carbones eruti sunt: à quibus manum abstinere satius duxi, quod impune, & sine labe tractari non possint. Et tamē reperti sunt hic, & in Vrbe tam obæsa nare, vt eos nobis pro

carbunculis obtrudere conarentur, & pannuceam, ne centonibus quidem dignam, Probianæ purpuræ asserere audent, non leui nota Italico nomini inusta. Cum ad vos improba merx delata fuerit, puto fore ut frontem feriat. Tu vale, & hæc foueæ inspira.

FRANCISCO SPARAVERO.

Veronam.

Perfida mala reddita mihi sunt.

*Qualia perpetuus Phœacum Autumnus habebas
Credere quæ possis surrepta sororibus Afri.*

Pro quibus gratias agerem, nisi anniuersaria hæc largitio, tam pudorem meum oneraret, quam referendi facultatem adimeret. Ut olim è Perside in nostrum Orbem translata nativum virus mitibus succis mutarunt, ita apud vos conficta, cœli solique ingenio, beato sapore, secundis procerum mensis super omnia palati blandimenta expetuntur.

Sed dulciores literæ tuæ fuerunt; & ut illa languentem stomachum, hæc nauseantem animum excitarunt. Et si enim in dies meliuscule habeo, nondum tamen confirmata valetudo est, tam pertinax morbi vis, me penè ad extrema deduxit. Ceterum sapidiore, generosioresque fructus, à te, non ipse modo, sed docti omnes expectant, neque improbe flagitant ingenii tui monumenta, quæque tu in isto pingui, altoque secessu diu meditatus es. Noli per fidem tuam literatorum vota torquere, sed patere, ut qualis quantusque, præsentis noscant, venturi admirentur. Interim Sanctii Mineruam cum Scioppii additionibus accipe, opus quod plus in recessu utilitatis habet, quam fronte præferat. Nam de utriusque fama, & præstantia vel tu iudicare potes, vel nullus. Vale, & me ama.

Eidem. Veronam.

Cum omnia de te læta undique, & ad votum fluentia nuntiarentur, pro mea vetere obseruantia incredibili voluptate afficiebar. Scilicet te demum, vt par erat temp. capeffiuiffe, ac summa Urbis lætitia atque omnium ordinum gratulatione, in Collegium cooptatum, ex vmbra in Solem prodiiffe, & subactum disciplinis ingenium, rebus agendis commodasse, ac ne tibi soli natus viderẽ, patriæ ciuem præstare, lege marita fulcire penates, quique tandiu libris, etiã liberis dare operam cœpisse. Votis impense faucebam, & tacita gratulatione tibi hæc omnia superos fortunare præcabar.

Sed nihil est ab omni parte beatum. Tot bonis fortuna inuidit, atque ex transuerso incurrens, parentis tui Viri Cl. morte, totam domum funestauit, tædas maritales, atris facibus, nœnia hymenæum, rogo thalamum, summa imis vertit: amicos, & necessarios, meque imprimis luctu, ac mœro-ri confecit. Nisi ego te probe, pectusque tuum generoso honesto incoctum nossẽ: ad trita, & decantata doloris lenimenta conuerterer, quibus abstergi vulgo mœstitia solet. Stare suam cuique diem: inexorabile factorum imperium, furdas parcarum colos, & cetera, quibus plebeïæ mentes ad sanitatem reuocantur.

Hæc solatia imbecillis, & ignauo torpore languentibus admoueantur. Constantiæ tuæ iniuria fuerit, molli manu vulnus pertractasse. Hoc experimento tentandus fueras, hicque vnus fortioris disciplinæ fructus, non succubuisse fortunæ, sed stetisse impavidum, ac velut de genu pugnasse. Philosophemur ergo, idest mortem meditemur, & contemnamus. Ex Musarum complexu, solatia tibi petenda sunt. Nobis merentibus ingens leuamen erit, si te non vltra æquũ dolori indulgisse intelligemus. Vale.

Ei-

Eidem.

Eructicanō secessu Vrbi me redditum cultissimæ tuæ literæ exceperunt: nec minus nitore, atque acumine, quam Regii apparatus descriptione, quo Augusta noua nupta, in Cæsareum thalamum deducta est, perbearunt. Erant quidem oculi mei amœnissimo Vicentinorum Collium aspectu recreati, quos tam baccata lyæo iuga, quam veterum magnificentiæ decertantia ciuium Prætoria nobilitant. Ibi quindecim dies opimo aucupio, & vt cum Pindaro loquar, uuæ bullientis rore spumantibus pateris, sed præcipuè Propertianorum carminum dulcedine, iucundissime exegi.

Cum reuerso, noua species obiicitur, ac recenti pabulo lumina reficit. Quæ tu penicillo magis, quam calamo, viuo lineamentorum ductu, ita expressisti, vt rebus ipsi interesse viderer: totumque spectaculum oculis perfrui. Quanquā ista tenere me magis possunt, quam capere: reputantem incerta rerum, & inania fastus humani ludibria, & clausa pagina euanescebat totius scenæ choragium. Audire ista malo, quam ad ea, vel in proximo visenda limine pedem efferre. Non tetrica rerum humanarum contemptione, & stoico supercilio: sed tædio rerum, & satietate, atque impendentis fati reputatione.

Tu igitur fortiter, & ex disciplina facis, qui ista literatæ quietis amore contemnere potes: paratus, tot agminum circumstrepentium fremitum, auro picturatis vestibibus culta mancipia, in ætates, & colores distincta pædagogia, magnū luxuriæ certamen, quod censum turbat, nepotationem, & ganeam, irritas aulæ spes, & pestifera gaudia, ac mundi famulantis coacta officia, vni ambulatiunculæ, aut eruditæ commentationi donare. Me altissimo otio experrectum, tertio supra trigésimum inchoante anno veteri ludo redditum, nouæ curæ, nouique labores reuocant, fessum, anhelū,
&

& veluti in cliuo ilia ducentem : supremam diem, non expectantem modo, sed optantem: quæ tot stipendiis emeritum è statione dimittat, vitæque semper exercitæ, ac laboriosæ clausulam imponat. Tu interim Vale, & me ama.

C A R O L O P O N A E.

Veronam.

FEci rem cum tuis virtutibus, tum meo studio congruentem, ut quæ proximè laudi mihi fuerunt, clam te esse non paterer. Fore enim, ut mea & literarum causa impense gauderes, certa fides erat. Tu enim, & parens V. C. qui tibi humanitatem cum ceteris virtutibus reliquit ex asse, semper secundis rebus meis lætati estis : & esse adhuc studiis pretium, & quæ priuatim iacent, dignationem apud Reges obtinere, nullius magis interest, quam qui sic literas colit, ut earum commendatione, in magno apud omnes pretio versetur.

Ceterum quod in laudes meas effunderis, antiquum obtimes, maiusque affectui tuo, quam pudori meo obsequi. Sed sicut à laudato viro laudari, ut cum Symmacho loquar, rara est messis ingenii, ita abste peto, ut tibi peruaideas, & frontem mihi imbecillam esse, & malle à te amari, quam laudibus ferri : etsi hæc amoris intemperantia sit. Tu porro perge, non ægris modo corporibus salutem, sed animis immortalitatem largiri, & utroque beneficio Apollinem tuum æmulare, quodque ceteris quotidie præstas, cura ut valeas.

P E T R O B A S A D O N N Æ D. M A R C I

Procuratori. Venetias.

VIr Amplissime. Nihil mihi debes nisi veniam, quod ingentia tua in publicam rem, ac literariam merita, quibus Orbem obstupescisti, prophano ore in antecessum, ac

ve-

vēluti promissidē, delibare ausus sum. Sed in censu ingeniorum, quēis Veneta maiestas, vltra anni solisque vias porrecta est, cum prætermisisse, inexpressibile facinus fuisset, quo se Venetum nomen ambitiose circumspicit, quoque sospite duraturas in Italia literas, non spes modo, sed voti fiducia est. Ceterum sat mihi superque fuisset, si à publicis curis, atque eruditis vigiliis flectere huc aspectum illum dignatus esses, quo literæ, ac disciplinæ beantur. Sed non ingratum accidisse tibi, hoc quaecumque venerationis specimen, id vero argumentum est, quo deos hominesque vinco. Inde spes mihi largior, atque audacia consurgit, ut ad aram clementiæ tuæ procumbens, eam deinceps professæ pietatis donis cumulem, cui minutas thuris glebas latenter, ac furda manu numeravi. Tu hinc assuesce vocari, meque votis damnatum fove, actuerē. Vale.

DANIELI IVSTINIANO

Bergomi Episcopo.

NOn hic mihi primus in te fidei, ac venerationis dies. Sed ex quo has oras attingi, genium tuum habere propitium, aut optavi, aut merui. Satis gnarus, si tibi innotuissē, me ceteris non obscurum fore. Inde tu beneficiis, ego obsequio certavi, nominisque tui fulgorem scriptis meis inspersi, mihiq̃ue inter cultores tuos adnumerari, eximia dignatio fuit.

Abduxit te postmodum à publicis curis sacrorum procuratio, teque à nobis longius seiunxit, neque tamen à studiis deflexit, quorum commendatione pietas tua illustrior, te iuvenem, in ista sublimi Pergamorum specula locavit, ut nō Orobiis modo tuis, sed populis, ac gentibus, innocentia morumque sanctitate, ita præluceres, ut ad celsius culmen tibi viam superi aperiant, mortales votis damnari exoptent.

Ego interim sacris silentium adhibui, nec ante preces ad-
mouī,

moui, quam Rēgiæ munificentia specimen, repræsentandi tibi occasio affulsit: non ingratus tibi futurum arbitratus, si animi tui in res meas propensionem, grauissimo maximi Regis iudicio, confirmari videres. Hoc ego Cræsi diuitijs antepono, & omnium fundos, ac prata contemno. Scis enim me non auri, sed veræ laudis avarum semper fuisse. Alioquin Veneta munificentia, quamlibet audas spes explere potuisset, quæ nimia etiam amicis visa est.

Ergo opum tuarum non ego cupidus, quæ licet amplæ apud te, extra te tamen sunt. Sed ingenii tui gazas, sed Musæ farum ærarium, sed diuites studiorum tuorum census appetito, iisque locupletari, ac beari præopto.

Ceterum non minus tibi gratum fore puto, si intelligas me superum virtute, commodiore iam valetudine uti, nec pro deposito, ac deplorato haberi: non mihi succidaneum de quolibet grege quæri: non funebres ludos viuenti parari: non verus Catonis exemplum reuocari, qui seruos verulos, atque inualidos, voci præconis, minime Romano animo subiiciebat.

Vitæ reliquum antequam fata dispungant, totum tibi additum erit, qui initia, progressus, atque incrementa, incredibili humanitate fouisti. Faxit modo ille superum regnator, & hominum, ut istæ tuæ violæ vere sacro purpurascant. Tu enim non tam Sidonia trabea, quam benefaciendo mortalibus magnos Reges æmulaberis. Ego votis minime avarus, te semper magis, quam fortunam tuam venerabor. Vale sacrorum, ac literarum Antistes summe.

VALERIO CHIMENTELLO,
in Gymnasio Pisano Rhetori Clarissimo.

NOminis tui celebritas, magna que in rem literariam merita, impulerunt me, ut literas à Gallia amebes eruditus oculis tuis sisterem: easque tibi acceptas fuisse, id vero gau-

gaudeo, & triumpho: etsi iudicium proluxa humanitate vincatur. Tu illico area mutans aureis, insignem de Bissellio commentarium rependisti: quem licet serò redditum, & per id tempus, quo publice docendi munere distinebar, cursim delibavi, resumpturus in manus, cum feriis Natalitiis res in Gymnasio fuerint prolatae.

In ipso gustu, ac veluti promulsade, reconditas literas, profundam eruditionem, sed acre in primis iudicium admiratus sum: simul ætati nostræ, nostræque Italiæ gratulatus, à qua pedem hæ literæ sublati sarcinis ad externos commigrarunt. Bonum factum, quod Mediceorum cura postliminium cogitant, à quibus olim sedem isthic, & domicilium fixere. Tu strenue eas Italo Cœlo asserere, atque ad vetus contubernium reuoca. Ceterum quæ mea sit de toto opere sententia, tunc proferam, cum illud, à calce ad metas percurrero. Vellem tamen nobiliore argumento, tale ingenium, atque eruditionem exercuisses. Vt ut sit, non tu bisellii, sed primæ curulis, in qua ciuica literaria sit, honore dignus es. Ego etsi solocem tunicam meam, lato clauo illuminaueris, in bisellio fautor, utroque tuum laudabo pollice ludum. Vale, & doctissimos Datum, & Redium à me plurima salute imperti.

IO: BAPTISTAE BECIO

Monacho Cassinensi.

Pater optime. Anagrammata tua non sine voluptate perlegi. Nam licet plus habeant dignitatis in recessu, quam fronte præferant, labor tamen vix credibilis in oculos incurrit, teq; in leui opificio, operosissime ludentem reddit admirabilem. Quippe ingeniosus artifex, & literarum formator literatissimus, dum nigellas Cadmi filias, furuæ sepiæ ductibus fingis, ac refingis, variisque modis inflexas cōtorques, & implicas, nexasque resoluis, hinc inde transfers, nouaque sensa nominibus daturas, in aliam sedem migrare

Ee

iubes

iubes non inuitas, admirando opere procerum laudes concinnas, eximiam tibi laudem sine æmulo comparas. Me quoque principibus permixtum Achiuis, non sine rubore cognoui, dum quæ tua humanitas est, aureas notas, ex rudi ferro procudis. Itaque te mihi parcius commendandum sentio, ne laudem scœnerasse videaris. Quocumque modo nomen meum, vocum arbiter, singas, & inuertas, constanter sonabit ac referet.

*Tui observantissimum
Octavianum Ferrarium.*

MARTINO FOGHELIO.

Amburgum.

CUm singularis humanitas tua, multis, ac magnis officiis mihi perspecta, & cognita: tum minime vulgaris eruditio, ita animum meum, cum apud nos degeres, ceperunt, ut nulla temporis diuturnitas, aut locorum interuallum, tui memoriam sint deletura. Quæ res impulit me, ut dissertationem de Lucernis sepulchralibus, tumultuaria opera conscriptam, milleque lituris interstinctam, ex ipsis Aduersariorum schediis tibi communicarem, quod à me nullus antea potuit impetrare. Fretus scilicet candore tuo, ac mihi persuadens, fruiturum te in sinu, qualicumque labore, neque eius copiam cuique mortalium facturum. Quippe cui nondum extrema manus accessisset, multaque ad incudem reuocanda, non pauca atroci stylo fodienda, mutanda, transferenda: cui denique ipsa dies, quo curæ hominum meliores sunt, plurima additura esset, aut demptura, ut tandem cum aliis lucubrationibus publici iuris facta, superbæ auris fastidium ferre posset. Scis enim aliud esse, rudi, atque otiosæ iuuentuti verba facere, aliud morosam lectorum censuram subire, seculo præsertim erudito, auribusque subactis. Quare ne mihi quæso succenseas, si in hoc tibi morem gerere nequeo,

in

in quo existimationis meæ, veluti capitis summa vertitur. Teque rogo, atque obsecro per amicitiaæ sacra, ne cui eam despondeas, sed crudam, viroque immaturam, claustris, & fera cohibeas. Verum quoniam virum mihi amicissimum eius desiderio teneri scribis: si is est, vt opinor, Amplissimus Capellanus, cui me vsu, & mancipio additum profiteor, spòdeo fore, vt breui eruditissimis eius oculis subiiciatur, ipsiq; propria dicetur. Librorum, quos indicas nullus mihi cognitus, vel auditus est, quasi in Lybiæ desertis, non in Vrbe studiorum matre degamus. Vale & me vt facis ama.

IO: COLBERTIO SACRARVM

Largitionum Comiti. Lutetiam.

QUod te sequestro, & auspice, Rex Optimus Maximus, aspectum illum, quo non Galliaæ modo, sed cuncta terrarum refouentur, huc flectere, ac tantæ maiestatis radiis peregrinum hominem perfundere dignatus sit, gaudii magnitudine fatiscens, fortunam meam non satis capio; ac veluti dulcissimo somnio circumamictus, vix mihi credo, vix tibi, cui summus æui regnator, res suas omnes credit.

Quippe ab eo, cui pacatus Orbis se totum debet, ac deuouet; cui paternus fulgor, atque auitum sydus, minima pars claritudinis est, qua intra iuventam, præradiat. Ab eo inquam, qui tam vasti Imperii mole, torque regnorum curis districtus, humano generi fata dispensat, in angulo Musis operantem non ignorari, rarum in primis, & magnificum. Si eadem Superis æqua potestas, cui Oriens, atque Occidens fasces submittit, serena templa supplici recludat, seque religiose adiri, atque adorari permittat, summa votorum, atque inuidiosa felicitas.

Sed vltro compellari, vltro in spem clementiaæ adduci, & inusitatis Regia munificentiaæ exemplis prouocari, atque obrui, supra omne votum est: & cum spem ipsam pene impro-

Ec 2

bam

bam reddat, id tamen totum tui muneris est, qui mihi sceptrum, Iouemque concilias, non magnorum post bella gigantum, ægide, manuque corusca terribilem, sed placida maiestate, ac vultu, quo Cœlum, tempestatesque serenat.

Tuam ergo fidem, Heros inclyte, appello, ut me trepidum, ac beato fulgore præstrictum, non contra tueri, non hiscere audentem confirmes, Regiisque vestigiis aduolutum, rite vota concipere permittas, ac veluti sacramentum præceas, quo legitime auctoratus, corpus, & animam Regum maximo addicam, Deos, hominesque testatus, fide, ac pietate in Dominum, me nulli mortalium concessurum.

Tuo ductu, atque afflatu, laureatos tripodes mouere, ac meditatum carmen inferre puluinaribus audebo, & Gallicis oloribus Regias laudes modulantibus interstrepere. Nam Regis Parens, atque Avus, duo fulmina belli, mihi iis libris dicti sunt, quibus res huius æui composui. Nondum tamen adytis successi, nondum sacris manus admolitus sum. Nunc te tuos præbente Diuos, ad id quod summum est proxime accingar, atque in vno vota omnia coniungam.

Hæc timidè apud te, summe Virorum, de te autem aliàs, cum Deo, si non fastidis Italum hominem inter cultores admittere. Rarum seculi decus, in quod Cœli istius pars grauior incumbit; qui sacrarum largitionum Comes, ea fide, ac diligentia sanctius ærarium, ac regni Cimelia, belli, pacisque neruos, rerum summam dispensas, ac temperas, ut quantum luxui, ac prodigo nepotatu detrahitur, tantum ingeniis, Musisque fouendis, inusitato exemplo, erogetur; neque unquam exercendæ munificentiae instrumenta, vel profusissimo desint; Rex quæ Evergetes, perpetuo mortalibus benefacere, tantundem velit, & possit.

Sed quanto tu ad sacros census attentior, tanto generosius nobiliorem gazam, Musarum Quæstor, priuatis opibus instruis, & clarissimorum ingeniorum monumenta vndique contrahendo, Bibliothecam publicam rem facis, tot
secul-

seculorum memoria dignus, quotquot ibi immortales animæ, beneficio tuo loquuntur. Vale.

Patauī IV. Cal. Maii MDC LXVI.

IOANNI CAPELLANO REGIS

Consiliario. Lutetiam.

QUum singulari, ac propè diuina Regis maximi, & clementissimi munificentia, nihil mihi in vita optatius, atque honorificentius accidere potuerit; cumque hoc donū, non præmium, amplissimo testimonio cumulatū sit, cuius ego honestamentum, vel regiis muneribus antepono, me nulli mortalium, plusquam tibi debere intelligo, cui totum hoc, quo ne maius quidem à Superis expectari potest, acceptum fero. Cuius felicitatis æstimatione mens hebet, torpetque, quod tantus Vir, amplissima dignitate præditus, sapientiæ studijs, & carminum gloria inter primos æui, non modo tenuitatem meam respexeris, sed inexpectato gaudio perfunderis, & bonus quidam Genius, veluti astrum temperans, ea præstiteris absenti, ut si officia, non animum, ac voluntatem remetiāmur, moriturus sim ingratus.

Nam quoties triennium illud retracto, quo in me tuendo, atque ornando beatissima suffragatione, pertinax tuus fauor excubauit, rubore suffundor; & cum me totum excussi, eo loco positum intelligo, quo magnitudine æris alieni obruti, illud sola nominis professione redimunt.

Postquam igitur diu frontem perficui, ad nouum hoc, & beneficū sidus oculos vertens, cunctanter, & trepidè regias laudes, prophano ore concipere, & si non publicæ expectationi, saltem pietati satisfacere, in animū induxi. Quamuis enim monumenta, quibus res huius æui posteris trado, Rex incomparabilis rerum gestarum maiestate impleturus sit, atque ab Henrici Magni extremis labor noster auspicijs, exacto per longas moras Diui parentis regno, Principis,

Ee 3 om.

omnium Scriptorum ingenia defatigaturi, rudimentis hæsus, ibique desiturus, vnde ille incipit: quia tamen spissum opus est, & lenti moliminis, fert animus pauca carptim delibare, atque in antecessum dare, & attonitæ venerationis cultui proludere.

Tu Delicè mentem inspira, tu ad Sacrarium digitum intende, præcipua quæque delibans, in quibus olim Historia se exerceat, ac summa regiae laudationis fastigia transmittet. Erant quidem alia in manibus, vt libri Electorum, qui prope extremam manum receperunt; Origines linguæ Italicæ, quarum editionem id vnum moratur, quod idem argumentum ab viro Clarissimo isthic pertractari intelligo; Notæ in Pliniū, quarum tamen vix tertia pars peracta est. Sed post habitis omnibus, huic negotio præuertendum est; ita tamen, vt nullam occasionem amplissimi nominis tui, atque ingentis humanitatis celebrandæ prætermisuri simus, cuius nutu, atque instinctu impellimur, supra quam valemus, sed infra quam cupimus, ad eum efferendum, qui aut abs te vno digne laudari potest, aut à nullo. Vale Vir, quantum est hominum in terris spectatissime. Patauij xv. Cal. Maij MDC LXVI.

ANTONIO BESQVIO.

Lutetiam.

SI, quales à te mihi nuper redditæ sunt, interdum epistolæ commearent, verborum parcæ, auri profusæ, melius vtique literarum studijs, melius ingenijs cōsultum esset; hac præcipue, quæ nunc seculum tenet, parsimonia, qua restrictior in dies, atque ad rem attentior procerum quorundam animus, tantum admirari, tantum laudare disertos nouit, verbaque verbis rependere; nec multum illi solliciti, quid ad sexcentos annos de ipsis historiæ sint prædicaturæ.

Sed seculi pudorem Hercules vester absoluit, qui pacato Orbe, tam regia, ac militari facundia, quam aureis cœlestis lin-

linguæ nexibus, ac lentis vinculis deuinctos mortales trahit, & ab extremis terrarum finibus, in sui cultum attonitos rapit, atque, absit verbo inuidia, cum obscuris hominibus, soloque ingenio censis, immortalitatem negotiatur.

O igitur, non suaves modo, sed plane aureas literas tuas, non atramento, sed radiante metallo exaratas; nec tam salutis, & felicitatis nuncias, quam ministras, atque effectrices! quibus euangelia, quæ reddam nescio: nam aurum verbis mutari, tam insulsum est, quam verba auro expendi, Regium. Salue igitur, principalis munificentiae instrumentum, & portio; quæ quidem eo cumulator accedit, quod per hæc, tanto Viro innotuisse, atque ab eo non laudari solum, sed etiam amari, instar thesauri duco. Perge tu ita scribere, ut omnes de Rege maximo loquantur, & scribant. Vale.

Patauij xv. Cal. Maii MDC LXVI.

IOANNI COLBERTIO SACRARVM

largitionum Comiti. Lutetiam.

HAbent hoc Reges magnificum & ingens, nulla quod rapiat dies, prodesse miseris, opemque poscentibus non abnuere. Sed Rex iste Regum, omnibus omnium gentium Regibus inusitatae claritatis fulgore tenebras obducturus; cui nihil hodie est simile, aut secundum, ad cuius aures priusquam ad Deos spes, vota que sua mortales conferunt, hoc habet diuinum, ut ne preces quidem expectet, nec se rogari sustineat, sed spes anteuertat, vota præcurrat, & ut sic dicam, ultro preseat, atque ambiat, in quos cœlestis munificentiae sinum effundat. Metuit ne diem perdat, aut aliquod sibi momentum, de humano genere benemerendi elabatur: munera muneribus auget, beneficia beneficiis cumulat, non offert bona, sed stupentibus ingerit, nec tam cum superis beneficentia contendit, quam cum hominum cupiditate decertat, utrum illi plus expetere, quam ipse di-

largiri possit, vt initium nouæ liberalitatis sit consummatio prioris, nec vnquam largiendo defatigetur, nisi cum cessauit.

Quæ quidem immortalis liberalitas, iam se domi non continet: sed tam vasti imperii limites transcendens, in alio Orbe quærit quibus Regem probet, atque vt Homericus Iupiter longe operatur. Nam qui sæuissimis bellis terra, mari, que compressis, pacem Orbi, vel inuito donauit, pacis opus, & fructum literas ac disciplinas, ab interitu vindicans, non reliquos modo Principes terrarum dominos, quos spectatores magis habet, quam æmulos, animi magnitudine vincit sed se ipsum.

Ego quidem humili fortunâ, musarum secreto abditus, non ita pridem, te duce atque auspice, in ora hominum productus, regiæque munificentiae exemplum Orbi ostentatus, tantæ felicitati impar, adhuc attonitus hærebam: nondum animum collegeram, nondum ruborem absterferam, nondum oculos beatissima luce præstrictos attollere audebam, quum nouo congiario locupletor, & nondum vertente anno iterata largitione obruor. Ita maximo, atque inopinato gaudio percussus, non vocem modo, sed penè mentem amisi. Præsens tamen Numen intelligo, eiusque instinctu afflatus, victricem dexteram, quæ res humanas temperat, procumbens adoro.

Accedit pretio rei inæstimabile momentum, Augustæ vocis literis tuis redditæ: quo nullum certius, sanctiusque Oraculum Delphica cortina vnquam habuit. Summo huius qui regnatori, maximis bellis feriato, id vero vnum cordi esse, eam dies, atque noctes versare curam, & coquere, vt constituto Musarum patrimonio, his auctoramentis excitentur ingenia ad excolendas literas, quæ nudæ atque inopes, totoque Orbe profuge, Diis, atque hominibus inuidiam faciunt.

Audiant hoc, quibus literarum cultores, despiciatissima seruientium pars habetur, quibusque supina posteritatis securitas,

curitas, & nouissima infamiae voluptas est. Sed alia est ista materia, & suo parata secreto. Ego hic tanto verbis parior, quanto ille factis profusior.

Et quisquam post hac, non agitabitur his stimulis, his facibus non exardescet, non omni studio contendet, non omnes animi, atque ingenii vires profunder, vt literarum statutori, ac fospitatori, non calamum modo, sed spiritum impendat, & vitam in opere ponat?

Quid ipse praestare possim non video, virium modicus, & ingenii, vulgi pars vltima nostri. Illud persancte polliceor, adniscurum me omni officio, ac potius pietate, ne tot beneficia ingrata habeam, atque irrita. Tu quidem Regium munus verborum honore prosequeris, currenti stimulos addis, neque tanto oneri imparem me fore iudicas. Quod ego iudicium muneri antepono. Dum iudicas, bonum reddis. Itaque minimo minus me tibi debere, quam Regi profiteor, qui vt immensum Regi deberem, effecisti. Quanquam ne id quidem debetur, quod persolui non potest. Ceteris mortalibus ita demum ratio constat, si datum & acceptum paria faciant. Regibus, quique Reges proxime contingunt, quemadmodum Diis, vna expensi pagina est, neque in creditum eunt, quibus sola largiendi gloria relicta est.

Ausus tamen ego sum, adeo frontem perfricui, pauxillum quid de ratiuncula subducere, & χρύσεια χαλκείων, aurea dona raudusculo rependere. Hoc est pro fluente metallo, aërea veterum numismata, atque adorandae rubiginis reliquias, custodes cinerum lichnos, erutas bustis faces, quondam vmbrae solatia, & id genus non totius assis friuola, & scruta Cimeliis tuis admetiri. Sed pretiosa sunt, quae templis inferuntur: & ipsa augusta Caesarum ora, sacri vultus, radiata capita, muneris tenuitatem excusabunt, apud eum, qui Regum opes animo equat, sicut Regum maximum obsequio, ac fide fulcit, consilii praestantia moderatur. Vale.

Patavii v. Cal. Aprilis MDC LXVI.

AN-

ANTONIO BLANCHIO PRIVATA-
RVM COMITI. Lutetiam.

T Ot tantaque Rex vester, extremus naturæ conatus, & reliquarum virtutum fulgore superis simillimus, literis, earumque cultoribus quotidie tribuit, vt mihi beatiore illi esse videantur, qui diuina penè eius liberalitate fruuntur, quam ipse, qui illis tam multa concedit. Ego quidem repetita largitione, superfluentibus bonis, vsque in inuidiam felix, Cœli conuexa tetigisse mihi videor, nec vltra superos laceſſo, altissimo eius iudicio beatus.

Sed Regio muneri, ingens à te dignatio accedit, qui Iouis interpres, ac fati melioris minister, non adytis responsa profers, sed de inexhaustæ munificentiae fonte bona mortalibus, quantacumque humana mens concipere potest, æmulus Heri, dispensas. Tu quidem priuatarum Comes, in ædificia, & Regias substructionum moles, sumptus suppeditas, quæ tandem situ putria tempus edax rerum, atque inuidiosa vetustas conficiet; sed ingeniorum monumenta, in quæ sacri census, tua diligentia, profusus erogantur, durabunt inuicta, ac largitoris nomen, in omne ævum sacrabunt. Nos ergo aureis codicillis tuis, non nisi vota rependimus, quæ rite suscepta, tu tantæ Maiestatis vestigiis obſignabis. Vt istud naturæ miraculum, diu mortales votorum damnet, diu rerum humanarum fastigium tueatur, diu demerendis ingeniis mentem, ac nutum præbeat, tu manum. Vale.

IO ANNI CAPELLANO.

Lutetiam.

Q Vinouis Augustæ generositatis incrementis ditatus, nec ingratus beneficiis, sed oppressus, Regum maximo, quique Regis maiestatem proxime refert, grates, si non per-

persolvere, saltē animo concipere ausus sum: quoties ad te, Fortunæ Obsequentis Antistitem, respexi, neque verba reperio, neque cogitatione assequi possum, quo pacto, non dico paria faciam, sed novum hoc nomen dispungam. Quique artem dicendi colo, tradoque, nunquam me infantiorē meminī, hārensque, ac defixus, vitra silentium imputo. Modica gaudia loquuntur, ingentia stupent.

Immo, vide hominis confidentiam, ne conturbare cogar, foroque cedere, ac vadimonium deferere, à te ingentium beneficiorum fœneratore, rescribere decreui, neque Deū, sed vnum te, Regi, & illi quem Rex, supra ceteros extulit, debitorem delegare. Tua prolixa humanitas, me in has angustias coniecit, atque ære mersum, prope ad columnam Mœniam impexit. Tu ergo labantem fidem sustine, ac fugientem ex Vrbe pudorem retrahē.

Sed quanta Regio muneri apud nos accessio facta sit, vel inde scias licet, quod tuas, & magni Colberti literas, legēre Veneti proceres non pauci, lectasque enixe commendarunt, sic ut mihi quoque ex illis, non levis commendatio accesserit. Nam et si Augusti patres, plus meritis semper tribuerint, his ærarij angustijs, inusitato honorario, tenues labores prosequuti: vili tamen sunt iudiciō de me suo fauere propensius, ac pluris aliquanto me facere, & sit venia dicto, sibi iam placere, quando illi non displiceam, cui placuisset, ipsorum Regum ambitus est.

Sed profusam Regis clementiam, ieiuna quorundam parsimonia, ac minuta diligentia reddit gratiorem. Quippe laudaui ego quendam Lamiarum de gente, eumque Pellæo Regi, tantum non antetuli. Verum ille magnus, à me præconijs ornatus, pusillo admodum animo egit; Nam cum illi laudatio oblata esset, legit eam non incuriose, lectamque laudauit, sed cum benefacere posset, maluit benedicere. Credo ne triparco illi senī Plautino absimilis foret, cuius verba meministi.

Nis

Nisi subuenisset coruos, perissem miser.

Nimis hercle ego illum coruum ad me veniat velim,

Qui indicium fecit, ut ego illi aliquid boni

Dicam: nam quod edit, tam diuim, quam perduim.

Sed ille me ad coruos, rectà: qui laudationem cruce remuneratus est. Quare liceat quæ paulo post sequuntur subiicere.

Pici, ditijs, qui aureos montis colunt

Ego solus supero, nam illos reges ceteros

Memorare nolo hominum mendicabula.

Ceterum vt amoto ioco binis tuis aliquid reponam: sedula cura tua, ac singulari industria, libros meos Transiberina merce obrutos, vbi fortasse melius latuissent, veluti è sepulchro erutos impense gaudeo, & summo virorum Colbertio acceptos fuisse, id vero triumpho. Eorum cum bina essent exemplaria, altera tibi destinata erant, vt laureatis penatibus tuis inducta, summum dignationis consequerentur.

Porro lucernas sepulchrales, sigilla, & id genus eruditæ antiquitatis reliquias, sed præcipuè veteres nummos selectioris notæ, ex paupere Musarum suppellectile delibatos, intra arculam conieci, eamque bene compactam, & cerato tegmine munitam tradidi P. Rochæ tabellariorum magistro, qui pollicitus est, daturum se operam, vt nulla interposita mora ad vos perferatur. Sed per genium tuum rogo, atque obtestor, vt audaciam meam, ne dicam temeritatem apud Colbertium excuses.

Quod ad Panegyricum attinet, cum non parum in eo progressus essem, manum de tabula tollere, ac veluti interiungere, coactus sum, dum publicæ docendi munere perfunctor, quod me sibi totum asserit, neque alia curare patitur. Quanquam non pauca aliæ occupationes, molestæ magis quam seriæ me quotidie exercent, ac distinent, molli scilicet fronte, nihil amicorum postulatis, vsque ad ineptias intempestiuus, negare audentem. Vbi proximis feriis res prolata

Latæ fuerint, & literarium forum refrixerit, hoc vnum agam, vt quæ affecta sunt, absoluam: neque me inde nisi re completa auelli patiar, ac vitam prius, quam opus deferam. Sed argumenti maiestate attonita mens trepidat, torpescit, & calamus, iamque plane animum despondissem, nisi me Regiæ clementiæ spes, & tua grauissima monita confirmarent.

Delychno nuper Romæ effosso nihil adhuc certi compertum habeo, vtrum inextinctus tot secula perennauerit, cum vix oculis meis in tanto miraculo crediturus sim. Cuius causam à me alias accipies. Sed viraginem tuam impatienter expecto, illi propitias auras, ventosque secundos precor. Tum ego Palladi Iouis vertice editæ sacra feram, & supplex aris honores imponam: legamque attonitus

Carmina quæ possunt oculos, auresque morari

Gallici Herculis Musagetæ. Vale mi sol, & me perpetuò foue.

Eidem. Lutetiam.

TEnues libelli, curta Musarum suppellex, quamuis euocati, ad vos cunctanter accedunt, ac veluti cœco carcere educi, ad Solis iubar caligant, ac subinde latebras circumspiciunt. In quo malui iussis tuis, quam pudori meo obsequi non sine spe fore, vt eos in Colbertij, cuius maximas ingenii vires, magna fortuna non onerat, Theatrum inducas, extrema cauea sessuros: nec Bibliothecam modo tuâ, sed pectus istud ingenio, atque humanitate plenum iisdem aperias. Non quidem vt oculis tuis, quibus nihil eruditius Gallia habet, se dignos putent: sed vt in turbam coniecti, capite censeantur. Id ego consecutus digito vt aiunt, supera conuexa tangam. Tuum erit apud Virum amplissimum audaciam deprecari, & in mea culpa ignosci tibi postulare. Duplicia exemplaria, vt vtrique vestrum deseruiant: nisi quod pars prima Prolusionum sola reperiri potuit: sed breuî vt spero recudetur. Scire velim, num idem vir summus, qui

con-

contrahendis magnorum ingeniorum monumentis, grandæ cellsumque animum, vltra commendationem omnium protulit, etiam veterum Numismatum studio teneatur. Alterum quod te oratum, atque exoratum cupio, niſi impudens poſtulatam videtur, vt Regis maximi effigiem, ſacros mihi vultus transmittas, vt ſereno aſpectu, non in ſingulos modo dies, cultus, ac veneratio augeſcat, ſed proximo aſſatu mēs trepida Numen concipiat, eoque incaleſcens, id inſtar reddere conetur, ad quod futuri Principes exigantur, ſimul vt veluti ſpeculi repercuſſu, imago tua venerabilis oculis meis perpetuo obuerſetur. Vale.

Eidem. Lutetiam.

NOn fatis exprimere poſſum, quantum me literæ tuæ beauerint, omnibus humanitatis, & eruditionis notis inſignes. Nec quod prius admiratus ſim: blandam, & mel- le dulciorem orationem, ſententiarum acumen, lepōres, ac veneres, & peſtus ſapientia plenum? Ain' vero te dum Regis maximi rerum geſtarum breuiarium conficis, aliquid Italica lingua effutire conatum? ego vero ſic cenſeo, omnia tam pure ac nitide perſcripta eſſe, vt te in media Etruria natum iurare poſſim, tuamque vt appellas balbutiem, diſertiffimæ orationi antepono. Et quod de Cæſaris commentariis Tullius pronunciauit, eſſe diſſertationem tuam, vt oportuit nudiuſculam, & rem fortasſe gratam faciurum te illis, qui volunt eam calamis ſtris inurere, certe ſanos homines à ſcribendo detertere. Neque vero Auguſtam imaginem delineando rudicolore telas imbuisti, ſed cuncta tam apte, tam concinne, & feliciter formaſti, vt hanc Apellis Venerem, nemo perficere auſit. Regia plane oratio eſt, de Rege incomparabili, atque vt iſte Alexander *κατανοφόρος ἀνιχνος* eſt, ſic imago quam dediſti, *ἀμίμτος*. Quid ergo mihi reliquum eſt, niſi vt verbis inuertam, & veſtigia tua, quæ pre-
mere

merè non possum timidè venerer.

Quæ de studiis meis adscribis acceptissima sunt: De Historiarum monumentis alias cum cura perscribam. Quod ad origines linguæ Italicæ attinet, vereor, vt tam breui, quam cuperem eas publici iuris facere possim. Sicut enim opus ad calcem perductum est, quod multi hîc & ciues & exteri viderunt: ea tamen est mole, vt describere pigeat, nec vacet, in tot morosis magis, quam magnis publicè profitendi, atque officiorum occupationibus. Cum præterea omnis festinatio sera futura sit, nam V. C. isthic qui in eodem argumento versatur, prima operis folia adhuc à prælo sudantia Florentiæ visa accepi. Quare occupari locum patienter feremus, & aut spicilegium meditabimur, aut idem spatium decurrere nulla inuidia fuerit.

De notis in Plinium vix vlla spes posse ad vmbilicum perducì. Nam ætas mala est, & in extremas metas præceps, morborumque cohors aurem vellit. In Regis laudatione ponere vitam votum est: neque vltra vita opus esse existimo.

Extremum de fragmento Hypobolimæo, quod postulas, insignitam mihi iniuriam faciunt, qui sibi persuadent, me illud pro genuino fœtu habere.

Non obtusa adeo gestamus pectora Pœni.

Genium tuum iratum habeam, nisi totus rubore perfundor, quoties cogito fuisse, qui hoc crederent, aut quasi in puerorum secula incidissent, id monstrum alere non dubitarent. Fœtum iratis Musis editum, nec Deus mensa, nec Dea dignata cubili est. Nec est tanti plura adiicere: forex indicio suo periit. Tu vale, & me ama.

E P I S T O L Æ

N V N C V P A T O R I Æ

Aliorum nomine scriptæ.

V R B A N O V I I I . P O N T . M A X .

Lucas Stella Episc. Patauinus Fel.



Ibi Pontificum, vatumque maximo Patauinae Musæ venerabundè procubuerunt, cum mihi noui Apicis decus gratulatæ sunt. Totum enim id tui muneris erat, tuis auspiciis, teque tuos præbente diuos fessis rebus subuentum fuerat. Tui muneris etiam est, quod spiro & placeo, vt cum Romano Pindaro loquar: si placeo, tuum est. Ita que ausus sum has clarorum virorum symbolas Barberinae domus sacrario proprias dicare, ac veluti in ipsum diuinitatis penetrale irrumpere. Nam licet in excelsa rerum humanarum fastigio positus, ingens vbique trepidanti occurreres, victurisque æternum carminibus profundo ore ruens, non tam Imperii quam ingenii fascibus submoueres, te tamen, posito terrarum moderatore supercilio, huc descendendum spes erat, quod eadem facilitate Orbis, ac Musarum regimen pertractes. Nec sine causa in gentilitijs Apibus tuis earum Regi natura aculeum ademit, solum reliquit nectar. Iis apibus vndique decerptos flores, vile pabulum, sed non ingratum afferimus: quandoquidem eadem sæpe rosâ lilijque transmissis, pallentibus violis florumque plebi adhærescunt. Præsentem quidem mercede, quod quibus infundere, mellis odorem inspirant, & breui contactu vim sui relinquunt. Flectas modo huc tu aspectum illum, quo cuncta serenas,

renas, ac cœlesti rore breue diei spoliū fœcundes. Tunc nemo vates Phœbum, ac Cyrrhæa secreta sollicitabit: te vnū pectore excipiet.

Tu satis ad dandas Romana in carmina vires.

Vale Patauij *vi. Cal. Nouemb. An. M DC XXXIX.*

B E N E D I C T O S I L V A T I C O

Franciscus Bolzetta Typographus S. D.

Herculis Saxonie victura seculis monumenta in Amplissimo nomine tuo publicam olim lucem aspexere, nunc recusa denuo, doctorum oculos subitura, ab eodem nomine sibi commendationem parauerunt. Quod enim aliud illustrius optare, frontique præfigere poterant, quam cuius fama strenuè orbem peruagata, cum plurima prædicauit, minor tamen vero est? Hac vitæ breuitate, quæ vix in lucem editos letho applicat, & natalibus funera coniungit, nulla penè dies est, qua salutem ægris mortalibus dando, angustas æui moras non extendas, & contra fatorum imperium depositos iam, ac conclamatos ab extrema meta reuoces; Quodque maius est, id alios doces, quod penè solus præstare potes. Itaque vt olim Epidaurum, sic ad te hodie vniuerso orbe concurritur, nemoque iam Aesculapio, aut Ioui, sed tibi incubat, vt saluti non per somnum reddatur. Exteri quoque Reges, ac Principes ad te preces flexerunt, quoties obsequij indociles morbi puluina scandentes, sceptris ac purpuræ non pepercerant, spemque Regni, ac populorum vota tuæ fidei commendarunt, quæ vsque in inuidiam felix fuit. Ne hîc interim ignobilia capita tangam, quorum censum quotidie Libitinâ auertis. Quæ non inde Europæ Academia, te amplissimis præmiis euocauit, decusque hoc magnum Imperio Veneto, Urbique nostræ non inuidit? At postquam tu Reip. Augustissimæ, ac patriæ priuata commoda antehabuiisti, Germani, Belgæ, Angli, Sarmatæ, ignotæ

Ff

quo.

quoque gentes Oceano, iugisq; Alpium seclusæ, hoc in Italia oraculum quæsiuere, frequentantque quotidie mirabili concursu, non secus ac olim ad popularem tuum Liuium visendum ab extremo orbe conuentum est. Adeo siue hanc artem seruandi homines doceas, siue exerceas, in utroque summus es, vbique admirandus, nusquam tui dissimilis. Nec ulli magis rei hanc Patauini Gymnasij florentissimam externæ iuventutis frequentiam, quam nominis tui celebritatē debemus, sicut innumeri mortales tibi spiritum debent, ac lucem. Sic te Diua potens Salus respiciat, quæ nos ope tua semper respexit, in quo patriæ huius, ac celeberrimæ Academiæ spes sitas, ac collocatas videmus. Vale, vt nos quoque valeamus. Patauij à die v. Septem. MDCXXXVII.

IOANNI DOMINICO SALÆ

Franciscus Bolzetta Typographus S. D.

SI quis ex Patauinæ nobilitatis flore optandus mihi fuit, cuius nomine operis huius vestibulum augustius redderem, is tu profecto eras, cuius maiores ante quingentesimum annum noti celebresque splendore, ac dignatione cum principibus certabant. Quorum magna pars Astrex, Antistites continuata diu potestate de fortunis ac capite ciuium cognouerunt: ex quæis Paganinum Baldi æqualem, & æmulum ætas illa suspexit. Alij castra secuti magnis legionibus imperitarunt. Non pauci ad aulæ genium facti, Principum negotijs immixti, paresque fuerunt: inter quos Paganinus alter, de quo Austriaci, ac Carrarienses diu ferro disceptauerant, togatus composuit, & recepta Taruifio, duas præterea Urbes à barbaris redēptas, Italo Principi redonauit. Quæ gens inde patriæ fastos toties impleuit, & per longas honorum paginas latius cucurrit? At tu Deorum beneficio diuersus à maiorum instituto, in altitudinem sapientiæ conditus, artem seruandorum hominum exercere maluisti. Quanto præclarius san-

Tanctiusque est mortales Orco eripere, quàm per longas ambages, foriq; tricas & iurgia miserorum fortunas vexare: aut Martis studio hominum laniena, fusoque cruore inclarescere, aut demum aulae lubrico nutantem per fraudes, ac superba fastidia magnæ fortunæ periculis caput obiectare. Maeste virtute: hoc argumento maiores tuos vicisti, superos æquasti. Quippe fatis non semel intercedis, manium iura rescindis, hacque turba languentium, ac funerum densitate, tantum non feretro mortales deripis. Sic remotæ quoque gentes ad te vota vertunt, quoties morbi aurem vellunt, & per ignota maria ad opem tui vimque præsentaneam accurrunt, atque ut sic dicam tibi prius quam cœlo preces delegant, poeneque genua incernant. Reges ipsi, ac Principes, mortis arbitrio terribiles, submittunt fasces tibi, quoties fatorum satelles virga fores pepulerit, maiusque Imperium pauere docuerit. Ita cum superis poenè ex æquo compositus, genus humanum tibi deuinxisti, vetera artis miracula renouando, quæ iratum fulmen eliciuisse creduntur, quodque maius est, artem ipsam propagando, eiusque arcana non inuidendo iuentuti, quæ florentissima ex toto Orbe, alioq; Sole ad te confluit, & stipata Gymnasio, ex ore tuo venerabili pèdès, re an oratione maior sis ambigit, utroque incomparabilem prædicat. Iamque nemo pro se aut liberis, sed pro capite tuo vota nuncupat: te incolumi sospites sese fore cuncti sciunt. In quo voto ipse desino, & Anatomicorū principem tibi Medicorum facile precipi, meque ipsum commendo. Vale publico bono.

Patauij à die xx. Octobris M DC XLI.

IO. BAPTISTÆ SONCINO. Pisas.

Dominicus Ricciardus Bibliopola. S. D.

Etsi perincommode accidit, ut florentissima isthæc Aca-
demia te nobis inuiderit, princepsque hoc Gymnasium
deliderium tui ægre admodum ferat: illud tamen solatio est,

ff 2 quod

quod non totus excefferis, sed meliorem tui partem reliqueris, rectè factorum memoriam. Recens adhuc animis omnium obuerfari, nec semel occurris, καλὸς τε, μέγας τε. Erudita voce tua adhuc aures personant : & siue Gymnasium cogitamus dignum, te ipso Theatrum, siue ægrorum vota, spesque raro delusas, quod amantibus accidit, recursat imago tua, & solatur moerentes. Subit recordatio, quanti ad te audiendū concursus fierent, quantos clamores excitares, quam flagrantibus nobilissimæ iuventutis studijs colereri, quæ non solum ab ore dicentis, sed arbitrio, ac pœnè nutu pendebar. Nam quoties pacato Musarum Regno tumultuatum erat, ac magno in populo exorta seditio, sæuiretque animis, præferuida iuuenta, non ignobile vulgus : tu vsu, atque inueterata prudentia magnus controuersiarum disceptator, ac iungendorum animorum artifex mirus, illico regens dictis animos, mulcensque pectora in antiquam concordiam redigebas. Ita silentium, & quies, quoties te conspexerant genere insignem, studiorum claritudine conspicuum, splendore, ac magnificèntia nemini secundum, præterea corpore ingentem, cito sermone, recto incessu, & inanium quoque specie apud iuventutem validum. Vbi ne male haberent homines tuumue cruorem haurirent prouideras, ex altera parte languentes, & affectos saluti reddebas, non tetricus, atque incomptus, & medicamentorum sæuitia, morbis ipsis tristior, sed virilibus mundicijs placidus, ac lenis, serenoque aspectu, quàm pharmacis malorum depulsor, ac bona fide salutaris. Sed hæc fuere. Carendum nobis ijs bonis est, quæ te Etruscæ potentia, Principique optimo ac præstantissimo mirifice commendarunt, quod raro euenit, sanis rebus, & incolumi valetudinem, Aulæ, cunctisque mortalibus gratiosum. Hæc nos utcumque feremus, donec aliter superis videatur. Interim denuo in lucem prodituro Gulielmi Harueij Operi Clarissimū nomen tuum in solatium adscribere placuit, quod opus abs te, cum hîc esses commendari memini. Tu boni consule,

Tule, & non in totum obliuiscere Patauini cœli. Nam quoties huc mentem feres, toties de singulari virtute tua, ac sapientia cogitabis. Vale etiam nostra causa.

Patauij die xx. Nouembris MDCXLII.

IOANNI VESLINGIO

Franciscus Bolzetta Bibliopola. S. D.

NOuam Francisci Plazoni V. C. editionem molienti mihi, ac de more illustre aliquod nomen, quod fronti præfigerem, circumspicienti. Tu illico occurrebas, non Artis modo huius, æuo nostro summus, sed interiori quoque eruditione, ac bonarum literarum cultu nemini secundus. Subibant animum ingentia tua in rem literariam merita, tot exhausti labores, consumptaque ætas inter experimenta. Quum veterum sapientiæ antistitum studium æmulatus post longas peregrinationes, ipsam Aegyptum, famosaque mœnia Lagi adisti, non tam noscendæ antiquitati, quàm vt herbarum omnium succos exprimeres, & ne qua lapidum, virgultorumque vis lateret. Ibi occultos Nili meatus, eruptionem, incrementa, & frugiferam eluvionem improbo labore scrutatus, immortalis mortuorum medicinæ, alijsque miraculis animi intendens, singulari studio in exoticas stirpes, atque ignotarum nostro cœlo arborum iniecta contemplatione, cōpleto demum Alpini beneficio, tibi posteritatem deuinxisti. Nec mora, quin tot opibus succinctum, linguarumque peritia impensè imbutum, Venetus Senatus in suo Athenæo Chirurgiæ, atque Anatomix præficeret, vt in florentissimo Orbis literarij Theatro, non tam huius artificij miraculo mortales obstupesceres, quàm Arti, origine sua, & nostrorum hominum torpore, barbariem excusanti, Latinx puritatis maiestatem circumfunderes: & horrido illo, sæuoque negotio, tantæ eruditæ orationis dulcedine captos animos afficeret, vt quantum oculi paterentur, tantum sibi placerent aures. Mox

Ff 3

veluti

veluti in ſolatium, vtque animus tantisper feralium atreſta-
tione auocaretur, S. C. Floræ, ac Pomonæ ſacris, hortorum-
que culturæ, hoc eſt ipſius naturæ parentis matronali mundo
ac delicijs præfectus es. Quò ſcilicet ingenij tui amœnitas
eiſdem varietatem prouocaret, cùm ſit tibi penè facilius
loqui, quam rerum naturæ pingere, præſertim, vt ait ille, in
magno gaudio fertilitatis tam variè ludenti. Itaque quor il-
la colores in pompam oſtentat, tot eloquentiæ tuæ floſculi
vernant, nulluſque non audet vivum germinantis ſoli per-
ſtroma, cum picturato orationis tuæ aulæo contendere. Et
cum ſe Ver aperuit, nemo iam Phæacum hortos, aut Hesper-
idum vireta quærit, ſed conſitas Muſarum manibus areolas,
vbi tu ſub platano, florentes telluris opes longa virga dedu-
cis, naturæ ambiguum beneficium, fatique instrumenta, exi-
guis radicibus, fibriſque demerſa extrahis, nec delicijs tan-
tum, ſed ſaluti mortalium præſpicias, qui toties ab extremis
vitæ metis ope tua reuocati, te Aſculapio æquarent, niſi
carminum dulcedine Apollinem crederent.

Sis felix, noſtrumque leues quicūque laborem.

Patauij die XIIII. Auguſti MDCXLIII.

IACOBŌ LINDENOVIO TOPARCHÆ

in Hundslund

Paulus Frambottus F.

Romanæ historiæ parens Panuinius, omne Quiritiū ævum
pari fide atque elegantiâ complexus, ludos Magnos,
& Circi ſtudia pæculiari opere exſecutus eſt: Carceres, agge-
rem, delphinas, vtrumque ſpatium metarum, ac graduum in-
gentia fragmenta, iacentium quoque obeliſcorum minas, Vr-
bis parietinis ſemiſepulta, ipſiſque ruinis priorem magnifi-
centiam in inuidiam teſtantiâ, improbo labore eruit, anniſ-
que magis, & obliuione, quàm ruderibus obruta excitauit,
luci

Luci reddidit, veteresque delicias, Vrbi, duas res olim anxie optanti, panem, ac Circenses bona fide restituit. Quadrigarum missus, flexus metarum, factionum colores, populi sponsonibus circa panni euentum certantis furorem, totamque illam, si arenæ immanitatē, scenæ impudicitiam spectes, magis excusabilem Circi insaniam, non sine voluptate oculis subiecit. Magnum opus, Onuphrijque ipsius eruditioni, ac diligentiae par. Sed illud nescio quo fato temporis inuidiam iterum incurrit, æreque, ac literis ducti Circenses mortalium incuria, bonarumque literarum neglectu dispersis, aut suppressis exemplaribus pari obliuione, tamquam ruinis recidiuo funere consepulti iacuerunt. Quare non exiguam me ab eruditis initurum gratiam speravi, si clarissimi ingenij monumenta denuo typis, vulgarem, ac veluti Panuinij beneficium perficerem, additis etiam in gratiam iuventutis pro ludorum corollario, doctorum virorum obseruationibus. Quem autem alium quā te Generosissime Lindenoui, qui ludis hisce mappam mitteret Prætorem optarem? Quem longa procerum series, sed præcipuè magni Henrici Rantzouij abauī nunquam interitura gloria, ingenij cultus, literarum amor minime vulgaris, linguarum peritia, viuus ac verè militaris spiritus Megalensi purpura dignum reddiderunt. Regis autem Danię potentissimi præsens fauor interiori ministerio admotum priuatis curis superuexit, Italiæ Reguli tantam indolem complexi in certamen coluere. In te igitur triumphali veste, cultuque lous ludis præidentem, spectatorum mentes, atque oculi obuersi sunt. Iam maiorum tuorum seriem tanquam prænunciam Circensium pompam, serculaue, & thensas libentes oculis vsurparunt. Quid aliud restat, quam vt signum mittas, admissumque spectaculis orbem voti compotem reddas? Neque te vetus factionum insania, turbæque cœtus miscantis furor perterreat. Viridis pannus partium tuarum erit, sed & vna Venetus fauebit, terræque ac maris factio reliquis discors in hoc conueniet, vt tibi Romanos ludos Ro-

mana magnificētia edentia, & tatis togis claraque voce Plaudat. Vale. Patauij à die XI I I. Iulij M DC XL I I.

VRBIS VERONENSIS DVVMVIRIS

Paulus Frambottus F.

Redit ad vos Onuphrius vester, simulque mortis postminio lucem reuifcit. Nam licet tot ingenij foetibus sibi superstes, nil præter cutem, ac nervos morti concesserat, nouissimo hoc partu aduersam Lucinam expertus, vitam simul dedit & perdidit, atque aliquid vltra mortem passus, penè totus periit. Nam Panuinio factorum inuidia intra iuventam raptò, in vltimo hoc foetu ferè iterum fortuna peccauit, qui lucis nondum patiens paterno funere abstractus fuisset, & cui genitor non riserat, eum nec Deus mensa, nec Dea cubili dignata esset: nisi vestra pietas tamquam de Semeles vtero recisum, adhucque rubentem, tolli, atque educari iussisset, adoptasset, ac tanti ciuis desiderium posthuma prole lenisset. Interim tamen quod de Eriçthæo poetæ prodiderunt, in occulto ali mandastis, ne immaturus, atque informis parentem dedeceret. Sic ille ipso lucis exordio damnatus tenebris, ac veluti in ortum reuolutus est, quasi sibi non patriæ genitus esset. Sed tam præcipitis consilij inuidiam literarius orbis deprecatus est, & quodcunque demum Panuinio genitum esset, publici iuris fieri, tantum non cōuicio extudit. Nec animo æquo tamdiu hoc depositum latere passura erat Roma, quæ Panuinij opera sepulchris, ac parietinis eruta, temporis iniurijs erepta, lustratisque fastis, atque omni æuo sub legibus misso, sibi, atque origini reddita, asserta in pristinum splendorem, & quo Latij falces non penetrarant, Panuinij calamo porrecta Imperij maiestate, eum parenti Romulo æquare non dubitat. Sed maximè omnium splendidissimæ istius Urbis intererat, ne id diutius in occulto esset, quo gentis Augusta primordia æquata superis origo, soli coelique certamen,

tamen, mistus Romano Gallicus sanguis, socia arma, tot belli pacisque miracula, donata Quiritibus ingenia, non decedens Tiberi Athesis, atque vno septem colles prouocans Verona, æternitati sacrata esset. Nec ultra dilata lux est, & de patriæ adytis arcanum hoc pignus productum. Ipse quoque in partem felicitatis vocatus sum, ut typis meis nascenti infanti obstetricarer, qui ut olim Dionysius, semel conceptus iterum natus est: nisi quod ille à matre cadens patri, hic à patre exceptus patriæ insertus est. Hanc Deum progeniem, Panuinij incrementum primis munusculis mihi propitiare studui, & redeunti in patriam crepundia obtuli, patriæ ipsius ære ductam imaginem, veteris Veronæ de tanto corpore membra, nondum iniuria vetustatis victa, tot incendijs, ac barbarorum rabie restantia, Romanæ maiestatis imitamenta, fortius quam Romanæ moles ætati oblectata. Nec dubito quin eo viso dicturi sitis.

Sic ille manus, sic ora ferebat.

Quiddam tamē addere, vel demere, fingere, aut refingere religio fuit: mangonium vero fucum adijcere, & tamquam ex pædagogio ephebum oblita facie producere, illiberale facinus visum est. Sat scio næuis quoque amatores rapi, & ipsam infantium balbutiem parentes exosculari; sanè Panuinius

Emendaturus, si licuisset erat.

Valete Patauij.

PAVLVS FRAMBOTTVS

Lectori Salutem.

Magno Fortunæ crimine factum est, ut Onuphrius Panuinius vir ad antiquitatis studium excitandum, omnisque veteris memoriæ notitiam reparandam natus, magnis editis operibus, in maximorum molimine, & apparatu extingueretur. Vix dici potest quanto id bonorum luctu, literarum

rum incommodo, sed præcipuè patriæ ipsius detrimento contigerit: non tam, quod ciuem, scriptoremque clarissimum amiserit, quam quòd tot laborum, ac vigiliarum, quas ille in patria exornanda exhausserat, solidum fructum, ac gaudium ferre non potuerit.

Onuphrius enim postquam fugientem rei Romanæ memoriam ex ruderibus, ac sepulcretis excitauit, ac repurgatis Fastis ad longè maximum ecclesiasticorum Annalium opus purpurato scriptori viam muniuit, post triumphos, ludosque Circenses è profundo vetustatis erutos, atque vt omnia vno verbo complectar, post Romam Romæ redditam velut in se recedens patriæ annales grandiozem, atque vberiozem senectuti materiam seposuit: immo senectuti minimum credulus, veluti cum fatis festinans iuuenis totus huc incubuit, vtque extremum laborem, & pietatis opus patriæ adprobaret, in ipso opere consumptus est.

Quod si maiores in luce moras fata dedissent, haud scio an alia Italicarum Urbium sicut vetustate originis, ita scriptoris gloria, ac diligentia cum Verona decertare posset. Sed intra quintum ac tricesimum annum mors atris alis oppressit, magnis ingenijs semper infesta, patiturque eadem pronas animas, atque inertes, seculi incommoda, ac dehonestamenta, ad extremos vsque humanæ vitæ terminos perdurare. Hoc tamen Panuinius mortis imperium deuicit, quod vita fugiente opus nihilominus confecit, licet perficere ac perpolire extremamque manum imponere properante fato vetitus sit. Diu tamen posthuma proles delituit, ac ferè parentem ipsum secuta esset, ni prouida Decurionum mens patriæ commodis excubans, grande hoc patriæ decus letho vindicasset. Nam cum nescio vnde thesaurus hic erutus esset, Decurionum decreto negotium datum est Marchioni Paulo Malespinæ, & Comiti M. Antonio Clodio, Urbis primoribus, vt publici iuris fieret. Ita duo priores libri editi sunt, & ab Alexandro Bescello Urbis Cancellario merito inscripti Comiti Vincentio Medi-

Mediceo, & Ioan. Spoluerino Equiti Duumviris, quorum ille eximia nobilitate, ac virtute iam satis concessit, hic superstes Urbem, ac seculum exornat, eloquentia, gratia, singulari in patriam pietate, opibus, ac principum hospitio summum in eadem patria locum iam diu adeptus. Additum Decreto est, ut ad veteres æneas tabulas Torelli Sarainæ suasu ab eximio pictore atque architecto Carottio delineatas, aliæ adderentur, quibus visendæ Urbis partes, ipsaque antiquitatis miracula exprimerentur. Dū hæc sedula principum cura ac civiū opera ad Urbis decus properantur, ex transverso pestilentia incurrit, qua typographica operæ disturbatæ, Becellus ipse, & tabularum sculptor abrepti sunt. Et quasi non satis infortuniorum esset, pestilentiam incendium excepit, quo Urbis ærarium conflagrauit, & in eo coelatæ tabulæ liquefactæ atque ad informe æs redactæ sunt.

Hicce quidem flammis Palladium ereptum est, sed veluti iterum tenebris, ac carceri mancipatum, nisi eximia virtus, & singularis in patriam pietas Cottij Archipresbyteri subuenisset. Qui sicuti Romanæ Cottia gentis nobilitate, literarū studio, probitate, ac vitæ splendore nemini secundus est, ita in opere hoc eruendo, atque difficultatibus, quæ editionem morarentur pertinaci studio exhauriendis, mortales omnes anteiuit. Nam ubi primum pestilentia vix remisit, subodoratus apud Alexandrum Frattam I. C. Panuinij Codicem post Becelli mortem seruari, ipsum Frattam impulit, ut eum publico ne inuideret. Ita ille tantum pignus patriæ concessit, simulque seruati ciuis eximiū decus promeritus est. Interim Cottius illud animo agitabat, ut hoc opus in Germania, aut Gallia typis vulgaretur, quasi in Italia satis apposite, atque eleganter excudi non posset, ex quo scilicet cum ipsis literis, literarum propagatrix ars typographica trans Alpes excessisset.

Id ubi intellexi summis precibus ab eodem, atque à Comite Clodio, penes quem futura erat huius editionis gloria,
con-

contendi, ut typis meis Panuinium publicari paterentur. Annuerunt illi qua sunt humanitate, codicemque transmiserunt ex autographo Panuinij descriptum, ipsum autographum missuri, nisi publico Decreto cautum fuisset, ne is vnquam efferri ex tabulario posset. Itaque & quod Panuinius perficere non potuit, & quod autographum consulere non licuit, multæ mendæ irrepsērunt, multa nobis cum excusatione præfanda sunt, cum in historia ipsa, tum in temporum ratione. Et mendas quidem ipsas importuniores facile viri doctissimi sustulere, quos super editione consului, ceterum reliqua grauiora non ausi sunt attingere, atque hanc Apellis Hele, nam perficere.

Dum autem æreæ tabulæ exciduntur, toti tres anni affluerunt, magno moræ pretio, dum vnusquisque certatim veteres Inscriptiones, lapides, ac fragmenta transmittit. In quo præcipuum decus Canonici duo promeriti sunt Iacobus Rosinus, & N. Lisca, literis omnibus exculti, & antiquitatis amore cum paucis comparandi. Accessere demum venerandæ vetustatis Cimelia ex Academia Philarmonicorum deprompta ab Odoardo Roia; quem non tam patrui in Veronensi foro principis patroni decus, quam propria virtus, & æquatura patrum indoles commēdat. His & alijs pluribus, quos longum esset per censere, debet Leâtor quidquid hæc editio præstabit, labores porro & vigilias editioni impensas æquibonique consulat.

SERENISS. FERDINANDO ET SIGISMUNDO

Archiducibus Austriæ Germanicæ Iuuentutis Principibus

Carolus Honoratus Felicitatem.

Germânia vestra Romanis olim Aquilis non in totum peruia, nec satis vnquam iugum ferre docta armorum sonitum toto cœlo non audijt modo hoc seculo, sed insolitis moti-

motibus cōcussa ac conflictata suisque sedibus conuulsa tam prope ab exitio fuit, quam olim ab imperio. Infectæ Alpes cædibus, dilutæ cruore niues, cladibus decolor Rhenus, albentes ossibus campi, alti magnarum Urbium cineres, tantum sanguinis ac iuuentutis exhaustum. Sed præcipuè Germaniæ pars vestro subiecta imperio, veluti navis magno in mari deprensa inter pelagi cœlique minas destituta, claudo remigio, laceris linteis, saucio malo, fatiscente carina, insanis fluctibus poenè obruta, deplorata, ac conclamata Dijs atque hominibus inuidiam faciebat. Cum Vos Principes, Ledæum par, magnum Iouis incremētum, fulsistis. Illico roseus apex, lumēque iuuentæ, noctem atque hiemem vicit, venti posuerunt, vnda minax recubuit, abstersæ nubes, strata æquora, ipse pater Neptunus placido lumine cuncta placans, rebellantes fluctus cœlique insaniam compescuit, ac bona fide reddita rebus quies, fessique nautæ maris potenti, ac litoralibus Dijs, sed vobis præcipuè præsentibus Numinibus securi vota persoluunt. Bono hoc omine, literæ quoque ac discipline eodem fato inuolutæ respirant demum, & caput attollunt, laudumque vestrarum materiam decora ingenia procidunt. Sic mihi quoque vacauit ex ipso Astrææ sacrario deprompta Oracula, quod olim in Græcensi vestra Academiam destinaueram, Numini vestro veluti votiuam tabellam appendere. Sic vos diu fessis Germaniæ rebus subueniatis, nec alterna morte sidera ac manes reuifatis, sed longum terris commodati, in cœlum feri redeatis, vterque immortalis, vterque beneficus, ac salutaris.

Valete Patavij die XIIX. Aprilis MDCXLIII.

Illustrissimo ac Reuerendissimo Domino
RUBERTO PAPAE AVÆ ABBATI

Emmanuel Portus S. D.

S Idus clarissimum, ac maximum, publicam mundi lucem, naturæ opus singulare, non ad Thiestæas epulas in ortus reuolurum, aut Herculis natalibus diem impendens, aut deum Tyranni nece ferrugine obnuptum, sed citra mendacis Græciæ commenta, ad ægri Regis supremas preces flexis habenis retroactum, iterum Imperiosi ducis mandato defixum, & in ipsa Mundi orbita veluti sufflaminatum, quum breui dissertatione complexus essem; id opus merito tibi inscripsi, cuius natales, virtusque præfulgens, tanti sideris nitidissimam imaginem proxime referebat. Diu quidem regnatricis domus tua fulgore suo minores ignes occultauit, & cum reliqua sidera sinu suo Thetis reciperet, gentile plaustrum sublimi in arce poli, diu Oceani expertus fuit: donec Sole Leonem, ac Libram complexo, sub Venetæ mansuetudinis cuncta refouentis tutela mitissime conquiesceret. Nec tu degeneres tanta fortuna spiritus traxisti, ingenij cultus priuato maior: Phœbea laurus tertio Penatibus inducta: linguarum peritia non ad ostentationem parata: omnis sacræ, ac prophanæ disciplinæ interior cognitio: forma, reliquusque paratus dignus imperio, mores seculi labem supergressi, candidi illustres, ac veluti sereno cœlo nusquam fex, aut nubes. Plura adderem si contra tueri fas esset, nec laudum fulgor mortalium luminum aciem hebetaret. Saltem vota concipere liceat, non defuturam patriæ, ac domui lucem decusque purpurascens, donec Sol magnum annum circumuoluetur, statasque vices, ac mundi meatus implebit. Vale.

Patauij Kal. Maij M DC XLIII.

Illo-

Illustrissimo ac Reuerendissimo
D. GEORGIO CORNELIO
Episcopo Patauino.

Mortalium, ac Pontificum summus Urbanus VIII. inter publica vota, ac gratulationes, eius te Ecclesiæ gubernaculis admouit, cuius parens, auctorque Prosdocius ipsis Christianæ rei primordijs par, Apostolorum auditor atque alumnus, Heroicæ simplicitatis, per manus traditæ propagator, cum centum fermè annos in ea vigilia ac specula egisset, miti obitu ad superos concessit: cum viraginem Iustinam Regia purpura, sed magis martyrij murice præfulgentē veluti præmisisset. Vt mirum fuerit quomodo extremos æui limites incruentè senex excedere potuerit, tot certaminibus exercitus, tot appetitus insidijs, cū ex Regio gynecæo puella in gladios incurrerit, & domita mortalitate, sexuque imbelli idem audendi viris exemplum fecerit. Quare non multo post Leuita Daniel æmulatus hoc decus, ne à Virguncula vinceretur, cruore suo Euangelicæ sementis glebas irrigauit. Hi Præstitites Diui, Urbisque tutelæ, ac secreta Numina, quibus Imperium hoc stetit, stabitque æternis Venetæ maiestatis auspicijs firmatum. Accessit longo proximus interuallo ex vltima Hesperia Antonius, sacraturus has terras maiori claritudine, quàm quas nascens tetigerat. Tres indigenas, quartum aduenam omnes cœlo adscriptos, vocare in vota Ecclesiæ hæc consuevit sacrorum solennibus, & reliqua psalmodia, qua superum laudes alternantibus choris peraguntur. Quæ preces intermissæ sunt, ex quo Pij V. decreto quædam in diuinarum laudum recitatione immutata sunt, vt ad eam normam hæc quoque redigerentur. In hoc sedulam operam impendit Martinus Sandelius innocentia, atque eruditione conspicuus, hortatu Marci Cornelij gentilis tui Episcopi memorandi. Sed vtroque rebus humanis intempestiuè sublato labor

labor iste in manus meas peruenit. Nec cum diutius ſupprimere conſtitui, ſed inter publica gaudia tibi ſacrare, quem exceſſurum fortia facta maiorum magna ſpes eſt, eaque fama ſequitur iuuenem. Nos interim, ea tibi vitæ ſpatia precabimur, quæ primo huius Urbis Epifcopo contigere. Vale.

PRO-RECTORI ET CONSILIARIIS

Patauinæ Vniuerſitatis.

QUæ veſtro nutu concepta & habita eſt, de diſciplinarum atque artium præſtantia Oratio, in veſtro nomine lucem ſubire audet, eodem vno placitura. Cum enim vos ex nobiliſſimæ Iuuentutis, toto Orbe contractæ, corpore publica cura ſelegit, conſilio quam annis maturiores, vt Academia iura ac ſplendorem tueremini, nobilitatis atque ingeniorum florem ex toto Gymnaſio eſſe declarauit. Iure ergo tenuem ingenij mei foetum fouendum tranſmiſi, etiam ob hoc, ne temere iudicaſſe videamini. Nam ſi quid laudis aut decoris eſt, id omne in vos redundet neceſſe eſt, mihi obſequij gloria relinquatur. Quod ſi cœtui quis veſtro, in quo tot nationes, quot capita ſunt, ſe approbauerit, videbitur vniuerſo orbi placuiſſe. Valete Academia bono.

Eminentifſimo D.

CHRISTOPHORO S. R. E. CARDIN.

LVDOVICO, MARTINO, ET DAVIDI

Fratribus Vidmannis, Toparchis, &c.

Paulus Frambottus F.

Vereor ne abſurde atque intempeſtiue facere videar, ſi veſtra Domo recenti Fratris funere attonita adhuc, lucuſque atque conſternationis pleniffima, irrumperere audeam, & hoc literario officio vos à mœrore, cuius quædam dulcedo

do est, immature abducere. Nam serio reputantibus ingens, atque inexpiabile vulnus familia vestra accepit, fortunaque nunquam indulgendo defatigata non hēsit modo hīc, sed tot annorum beneficia pœnē subuertit. Nihil est tam præclarum, tam magnum atque exaggeratum, quod in vestram domum longum virtutis ac fortunæ certamen non inuexerit. Immen- sę opes priuatum cēsum supergressę: pertinax Cælaris Prin- cipumque fauor: congesti certatim honores: Romana diba- pha penatibus inducta: quęque votorum vestrorum summa semper fuit, atque omnis felicitatis fastigium, Gens tota in- ter patricias eius Reip. allecta, cuius, vt cetera decora omit- tantur, diuturnitate Imperij ac felicitate, sapientia ac mode- ratione Respublicas omnes post se reliquisse: hoc vnum po- steritas omnis memorabit, nisi quæ non credit, ingenti Eu- ropæ flagitio omni ope distitutam superbum Asiæ Regnato- rem totius Orientis viribus succinctum per quadriennium non sustinuisse modo, sed crebris victorijs fractum, ac debel- lari posse doctum obsessis Hellesponti faucibus toto Oceano mulctatum pœne ad desperationem redeuisse. Nihil ergo su- pererat, quod vel audacibus votis familia vestra concipere posset humanæ felicitatis exemplum: quæ Principum affini- tatibus innexa; Germaniæ Proceribus inserta: Romano Sena- tui adscripta: demum Venetæ Maiestatis pars facta, auctori- tate, opibus, gratia Christianum orbem complectebatur. Quinque fratres ætate, forma, ingenio, dexteritate floren- tissimi, vt, præfiscine dictum sit, vix alia domus facile reperiri posset, quæ plus virtuti ac fortunæ deberet. Sed scire hæc solitâ leuitate caput, ausa vno ictu de rerum summa decidere. Paulum natu maximum familię propagatorem, omnibus cor- poris animiq; dotibus insignem, conciliandę hominum gratiæ ac promerendiamoris miro & efficaci studio præditum, intra iuventam raptuit, domumque totam ab imo concussit. Sed quo hæc grauiora sunt, fortibus consilijs opus est. Abstru- denda mœstitia, reuocandus ad firmitudinem animus. Satis

Gg

fratri

fratri dedistis, satis pietati. Et quoniam non aliud in luctu solatium efficacius creditum est, quam magnorum Virorum scripta percurrere, nō dubitauī ego Andræ Argoli Viri præstantissimi Ephemeridas vobis inscribere, tum quia Auctor ipse de Pauli memoria bene meritus, in cuius nomine Dies Criticos evulgauit, tum quia summo studio ipse semper optauī in ære vestro esse. Erit vtique in ipso Opere grande solamen, quando hac siderum inspectione, hisque factorum characteribus Cœlo descriptis, facile apparebit, quæ fato, hoc est Dei destinatione manent, ea vitari non posse. Valete & vosmet rebus seruate secundis.

Patauij Prid. Kal. Iulij M DC XLVI II.

FERDINANDO III. IMPERATORI AVGVSTO.

Benedictus Syluaticus.

E Meritis vitæ stipendiis, extremum prope æui cardinem premens, antequam vasa colligam, abste commeatum petere Imperator constitui, simul arma, quæ per tot annos tractauī, sacrarij tui postib⁹ affigere. Octogesimus annus est, & quod excurrit, ex quo artem seruandorum hominum, aut didici, aut docui. Grande quidem artis ipsius beneficium, rarumque exemplum, Medicus Senex, sed exiguum spatium exercendæ facultati, quæ aut numquam satis discitur, aut numquam satis monstratur. Quantum in ea profecerim instar omnium erit, quod ab Diuo Parente tuo etiam tum iuuenis euocatus lapsō, in languorem liberorum maximo, sacris puluinaribus admotus, humani generis vota absolui.

Inde partim salutis arcana profitendo, partim eandem mortalibus præstando consecutus sum, ne me tam diu vixisse peniteret, cuius opera nonnemo vitam produxisset. Simul effeci, ne quis vatibus, quorum tamen Deus Medicus est, crederet, qui artes hæc mutas, loquaces ipsi prodiderunt. Nam per quinquaginta annos silenti iuventuti non parua locutus,

curus, responsa absentibus scripto reddidi, & deliberanti orbi è longinquo suffeci. Quæ responsa dispersa, ac vaga, tanquam Sibyllæ folia in vnum contraxi, ne scilicet vnquam mutus essem, vt postquam ferreus sopor silentium indixisset, hoc quoque fatorum victor, cum posteris loquerer. Et sicut olim Artis huius experimenta Aesculapii templo sacra-
bantur, sic ego delectas consultationes Augustali tuo in-
ferre ausum sum, si ita dicere fas est, artificii societate,
quando tu celsa ac sublimiore via affecto, & languenti hu-
mano generi quotidie mederis, ægrumque, & in senium
præceps Imperii corpus, inaudita virtute reparas, ac veluti
succis vitalibus recoctum florenti iuventutæ restituis.

Itaque merito tibi seruatorum ciuium titulus debetur,
laureaque tot triumphis exercita, mediam quercum melio-
re iure tuebitur, quam cum Romani Cæsares bellorum ci-
uilium profanatione, seruatos Ciues credi voluerunt, quos
latronum beneficio non interfecerant. Hic ego artem desi-
no, castusque repono. Sic tu rarò medicis vtaris, hoc est,
sero cælum repetas, cuius sacro, & venerabili spiritu tot mor-
talium fata trahuntur, & catholicæ rei tutela continetur.

Illustrissimis & Excellentissimis D. D.

MARTINO, ET LVDOVICO FRATRIBVS VID-
mannis Comitibus Ottemburgi Toparchis & Dominis
Sumeregij Paterniani in Carinthia, &c.
Petrus Maria Frambottus Fel.

Non primum hoc recensque domus nostræ erga vos fi-
dei, ac venerationis pignus. Nam parens olim vestra
facilitate, ac mansuetudine fretus, ausus est tantæ nomina
famæ typis suis præscribere, & inde operi claritatem circū-
fundere, vnde Venetæ rei ingens decus, scriptoribus ipsis
par dignatio, & pretium accedit. Et si enim auctor, qui &

Gg 2 aliàs

aliàs hoc insigni decoratus prodiit, & hodie opera nostra eodem titulo se circumspicit, per se clarus pollensque sit, nec prælum modo nostrum, sed omnium ingenia, atque admirationem fatiget, iterum in scenam, atque ora hominum productus, vestris auspiciis sibi caueæ fauorem, ac veteres plausus pollicetur, in quorum venerationem sonantibus cuneis Theatra conflurgunt. Alioquin operis magnitudine, atque argumenti maiestate, sibi blandiebatur, quod veluti in sacrarum ædium fastigio nomen vestrum inscriberetur. Quippe Coeli templa serena lustrat, atque in ipsam mundi arcem iniecta contemplatione, naturæ culmen, siderum motus, & ipsum mouens perceret, ac fatorum arbiter, mortalium spes metusque versans, supera arcana recludit, atque ex illo æternæ lucis fonte claritudinem vobis adflat, a quibus ipse inbar accepturus est. Inde spes mihi, in tanto vtrinque fulgore, laborem meum, licet atramento & plumbo censeatur, nec obscurum nec inglorium fore, qui sicut obsequium cultumque Vidmanæ gentis cum paterna hereditate creui, ita officio, siue potius pietate erga vos, nemini mortalium, ac ne ipsi quidem parenti concessurus sum.

Valete Patavii Nonis Iulii MDC LXVII.



OCTA-

**OCTAVII
FERRARII
FORMVLÆ
AD CAPIENDA DOCTORIS INSIGNIA.**

THE UNIVERSITY OF CHICAGO

LIBRARY

1950

OCTAVII FERRARIIFORMVLÆ.



Chillem, cuius me nomen boni ominis causa optimus parens gerere voluit, hoc faco natum ingeniorum princeps prodidit, ut si castra sequeretur, manusque Asiae excidio natus periturae Troiae admoueret, brevis & angustiae in ipso iuventutis flore, rerumque ma-

ximarum apparatu extingueretur. Si vero Martis labores, ac pericula reformidans imbelli desidia torpens domi se contineret, futurum ut longo, & ad extremas usque metas producto, sed ignobili quo fungeretur. Nec poterat Dea parens acerbam fatorum legem eluctari, quorum decretis ipsi Deorum summo, ac superum Regnatori vel ingratis standum erat. Itaque muliebriter sollicita, ut flesteret quod frangere non poterat, maluit filium ignoratum, & inglorium senescere, quam mille tropheis clarum intra iuventutem rapi. Hunc igitur sub ipsis rupibus, ferarum medullis educatum, & a biforini magistro scrupula schola eruditum, ut insitam ferociam remolliret, exquisito cultu, ac muliebri mundo in foeminam fractum puellarum choro inseruit, ut propitiam saltem Venerem haberet, quem dirum Martis sydus aspectu infausto premeret. Hic ille generosus, cuius modò nomine audito ipsum Pergami culmen nutabat, ac Phrygiarum matronarum corda pauore congelabant, veluti cum cultu virilitatem exuisset, lascivus ac petulans, pectus quod melius Aegis regeret, multititia sint he si renudavit, sibi que comam strui, ac capillum fingi passus est, qui melius Troico pulvere respersus, saeueque iactatus, paucientes Phrygas fugaret: Oculos ad mollitiem flexit, quos toruè minaces contra tueri Troiani non sustineret, Graeci ipsi pauescerent: monile collo decurrere passus est, qui catenas tot captiuorum millibus minaretur: Distincto

G g 4

auro

aurorū crura reliquit, qui Regibus ipsis compedes pararet: manusque illas Troicorum fatorum ministras, quas Asia Imperator osculis fatigaturus, Rex Regum in se intentas formidaturus erat, vel telæ admouit, vel colo rudes aptauit, qui exhaustis Parcarum fufis tot nobilia flamina recisurus erat.

Neque tamen aut fata, aut generosi spiritus impetum frangere hoc sedulæ matris artificium potuit. Vix enim ornatus dolis Ithacus in faciem mercatoris versus, gynæceum ingressus est, ut hoc fortunæ depositum, quod Græcorum naues Ilijque exitium moraretur, deprehenderet, puellis ad gemmarum fulgorem perstrictis, & circa barbarici cultus spolia mustitantibus, visum ille ferrum, quod inter puellares delicias horrebat, incertum auidius an fortius inuasit & se quod erat fassus, gladium minaciter rotans Troianis iugulis hæsurum, aurasque verberans, ipsum assertorem perterre, fecit. Et licet humentibus genis mater se proditam misere clamans filii ceruicem iungeret amplexibus: Hippodamia formæ illecebris, arcanisque thori blanditiis, & efficaci silentio reuocaret, puellarum chorus blandam vim adhiberet, omnes denique dira fata, ac triste carmen canerent, breui moriturum, si Troiam peteret, ardensque Ilium ipsius rogo flammis suppeditaturum, tot blandimenta abruptit, maluitque fortis, ac gloriosus breui fato fungi, quam in foeminarum grege consenscens, ipsius Pylæ ævum transcendere.

Non sum ego quidem Dea natus, nec mater mea totius elementi dote mortales amplexus redemit. Non ex alia parte Aeacum, & diræ domus Plutoniæ arbitrium iacto; Sed in vrbe non omnium postrema, sed gente antiquâ, ac probâ editus (si licet magna paruis componere) quod nomen mihi fata, parensque esse voluerunt, eo me dignum ostendere adnissus sum. Non quidam bellicis artibus, quibus domum nostram non semel floruisse Patriæ annales loquuntur, sed literario negotio, in quo ut minus periculi, ita plus fortasse labo-

laboris inest, ac contentionis. Poterâm igitur mihi ipsi has voces accinere, aut saltem ab aliis admittere, victurum me longè productis annorum spatiis, si alta quiete fruerer, vel otio Urbano lauguescerem, vel rustico torperem, si non literas modo, sed earum nomen horrerem, si Doctorum supercilium, & morosas exhortationes, si conuentus, & aridas disputationes vitarem, si stertens ad medium diem, plus vini quàm olei consumerem, &, vt omnia vno verbo complectar, victurum si viuerem, nec me vivum sepelirem, vt cum mortuis quotidie confabularer; sin vero tristes istorum hominum ineptias securus, violatis noctis induciis, rigente tempestate, strato corpus deriperem, somnumque morantem oculis extergens, pluteo chartulisq; affixus, caput scabens, vnguesque derodens cadentes oculos in officio continerem: si tristis, ac subpallidus manè subsellia omnia Gymnasii contere-rem, obsessis Doctorum liminibus iis declamantibus tota die commodarem fessas aures, mox cubiculo redditus seras noctes traherem in longum, vitarem cætum æqualium, conuiuia sumptuosiora, acroamata, mimos fugerem, fore vt vere Achilles essem, idest breuissimi æui, siue potius Ajax, qui meipsum non gladio, sed labore sciens ac prudens conficerem. Vnam felicitatem esse bonam vitam, facere omnia libere, frui patrimonio, quod solum esset viuere, seque mortalem esse meminisse. Proinde istos tristes, ac superciliosos alienæ vitæ censores, suæ hostes, publicos pædagogos ne assis facerem, nec dubitarem bonam vitam, quam opinionem malle. Quid blandius, aut dulcius Laertiadi canere syrenes potuerunt? Nec deerant qui Achillis exemplo me ad puellarum contubernium amandarent, siue potius reluctan-tem perducerent, hac vrbe, iis moribus, vbi non pauci in illa lubrica palæstra sese viros ostendunt, & Achilles probant. Siverum dicere licet vbique gynæceum est, nec opus matris dolis, sed contra parentis sanctitate, qui ne ad turpem cætum diuertamus, vix custodiat, cum maxime seruet, fixis,

&

& inconniuis oculis, vt olim Argus excubet, non ad iuuentam seruandam, sed ne vituli in pugnam prurientes, nimis cito ad iuencas defleant. Nec raro miseri parentes abductos sibi natos, non istar Vlyffis mercatoris habitu, sed blandis modo, modo asperis dictis in libero loco ætatem suam oblectantes cum lachrimis rapiunt.

Quod si quis alius in hac Vrbe, aut alibi est, qui ab educandis recte liberis solidam, raramque gloriam petat, is certe optimus, sanctusque parens est, qui incredibili contentione, ac singulari charitate adnitus est, ne quis nostrum in hoc ætatis flexu, metæ adhæres ceret, & vt olim Thetis inertiam filio suadebat, ita hic contra Achilli suo maiorum bona factaingerebat, omnes quidem morti destinatos, vitam sola virtute distingui: ea tempora esse, quibus nihil fortunæ credendum, quæ etiam maxima Imperia labefactaret: solam in literis spem, ac familiæ decus constitutum esse.

Quid parentis cura, & hortationes profecerint, non est meum dicere, ne aut putidus videar, aut modestas parentis aures onerem. Si non Achilles factus sum, certe Therfites non ero, & cum bono omine nunc primum in campum descendendo, non cum fugacibus Troianis certaturus, sed Hectora, sed Aeneam prouocans, nec tam viribus fretus, aut obdurato Stigiis vadis corpore, quam Mineræ hoc est ciuilis prudentiæ præsidio. Hic Simois, hic Xantus, hic ipsa Iuris Numina effusa in spectaculum vincenti fauebunt; Quod si vincat illud solatio erit, me fortissimorum dextrâ, non imbelli Paridis manu cecidisse.

PC. si vos dominos, ac patronos appellem iure meo facturus videor, non ex æui corruptela, vulgique assentatione, qua Domini diuina olim ac Regia appellatione prostituta, cuncta venerantium officia sacrorumque ceremonias pudendo fastu ad homines, eosque minimi pretii traduxerunt.

runt. Ut iam cum nullus non seruiat, omnes Domini adulationis mimo componantur, & quem olim titulum Cæsares gentiumque procures ut inuidiosum aspernari sunt, mancipium adhuc lora, & compedes reformidans, sibi arroget. Iure inquam meo & citra gratiæ blandimenta facturum videor si vos Dominos, si vos patronos dixerō, qui me hodie liberali causa manu asseruistis, mihiq; ius Latii ac Populi Romani Quiritium, mihi libertatem donastis. Nam si sapientiæ magistri solum sapientem liberum esse dixerunt, reliquos capite minutos, ipse quoque ante hunc diem ingenuus licet, ingenuisque prognatus, nexus tamen diu in manu inscitæ ac potestate fui, partim affectibus parui, partim blandiens iuventæ Imperium sensi, seculi quoque vitio obstrictus, superba dominantium voluptatum fastidia pertuli, neque

----- *Servitio me exire licebat*

Nec spes libertatis erat, nec cura peculi,

Et licet veræ istius libertatis hoc est Iurisprudentiæ cupidus, eam fugientem tota Italia sectatus sim; & Parmæ, Mantuæ, bis in hac Vrbe, tum Senis, ac Bononiæ huic Deæ initiari cōtenderim, non tam cito, ut votum fuerat ex lentis vinculis expedire me potui, in scholarum ergastulo liberale opus feci, solutus magis quam liber, & quod ille de Romanis aiebat nec totam libertatem, nec totam servitutem pati potui. Nunc iusta libertas, quæ

---••• *sera tamen respexit inertem*

Candidior postquam tondenti barba cadebat:

Respexit tamen, & longo post tempore venit.

Veneti Cœli auspiciis vnico libertatis sacrario libertatem inueni vobisque Patres acceptam fero. Neque à me ista poëticè, aut ambitiose fingi vos ipsi declaratis, cum mihi in hoc libertatis atrium inducto ipsa libertatis insignia imperitmini. Quid enim aliud toga, quid annulus, quid pileus, quid suffragii ius, quam libertatis argumenta olim fuerunt, cum vera libertas esset, & nunc sunt, cum illius modo simul
lachrum

lachrum habemus? Et vos dominos, ac patronos appellasse assentatio erit, & blandiens mendacium? Meum erit post hac præstare, ne ingratus, aut inofficiosus libertus dicar. præcipue aduersus te Alexander Synclitice mortalium consultissime, qui mihi Quiritium insignia circundas, sicut omne Latium, ac veteres Athenas eloquenti prudentia reuocasti. Quare beneficium perface, & me censu iam liberum, legitime circumactum festuca vindica, atque in hoc Feroniæ templo cum pileo coronam impone; Ego

Vindicta postquam meus à Pratore recessi

te, hosque omnes Dominos, ac patronos iure venerabor.

Quod decreta duobus Laurea vnus modo grates gratiasque persoluat, nō inepte quis illud M. Bibuli vsurpauerit, qui Cæsaris in Aedilitate collega, cum ille in venationibus edendis communium impensarum solus gratiam caperet, non dissimulauit, idem sibi euenisse quod Polluci. Ut enim geminis fratribus ædes in foro constituta tantum Castoris vocaretur, ita suam Cæsarisque munificentiam vnus Cæsaris dici. Sed nemo iure quod silente collega ego vos appellem, aut illum beneficij immemorem, aut me audacem appellauerit, aut audum nimis, qui mihi vni communis gloriæ pretium asseram. Ore meo vobiscum collega loquitur, vultuque & oculis gestientibus, quantum vobis debeat proficitur. Quid enim opus fuerat sanctissimo confessui vestro duos obstrepere, auresque placidas non vna molestia onerare? Sed quid ego ad inanem excusationem confugio, quasi duo simus qui beneficium debeamus? Sanctissimo amicitie toederi iniuriam fecerim, si hunc vnitatis contextum improba diuisione labefactarim. Duo corpora Patres videtis, animi dulci mixtura in vnum coaluere, nosque licet non ex ovo ut Ledæi fratres prodierimus, idem tamen cælum habemus, eodem discipline contubernio vnà pariter cum multis
ado-

adoleuimus, quæque sanctissima societas est iisdem Iurisprudentiæ sacris initiari sumus. Ita penè beneficium vestrum imminuistis, quod duobus delatum, vnum vobis obstringit; Quare nihil demum intererit, si quis hanc lauream collegæ, aut mei modò dicat, hocque templum Castori, ac Polluci dicatum, vnius Castoris esse ferat. Quòd si qua cum geminis fratribus similitudo est, ea vna videtur, quod tu amice, vel si mauis frater optime diuino semine procreatus, immortalisque futurus, humano ego parente fatus, fatique legibus obnoxius, reliqua pères, imò idem sumus. Quin ergo ad supremum Iurisprudentiæ Iouem Carboneum supplices manus tendimus, qui nos tales tantosque effecit, moxque veluti consecratos inter Iuris Indigetes referet, aureaque facundia cathena non nos modo, sed auditores in Cœlum trahet. Nos nihil attinet immortalitatem alternis partiri, totiesque viam illam cœcam irè, ac redire; Nam Iupiter hic non vt ille acerbè nimis, & auare, æterni æui bona trunca, ac mutila indulgebit, sed plenam ac legitimam vtrique immortalitatem largietur, quemadmodum genti suæ per se clarissimæ, literisque æternum decus peperit. Sic voueo, sic auguror.

Tantum sibi veterum poëtarum licentia permisit, eoque mentiendi dulcedine prouecta est, vt Deos ipsos pro Imperio non semel Cœlo deduxerint, rebus humanis miscuerint, & si credere fas est nostrarum foëminarum specie captos, in terris quæ fuisse quod amarent, nec semel Iulia lege damnatos prodiderint. Nam vt promiscuos cœlitū amores ficeam, futurumque mulieribus factum, ne Apollini quidem suo Musarum præfidi, ac male sanarum mentium incolæ, & agitatori, poëtæ pepercerunt; Nam cum Deorum formosissimum, perpetuo iuuentæ flore vernantem, nunquam lanugine aut respersis, aut vexatis genis leuem, intonsum, & delibuta nectare Cæsarie diuinum iubar fundentem, cunctaq;

aspe;

aspectu serenantem produxissent, ne tantum decus vacuum esset, aut otiosum, & quasi non satis flammarum Deus ille aleret, spretis Dearum conditionibus, Nymphæ Peneidos amore exaruisse magno caueæ plaudentis irrisu scriptum reliquerunt.

Primus amor Phæbi Daphne.

Quid expectatis? scilicet illico tanti Numinis incendium pectore puellam concepisse, ignemque cœcum medullis haussisse, atque inde accendisse iugales tædas, seque circumspexisse ambitiosius, quod illi placuisset, quo nihil pulchrius Orbis, ac natura ostentaret, quodque hinc sequitur, indulgisse amanti, & dum siderum, annique rectorem sinu fouet, labentis mundi cursum sustinuisse. Longe aliter se res habuit. Spretus amator est, elusus, repulsa, ac contumelia irritatus, ac superbo Virginis fastidio tot Cœli naturæque decora damnata. Inscita enim atque insulsa puella, cœlestem procum exhorrescit primo, mox sibi malè metuens à pedibus auxilium petit, ac celeri fuga imminente amatori elabitur. Quò, quemue fugis Daphne? Apollo clamat, & ut se poëtam faceret precibus carmina miscet.

Non sum adeo informis nuper me in listore vidi

Cum placidum ventis flaret mare.

Sed surdæ fabulam canit, quæ interim viam vorans, celeriq; passu auras præuertens, Solem oderat, & lucem. Nec segnius Apollo insequitur: huic amor, illi metus alas addiderat. Sed quî posset Daphne cum cursu vincere, qui Gigantæo gradu vnus dieculæ spatio vtrumque Orbem metitur? Iam igitur calcem calce terens Deus, iam summi verticis capillos spiritu afflabat, cum deprehensa Virgo parentem Peneum rogauit, ut se superbi raptoris manibus eriperet. Tullit ille natæ opem strenuè, atque impotenti amatori pro Virgine laurum succidaneam subiecit. Truncum ille nihilominus amplectitur, vitamque adhuc sub cortice calentem fouet, & palpitantes fibras stringit, figit ramis oscula, oculis

lis

lis frondes admouet, latentem sub lauro Daphnem deperit, nec ita inde sibi coronam, idque decus, ac solatium cultoribus suis in omne ævum sacrat.

Infani vates & helleboro mitigandi, si hoc aut crediderunt ipsi, aut credi posse sperarunt. Sed ut sub cortice Daphne, ita fabulæ integumento grande mysterium texerunt. Daphne sapientia est, humani, ac diuini iuris scientia. Eam Phœbus, ac Phœbæi mystæ certatim pereunt, procantur, tædas, ac thorum vouent. Quid illa? num facilis amantibus est, num formam prostituit, ut vendat, num morigera, atque obnoxia sit omnibus, num in amplexus ruit? Fugit illa, fugit

Ocyor cervis & agente nimbos

Ocyor Euro.

Nouaque hæc Atalanta cursores procos præuertit, & ne auro quidem fugam moratur. Non genus, aut forma, non amantium illecebre, ac blandimenta volentem retardant. Atque eo euenit, ut ex infinita procorum turba quidam in ipso limine desperent, alii insinuatim peccinatim manibus reliquorum cursum marcentes speculentur, hi in medio cursu subsistant, illi labantur instadio, hi viribus defecti, atque illa trahentes prope ipsam metam concidant, paucissimi fugientem Deam comprehendant. Fateor Patres, licet nec Apollo sim, nec species, ac cantu insignis, Phœbi tamen cultor, ubi primis literarum vestigijs insiltere datum est, Daphnes amore captus sum, & cum reliquis popularibus, atque exterâ florentissimâ iuventute fugacissimam Deam persequi cœpi, sum, moque studio Achillem æmulatus sum, quem à sola pedum velocitate vates maximus commendat. Quis credat? Octo annis continuare cursum potui, tantumque spatium ingressus, numquam animum despondi, iam iamque casurus optimi patrum plusquam paternâ pietate, ac cura, vestro Amplissimi patres hortatu, ac vocibus, æqualium æmulatione cadens corpus spiritumque labentem sustinui. Sed quid? iam Dea
toto

toto corpore imminens, iam colla lacertis nectens, veluti somnio deludor, ac pro formosissima Dea frondentem meam complector. O ludum sapientiæ mirabilem. Teneo te lux mea, teneo, votisque fruor ad invidiam felicibus. Laurum stringo doctarum frontium decus, Imperii insigne, Augustæ domus custodem, non senio, non irati Iouis telis obnoxiam. Sed desperanda mihi fuit hæc gloria, prorsusque in cursu deficiendum nisi tu Io. Galuane V. C. labentem rexisses, currenti stimulos addidisses, & de laureato tripode Phœbeus sacerdos veluti in Pythicis victorem pronuncia-
 ses. Tuis auspiciis votorum summam attigi. Reliquum est vt Lauream tuam, ac Patrum sapientissimorum munus non in Iouis, sed in Amplissimi Antistitis Cornelii sinu, omni Capitolio augustiori reponam, & bono quidem cum omine, cū Laurus purpuræ comes, ac decus semper fuerit, Laurus, quæ in gente Cornelia Romano, ac Punico sanguine irrigata, mox Venetis trophæis efflorescens noua subinde propagine subolescit, donec antiquo solo reddita, Vaticanis lucis Romanos penates, vnaque Orbem cum magnis Diis, & sacrorum custodia complectatur.

M Agnos illos sapientiæ procures, ipsaque virtutis nomina Pythagoram, ac Platonem indito sibi exilio remotissimas regiones peragrassæ, deuiasque Orbe nostro, & alio Sole calentes terras, ad ingenij cultum capiendum, vtque sapientum contubernio fruerentur perlustrassæ accepimus. Sic Apollonium Thianæum Persas, Massagetæ, Scythas, atque ipsos Indos penetrassæ, vt Hyarcham in throno sedentem aureo, inter paucos discipulos docentem audiret. Inde totum ferè Orbem permenum esse, & præcipue in Aethiopiam contendisse, vt Gymnosophistas ac decantatâ Solis mensam videret in fabulo. Sic fiebat, vt dum illi mille locis sparsam sapientiam consecretarentur in peregrinationibus

nibus consensescerent, & ante ad vitæ quam ad virtutis meritam peruenirent. Cuius rei recordatio nostram nobis & felicitatem ingerit, & ignauiam exprobrat. Aeternæ enim Reip. prouidentia effectum est, ut quicquid vsquam egregii dispersum terris lateret, in vnam sedem contraheretur ipsi libertatis templo proximam, commodo adpulsu toti Orbi peruiam, Cœli solique amœnitate etiam barbaros allicientem. Ut magna pars in hoc bonum nasceretur, reliqua inuentus facili negotio nullis peregrinationibus, non aditis barbaris, aut præciso æquore, citra mille mortis vias, & quidem breui tempore ad ipsos Deæ aditus penetraret. Quod secordiam nostram grauius onerat, quibus bona in sinum fluentia spernuntur, tantaque fortunæ indulgentia euilescit.

Me quidem sub imperio Veneto natum inter suprema felicitatis connumero. Proximum votorum fuit in celeberrimo Lyceo vestro ad sapientiam informari, mox in hunc sapientum cœtum adscribi, quos cū Brachmanibus, aut Gymnosophistis comparare sanctior disciplina vetat. Hic verius illa poëtarum fabulis inclyta Solis mensa nunquam deficienteibus epulis instruitur; Et ut illic cū sacerdotes noctu omni carniū genere vicinum campum impleissent, vulgus rude ab Sole dapes æternas suppeditari credidit: hæc omne genus epulæ æternum suffecturæ, non alere modo sed instar nectaris largiri immortalitatem possunt. Hic vidi & de proximo veneratus sum Hiarcham fuminum Astræ Antistitem, Scipionem Gonemium aureo Themidis throno de mularum fonte libantem, & lectissimæ iuventutis nobili grege fultū, quod ex Cyprig Veneris regno ad Mineruæ delubrum translatum Oraculum, mortales consulunt, Sortes captant, & minime fallaces tripodas sollicitant. Ventum est ad Limen. Deus ecce Deus. Dum ex adytis responsa fert, & non obscuras canit ambages, vos animis linguisque fauete.

Hh

Quod

Quod olim Athenis magnus ille ſenex ſcalas aſcendens dicebat, Magnum ſpirare, parum poſſe: id verius mihi hodierna die uſurpare liceat. Qui enim Themidis templum vix à limine ſalutarit, nunc ipſa teſta ſubeuntem, & ipſum ſic dicam Auguſtale irrumpentem, atque de penetralibus effata promulgantem quis ferat, niſi cui peſtus humanitate plenum ſit? Sed audendum eſt, cum honeſtorum cupiditas ſemper laudem inuenerit, & tutioris audacię ſit, illa tentare quibus venia paratior eſt. Vel eo demum redibimus. Magnum ſpirare, parum poſſe.

Themiſtocles grande ruentis Gręcię columen, poſt depulſum inundantis barbarię metum, ac fugatas parua manu ſuperbi Regis copias, quę perſoſſis montibus & conſtrato mari, epotiſque fluminibus, non tam Gręcię, quàm naturę ipſi bellum indixerant, cum ab ingratis ciuibus reſtulâ fractus vertere ſolum, quod ſeruauerat, ſeque Medis, quos perdiderat credere coactus eſſet, & præter opinionem ab Rege Regum pluſquam Regia liberalitate auctus, ad domeſticos conuerſus frequenter illud uſurpabat, Perieramus niſi periſſemus. Verè niſi eum ciuium liuor indignum patrię, quę per eum non perierat exiſtimaffeſſet, niſi barbaro furore ſeruatoreſ ſuum perdidiffeſſet, non ad Regię amicitię ſacra admiſſus eſſet, non ad id glorię faſtigium, non ad eas opes triumque Urbium munus perueniſſet. Extulit illum fatorum inuidia dum deprimit. Perierat niſi periſſet.

Quòd ſi magna parnis componere fas eſt, liceat nunc mihi in re diſpari idem uſurpare. Nam poſtquam literariò exilio in hoc Aſtreę contubernio ad Lauream Apollinarem eduſus eſſem, & qualemcumque operam meam Aeternę Reip. ac patrię deuouiſſem, non liuore quidem, quo ſi me dignum cederem magnificè nimis de me ipſo ſentirem, ſed neſcio quo fato, occultis que cauſis & ideo iniquioribus, non ciuiũ
omnium

omnium odium, sed paucorum adversum animum incurri, qui commota de gentis splendore controuersia, non in me solū, sed in maiores meos iniurii, eos iam felices, & compositos ultra fatum quoque & naturæ legem veluti revulso cespite diffraçtâque vrnâ inquietarunt. Magno sane impetu ac conspiratione, vt me per summam contumeliam in ordinem cogerent, ac veluti sacrum, & intestabilem, piaculum meritū ab doctorum cœtu concilioque abigerent, traducerent per ora hominum, & de auita familiæ nostræ benefactorum possessione deturbarent, iureque patricio multatum, tanquam terræ filium in sordes & plebis dehonestamenta reuoluerēt.

Quid agerem? me deserem? atque auitum decus quod nemo bonus nisi cum anima simul amittit imminui, ac perduraturam ignominiam obteripaterer?

Non obtusa adeo gestamus pectora Pœni.

Ad Veneti Apollinis Oraculum confugi, Numenque omnia videns obtestatus sum, vt has calumniæ nebulas publico exemplo depelleret. Respexit Dens. Augustæ Curiae causam meam approbaui, plenaque inde suffragia tuli, & sicut ille quondam de matris nece, sic ego de fraude in patriam Oraculi responso absolutus sum. Perieram nisi periissem. Penè tanti fuit iniuria, quæ me Principis genio propius adstituit, quâque factum est, vt præsentēs Deos contra tueri, eorumque responso beari fas esset. Quòd clariores inde euasimus calumniæ debemus, quod penates ab fordibus defendimus, quòd familiæ sacra sacra teçta seruauimus, quod auorum memoriam modicis rebus penè obsolescentem detergo squalore in splendorem asseruerimus, id totum gemitium aduersariorum artibus imputabimus.

Sed quòd nobis ferè gratiorem iniuriam fecit, hæc eadem machinatio me dignum hoc Areopago reddidit, vestroque sanctissimo consensu. Veneta maiestas mihi genus seruauit, vos à me P. P. optimi incitæ calumniam propulsabitis, plus dixerim vobis debicuro, quanto magis bona æstimantur,

H h 2

quæ

quæ in nobis sunt, quàm quæ à maioribus accepimus. Nomen meum ac dignitas ab vestro venerabili ore pendet, ac trahitur vniuersa. Per vos perire mihi non licebit, fortasse alioqui perituro nisi periissem. Vos Deorum beneficia perficite. Vos longo exilio finem imponite, quod natali solo antehabui, vt procul ab his moribus agerem, ne me patriæ crederem, quæ tanquam novum ac gigantum fratrem despiceret. Tunc redux ego vobis veluti Dijs Præstitibus soteria persoluam, nec pecudum fibris aras imbuam, sed sincero affectu nomen vestrum posteris quoque transcribam, quos beneficio vos ante cumulastis, quam eius capaces esse possent: ipse illud identidem vsurpabo, perituum me fuisse nisi periissem.

L Aurea triumphalis, quæ olim non nisi cæde ac sanguine, atque ingentium copiarum strage parabatur, nunc salubri inuento ad pacis munia decoraque translata est, doctorum frontes coronatura. Hæc quondam magnis cladi-
bus semper stetit, aucto etiam funesto pretio, postquam mortuorum numerus exactus est, vt non tam de hostibus, quam de humanitate triumpharetur. Nunc mitius res humanas Numina respexerunt, & inermis Musarum chorus furori martio lauream inuidit. Ita pro truci tubarum cantu, lenes doctorum voces successerunt, gladios calami excepere, in pugnantium discrimen mitis disputantium concertatio venit, nec iam humanum genus delendo, sed donando immortalitatem Laurea comparatur. Quamquam si dicere fas est, antequam adhuc decus euehare certandum est, nec perfusorio, & vel bellum, vel belli simulachrum ciendum. Vt enim omittam ab iuventute sæpè musas armatas Sparthano more coli, eademque manu pacatos calamos, & sanguinolenta tela, Martisque fulmina tractari, cum domestico hoste, hoc est secum pugnandum est, & ab intestinis insidiis cavendum.

In-

Inscitiæ monstra debellanda, expugnanda voluptates, fugandum otium, vincenda cupiditates, algendum, sudandum tanquam sub pellibus, & in hostico. Violantur soporis fœdera, non ad vallum vigilatur, sed ad pluteum aguntur excubiæ, inuatque non sub armis, sed librorum fasce gemere, Luciferi ortu, quo castra duces & signa mouebant, excutitur quies, & ab eruditis mortuis commeatus petitur: itur ad doctores velut ad Tribunos, & Centuriones, per quos disciplinarum tessera diuidatur. Sic literarum Tyrocinium ponitur, sic veteranum robur inducitur. Quoties velut in acie collato pede cum aduersariis configendum, infestoque rationum & auctoritatis mucrone iugulum hauriendum? Quoties scriptis hostes eminus petuntur? Sic per tot casus, ac discrimina, improboque labore ad lauream contenditur.

Huic ego militiæ iamdiu non perfidum sacramentum dixi, & baltheo cinctus sapientiæ auctoramento sub Astreæ vexillis merui. Placuit hodie Senatui Amplissimo triumphū decernere, trabeamque & Laureæ decus dilargiri. Quid agam P. C. quo ore grates gratiasque referam? Id vnum dicere sufficiat, hoc laudum curru humanitatem vestram immortalitatis Capitolium inuehi, & quoties triumphum decernit, toties sapientiam vestram triumphare. In vestro ergo sinu lauream depono, in tuo præcipuè Paule Dotte, tu enim mihi Iupiter Anxur, hoc est florenti ætate summorum Iurisconsultorum canos supergressæ, cuius beneficio non tam vita, quam vitæ reatrix, ac dominatrix sapientiâ contigit. Io triumphæ, non tam mihi, quam vobis omnibus, qui quotidie de vitiiis, de inscitia triumphatis.

VLyffes Troianæ gentis exitium grande fortunæ sæuentis spectaculum, ubi Phrygia fata peregit, cum fugientis patriæ appulsu ab iratis Numinibus arceretur, letho proximis, moxque naufragio periturus, fertur fatali zona, ex

mediis furentis pelagi minis ereptus . Non dubium tristissimæ mortalitatis exemplum, magnumque sapientiæ arcanū, cuius ope ex perturbationum æstu, ex cupiditatum fluctibus atque ærumnarum procellis, ex fortunæ naufrago tumultu mortales eripiuntur . Quod si alius vnquam hoc Astræ beneficium præsentius sensit, is profecto ego sum, in quem malo astro natum videtur fortunæ impotentia omnes calamitates, & Tragicæ scenæ mala expetiuisse : tot casibus, tot periculis, tot infortuniis exercitum, quantacumque perferre humana conditio potest . Hostium conspiratione oppressū, longo carcere ac vinculis innocenter fractum, morbis sæpe ad extrema deductum, nec vnquam quietum, nisi cum alias ex aliis calamitates nondum satiatus fortunæ furor alteraret .

Tandem Astræ respexit, & tot malis iactato fatalem vitam largita est, cuius ope iratos fluctus exirem . Hæc vna mihi lux in cœca nocte, hæc Lædæa sidera affulsere, meque in hunc felicitatis portum vestro beneficio deduxerunt . Nunc litoralibus Diis, idest vobis viri sapientissimi vota soluenda sunt : Tibi præcipuè M. Aureli Galuane vir consultissime, atque eruditissime, qui vt alter maris potens, & motos fluctus composuisti, & tumida æquora placasti, salutem debeo, & quod salute præstat honorem, ac decus . Pro quo tenuis cultus donarium, quodque nudum ex naufragio decet, simplicissimi affectus monumentum sospitatori, ac seruatori appendo .

Victores Olympiæ in humani generis conuentu acclamationibus & plausu in Cœlum ferre, palmaque nobili euehere ad Deos vetustas consuevit . Corporis robur pedum velocitatem, equorumque & quadrigarum ignobile studium prosecuta . Quo magis lubet admirari laude premisque exceptas corporis dotes, quibus ab brutis ipsis super-

peramur, nullam aut exiguam ingenii laudem fuisse, quod nos ab reliquis animantibus secernit, estque eo nobilius, quod animi imperio, corporis seruitio utimur. Magna seculi nostri felicitas, quo prospicere nobis veram laudem, eaq; bona possumus, quæ propria hominis sunt, nec aut ætate deflorescunt, nec morbis atteruntur, nec factorum inuidiam reformidant. Sua literis laus est, sua sapientiæ, & corporis insignibus ingentes animæ decorantur.

Me quoque in hoc Iuris prudentiæ curriculo ad veræ gloriæ metam anhelantem, vna humanitatis vestræ spes sustinuit, labantem erexit, fouit, atque in hoc ætatis flexu gloriæ, & immortalitatis admonuit. Decurso igitur vestris auspiciis stadio, non aliud quam vos magnos Agonothetas venerari, omniaque bona ab superis precari possum. Quoscunque enim benigno lumine respexeritis, ij vulgo exempti nihil plebeium sapere aut spirare possunt, gloriæque commendati, æternitatis albo adscribuntur. Huc cuncta vota mea reciderunt, hoc est quod me vixisse gaudeam, quod tantam felicitatem primum Deo præpotenti, dein vobis imputem. Te vero Cæsar Feramusca Iuvenis doctissime, quo nomine appellem nescio, qui in magni patris sinu arcana sapientiæ edoctus, ijs annis, ea publice profiteri cepisti, quibus ea primo perdiscere magna laus habetur. Tu hodie tuorum in me meritorum summam hoc vno absoluiisti, quo ante mortales interioris literaturæ, atque eloquentiæ, quod gentile bonum est, fama deuinxisti. Vivas modo, valeasque & quod mihi nunc, id diu pluribus merito præstes, diu multos votis damnatos ad Themidis sacra sistas, sic te Themis, sic salus ipsa æternum respiciat.

EXorientis gloriæ festa hæc lux mihi semper optatissima, & laborum meorum finem attulit, & nouæ felicitatis initium, & grande meritorum vestrorum incrementum. Nec

alia mihi lætior affulfit dies, qua me vestris auspicijs, atque humanitate innocens laurus vilibus curis euexit. Quæ quò maiora sunt, & spem quoque meam, ac vota præcurrunt, ita etiam maiestate sua subducta, nulla vi exprimi, nulla Oratione percenseri possunt. Cum præsertim eo ipso felicitatis fastigium attigerim, quod tuo ductu Abbas Paulucci, Vir præstantissime, immortalitatis insignibus decoratus sim, quem summum sanctior prudentia Antistitem, & disertissimum Pytho in huius Collegij, in seculi decus ostentauit. Verum sacra Charitum violare videor, & verborum volubilitate beneficij magnitudinem imminuere. Magis me tacente intelligent homines, quod vos non tam de me, quàm de studiosis omnibus atque hac ætate optime meriti sitis, atque eo maior benignitas vestra est, quo humanas vires supergressa hoc ipsum imputat, quod omni gratiarum actione maior est.

Quod me laboribus, ac vigilijs ritè expiatum ad The- midis sacra produxistis, atque ex Virtutis templo in proximum Honoris Theatrum transire iussum, doctarum frontium præmio decorastis gratias habeo, quantas capere imbecillitas mea potest, referre non potest. Nam si ex largientis dignitate beneficium æstimatur, quid vobis illustrius, aut præstantius excogitari potest, qui Deæ istius sacerdotes, Romanum cultum cum laurea rite initiatis conceditis, tum gloriæ atque immortalitatis arbitri quibus visum est æternæ famæ prærogatiuam dilargimini. Vestra hæc insignia ad laudis incrementum incitamenta sunt, magnamque mihi præclarè agendi necessitatem impositam sentio, vt cum me præstem, qui vestro hoc honore, tantorumque virorum iudicio non indignus videar. Me ergo nomini vestro perpetuo addictum habebitis, & ex hoc facile muneris vestri magnitudo apparebit, quòd sola beneficij professione exsolui possit.

Ve-

V Eterum sacrorum id demum ius fuit, vt & prophanos arcerent, nec tota simul traderentur. Sic olim Samothracia, sic Eleusinia adytis suis, & inexplicabilibus arcanis à prophanorum curiositate, à sacrilegorum ausu satis muniebantur; mortalium spes torquebant, suspendebant vota, desideria irritabant, cupiditatesque excruciatas differebant in longum. Hinc aliæ ex alijs ceremoniæ: minora, ac maiora mysteria: delibatus honos, ac completus, per longas ambages, per gradus, ac suspiria, precesque iam lassas sacra commendabant, & gratiora reddebant, quo fuerant expectatiora.

Vestrum hoc Patres Iurisprudentiæ delubrum est, in cuius spem præclara iuventus generis ac literarum prærogativa informatur. Instar Eleusiniarum hæc sacra sunt, veraque Thesmophoria, ad quæ non nisi per minora sacra, longaque initiorum experimenta aditus patebat. Sic quicumque ad hæc vestra mysteria vetustate, ac religione augustissima anhelant, sacrorum initijs Patauij imbuuntur, atq; ibi per quinquennium, maiusque spatium ad hæc præparantur. In hanc ipse quoque fortunam editus atque educatus, huc tot annorum vota intendi, & Patauinis sacris per sexennium initatus qualecumque virtutis experimentum dedi. Nunc demum in vestibulo Deæ ante ora vestra positus, Patres, ac Pontifices venerabundus obtestor, per loci maiestatem, per Deæ ipsius Numen præfens, per quicquid sacrum, ac sanctum est, me ad Aстреæ vestrique cultum admittite: religiosum inuenietis si Deam, vosque adorari permiseritis. Et quoniam tota initiorum religio silentio constitit, ad oracula tua magne Antistes ac Hierophanta patere me sacrorum legibus vti, mutumque, atque elinguem tanquam Pythagoræum multum audire, parum, aut nihil loqui.

Homerus poetarum Plato, cùm fictis fabulis sanctioris sapientiæ mysteria prophanorum oculis subduceret, vt Iouis inexplicabilem maiestatem describeret, quàm forte is minus dicto audientes Cœlites haberet, vt admoneret obsequij, atque ineluctabilem Imperij sui vim ostenderet, sic eum inconcione superis minitantem inducit. Demissurum se in experimentum ex olympo auream catenam, tum Cœlites omnes, tam proceres ac Consentes, quam minuta Diuorum plebs, Cœlique ærarij, collatis viribus ad catenam appendenti, tentarent, si quo pacto possent ipsum vel latum vnguē de folio dimouere. Vbi tanti conatus in irritum cecidissent, seipsum cum libuisset eâdem catenâ, non pelagi modo, terrarumque tractus, montium iuga molesque, inertem telluris globum, ipsasque inferorum sedes, sed omnes Deos inde pendentes, ac reluctantes in Cœlum subducturum, ac demissurum, tanquam si oscillatione luderet.

Quid aurea hæc catena apud vatem maximum esset, sapientiæ interpretes anxie quæsiuerunt. Alijs fatum, alijs providentia, alijs aliud arcanum visum est. Sed serio cogitanti mihi, non aliud, quam rerum dominam Iurisprudentiam ab Homero demonstratam apparet. Hæc enim Iouis mens ac consilium, hæc diuina potestas, visque immensa, & ineluctabilis, fato maior, res humanas æquis Imperijs temperat, hominum societates tuetur, scelus ac maculosum nefas procul habet, furem multitudinem compescit, hominem animal numquam satis domitum, per ferrum, atque ignes iracundiam explens, sub potestate habet, atque ab æterno Iouis folio pendens, summa imis vertere, Orbem concutere, ipsosque Inferos, ac brutam tellurem reuellere potens est.

Ita quicumque huic Deæ nomen dederit, eiusque sacris initiatus fuerit, eum rerum humanarum arbitrum illico fieri manifestum est, mortalium fortunas subiectu habere, præmia, ac pœnas decernere, hoc est Iouis ipsius æternam, atque in circumscriptam potestatem proxime referre. Fateor Auditores

tores optimi, in me pene puero mirabiles huius Deæ amores excitatos esse, & cum primùm ex ephebis excessi, iniecta in maiores contemplatione, atrium domesticis imaginibus ex cultum perlustrans, vt auita laude ad decus capeffendum incitarer, animi anceps hærebam, cui me studio potissimum addicerem. Hinc enim paludati, ac triumphales aui sceptræ, & gladios oculis iniiciebant, legionum regimen, defensam patriam, victricia arma circumlata, captiuorum greges, altamque cruore laurum, & per mille mortes acquisitam immortalitatem. Ita veluti desidiæ, ac degenerem animum exproabant, si inter adolescentum subsellia iuventam consumerem, moxque ignaua, atque incruenta laurea, euinctis temporibus, ciuilibus officijs togam contererem, & vel fori iurgia clamorifamque rabiem sectarer, vel Aedilis inæquales mensuras frangerem: vel rerum capitalium Quæstor, supercilio, ac minis, sed magis cruciatibus fontes torquerem, inter quorum sordes, ac reatum miserè obsolescerem: aut demum ad Prætoris tribunal absurdos disceptantium clamores tota die audiens lites tollerem, vel sererem; Et si hæc omnia displicuissent, vel alto otio pallerem inglorius, vel ruri abditus inter agricolas, & operarios boues mustulentum Autumnum, atque ignauas hiemes, occupato villici munere sordente foco transigerem. Itaque torporem excuterem, & belli munia strenuè capefferem, quibus ingens gloria, altæque opes penatibus inuherentur. Hinc verum triumphum, hinc virilem lauream peti, cetera puerorum plorantium crepundia esse, otiosorum hominum ludibria, atque indecora inertæ velamenta.

Contra hæc placido ore rogati aui differere videbantur. Cauere summo opere ne tam præcipiti consilio aures commodarem, ne inanis gloriolæ spe animæ prodigus spiritum ac sanguinem arenæ, ac funeri autorarem. Ne exuta humanitate, ferarum ritu humanum cruorem haurirem, cœdibus fruerer, & alta hostium strage oblectarer. Quæ enim per
Deum

Deum fidem barbara voluptas, lanienam corporum exerce-
 re, bacchari per cædes, iugulare iacentes, spirantes vultus
 calcare, Urbium interesse funeribus, accelerare fatorum ra-
 biem, & quasi non tot quotidie morentur, ne Libitina de-
 coqueret, Acheruntis censum augere? Atqui feras, vel irri-
 tatas longo carcere, ac fame, consanguineis feris parcere,
 hominem homini lupum esse, & inter eiusdem gentis, atq;
 eorundem sacrorum participes sanguinem fundere, pro ludo
 haberi. Vt omnia tamen feliciter cadant, quem securum
 memorare suas pugnas posse. Quotum quemque ex saevo lu-
 do superesse? Veniret in mentem quot ipso militiæ rudimē-
 to intercepti essent: quot primis prælijs occubuissent, &
 quam semel corpore tetigisset tellurem, æternum morderēt.
 Quot stipendiis emeritos post tot exhaustos labores, cum
 minime crederent, leui pila, aut imbelli mucrone prostratos;
 magnam partem pacis portui proximos, nouis fluctibus re-
 sorptos, Martis naufragio obrutos. Ite nunc mortales &
 magnis cogitationibus oblectate spes vestras, optate requiē
 senectæ: arma postibus affigite, præteruolans globus, cuspis-
 que adaucta vota intercipit, sæpèque collapsas domos vno
 ictu inuoluit. Proinde pacatum decus capefferem, & ciui-
 libus ministerijs patriæ, ac magistratibus spiritum reseruare.
 Vt in summo Iustitiæ throno mortalium cætus regerem, iura
 populis darem, responsa etiam armati timerent, postremo
 longa serie ductos per familiam honores propagarem.

Hæc sententia mihi potior visa est. Inde me totum pacis
 studijs addixi, ac Themidi nomen dedi. Quid profecerim
 hodie si per vos libuerit experimentum daturus sum. Nunc
 sine lituo, ac truci murmure cornuum, pugnae incruentæ si-
 mulachra ciere animus est, vel vicisse, vel etiam manus de-
 disse gloriosum fuerit. Hoc ergo agamus.

N Ascensu Orbis primordijs cum recens humanum genus in omne scelus ac flagitium rueret, iratum Iovem poetæ prodiderunt, de superum consilio terrarum eluvione ingratos mortales perdere statuisse. Ita laxatis Oceani claustris, Cœloque in imbres, ac grandines liquecente, primò plana Orbis stagnarunt, mox, & turrium fastigia, & edita montium cacumina toto elemento obruta iacuerunt. Solum biceps Parnasi iugum ea peste intactum, sacratum verticem cuncta prementibus vndis extulisse, atque illuc ex totius mortalitatis naufragio hominum par enatasse, & in Themidis templo vota posuisse, sortesque poposcisse, veteribus traditum est.

Quæ quidem reputanti mihi Patres Amplissimi, non obscura, & maiestatis Iurisprudentiæ, & vestræ humanitatis argumenta apparent. Nam ut olim aquis, ita nunc vitijs terrarum Orbis obruitur, & vel inscitæ fluctibus iactati mortales fluitant, vel voluptatum gurgite merguntur: & si recte calculum ponas, ubique naufragium est. Pauci admodum improbo labore euerberatis vndis ad bicipitis Parnasi, hoc est Cæsarei ac Pontificij iuris cacumen enatant, & in Themidis templo humani generis fata petunt, redduntque. Me quoque Ionium frangere, noctem hiememque vincere, vastoque ingurgite pelagi, Cœlique furorem vitare, hucque demum appellere potuisse vix mihi credo. Vestrum id munus est Patres optimi, qui amœna Parnasi vireta incolitis, & quotidie mortales scopolis, ac fluctibus vindicatis. Tu præcipue Cæsar Feramusca Vicentinæ nobilitatis decus, prima iuventa inter Iustitiæ sacerdotes virtutis merito adscribere. Ipse parens, locique dominus Apollo, cum hæc loca subiret, ætatis flore vernabat, & iam tantus erat, ut ab adolescente grandæui senes responsa peterent. Hoc tibi magnum superi dederunt, ut insidere tripodi, & fatidicas cortinas mouere iuuenis possis, vnde grandærate, totque annorum mystæ submouentur. Me igitur ad limina, laurumque Dei bono cum omine inducito. Fata cane,

&

& quæ tibi Delius inspirat, refer, sacra fronde tempora velis,
Phebæa adita, atque Aſtreæ recessus pande, & eris mihi ma-
gnus Apollo.

Vetus mos fuit Orbeq; adhuc recenti inductus, vt quos
præclara facinora, artes inuentæ, magnæque ingenus
humanum merita mortalitate superuexerant, eosdem Cœlo
sacratos Diuorum numero adscriberent. Sic Hercules, ge-
minique fratres vitauerunt Orcum, sic Phrigius Heros, Ro-
mulusque pater Indigetum numerum auxerunt: sic demum
nouam hominum Coloniam, quasi non satis monstrorum in
Heliodea diuinitate esset, in cœlum traductam, grata poste-
ritas aut credidit, aut finxit. Rarius inde parciusque, maio-
re diuorum populo, quam hominum, Cœlitum ciuitate dona-
ti sunt mortales, donec Cæsarum fastus hos sibi honores ab
ijs expressit, à quibus libertatem extorserat, vt vltima ser-
uitutis patientia viuentes, ac videntes consecrarentur. Id
vocabuli fastigium, etiam qui vanum crediderunt sibi inter
regnandi munimenta circumposuerunt, & quasi fatali desti-
natione diuinitatis candidati Cæsares, vt citius Cœlum au-
gerent, prope terris pellebantur. Multum irridentibus,
qui viderant, quique audierant, sæpe Deos fieri, qui flagitijs
hominum ius, ac naturæ sacramentum violauerant, & ab ijs
Cœlo transcribi, qui alios facere Deos, se ipsos non possent.
Sed quæ est ista intempestiua philosophia? Quid ve atti-
net Diuorum veluti lustrum agere, atque Olympi album
dispungere? Vt illa aut Græcæ assentationis, aut Romanæ
seruitutis dedecora; ita si fas est dicere, vestra hæc Patres
Apotheosis solida est ac sincera, non extorta, aut fucata,
sed solius virtutis autoramentum. Nam si vos Deos esse di-
cerem, non modo assentationis suspicionem non vererer, vt
etiam me rem præclaram fecisse arbitrarer, qui scirem sacro-
rum Oraculorum responso, Vos, & quicumque ius mortali-
bus

bus dicunt, & in excelso Themidis templo præmia, ac penas dispensant Deos vocari. Sed detur hoc modestiæ vestræ, detur seculi, ac Venetæ libertatis ciuili genio, vt vos non Deos, sed Dijs proximos, ac veluti Deorum optiones, sed Deorum imaginem, vestrumque hunc sanctissimum confessum, Cœlestis illius simulachrum, quo rerum naturæ vices, ac mortalitatis negotia æterna lege reguntur. Vobis enim tamquam pro specula excubantibus humani generis fata concredita sunt, nec secus ac Iupiter Homericus ex geminis dolijs bona atque aduersa mortalibus partimini, & cū Dijs ipsis bene merendo de hominibus, contenditis. Ita si vos non Deos magnos, certe consentes, & consiliarios dici fas est. Idem ille Iupiter nisi adhibitis in consilium Dijs assessoribus fulmina mittit, altasque turres iaculatur, vos cum opus est de capite ac fortunis hominis sententiam fertis, iidemque mortales Ioues, Tros, Rutulusue suāt, æquiestis.

Non itaque mirum esse debet, si in hunc Heroum conciliū admitti Urbis huius alumni omni ope contendunt, hæcque votorum summa est. Hæc nempe domus bipotentis Olympi, quo non Homericæ Dij gregatim, ac tumultuariè, multoque Neptaris flore percussi congregantur, & in partes diuisi mera mapalia faciunt, sed ijs artibus excolta nobilitas, quibus parta est, sed sanctioris sapientiæ decus, sed vtriusque literaturæ cognitio, sed artes domi forisque præclaræ conueniunt, ac pro ciuium salute, pro Veneta maiestate, pro patriæ dignitate, pro gloria, pro immortalitate peruigili cura consultant.

Nec me audaciæ accusari par est, quod inter magnos candidatos nomen meum profiteri non dubitem. Nam si optimos mortalium altissima cupere, prudentiæ summus firmavit, in hac tenuitate diffidisse aut desperasse pusilli animi foret, ac degeneris. In id ergo ab adolescentia ad nunc sum: huc mentem huc vota conuerti, huc quinquennij labores direxi, huc nocturnas vigilas, atque indictum voluptatibus

bel.

bellum, ut tandem in hanc Olympi Regiam, si non inter magnos, at inter minutos Diuos numerarer. Deorum est, ut liuore non tangi, ita precantum vota pronis auribus excipere, quibus si me damnabitis, vos testor, posterosque meminisse volo. Nec tam praesentes alibi cognoscere Diuos, nec me potuisse mitiores.

Charites Deas, quas Latini Grantias dixerunt, ingeniosa vetustas nudas induxit, ridentes, manibus implexas ac perpetua iuuenta florentes. Omni veste abiecta, quod gratiarum actio simplex, ac minime fucata, nullisque pigmentorum iniurijs interpolata esse debet. Ritus non beneficium modo, sed prompte, atque hilariter serenaque fronte collatum demonstrat. Quod manibus iunctae sunt, id verò denotat beneficia non vna, sed & mutua, & alia subinde cumulata. Tandem florens iuuenta, quid aliud sibi vult quam beneficiorum memoriam nunquam senescere debere, sed integram ac vigentem in animis mortalium perennare? Patres Amplissimi quantum vobis debeam vix ipse capio, & in tenuitate mea id vnum polliceri, id vnum praestare possum nudo ac simplici obsequio agere me nunc, & perpetuo habiturum gratias, quantas cumque capere humanus animus potest. Gestientem insuper tanto beneficio omnem vitae tristitiam hac hilaritate discussurum. Et quia par pari reddere non possum, saltem quandiu spiritus hos reget artus, tanti muneris beata quadam recordatione perfruiturum. Iuuenis adhuc sum, sed celerimè labetur haec aetas, & Deus faxit, annorum flos tristi senio soluetur: memor operis vestri gratia, ætatis iniuriarum expers, perpetua iuuenta vernabit. Tibi praecipue Paule Dotre Magnum huius Collegij decus, quo duce Charitum delubra ingredior, easdem Deas praesentes ac propitias semper precabor, ut illæ de te, tu de humano genere optime quotidie merearis.

Vlyf.

VLyfsem capto Ilio terris, & alto iactatum fracta rate
 irato mari luſtantem, ad Phæacum littora expulſum,
 nudum, omnis humanæ opis egentem hoſpitio exceptum,
 Regiis hortis, epuliſque reſectum, poſtremo maximis mu-
 neribus ditatum patriæ incolumem redditum Homerus va-
 tes prodidit. Magnum vtriuſque fortunæ, & nunquam de-
 ſtitutæ virtutis argumentum. Me quoque ſi non rerum ge-
 ſtarum gloria & calliditate Itacho parem, at iuventæ erro-
 ribus, caſus eius proximè referentem, lubricæ ætatis ſalo ia-
 ctatum, hæc dies natali felicior ad has beatorum inſulas ex-
 ponit. Quid enim aliud Iuventa eſt, quam pelagus, vnde
 pauci incolumes enatant, plures eluunt, plerique omnes
 uvida veſte vota litoralibus Dijs nuncupant. Aetatis ipſius
 in elemento inſtabili inconstantia, latentes infortuniorum
 ſcopuli, maliciæ blandientis perfidia, venti, ac turbines di-
 ſcordiarum, ſyrenum inſidiæ, quid aliud quam maris fidem
 intamem reddunt? Iuvat nunc tellurem premere, magnæ-
 que matri oſcula figere, iuvat trepidum reſpectare, gurgi-
 tesque, & dehifcens pelagus feſſis luminibus tueri, iuvat
 vobis Phæacibus grates, gratiasque habere. Tibi præcipue
 Michael Pierucci præſtantiſſime tanquam Alcinoò ſeruato-
 ri, quem ingenii ſingularis ſolertia, eximia ſapientia, nec vno
 caſu exercita virtus Phæacum ſceptro dignum reddunt. Tu
 me phæſelo vaſtum æquor ingreſſum conſilio, ope rexifti, tu
 cautes vitare, tu licet legere, tu ridenti ſerenitati nihil fi-
 dere docuiſti: nunc me portum ſubeuntem per Nauſicaam,
 hoc eſt Iuriſprudentiam excepifti, nouoque cultu alium iam
 hominem induiſti. Tibi ergo tantum debeo, quantum nau-
 fragus, & exſpes tutelæ debet, & ſeruatori.

COculo demiffam, humanis rebus decus, ac tutamen ſa-
 pientiam, naſcentis Orbis initio innocentes animæ ex-
 ceperunt, cuiusque beneficio vitam Dijs proximam tranſege-

re. Non fixæ ære leges, non minis, ac supplicijs vetitum nefas, non terrore coercita peccandi licentia, sed sponte virtus placebat, bonique mores sola innocentia commendatione probabantur. Sed ea primorum mortalium moderatio fuit, ut cum verè sapientes essent, sese modo sapientia cultores profiterentur, mitigato eorum fastu, qui superbo hoc titulo intumescabant. Et diu quidem diuinam hanc Penelopem nobilissimi proci in nullius iniuriam sectati sunt, diuque vita magis, ac moribus quam verbis sunt philosophati. Quid eo sæculo beatius cum præter ostentationem sapere licebat, seque non modo à publica re, verum à mortalitatis contagione secernere, & anticipata beatitate perfrui, omniaque ad sapientia præscriptum exigere pretium fuit?

Ita quandiu sincera, minimeque fucata sapientia vixit, is honos eius sectatoribus habitus est, ut vel Dij vel Dijs geniti certe humana sorte augustiores crederentur. Sed postquam factione, & scelere sapientia contaminata est, barba & pallium, sed præcipue intoleranda superbia penes impostores remansit. Si vultum cultumque respiceres, non improbares, Compositum os in modestiam, deiecta lumina, subducta supercilia, verba veluti ex imo pectore eluctantia. Proscissi sæculi mores, temporaque virtutibus infesta palam damnata, procax in summa capita libertas, & ad captandam vulgi auram importuni latratus, animæque tanquam rei superuacaneæ contemptus.

Sed si introspeceres dira ambitio, in æquales liuor, foeda flagitia, Deorum contemptus, & hominum, communicæ uxores, matrimonij reticenda in propatulo vsurpata, pecorum ritu vulgati concubitus, & media luce plantati ciues, interior vita toto Cœlo ab oratione discors, opinionum pugna, & solo vincendi studio digladiationes, nulla veritatis, aut virtutis cura, inter infensos corruptosque, ac corruptores.

Incredibile dictu est quantum, quamque inexpiabile odiū sibi,

sibi, ac posteris monstra hæc confluuerint. Primo enim dum sapientiam in partes secant, & quod olim Homerici Heroes *μυσῖλλον τάραι ἄλλα* distrahuntque ac lacerant, solidum eius contextum labefecerunt, tum erumpentibus flagitijs, tantum sibi atque arti dedecus contraxerunt, vt quoties aliquis in publico apparuisset, opaca barba, & renudante perscissuras vanitatē tribonio, statim illud vulgo vsurparetur, Impostor, & id quod dicere nolo. O fatum sapientiæ infelix! Siccine à cultoribus suis vexari, trahi, lacerari, prostitui? Verum hoc vnum diuinitatis argumentum est, inter philosophorum fœda facinora, inter mortalium execrationem, Orbisque liuorem agitatam sapientiam, nihil de pristina maiestate amisisse.

Est quod superis etiam hoc nomine gratias agamus, quorum virtute sine opprobrio vulgique inuidia, ac saluo frontis pudore, non per ganeas, ac gurgustia, & fœdissimarum voluptatum latibula, sed palam, & clara luce huius Dæ sacræ frequentare licet. Profligata impudentia est, compressa licentia, detracta sycophantis larua, & tandem bona fide sapientia mortalibus restituta,

Vtinam hodie reliqua conuenirent, & Philosophia veteri probro asserta, si non cultorum suorum infamia, saltem mortalium neglectu, & neglectum sequente inopia, non laboraret. Laudatur nunc philosophia, & friget, summo cultu, ac veneratione sacrum hoc nomen excipitur, reliqua iacent, & Medicis, ac Iuris consultis cuncta occupantibus, magna hæc artium, ac disciplinarum mater, siue alumniis suis, siue ancillis deccedit, & penes se inanes titulos, penes gnatas, operasque suas rem esse, & factionem non inuidet, non indignatur. Quid ergo opus mihi fuerat infrugiferam sapientiam sectari, & non potius iis artibus nomen dare, quibus honestæ opes pararentur, veteris, & numerosæ familiæ commodo, cui graue onus incumbit innocens, & minime opulenta nobilitas? Primum omnium optimo parenti gerendus mos fuit, qui mihi Victoris nomen indidit, vt fratris eximii philosophi memo-

riam renouaret, cuius doctissima voce adhuc hæc sapientiæ sacraria personant, quem olim ætatis nostræ Philosophorum Princeps, animæ dimidium suæ, & gymnasii mentem appellare consueuerat, qui si fata aspera rumpere potuisset, absit dicto inuidia, profecto effecisset, vt summi illius viri extra aleam ingeniorum, sicut extra omnem inuidiam posiri desiderium mitius ferremus. Prouidè ergo mi parens cauisti, ne tanti viri memoria intercideret, vt eius nomine tanquam stimulo ad gloriam patruj æmulandam excitarer.

Super omnia eo precipuè ad Philosophiam animum adpuli, vt me liberali causa manu assereret, & quandoquidem mihi illud beatissimum contigit, vt non Athenis, quod ille gloriabatur, sed sub maximo ac mitissimo Venero Imperio nascerer, hoc est maxime libera terrarum parte, reliquū erat, vt quoad fieri posset, animum etiam in libertatem vindicaret. Nec aliter seruitium exire licebat, quam si Philosophiæ ope vitiorum compedes, lenta voluptatum vincula, iuventæ blandientis nexus effugerem. Philosophiæ beneficio etiam capillatus capere pileum possum: illa aduersus feros, & impotentes dominos vindicias tulit.

Erant præterea aliqua hoc seculo, his moribus, quæ non nisi philosophico stomacho concoquere possemus. Nisi quis loca sola, ac deserta cogitat, quibus aspectum tristibus, ne ne doleant oculi, subducat. Occurunt illa vulgo, nec lumina modo, sed indignantem animum lacescunt, quæ solius sapientiæ præceptis, quàm aspicere possumus, tam ferre. Cuius vis atque institutum est, vel malos meliores facere, vel eorum laquei non infici. Itaque me totum huic Deæ addixi, quantum profecerim, Iuvenes ornatissimi, explorare vester labor est, mihi gloriosum fuerit ex sapientiæ contubernio, quod difficillimum est, modestiam retinuisse, vt victus dem manus, nec contentione, aut altercandi studio, sed veritatis amore in campum descendisse dicar.

Rebus ad nulum fluentibus animum insolentius non attolere,

lere, neque aduersis frangere, humiliusque demittere sapientia prima est. An recte me in hac Musarum palæstra gesserim vestrum arbitrium erit, mihi vtriusque fortunæ moderatio relicta est. Neq; tamē longo verborum ambitu grates expediam, quod tantum beneficium verbis expendi nō possit, & Philosophia magis rectè facere, quam dicere præcipiat, animumque erudiat, quam linguam. Hoc etiam me excusabit, si duo clarissima Veneti Senatus lumina, geminam huius Urbis tutelam, & benefica sidera, non exaggeratæ Orationis pompa, atque effusis Rhetorum myrotheciis, sed simplici, ac sincero affectu prosequar. Ex sacrorum formula fauebo linguæ, nec tantas laudes inopia sermonis humani temerabo, & ad tantum fulgorem perstrixis luminibus, id vnum pastores populorum, potestate Diis proximos precabor, ut quemadmodum immortalibus operibus magis quam verbis sibi hanc Urbem, genusq; humanum deuinxerunt, ita etiam non tam verba, quam mentem supplicum respiciant.

A Vdiuere superi vota mea: audiuiſtis vos, quibus secundum diuos omnia debeo. Non plus olim ad Thebanæ Sphingis aspectum, nodosaq; sortis verba expauit Oedipus, quam ego ante ora vestra placido licet lumine serena ad legum ænigmata horrore sacro perfusus sum. Dirceæ rupi monstrum illud insidens, cruento rictu cœcas ambages miris modis implicans, hærentes captosque ad carmen horrendum mortales, infanda vates macſtabat: spiritusque impendio lubricæ, atque ancipitis Orationis inscitia stabat. Liceat Patres dixisse. Sphinx, sed humana, sed mitis vestras hæc sedes incolit. Non illi ferinum os, pallente sve genæ, & imbutus mortalium cæde rictus, non cruenti vngues, alitisque feræ aspectus est. Nihil præter obscuras sortes & implexos nodos sphingis habet. Hanc quicumque sacramentum Astræ dicturus est, accedit, sortes poscit, responsa elicit, qui-

bus soluendis trepidet. Nescit illa ambagēs, nēxasque miscet, mentisque dubiæ acumen explorat, & torquet. Non vnus Oedipus est, & implexæ sortes innoxia vate solvuntur. Sed quicumque deprehensus hæsitat, nec se expedire, cœcoque negotio extricare nouit, is quidem non vita, sed quod vita carius est honore mulctatur. Mitiori seculo maius supplicium obuēnit, si tamen inter viuos numerandus est, qui sibi ipsi superstes, inter viuētes salua fronte versari non audet, sed famæ decoctor ex doctorum, hoc est ex hominum albo expungitur, vitamque morti simillimam, quoniam de vtraque siletur, transigit.

Ego valde metui, ne pro Oedipo Davus essem, sed vestris auspiciis Patres lenta vincula exire licuit, tua præcipue ope Paule gentis prærogatiua ante omnes disciplinas Docte, & postquam ceteros docere cœpisti Doctissime. Qui intra iuventam ea cumulate præstas, quæ vel polliceri magnum habetur, in hoc Iurisprudentiæ studio, iam tum metas attingēs cum adhuc in carceribus versari laudabile esset. Tibi hisque vniuersis prolixè gratias agerem, nisi me sphinx arcanorum insigne silentii admoneret.

VT verum fatear Pâtres, & ipse fortunam meam vix capio, & beneficium vestrum maius est, quam vt verbis exprimi possit. Vix iuventam egresso, rudique & inexperto humani generis fata commendantur, & sine Areopagi suffragijs, vitæ, necisque mortalium arbiter constituor, idque sine prouocatione, Dictatoris imperio. Quid maius Iupiter Homericus Diis tribuere potuit: cum manubias, & fulmina dispertiret, fulmine etiam in artis huius parente pectus liuoris capax testatus, summa indignatione adimi sibi ab homine vno supremam illam potestatem, & diuinitatis argumentum, cui & perdere homines impune liceat, & depositos in Parcarum contumeliam deripere Orco.

Vi-

Videte Patres quàm minimum mihi licere debeat, cui tantum licere voluistis. Et Reges quidem non sine iudiciorum apparatu, ac Tribunalium fremitu, supremas necessitates peragunt: qui in hunc cœtum adsciscitur, sine laqueo, & liſtoribus, non dicta die, de vita hominis, qui pars mundi est, & animantium numerum complet duobus verbis deliberat. Ne Dij tamen tantum nefas ſirint, vt quis hoc diuinitatis Imperio in perniciem abutatur. Diua ſalus, & vos omnes, & quoscumque ægros inuiſam respiciat, vel me potius pater fulmine ad umbras adigat.

Interim quantum vobis debeam ſatis ſit quod intelligo: tibi præcipue Io. Baptiſta Soncine Brixianæ nobilitatis ipſiusque Hygiæ decus ſummum. In cuius ſanctiſſimo contubernio educus menſarum ſacra, & hospitales Deos muſarum fœdere iunxiſſe gloriôr. Vt me tibi totum perpetuo nexu vindicare poſſis, quemadmodum tibi medicæ artis, atque incredibilis humanitatis ſaſtigium aſſeruisti.

Nimirum res humanas fortuna verſat, potens ſuperbos vertere funeribus triumphos. In me quoque veſtris auſpicijs P. A. ad immortalitatis Capitolium albis quadrigis vehentem, ex trãſuerſo eiufdem licentia incurrit, patruique amantiſſimi, medica arte clariſſimi morte triumphum muſarum funeſtauit, totamque hanc lætitiã quantamcumque capere mortalis animus poteſt fœdauit, corruptit, infregit. Me miſerum, cui pro Epinicio Nænia canitur; pro curru phœtrorum, pro feſta pompa ſerale agmen ducitur: pro æde Martis ultoris, Libitina petitur: pro Capitolina palmata, atra toga ſuccedit: vtrinq; faces, vtrinq; tubæ: nec opus eſt ſeruo, qui me hominem eſſe admoneat, cum etiam mortis depulſores moriantur.

Parcite Patres ſi auguſto in loco ſeralia attreſto. Etiam artis huius patens Deusque, ſublato Iouis ira filium luxit,

& per oculos Dei iuisse lachrimas, in solatium mortales acceperunt. Reuocare tamen animum ad firmitudinem præstat vestra Patres humanitate, qui triumphum decreuistis. Ex tuo amplexu solatia petam Io. Baptista Soncine, cuius Medicæ artis præstantia inuidiæ capax, minima tamen laus est, quæ ciuilis prudentia, ac nobilitas, publicusque fauor æqualium ceruicibus extulêre. Lauream largiris, ipse querceam promeritus, non vnum ob ciuem, sed innumerabiles mortales seruatos. Triumphus ipsius omnisque gloriæ supremum decus est, quod lauream rara felicitate, in Iouis non vnus, semper iuvantis, ac placida maiestate fauentis sinu depono. Sic mihi & Vrbi huic Numen beneuolentia vnum, potestate duplex propitium, ac salutare sit, cuius aspectu sereno abstrudere mæstitiam, cogor, pro amisso patruo duplicis genij, & audere liceat parentis tutelam sortitus.

Veteres in Aesculapij templo stratis ouium pellibus ad captanda in somnis morborum remedia indormire solitos accepimus. Quod per quietem Deos salutis præsidēs, ægritudinis curationem ostendere, & quid cuique morbo pellendo proficeret demonstrare crederent. Sic olim medicina non nisi Deorum ministerium fuit, qui cum ex hominibus in Cælum medicos euocassent, ipsi ad curandos mortales crebro Cælum deserebāt. Quid hac arte augustius, quid diuinius dici potest? Sed melius, fatendum est, humanis rebus consultum, ex quo relictis somnijs, ac somniorum interpretamentis, mortales mortalibus beneficas manus admoouerunt, & certa rerum obseruatione, naturæque parentis præscripto, Deorum beneficia homines prouocarunt, oblitando fati, atque ævum extendendo. Quod si quis nunc vivit qui hoc præstare possit, tu pœnè solus es Benedicte Syluaticæ, naturæ miraculum, qui si Homericis temporibus vixisses, nullos Machaones, aut Podalirios, sed tuum nomen vituris

Auris æternum carminibus diuinus vates consecrasset.

Vestrum hoc beneficium Patres, nec inusitatum, nec novum familiæ meæ obuenit: non recens hæc laurea primum penatibus nostris inducitur, neque hic dies vestra in domum nostram merita auspicatur. Diu est cum parens optimus, dignus vobis visus est, qui in eum cœtum adscriberetur cui humani generis salus dono superum commendatur. Vestro beneficio hic adoleuit, vestro consilio, ac sapientia imbutus generosos spiritus, & mortalitati beneficos in patriam retulit, ut quam à suis vigilijs, ac laboribus, ab humanitate vestra facultatem accepisset, hominum saluti impenderet. Ibi ducta vxore patriæ ciuem, familiæ alumnum dedit, nihilque antiquius habuit cum primum adoleuissem, quam me ad hoc Epidauri delubrum sistere, ut inde ingenij cultum caperem, vnde ille didicerat, vtile Reip. esse, & procreare homines, & eosdem à mortis meta reuocare. Et quoniam fatis vetaretur arte medica sibi ævum vltra humanæ sortis terminos extendere, sicut in me seipsum, ita artem suam propagare voluit, ut in hæreditate herciscunda in paternæ professionis partem venirem.

Vos cum hodierna die votorum compotem reddidistis, & redintegrato lauræ honore, me Hygiæ sacris volentem initiastis. Quapropter meo & parentis nomine gratias ago, quæ scio dubitaturum, plus ne vobis debeat, quod se tanto honore dignum existimaueritis, an vero quod beneficium hoc ad posteros quoque pertinere volueritis, quod supremis tabulis largiri non potest. Te vero Hieronyme Frizimelica magnum artis Medicæ decus, sidusque propitium, ac salutare, cuius benefica vi ab ipso rogo mortales subducuntur, ut bonum quendam genium, ac miserorum tutelam semper colam, artisque huius auspicatissima rudimenta, bono cum omne ponam, quod & corpora ab morte retrahas, & animis
do-

donare immortalitatem possis, quam tibi egregijs factis peperisti.

Video Patres quantum dignitatis, sed & quantum oneris hodierna laurea mihi impositum sit. Mortalium fata manibus meis commissa sunt, iusque innoxium vitæ, ac necis, & velut in Imperium mortis, atque Inferorum pacem pugnaturus, auctoratus sum. O triste ministerium, si ars salutis hominum inuenta, aut inscitia fallat, aut incuria venales vitas impune traducat. Plus vobis, quam Aesculapio, aut Apollini debebo si vsque in Iouis inuidiam Erebi iura resoluiam. Me ab irati Tonantis fulmine securum præstabit laurea, tum ego opima Acherontis spolia humanitatis vestrae delubro affigam. Ita vos meque salus ipsa respiciat.

Fato profugum Vlysses, naufragio ad Phæacum litora eiectum, beneficio Palladis humanissime exceptum & Regium in morem excultum accepimus. Hæc magna virorum fortium tutela, quæ per tot casus & discrimina errantem rexerat, ex Troiæ Halosi seruato, & ab iratis fluctibus erepto, in litore inhospito iacenti, cum ætatis honoribus, ac iuventutis flore prioris fortunæ cultum circūposuit. Nec aliud tam præclaro commento diuinus ille senex expressit, quam beneficam sapientiæ vim, quæ rerum humanarum potens ea bona cultoribus suis dilargitur, quæ non modò è naufragio enatant, sed fortunæ impotentia, ac rerum vicissitudine maiora sunt.

Ipse quoque Numinis huius maiestate perculsus, ante ipsius sacrarium venerabundus steti, & in secretiora admitti aut optaui, aut merni. Nec alia vota concipere fas fuit, quam quæ audire homines possent, & in quorum partem venire superi non abnuerent. Exarsit illico animus, & in rei pulcher-

rimæ

rimæ contemplatione defixus res humanas, curasque inanes mortalium ridere sapienter cœpit, quorum pars brevis æui sortem accusaret, pars vnam fortunam miseris votis sollicitaret, multo plures præter propter vitam viuerent. Hoc sensum sapientia imbuerat, vt nec illi vita opus esse crederem, quem veluti prophanum hoc templo abistere socordia, aut stupor iuberet.

Et licet nec Vlysses sim, nec Telemachus, vtcunque tamen iuuerit Mineræ contubernio, affectuum pugnam, vitiorum illecebras, cupiditatum æstum composuisse. Cuius celesti ope, vt e naufragio ereptus vobis me, vt ille Phæacibus approbare possim, non vt Aretalogus, & mendaciorum splendidus artifex, sed eiusdem Deæ responsa, & Oracula promam, vt vestris auspicijs vestraque ope ad sanctioris sapientiæ, rerumque diuinarum contemplationem accedam, & in vno omnia vota coniungam.

ANnus, quo temporum vices, & momenta reguntur, ipsaque seculorum æternitas disponitur, qui paulo ante infans vagiebat in cunis, repente adultus, moxque rapida mensum vertigine senio fractus, supremam nunc animam agit, eandem cum luce emissurus, vt in se conuolutus, rediuius resurgat, redditaque iuventute dierum, ac tempestatum accessu, ac recessu denuo effætus, mox reflorescens nos omnes, serius, ocys vnum post alterum, non redituros supremæ horæ adstituatur. Heu heu nos miseros, quam totus homuncio nil est! Reditannus, annique tempestates recurrant, soluitur hiems vere, ver in æstatem incumbit, æstus autumno temperatur, donec iners bruma recurat, nobis postquam brevis occidit lux, nox est perpetua vna dormienda. Hæc temporum fuga, fatorumque irreuocabilis rapiditas, monet me vt properem, & ne crastino quidem credens paucas horas injecta manu, complexuque toto asseram, extremam

*Disa
Pridie
Kalend.
Ian.*

tremam faſtorum paginam occupem, ex pereuntis anni rogo lauream rapiam, ipſoque deſinente anno, bene incipiam, torque anteaſtis laboribus imponam magnum diem. Sed ne labentia in præceps fatorum momenta, veſtramque morer patientiam, quorum beneficio Sol cadens, ſed & reuertens doctorem videbit, poſtremas preces tibi allegabo Paule Dotte ultra annos ſeculique mores doctiſſime, te lanum vtraque tempora reſpectantem, & ſiue pereat annus, ſiue renaſcatur, nunquam de ſtudioſa iuuentute benemerendo deſatigatum, ſaluerè plurimum iubeo, atque auſpicato tibi hiſque omnibus Neſtoreos annos precor, coniectis in vnum votis, vt vobis annos de meis annis Iuppiter addat.

Non novum eſt, aut recens, militiæ rudimenta à literis auſpicari, atque in ſcholis ante quam in caſtris tyrocinium ponere, magnarum rerum incrementa hiſce ſtudijs adoleſcere, Laureamque palmatæ, ac triumphorum ſociam, Caſtaliò fonte irrigatam, à ſacratīs muſarum lucis peti, doctorum frontibus ante deſtinatam, quam Cæſarum. Nam quantum cogitatione aſſequi poſſum, & præteriti temporis memoriam recordari vltimam, Troianis temporibus Pili ſenſis ſapientia coniuratæ Græciæ miraculo fuit, eiſque melle dulcior oratio, ſeras mentes, & ſanguine imbutas mirigauit; Quemadmodum minoris Atridæ dicendi vim regiam, atque Ithaci hybernīs niuibꝯ, ac procellæ ſimilem, armatæ phalanges expauerunt. Ita & Sparthana Reſp. minime omnium ambitioſa, ac ſola Græcæ vanitatis expers, armatas Muſas coluit, credo ne Palladi inuideret, quam parma, & caſſide ferocem obſtetricante Vulcano parentis vertice proſiliſſe poetæ prodiderunt. Athenæ inde ſummos oratores, ac vates magnis exercitiſꝯ, & claſſibus præfecerunt, vt neſcias, magiſne Demotheſtem legiones ducantem, an populi ſcœna moderantem Philipꝯ reformidauerit. Pericles incertū
ma-

manu, an lingua promptior, certe vtraque Græciam miscuit, istâ tonasse, illâ fulminasse creditus.

Quid Romanos loquar feram Martis gentem? Apud quos serò admodum literæ, ac disciplinæ receptæ, sed semel admissæ horrido castrorum contubernio admotæ, atque inter signa, pilaque minitantiambitiosius cultæ. Transeo, à Scipione Ennium, Polybium, ac Panætium expeditionum socios, sed magis bellicæ laudis testes, ac præcones circumductos. Sileo Romanorum vltimum Brutum sera nocte ante Pharsalicam pugnam librorum Polybij epitomen conficientem, & altera nocte quæ diem ipsi, ac libertati supremum antecessit Platonis libros legentem. Vnus Romanæ libertatis euerfor, Martis, ac Veneris eruditulus nepos, & ex Euripidis orchestra, regnandi causa iuris ingeniosus violator, tam cupide literas adamavit, vt libros paludatus circumferret, & in tanta rerum contentione, atque Orbis sibi subigendi molimine, serio studijs incumberet: vt vix credibile sit sexaginta triumphis succincto, & victorijs Orbem peragranti, vacare potuisse, vt aliquid legeret: contra eodem rerum suarum commentarios ita scribente, vt eloquentiæ palmam summis præriperet, & non tam armis, quam calamo Romani nominis pomæria produceret, quæri potuit, an vnquam arma tractauerit. Sed ille cum Musis, ac Marte operam diuidens, quæ die agebat, noctu lucubrabat; Et ex eo Magna facere, & scribere Cæsareum est.

Sunt hæc non infrior magnæ fortunæ exempla, sorte mea, ac mediocritate longe maiora, sed quibus facile consilium meum tueri possim; vt non ineptam, neque absurdam rem fecisse videar si in procinctu Musas adoro, atque ex umbra in solem, ex palestra in aciem & campum descensurus sum, si veræ laureæ præludo, neque impudenter postulo, vt me Minervæ commendet epistola Marti. Summo enim æternæ Reip. discrimine, fatis constantiam eius, & fortitudinem tentantibus, socijs subiectisque populis certatim opes, ac spiritum

ritum deuouentibus, non sibi defidendum ratus patruus meus, me atque fratrem plusquam paterna beneuolentia cōplexus, memor numquam in gente nostra defuisse, qui difficillimis Reip. temporibus rem, atque animam mitissimo imperio auctoraret, quantas opes ex tenui, sed auito patrimonio contrahere potuit, Reip. sacrario obtulit, meque ipsum tanquam pietatis victimam, ipsis libertatis aris adstituit. Itaque properandum mihi fuit, & abiectis lusorijs armis decretoria sumenda. Sed antequam in discessu patrios penates saluto, Patauini Dii iustitiæ, atque æquitatis præsidēs religiose adeundi fuerunt, Vosque magni eius sacerdotes compellendi. Tu præcipue Carbonchie præstantissime Themidis supremos honores in Patauina Academia virtutis merito adeptus. Quem vno Baldo minorem Perusia iactat, præcipua Europæ Gymnasia admirata sunt, Vniuersus Orbis responsis, tamquam Oraculis paret. Sed hæc exigua pars laudum est, quibus humanitatis gloria præcellis. Comitas innocentia, antiqui mores, pectus omni ambitione vacuum, omnium amorem, ac flagrantissima studia meruerunt.

Sed iam castra, iam prælia meditati pulcherrimum augmentum obijcitur, tres Soles Veneto mari purpurascens iubar effeferentes. Non quales extremis Romanæ Reip. temporibus cum triumuirorum conspiratione libertas oppressa est apparuisse scriptores prodiderunt: diro & abominabili ostento tres dominos humanis rebus impositos. Hoc lætissimum auspiciū Rectores, Pastoresque populorum terris commodatos, quorum beatissimo fulgore nox caliganti mundo discutitur, hicque ærarum angulus strepentibus circum quaque funeralis belli nimbis, secunda serenitate renidet. Et adhuc Oceano caput tollentes adoramus. Quid cum summam Cœli orbitam tenuerint? medius præcipue nondum plenè purpureus mysticus Mythra sacrorum, atque æquitatis oculus, lucem magnis sideribus breui foeneraturus. Quid aliud quam vota precesque fundemus? Ego præcipue laborum meorum atque operum

operum testes aduocabo , vt media claraque luce spiritum quem æternæ Reip. religiosissime addixi, cum sanguine fundens, ingens operæ pretium faciam .

Vetus est, ac peruulgatum, ministram fulminis alitem, volucrumque principem pullos suos vix editos Solis radijs aduersos in experimentum sistere, cuius iubar si fixis, & inconniuis oculis ferant tanquam suum sanguinem educare, si deiectis luminibus fugitare splendorem, & tantæ luci impares videat, vt spurios, & adulterinos illico abdicare, & conserpere. Cuius exemplum olim imitati Germani feruntur, qui recens natos infantes, & adhuc à matre rubentes gelidis Rheni lymphis mersare consueuerunt, quarum rigori si suffecissent, vt genuinum fœtum tollebant, hieme victos, fractosque vt degeneres abijciebant. Sic & Pùllos, Marfosq; accepimus gentem aduersus venena naturæ antidoto armatam, solamque serpentium pestem, hoc vxorum fidem experiri solitos, fœtus proxime editos in dolia serpentibus plena iactando, quorum tenellis artubus si innoxie serpant, & aduoluantur angues, nec nisi corpus lambant pro suis agnoscunt, certi adulterinam prolem ab serpentibus confectum iri.

Placuit semper vobis hoc consilium Amplissimi Patres, qui generosam iuventutem, veramque parentum prolem non ante adoptatis, atque in hoc Astrææ sacrarium admittitis, quam septem annorum experimento continuis laboribus, ac vigilijs vestram esse, hocque Cœlo, ac solo dignam probaueritis. Ex eodem ego numero in huius fortunæ spem educatus, procul à patriæ illecebris, ac iuventæ corruptelis in celeberrima Academia tyrocinium posui, ac legitimo septennio confecto, aduersam fortunam expertus, quæ sæpe rebus humanis illudit, repetito paulo post experimento, totum id esse fatorum crimen ostendi, virtusque repulsæ sordidæ ne-
scia

scia aduersis clarior enituit.

Hæc rotius nobilitatis vota sunt, in hanc spem omnes eriguntur, hæc felicitatis summa, vitæque ciuilis, ac beatæ columen, ac fastigium. Quo enim nomine amplissimum hunc confessum appellare ius, fasque est? Curiam Quirinalem in qua non Græca adulatione, iure quis vos Reges appellaret, nisi paternæ venerationis affectus magis placuisset. Atticum Arcopagum, cuius maiestas superis cordi sit; Themidis sacrarium in quo salutaria Urbis huius pignora seruantur. Sapientiæ templum, vnde responsa, certaue iuris Oracula certatim petuntur. In quo flos populi illibatus, Veneto Cœlo sæpe nectaris vicem præstitit: Reipublicæque post homines natos maximæ negotijs immixtus, nihil non posse Cœnomanorum ingenium ostendit, vbi ad inclitam nobilitatem studiorum cultus accessit.

Ita non ex equestri censu, ac quatuordecim in hunc Senatum alleguntur, sed illis modo amplissimus ordo patet, quos sua maiorumque virtus ad æthera euexit. Præcipuum iuventuti incitamentum, ne quis alienis meritis, alienæque famæ incumbat, hucque nihil præter fumosas imagines afferat. Quare & arduum est quod labore quæritur, & dulce postquam vigilijs partum est. Hoc enim vos populo secernit, ac veluti Dīs superis miscet, reliquorum cervicibus superuectos. Vobis fortunas suas mortales commendant, vestrum patrocinium asciscunt, in vestra esse clientela glorientur, vestros etiam nutus tantum non adorant. Neque iniquum est vos idem virtutis experimentum ab alijs exigere, per quod in hoc fastigio stetistis. Et quod olim Troicis fati seruatus Heros canebat, identidem nobis indicatis, Discendam à vobis virtutem, verosque labores, fortunam ex alijs, sed ex vobis hanc quoque, cuius egregij fabri semper fuistis, nihilque illius impotentiae in res vestras permisistis.

Qua ergo fronte vos parentes appellare possunt, qui ignavia degenerarunt, & somno graues oculos ad vestrum splendorem

dorem attollere non possunt? Quorum mollis socordia seu-
ritatis vestrae rigore conficitur, in quo solo parentum indul-
gentiam exuistis, ut liberos vobis dignos redderetis. Clau-
stra hæc sunt inexorabilia, non prece, non pretio pandun-
tur, sola virtus penetrat, eo præstantior, quod minime vul-
gatur, nec plebeio contactu polluta sordescit.

Id à vobis sapientissime institutum esse nemo est qui possit
ignorare. Nisi enim crescentem ambitus licentiam coercuis-
setis, submota inertis nobilitate, in angusto hoc confessu vi-
dere licuisset maiorum effigies, fastorum paginas, ac memo-
res titulos, & quidquid externi decoris vetustas posteris
transmittit, sed nihil fere præterea, cuncta aliena, privatae
laudis ac domesticorum exemplorum exiguum quid. Fa-
milie quidem splendorem, sanguinisque prærogatiuam re-
quiritis, plebemque sordidam, ac seruile vulgus longè ar-
cetis, ne responsa consulentibus reddat, qui adhuc flagra ac
compedes perhorrescit, ne ius pretio distrahat, cui omnia
mercede constant, ne bona Themidis negotietur, qui sordi-
do lucro vitam tolerat, ne denique ceteris imperet, quem
illiberali artificio sors aut natuta mancipauit. Recte ac sapien-
ter fecistis. Non enim ita vulgi fecem reiecit, ut solam san-
guinis generositatem recipiatis, quasi vna familie claritudo
aditum in hunc locum præstruat. Quid enim per fidem vestram
quantumuis magnis maiorum meritis præfulgeat, patriæ ac
ciuibus conferre poterit, qui solam maiorum recordationem
habentem iam ac senescentem huc intulerit? Ignavus ipse &
sola vetustate tumens: nullus ingenij cultus, non artes ac di-
scipline. Feret ille inertie gurgustijs educatus splendorem
hunc, ora vestra, atque illa supercilia quibus hæc patria inni-
tatur? Quid si illi verba hoc in loco faciendâ erunt? Obmure-
scet, trepidabit, non secus ac minuta naus, magno mari de-
prehensa, vesaniante vento. Quid si ad Venerum Senatum
eius Oratione vti velit hæc patria, ubi etiam eloquentissimo-
rum mens, atque audacia frangitur, infantissimus tu autem

facundiam memorabilis, & inerudita balbutie patriam dehoneſtabis? At maiores docti & eloquentes fuerunt, hoc dedecus tuum prægrauat, cuius inſcitiam auorum ſplendor latere non patitur. Prius te quam tua mirari debemus. Da ergo aliquid, quod titulis ſubſcribere poſſimus, præter honores, quos dedimus illis, quibus tu omnia debes.

----- ſed te cenſeri laude tuorum

Pontice noluerim, ſic ut nihil ipſe futura

Laudis agas. Miſerum eſt aliena incumbere fama.

Quare mihi quoque dulces fuere labores, læta incommoda gratæ vigiliæ, quæ me illuc euexerunt, ut citra audaciam vota concipere poſſem, & ad conſeſſum veſtrum, id eſt felicitatis ſummam aſpirarem. In quo non iudices vos rigore obſeptos opto, ſed quod initio profeſſus ſum, beneficio patres. Vos prolem veſtram, quam tot experimentis non degenerè comperiſtis, nolite exponere aut abdicare, ſed ea charitate excipite, qua parentes liberorum quoque natus & balbutie capiuntur. Tunc ego enitar, ne hac publica adoptione videar indignus.

Theſea, Pirithoumque matronam Diris diripere aggreſſos vates maximus ſcriptum reliquit. Nil mortalibus arduum eſt. Non eos longa, & inextricabilis via, non demerſa terræ viſceribus umbrarum Regna, non craſſa Inferum caligo, non ignei amnes, & reſuſa ſtygis vada, non ſolido adamante vinctæ fores, non bellua centiceps, furiarum cubilia, ſontium verbera, Dirarum lampades, & quidquid vnquam metus, aut concepit, aut finxit, à tanto incepto abſteruerunt. O illis robur & æs triplex circa peſtus fuit, qui mundi conſinia, mortis limites, atque eructantia Inferum caminis incendia, non ſiccis modo oculis ſpectare, ſed ſponte ſubire potuerunt. Quid illis fortius, aut animoſius vnquam fuit, qui intrepide mortuorum ſedes ſolo nomine terribiles

viuentes adiêre, claustraque manium perfringere, infernos postes reuellere, diras excubias fallere, aut pellere, naturæ deficientis latebras rimari, toto mundo obrutam Reginam procari, Orbemque alterum concutere adorti sunt. Metus, horror, ignis tenebræ, chaos, dulcia virtuti.

Præclarum rerum humanarû documentum fabularum integumento prophanorum oculis subductum. Quid enim aliud Proserpina est quam sapientia, Cereris legiferæ superumque Regnatoris filia, sub ima telluris, intraque mundi viscera detrusa, vt eius inuestigatione miriore cultu Orbis mansuesceret, & à ferinis dapibus ad humana alimenta conuerteretur. Hinc iuncti curru Dracones, hinc erumpentibus Aetna flammis accensæ tædæ, hinc totus Orbis beneficio peragratus, & præcepto Deorum dono frugibus cõsitus, damnata glans, & discreti pecudum pastus, nusquam reperta Proserpina, matris luctus, & inferiæ viuenti factæ. Quæ omnia demonstrant quàm difficile, quamque arduum negotium sit sapientiæ inuestigatio. Eam enim sator hominum, atque Deorum, profundo rerum naturæ sinu abdidit, cœcisque latebris demersit, solumque laborem, ac contentionem philosophiæ pretium fecit. Itaque non vnus Theseus, Pirithousque, sed infiniti propemodum Proserpinam quærent, eamque tenebris addictam vocare in lucem summo opere contendunt. Inter hos ipse quoque nomen profiteor meum, & vt tantæ Dææ amplexibus fruerer nullis laboribus, nullis vigilijs vnquâ perpci. Non me longi itineris, & in accessi difficultas absteruit, non cæcæ ambages, tenebræque & perpetua nox, non cuncta caligine inuoluta submouerunt; non terribiles visu formæ retardarunt. Id vnum discrimen fuit quod illi inferos, & damnata pœnis loca, sed quicumque sapientiam sectantur, ardua quidem & difficili via, ad Cœlos tamen contendunt: illi irremeabile iter reme tiri non potuerunt, sapientiæ cultores ex Cœlo immortalia dona hominibus referunt. An hæc ego templa rite adierim hæc dies declarabit. Vos qui

eius sacris initiati estis rite fauete, nam aut me vobis sapientiae studium conciliabit, aut vos me Philosophiae commendabitis.

Hoc erat in votis, maiora priuato concipere, spem in longum porrigere, ad honorum fastigium contendere, & ut omnia vno verbo complectar, me vobis, coetuque isto amplissimo dignum reddere. Vestra humanitas omnia felicitatis argumenta consumpsit, totque laboribus, ac vigilijs magnum diem imposuit. Quo me vertam Patres? Vnde gratiarum exordium sumam? Quibus verbis Marce Marchiane laudes tuas expediam? Næ ego amens sim, si ingentia tua decora mente complecti ne dum Oratione perstringere ausim. Te Vicentia natalium iure sibi vendicat, te Patauium professione prudentiae suum esse contendit, te Aeterna Respublicae meritorum gloria complectitur, te Gymnasium delicias suas esse ait, te Musae politiores ambitiose colunt, te Iurisprudentia amplexu toto asserit. Ita quidquid dixero minus erit. A te ergo Iuris insignia expecto, à quo omnia summa, Academia, coetusque amplissimus expectat quotidie, & consequitur.

Delphicum templum initio Themidem Iustitiae Deam tenuisse fama est, cuius responsis humanum genus regeretur, legibusque atque institutis mortalium vita constaret. Mox Apollinem in eius locum successisse poetæ prodiderunt, qui occupato adyto per tripodas, & cortinam perplexa dicta, caecisque ambagibus implicitas sortes funderet. Ex illo sacrum, ac prophanum ius omne, quod in aperto omnibus patebat, Oraculis obscuratum, responsis implexum, mox & interpretum discordia, & altercantium studijs inuolutum magis, ac contortum, saepe non alio quam Delio coniectore solui-

Soluitur. Quodque fateri pudet, tam densa nocte pulsę The-
midis fata premuntur, vt responsa sua ne intellecturus qui-
dem Apollo videatur. Hęc sunt quę consultantium mentes
torquent & fatigant, in quibus explicandis quum multum
pręclara ingenia desudarint, æstuant tamen, & implicantur,
nec satis se expediunt.

Quo magis desperandum mihi rudi, atque imperito, qui-
que vix limina, laurusque Dei longè salutauerim. Nisi me tua
virtus Paule Dotte Vir pręstantissime firmaret, & in ipsa Ora-
culi sacraria induceret, sortesque expediret. Desponderem
profecto animum, & non vno Apollinis responso sollicitus
in varias partes versarem. Sed tua fretus sapientia tantum
mihi roboris sumo, vt ea responsa publice proposita non ex-
plicare modo, sed etiam tueri audeam. Tu mentem inspira

----- nec si te pectore vates

Accipiam, Cyrrhaa velim secreta mouentem

Sollicitare Deum, Bacchumque auertere Nyssa.

Laurum triumphis olim dicatam, & gratissimam domi-
bus iantricem Cęlarum Pontificumque, ingremio Io-
uis deponi solitam, quoties lætitiā nouā victoria attulif-
set, naturę interpretes tradiderunt. Atque id non quia per-
petuo vireat, nec quia pacifera sit, hoc enim nomine oleam
præferendam, sed quia spectatissima in monte Parnaso, ideo-
que etiam Apollini grata. Quod hercule indicat Lauream to-
ram esse ingeniorum, mitibus musarum studijs sacram, à pa-
catis Apollinis lucis ad Martis castra, atque horrentia signa,
& recenti adhuc cruore stillātia pila vocatam esse. Vt verum
sit quod veteres tradiderunt, honorem lauro in triumphis
habitum, quia suffimentum sit cædis hostiū & purgatio. Con-
tra, doctarum frontium Laureā peculiaris est, pacis opus, pa-
cisque artium insigne, ac solatiū, mitis, atque innoxij trium-
phi comes, omnibus ciuicis iure præferenda, quippe quę

KK 3

non

non vnum ciuem, sed humanum genus literarum beneficij
quotidie seruet.

Quæ reputanti mihi quantum sit beneficium vestrum Patres succurrit, qui mihi lauream cum triumpho decreuistis. Non ego hîc quadrigas & inuidiosam pompam, non piæ vestem, ac Iouis cultum, non spolia victis gentibus concessio latrocinio direpta, non reliquum crudelitatis, atque auaritiæ triumphum optarim, sed omnia hæc vestris suffragijs iure postposuerim. Triumphus mihi est & quidem amplissimus te auspice Cæsar Feramulca Lauream adeptum esse, in cuius domo Laurea toties depacta, tot triumphis grauida, noua subole Cæsarum siluas prouocare potest. Et iam vos non antiqua modo Scipionum, ac Cæsarum nomina, sed & facta trophæaque retulistis. Vt iam fere perpetuus domi vestræ triumphus sit, quum per ora patrum, ciuiumque subuecti inter acclamationes triumphis omnibus maiorem moderationem retinetis.

Victorem Olympiorum in totius Græciæ conuentu pronuntiari, bonorum omnium complementum, votorum summa, ac felicitatis fastigium olim habebatur. Huc tanta, & tam assidua corporis exercitatio, perpetuæ contentiones, tot annorum curæ tendebant. Vt scilicet aliquis pedum velocitate, agilitate membrorum, virium robore ceteris præstitisse renuntiaretur. Quasi vero cum omnes homines corporis firmitate, aut dexteritate superasset, non à vilissimis, ac tardissimis pecudibus vinceretur. Quanto sapientius, qui abiecta corporis cura tanquam ignobili ac sordida, animi culturæ toti incubuere, vt quanto à belluis viribus corporis vincerentur, animi donibus reliquos mortales anteirent. Ita ego huius diei lætitiâ omnibus certaminum celebritatibus merito prætulerim. Cum scilicet post nobilem disciplinarum palæstram, non in vulgi frequentia, aut populari panegyri,
sed

sed inter tot Iurisprudentiæ Oracula non eursor, pugilve, aut quinquertio, sed ignaviæ, atque inscitæ victor pronuntior. Quodque totius felicitatis complementum est, beatissima præconis voce renuntior, tua inquam Ioannes Capiuacæ, qui ipsam nobilitare Lauream potes, & quot quot à te summum hoc decus ambitiose expetunt. Tu laureti Musarum non incola modo sed dispensator es, ac nemo fere huc accedit frontem coronaturus, qui dextram tuam non circumspiciat, secumque præclare actum existimet, si à te hoc virtutis insigne quolibet diademate augustius impetrauerit. Me quoque voti compotem reddito, nouo tibi voto damnandum, quo plures votorum reos quotidie facis.

DElphicum Oraculum præsentì Numinum fide, atque inueterata tot seculorum religione augustissimum, antequam vasta templi mole, totque barbaræ opulentia donarijs staret in eam formam, quæ capiendò Deo, Regibusque ac populis consulentibus par esset: antequam fatidici tripodes, laurique & cortinæ loquaces, totque votis sollicitata penetralia, & cum sacrarijs adyta ponerentur: immo antequam ipse Apollo futurus vates antris se conderet, non aliud quam specum, terræque fata parturientis hiatum fuisse veteres prodiderunt. Cumque adhuc anceps id bonum improvidæ mortalitati futurorum anxie lateret, miro quodam modo patuisse grauiissimus auctor Pausanias scriptum reliquit. Forte prope illud antrum diuinitatis depositum Pastor caprarum agmen pascebat, ignarus quantus loco Deus incubaret. Dum illæ frondes, ac salicæ detondent in pabulum vna propius ad specum accessit, illudque ingressa trepidare, subsilire, motusque inconditos edere cepit. Ea res pastorem aduertit, qui propere accurrens visurus, quæ causa pecudem agigaret in motum, scrutari specum instituit, nec mora & ipse siue Numines, siue telluris spiritu instinctus, ro-

tare caput, torquere corpus, mox & vaticinia fundere cæpit. Non absurde, aut immodeste Auditores optimifacurus videor, si casus meos, huiusque diei fortunam hoc miraculo comparauero, cum Capræ Iouis altricis insigne genti nostræ placuisse videam. Nam si hoc Astreæ sacrarium cum Delphico Oraculo contendero, fortasse iniuriam maiestati eius fecisse videbor. Illic per ambages, cœcasque sortes, atque implexas non vno responso, deliberantes Apollo ludebat; Ex his adytis ipsius Themidis ac Veritatis certa fixaque responsa consulenti orbi redduntur. Illic Pythia vāsano spiritu vrente præcordia, oris rabie, toruo lumine, comarum laniatu, totoque habitu furiali non esse Deum, qui pectus anhelum premeret indicabat. Hic sexus nobilior placido ore sedatam Numinis maiestatem explicat, sine strepitu Inferniq; terroris scena. Oracula illa Christi seruatoris aduentu imposito silentio obmutuere; Hæc præsentis ipsius Numine reguntur, certisque diuinitatis effatis inspirantur.

Sit ergo hoc oraculum sed sacrosanctum, sed diuina fide, sed certo, atque irrefragabili instinctu venerandum. Suus tamen sacer horror loco inest, nec metus expers veneratio. Qui prope accesserit, pedemue intulerit obfirmato licet animo sit, pectoreque intrepido, exhorrescat necesse est, totisque artubus contremiscat. Intranti non vultus non color vnus. Expertus id ego hodie sum Patres Amplissimi, ac gentilitio Capræ insigni veteris illius capellæ fabulam veram reddidi. Vix enim verenda hæc limina libani, vix tot Iustitiæ Sacerdotum os venerabile pauido lumine aspexi; cum mihi soluta frigore membra, nec mens, nec animus constitit, sed attonito similis etiam corporis motu deprehenso animi signa dedissem, nisi placidus fulgor, qui ex serena fronte vestra renidet torpente subleuasset. Da mihi hanc veniam Cæsar Feramusca Vir Nobilissime, vt te Pastorem appellem, nam & Reges suos Homerus vates hoc titulo decorauit. Tu me de grege non egregium quidem, & eximium, sed semper
amoena

am cœna ingenij tui florentissimi vitæta secutum, sed Hyblæū eloquentiæ tuę succum depastum, pauitantiem, ac trepidum in hæc Prudentiæ templum induxisti. Tu quidem Deo plenus, certa que, Oraçuli huius fides, etiam sacrorum pastor, lituo, atque apice dignus siue Iuris oracula reddis, siue facundia tonas semper venerabilis ipsaque moderatione insignior.

Sed quid? Et ipse fatidicum antrum ingressus sum, tuoque beneficio diuinationis potens, tuo, vel loci Numine affatus pauca vaticinabor, quibus olim fidem factururus es. Erit mox tempus cum te patruo parem non Vicetia modo, sed Europa mirabitur, nec ista solum adyta quatiens, sed Veneris oraculis misceberis, quorum Interpretes diu idem patruus fuit. Et siue patruī cœlibatus, castarumque Pieridum consortium integro placuerit, Vaticanis rosetis decus additurus es, siue hoc meritis de te maioribus posteros es daturus in ipsa libertatis sede Iuris fata loquentem exteræ quoque gentes conuenient: nec me, aut affectus, aut Apollo deludit. Hæc publica expectatio, hoc Oraculum est.

OMnes homines qui sese in hunc augustum cœtum adscribi adlaborant, quem qui Astrææ templum dixerunt, Iustitiæ sacrarium, Delphicam cortinam, Phœbæum tripodem, musarum delubrum, Pieridum chorum, Nemesis adita, duo dolia quævis Iuppiter præmium, & penam mortalibus dispensat, Iuris penetrabilia, totiusque prudentiæ Augustale, eius tamen merita inopia sermonis humani æquare nō potuerunt. Omnes inquam homines qui se huius sacris initiari postulant plurima de loco, de se pauca & modesto sensu proferunt. Alij à Deorum immortalium laudibus ordiuntur, plerique Iurisprudentiæ veras, sed cui non notas? laudes exequuntur: magna pars legem quæ sorte obuenit in Cœlū ferunt. Omnes quidem recte ac sapienter. Sed quid attinet huius loci encomia perstringere, & culpa ingenij deterere?

Quum

Quum præstet, quod de Carthaginienſibus Salluſtius ait, Si-
lere quam pauca dicere : & quidquid demum dicatur minus
vero futurum ſit. Quid autem vultum pelagus laudum Iuriſ-
prudentię exigua cymba præcidere coner, & vobis ad litus
ſedentibus, ac ſpectantibus, iratis Dijs naufragium prouo-
care? Quare in exitu ipſam fortunam adorabo, de qua ma-
gna pars mortalium conqueritur: ipſe propitiſſimus, ipſe fauen-
tem expertus ſum, vt Delię Clarięque ſortes non olim ma-
gis beneficię, ac ſalutares mortalibus adfulſerint. Nam cum
variante ſortes vrna, alijs Leges implexę partim obſcurita-
tes, partim ipſa breuitate, & diſcordibus ſapientum ſenten-
tijs obuenant, ea mihi hodie contigit quam ne ſperare qui-
dem auſus eſſem. Vos ſi quid recti audieritis, id omne fortu-
nę, ſecus dicta tenuitati meę imputate, atque humanitate
veſtra fortunę beneficium ſouete.

Mortalium Nomina arbitrantibus fati imponi, eaque
naturę ac genij occulta quadam vi, proſperę, vel
aduerſę fortunę præſagia eſſe, vetus opinio eſt, ab heroicis
uſque ducta temporibus, nobili Academicorum diſputatio-
ne comprobata. Namque Socrates in Cratylo, Regem re-
gum Agamennonem ita appellatum cęſet, quod diu in Ili-
ca expeditione manſurus eſſet: Adraſtum, quod re infecta
Thebis rediturus: Priamum, quod puer auro venalis pepen-
diſſet: ſic Atreum, ſic Tantalum, ac Pelopem diri exempla
fati infauſto nomini retuliſſe. Sic Proteſilaum, quod primę
Troię victima caſurus eſſet: Theſei natum ab equis laceran-
dum, Hippoliti fatale nomen impleſſe tradit Auſonius.

Nam diuinare eſt nomen componere quod ſit

Fortuna, morum, indiciumque necis.

Idmona quod vatem, medicum quod lapida dicunt

Diſcordes artes, nomina praueniunt.

Eadem ratione Athenienſes de nobili illa in Siciliam ex-
pedi-

peditione ex Nicię Nicostrati filii Imperatoris nomine optimam spem conceperunt. Nec dispari consilio princeps terrarum populus, in delectu, & censu, ac sacrorum pompa fausta nomina prætulit, ut primi citarentur, Victores, Statilij, Valerij, atque id genus auspicatissima vocabula. Sic demum Augusto ad Actium, dimicaturus forte oblatus Eutyches agas, cum Nicone asello victorię pulcherrimum auspiciū fuit.

Etiā postquam Christiana religio Orbem veritati aſſe-
ruit a diuis, atque heroibus nomina infantibus indi-
lustrico die sanxit: non quidem fortunę prosperioris blandimento,
quam rebus humanis exulare iussit: sed renouandę maiorum
memorię, priscęque emulatu virtutis, & quadam superum
reuerentia.

Mihi quidē Ascanio parentes prænomen dixēre. Accessit
gentis vetustę nomen, ex qua cum Dauli olim dicerentur,
Docti cognomen sortiti sunt. Credo quia tunc plures do-
ctrinę sacra scēarentur, quam tempestate hac, qua multi
Docti nascuntur, pauci fiunt. Quisquis ille fuit, qui magnū,
ac memorabile nomen primus in familiam intulit: sicuti ti-
tulos omnes, aut equauit, aut obruit: ita ingens incitamen-
tum emulandi decoris posteris reliquit, ac veluti legem sta-
tuit, ne vnquam ab ea appellatione degenerarent.

In hac .n. Vrbe, quę Musarū, tēplū virtutis domicilium, li-
terarum hospitium, scientiarum emporium, atque omnis of-
ficina doctrinę semper fuit: quę sapientię insignibus foeta,
literariis triumphis grauida, humani generis magistra habe-
tur: & ut olim Ceres, cuncta terrarum spatia, optimarum ar-
tium fruge conserit: in qua totius Orbis ingenia excuduntur:
nouaque quotidie laurearum filia subolescit, ut facilius sit
doctorem, quam hominem inuenire. In hoc inquam litera-
torum populo, non vnū aliquem, sed gentem in plures fa-
milias dispersam, Docti cognomentum, veluti literarum
spolium mansuro elogio reportasse: sicut insignis ac pene

fin.

singularis prerogativa est : ita degenerem nepotem arguit, atque ignominie nota perfundit, si quando inscitie sortibus autum splendorem commaculet. Illi quippe exprobrat, intrare eum in alienum triumphum, quociens doctum limen subit, & veteri cincta atria cera inuisit, simul ex alto ruborem excutit, quoties animorum ingentiū imagines ignavus, & inglorius heres contemplatur.

Hæc cogitanti mihi, ex ipsius doctrine stirpe generato, atque identidem reputanti, tanquam in vnam arborem plura genera, sic in nostram domum multorum insitam, atque illuminatam sapientiam, ingens stimulatio fuit, ne gentis nomen mentirer, ne familie titulos eluderem, falseque appellationis reus peragerer. Hoc est ne omnis doctrine expertus ita Doctus deridiculo vocarer, sicut

*Canibus pigris, scabieque vetusta
Lanibus, & sicca lambentibus ora lucerna
Nomen erit pardus, tigris, leo, siquid adhuc est
Quod fremit in terris violentius.*

Hæc me cura sub pectore fixa dies noctesque versauit, hæc veluti Miltiadis trophæa excitarunt, in hoc omnes ingenii nervos intendi, ne capite minutus maiorum albo eraderer.

Nunc quas grates, gratiasque vobis referam P. Amplissimi, qui me voti compotem hodierna die fecistis? nec tam nomen mutastis, quam noua dignatione maclastis, ac veluti manumisso, & in censum literarium recepto, tria nomina esse iussistis, ut qui Ascanius Doctus, etiam Doctor appellarer. Accedit vnicum felicitatis specimen, à viro doctissimo, doctrine mihi titulum deferri. A te inquam, Claudii Berigarde, qui sicut summus sapientie Antistes, nominis tui gloria Orbem repleuisti, ita non hominis hodie, sed virtutis nomen habebis. Ad doctrine famam comparandam satis est, ex conubernio tuo profectum esse. Ego ut hoc incomparabile beneficium, neque ingratum habeā, neque irritum, posthac summa ope contendam, ut doctus potius, quam doctor indiger

getem, & si Ascanius esse non potero, Brutus ero.

Diram, atque inhumanam Pisæi certaminis legem fuisse accepimus. Nam cum Oenomaos, in fatis esse responsum fuisset, ut à genero interficeretur, Hippodamiam filiam forma præcellentem, multis petentibus procis ea conditione se traditurum pollicitus est, ut secum curuli certamine contenderent, victor nuptiis potiretur, victus autem morte inauspicati amoris penas persolveret.

Ita non paucis interfectis, nemo erat, qui infasti certaminis aleam subiturus non animo consternaretur, & imminentis exitii horrore peresus vehementissime commoueretur. Cum præcipuè interfectorum recisa colla, oraque valuis antefixa, manantia tabo, ac tetro sanguine rorantia conspiceret.

Dii melius quod seculo nostro tam dira immanitas exulat, nec sædo spectaculo oculi violantur, nec vitæ pretio victoria constat. Ceterum totum hoc negotium sero reputantibus, non Hippodamiam, sed Virginem Astræam procantibus durior conditio proposita videtur, ac maiore animi consternatione in certamen descenditur: quanto grauius est ingenuo homini decore, atque existimatione, quam vita spoliari. Certantibus illic, momento temporis, aut cita mors aderat, aut victoria læta. Hic ignavi agitadores æterna ignominia notati, vitam morte duriores exigunt, omnibusque despecti, ac ludibrio traducti oderunt lucem, & mortuis invident.

Et nos ergo P. P. in curriculi limine dubium certaminis euentum expauimus, toto corpore exhorruimus, ac misera trepidatione concussi penè animum despondimus. Sola vestra incomparabilis humanitas, marcentes animos erexit, & ab vltima desperatione reuocauit. Itaque quantum vobis debeamus, magis vos intelligere potestis, quam nos verbis
cx-

exponere. Vt rem paucis absoluam vobis vitam, ego & collega, debemus, vobis decus, & famam, quæ bonis omnibus vita potior est. Te præcipuè Vir præstantissime præsidem, atque Agonothetam perpetuo venerabimur, cuius singulari humanitate, gratia, atque auctoritate freti, hoc periculosæ plenum opus alæ constanti animo subiuius, ac tua signa secuti votorum compotes facti sumus. Et sicut tu nobilissime præco in Astreæ curriculo victores pronuncias, ita nos gratissimo animo, tua tibi redditum imus, idest trophæa quæ à te accepimus, in humanitatis tuæ sacrario perpetuo mansura, defigimus.

Medicinam quæ Deorum inuentum est, mutam artem & ingloriam, male sani poetæ appellare ausi sunt: in Apollinem communem parentem ingrati, a quo illi verba tantum, dulcesque nectas, & rerum inopes nugas discere maluerunt. Sed si Deus est mortali, iuuare mortalem, & hæc vna est ad æternitatem via, nihil in rebus humanis diuinius censendum est, quam cum superis paria facere, & aduersus mortis imperium strenue pugnare. Scilicet laudanda facere quam loqui præstantius esse medici iudicarunt; plusque illi saluari silentio præstant hominibus, quam qui dicendi artem profitentur.

Nam si Græci cothurni princeps recte pronunciauit, non esse sapientis medici incantationes recitare in morbo, qui habet opus sectione: cum mihi domi facultas suppeteret, ingenium quam linguam excolere malui, & bene facere mortalibus, quam benedicere, sapientiæ summam existimaui. Quis enim non malit ab aliis laudari, quam aliorum præconia venditare? sine virtute argutum ciuem mihi habeam pro præfica, quæ alios collaudat, seipsam non potest.

Nullus ergo mirabitur, si ingens hoc beneficium, quo me hodie Patres amplissimi affecistis, cum veluti Plutum in
Aescu-

Aesculapii Sacratium induxistis, vt mentis oculos recuperem, silentio venerabor: cum ex disciplinæ minime loquacis præscripto, tum quia quidquid dixerò, ingentibus vestris in genus humanum meritis, minus futurum sit.

De te præcipue Vir Amplissime in cuius laudes sequendas, vel ipsos vocalissimos præcones poetas verba deficiant: necesse est: quique tot linguas soluis, quot tu ipsa morte depositis, spiritum ac vitam reddidisti. Sit ergo ars nostra ingloria, dummodo illis lingua, nobis sit dextra felicio: sit muta, dummodo illi verba non defint, quibus male sanis helleborum præscribere possit.

Luiz post Augusti nuptias suburbanum reuifenti, Aquila præteruolans, gallinam albam, ramulum lauri rostro tenentem, itaut rapuerat dimisit in gremium: cumque vt Tranquillus tradit, nutriri alitè, pangique ramulum placuisset, magna pullorum soboles prouenit, tale vero lauretum, vt triumphaturi Cæsares inde laureas decerperent; fuitque mos triumphantibus, alias confestim eodem loco pangere, atque obseruatum sub cuiusque obitum, arborem, ab ipso institutam elanguisse: quemadmodum deficiente Cæsarum progenie in Nerone, silua omnis radicitus exaruit.

Magnum quidem ostentum, terris inuifè, libertati inimicę stirpis perituræ: sed longe maius est, vestrum hoc lauretum non in suburbano ignobili, sed in ipso Parnâsi vertice, musarum manu confitum, cum quotidie laureæ, doctorum capita coronaturæ decerpantur, nec deficere vnquam, & luxuriante subole, multiplici propagine, in novos fêtus reuiuiscere. Vno auulso non deficit alter, & simili frondescit virga metallo. Hic enim medica ope, veluti magica vi, laurei surculi auro flauescunt, & crepitante bractea irradiât: iisque inexorata fores laxantur, atque immitis aula pate-

scit,

scit, vnde reluctantibus fatis ab Orci limine animæ reuocantur.

Huius incomparabilis felicitatis hodie ego compos factus, quantum vobis debeam Patres intelligo, satisque est, intellexisse, nisi quis ita amens sit, vt referendæ gratiæ locum esse putet. Tacitâ ego veneratione me voto exsoluam, & te Georgi à Turre, ingeniorum huius æui Aquilam totius naturæ capacem, sublimi nisu, mortale fastigium supergressam, quæ cœlitus delapsa, immortalis fronde doctorum capita velas, summæ admirationis cultu prosequar, tuoque ductu, veluti pullus implumis æternum sapientiæ iubar, ac diuinitatis radios inconniuis oculis ferre assuescam.

ET si me tribus ab hinc annis vestra ingens humanitas in sapientiæ augusta templa induxerit, riteque initiatum, eiusdem Deæ altaribus propius adstituerit, nondum tamen votorum summam confeci, Hygiæ sacrario, ac salutis adytis exclusus. Id mihi incitamento dies noctesque fuit, ut tandem maiora mysteria capescerem, & in medicinæ penetralia admitterer.

Videbar enim mihi Homeros procos æmulari, qui cum Penelope potiri non possent, ancillarum contubernium, seruiliter sectabantur. Sapere à philosophia didiceram, sed bene mortalibus facere, eosque a morborum mortisque insidiis tutari, veluti lex annaria vetabat. Vbi ad legitimam ætatem perueni, vestro nutu generosissimo salutis arcana, quæ frustra prophani mortales videre cupiunt, accessi, ac de proximo veneratus sum. Itaque quantum vobis debeam intelligo: vt vnquam soluendo sim, ne sperare quidem audeo. Hoc vno beneficii vestri Magnitudo constat, quod sola nominis professione rependi potest. Tibi verò vir Amplissime pro factis verba referre, tantæ dignitatis iniuria foret. Nam cum innumeris sint, qui tibi spiritum, ac vitam debeant,

beant, seque tus prope diuina ope renatos fateantur, ego me hodie re natum, eodemque momento in numerum virorum relatum, tibi æternum acceptum feram.

Diuinus vir Plato cum sapientiæ arcanâ fabularum inuolucris obtegeret, narrat in Protagora, Deos immortales, antequam humanum genus conderent solos Orbem coluisse, cumque fatale generationis tempus aduenisset, Prometheo, atque Epimetheo fratribus negotium dedisse, ut singulis animantibus, prout in dias luminis oras ederentur facultates, ac vires, & ad vitæ tutelam instrumenta distribuerent. Rogauit fratrem Epimetheus, ut totam muneri eius prouinciam sibi concederet. Cuius assensu cepit animantium cuique suas dotes, ac naturæ præsidia, & munimenta partiri. Et alijs quidem corporis robur, ac firmitatem donauit, imbecillioribus velocitatem, qua aduersa effugerent, largitus est. Quibus corporis molem negauerat, eos pennis instruxit, atque in sublime sustulit, & Cælum incolendum dedit. Ut alia virium robore, alia celeritate præstarent. Hæc cornibus, inquit magnus Naturæ interpres, illa dentibus instruxit, pleraque vnguibus armavit, hæc ad statariam pugnam, illa aduelitarem instituit, & quædam viribus fidere, quædam in fuga salutem petere coegit. Vbi veluti paria æquauit, ne mutua pernicie conficerentur, excogitare cepit, quomodo ea à Cœli, & tempestatum iniuriis tuta redderet, ut sub dio sine noxa dies, noctesque degere possent. Itaque varia tegumenta tribuit, densis pilis, villisque obtexit, horrentibus setis, cortice, testis sepsit, squammas veluti cataphractis obduxit, velleribus inuoluit, durissima cute, & corii laminis loricauit, pedes vnguibus, calloque atque osseo munimento calceauit, alia aliis alimenta prospexit.

In quo quidem fatale nomen expleuit, atque in ea partitione

LI

tione

tione veluti in Theatri missilibus Epimetheus, hoc est im-
prouidus, & futuri incuriosus apparuit. Nam cum omnes
dotes, & naturæ bona in muta animantia stulte profudisset,
nihil sibi superesse vidit, quod in hominum genus exhausta
liberalitate conferret. Sero fratris amentiam Prometheus
intellexit, hominemque imperaturum ceteris animal, omni
ope destitutum, egenum, nudum, in nuda humo, sine tute-
la, sine telis, brutorum iniuriæ obnoxium, facilem cuiq; præ-
dam, ac sæuientibus feris ludibrium, & lanienam animadu-
uertit. Nec aliud illi in tanto discrimine aptius remedium
visum est, quam ut à Vulcano, & Minerua cum igne sapien-
tiam furaretur, sicque vnicum hominibus telum, ac muni-
mentum ei prouidè circumposuit. Deerat prudentia ciui-
lis. Sed illa, in arce apud Iouē horribili custodia seruabatur.
Nam alimenta quidem vitæ necessaria per sapientiam adepti,
sine tecto tamen, sine lare, sine lege, vagi, dispersi atque
inculti ferarum more degebant, iisdem feris ob imbecillita-
tem obnoxii.

Donec Iupiter humanum genus miseratus, Mercurium mi-
sit, qui pudorem ac Iustitiam, qua in vnum coalescimus, Vr-
besque frequentamus, impertiret, neque ut reliquas facul-
tates, eloquentiam, medicinam, artesque, earum tantum
studiosis, sed vniuersis Iuris sacra distribueret, legesque
conderet, quibus pudoris, & æquitatis expertes, tanquam
ciuitatis pestes plecterentur.

Si villa arx est P. A. in toto terrarum Orbe, in qua Astreæ
terris quondam fugatæ sanctum Numen seruetur: si quod
sacrarium, si quæ adyta Themidis ac penetralia, hoc pro-
fecto vestrum delubrum est, non horribili quidem sed
arcta, & seuera custodia, aduersus prophanos obseptum,
quo nemo aspirare audet, nemo eniti, nisi quos æquus
amavit Iupiter, atque ardens euexit ad æthera virtus. Vir-
tus scilicet generis, & maiorum bona facta, hoc est purus,
nullisque vitiorum, aut turpis lucri sordibus contaminatus
san-

sanguis: nōn curæ vilesq; animæ, fœdis cupiditatibus demersæ: non plebeia pectora, Urbium fex, & purgamenta. Neque tamen sola sanguinis prærogatiua admittitur, sed noua virtus auitæ gloriæ æmula, sed laudis certamen, atque immensa contentio, æquandi decoris, & si superi annunt, augendi, atque amplificandi nominis, ne alienæ tantum famæ incumbamus. Quid ego in hac honoris palæstra, in hoc virtutis stadio præstiterim, hodierna dies ostendet: si modo clementiæ vestræ, atque incomparabilis facilitatis aura, tenues conatus attollet, & subleuabit, atque ad tot annorum vota, ipsius felicitatis culmen, aditum patefaciet. Tunc ego vos, non tanquam Iustitiæ sacerdotes, ac seculi decora, sed veluti beneficos, ac salutares genios venerabor.



**OCTAVII
FERRARI**

Variarum Inscriptionum
atque Elogiorum

LIBER VNVS.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31
PART 1
1901

Amplissimis, ac Præstantissimis Senatoribus

PETRO SAGREDO
D. MARCI PROC.

IO: GRIMANO EQVITI
BERTVCCIO VALERIO
EQVITI.

Academiæ Patauinae Curatoribus.

OCTAVIVS FERRARIVS FEL.



Res Soles visos non sine ostento vetustas credidit. Cum nempe Romana libertas seruiti Orbi par, cuius vnus bonis malisque artibus concussa, Triumvirorum conspiratione in perpetuum sublata est. Quasi tres dominos terris imminētes sidus illud tum triplex portenderet, quod quia solum est, solusque siderum regnator, vnus Imperium referre videtur. Sed tam verisimile hoc prodigium prudentioribus videri debet, quam Solem eundem, Quirites interfecto Cæsare miseratum, obscura ferrugine nitorem condidisse, quod in seruilis patientiæ dedecus poetarum natio dominantibus gratificata est. Cum potius libertatis funere atratum luxisse credi par sit, qui non nisi liberis hominibus ab initio illuxit. Aetati quidem nostræ gratulari licet, hac sede libertatis terris omnibus expulsæ feliciori ostento tres Soles Rōip. ac literis affulxisse, magno ipsius libertatis blandimento, quasi vnus Imperiū ne in sole quidem perferre possit. Ipse triplici Numini vestro, quod bea-

Ll 4 to

to fulgore cæcas mentès serenat tenues ingenij foetus fo-
uendos produxi, vt eodem momento à vobis vitam, & cla-
ritudinem accipiant. Neque hîc pium, ac sincerum affectum
declarare attinet coram Numine cun&ta audiente, cun&ta
vidente. Ius mihi modo fasque sit contra tueri, tunc venera-
bundus ex cognomine elemento, non tam Deorum, Heroû-
que parente, quam verè libertatis sacrario, non vnum Solem
per temporum vices Reipub. ac literis exorientem, occasui
nunquam obnoxium precabor. Patauij in vestro Athenæo
Nonis Decembris M. DC. XLVI.



In Ara Diuæ IVSTINÆ.

Diuæ Iustinæ
 Mortales exuvias
 Arcana Urbis pignora
 Tot seculorum depositum
 Cuium pietate mille cladibus ereptum
 Monachi Cassinenses
 Regia templi mole complexi
 Veneta mansuetudine cuncta resouente
 His demum penetralibus
 Sacrarunt .

Sub imagine Dominici Molini .

Hos habuit vultus
 Dominicus Molinus
 Hoc aspectu maiestatis plenissimo
 Omnium amorem ac venerationem
 Adeptus est
 Sed animo nihil pulchrius
 Nihil augustius vnquam fuit .
 In hoc ciuilis prudentia sacrarium
 Musæ domicilium posuere
 Conuersis huc omnium gentium
 Ingeniis atque linguis
 Raro in tanta fortuna exemplo
 Facere quæ scribantur
 Scribere quæ legantur .

E L O .

ELOGIVM

*Luca Archiepiscopi Stellæ cùm Patavina Ecclesiæ
gubernaculis admotus est.*

Huc animos huc vota.
 Sidus ingens
 Patavinum Cœlum longa luce augebit
 Vt olim decidua vi populis beneficum affulsit
 Non adscriptum superis mortalem
 Sed terris commodatum Indigetem ostentat.
 Mores mutabit non Regna
 Lunæ Solisque æmulum
 Irrequieto meatu
 Ipsum præuertet Solem & maturabit diem
 Et postquam Sol decesserit
 Obluctabitur nocti & prorogabit lucem
 Mox in tenebrarum remedium
 Minorum ignium pompam explicabit
 Eximium Pulcherimum
 Donec argenteum iubar cum Sole purpurascet
 Sic cum publica lux reliqua sidera occultabit
 Eminebit
 Ac terrarum siderumque rectorem
 Vel vice referet vel proxime consequetur.
 Huc animos huc vota.

In Lauream Roberti Abbatis Papafauæ.

Robertus Papafaua
 Tot Procerum tot Heroum verus, certusque sanguis
 Cùm

Cùm ad immortalitatis Capitolium
 Apollinarem lauream triumphali toga deferret
 Viro Phœbi Musarum chorus assurrexit
 Phœbus ipse vaticinium dixit
 I bone quo te tua ac maiorum virtus vocat
 Novum tibi decus novum fastigium para
 In quod nihil fortunæ liceat
 Cui in tuas auorumque res plurimum licuit
 Sceptra, fasces, curules, radii
 Fatorum negotium sævumque ludibrium est
 Sapientiæ debes quod hæc quoque contemnere potēs
 Quam tu purpuratis atavis prætulisti
 Breui tamen fulgebit Apex, iterum Sarrana, ac dibapha
 Laureati iterum postes & Capitolina toga
 Honorum pagina fastos implebit
 Et toties inducta penatibus Trabea
 Romanum vellus fucabit
 Nec de fortuna conqueri poteris
 Quæ gentem tuam in æquum redegit
 Vt te aduersis probatum nihil fatis debentem
 Rerum culmine dignum ostenderet.

Francisco Puteo
 Venerorum disertissimo
 Facundiam libera ciuitate
 Animum Regia fortuna dignum Superi dederunt
 Vt communi libertatis & eloquentiæ Regno
 In populos seruitii expertes dominaretur
 Et dominas rerū opes honeste partas honestius profunderet
 Pari orationis ac vitæ comitate
 Innocuos sales & liberales iocos
 Edita mari Dea dilargita est

Vt

Ut his vèluti mitibus limphis salum ipsum dulcesceret
 Illis condiretur seculi fatuitas
 Patronorum eloquentissimo
 Bonarum literarum cultores
 Inter auctores eloquentiæ clypeum censent
 Et ad eius laudes sequendas
 Ipsiusmet vocem Romanis Græcique auribus dignam
 Exoptant.

Ioanni Nannio D. M. Procur.
Ioanni Pifauro D. M. Procur.
Ioanni Grimano Equit. Patavini
Gymnasii Moderatoribus.

Iane Pater Triceps
 Musarum ac temporum Moderator
 Fastorum Titulus & Honos
 Qui totum in orbem cum spectes
 Nil præter Venetos habes quod tuearis
 Apud quos terris omnibus pulsus
 Aeternum cum libertate sacrarium nactus es
 Cuius vnus initium & finis
 Te cuncta videntem latet
 Iane Pater
 Qui patens claususque pacem
 Ac pacis opera in inuidiam foves
 Aditumque diuinitatis reseras
 Hanc sapientiæ strenam placatus excipe
 Et volens fove
 Troianos rerum dominos gentemque togatam.

M. An-

M. Antonii Martinenghi Episcopi Turricellani.

Imperatorium Decus
 Martinenga in domo toties partum
 Laureamque tot triumphis repetitam
 Pacatæ excipiunt Infulæ
 Sacerque Apex ac Lituus
 Reddit Augustiora.
 Hoc gentis Capitolium est
 Hic currus ac spolia
 Milleque annorum Manubiæ.
 Eximiæ tot bellorum animæ
 Venetæ maiestatis pars ac ministerium
 M. Antonio Nepoti
 Sponte decedunt
 Fascesque Imperatorios
 Pontificali trabæ submitunt.
 Hercules
 Eoas acies Cyprique trophæa
 Io: Maria
 Triginta stipendia
 Creticique exercitus regimen.
 Io: Franciscus
 Tarrense prælium
 Ac Principale connubium
 Nestor
 Alteros triginta annos
 Et sanguinem toties patriæ impensum
 Honoris symbola conferunt
 Hoc vno gaudent hoc se circumspiciunt
 Crudis tamen votis neque ambigua spe
 Quin violæ eximium colorem induant

Et

Et cum toties aurum paludamentum
 Proprio aut hostili sanguine rubuerit
 Pontificium velamen
 Sacro murice irradiet.

Diui Andreae Corsini.

Terris commodata Cœlo recepta Andreae Corsini mens
 humanum emendat genus Diuorum numerum auget. For-
 tunæ fastum abdicat, opesque & genus, quæ prima mortales
 putant. Mox in se recedens se ipse vincit & domat, iamque
 sui maior vno minor est Deo. Pestes inde malaque fugans &
 lucem functis reddens proxime accedit ad Deum. Velatus
 infulis populis exemplum & salus præsens Diuus habetur.
 Tandem mature Deo redditus locum mutat non animum.
 Vota quotidie fiunt, beneficio stat fides. Odiu Imperium hoc
 fortunet sospitet domum diuque mortales votis alliget.

MARIA AVSTRIACA AVGVSTA. Vnico ad
 hanc diem exemplo Imperatoris filia coniux nurus & mater
 Regis soror cum è Germania in Hispaniam proficisceretur
 S. C. à Francisco Priolo D. M. Proc. Regio paratu excepta
 frequenti principum ac procerum officio has Aedes maie-
 state sua implevit sacraq; mentarum atque hospitales Deos
 miscens fortunæ principalis fulgore penates in posterum
 nobilitauit. Marina Priola ad renouandam tanti hospitij
 memoriam H. M. P.

GABRIELI EMO PRAEFECTO. Quod Bibliothecam ventis atque imbris peruiam libris seu corruptis
ipsisque parietibus vitium ducentibus sartam tectam exegerit & absterfo squalore in pristinum cultum restitutam insigni liberalitate auxerit. Octavius Ferrarius B. M. P.

*Epicedium Lucae Stella Patavini Episcopatus
initio extincti.*

Cape animos Ciuitas mœrens
Non te deserit sed Cœlo redditur
Sidus ostensum modò :
Illic æternos in Orbes collectum
Gratiore purpura rutilat
Ridetque spes & amara curarum
Illinc te placido respiciet lumine
Rebus tuis fortius excubans
At tu ne fletu Indigetem viola.
Sed thessas, ac puluinaria
Voue
Vocabitur hic quoque votis.

ELOGIVM

Marchionis Fabritij Coloredi.

Quas subis hospes ædes
Substru&ionum mole artificum ingenio omnique cultu
Cum vetegum magnificentia certaturæ

Nul-

Nullum maius ornamentum Domino suo habent

Fabritio Coloredo

Quem in Etrusca aula consenuisse mirum esset

Nisi in eadem summo fastigio proximus

Plures honores ac titulos

Quàm annos numeraret .

Flagrantissima apud tres Principes gratia

Incertum belli an pacis artibus clarior

In Hipponensi prælio victricis classis Legatus

Equitum S. Stephani & Cataphractarum duxor

Cubiculi Præfectus S. Sophiæ Demarchus

Adolescentiæ Principis Moderator

Rector Scenensis Urbis Summus Aulæ Præfectus

Raro exemplo

Sex & triginta legationibus

Apud omnes Europæ Principes perfunctus

N. N. Coloredi fratris filij

Hunc honorum Indicem familiæ fastis

Sacrarunt .

Antonj Quarengi .

Antonium Quærengum

Virum magnum si cum maximis comparetur

Ac fermè Italarum ultimum

Posteritas colet

Et ignotæ quoque gentes loquentur .

Quem inuidendum Augusti ævo poetam Principes dixere

A quo tam propè abfuit

Quam hi longè ab aureæ ætatis munificentia

Hoc Italiæ decus extremum

Urbs rerum domina

In

In humani generis ac literatorum conuentu
 Eodem loco habuit quo popularem quondam Liuium
 Quæ duo ingenia magnitudini suæ paria inuenit
 Nisi quod hic sanctiori sapientia animum imbuerat.
 Comi facundia amænisque moribus
 Rem raram ac difficilem consecutus est
 Vt in aula consenesceret
 In eius admirationem aula obuersa
 Aucta etiam apud posteros gloria
 Quod magis quæsituri sunt
 Cur honorum fastigio caruerit
 Quam quomodo habuerit.

Marini Georgij Bergomi Pratoris.

Marinum Georgium
 Solem Inuictum
 Cuius benigno fidere
 Non tam perpetuo vere recreata
 Quam rerum omnium prouentu ditata sunt
 Orobiorum Pergama
 Solem sibi tantum ostensum semper propitium
 Nec nisi aduersus fontes sagittis vsum
 Non occasui non tenebrarum vicibus obnoxium
 Minoribus quoque sideribus luce foenerata
 Præclarum eximium
 Omnia intuentem omnia exaudientem
 Peragrato orbe suo
 Maternam Delum inuisentem
 Deuincti æternum populi
 Inter Pæanas & vota prosequuntur
 Et qui orientem coluere occidentem quoque
 Venerantur.

M m

Ma-

Marini Marino Abbatis.

Marino Marino Abbati
 Cuius Inclita gens
 Deorum hominumque parenti Oceano
 Originem imputat
 Famam sideribus transcripsit
 Gentilitias vndas stemmate complexa
 Exqueis duo quæ sola sunt mortalibus existunt
 Sol & maris potens Virgo
 Ut hæc & ille
 In excolendo alumno certarent
 Hicque à sacrorum siderumque Rege
 Traditum cum infulis lituum
 In atrio libertatis sacraret.
 Tum Musæ Castalios latices
 Mutare properarunt his lymphis
 Quarum nihil præter nomen amarefcit.
 Sic ò superi
 Ex gentili Salo superbus murex rutilet
 Vnde arena Pactolo non concessura
 Puriori metallo flauescit
 Hoc magno Phœbus mercetur
 Hoc Thetis emat omnibus vndis.

Cardinalis Francisci Barberini.

Salve magnæ spes altera Romæ
 In quem capacem & suffœturum
 Romanus Atlas Orbem alternis reclinat
 Curamque terrarum æqua lege dispensat

Sal.

Salve Magni patrui
 Atque humani generis amor & deliciæ
 A cuius aspectu nemo vnquam tristis discessit
 Quem nemo tristem aspexit
 Nisi cum de mortalibus benemerendi
 Occasio sublata est
 Patere modo gentilitias Apes
 Aethereum nectar depastas
 Ad hos flores sacris areolis satos decurrere
 Vt mel non tam sugant quam adflent
 Tunc sacrario vestro ferti ac soluti appendentur
 Quando superi æque corollis atque Hecatombis
 Propitiantur
 Hæc vota trepide concipit
 N. N.

Andree Vendrameni Pratoris Patauſj.

Andree Vendrameni
 Nicolai D. Marci Proc. F.
 Sacrum ac venerabile nomen
 Venetæ maiestati par
 Titulis omnibus maius
 Extare hîc Decuriones voluerunt
 Singularis æquitatis ac mansuetudinis
 Monumentum
 Sicut ingentia in Urbem promerita
 Animis omnium
 Ad æternitatem impressa sunt.

Hieronymi Bragadeni Vtini Præsidis.

Hieronymi Bragadeni
 Sacros vultus
 Venetæ maiestatis simulachrum
 Quod intra iuventam
 Integre ac strenuè administrata prouincia
 Compresso grassatorum furore
 Rerum beato prouentu
 Cunctos ditauerit
 Decuriones Dicarunt
 Vt ad eius exemplum
 Futuri Præsides exigantur.

In Collegij Nobilium Venetorum Epheborum Institutione.

Vt regnatura suboles
 Dignum fortuna dignum maioribus
 Animorum cultum caperet
 Senatus Venetus
 Pietati ac Musis
 Heic domicilium P.

Vt Veneta Nobilitas
 Et futura Respublica
 Literarum contubernio
 Ad magnæ fortunæ cultum informaretur
 Et capaces liberæ dominationis spiritus
 Hauriret

Se-

Senatus Venetus
In his sedibus
Numerosam spem
Et ipsa libertatis vota
Pudori ac Musis
Commendauit.

Ioannis Antonij Zeno Patavij Praefecti.

Ioanni Antonio Zeno
Quod inter Imperij curas
Et magnæ Fortunæ meditata
Musas respexerit
Iuris cultores
Iuris seruantissimo P. P.

Ioannis Antonij Zeni
Constantiam & celeritatem
Igne quodam volucrum
Difficillimis temporibus
Urbi ac Reipublicæ salutarem
Philosophorum ac Medicorum cœtus
Aeternitati sacrauit.

Pauli Caotortæ Patavij Prætoris.

Paulo Caotortæ
Herculi Musægeti

Mm 3

Ar-

Artium ac disciplinarum conseruatori
 Beneficentissimo
 Facilitatis, ac clementiæ summo
 Sapientiæ atque Hygiæ sacris
 Operata pubes
 H. M.
 Corpora & animas
 Religiosissime addicit.

Decora Alta
 Henrici Lindesaij Scoti ProRectoris
 Quem magna virtus
 Ignorantiam recti & inuidiam
 Supergressa
 Principum inclinatione
 Cunctorum ordinum fauore subnixum
 Immortalitati commendauit.
 Iuris cultores P. P.

H E N R I C O L I N D E S A I O.

Pro Rectori cum paucis comparando
 Cuius industriæ ac dexteritati
 Veneta maiestas primum indulsit
 Vt Pro Rectores deinceps
 Eodem ritu quo procures & nobilia capita
 Laurea insignirentur
 Iuris studiosi P. P.

Chri-

Christiano Bruno Dano
Cui ob formam Imperio dignam
Animique dotes Regias
Præcipuè splendorem & munificentiam
Gymnasium Patauinum
Suas Fortunas commendauit
Eiusque sedula opera & prouidentia
Tristissima tempora moderate exegit.
Pro Rect. B. M.
Iustitiæ Sacerdotes.
P. P.

Christiano Bruno Dano
Pro Rectori
Principis beneuolentia
Cunctorum ordinum
Flagrantissimis studijs
Semper bene vso
Astrez cultores P. P.

Philiberto Vizzanio
Patricio Bononiensi
Qui Caroli Emanuelis Fratris magni Philosophi
Studium atque obseruantiam in Remp. æmulatus
Gymnasij regimen adeptus
Cum fratre paria fecit
Vt ille præceptis sapientiæ
Iuuentutem excoleret
Hic dextre ac liberaliter obeundo

Mm 4

Aca.

**Academiae iura atque immunitatem
Tueretur
Philosophi ac Medici
Posuerunt.**

**Carolo Benzono ProRector.
Qui Romana generositate
ProRectorum decus imminutum
Non sibi
Sed Gymnasio Afferuit,
Iuris candidati. P. P.**

ALOYSIVS CONTARENVS.

Cum Venetam Maieſtatem ad Europæ Principes Orator circumtulisset demum ad Turcarum Imperatorem Legatus ea temporum calamitate exceptus est, quæ in experimentum fidei, ac constantiæ diuinitus illata videretur. Punicis enim Piratis ab Veneta classe pulsis, & intra Vallonæ portum profligatis superbus Asiæ Regnator super insitam sæuitiam humanique sanguinis sitim recenti Babylonis expugnatione inflatus adeo ex canduit, vt Reipublicæ totique Europæ intestinis discordijs laceratæ atrox & inexplicabile bellum minitaretur. Primus irarum turbo in Legatum detonuit: Hic contra fas gentium in vincula coniectus, non carceris horrore deformata maiestate, non proximi exitij denunciatione fracto animo, inter tot Fortunæ minas metuendus magis quam metuens primo pacis condiciones Reip. parum decoras constantissime repulit: mox liberaliter ac dextre obeundo feras mentes adeo circuegit, ac flexit, vt sœdus paruo

re-

redemptum renouarit ijs legibus, quæ ne sperari quidem à barbaris potuissent: sicque horribilem tempestatem Orbi Christiano impendentem singulari sapientia ac felicitate auertit. Hoc beneficij incomparabilis monumentum Corcyrenses L. M. Posuere.

Andræ Legio Prætori
 Cuius Dijs æqua potestas
 Solis beneficijs stetit
 Maluitque mortales
 Rubore suffundi quam sanguine
 Atque illuc currere lachrimas
 Iussit
 Qua cruor iturus erat.
 Non minus Legum quam Legij
 Iuuentus studiosa
 Molliter ac liberaliter habita
 Parenti optimo & indulgentissimo
 R.

SCIPIO FERAMVSCA.

In omni vitæ actu esse quam videri bonus maluit. Itaque in altitudinem animi compositus ex sapientiæ, atque eloquentiæ studio, quo præstantissimorum gloriam æquauit nihil magis retinuit quàm modum. Consilij, mentisque vi non summis modo patriæ curis impositus, sed æternæ Reip. arcanis admotus, immixtusque, grauissimas regendorum finium controuersias non semel sustulit. Et siue in patria reos tueretur, siue eiusdem patriæ preces ad Venetum Senatum deferret, virili

virili magis & incompto quam populari dicendi genere magnos ubique clamores excitauit, & quanta vlla vnquam humana vox cum admiratione eloquentiæ auditus est. Cetera seuerus, ac simplex, frugalis idem & largitor, in commune bonus, fortunam in potestate habuit, & ex magnis opibus nil sibi præter munificentiam reseruauit. Tandem Cæsare Fratris filio ingentis animi iuvene in eandem patriæ, ac Reipublicæ produçto extremam ætatem sibi asseruit. Iamque sui maior anteaquæ vitæ veneratione non modo ciuium inuidiam effugit sed cumulationes neglectæ in tempore gloriæ fructus affectus est. Senos & sexaginta annos integer exegit.

BENEDICTVS SILVATICVS Bartholomæi F. summis in patria honoribus functus, ex legatione ad Serenissimum Principem Cornelium Equestri dignitate ornatus, in patrio Gymnasio primum Medici professoris munus vnico ad hanc diem exemplo adeptus, à Cæsare in Germaniam, per Italiam à Principibus summisque viris per quatuor & quadraginta annos euocatus, septuagenario maior paternum Suburbanum modico lare ac tecto, & angusto per obli- quos tramites accessu in commodum, laxatis veteribus nouis adiectis cubiculis, porrecta fronte surgentium pinnarum coronamento antiquum tholum cingente, in ampliorem & augustiorem hanc formam redegit & vt mollior aditus esset collis dorso clementer accliuu scalas supino ascensu, vagoque per amœna despectu suspendit. Præterea obiacentem colli planitiem directâ area explicuit & diductis hinc inde riuis placide alluentis fluminis commercio aditum aperuit ac totius ædificij prospectum nauigantibus propius admo- nit.

Immortale decus
 Danielis BlantKij Dantiscani.
 Qui Gymnasij Regimen
 Ea modestia renuit
 Vt inuito fasces delati sint
 Eo splendore atque abstinentia peregit
 Vt publicas rationes
 Ingenti ære alieno conturbatas
 Expedierit
 Et vel optimo successori
 Difficilem æmulationem reliquerit
 Phil. Medicorum & Theologorum
 Cœtus
 ProRe&ori Benefico & salutari
 L. M. P.

Nicolaus Leucius
 Villam à parente inchoatam
 Laxius ac magnificentius instruxit
 Agri limites innocenter extendit
 Documento posteris
 Augendi per honesta patrimonij.

Paterna Rura
 Aedibus Vrbanae magnificentiae
 Sine strepitu æmulis
 Excoluit
 Latifundijs extendit
 Ac priuatum pomærium
 Produxit
 Incitamento minoribus
 Vt rem per honesta meliorem faciant.

Hoc

Hoc militari aspectu, & festinatis senectutis horribus aspersa cæsarie Regiaque totius corporis dignitate præcellit Scipio Papafaua in Hierosolymitana familia omnes honorum gradus emensus, magnitudine animi atque egregijs factis seculum exornans. Hunc vix in lucem editum Princeps Melitensis ordo Christiani nominis Prætorianus suis insignibus tanquam infulis velatum adoptauit, ut cum ceteri fiant Equites hic natus sit, & fascijs baltheoque simul cinctus se ante militem meminerit quam hominem. Inde peragrata victorijs maria, prædonum cæde non semel imbutus Oceanus, piratarum sæua latrocinatio repressa, Melitensia trophæa aucta, militiae rudimenta fuere. Nec segnior in eo exornando sacer ordo fuit, atque ille benemerendo. Congesti in iuuenem honores, iuuenis summæ rerum admixtus, demandata in Veneta prouincia publicæ rei procuratio, donec absens supremam maris præfecturam adipisceretur, ut statim eius auspicijs Ottomanicus furor interioris vitæ pignoribus ac barbaricæ luxuriæ instrumentis multatus contunderetur. Tandem Messanæ Prior honorum fulgores mereri maluit quam optare, & virente ætate cum Præmia laudis ferret adhuc poterat.

In aditu Academicæ quæ in tutela Dianæ.

Triuiæ templa serena subiturus
 Inter minores ignes
 Sidus noctibus excubans
 Venerare
 Eiusque errore certo crescentis ac decrescantis
 Aeternos labores irrequieto meatu
 Quietem mortalibus ferentes
 Aemulare

Tum

Tum ipſius ſacris
 Vigiles ſenſus
 Et amica ſilentia
 Integer admoueto :

Quos vides nec ſe familiæ, nec ſeculo indecores gerunt . Cum fortuna ſæuiente ita compoſiti, vt contra ſtent, atque in veſtigio hæreant, nunquam animos ſubmittant, cum non aliud ſibi ereptum ſentiant, quam quod illa etiam largiri poteſt indignis . In cetera quibus faſtigium debetur nihil illi permiſſum, illuſtriori virtutis experimento, quanto præſtantius eſt mereri Imperium quam habere . Noua itaque ſubole penates implent, quia maiores vt poſteros haberent meruerunt ; Quorum titulis non elati neque aduerſis fracti tam modeſtè antiquæ domus ſplendorem tuentur, vt nihil emineat præter bonam mentem . Et parere bonis & imperare ex æquo glorioſum ducunt . Magno vtique ſolatio, conſtare ſibi bonam famam, quæ euerſas regnatrices domos raro conſequitur .

IACOBVS FERAMVSCA.

Animi vigore corporiſque dotibus inſignis, Patàuium excolendo ingenio proſectus manſuetiores literas tam auide arripuit, vt breui latinæ Orationis maiestate aſſurgeret, atque elegans carmen funderet: mox ſummorum virorum cōtubernio Iuris ſcientiam ſectatus, tantos progreſſus edidit, vt magnorum Iuriſconſultorum gloriam iuuenis æquaret . Inde ſuis redditus eloquentiam tuendis ciuibus exercuit : iam tum principibus patronis adnumeratus ſummum ciuem
 pa-

patriæ repræsentasset, si qua fata rumpere potuisset. Extinctus est Patauij nondum xxxi. annum excedens.

Magistri Corlominij.

Venerabilem Corlominium
 Literarum prodigium
 Fatorum liuor inchoauit non absoluit.
 Ne aut conuicium seculo deesset
 Aut solatium
 Scientijs omnibus per somnum
 Vt olim magni Heroes imbutum
 Nulli intelligunt & omnes admirantur
 Natura silentem Eleusis interpretem
 Non elephanti
 Sed cognatæ pecudis corio circum textit
 Disce lector
 Aut fatuum nasci oportere aut . . .
 Aut vtrumque.

Grande hoc infanientis sapientiæ depositum
 Simul de potestate exijt & matre
 Bellusque hic pullus
 Veluti ad gentiles & agnatos
 Ad Musas capistro ductus est
 Quarum contubernio id modo didicit
 Vt se id vnum scire quod nihil sciret
 Socratica modestia profiteretur
 Mox Syriæ Deæ ferculum
 Ac delictum

Ex

Ex aditis responsa
 Quę nec ipse intelligeret dedit.
 Donec fatalem Oraculorum defectum
 Pateretur.
 Iam sibi rudis & Musis
 Ingens documentum
 Nullum magnum ingenium
 Sine mixtura dementiæ fuisse.

Hippolito Monario
 Rerum capitalium Quæitori
 Diligentissimo, atque integerrimo
 In seверо morum magisterio
 Benevolentiam omnium adepto
 Eius Tribunalis Actores.
 P. P.

*In funere Federici Borromæi Cardinalis
 Archiepiscopi Mediolanensis.*

Federico Borromæo
 Parenti patriæ Beneficentissimo
 Qui ingentis animæ prodigus
 Consilio atque ope pestilentiam
 Repressit
 Honeſta largitione
 Esurientem plebem sustentauit
 Vrbs Mediolanum
 Orbitatis metu iſta
 Hoc malorum extremum putat

Eum

Eum sibi præreptum
Cuius virtute mala omnia tolerauerat.

Federico Borromæo
In quo omne gratiarum decus
Natura consumpserat
Cuius Regia forma mortalibus
Imperium sine satellitio fuit
Heu Ciuitas infelix
Aspectu etiam post mortem
Maiestatis plenissimo
Extremum frueri.

Sapientissimo Federico
Quod literis propè inter mortuis
Spiritus ac lucem
Reddiderit
Et inuidendam Regibus Bibliothecam
Scientiarum Sacrarium
Disciplinarum omnium Prytanæum
Exstruxerit
Collegium Ambrosianum
Parenti Indulgentissimo
Se suosque labores æternum facrat.

Federico Borromæo
Liberalium artium Reparatori
Felicitissimo
Pictura & Sculptura

Ex

Ex pestilentia naufragio erepta
 Templorum maiestatem Urbium decora
 Ipsamque æternitatem
 Seruatam gaudent.

Federico Borromæo
 Quod relabentem sacrorum morumque disciplinam
 Caste ac constanter retinuerit
 Musasque in Coloniam deduxerit
 Sacris præterea ac prophanis operibus
 Usque in miraculum excultis
 Urbem ex lateritia marmoream reliquerit
 Ciues Mœstissimi.
 L. M. Parentant.

Gaspari Seuerino Hiort nobili Dano.

Qui dum præcipua Europæ Gymnasia lustrat Nationis
 precibus ad istius regimen compulsus, ciuilis prudentiæ quâ
 vndique contraxerat tale specimen dedit, vt cum in ipso or-
 nando virtutes omnes certarent, magnificentia ceteris præ-
 fulserit. Sapientiæ candidati P.

Comiti Paulo Bennaſuti Vicentino.

Quo non præstantior alter liberæ Iuuentutis frena mo-
 derari. Cuius in tuenda Gymnasij dignitate splendorem ac
 fidem omnes experti, eloquentiam Veneti Patres admirati
 sunt, & cum multa causæ tribuerent, plurimum personæ in-
 dufferunt. Iuris studiosi P.

N n

Ale-

Alexandra Macradio Vicentino.

Quem forma Imperio digna, liberalitas priuato censu, consilii vis ætate maior ita supra ceteros. extulerunt, vt solertia, & dexteritate se ipso maior visus sit. Nam præferuida iuuenturis dissidio, tumentes animos ita circumegit, & flexit, vt ex turbida tempestate insperata tranquillitas emergeret.

Iuris cultores. P.

Nathanaeli Schrodero.

Qui reditum in patriam adornans studiis omnium, ac prensatione vltro ambitus, vt Gymnasii regimen capesseret prudentia liberalitate & candore Germanico ita se gessit, vt Imperii tempus breuissimum visum sit, & quo eius memoria maxime in longum prorogaretur Iuris studiosi optimi Prorektoris imaginem cordibus omnium impressam, cordis symbolo sacrauerunt.

Melchior Tetta Siccensis Dalmata.

Adoptione Germanus, dexteritate Italus, ita vtriusque gentis genium miscuit, vt eius cætus moderator, quem e toto Orbe delibata iuuentus constituit, dignus ex omnibus visus sit, qui adoptaretur ab omnibus, splendore ac munificentia præteritis prorektoribus tenebras obdukerit, futuris æmulandi spem abstulerit. Iuris studiosi iure posuere.

Ioanni

Summos honores intra iuventam adepto . Nam primo in Galliam mox in Britanniam extra ordinem legatus cum magnus Præconsultor atque Urbis huius Prætor post breue spatium ad Cæsarem transire iussus heic se ita gessit vt cum nihil ad gratiam ageret omnia grata essent quæ faceret tantumque desiderij e prouincia deportarit quantum reliquit exempli.

Præstantissimo merito

Hieronymi Iustiniani effigies hisce penetralibus sacrata est , quæ sicut exporrectæ frontis honore & augusta oris dignitate reliquis imagines antecellit, ita ille clementia, liberalitatis fulgore ceterorum præfectorum luminibus obstruxit. Iuris prudentiæ sectatores P.

Quis Hieronymi Iustiniani os roseum frontisque decus nulla vnquam supercilii nube obductum, nec tam triumphali trabæ intextum, quam genis irradians purpuræ lumen contemplatus sublinem animum incomparabilem munificentiam sed præcipue studiorum tutelam non inde coniiciat & salutare hoc sidus sero sibi datum citissime ereptum non ingemiscat ? Astreæ studiis addicta Iuuentus P.

Franciscus Ericius.

Per continentem cum summo Imperio Quæsitior, seuerita-
N n 2 tis

tis ac mansuetudinis temperamento mixtus Buzzacharenæ & Zacchæ gentis diffidia cruentis xv. annorum odiis decertata hoc sacrario componens Venetæ clementiæ esse docuit prohibere delicta quam punire atq; hospitales oleas Quer- cui seruatis ciuibus inseruit.

Ioanni de Caballis Prætori.

In quô extollendo virtus ac fortuna certarunt, cuius ætatem cum honoribus præcurrerent, beneficiis suis maiorem reppererunt, ille clementia æquitate splendore honores antecessit, & titulis omnibus quibus eum Iuris studiosa iuventus, ultra omnium commendationem protulit, paternæ venerationis honestamentum præoptauit.

Petro Delphino Præfecto.

Qui literas ac disciplinas fouit impensius, quia quodcumque illæ præcipiunt abunde præstitit, ac beneficiis magis quam remediis ingenia experiri, bonaq; facere maluit, quam cogere. Cui luventus cum omnia debeat sibi videtur ingrata si eum præfectum appellet quem semper patrem experta est.

Petri Delphini Præfecti decora alta Vrbis vestibulum inaugurant, cui Vrbi cum otium atque opes inuexisset nihil inde præter æternam munificentia & mansuetudinis famam reportauit, atque exemplo sanxit, beatos esse populos, qui Præsidum aduentum votis & gratulatione, discessum lachrimis prosequuntur. Societas nautarum P.

Lan-

Laurentio Delphino.

Qui omnes honorum gradus domi emensus primum Corcyrae Prouisor tum regundis finibus adhibitus a Patavina Prætura trium Insularum Præfectus & ad regendam Dalmatiam extra ordinem missus demum totius continentis cum summo Imperio Legatus pari vbique integritatis & iustitiæ fama cum summæ fortunæ magnitudinem & grauitatem retineret incredibili morum lenitate ita inuidiam effugit ut cum nihil illi ad gloriam deesse aliquid ad dignitatem ciues & socij arbitrarentur.

Dino Iuliano.

Aram maximam exoticico marmore atq; artificum ingenio Diui ipsius Urbisq; maiestate dignam Templi sacerdotes & magna Curialium pars piæ munificentiae certamine collatitia stipe à fundamentis erigendam totumq; ornamentum absoluendum locarunt. Anno MDCLXVI.

Carcerem olim foro subiectum nexiorum multitudini perangustum tenebris ac pædore non semel extremum reis indemnatis supplicium Procerum pietas in hanc laxiorem & salubriorem custodiam transtulit dato vitæ vsu quibus vita conceditur. Veneta mansuetudine ut in opus sacri pauperum ærarij reliqua verterentur annuente. Anno MDCL.

Sereni vultus duro marmore spirant cuius mitissimum pectus clementia tanquam templum insedit, cui cum vna felicitas fuerit fecisse felices, postquam Urbem annona, Gymnasium munificentia beavit, ita abscessit ut cum nullius vnquam spem frustratus sit sui desiderium explere non potuerit. Iuris studiosi B. M. P. Anno &c.

Marci Ruzini Prætoris.

Augusta species tantæ fortunæ par commendat Imperium, magisque se mentibus omnium quam obtutibus insinuat, nec tam spectantes rapit quam moerentes solatur, cum sibi ereptum esse, cuius sublimitas & mansuetudo nec inuenit æmulum nec habitura sit exemplum. Diuinæ atque humanæ sapientiæ studiosi P. Anno &c.



EPITAPHIA

A N T O N I O L A N D O.

Petri Principis Pronepoti qui nauali aduersus **Turcas** prælio sanguinem impendit patriæ mox pacis artibus clarissimus Brixie Præfectus Patauij Prætor totiusque continentis cum summo Imperio iterum Legatus Veneti nominis maiestatem ad exteras quoque gentes porrexit Tandem Diui Marci Procurator proavi decora præter summum fastigium æquauit. Hieronymus Landus Eques Parenti posuit.

I O A N N I L A N D O.

Senatori præstantissimo qui ex magnis opibus nihil sibi præter ius largiendi indulgit, animique moderatione honorum petitione abstinuit, vt ad eos capeffendos sex fratribus suffragaretur, qui pulcherrimo familiæ totiusq; vrbs exemplo vna concorditer atque ideo feliciter longæui vixere. Hieronymus Landus Eques paterni animi patruo, cuius liberalitate auctus tum alia publica munia obiit, tum legatione in Angliam ac Prætura Patauina functus est, ingentium meritorum exiguum H. M. Posuit.

Hos habuit vultus Vitalis Landus Hieronymi F. Antonij Procur. frater, qui inoffenso gradu per omnes honores veſtus Conſiliarij munere non ſemel auctus Patauina Præſectura præcipue enituit. Demum acerbiffimis articulorum doloribus à publicis curis abductus, cum octo & ſexaginta vitæ annos expleſſet mortalitatis reliquum in eremo Camaldulenſium ad colles Euganeos humari mandauit. Hieronymus Landus Eques P. B. M. Cenotaphium poſuit.

Ia.

Ianus à Kaas Cimber Dominus in Orndrup hic situs fatis inuidiam facit, quæ formâ genere indole præcellentem magna Orbis parte ad capiendum animi cultum peragrata Patruij deprehensum primo ætatis flexu acerbo funere meruerunt.

Ioanni Dominico Salæ Medicorum præstantissimo, qui antiqua artis miracula reuocans non semel fugientes animas repressit, membrisque suis hæere compulit, & ad demerendos laude postera mortales per sex & triginta annos salutis arcana florentissimo Gymnasio evulgans, id plures docuit quod penè solus poterat, Iacobus & Franciscus Filij Parenti optimo non tam medicæ facultatis quam familiæ veteris ac probæ reparatori felicissimo. P. P.

Ioanni de Lazara
 D. Iacobi Equiti fortissimo
 Summis militiæ muneribus functo
 Totius Veneti equitatus Signifero
 Alæ cataphractorum Ductori
 Mox Astoris Baleonij
 Venetarum copiarum Imperatoris
 Legato
 Summa apud ciues auctoritate
 Florentissima apud Principes gratia
 Semper bene vso
 Ioannes de Lazara
 D. Michaelis Eques
 Comes Paludis
 Patruo Magno B. M. P.
 Decessit anno Domini MDLXXX.

Nn 5

Sic

Sic ora ferebat Franciscus Robertus quem formā, atque
indole eximium terris fata tantum ostenderunt, eodemque
funere collapsæ domus clarissimæ spem reliquam & deplo-
rata tot aorum vota intercepere, Cæsar Franchinus supre-
ma cius liberalitate auctus, quod potuit Imaginem æui ra-
paciæ impotentia inuidit.

Scipioni Scappo
Patricio Regiensi
Corporis animique dotibus cultissimō
Dum natandi rudimenta incautius ponit
Sæua & ipsis Heroibus formidata morte
Absumpto
Ludouicus parens infelicissimus
Supremos vnici nati visus explere
Patriamque glebam iniicere
Fato vetitus
Aliena in terra
Hoc monumentum
P. C.

Claudiz Nores
Genere atque opibus insigni
Parfimonia ac morum sanctitate
Rarissimi exempli matronæ
Antonius Antelmus
Bonifacij magni Venetorum Cancellarij Fil.
Coniugi dulcissimæ
Multarum magnarumque pro Veneta Rep.

Ex-

Expeditionum Comiti
 Lætorum ac tristium Sociæ
 Hac in Vrbe in qua ipse parensque ac frater
 Veneto Senatui non semel fidelem operam nauarunt
 Ingentibus extinctæ
 H. M. P.

In Templo D. Thomæ Parauij.

Sacerdotes ex familia
 D. Philippi Nerij
 Perducto ad fastigium templo
 Omnique cultu exornato
 Supremæ horæ memores
 Hoc conditorium
 Exuendæ mortalitati
 Sibi reseruauit.

D. Philippi Nerij sodales
 Ijs hominibus
 Qui in societatis ministerium adsciti
 Sedulam ac fidelem operam
 Viuentes præstiterunt
 Labore ac vita functis
 Hanc quietis sedem
 Grato animo prospexerunt.

Vt

Ut quos eadem sacra coniunxerant
 Idem tumulus capiat
 Huius Parœciæ viros
 Huc recipi Patribus placuit
 Relicto etiam exteris loco
 Si quis studio in hoc sodalitium
 Ossa ac cineres miscere voluerit.

Puellis innuptis
 Acerbo meritis funere
 Raptis ab vberis ac vitæ limine
 Infantibus
 Castis & innocentibus animulis
 Commune sepulchrum
 Humanæ imbecillitatis monumentum
 Ignotorum lachrimas exciturum
 D. Philippi sodales statuerunt.

Muliebris sexus
 Huius Parœciæ
 Naturæ diuortio
 Ab charissimorum latere abstractus
 In morte etiam pudoris retinens
 Hic à viris secubat.

Antonio Mariæ Caselatto bellicorum operum machinato-
 ri egregio : primum sub Veneto Imperio legionis Aquilife-
 ro : mox Gallicis auspicijs Tribuni militum legato : in Arlin-
 ghenſi

ghensi prælio aduersus Germanos dum inter promptissimos
dimicat immaturè extincto, Franciscus parens infelix H. M. P.
eodem duorum patruorum Flaminij apud Belgas & Venetos
Ordinum ductoris incliti, & Francisci Iuris consulti sub Fer-
rariæ Ducibus summis honoribus functi suprema comple-
xus.

ÆMILIA IVSTINIANA.

Quam Alexander parens supremæ dignitatis fastigio im-
positus, maiorum bona facta, sed magis probitas fides pudi-
citia supra sexum ~~extulerant~~ hunc locum cineribus moriens
optauit perpetuo sacro instituto Alexander Saulus coniugi
incomparabili amans amanti posuit.

Io: Georgio VVirfung
Philosophiæ ac Medicinæ Doctori
Dum publicæ salutis excubat
Immiti obitu ante diem functo
Natio Germanica P.

Bernardo Fichetto, qui cum Patauium Maximiliani armis
conflictaretur inter XVI. viros allectus est, quibus publico
decreto patriæ salus est commendata. Horum consilio Pata-
uini se suæque Cæsari dederunt. Nec multo post Venetis
armis vrbe recepta, Bernardus tanquam diuersarum partium
in obscurissimum carcerem Venetijs detrusus, per septen-
nium pœdore, & feralibus tenebris oculis captus est. Tan-
dem

dem absolutus libertati non luci redditus est. Obiit octo-
genario maior annorum plenus, & calamitatum. Io. Bap-
tista Auo. B. M. P.

*Ad commune Sepulchrum eorum, quos
pestilentia abstulit.*

Exhausta funeribus Vrbs est
Tellusque morientibus defuit.
Fæda lue peremptos ciues
Memoria lachrimis expiatione
Prosequimini
Hoc mortuis debetis quia uiuitis
Quia mox ad plures
Hinc in communem locum abituri estis.

Hominum sortem mors equat
Pestis etiam sepulchra,
Hoc monumentum extraneos sequitur
Nihil in agrum nihil in frontem iam reliquum
Vrbem sepulchrum occupat
Quibus placet exequias ire
Publicum funus est
Nulla domus expers cladis
Quisque parentem agnatum affinem luget
Sic vobis posteri lessum faciant
Philosophari hinc licet
Hoc est mortem commentari
Quotidie obuium est Epidemium.

Epi-

Epicædium Zazzerinae Francisci Putei Catellæ.

Lugete ò Veneres Cupidinesque
 Zazzerina catella dulcissima
 Delicium Domini qui seculi amor est
 Viuere desijt
 Idque dum familiam augere parat
 Vernisque catulis heriles curas oblectare
 Lucina lucem inuidit
 Ne Proserpina Cœlo canem inuideret
 At vobis sit malè tenebrę Orci
 Quę cuncta bella deuoratis
 Te quidem posset dulce solatiolum
 Heri facundia
 Quę pallentes reos Ietho vindicat
 Illinc euocare vnde negant redire quemquam
 Sed periculum est
 Si eum orantem
 Immitis aulę regnator audiat
 Ne cum catella reuulsos manes & fontium turbam
 Amittat Orco
 Interim esto salutata catella bella
 Quę nihil vnquam peccauisti
 Nisi quod es mortua
 Amata domino quantum amabitur nulla
 Vos ò
 Lugete Veneres Cupidinesque.

Horatio Farnesio.

Præstantis animi ac summę spei Principi equestrium co-
 piarum Præfecto naualis victorię ad Hellesponti fauces tro-
 phæis inclyto non auitam modo sed magnorum Ducum glo-
 riam

riam æquaturō nisi Imperatoriæ indolis florem fata ante diem rapuissent Amplissimus ordo hoc virtutis ac fidei supra ætatem admirabilis monumentum P. Anno MDCLXV.

Almerico Eſtensi Principi.

Quem prima iuventa Ludouicus XI V. Francorum Rex Max. auxiliaribus quatuor millium bellatorum copiis ad Cretense bellum transmissis cum Imperio præfecit parem & quantæcumque fortunæ capacem. Vbi post multa fortiter multa feliciter terra marique gesta præstantis Imperatoris nomen impleturum properante fato interceptum Senatus hoc supremo munere profecutus est. Anno MDCLXV.

Augustino Forcatura Equiti Hierosolymitano.

Viro ingentis animi ac naualis disciplinæ peritia nemini secundo qui ab adolescentia ad extremam ætatem quindecim maritimis expeditionibus barbarorum terror ac piratarum scopulus victricia signa toto Oceano circumtulit, sed Leucade capta atq; incensa, & difficillima Epidauri obsidione præcipue inclaruit, tum celebri illa Tenedi expugnatione, qua Thraci compedes iniectæ sunt, Melitenis classis Legatus intrepidi, & valde pugnacis laudem tulit. Omnesque militiæ Rhodiæ gradus emensus fastigio proximus, & Cisalpinæ Galliæ Prior cum tot trophæis patriam coronasset cessit vita magis suo quam Reip. christianæ tempore, ac magnificentissimo post hominum memoriam funere elatus, victurum in secula nomen extendit.

Antonius & Franciscus B. M. P.

Guliel-

Viro magno & aduersis suis claro. Nam antiquissima Comitum Veramondorum stirpe generatus, concusso per religionis dissidia Belgio, patriam ac parentes autē pietati posthabuit, atque in Italiam profectus Patauī in altitudinem sapientiæ compositus, Græcis ac Latinis literis imbutus, idem mundus & frugi, facile fauorem & dignationem nactus, est petita Venetiis patricii sanguinis vxore. Demum in hanc communem patriam concedens admiratione ingenii, ac magnæ fortunæ periculis Principibus percarus in Cardinalis Sacchetti contubernio tranquillissime consenuit.

Alexandro Marchesino Vicentino.

In Veneto foro fide atque eloquentia magnam dignationem intra iuventam adeptus, Principum patronorum gloriam facile æquaturo, si quam Iudices, tam fata flectere dicendo potuisset. Simon Ferrarius Fratri Optimo P.

Octauio Sanflorio.

Qui in primariis Venetæ ditionis Urbibus inter selectos Iudices Prætoris cohortis, pari integritatis ac sapientiæ fama ita versatus est, ut egregio clementiæ & seueritatis temperamento, cum omnibus satisfecerit, sibi numquam satisfecisse visus sit, & a publicis functionibus non locupletior, sed laudatior discesserit. Obiit annos natus LXXVIII.

Io: Petrus & Belisarius Parenti optimo P.

Lugete

Lugete canes caniculaeque
 Et quantum est catulorum molossorum
 Giubarinus
 Vestrum delictum
 Illuc abiit unde negant redire quenquam
 Illi Cithius dum aurem vellit euellit
 Altera minus audiebat
 Qui totus audiebat male
 Altero oculo luscus altero lippus
 Rostro repando
 Hirriens non latrans
 Non sagax nec odoratus
 Sed odore omnes fugans
 Pulicum nidus scabiei lasciuius
 Foci incola cinerum cubitor
 Quondam insani domini amor
 Post sapientis
 Cum Erigone iussus in Caelum descendere
 Hoc vnum habuit boni
 Quod hero placuit
 Qui populi ac Patribus placet.

Galeatio Mussato Archipresbitero.

Altitudine animi & consilii praestantia cum paucis com-
 parando, qui Canonicorum iura atque immunitatem ea fide,
 & intrepidi peccatoris constantia tutatus est, ut nec gratia vn-
 quam nec metu ab officio auocatus fuerit, aut deterritus, de-
 mum Episcopi demortui vices gerens, talem se praebuit, ut
 Ecclesiam pastore orbatam nemo senserit, & huius interitus
 magno praesidio destitutam omnes ingemiscant. Canonici-
 corum Collegium B. M. P. Anno MDCLXV.

Bon.

Bonfilii de Bonfiliis suprema maiorum cineribus condita hic iacerent, nisi eum fata extra patrium solum intercepissent. Nam Cretensi bello loricatorum Equitum ductor egregiis terra marique facinoribus clarus, nec vno insigni, ob fidem, ac strenue nauatam vbique operam a Veneta munificentia decoratus, intra annum trigessimum in Argenteria Aegæi insula militiæ laboribus fractus spiritum edidit, ibidem funeratus. Inani tumulto nomen, incitamentum posteris, sibi triste solatium inscripsere Achilles & Camillus Fratres

Anno MDCLXVI.

Patri Magistro Ludouico Maiolo.

Qui incertum sapientia an eloquentia præstantior Vrbes, ac gentes torrente oratione ita in se circumegit, ut cum ingens fama eum præcederet, maior vbique inuentus sit. Nam: viuידam facundiam vitæ grauitas atque integritas. & in negotiis expediendis conficiendisque mira dexteritas commendabat. Ita cuius dicendi vim terroremque timuerunt: eius beatum silentium mœsti venerantur. Patres Franciscani B. M. P. Anno MDCLXVIII.

F I N I S.





